

ჴიო არეგვისპირელი

ჴოსკოეეი

ზანელმწიფო გამოცეოლოზა
„საბოთა სპარტველი“
თბილისი
1981

„ესაა ჩვენი ცხოვრება!..“

(სურათი)

— აბა, თითო ტაქანი არაყი დაგვისხი, რო ერთი კარგა შეგვახუროს! — უთხრეს გლეხებმა მედუქნეს, როცა შეშის ცარიელ ურმებში საქონელი შეაბეს.

— ეხლავე მოგართმევთ! — მედუქნე შევიდა ღუქანში და გლეხებიც შეჰყვნენ. მედუქნემ დახლზე გადმოაწყო ჭიქები და მერე არაყით დაავსო.

— მიირთვით, თქვენი ჭირიმეთ!.. სხვას ხომ არას მიირთმევთ? — ცოტა ხნის შემდეგ დაეკითხა მედუქნე.

— არა, ჩემო შაქრო! — უპასუხა ერთმა გლეხმა და არაყით სავსე ჭიქას ხელი წამოავლო; მერე მიუბრუნდა დანარჩენებს და უთხრა:

— დალიეთ, ნულარ ვიგვიანებთ!

სხვა გლეხებმაც აიღეს ჭიქები და მედუქნე აღღებულად, რომელმაც სამაგიეროდ უსურვა ყოველივე კეთილი.

— მაშ არ იშლით, მიდიხართ? — ჰკითხა მედუქნემ გლეხებს, როცა ჭიქები გამოსცალეს.

თითო ლუკმა გამხმარი პური, მედუქნისაგან გადმოღებულ, პირში ჩაიღეს და საცოდავად ალაგლავებდნენ.

— აღარა, შენი ჭირიმე! სხვა დრო რო იყოს, კიდევ დავრჩებოდით, — დაიწყო ერთმა გლეხმა: — საქონელსაც ბო'ელში თბილად შევიწინახავდით და ჩვენც კარგად დავიძინებდით; მაგრამ, რა ვუყოთ, ხვალინდელ დღეს არ ეღალატება. თუ ამალამ შინ არ მივედით, არ იქნება. ზოგს დანიშნულისთვის „ბუზიკა“ მიგვაქვს, ზოგს ნათლიდედისთვის კელაპტარი, „პოლშა-პოქკი“ და ზოგს კიდევ ვისთვის... თუ ხვალ აღრიანათ არ ჩავუგზავნეთ, მერე მაღლი აღარ ექნება.

ამ ლაპარაკის დროს გლებმა, უბიდან ამოიღო ცხრად ჩანსკული მჩვარი, რის ვაი-ვავლახით განათავისუფლა შიგ მომწყვდეული შაურიანი, დახლზე გადაატყაპუნა და თანაც დაუმატა:

— ენდე, შვილოსა, ეგლა დამრჩა ხუთი მანათიდან და ეგეც შენა!

— ხუთ-ხუთ მანათად გაპყიდეთ შეშა? — ჰკითხა მედუქნემ და მერე დაუმატა: — კაი მაზანდა ჰქონია!

— კაი მოგცეს ღმერთმა, რო კაი მაზანდა აქვს ახლა, მაგრამ სადაა ე ოხერი შეშა! — თითქმის ყველამ ერთად უთხრეს და თანაც დახლზედ შაურიანებს რახა-რუხი აუყენეს.

— აგაშენოთ ღმერთმა! — უთხრა მედუქნემ და შაურიანები დახლის უჯრაში მოაქცია.

— აბა, ახლა-კი წავიდეთ, თორემ დაგვიგვიანდება! — მოაგონა ერთმა გლებმა წასვლა და გარედ გავიდა.

ამას სხვებიც მიჰყვნენ და გარედან შემოსძახეს მედუქნეს:

— გამარჯვებით იყავი, შაქრო!

— გამარჯვებით მგზავრობა მოგცესთ ღმერთმა! — დახლიდან გასძახა მედუქნემ.

გლებები გაემგზავრნენ შინისაკენ და ხმამაღლივ ლაპარაკობდნენ, მომავალს ბედნიერს დღეს რანაირად გაახარებდნენ საჩუქრებით იმათ, ვისთვისაც რამ მიჰქონდათ; თანაც თავიანთს საჩუქრებს აქებდნენ და აზვიადებდნენ.

— ჩემი ბუზიკა ასეთია, რომ თავი-თავად დაუკრამს, — დაიწყო ერთმა.

— კაცო, ი მამაცხონებულმა მებუზიკემ, — განაგრძო ისევ მან: — ისე დააწიკწიკა, რო არ ვიცი როგორა! სამი მანათი რო დაეფასებინა, მიმცემი ვიყავი, მაგრამ ღმერთმა უშველოს, ორათ მომცა.

— არ გინდა, ილიკო, ისე ჩაწიკწიკება შენც იცოდე? — ჰკითხა ერთმა მეურმემ.

— ჰაი, ჰაი, რო მინდა! ღვთის წყალობა გაქვს, მაშინ მე ჩვენებურს გოგოებს გულს ავუთამაშებდი! — სიცილით უპასუხა ილიკომ.

— ბუზიკის დაკვრა-კი არა, გინდა დაირის დაკვრა ისწავ-

ლო, მაინც ჩვენებურს გოგოებს გულს ვერ აუთამაშებ. შენ ჩემო ძმაო, აგითვალწუნეს, აღარ მოგთხოვდებიან...

— ი სალავათ-დასაქცევები ქოქოლას მაყრიან ხოლმე, როცა მე თვალს ჩაუკრენხამ, კაცო, და პირს მამიჩემი სალოცავისკენ მიიბრუნებენ ხოლმე.

— შენი თვალის კრენხვას ისე ყურს არ უგდებენ, როგორც ბეხრეკი ძაღლის ღრინვასა, — გაეხუმრა ერთი მეურმე.

— აკი რო ეგრეა, შეილოსა! ი ურჯულოები რაში მწუნობენ, მე რა სხვაზე ნაკლები ბიჭი ვარ. ერთი ხუთზე მაინც არ დავაპირე დანიშენა, რო მე არ მამთხოვდნენ და სხვებს კი გაპყენენ, ლამის არის ესე დამაბერონ!

— დაბერებული თუ არ გგონია შენი თავი?! — სიცილით უთხრა ერთმა მეურმემ და სხვებმაც სიცილი ასტეხეს.

— მართლა, ილიკო, ბუზიკა ვისთვის იყიდე?

— ვისთვის ვიყიდდი, ჩემი დისთვის ვიყიდე! ეს ოხერი, კაცო, ნათლიათაც არავის მიყყევარ; ჯერ ერთი ნათლი-დედაც არა მყავს! — გულ-ნაკლულად და ღრეჯით წამოიძახა ილიკომ.

— რაკი დაგიბრიყვეს, ჩემო ილიკო, დაგიბრიყვეს, ველარას გახდები...

ასე ლაპარაკით და ხუმრობა-სიცილით კარგად დაშორდნენ სოფ. მცხეთას. ბოლოს ძილი მოერიათ და, ფარაჯებსა და ნაბდებში გახვეულებმა, ურმებში ჩაიძინეს.

— აბა, სიმნო, ხალისიანად გარეკე ე შენი კამეჩები, აგება შინ დილაზე ღამიანათ მივიდეთ, რომ მეკვლეები ჩვენ ვიყვნეთ, — დაუძახა ილიკომ წინა ურემზედ მჯდომს ცხრამეტისა თუ ოცის წლის ახალგაზრდა მეურმეს, როცა ისიც მობლუნძული ურემში მიეგდო.

— რა ხალისიანად გავრეკო, მამლი ყიულამდე შინ მივალთ.

— ნეტა არ იქნება! — წამოიძახა ილიკომ და მერე ხმა აღარ ამოუღია.

დაეძინათ მეურმეებს. დასძინებიათ აგრეთვე არაგვის გაღმა-გამოღმა თეთრად შემოსილს მთებსა და მინდვრებს; ამ მთვარიანს ღამეს, რაც იშვიათად არ არის არაგვის ხეობაზედ.

ტკბილს ძილს არა არღვიეს-რა. არა სძინავთ მხოლოდ ურემ-ში შებმულს დაჩულებულს ხარ-კამეჩებს, რომლებიც ცოხნითა და კუდის ოდნავ ქნევით ძლივს მიათრევენ ფეხებს, თეარად შემოსილს მთა-ბარს შუა გაკვირილს, შავის ზოლივით მიკლაკ-მოკლაკნილს გზა-ტყეცილზედ, არა სძინავს აგრეთვე სიმნოს, რომელიც წინა ურმის კოფოზედ მოზღუნძულა და მწარედ დაჰლულუნებს ურმულს, რაც მხოლოდ იმის „ლომას და ნიკორას“ ესმის. სიმნოს შეურყეველს და წმინდა აკანკალებულს ხმაში რა არ იხატება?!.. თითქმის მთელი იმისი, მართო იმისი არა, ყველა იმის მოძმეთა არსება, მთელი მათი წარსული, აწმყო და მომავალი ცხოვრება, — მათი სიხარული და სიმწუხარე, ავი და კარგი სულ ერთიანად იხატებოდა იმის სიმღერაში და ამ გულის სიღრმიდგან ამომჩქეფარს გლახთა ცხოვრების ვაებას ანდობს მხოლოდ თავის ერთგულ საქონელს: ლომას და ნიკორას, რომელთაც სიმღერის ყოველს მუხლსა და მუხლს შუა წასძახებს ხოლმე: — „თბფეო, ნიკორავ!“ თითქოს იმას უნდა ამითი უთხრას ნიკორასა და ლომას: — „არ დაგეძინოთ, ყური დამიგდეთ!.. ხომ ხედავთ, თქვენ მეტი ყურის მგდებელი და გულშემატკივარი არავინა გვყავს!“ — კამეჩებიც სიმნოს ყოველს ამისთანა მიმართვაზედ წაიშმუილებენ, თითქოს ეუბნებიან: — „ნუ გეშინიან, გულს ნუ გაიტეხო!“—წახალისებული, რომ ყურის მგდებლები მყავსო, სიმნო უფრო მწარედ, უფრო გრძნობით დაჰლიღინებს და მოსთქვამს ლექსებს.

ერთმანეთის გულის-პასუხებში გართულებს სიმნოსა და იმის საქონელს არ გაუგიათ, თუ როგორ მიაღწენ ნარეკვავის თავდაღმართს, საიდგანაც აღმოსავლეთით მოსჩანს საგურამოს ტყით შემოსილი მთები, დასავლეთით-კი — ტრიალი და დაცემული საწილკანო და სამუხრანო ჭალა-მინდორი. სხვა დროს მშვენიერი სანახავი, ახლა ერთგვარს მოსაწყყენს სურათს წარმოადგენდა მთებიცა და მინდვრებიც; ახლა ისინი ერთნაირად იყვნენ თოვლით გადალესილნი და სიცოცხლის ნიშანი არც ერთს არ ეტყობოდა. ამგვარი სურათი მგზავრის თვალს უწყალოდ ღლინს, ასუსტებს და ძილს აპარებს.

ამ სურათმა თავისი მოქმედება თითქოს სიმნოზედაც იქო-

ნია. აგერ იმანაც გულზედ თავი მძიმედ ჩამოაკანტურა და ღიღინში თვალეზი მილულა, შესწყდა იმისი ღიღინი. ნარეკვავის თავდაღმართში ურმებმა ლომას და ნიკორას წინამძღოლობით თავიანთ ნებაზედ ჩაიარეს, გასცდნენ ნარეკვავის დუქანსაც, რომელიც იქვე თავდაღმართის ძირშია და საიდანაც ახლა ოდნავ-ლა გამობეჭუტავდა სიხათლე...

ლომა და ნიკორა მიიზღაზნებოდნენ და თან ელოდებოდნენ თავის პატრონის გამამხნეველს ხმას, მაგრამ აგერ რამდენი ხანია, იმას აღარ დაუძახნია და სძინავს. რაკი ველარ ელისნენ პატრონის ხმის გაცემას, იმათაც მოიწყინეს და მძიმედ შედგნენ, რომ თითონაც ძილს მისცემოდნენ. მაგრამ გარემოების შეცვლაზედ სიმნომ მაშინვე გამოიღვიძა და „თბფე“ დასძახა. კამეჩებმა ხმის გაგონებაზედ კვლავ გასწიეს და ურეში მძიმედ გააგორეს. სიმნომ-კი ისევ მოხუჭა თვალეზი და მიიძინა...

ამ დროს გამოჩნდა პირდაპირ ამათკენ მომავალი ეტლი, რომელსაც წინ და უკან ორი შეიარაღებული ჩაფარი მოსდევდა. ეტლი თანდათან უახლოვდებოდა ურმებს და უფრო გარკვევით მოისმოდა ცხენების ფრუტუნის და მათის ფეხების აჩქარებული ხათქა-ხუთქი. წინამორბედმა ჩაფარმა ურმებს თვალი მოასწრო და ცხენი გამოაჩქარა. იმას მეორე ჩაფარიც წამოეწია და ორნივე საჩქაროდ ურმებთან დაიბადნენ.

— აი, ბქვე ასეთ-ისეთებო! — დასწყვილეს ჩაფრებმა და მძინარე სიმნოს და იმის კამეჩებს მათრახები დაუშინეს.

საცოდავი სიმნო დაფეთიანებული წამოვარდა და უეცრივ ურმიდან თავდაყირა გადაიარა.

— მირეკეთ იქით! მირეკეთ! — ლანძღვა-გინებით და მათრახების ყაპა-ყუბით ჩაუქროლეს ურემს.

აირივნენ ურმები და მეურმეები ერთმანეთში. ამ უეცარს ჭყვილსა და ცემაზედ დაფეთიანებული მეურმეები გონს ვერ მოსულიყვნენ და „პოი, პო“-ს ღახილით ზოგი საით გარბოდა და ზოგი საით. ასე ეგონათ, მიღეთის ჯარი თავს დაგვესხა და

ლამობენ ჩვენს ამოყლეტასაო. ურმებიც ზოგი გზიდან გადა-
ვარდა და ზოგი გზის პირის თხრილებში გაიხიდა და ისე
იდგა.

ამ არევ-დარევის დროს ურმების გვერდით გაიგრიალა კავ-
კავიდან მომავალმა ეტლმა და მეურმეებიც გამოლაგდნენ
გზაზე.

— ეტლი ყოფილა ეგ ვერანი! — წამოიძახა ილიკომ, რო-
ცა ჯაგებიდან გამოძვრა და გაიხედა იქით, საითკენაც მიქრო-
ლავდა ეტლი.

— ვეი, ის უღმერთოები, რანაირად იცემებოდნენ! —
სთქვა ერთმა ზურგის ქექით.

— ერთი ისეთი გადმომიჭირა ი ოჯახ-ჩანელულმა ზურგ-
ში, რო თვალებიდან სულ წინწყლები წამომცვივდა! — სთქვა
მეორემ.

— მე რომ დროით არ გამომღვიძებოდა და თავისათვის არ
მეშველა, მეც-კი მითავაზებდნენ, — სთქვა ყველაზედ ბოლოს
ილიკომ.

— შენ რა, შვილოსა, ყველაში ეშმაკი ხარ, უკან იმითვის
არ მოექეცი?! — უპასუხა ერთმა.

— ე გველი რო ხარ. იმითვის გწუნობენ ჩვენებური გო-
გოები, — უთხრა ახლა მეორემ.

— ნეტა არ იქნება, გველი ვიყო, რო ი ჩვენებურ გოგო-
ებს... — წამოიძახა სიცილით ილიკომ.

— აი, გამჩენმა ამოგავდოს, გამჩენმა, კაი ადამიანიშვილი
შენა ხარ! — თითქმის ყველამ ერთად უთხრეს სიცილით ილი-
კოს.

ამ ლაპარაკში იმათ თავ-თავიანთი ურმები მოაბრუნეს და
გზაზე დააყენეს. ის იყო გამგზავრებას აპირებდნენ. რომ ერთ-
მა მათგანმა გზის პირას თხრილში გახიდული ურემი დაინა-
ხა და დაიძახა:

— აი ვისი ურემი დგა „კანაოში?!“

ყველამ იქით მიიხედეს და დაიძახეს:

— ვინ გვაკლია?!

— სიმნოს ურემია, ბიჭებო! — წამოიძახა ერთმა და მეორე იკითხა: — თითონ სად-ღა წასულა?

— სიმნო! — დაიძახა ერთმა, მაგრამ პასუხი არსაიდან მოესმა.

ილიკო გადმოხტა ურმიდან და საჩქაროდ სიმნოს კამეჩებთან მიიღრინა. უეცრივ შესდგა და ფერ-მიხდილმა ძლივს დაწამოიძახა:

— ე რა უბედურება დატრიალებულა, თქვენი ჭირიმეთ!!

— რა, კაცო?! — ელდა-ნაკრავებმა ერთხმად იკითხეს და საჩქაროდ ილიკოსთან მიიღრინეს.

თქვენი მტერი გაშრეს ისე, როგორც მეურმეები გაშრნენ და პირი დააღეს, როცა კამეჩებთან ახლო გულდაღმა გაშხლართული, საფეთქელ-გახეთქილი სიმნო დაინახეს...

— ახლა ამის დედის საცოდაობას ვილა იხილავს?! — წამოიძახა ისევ ილიკომ.

— ბედნიერი დღე უბედურად არ შეეცვლება იმ საცოდაეს! — სთქვა ერთმა და თავი ნაღვლიანად ჩაჰკიდა.

მეურმეები შემოეხვივნენ სიმნოს გვამს და კარგა ხანს მწარედ დაღვრემილები და ათასნაირს შავს ფიქრში გართულები, ხმის ამოუღებლად, მუნჯად დასცქეროდნენ.

თითქო ლომამა და ნიკორამაც იგრძნეს თავიანთ პატრონის უბედურება, იმათაც მოიგრინეს კისრები და წყლით სავსე თვალები მოწყენით სიმნოს მიაპყრეს და სხვაგნით აღარსაით აღარ იხედებოდნენ; შესწყვიტეს ცოხნა და ხამუშ-ხამუშ ოხვრის მაგივრად ღრმად წამოიფშუვლებდნენ ხოლმე.

მთვარე-კი გულ-გრილად, შეუბრალებლად დასცქერის ზემოდგან და თითქოს ეუბნება: — „აი, თქვე საცოდავებო, თქვენა!.. რა ჩაგიკიდნიათ თავები და ჩამოგტირისთ ცხვირ-პირი?! მაგ ერთი მდილისათვის თქვენ მაგრე იქრუშებით და იწუხებთ თავებს... მაშ, მე რაღა უნდა ვქნა, როდესაც ჩემ

თვალ-წინ უსამართლოდ დახოცილის ხალხის სისხლის მორევები დგება, როდესაც მრავალი ერი სხვის ხელში უსამართლოდ იღუპება და ანთხევს სისხლს?!. ეეჰ, თქვე უბედურებო, თქვენა!“

ამ დროს მთვარე ნაწყვეტს ღრუბელს მოეფარა და მიხუჭათვალეები, თითქოს ამითი უნდა ანიშნოს მეურმეებს, საკმარისია წუხილიო...

— ესაა ჩვენი ცხოვრება!.. — წამოიძახა დიდის ხნის სიჩუმის შემდეგ ერთმა მეურმემ და მწარედ ჩაიქნია თავი; რამდენიმე ტყვიასავით ცხელი ცრემლი გადმოვარდა და სიმნოს გაყინულს სახეს დაეცა...

მოგონება

(ცმაწვილების ცხოვრებიდან)

კვირა დილით ძილში სტვენა შემომესმა. საჩქაროდ ლოგინიდან წამოვხტი და პერანგა გარეთ გამოვვარდი. მეც გავუსტვინე. ერთი კიდეც გამოუსტვინეს და შემდეგ სტვენა აღარ გაუმეორებიათ. მე შინ შევბრუნდი ტანისამოსის ჩასაცმელად.

მე, სოსომ, შაქრომ და გიგლამ სამწყერაოდ წასვლის პირობა შევკართ. დედა-ჩემი, როცა კი გაიგებდა, რომ მინდორში წასვლას ვაპირებ, გვერდიდან აღარ მიშორებდა და სულ იმას ცდილობდა, როგორმე შინ დავეჭირე. აი, ამისთვის, დასაძახებელ ნიშნად სტვენა გვექონდა. დედა ამას ვერ მიჭხვდებოდა ხოლმე და მეც თავისუფლად გავდიოდი სოფლის გარეთ, სადაც ჩემი ამხანაგები მიცდიდნენ.

ქალმის თასმებს ვიხვევდი, როცა დედა-ჩემი შინ შეშოვიდა. იმას ჩემი ასე არაჩვეულებრივი ადრე ადგომა გაუკვირდა და მითხრა:

— ეს როგორ მოხდა, შვილო, რომ ადრე გაგიღვიძნია?! ხომ არავინ იყო?

— ვინ უნდა ყოფილიყო, — ვუპასუხე თავჩაღუნულმა. ვატყობდი ჩემს თავს, რომ ვწითლდებოდი, და ამისათვის თავი მაღლა ვეღარ ავიღე.

— უთუოდ წასვლას აპირებ სადმე და იმიტომ აგრე გაფაციცებული იცვამ, — არ მეხსნებოდა დედა-ჩემი.

— სად უნდა ვაპირებდე? — ვუთხარი და უფრო ძალიან გავწითლდი.

პატარა ხანს სიჩუმე ჩამოვარდა. დედა-ჩემი რაღაცას ფიქრობდა. ბოლოს, მოვიდა ჩიჩთან ახლოს და მითხრა:

— შვილო, გულს ნუ მიხეთქავ!.. სხვების აყოლა შენ არ

გამოგადგება. გიგლასა და შაქროს რომ დასდევ, აბა, რას მო-
გიტანს იმათი აყოლა? იმათ დედ-მამას იმათ გარდა სხვებიცა
ჰყავთ, შენ-კი დედის ერთა მყევხარ. შენ რომ მოგივიდეს რა-
მე, ხომ მეც თავს მოგიკლავ, თავს როგორღა ვიცოცხლებ!..

მე თავჩაღუნული და ტუჩ-დაშვერილი ყურს ვუგდებდი.
მეორე ფეხზედ ნახევრად შემოხვეული თასმა ხელში ისე
დამრჩა.

— შენოდენას ეხლა მინდორში როგორ გაესვლება! გუშინ
ახსაბაძიანთ დათა კინალამ ცოფიან ძაღლს დაეგლიჯა...

დედა-ჩემმა ამ დროს თვალი მოჰკრა კატას, რომელიც სა-
წველელს მიჰპაროდა და რძეს სლაპავდა.

— აცხა, აცხა!.. აი შე. ვერანავ, შენა!.. — დაუყვირა კატას
დედაჩემმა და საწველელისკენ გაეშურა. კატა ძირს გადმოხ-
ტა და გარეთ გავარდა.

— ამ ვერანას შიშით თავ-ახდილი ველარა დამიდგამს
რა! — სთქვა, საწველელს ჯამი დაჰხურა, მერე მომიბრუნდა
და მითხრა:

— სანდრო! აქ იყავი, თვალ-ყური დაიჭირე აქაურობაზედ.
ძროხას გავაგდებ ნახირში, ეხლავე უკან დავბრუნდები და ვე-
ნახში წავიდეთ.

დედა-ჩემი რომ გარეთ გავიდა, მე ისევ ისე ვიჭეჭი. მომა-
გონდა, რომ სამწყერაოდ უნდა წავსულიყავი, მაგრამ იმის სიტ-
ყვებმა როგორღაც დამაფიქრა და დამიღონა. ცოფიანი ძაღ-
ლის ხსენებაზედ ხომ ტანში სულ ყრუანტელმა დამიარა. ერ-
თი კვირის წინათ დიდდედა-ჩემმა მიაშობო, რომ ცოფიან ძაღლს
ერთი კაცი დაეგლიჯა და ის კაცი გაცოფებულყო: „მუცელ-
ში ძაღლის ლეკვები გაუჩნდაო და სულ ერთიანად გამოაჭა-
მეს გულ-ღვიძლიო“.

ეს სიტყვები გულში ჩამეჭრა, ეხლა ცოფიანის ძაღლის
ხსენებაზედ მომაგონდა და არ ვიცოდი, შინ დავრჩენილიყავ,
თუ სამწყერაოდ წავსულიყავი. ბოლოს მაინც სამწყერაოდ
წასვლის სურვილმა დამძლია. საჩქაროდ დავიხვიე მეორე ქალ-

მის თასმა, ტახტის ქვეშ შეეძვერ და ჩემი სხალტა * გამოვიტანე.

პატარა ხანს შემდეგ, მე და ჩემი ამხანაგები ლაპარაკით ორღობეზედ მივიდოდით მინდვრისაკენ. უფრო სხალტებზედ გვექონდა ბაასი. ყველანი თავ-თავის სხალტას და ჩვენს მარჯვე სროლას ვაქებდით. გიშერა კი, წინ მიგვიხტოდა: წავიღოდა შორს ხტუნაობით და სიხარულით; კარგათ რომ დაგვეშორდებოდა, უეცრად შედგებოდა, შეჰყუფდა, მოტრიალდებოდა და ისევ ისე ხტუნაობით ჩვენკენ წამოვიდოდა. მოვიდოდა, ყველას სათითაოდ დაგვესუნავდა, მოგვეალერსებოდა და ისევ გასწევდა წინ.

მზემაც მთის წვერიდგან თავი ამოჰყო.

— ბიჭებო! — გვითხრა გიგლამ, — ასე ადრინანდ რომ მივიდივართ, შეილოსა, რას გავაკეთებთ: სანამ არ დაცხება, ხომ ვერ ვიმწყურავებთ!

— ჰოდა მინდორში რას გავაკეთებთ! — კვერი დაუკრა სოსომ.

— სანამ დაცხებოდეს, წყაროს პირას ვითამაშოთ, — გვირჩია შაქრომ.

ყველანი დავეთანხმენით და ხტუნაობით წავედით კიდეც. მაგრამ ლობის პირას მდგომმა მწიფე თუთამ შეგვაყენა.

— ერთი ამას შეხედეთ, ბიჭებო, რანაირად მწიფს, ეი! — წამოიძახა სოსომ, — მოდი ვჭამოთ.

— მართლა რანაირად მწიფს! თამაშობას, შეილოსა, ესა ვჭამოთ! — სთქვა შაქრომ.

— ყადაღა რომ არის? — ვუთხარი მე: — მეველეებმა თუ მოგვასწრეს, ძროხას დაგვიკლავენ.

ამ სიტყვებმა ყველანი შეგვაყენა და დაგვადონა. მწიფე თუთა კი, თავისკენ გვიზიდავდა. მოშორება აღარ გვინდოდა. სულმა წაგვძლია, შაქრომ აიღო ქვა და თუთას ესროლა. რამდენიმე მარცვალი ლობეს გარეთ ჩამოცვივდა. ქორებივით დავეხვიენით და საჩქაროდ ავკრიფეთ.

* სხალტა — ჯოხია, რომელსაც კვერდებზედ დამწკვრეტებულ ტოტები აქვს. ყმაწვილები ამას მწყურაობის დროს ხმარობენ. ავტორი.

— უჰ, უჰ, რა ტკბილია! — ტუჩების ცმაცუნით და სია-
შოვნებით ვიძახდით ყველანი.

— ბებიანთ თუთაც ძალიანა მწიფს, — გვითხრა გიგლამ, —
იქ წავიდეთ, მეველეები რომ მოვიდნენ კიდევ, არას გვეტყვი-
ან. ბებემ მეველებს უთხრა: „გიგლას ნუ დაუშლითო“.

გიგლას ბებიანთ ვენახი იქვე ახლოს იყო. სიხარულით გა-
დავხტით ღობეზედ და იქით გავეშურენით. გიშერაც თან მო-
გვეყვა...

II

შუადღემ მოატანა. გაცხარებულები ვმწყერაობდით. კიყი-
ნითა და სხალტების ქნევით ერთის ნამკლიდგან მეორეში გა-
დავრბოდით. თავპირზედ წურწურით ოფლი ჩამოგვდიოდა.
ჩვენ მაინც რაღაც სასიამოვნო სურვილი გვიზიდავდა და ძა-
ლას ვეძლევდა. თუმცა კარგმა ხანმა გაიარა, ვმწყერაობდით
და ყველას რამდენიმე მოკლული მწყერი, კაი მონადირეებსა-
ვით, ქამრებზედ გვექონდა ჩამოკიდული, მაგრამ არც ერთ
ჩვენგანს მაინც დასვენებაზედ ხმა არ ამოგვიღია და თითქმის
დაღლილობაც არ გვიგრძნია.

სიცხის გულზედ მწყერი ბუზივით ამოდიოდა. ხანდისხან
ცხვირ წინ აგვივლიდა. ვინც კი მოასწრებდა, მაშინვე უკან
სხალტს გააყოლებდა, და მწყერიც სხალტთან ერთად ძირს
ვარდებოდა ან ფრთამოვარდნილი, ან თავ-მოგლეჯილი, ან კი-
დევ, როცა სხალტა მარჯვედ და მაგრად მოჰხვდებოდა, ზედ
შუაზედ გაგლეჯილი.

რა სიამოვნებით გვიხტოდა გული, როცა მკვდარი მწყერი
ძირს ჩამოვარდებოდა, და რანაირი სიხარულით მივრბოდით
მწყერის ასაღებად! რა თავმომწონიდ დავანახვებდით ხოლმე
ერთმანეთს ჩვენგნით მოკლულს მწყერს!..

რაც უფრო ბევრსა ვხოცდით, მით უფრო გვიცხოველდე-
ბოდა მწყერაობის სურვილი. მით უფრო გვეხალისებოდა მწყე-
რაობა და ძალაც გვემატებოდა.

„ნახე, ნახე“!.. — ვუძახდით გიშერას, როცა მწყერი აღარ
ამოდიოდა.

გიშერაც გამალებული დაეძებდა, ხანდისხან შესდგებოდა და ერთ ადგილს დიდხანს კულის ქნევით უცქეროდა. ეს იმის ნიშანი იყო, რომ მწყურის სუნის აილო და ახლა მწყურს ეძებს. ჩვენც გარს შემოვერტყმოდით და გულის ფანცქალით ველოდით მწყურის ამოფრენას. გიშერა ხშირად უფრო გვატყუებდა და მწყურის მაგივრად თავის სოროებს ეძებდა. განგებ კი არ ჩადიოდა ამას, არა, — თითონაც სცდებოდა, რადგან მწყურის სუნსა და თავის სუნს ერთმანეთში ვერ არჩევდა.

ერთი ნამკლის თავში გიშერამ კიდევ მოგვატყუა. ჩვენ გვეგონა, მწყურს დააცქერდაო, და თავმა კი ფეხებში გაგვირბინა.

— აი, შე ოხერო, შენა! — სიცილით დავძახეთ ყველამ.

— ვა-ვა, ვა-ვა! ქვით-კირი, ქვით-კირი! — მოისმა ამ დროს ნამკლის ბოლოდგან მწყურის ძახილი.

— არიქათ, ბიჭებო, წავიღეთ იქით! დედა-მწყურის ხმაა. რანაირ მჭახედ იძახის! — გვითხრა სოსომ და გაიქცა ნამკლის ბოლოსკენ.

ჩვენც მაშინვე უკან გავყევით.

გიშერას ერთი ალიაქოთი შევეუყენეთ: „ნახე, გიშერ, ნახე!“ და „ჰაი, ჰაა, ჰაი, ჰაა“—ს ძახილს ერთმანეთს აღარ ვაცდიდით. საწყალი გიშერა ხან ერთს შემოგვხედავდა და ხან მეორეს, არ იცოდა, საით წასულიყო და ან როგორ დაეწყო ძებნა.

ბოლოს, როგორც იყო, მიაგნო მწყურის კვალსა და გაცხარებულმა დაუწყო ძებნა... აგერ, გიშერა შედგა, აილო კულის მალა, ყურები დააცქვიტა, თვლები დიდათ დააჭყვიტა და თავი წინ წაიღო! ჩვენ სულ გავინაბეთ და გარს შემოვერტყით. ჩამოვარდა სიჩუმე. გულმა აჩქარებით დაგვიწყო ფანცქალი... სუნთქვა შევაყენეთ.

გიშერამ სახე შეიკმუხნა, უეცრად გადახტა და წინა ტოტები მიწას მაგრად დაარტყა... მოგვესმა რაღაც წრიპინი. გიშერამ თავი მალა აილო და იმის პიზში დავინახეთ საცოდავად გამომცქერალი დედა-მწყური.

რანაირი სიბრაღული აღმეძრა!.. ჩემ დღეში არ დამავიწყ-
დება იმისი ცრემლ-მორეული თვალები!..

„რა გინდათ ჩემგან, რა დაგიშავეთ! რად მისპობთ სიცოცხ-
ლეს და შეილებს ობლად რად მიტოვებთ?! თუ თქვენ გინ-
დათ სიცოცხლე, მეც მინდა ვიცოცხლო!“ — თითქოს გვეუბ-
ნებოდა საბრალო მწყერი ამ საყვედურით სავსე სიტყვებს.

გიგლა მაშინვე მიჰვარდა გიშერას და მომაკვდავი მწყერი
პირიდან წაჰგლიჯა. საწყალისთვის გიშერას კბილი შიგ გულში
ჩაეყარა.

გიგლას დიდხანს ეჭირა ხელში და გაშტერებით დასცქე-
როდა. ჩვენც გარს შემოვებვიენით და გაჩუმებულები შევ-
ცქეროდით მწყერს. ყველას ნაღვლიანი სახე გვქონდა, ყველას
გულზედ ლოდვიით რაღაც დაგვაწვა.

მწყერი-კი, ძლივს-ღა სუნთქავდა. თავისს პატარა ჭრელ
თვალებს ძალას ატანდა, თვალის ქუთუთოებს რაც შეეძლო
სჭიმავდა, — ეტყობოდა, თვალთ-უბნელდებოდა და ბუნდად-
ღა ჰხედავდა.

— სანდრო, წავიდეთ ჩქარა შინ, — შემომხედა თვალ-
ცრემლიანმა გიგლამ და მითხრა: — დედა-შენს კარგი მალამო
ექნება, იქნება მორჩეს.

— „რას ამბობ, ბიჭო, ეს ეხლავ მოკვდება, — ვუპასუხე
მე.

გიგლამ ერთი კიდეე დაჰხედა მწყერს.

— აჰა, დაიჭი!.. — მომაწოდა მწყერი და ქვითინი ამოუშო.

— თავი მაინც მოკვლიჯეთ, ნუ სტანჯავთ! — ტირილით
გვეუბნებოდა გიგლა.

თავის მოგლეჯა ვერავინ გავბედეთ. მწყერმა უკანასკნე-
ლად გადაატრიალ-გადმოატრიალა თვალის კაკლები, დაგვა-
თვალაიერა ყველანი, თითქოს გვემშვიდობებოდა, და სამუდამოთ
დახუჭა თვალები.

— ეს ვერანა, ესა!.. — ტირილით ჯავრობდა გიგლა გიშე-
რაზე. — გულში რომ არ ეკბინა, არ იქნებოდა?!

გიშერამაც იგრძნო თავისი დანაშაული და საცოდავით იო-
ბუზა.

ჩვენ, ყველამ, გადავწყვიტეთ მწყრის დამარხვა, — გავთხარეთ ღრმად მიწა და მწყერი ჩავფალით, ზედაც ნიშნად დიდი ქვა დავადეთ.

დაღონებული წამოვედით შინ. გიგლამ თავისი მოკლული მწყრები ჩვენ მოგვცა.

— მე არ მინდა! — გვიპასუხა გიგლამ, — როდესაც ჩვენ ვკითხეთ: „შენ-კი არ გინდაო?“

ამ სურათმა გიგლაზედ ისე იმოქმედა, რომ მერე ჭიანჭველასაც-კი არ დაადგამდა ფეხს. „ეგეც სულდგმულიაო“, — იტყოდა ხოლმე. სახლში რომ ეხვეწნონ. ჭათამს ვერ დააკვლევინებენ, თუმცა-კი ის ახლა წვერ-ულვაშით არის შემოსილი.

ახალწლის ღამეს

(ეტიუდი)

სანთლების ანთების დროს გიგოლას სახლის ტლანქმა ფიცრის კარებმა გულის გასაგმირავი ჭრიალი მოიღო და უეცრად ერთის ვაი-ვაგლახით კედელს დაეძგერა. სახლში ავადმყოფმა გიგოლამ ამ რახუნზედ წამოიწია, უნდოდა წამომჭდარიყო, მაგრამ წელი ველარ აიტანა და ისევ ისე ბალიშზედ მიესვენა.

— დედი, დედი!.. — კარების ბრახუნთან ერთად დაიძახა ცხრა წლის ყმაწვილმა, რომელიც სინარულით შემოვარდა სახლში. ყმაწვილი ჩქარა შედგა. რაკი დედის ხმა არსაიდან მოესმა, თავი მოიფხანა და ცხვირ-პირი ჩამოუშვა; რაღაც უკმაყოფილება გამოიხატა მის სახეზედ.

— დამაცალოს იმ შავ-ქალამა!.. — წაიბუტბუტა ყმაწვილმა.

— რა იყო, ნელა ვერ გააღებ, შვილო, კარებს, რომ ეგრე არ დაარახუნო? — მიმქრალის ხმით უთხრა გიგოლამ თავისს შვილს.

— მე ვაყურებიანებ იმას!.. — კიდევ წაიბუტბუტა ყმაწვილმა.

— შავ-ქალამ რაღა დაგიშავა, რო ემუქრები?

— ისა, რომ მომატყუილა!

— ეჰ!.. რა მოგატყუილა, რატომ... სწორედ... არ მეტყვი?! — სვენებ-სვენებით ძლივს დაეკითხა გიგოლა.

— იმათ ბოსელში ბიჭები ვიყავით და ვთამაშობდით, ის ჩამოვიდა და მითხრა: „აქ რას აკეთებ, დედა-შენმა თაფლი იყიდაო!..“

— მერე ე მაგაზე ემუქრები?! ეჰ!.. — ამოიოხრა გიგოლამ და გადაბრუნდა.

— შეილო, შაქრო, კარები მიხურე, თორემ ძალიან ცივა.

შაქრო კარების მისახურად მიტრიალდა, მაგრამ ამ დროს მაგდანას ხმა შემოესმა: „აბა, თუ მოერევი, ჩემო დათა, შემოიტანე“.

— აგერ, დედა-ჩემიც მოდის!.. — წამოიძახა შაქრომ და საჩქაროდ გარედ გავარდა.

— რა კაი საახალწლო კუნძია, ეს დალოცვილი!.. ღმერთმანი, ისე დაგუგუნდება, რო... — სთქვა დათამ და თანაც რამდენჯერმე ფეხი წაჰკრა თოვლიანს კუნძს, მერე დაიღუნა, უნდოდა აეწია, მაგრამ წელი ვერ აიძარტა.

— მაიცა, შენ გენაცვალე, წელი არ იტკინო, ორივემ ავწიოთ! აჰა, დაიჭი ე ჯამი! — თაფლით სავსე ჯამი საჩქაროდ მიაჩეჩა შაქროს და დათას მიეშველა.

დათამ და მაგდანამ ასწიეს კუნძი და, ორივე წელში მოდრეკილები და თავი-თავს მიბჯენილები, სახლის კარებისკენ მიბარბაცებდნენ. შაქრო იმათ უკან მისდევდა და სიხარულით დასცქეროდა თაფლით სავსე ჯამს. გულმა აღარ მოუთმინა, ჩაჰყო თითი თაფლში და პირისაკენ გააქანა. ღიმილით გააწლაპუნა ტუჩები, ჩაილოკა თითი და ისევ გაიმეორა. ვიდრე მაგდანა და დათა სახლში შევიდოდნენ, იმან რამდენჯერმე მოასწრო თითის ჩაყოფა და გალოკვა.

— მადლობელი, ჩემო დათა! — უთხრა მაგდანამ, როცა კუნძი გაასწორეს.

— გიგოლა როგორ-ლა არის? — ჰკითხა დათამ.

— შენი მტერი და დუშმანი იყოს ისე, როგორც გიგოლაა!.. — გულამოსკენით უპასუხა მაგდანამ: — ეს სამი ღღეა წამოჯდომას ვეღარ ახერხებს. გულს ძალიან იტკიებს.

— ღმერთი მოწყალეა, კარგად გახდება! — ანუგეშა დათამ.

— დათა, შენა ხარ, ბიჭო!.. ოხ, დედავ!.. ერთხელ რატომ მაინც არ შამოხვალ, ბიჭო!.. შამოსვლაზე ხომ არ გადაგახდევინებენ?

— განა არ შამოვიდოდი, მაგრამ ეს ოხერი დრო ხელთ ვერ ჩავიგდე.

— ეეჰ!.. გული, გული!.. ბიჭო, იქნება, დედა-შენმა იცოდეს რამე, აბა, ერთი ჰკითხე, შენი ჭირიმე, თორემ, ლამის არის, მოვკვდე... რა ვიცი, იქნება, იმისი ხელი წამლად მექცეს და მოვრჩე...

— თუ-კი იცის რამე, საროდოდლა შეინახავს თავის ცოდნას? ამაღამვე ვეტყვი.

— თუ მოვრჩი, ღმერთმანი, იმის სიკეთეს გადავიხდი...

— ჰო, ჩემო დათა, არ დაგავიწყდეს, — შეეხვეწა მაგდანა: — ჩვენებიანთ ბაბაღეს დავეკითხე და იმან არაყი მასწავლა: „უთუოდ მჭვალი ედგებო და არაყი ძალიან არგებსო“. გუშინ-წინ დავალევი და უფრო უარესად გახდა. მას აქეთ ნახველს სისხლი ამოსდის, — უკანასკნელი სიტყვები მაგდანამ ყურში წასჩურჩულა დათას.

— არ დავივიწყებ, ჩემმა მზემ!.. ღამე მშვიდობისათ!

— მშვიდობა მოგცეს ღმერთმა! — გიგოლამ და მაგდანამ ერთად მიამახეს მიმავალ დათას.

— ხვალ მოდი, დათა! — უთხრა მაგდანამ, როცა ის კარებთან მივიდა.

— მოვალ, თუ გოზინაყს მაჭმევ!

— მაშ, უგოზინაყოდ როგორ იქნება!

შაქრომ ამ დროთი ისარგებლა: სანამ ესენი ლაპარაკობდნენ, ეს თაფლს შეექცეოდა. შაქრო თაფლის ჭამაში ისე იყო გართული, რომ დათას წასვლა ვერ გაიგო და, როცა მაგდანამ თვალი შეასწრო და დაუყვირა, ისე შეკრთა, რომ თითი პირში დარჩა და კინალამ ხელიდან ჯამი არ გაჰვარდა. ისე იდგა გაშტერებული, ვიდრე მაგდანამ ჯამი არ წაჰგლიჯა და კარების მისახურავად არ გაგზავნა.

— ადამიანო, — დაიძახა გიგოლამ: — ხვალისათვის არას ამზადებ?.. ბედნიერი დღეა... ან მტერი მოვა, ან მოკეთე, ყველას დახვედრა უნდა...

— ღვთის მოწყალება რაცა გვაქვს, ყველას მოვამზადებ. ქათამს ეხლა მოვხარშავ, გოზინაყსაც გავაკეთებ და სხვა რაღა მოვამზადო? პური კიდევ დღეს გამოვაცხე. — ამ ლაპარაკ-

ში მაგდანამ აანთო თუნუქის ლამპარი, რომელმაც ბუნდ სინათლესთან ერთად სახლი ცუდი სუნითა და ბოლით აავსო.

მაგდანამ გააჩაღა ცეცხლი. საახალწლო კუნძმა ტკბილად დაიწყო გუგუნე. კუნძის გვერდით ქვაბი შემოსდგა, რომელშიაც მსუქანი დედალი იდო, მოიტანა ნიგოზი და დაუწყო გარჩევა. შაქრო დედას მოუჯდა გვერდით და იმანაც რჩევა დაუწყო, თუმცა იმდენს არ არჩევდა, რამდენსაც სჭამდა.

— დედი, ხვალ ახალწელიწადია? — ჰკითხა შაქრომ: — განა დიდ ჩურჩხელებს მომცემ?.. რა კარგია ჩურჩხელა!.. ისეთი ძალიან მიყვარს ჩურჩხელა, ისეთი, ისეთი, რომ არ ვიცი, როგორს..

მაგდანა-კი რაღაცას ჰფიქრობდა და შაქროს ლაპარაკი არ ესმოდა.

— დედი, — დაიწყო შაქრომ და თან დიდი ლებანი პირისაკენ გააქანა, — ხვალ ჩვენებიანთას წავალ და ისინი კამფეტს მომცემენ.

— წადი, შვილო, ტაფა მომიტანე!

შაქრომ საჩქაროდ მოარბენინა ტაფა. მაგდანამ ჩაასხა შიგთავლი და ცეცხლზე შემოდგა, მერე ნიგოზს წვრილად დაუწყო ჭრა. შაქროც შესცქეროდა დედას ხელებში და რაღაცას ელაპარაკებოდა, რომლის სიტყვები მაგდანას სრულიად არ ესმოდა.

მაგდანა ამ დროს სხვა ფიქრებში იყო გართული. ის ფიქრობდა თავისს ავადმყოფ ქმარზე. ეს ორი ღღეა, რაც გიგოლას პირიდან სისხლი ამოსდის და აი, ეს აფიქრებს მაგდანას. „ვაი, თუ აღარ მორჩეს და...“ მალ-მალ გაუბრუნებდა ხოლმე ეს ფიქრი თავში და სულ ერთიანად შეარყევს. უნდა მოიშოროს თავიდან ეს მწარე ფიქრი, მაგრამ იმის დაუკითხავად აეშლება ხოლმე. მალ-მალ წარმოიდგენს თავის თავს ქვრივად, შაქროს კიდევ — ობლად, ყველასაგან დაბრეცვებულად, და ეს ხომ ჩაჰფუფქავს და აადუღებს. თვალიდან ნაკადულსავით გადმოჰხეთქს ხოლმე ცრემლი; ახლაც ერთი წყვილი ცრემლი გადმოვარდა მაგდანას და დაჭრილს ნიგოზში ჩავარდა, პირველს წყვილს მეორე მოსდევდა, მაგრამ მოწმენდა მოასწრო. მაგდანას არ უნდოდა თავისი ცრემლი შაქროსათვის დაენახებინა.

ბედნიერმა დღემაც ვერ მოაშორა მაგდანას ცრემლი. იმას ახლა არაფრის მომზადება არ უნდოდა, ყველაფერს უგულოდ ეკიდებოდა, — ყველა ეს სიხარულისათვის, სიამოვნებისათვის მზადდებოდა, მაგრამ იქ სიამოვნებას ადგილი არა აქვს, სადაც მწუხარება სუფევს, სადაც, შავ ყორანსავით, მწარე ფიქრები დასჩხავიან. როცა კაცის გულში ნამდვილი მწუხარებაა, მაშინ იმას ვერა ასიამოვნებს-რა...

მაგდანასაც ბედნიერის დღისათვის მზადება უფრო უცხოველებდა შავ ფიქრებს, უფრო ფრთებს ასხამდა. უეცრად წარმოუდგა გიგოლა კუბოში, თავისი თავი კიდევ — კუბოს თავით, შავებში, თმაგაწეწილი და ლოყებ დაკაწრული მჯდომი. ამას ველარ გაუძლო, დაანება ხელი დანას, საჩქაროდ პირჯვარი გადაიწერა და წამოიძახა: „ღმერთო, მაშორე! ღმერთო, შენ დამიფარე!..“

— დედი, დედი, თაფლი გადმოვია! — შესძახა ამ დროს შაქრომ და ტაფას წასწვდა.

შაქროს სიტყვებმა მაგდანა გამოათხზიზლა. საჩქაროდ გადმოიღო ცეცხლიდან ტაფა და კოვზით რამდენჯერმე აუქაფა. შემდეგ წვრილად დაჭრილი ნიგოზი ტაფაში ჩაყარა და ისევ ცეცხლზე შემოდგა. მაგდანა ისევ თავის შავს ფიქრს მიეცა. შაქრო-კი მოუთმენლად უცქეროდა ადუღებულს თაფლში არეულს ნიგოზს. მალ-მალე წაეტანებოდა ამოსაღებათ, მაგრამ მაგდანა თვალს შეასწრობდა და დაუშლიდა.

— მოიცადე, შვილო, თორემ ხელებს დაიფუფქავ.

შაქრო მაინც არ უჯერებდა თავის დედას.

მაგდანამ თავი ძირს ჩაჰკიდა. შაქრომ იფიქრა: „ახლა-კი ველარ დამინახავსო“, და თითი ტაფაში ჩაატაკა. საცოდავმა არ იცოდა, რა ექნა! დამწვარი თითი მაშინვე პირისაკენ გააქანა, ეგონა, დამიტკებოდა, მაგრამ თითზე მიკრულმა ცხელმა თაფლმა ტუჩები და ენა დაუდალა. ახლა-კი ველარ გაუძლო სიმწვავეს, შეჰყვირა და თვალებიდან ცრემლები დაპალუპით გადმოსცვივდა.

— რა მოგვივიდათ, რა ამბავია?! — კენესით იკითხა გიგოლამ.

— რა მოგვივიდა, ამასა და ამის თავს, კარგი რამ ეს არის!

წუწკი კატასავით, საცა არა მგონია, თითს წაპყოუს, — უპასუხა მაგდანამ და თანაც თითს უწმენდდა შაქროს.

შაქრო გრძნობდა, რომ დამნაშავე თითონვე იყო, და ამისათვის ჩქარა დაჩუმდა, თუმცა თითი და ტუჩი ძალიან აწუხებდა.

— მოდი ჩემთან, შვილო! — დაუძახა გიგოლამ. — რაღას მოსჯდომიხარ და არ დაიძინებ, დილაზე აღრე უნდა ადგე... ჩვენი მეკვლე შენ იქნები.

შაქროს არ ეძინებოდა, მაგრამ რას იზამდა, ხმის ამოუღებელივ წავიდა მამისაკენ და გვერდით მიუწვა. შაქრო ხანდახან ლოგინიდან გადაჰხედავდა ბუხარს და ისევ მიწვევებოდა. ბოლოს, მოეწყინა ისე შორიდან ხმის ამოუღებელივ ცქერა, მოუვიდა ძილი და ცოტა ხნის შემდეგ ტკბილად ამოუშვა ხვრინვა.

მაგდანა-კი ისევ ბუხართან იჯდა თავ-ჩაკიდული და შავს ფიქრებში გართული.

არც გიგოლა იყო დამშვიდებული. თვალეზიანებული გულად იწვა და ათასნაირი სურათი ეხატებოდა თვალწინ. გიგოლას ისე თავისი თავი არ ენანებოდა, როგორც თავისი ცოლშვილი; თავისი თავი იმდენად აგონდებოდა, რამდენადაც საჭირო იყო იმათთვის. გრძნობდა, რა მწარე დღეში ჩავარდებოდა ეს ორი ძვირფასი არსება იმის სიკვდილის შემდეგ. ქვეყანაზე არავინ ეგულებოდა, რომ ეპატრონებინა მაგდანასა და შაქროსთვის: „ყველას თავისი თავი გასჭირებია, — ფიქრობდა გიგოლა: — და აბა, ჩემს ქვრივსა და ობოლს ვინ მოუვლის!“ ამასთან ერთად სხვა აზრმაც სწრაფად გაურბინა თავში: „მაგდანა ჩქარა სხვა ქმარს იშოვის და ისე გამოიხსნის თავს გაჭირებისაგან“. გიგოლას ეს ფიქრი ტყვიასავით მოხვდა გულში, გაახილა თვალეზი და მძიმედ გადმოჰხედა მაგდანას. დაინახა მაგდანა თავ-ჩაკიდებული, ჩაფიქრებული. იმისს მშვენიერს სახეს ცეცხლის ალზედ ლაპლაპი გაჰქონდა. მაგდანა სიცოცხლით სდუღდა და გადმოდრიოდა. მწარე ფიქრებისაგან დაღვრემილი სახე უფრო გაკმშვენიერებოდა. გიგოლას თვალეზი ხომ იმისი სიმშვენიერე გაათქვცდა და ყველა ქალებში პირველი ადგილი დაიჭირა.

გიგოლას დაენანა დათმობა, გულს უკლავდა ის აზრი, რომ ჩემს სიკვდილს შემდეგ სხვა გახდება პატრონი ამ მშვენიერებისათ. „განა, — გაიფიქრა გიგოლამ, — მაგდანა სხვაზე გამცვლის?! ჩემს სიკვდილს შემდეგ სხვას დაუწყებს ხვევნას?! არა, მაგდანა ამას არ იზამს. მაგდანას ისე ვუყვარვარ, რომ სხვაზედ არ გამცვლის!...“ — ფიქრობდა გიგოლა და თან მაგდანას თვალს ვერ აშორებდა. უნდოდა ხმა მიეცა მაგდანასთვის და ფიცი ჩამოერთმია, რომ ჩემს შემდეგ სხვას არ მისთხოვდეთ, მაგრამ ვერ ახერხებდა. „ვაი თუ ძალიან შევაშინო მაგდანა და მერე... მერე რაღა ვქნა? ეეჰ!..“ გიგოლას უნებურად ამოსკდა გულიდან ოხვრა... და უეცრივ ფიქრად გაუელვა: „თუ არ გათხოვდა, მაშ რითი ირჩინოს თავი, რითი გამოზარდოს ობოლი... ვაიმე!“ წამოიძახა გიგოლამ და თვალებიდან წყვილი ცრემლი გადმოვარდა, რომელმაც კვალი დააჩნია იმის გამხმარსა და ჩაცვივუნულს ლოყებს. თითქოს ამ ერთმა წყვილმა ცრემლმა თან გამოიტანა, რაც-კი რამ გიგოლას ნაღველი აწუხებდა; ცოტა არ იყოს, დამშვიდდა, დახუჭა თვალები და ხმის ამოუღებლივ შეევედრა ღმერთს: „ღმერთო, მიშველე“... ეს ორი სიტყვა იყო იმისი ლოცვა...

გიგოლა დამშვიდდა, მაგრამ ამ დამშვიდებად დიდხანს არ გასტანა. ისევ ჩქარა აეშალა შავი ფიქრი, ისევ ისე დაუწყო ქენჯნა გულმა.

— ჭივ-ჭავ!.. — გარედან შემოესმა ბაიყუშის ხმა.

ცოლიცა და ქმარიც ამ ხმაზედ შეკრთნენ, გაფითრდნენ, ორსავე ცივმა ოფლმა დაასხა, ორსავე ტანში ჟრუანტელმა გაურბინა.

— ჭივ-ჭაუ! — დაიძახა კიდევ ბაიყუშმა.

— გათავდას!.. — ისეთის ხმით წამოიძახა გიგოლამ, რომ კაცს შეაყრყოლებდა.

— ფუი, დაგწყევლოს წმინდა გიორგიმ!.. — გიგოლასთან ერთად სთქვა მაგდანამ და პირჯვარი გადაიწერა.

— აბა, თუ ხმა გაიწყვიტოს იმ წყეულმა! — მაგდანამ აიღო ჯოხი და კარებისკენ წავიდა.

— სად მიხვალ? — გულ-ჩაწყვეტილი დაეკითხა გიგოლა.

— ის წყეული მინდა გავაფრთხო.

— ეხლა... ეხლა თუნდ გააფრთხე და თუნდ ნუ!.. — სთქვა გიგოლამ და ცრემლები გადმოჰყარა, — ქალო, აქ მოდი!.. — ტირილის ხმით დაუძახა.

მაგდანა მივიდა და გვერდით მიუჯდა. ხმის ამოუღებლივ, ცრემლიანის თვალებით ერთმანეთს შესცქეროდნენ ცოლ-ქმარი, თითქოს ისეც იცოდნენ ურთი-ერთის აზრი. ორსავეს ხმის ამოღებისა ეშინოდათ, არ უნდოდათ სიჩუმე დაერღვიათ... ბოლოს, გიგოლამ გაუწოდა ორივე ხელი და წამოიძახა:

— მშვიდობით, ჩემო მაგდან!

ამ სიტყვებმა მაგდანას თავ-ზარი დასცა, და შმაგსავით დაეცა გიგოლას გულზე. გიგოლამ მოჰხვია ორივე ხელი, რაც ძალი და ღონე ჰქონდა, მიიკრა გულზე და მაგდანას ტუჩებს ჩაეკონა. მაგდანამ იგრძნო ქმრის ალერსი, მოვიდა გონს და იმანაც მოჰხვია ხელები...

სიცოცხლით სავსე მაგდანა და სიკვდილის პირას მისული გიგოლა ერთად იყვნენ შეერთებულნი, ერთ არსებათ გადიქცნენ, ერთნაირად სცემდა იმათი მაჯა, ერთნაირად ფეთქავდა იმათი გული, ორნივე ერთნაირად სუნთქავდნენ, თითქოს მაგდანამ თავისი ნახევარი სისალე სუნთქვასთან ერთად გიგოლას გადასცა და ისე მოიყვანა ჯანსაო...

დიდხანს იყვნენ ესე. ამათ ახლა აღარა აღარდებდათ-რა. ამათი სურვილი ის-ღა იყო, რომ საუკუნოდ ესე ყოფილიყვნენ. ახლა აღარ ესმოდათ ბაიყუშის ძახილი, თუმცა იმან ერთი-სამჯერ კიდევ შემოსძახა.

მაგრამ, დახეთ!.. გიგოლას ბედმა ჩქარა უმტყუნა!

ავადმყოფის მიმქრალმა სხეულმა ვერ აიტანა ასეთი ძლიერი მღელვარება სულისა, ამან შეეუმოკლა სიცოცხლის წუთი, და შფოთვა და ბრძოლა დაიწყო. გრძნობა დაჰკარგა და, პირველად რომ მამალმა შეჰყივლა, სული განუტევა.

სოფლად

(სურათები უმაწვილების ცხოვრებისა)

— დილილმე, დილილმე, ხვალ ჩურჩხელებსა ვჭამო, გო-
ზინაყსაცა ვჭამო!.. — სიხარულით ვიძახოდი ახალწლის ღამეს
და თან ლოგინში ტანისამოსიანი ვგორაობდი და ყირაზე ვდგე-
ბოდი.

— დედი, დედილო! ჰა დედა!.. აბა, თუ ხმა გამცეს, ეე!..—
ვუყვიროდი დედა-ჩემს, როცა ის ბუხართან იჯდა და მეორე
ღლისთვის ტკბილეულობას ამზადებდა. საქმეში გართული
იყო და ჩემი ყვირილი არ ესმოდა.

— დე...დი...ლო!.. — ბოლოს გაგრძელებით დავუყვირე.

— რა მოგივიდა შე...უი, შე თავმკვდარო, წინალამ თავი არ
დამაწყევლინე ამ ბედნიერ ღამეს! — მშვიდად მითხრა დედა-
ჩემმა.

— ხი, ხი, ხი! — ჩავიხითხითე, როცა ეს მითხრა, და თან
გავაჯავრე: — „თავმკვდაროვო“, და თანაც იძახი: „წინალამ
თავი დამაწყევლინეო“.

— შენ ვის არ წააცდენ!

— დედილო!

— რა გინდა, რა?.. ნუ გაჰკიჟდი. ხომ იცი, ხვალ ახალი
წელიწადია. ნუ ცელქობ, თორემ დაგეკვებება და მთელს წე-
ლიწადს მაგეთი დამთხვეული და ყველასი თავმომაბეზრებელი
იქნები.

— მართლა, დამეკვებება?

— მართლა, მაშ გატყუებ?!

— აღარ ვიგიჟებ, ღმერთმანი! — ავდექი და დედა-ჩემს
მუხლის ძირში გამოვეწასკე.

— აი, ესე ჭკვიანად ვიჯდები.

— ემაგრე არა სჯობია! ცოტა იქით კი მიიწიე, თორემ შიშლი.

— აჰა! მივიწიე იქით. რამდენ ჩურჩხელას მომცემ? — ცოტა ხანს შემდეგ ისევ ჩურჩხელებზე დავუწყე ლაპარაკი.

— რამდენიც იქნება.

— ღმერთმანი, დედილო, რამდენს მომცემ?

— ოჰ, ოჰ! თავის სარქველი-კი ამხადე მაგდენის ჩიჩინით! თუ გამაჯავრებ, არც ერთს არ მოგცემ! — დამიყვირა დედა-ჩემმა.

დედამ ამ დროს ამოიღო ცხელი შაქრის პურები და ზედ ფხვნილი შაქარი წააყარა. მე წავეტანე, მინდოდა ერთისთვის. ხელი დამეცა, მაგრამ დედა-ჩემმა თვალი შემასწრო და კოვზი ხელის ზურგში დამკრა.

— აი, შე მსუნაგო კატავ, შენა! ღმერთი გათენებას აღარ დაგაცლის?!

— ერთის მეტს ხომ არ ავიღებდი, რა! უ, უ, უ... — ზუზუნით ავდექი და ლოგინში პირქვე წავწექი.

დავწექი, მაგრამ ჩემი სული და გული შაქრის პურებთან იყო. ერბოს შრიტიანი ხომ უფრო მბნედავდა, მადას უფრო მიღვიძებდა. კარგა ხანს ვიწექი და უფრო დიდის ხმით ვზუზუნებდი, რომ რა არის, დედა-ჩემს ყურადღება მიექცია ამისთვის და მოეცა შაქრის პური; მაგრამ ჩემს ზუზუნს აინუნშიაც არ იგდებდა. მე, ის-ის იყო, უნდა ავმდგარიყავ და ისევ დედასთან მივსულიყავ, რომ, ცქერით, არის მაინც, გავმძღარიყავ. სწორედ ამ დროს დედა-ჩემმა დამიძახა და მე ისევ ლოგინს გავეკარ და გავტვრინდი.

— გაიქე, გენაცვალოს, შვილო, დედა! ორიოდე ხმელი ღერი შეშა შამამიტანე, თორემ ამ კუნძს მოკიდება არ ელირსა.

— ჰო, „შეშა შამამიტანე“! — ბუზლუნით ვუთხარი.

— ნუ ხარ, შვილო, გაუგონარი, და!..

— ერთი შაქრის პური არ მომცა, და „შეშა შამამიტანე“-ო!..

— შენი ბუზლუნის თავი არა მაქვს, წადი ჩქარა, შამამიტანე!

— შაქრის პური მამეცი და შემოვიტან.

— ჰო, კარგი!

— მაშ მამცემ?

— ჰო, ჰო, წადი ჩქარა, შამაიტა.

მე საჩქაროდ გავიქეცი და კარები გავაჭრიალე. მშვენიერი წათელი ღამე იყო. სავსე მთვარე ნაზად დასცქეროდა ჩვენს თეთრად შემოსილს სოფელს და უხვად უგზავნიდა მკრთალს წათელს. იმას ფიქრადაც არ მოსდიოდა, რომ ეს ახალწლის ღამე იყო. ისევ ისე კეკლუცად მისცურავდა, როგორც წინა ღამეს. ქვეით-კი, ძირს დედამიწაზე, ყველა რაღაც მოძრაობაში და მზადებაში იყო, ყველას ერდოდგან ბოლი და ნაპერ-წკლები ამოდებდა. მოისმოდა ლაპარაკი, ძაღლების არაჩვეულებრივი ყეფა და ყმუილი, ქათმების ჩხავილი, ფრთხიალი.

აგე, ჩვენმა მეზობელმა საქათმიდან ჩხავილით გამოიყვანა ქათამი.

— კეკე, ცული გამაიტანე! — დაუძახა ქიტუამ. ხმაზე ვიცანი, ჩვენი მეზობელი ქიტუა იყო. ქათამი-კი ისევ ჩხაოდა.

— რა გაყვირებს, შე მუდრეგო, ხომ არ გიპარავ! — წაუტია ქიტუამ ქათამს.

— რა დაგემართა, გოგო!

— მამაქვს, — მომესმა კეკეს ხმაც. კეკე ქიტუას და იყო. ჩვენს სოფელში იმისთანა ღამაში არავინ იყო. ეხლა აღარ არის. საწყალი, ერთი წლის პატარძალი მოკვდა.

ქათამი გაჩუმდა. „ღუ“... მომესმა ცულის ბრაზუნის და შემდეგ ქათმის ფრთხიალიც.

— თავი მანდ არ დაგრჩეს! — უთხრა კეკელას ქიტუამ.

— სანდრო! — გამომძახა შიგნიდან დედაჩემმა.

მე აღარც-კი მახსოვდა, რომ შეშისთვის გამოველ; დედაჩემმა რომ დამიძახა, მაშინ-ღა მომაგონდა. ავიღე რამდენიმე ნაჭერი და შევიტანე შინ. დედას რომ არ დაეძახნა, ვინ იცის, რამდენი ხანი ვიდგებოდი.

— ტყეში ხომ არ გაგზავნენ, აქამდის რა დაგემართა?

მე ყური არ ვათხოვე და პასუხიც არ მივეცი. საჩქაროდ დავყარე შეშები და შაქრის პური ავიღე.

— ხელი-ხელთ არა მაქვს, შენვე შეუკეთე.

— იპ, იპ, რა გემრიელია! — ადგილობრივ ვფუნდრუკობ-
დი და ტუჩების წკაპა-წკუპით ვიძახდი.

— არ გეყურება, შეშა შეუჟეთე-მეთქი?

— ერთიც მამეცი და შევუჟეთებ.

— მე ვიცი, რასაც მოგცემ!.. ე შეშა შეუჟეთე, თორემ,
ღვთის წყალობა ჰქონდეს სანდროს, რომ მე ის გველივით ავა-
ჭრელო! — გაჯავრებით მითხრა დედა-ჩემმა.

ვიცოდი, თუ გავაჯავრებდი, მუქარას ამისრულებდა, და
ამისათვის ხმის ამოუღებლივ დავემორჩილე და შეშები შევუ-
ჟეთე. საახალწლო კუნძს ჩქარა მოეკიდა და ყუათიანი გუგუ-
ნი მორთო.

შაქრის პურების კეთებას მორჩა დედა-ჩემი და ახლა გო-
ზინაყს შეუდგა.

— დედი, ალვახაზსაც გააკეთებ?

— ჰო, შვილო.

— მაჭმევ, განა? მერე რანაირად მიყვარს!..

— მე მითხრეს, სანდროს ეჯავრებაო!

— ვინ გითხრა?

— ვინც იყო. ძალიან ეჯავრებაო.

— ღმერთმანი, დედი, ძალიან მიყვარს.

— არცა გწყენს?

— დედა არ მომიკვდება, არცა მწყენს!

— სტყუი!

— არა ვსტყუი! არა ვსტყუი, ღმერთმანი!

— არა, შვილო, რო გაწყინოს, მერე რალა მეშველება?

— არა მწყენს მეთქი, ადამიანო, არ გეყურება?!.

— არც გოზინაყი?

— არა-მეთქი, აბაიმი!..

თათფლი რომ არ გადმოსულიყო და დედა-ჩემს კიდევ ეთ-
ქვა რამ, მე ტირილსაც დავიწყებდი, ისე ამიჩუყდა გული დე-
და-ჩემის სიტყვებზე. რას ამბობთ, მე სული-მწარედ მოვე-
ლოდი ალვახაზის ჭამას და ის-კი მეუბნებოდა: „არ გიყვარს,
გაწყენსო“. რაც ყველაზე ძალიან მიყვარდა, ის ძალათი უნდა
შეეჯავრებინათ. განა ხუმრობა საქმე იყო?

ვიდრე დედა-ჩემი გოზინაყს გააკეთებდა, კარგა ხანმა გაი-

აბა. როცა მორჩა, ცხელი გოზინაყი პატარა სპილენძის სინზე დაასხა და გასაციებლად ტახტზე გადადგა. მე ცხელს გოზინაყს წამოვუწექი გვერდით; დედამ-კი ფალუსტაკის კეთება დაიწყო. გოზინაყს დავადე თითი, მინდოდა გემოთი მენახა, მაგრამ თითი ისე დამეწვა, რომ კინალამ არ შევყვირე.

— ეჰე, ე მანდ რო წამოუწექი, ხელი არ ახლო, თორემ!.. — დამიყვირა დედა-ჩემმა.

— ხელს როგორ ვახლებ, ძალზე ცხელია.

— იქნება, კიდევაც გასინჯე!..

— გავსინჯე კი-არა და!...

დედა თავისს საქმეში გაერთო; მე-კი ისევ ისე წამოწოლილი ვიყავი და მოუთმენლად ველოდი გოზინაყის გაციებას. ომხივარი ცხვირთან მომდიოდა, პირში ნერწყვისა მგვრიდა და სურვილს მიღვიძებდა. ვიწექ და ვფიქრობდი: დედა-ჩემმა რომ მთელი სინი მომცეს, რა კარგი იქნება... მე მაშინვე გარედ გავიტანდი და სოფელში ისე ვივლიდი; თანაც ნება-ნება ჭამას დავუწყებდი. ვუყურებდი ჩვენებურს ბიჭებს, როგორ დამედევნებოდნენ და თხოვნას დამიწყებდნენ. მეც თითო ბეწოს მივცემდი. დანარჩენს კი... მე, სოსო, შაქრო, გიგლა დავსხდებოდით ჩვენს ბანზე და... აგერ, მართლა, მომცა დედა-ჩემმა და მე სიხარულით ბანისაკენ მივარბენინებ. ავედი ბანზე და წინ დავიდგი სინი. სიხარულით გარს ვუვლი, მინდა გვერდით მოვუჯდე. ამ დროს დავინახე სოსო, შაქრო და გიგლა იცინიან, ხელში ჩურჩხელები უჭირავთ და ერთმანეთს დასდევენ. მე დავადე პირი, მინდა დავუძახო... იმათ ამ დროს თვალი შემასწრეს და ჩემკენ გამოიქცნენ... სინს გარს შემოვუსხედით. იმათაც ჩურჩული დაიწყეს...

— ამოდენა გოზინაყი ვინ მოგცა? — მეკითხება გიგლა.

— დედა-ჩემმა... ჩვენ ბევრი გავაკეთეთ.

სოსომ ამოიღო დანა და უნდოდა დაეჭრა.

— მოიცა, ჯერ ცხელია, — ვუთხარი მე.

— მაშ ჩურჩხელები ვჭამოთ!

ჩურჩხელებს ვჭამთ და თან ვიცინით.

— აი, თქვე ეშმაკებო, თქვენა!..

ავიხედეთ მაღლა. ქიტუას და კეკე თავს დაგედგომოდა. შორთული იყო და ღიმილით დაგვეცქეროდა ზემოდგან.

— ესე ტკბილად დაბერდით! — ყველას თითო კამფეტი მოგვცა და გვაკოცა.

— ეგრე შენ შენის ენითა! — მივაწოდეთ ჩვენც ჩურჩხელა.

— გოზინაყი მომეცით, ჩურჩხელა არ მინდა!

სოსომ გოზინაყს დანა დაუგდო.

— ნუ სჭრი, ნუ! სინიანად მომეცით.

ჩვენ ერთმანეთს გადავხედეთ.

— არ გემეტებათ?

ჩვენ ხმას არა ვცემთ.

— მაშ თუ აგრეა, აი! — დაეწოდა და სინი აიღო. კეკე გაიქცა.

— სად მივაქ, ეი! უ, უ, უ!.. — დავიწყე ტირილი.

— სანდრო, რათა სტირი, შვილო?

— ჰა!.. — გავახილე თვალები და დედა-ჩემი დავინახე; ჩემკენ მობრუნებულიყო.

— რა გატირებს? — მკითხა კიდევ.

— გოზინაყი მომტაცა!.. — ტირილის ხმით ვუპასუხე.

— ვინ მოგტაცა? ემანდე, მანდვე არა სდგას!

— აბა? — დავხედე და, მართლა, იქ იდგა სინი. — სიზმარში მინახავს!

— აი, რა სულელი რამა ხარ, სიზმარშიაც გოზინაყი გელანდება! წადი, ლოგინში დაწექ, თორემ შეგცივია.

მეძინებოდა და ამისათვის ხმის ამოუღებლივ გავიხადე და ჩავწექ ლოგინში.

II

— სანდრო, სანდრო!.. ადექი, შვილო, ნუ გამაჯავრებ კიდალა!..

— დაიცადა, აბაიმე!..

— ადე, კარგი, ნუ ხარ ჭიუტი!

— ეხლავ, ეხლავ!..

— ადე, გოზინაყი ჭამე!

— აბა?! — წამოვჩექ ლოგინში.

ახლა-ღა მომაგონდა, რომ მეკვლედ მე უნდა ვყოფილიყავი. მეკვლეობა ჩემთვის დიდი რამ სასიამოვნო ამბავი იყო და ამისათვის მარდად ჩავიცვი.

დედა-ჩემმა სავსე ხონჩა მომცა ხელში და კარები გამიღო.

— ხომ გახსოვს, როგორ უნდა მოიქცე?

— როგორ არ მახსოვს!

იმ წელიწადს პირველად ვიყავი მეკვლედ და ამისათვის დედაჩემმა წინა დღით გამაზეპირებინა, რა სიტყვებიც უნდა მეთქვა, როცა შინ მოვბრუნდებოდი, და ან გარედ როგორ უნდა შემოვტრიალებულიყავ.

ხონჩა გარედ გავიტანე. ჯერ ისევ ბნელოდა.

„ნაუ!“ — გაისმა ამ დროს დიდის ზარის ბოხი ხმა და მოეფინა მთელ სოფელს. რამდენისამე ადგილიდგან ზარის ხმასთან ერთად მომესმა ძაღლების ყმუილი. ჩვენმა მურიაამაც სხვებს მიჰბაძა და მორთო უსიამოვნო წკმუტუნი.

— მურია, მურია! აჰაა, შენი თავი ამოიჭამე! — კარებიდან გამოსძახა დედა-ჩემმა და გაჩუმდა*.

მე ხონჩა შემოვატრიალე დერეფანში და, კარებში რომ შევედი, წარმოვთქვი:

„შამოვდგი ფეხი, გწყალობდესთ ღმერთი, ფეხი ჩემი — კვალი ანგელოზისა!“ — ეს სიტყვები სამჯერ გავიმეორე და მერე ხონჩა დედა-ჩემს გადავეცი ამ სიტყვებით: — „დაესწარით მრავალს ახალწელიწადს სიხარულით, ჯანმრთელობით და სიცოცხლით!“

— ეგრე შენ, შენის ენითა, შევილო! — მიპასუხა დედა-ჩემმა და ხონჩა გამომართვა.

შემდეგ მივედი ბუხართან და საახალწლო კუნძს ჩინჩხვლა დავეწყე. ნაპერწკლები რომ ბლუჯა-ბლუჯა ადიოდა, მე ვიძახდი: „ამდენი ძროხა, ამდენი ცხენი, ამდენი ხარი, კამეჩი, ამდენი ფარა ცხვარი, ამდენი ქათამი, ამდენი სკა-ფუტკარი, ამ-

* ზოგ-ზოგს სოფელში სწამთ, რომ ვისი ძაღლიც ზარის რეკვას ყმუილით აპყვება, იმის პატრონს ზარალი მიეცემაო. ავტორი.

დენი... ოოო! დედი, დედი, დედი, აქ უცქირე, რამდენი ნა-
პერწყალი ადის! ამდენი, ამდენი... უჰ!.. უცქირე, უცქირე...
ამდენი, რა?.. ამდენი ძაღლი!..“

— ძაღლები რაღად გინდა, სულელო!

— მაშ ამდენი საქონელი ხომ დაგვიჭამეს მგლებმა! „ამ-
დენი, ამდენი“...

— კარგი, გეყოფა!

— უჰ, რამდენი საქონელი გვეყოლება!

— წამოდი ახლა, დაგაბერო!

დედა-ჩემმა მიმიყვანა ხონჩასთან და მითხრა:

— ესე ტკბილად დამიბერდი, შვილო, ღმერთმა შენს ბედ-
ნიერებას და თეთრად დაბერებას შემასწროს! — აილო თი-
თო ნაჭერი გოზინაყისა, ალვახაზისა და სხვა ტკბილეულობი-
სა და შაშვსავით პირში ჩამიღო.

— ესე ტკბილად მეც დავბერდე! — თითონაც შეჭამა რამ-
დენიმე ნაჭერი.

— სანდრო, აბა ჩურჩხელები წვრილად დაიჭერ და, ვინ-
ძლო, ჭკვიანად მოიქცე დღეს. თუ დაგაბეროს ვინმემ, შენც
თითო ნაჭერი მიეცი. — მომცა რამდენიმე ჩურჩხელა და დანა.

მე მივჯექი ბუხართან და ნება-ნება დავუწყე ჭრა. ისე გა-
ვერთე ჩურჩხელების ჭრაში, რომ არ დამინახავს, დედა-ჩემი
ამ დროს რას აკეთებდა.

— აბა, შვილო, — მითხრა დედა-ჩემმა, როცა სოფელში
გასვლას ვაპირებდი, — თუ შეხვიდე სადმე, ფრთხილად იყავი,
ქვეშ ნაკმაზი არავინ დაგიყაროს! *

პირდაპირ ძალუანთას წავედი. მილოცვის შემდეგ ძალუამ
დამაბერა და მითხრა:

— ფეხებს დაგამტვრევ, თუ ცუდი ფეხი გექნება!

— ღმერთმანი, ძალო, კარგი ფეხი მაქვს!

— აი გამოჩნდება, თუ კაი ფეხი გაქვს. იცი, სანდრო, თუ

* ახალწელიწადს თუ ქვეშ ნაკმაზი დაუყარეს ვისმე, ქათამს ვეღარ
გაზრდიანო. აეტორი.

მართლა კაი ფეხი გაქვს და ბევრი ქათამი გავზარდე, ერთ ქო-
ჩორა ვარიას ბერზვარად დაგიყენებ!

— რატომ არ დაჯდები? — მითხრა ძალუამ ცოტა ხნის
შემდეგ, როცა მე იმის პატარა თამროს მასხარაობა დავეუწყე.

— გინდა კი, ქვეშ ნაკმაზი დამიყარო!

— ხა, ხა, ხა! — თავისებურად გაღიხარხარა ძალუამ. —
ეგ ვილამ გასწავლა?

— ვინ უნდა მასწავლოს!..

— გაბრო, ნაკმაზი გამოიტა, სანდროს ქვეშ მინდა დავე-
ყარო. — სიცილით დაუძახა თავისს შვილსა და თან დასაქე-
რად მე წამომეტანა.

რაკი ეს გავიგე, მაშინვე კარებისაკენ მოვეკურცხლე და
ერთს თვალის დახამხამებაზედ გარედ გამოვირბინე.

— აბა, დამიყარე! — გარედგან შევესძახე.

— სად გარბიხარ, გეხუმრები, შე სულელო, განა მართლა
დაგიყრი! — სიცილით მეუბნებოდა.

— სანდრო! — ვილაცამ დამიძახა ამ დროს.

მივიხედე იქით, საიდანაც ხმა მომესმა, და გიგლა დავი-
ნახე.

— გიგლა! — წამოვიძახე უეცრად და იქით გავექანე.

— ბიჭო, მე თქვენსა ვიყავი!

— ესე ტკილად დამიბერდი! — მივეცი ერთი ნაჭერი
ჩურჩხელა და ერთმანეთს ვაკოცეთ.

— ესეც შენ, შენის ენითა! — იმანაც სამაგიერო მომცა.

— რატომ ჩვენსა არ მოხვედი?! — საყვედურით მიიხრა
გიგლამ.

— რატომ შენ კი არ მოხვედი? — კითხვითვე ვუპასუხე.

— აკი გეუბნები, თქვენსა ვიყავი-მეთქი! ბიჭო, დედა-შენ-
მა რამდენი რამე მაქვამა!..

— შინ იყო დედა-ჩემი?

— შინ იყო. წამოდი ახლა ჩვენსა! ჩვენს უბანში ბიჭები
თამაშობენ და ჩვენც ვითამაშოთ!

— წავიდეთ.

— ჯერ შაქროსთან წავიდეთ. იმასაც დაეუბნათ!

— წავიდეთ.

მე და გიგლა შაქროსთან წავედით. იმისი სახლი იქვე იყო და, ამისათვის, საჩქაროდ მივედით, შესვლა კი ვეღარ გავბედეთ. დერეფანში ხალხი ირეოდა, ყველას სახეზედ მწუხარება ეხატებოდა.

ვიდექით ისე დიდხანს; ვერც არავის ვკითხეთ, თუ რა მოხდა და ჩვენც შიგ შესვლას ვერ ვახერხებდით. ბოლოს, როგორც იყო, გავბედეთ და სახლში შევედით.

შევედით თუ არა, მოგვესმა მარინეს ხმა: „გიგოლა, გიგოლა!“ — მოსთქვამდა სიტყვებს და სხვა, იქ მსხდომნი დედაკაცები, ბანს აძლევდნენ. ყველა ლექსს მარინე ასე ათაგებდა: „ვაი, იჰ, იჰ,“ დედაკაცებიც იმასთან ერთად იმეორებდნენ. მარინე განთქმული იყო, როგორც მომტირალი. თითქმის ყველა მკვდრის დამტირებელი და გამაპატიოსნებელი, როგორც ჩვენში ამბობენ, ის იყო. ისე მიცვალებული არ იქნებოდა, რომ მარინესთვის არ დაეძახნათ. ხან-და-ხან სხვა სოფელშიაც მიიპატიებდნენ ხოლმე...

— ადე, ადე, გიგოლი! — დაიძახა მარინემ, როცა ჩვენ თვალი შემოგვასწრო, — ადექი, ნუ ხარ გაუგონარი! ადე, ბედნიერი დღე ნუ გაუმწარე შენს შაქრიკასა; აგერ იმისი ტოლები მოვიდნენ და სათამაშოდ იწვევენ! ვაი, იჰ, იჰ...

ეს რომ გავიგონეთ, კედელს აფეკარით და მოვიბუშენით. შეგვრცხვა და ვივინებოდით გულში, ჩვენ რად გვახსენაო. ჩვენ იმაზედ უფრო შეგვრცხვა, რომ მარინემ, თითქოს გულთმისანიო, ისე მართლა სთქვა, „შაქრიკოს სათამაშოდ იწვევენო“.

— ეს-კი შენ ჩამოგტირის და თავს ვეღარ განებებს! — დაიწყო კიდევ მარინემ.

— ვაი, მე დამწვარს! — წამოიძახა მაგდანამ, რომელიც თმა-გაწეწილი და ლოყებ-დასისხლიანებული ორს დედაკაცს

გაკავებული ეჭირა, მალ-მალ თავს ხან იქით აქნევდა და ხან აქეთ. შაქრიკა კი იქვე დედის ზურგს უკან იდგა და ცრემლით თვალებს ითხრიდა.

— მამი! — უეცრივ წამოიძახა შაქრიკამ.

— მამა მოგიკვდა, შვილო, მამა-შენი ხმას აღარ გაგცემს! — დაიღრიალა მაგდანამ ისეთის ხმით, რომ ტანში ურუნტელმა დამიარა.

ყველამ ქვითინი დაიწყო. მეც ველარ დავიმაგრე ცრემლები და ნაკადულივით გადმომსკდა; გიგლა ხომ ხმა-მალლა ღრი-ალეზდა...

აბრეშუმის ცხვირსახოცი

ვინც ზაფხულობით თბილისში დარჩენილა, მარტო ის იგრძნობს, რა გემო აქვს აქაურ სიცხეს. თერთმეტ უამამდე კიდევე შეიძლება კაცმა თავი გარეთ გამოჰყოს და, თუ საქმე აქვს, ისაქმოს; შემდეგ-კი ღმერთმა დაიფაროს ყველა სულდგმული. ყველგან სიცხის ბული ტრიალებს. სიცხეს კიდევე ჯანი და სული წაუვიდეს, ამაზე ხმას ვინ ამოიღებდა, რომ აიცხესთან სხვა სენი არა სჭირდეს თბილისს. ავის სუნით და მტვრით ჰაერი ისეა მოწამლული, რომ კაცს სუნთქვას უხუთავს; სუნთქვის დროს ჰაერის მაგივრად, გეგონებათ, ტყვია მხვდება გულ-ღვიძლშიო. მტვერი და თბილისი ისეა დაკავშირებული ჩემ გონებაში, რომ ერთის ხსენებაზედ უეჭველად მეორე უნდა მომაგონდეს. თუ თბილისი ახსენა ვინმემ ზაფხულობით, მაშინვე მტერის ნისლი და ბული მომაგონდება, ის ნისლი და ბული, რომლითაც მოცულია თბილისის არემარე.

აი, ამისთანა მდგომარეობაში იყო თბილისის ჰაერი, როცა ამ რამდენისამე წლის წინად პირველად ვესტუმრე ქალაქს. რადგანაც სულ ერთის კვირის სტუმარი ვიყავ, დაფაციცებული დავდიოდი და ჩემს თავს მოსვენებას არ ვაძლევდი; დიდიდგან მოკიდებული საღამომდის ჩემი ფეხი არ ჩაიდრიკებოდა. მინდოდა თბილისის ყველა კუნჭული მენახა, გამეცნო და ისე წავსულიყავ.

შუაღლე იქნებოდა. მზე თბილისისკენ უხვად ისროდა ცეცხლის ისრებს. როგორც საკირეს, ცეცხლის ალი ისე ასდიოდა ქალაქს.

ავლაბრისკენ მივეშურებოდი. აღმართს შეეუდექი. სიცხემ და მტვერმა რომ ძალა დამატანა, ერთის სახლის კედელს ავე-

ტუზე; კედლის ჩრდილი ძლივს მფარავდა. ამ დროს ისე ვი-
ყავ დარტყიანებული, რომ არ ვიცოდი, სად ვიყავი და სად
არა. ვიდექ ისე გაშტერებული და თვალებს აქა-იქ ვაცეცებ-
დი... არ ვიცი, ვფიქრობდი რასმე მაშინ თუ არა: ხშირად მო-
უწვა ხოლმე კაცს ასე: ჰგონია, ვფიქრობო, მაგრამ ანგარიში
რომ მოსთხოვოს თავის-თავს და ჰკითხოს: რასა ვფიქრობო,
პასუხს ვერ მოახერხებს. აი, სწორედ ამისთანა მდგომარეო-
ბაში ვიყავი მაშინ.

ამ გამოურკვეველი მდგომარეობიდან გამომიყვანა უცნა-
ურმა ხველამ. მივიხედე, საიდგანაც ხველა მომესმა, და დავი-
ნახე თავ-თავქვე მომავალი ცამეტისა თუ თოთხმეტის წლის,
ძონძებში გახვეული, ფეხ-შიშველა და თავ-მოხდილი ქალი.
ზურგზედ კარგა მოზრდილი კოკა ეკიდა. იმისმა მინაზებულმა
სახემ, ტანჯვით სავსემ, ძალა-უნებურად მიმიხიდა და თვალი
ველარ მოვაშორე. რამდენადაც დამიახლოვდა და დავუკვირ-
დი იმის მეტყველ სახეს, იმდენად უფრო მიიპყრო ჩემი გო-
ნება, იმდენად უფრო გულს ჩამწვდა... კუბრივით შავი თვა-
ლები, გრძელი, ისრებივით გადაჭიმული წარბები, დაუვარ-
ცხნელი, ცოტათი მოყვითალო თმა, რომელიც მხარზედ გადა-
ჭვენოდა და გარს ეხვეოდა იმის ლოყებს, მშვენიერებას უმა-
ტებდა ამ ქალს. ისე გამოიციქირებოდა ძონძებში, როგორც
წვიმის შემდეგ ნაწყვეტ-ნაწყვეტა ღრუბლებში მთვარე გამოი-
ციქირება ხოლმე... აი, დამიპირდაპირდა. ერთი ნაბიჯი წინ წავს-
დგი, მინდოდა ხმა გამეცა, მაგრამ, როცა მძიმედ ასწია თვალის
ქუთუთოები და მძიმედ გადმომხედა, მაშინვე ენა მუცელში
ჩამივარდა და ადგილიდან ველარ დავიძარ. ქალმა ჩაიარა. მე
ასე გაშტერებული ვიდექი და ვუმხერდი მიმავალს. ცოტათი
რომ დამშორდა, უკან მოიხედა და უკან-უკან ცქერით მიდიო-
და. ალბათ უნდოდა გაეგო ასე გაშტერებული რად დამაცქერ-
დაო. საწყალმა ჩემს ცქერაში ფეხი ქვას წამოჰკრა და პირ-
ქვე დაეცა; კოკა კი წინ გაგორდა და ლუკმა-ლუკმად იქცა.

ქალი საჩქაროდ წამოდგა და კოკის ნამტვრევებს დააცქერ-
და. დიდხანს იდგა ისე, მერე მე შემომხედა. რა არ იხატე-
ბოდა იმის თვალებში! საყვედურიც, ჩემდა მომართული, სირ-

ცხვილიც და შიშიც. დამნაშავედ დავსახე ჩემი თავი და საჩქაროდ მივედი ქალთან.

— ქალო, ხომ არა იტყინე რა?

პასუხის მაგივრად, შიგ თვალეში ჩამაცქერდა და ისე დამიწყო ყურება, თითქოს სურს შეიტყოს, გულწრფელი იყო ჩემი სიტყვები თუ არა. მე ვერ გავუძეულ ამ ცქერას და რაცდაცნაირი ტოკვა დავიწყე.

— ნეტავი თავი გამეტეხნა და კოკა კი არ გატეხილიყო! — მითხრა მან ბოლოს.

— შენს პატრონს განა კოკა შენზე ძვირად უღირს?

— მგონი, თავი რომ გამეტეხნა, დედა-ჩემი ხმას არ გამცემდა; ესლა კა, ვინ იცის, ცემით ტყავი გამაძროს.

ამ სიტყვებთან ერთად კოკის ყურს დაეწოდა და ხელში აიღო. რამდენჯერმე გადაატრიალ-გადმოატრიალა, ამოიოხრა და შორსა სტყორცნა. ამ დროს შევნიშნე, რომ ხელის გულიდან სისხლი სდიოდა.

— ეგ რა არის, ქალო? — ვკითხე და მივაქციე მისი ყურადღება სისხლს.

ქალს სისხლი არ შეენიშნა, დაიხედა ხელის გულზედ და მერე ისე მომცა პასუხი.

— ხელის გული გადამგლეჯია, — დინჯად მიპასუხა და კაბის კალთა გადაიხვია.

ჯიბიდან აბრეშუმის ცხვირსახოცი ამოვიღე, სხვა თან არ გამომყოლოდა, და, თუმცა ქალი უარზე იყო, მაგრამ მაინც შევვუხვიე.

— გმადლობ!.. — გრძნობით მითხრა და ღრმად ჩაფიქრდა.

დიდ სიამოვნებასა ვგრძნობდი. ხმის ამოუღებლივ შევცქეროდი და ვნატრობდი, რომ ჩქარა არ წასულიყო.

— გმადლობ, ყმაწვილო! — მითხრა კიდევ და წასვლა დააპირა.

— არ შეიძლება, მითხრა, კოკა რა ღირს?

— არ ვიცი, მაგრამ რად გინდა გაიგო ფასი?

— ისე! — ვუპასუხე და ფული მივაწოდე.

ქალს თვალეები გაუბრწყინდა. სახეზედ სიხარულმა გადუარა. იდგა და შემომცქეროდა. სახეზედ სიამოვნების აღმური

ასდიოდა. „ამ ოხერ ფულს რა შეუძლიან! ფული რო დანახა, როგორ სიხარული შეეტყო!“ — ძალაუნებურად გავიფიქრე.

— რატომ არ გამომართმევ, აპა!

— ყმაწვილო, ფული ისევ ჭიბეში ჩაიდე, მე მაგას არ გამოგართმევ, — დამიჭირა ქალმა მარცხენა ხელი და მაგრად მომხვია ორივე ხელი.

„პატარა ხარ, მაგრამ კუდიანობა-კი დიდი გაქვს, გინდა, რომ შეგეხვეწო“, — ვიფიქრე კიდევ, რადგანაც იმისი სიხარული ფულის დანახვაზედ სულ არ შეესაბამებოდა იმის სიტყვებს.

— შენ, იქნება, გგონია, რომ ფულის დანახვა გამეხარდა?! არა, მაგას ნუ იფიქრებ! თუ გინდა გაიგო, რა გამეხარდა, აი გეტყვი: აქამდე მე ვფიქრობდი, რომ ქვეყანაზედ ისეთი კაცი არ იქნება-მეთქი, რომელსაც ჩემთვის გული შესტკივნოდეს, მაგრამ ეხლა კი ვხედავ, რომ ყოფილა ისეთი კაცი; ეს კაცი შენა ხარ.

— ძალიან ადრე მოგძულებია ადამიანი. ეხლა ხომ ნახე, რომ შენი გულშემატკივარიცა ყოფილა ქვეყანაზე! მაშ, გამომართვი ფული, რომ დედა-შენმა არა გცემოს.

— არა, მაინც არ გამოგართმევ. ფულიც რომ მივუტანო, დედა-ჩემი მაშინაცა მცემს, და აბა, ტყუილად შენ რალად დაგაკლო.

— როგორ, ფული რომ მიუტანო, მაინცა გცემს?!

— დიად.

— მეც რომ წამოვიდდე და ვუთხრა, კოკა მე გავტეხე-მეთქი და ფული მივცე, მაშინაცა გცემს?

— იქნება არა მცემოს!

— მაშ, წავიდეთ!

— ოჰ, რა კეთილი გულისა ყოფილხარ? — სიხარულით წამოიძახა და უფრო მაგრად მოხვია ხელები ჩემს ხელს.

— მაინც არა მჭერა, რომ კაცები მაგეთი კეთილი გულსანი იყვნენ: მე გგონია, შენც იმიტომ გაქვს კეთილი გული, რომ ჯერ ახალგაზრდა ხარ. მარტო ახალგაზრდებს უნდა ჰქონდეთ კეთილი გული, თუმცა ჯერ შენ მეტი არავინ მინახავს მაგეთი გულისა. განა ჯერ ოცი წლისა არ იქნები?

— მე?! ჰო!-და დავიწყე კოკმანი. — მართლაც მაშინ თვრამეტი წლისა თუ ვიყავი.

— აჟი გეუბნები, მარტო ახალგაზრდებს შეუძლიანთ შეიბრალონ კაცი! რამდენიც ხანში შედის ადამიანი, იმდენი თანდა-თან გული უქვეავდება.

იმისმა ლაპარაკმა გამაკვირვა. ისე გონივრულად სჯიდა, ისე დარბაისლურად და წყობისად, რომ კაცი ვერ წარმოიდგენდა, თუ ეს ცამეტი წლისა არისო. იმისი გონებრივი განვითარება სრულებით არ შეესაბამებოდა მის წლოვანობას... ბევრ ჩვენს ვითომ მოზრდილ ქალებს შეშურდებოდათ იმისი ჭკუა-დამჭდარი ლაპარაკი, მაგრამ რას ვამბობ?! განა ზრდილთ შეშურდებათ ვისიმე გონებრივი განვითარება?! რომ შეშურდეთ, ხომ კიდევაც ეცდებიან განვითარებას. იმათი სასურველი საგანი მარტო ჩაცმა-დახურვა, ტულეტია და აჟი კიდევაც ცდილობენ იმის შექენას.

ლაპარაკით ავიარეთ აღმართი. ჩვენი ბაასი დედ-მამის და შვილების ერთმანეთში მოთავსებას შეეხებოდა.

— რა ექნა, მე კიდევ ვერ გამიგია! აი, რამდენი რამა სთქვი დედ-მამის შესახებ, რამდენიმე მაგალითიც დამისახელე, რომ მშობლები დიდის აღერსით და სიყვარულით ეკიდებიან თავიანთ შვილებს, მაშ ეს დედა-შენი რაღა გამოვიდა, რამ გაუქვეავა გული, რომ ეგრე, როგორც შენ ამბობ, ცეცხლის აღში ჰყევხარ? — ვკითხე ბოლოს.

— დედა-ჩემს რამ გაუქვეავა გული?! ჰმ!.. — ქალმა მწარედ გაიღიმა და ისე ამოიოხრა, რომ, გეგონებოდათ, გული თან ამოატანაო. — დედა-ჩემზედ ნულარას მკითხავ. დედა-ჩემს დედას ვერ დაეუძახებ. იხ ჩემი დედა არ... არა, ვერ ვიტყვი!.. იქნება, შენც შეგაშინოს ამ საიდუმლომ და ეხლავე თავი დამანებო.

— რა საიდუმლომ? — დავეკითხე განცვიფრებული.

— გთხოვ, ნულარას მკითხავ! შენ ხომ კეთილი გული გაქვს და ამ თხოვნის ასრულებას არ დაიზარებ, თორემ ამაზედ ლაპარაკი გულს მიკლავს... ეჰ!.. — კიდევ ამოიოხრა და, სანამ სახლის კარებამდის არ მივედი, ხმა არ გაუცია. მეც

გაჩუმებული გვერდით მივსდევდი და მთელი ჩემი არსებობა ამ ქალის შესახებ ფიქრებით აივსო.

— აი, ჩვენი ეზოს კარები, აქეთ მოდი! — მითხრა და შევიდა ერთ მინგრეულ ალაყათის კარებში. მე მივეყევი უკან. ეზო ძალიან უსუფთაო იყო: შუა ეზოში ერთი ვეებერთელა წუმპე იდგა, რომელსაც საშინელი ავი სუნი ასდიოდა. ეზოს სამი მხარე დაჭერილი იყო დაბალ მინგრეულ-მონგრეული უყავრო ოთახებით. ერთ ოთახთაგანში შევედი და შესვლისთანავე თვალებში გამეჩხირა უზარმაზარი, ტლანქი, ლაშვებ-გადმობრუნებული, შავი, როგორც ნახშირი, ტახტზე გაგორებული დედაკაცი.

— აი, დედა-ჩემი! — მიიშვირა ქალმა ხელი ამ ჯადოსან დედაკაცისაკენ.

„ნუ თუ ეს ჯოჯო ამ მშვენიერების წყაროა!.. დახე, ბუნების სიცელქე კუდიანობას! ამ უმსგავსისთვის რა მშვენიერი უშობინებია?“ — გავიფიქრე ჩემდა უნებურად.

მაჯლაჯუნა, — სწორედ მაჯლაჯუნასა ჰგავდა, — წამოხტა, გადაატრიალა ჩასისხლიანებული თვალები და ერთი ისეთი წამოირუხრუნა, რომ გული გამიხეტქა.

— გოგო, აგრემც ბრაგვა გაგცვივა; კოკა რა უყავი? იქნება გასტეხე!..

ქალი კარებს აეტუნა; მეც ენა მუცელში ჩამივარდა; მაჯლაჯუნამ-კი ხელი ჯოხს წამოავლო და უნდოდა გოგოსთვის ესროლა, მაგრამ მე მოვიკრიბე უკანასკნელი ძალა და დავუჭირე ხელი, თუმცა მეშინოდა, რომ გოგოს მაგივრად ჩემთვის არ დაეკრა.

— ეს ვილა მოთრეულა და ხელს მიჭერს! გამიშვი, თორემ შენც მოგხედება!

— მე... მე... — სიტყვის თქმა ველარ მოვახერხე.

— შენ-და ღეთის რისხვა, გაიგე თუ არა?!

ამ სიტყვებმა გამომათხიზლა, დამიკარგა შიში და გული ამიმღვრია. ვგრძნობდი, რომ სისხლი თავში ამივარდა, თვალებში მომერია.

— რას რუხრუხებ, შე ქოფაკო, შენა?! — შევეუტიე და

ერთი ისეთი დავწიე იმის მკლავს, რომ მაჯლაჯუნამ ტახტზედ ბრახვანი მოიღო.

— რა გინდა, შვილო, ჩემგან, რა დაგიშავე? — დაბალის და მოლბილებულის ხმით მითხრა.

— ღმერთმა დამიფაროს შენი შვილობისაგან! არა, რო ღრიალეზ, ვითომ ვინ უნდა შეაშინო! ჭერ გაიგე, რისთვის მოვსულვარ და ისე ირუხრუხე.

— რისთვის მოსულხარ, რატომ არ მეტყვი?! — უფრო დაიდაბლა ხმა.

— რისთვის მოვსულვარ?.. აი რისთვის: ამ ქალს ხელი არ ახლო, თორემა... ეხლავე...

— კრინტი გამიწყდეს, თუ ხმა გავცე!

ჩემმა ბრძანების კილომ ძალიან შეაშინა ეს რუხი და ჯოჯოხეთის მაშხალა დედაკაცი.

— კოკაც რომ გაეტეხნოს? — ვკითხე მე.

კოკის ხსენებამ ბრახვები მოუტრია. უნდოდა დაეჭექნა, მაგრამ თავი შეიმაგრა და სიბრალულის ხმით დაიწყო:

— აბა, შენ თითონ მითხარი, ნურაფერს ვეტყვი? ვინ იცის, ეს რამდენი რამ გაუტეხნია. ხომ ხედავს შენი კაი თვალები, როგორა ვცხოვრობთ, საიდან ან რითი ვიყიდი?

— ცემის შემდეგ კოკა გაგიმთელდება?..

— არ გამიმთელდება, მაგრამ...

— მაგრამ თავი დაანებე და ეს მითხარი: ხომ არაფერს ეტყვი?

— აკი გითხარ, ხმას არ გავცემ მეტქი, — ჩმუჩნით მითხრა. ალბათ, უნდოდა ჩქარა თავიდან მოვეშორებინე და მერე ამოეყარა ჯავრი.

— ის კოკა მე გაეტეხე და აი ამის ფასიც. — ამოვიღე ერთი მანეთი და მივეცი. მაჯლაჯუნამ ფული. სიხარულით გამომართვა.

— ეხლა ხომ აინაზღაურე კოკა? მაშ სიტყვა მომეცი, რომ შენს ქალს აღარას ეტყვი.

— წმინდა მარინე იყოს თავდები...

— ამას-კი ხელს ნუ ახლებ და თავდები ვინც გინდა დააყენე, თორემ, თუ გავიგე... ეხლა-კი მშვიდობით.

ამ სიტყვასთან ერთათ გამოველ გარედ. ეზოს კარებში ქალის ხმა შემომესმა, — უკან გამომყოლოდა.

— ყმაწვილო, რატომ მე კი არ გამომემშვიდობე?

მე შევდექი, ცოტა არ იყოს, იმისმა სიტყვებმა გამაწითლა.

— დედა-შენმა ისე გამაბრაზა, რომ სულ დამავიწყდა.

— არა უშავს-რა! ეხლა გამომემშვიდობე. — გამომიწოდა ხელი, რომელიც მე გრძნობით ჩამოვართვი. ქალი ხელზედ საკოცნელად დამეწოდა, მაგრამ ნება არ მივეცი.

— ნუ, ნუ, ამაზედ უარს ნუ მეტყვი! მამ მადლობა რითი გადაგიხადო?!

— აი რითი! — მე მოვხვეი ხელი და მარწყვისფერ ტუჩებში ვაკოცე.

— მშვიდობით!

— მშვიდობით, მშვიდობით, კეთილო ყმაწვილო! — მითხრა და კიდევ მომხვია.

ჩავეკონევიტ ერთმანეთს და ისე ვიყავით რამდენსამე ხანს. ამ სურათის მოწმად მარტო მინგრეულ-მონგრეული ალაყაფის ქარები იყო.

— შენი სახელი მაინც მითხარ? — მთხოვა ქალმა.

— ჩემი სახელი თედოა. შენი?

— ჩემი — თამარ.

— თამარ, მშვიდობით!

— მშვიდობით, თედო, გთხოვ, არ დამივიწყო!

— ჩემო თამარ, უეჭველად გნახავ, თუ როდისმე ჩამოვალ თბილისს. ეხლა კი სოფელში მივდივარ.

ამ სიტყვებით დავშორდით ერთმანეთს.

რაღაც გამოუთქმელ სიამოვნებასა ვგრძნობდი. თავ-დაღმართი ისე ჩამოვიარე, რომ არა დამინახავს-რა, არც გამიგია, როგორ ჩამოველ. მარტო თამარი მეხატებოდა თვალწინ, მარტო ისა ტრიალებდა ჩემს თვალში...

II

გავიდა ხუთი წელიწადი. ამ ხუთი წლის განმავლობაში ბევრი რამ შეიძვალა, ბევრმა კოკა წყალმა ჩაიარა, მაგრამ თბილისი-კი ისევ ისეთი იყო. ვერაფერი ცვლილება ვერ შევატყვარა... ისევ ის სუნი, ისევ ის ოღრო-ჩოღრო.

დიად, თბილისი ისევ ისეთი დამხვდა, როცა ხუთი წლის შემდეგ მეორედ ვესტუმრე. თუმცა ძალიან სურვილი მქონდა თბილისის ნახვისა, უფრო კი თამარისა, მაგრამ გარემოებათა ნება არ მომცა აღრე ჩამოვსულიყავ... არ ვიცი, რად დარისთვის მაგონდებოდა ყოველ წამს თამარი. იმისი სახე ამ ხუთი წლის განმავლობაში სულ თვალ-წინ მედგა. ისეთ დღეს ვერ გამოვარჩევ, რა დღესაც ის არ მომგონებოდა.

ჩამოვედი თუ არა, მაშინვე თამაროსკენ გავეშურე. საჩქაროდ მივირბინე ნაცნობ აღმართამდის. აქ, უეცრივ თავში გამიელვა იქვეა და, ცოტა არ იყოს, შემაფერხა. ნელის ნაბიჯით შევეუდექი აღმართს. პირველს იქვს მოჰყვა მეორე და ისე მოება ერთი-მეორესა. ამ დრომდე ერთხელაც არ დამბადებია ამ გვარი იქვები, ახლა-კი თითქმის სულ იქვებათ გარდავიქეცი. „სად მისდინარ, ან რისთვის?“ ჩამომძახოდა რაღაც იღუმალი ხმა: „თამარ მაშინ ბავშვი იყო და იმისთვის ასიამოვნა შენმა საქციელმა; მაშინ დედისაგან დატანჯული იყო და შენმა გულკეთილობამ განაცვიფრა და დაგიწყო ალერსი; ეხლა რომ განახოს, სირცხვილი დასწვავს. შენს საქციელს მოწყალებად ჩასთვლის და დიდათ დაიტანჯება!“ — „მართლა და, — დავუმატე ახლა ჩემ თავად; — უნდა მივიდე და მოვაგონო, რა მოწყალებაც გავუწიე!.. უნდა ვუთხრა: გახსოვს ამა და ამ დროს, დედა-შენს ერთი მანეთი მივეცი, რომ შენთვის არ ეცემა-მეთქი. ან ეხსომება-კი? იქნება, გათხოვდა კიდევ და ეხლა ქმარიც გვერდით ჰყავდეს. რომ დამინახავს, ხომ... ან ის რომ მოაგონდეს... რა ის? ჰო, კოცნა... მაშინ... არა, ისა სჯობია, არა ვნახო“.

ამ ფიქრებში გართულმა ისე ავიარე აღმართი, რომ ვერ გავიგე. აღმართის თავს შევედექი და უკან დაბრუნებას ვაპირებდი.

„არ გცხვენიან, — ახალა მეორე ხმამ ჩამძახა, — თბილისში ჩამოხვედი და თამრო კი არ გინდა ჰნახო, ის თამრო, რომელმაც სიყვარულით მიგიღო, რომელიც ყოველ დღე მაგონდებოდა! მოიგონე შენი პირობა: „თუ როდისმე ჩამოვედი, უეჭველად გნახავ“. იქნება რა გაჭირვებაშია და შენგან ელის შეველას...“

„ჰე!..“ ამოვიოხრე და გავსწიე თამროსაკენ.

ოთახის კარი ღია იყო. შევედი შიგ და დავინახე ფანჯარასთან ახლო მჯდარი, ჩაფიქრებული ქალი, რომელსაც ზურგი მთლად დაფენილი ჰქონდა გრძელის გაშლილის თმით. ზურგი კარებისკენ ჰქონდა შემოქცეული, ამიტომ ჩემი შესვლა ვერ გაიგო. მე შევედექი და გამოსვლას ვაპირებდი, ვიფიქრე, იქნება სხვა სახლში შევედი-მეთქი, მაგრამ ბოლოს ვარჩიე გამოვლაპარაკებოდი.

— თუ უკაცრავად არ ვიყო...

— ვინა ხართ? — აღარ დამათავეებინა სათქმელი ქალმა, მობრუნდა ჩემკენ და შემომამცქერდა.

— თედო!.. თამარ!.. — თითქმის ერთად წამოვიძახეთ ორთავემ. თამარი მაშინვე წამოხტა და მომეხვია. მგონია, კარგა ხანი ვიყავით ესე ერთმანეთს მოხვეულები და ხმის ამოუღებელივ ვსტკბებოდით.

— თედო, თედო! — დაიწყო თამრომ, როცა ცოტათი დავმშვიდდით: — სული ამომხდა შენს ლოდინში! ეს ხუთი წელიწადი ჩემთვის ხუთ საუკუნეთ გარდაიქცა. სადა ხარ აქნობამდის? ნუ თუ ამ ხუთი წლის განმავლობაში ერთხელ მაინც არ ჩამოხველ თბილისს?!

— რო ჩამოვსულიყავ, არა განახავდი? თუმცა ისიც-კი უნდა გითხრა, რომ ეხლაც მიძნელებოდა შენი ნახვა...

— რად გიძნელებოდა, რა იყო მიზეზი?! — გაოცებით დამეკითხა და თან გაფითრდა — ხომ არა გაგიგონია-რა?

— რა უნდა გამეგონოს, მაგრამ ისე: მე მეგონა, გეწყინებოდა ჩემი ნახვა.

— თედო! თედო! რა აზრი მოგდის, ეგ რა საფიქრებელი იყო! — საყვედურის კილოთი მითხრა თამრომ. — შენი ნახვაც რომ მეწყინოს, მაშ ვიღას ნახვა გამეხარდეს! განა აგრე მიცნობ? იქნება შენ ტყუილი გეგონოს, ეგ შენი ნებაა, მაგრამ მე კი უნდა გითხრა, რომ ჩემ გულში, ცამეტის წლიდან, როცა პირველად გნახე, მარტო შენ იყავ ჩემი სალოცავი...

— მჯერა, მჯერა, ჩემო თამრო, — გავაწყვეტინე ლაპარაკი, — და ვხედავ კიდევ, რომ აგრეა. განა შენი სახე და საქციელი ნათლად არ მიმტკიცებს, რომ ეგ სიტყვა მართალია?

ჩომელი თავხედი ქალი გადაეხვევა კაცს, თუ განუსაზღვრელად არ უყვარს?

— მართალია, გჯერა, მაგრამ მე იმისთვის უფრო...

— თაპრო! — გავაწყვეტინე კიდეც ლაპარაკი, — დავანებოთ თავი მაგას. ორავე ცხადათ ვხედავთ და ვგრძნობთ, რომ გვიყვარს ერთმანეთი, რომ უერთმანეთოდ ვერ გავძლებთ და რომ ძნელია ჩვენი დაშორება, განცალკევება. მაშ რაღა გვიშვილს? დავიწეროთ ჟვარი და ისე ვიცხოვროთ.

თამარ გაჩუმდა — მისდიოდა და მოსდიოდა ფერი.

— თამარ, რატომ არას იტყვი, ხომ თანახმა ხარ? — დავუჭირე ორავე ხელი და ისე შევცქეროდი თვალებში. იმან მაინც ხმა არ გამცა. სულ ჰკანკალებდა და ცივ ოფლს ასხამდა ხელპირზედ.

— რა გემართება, რათა ჰკანკალებ? მითხარ, მითხარ, ნუ გაჩუმებულხარ!

თამარ მივიზიდე ჩემკენ და მაგრად ჩავიკარ გულში.

— ვაი, მე უბედურს! რატომ ამ ორის წლის წინად არ მითხარი ეგა, რომ ბედნიერები ვყოფილიყავით... ეხლა გვიანდაა.

— როგორ? — ტყვიასავით მეცა გულში იმისი პასუხი. — ჯანა თანახმა არა ხარ?

— არა!

— იქნება, დედამ ნება არ მოგცეს? სად არის დედა-შენი? — მაშინ-ღა მომაგონდა იმისი დედა.

— არც ეგ არის. დედა-ჩემს არ დავეკითხებოდი ჩემის ბედნიერების შესახებ.

— მონაზნობის აღთქმა ხომ არ დასდე? სწორედ ასე იქნება, რადგანაც...

— არა! არც ეგ არის. ვერას გეტყვი „არას“ მეტსა, რაც უნდა მკითხო.

— „არას“ მეტს ვერას მეტყვი?! მაშ სწენად გადავაქცევი და ხმას არ ამოვიღებ, მაგრამ ერთ რასმე კიდეც გკითხავ და იმაზე-კი „არას“ ვერ მეტყვი. მითხარ, რა არის მიზეზი, რომ „არას“ მეუბნები?

თამარ გაფითრებული იდგა და ძლივს-ღა ჰსუნთქავდა. იმისი სახე, ხან შეიკმუხნებოდა და ხან გაიწლებოდა. მეც ვიდექ გა-

ჩუმებული და ათასნაირი ფიქრი მახატებოდა თავში და მიკიდებდა ცეცხლს. ბოლოს თამარმა შემომხედა და გაშტერებით დამიწყო ცქერა. თვალები ცრემლით ჰქონდა სავსე. თუმცა ცდილობდა შეეკავებინა ცრემლი, მაგრამ ვეღარ მოახერხა, დაბალუპით გადმოჰყარა ცრემლები. ქრუანტელმა დამიარა ტანში და მეც გული ამიჩუყდა.

— თამარ, რატომ არ მეტყვი, რა გტანჯავს? რა არის შენის ცრემლების მიზეზი? მითხარ, ნუღარ მტანჯავ?! — ვეხვეწებოდი გულამომჯდარი.

— თედო! — წამოიძახა ბოლოს ცრემლის ყლაპვით თამარომ და ყელზედ ჩამომეკიდა. — თედო, გეხვეწები, ნურას მათქმევინებ და ამაზედ მეტად ნუღარ დამტანჯავ! შემიბრალე, გევედრები!.. — მეუბნებოდა ტირილით თამრო და აპნევდა თან მღუღარებას.

— ლამის არის, გავგიჟდე, ვეღარა გაშიგია-რა!.. — ვწუწუნებდი მეცა და, ჩემდაუნებურად, მცვიოდა ცრემლები.

— შენ გენაცვალე, შემიბრალე! შენს მეტი ქვეყანაზედ გულშემატკივარი არავინა მყავს. ამ უკანასკნელ ორ წელიწადს ის იყო ჩემი სანატრელი, რომ შენ მენახე და სიყვარულით გამოგთხოვებოდი. ამ ნატვრამ გადამარჩინა დღემდე ცოცხალი, თორემ ეხლა ჩემ ძვლებსაც ვერა ნახავდი. აი, ეხლა ამისრულდა ნატვრა, ბედნიერი ვარ და ამ უკანასკნელ წამის სიამოვნებას ნუღარ მომიწამლავ. დეე, მქონდეს ამ უკანასკნელ დროს სანუგეშოთ, რომ ქვეყანაზედ მოიპოვება ისეთი კაცი, რომელსაც ვუყვარვარ და ვებრალები. თუ ჩემი სიყვარულის ნაპერწკალი, ოდნავაც არის, კიდევ გიღვივის გულში, ნურას მათქმევინებ, თორემ შენც შეგძულდები, შენც ხელსა მკრავ, და მაშინ ხომ მე... მე... ოჰ, თედო, ნუ წამართმევ ამ უკანასკნელ ნუგეშს!

ის უფრო მომეკრა.

უფრო მოუმატა ქვითინს და ცრემლების ფრქვევას.

— თამარ! მაკვირვებს შენი ქცევა და თანაც მაშინებს. ვგრძნობ, რომ რაღაც შესაზარი რამ უნდა მოვისმინო.

— კიდევ ამიტომ გეხვეწები, ნუღარას მკითხავ-მეთქი, ჩემო კარგო!

უცნაურმა ცნობის-მოყვარეობამ ამიტაცა და იმისმა მღუ-
ლარე ცრემლებმა ვერ შექვეცა ფრთა ამ ჩემს გახელებულ
სურვილს თამარის საიდუმლოს გაგებისას. მე მაინც ჩავაცივ-
დი და რაკი შევატყე, რომ არაფრის თქმა არ უნდოდა, ვკარი
ხელი და წამოსვლა დავაპირე.

— თელო! — შეპლრილა შესაზარის ხმით: — შემიბრალე,
ნუ მიხვალ, გეტყვი ყველაფერს!

თამარმა გიჟივით მომხვია ხელები და შემაყენა.

— ოჰ, რატომ მიწა არ გასქდება და შიგ არ ჩამიტანს მე
საცოდავს! რატომ მეხი არ დამეცემა და სიცოცხლეს არ მო-
მისპობს, რომ აღარ შემეძლოს იმის თქმა, რის გაგებაც შენა
გსურს!

— თამარ, დამშვიდდი და ისე მიაბე, რა მოხდა, რა იყო
ისეთი!

— მაშ ყური დამიგდე: მე დედ-მამა არა მყავს...

— როგორ, განა დედაც მოგიკვდა და ეხლა მარტო ხარ?

— არა, მე ისევ იმასთანა ვარ, ვისთანაც ვიყავი, მაგრამ ის
ჩემი მშობელი დედა არ არის.

— სჩანს, მაშ, მაგიტომ გექცეოდა ისე ცუდათ!.. მაშ, ვინ
იყვნენ შენი მშობლები, ვინ ჩაგაგდო მაგ ტარტაროზის ხელ-
ში და ვინ გახდა შენი მოვალე?

— ვინ იყვნენ ჩემი მშობლები? ეგ არც მე ვიცი. არ ვიცი,
რა გვარისა ვარ, რა სჯულისა: ქართველი, რუსი, თუ ვინ. უფ-
რო ქართველი უნდა ვიყო, რადგანაც თამარი დაურქმევიათ
სახელად. მე... მე... ნაბუშარი ვარ!..

— ნაბუშარი?!

— ნაბუშარი. იქნება მე პირველად დავებადე ჩემს მშობ-
ლებს, დავებადე პირველსავე სიყვარულის ნაყოფად! ვინ
იცის, რა სიტკბოებითა და სიხარულით ეხვეოდნენ ერთმანეთს
ისინი პირველში, მაგრამ ბოლოს გაუმწარდებოდათ ის სიხა-
რული, როცა მე დამინახავდნენ. ღმერთო, ნეტა რად არის ესე
მწარე ნაყოფი სიყვარულისა, რომ გავჩნდი თუ არა, როგორც
უხმარი ნივთი, ისე მომიშორეს თავიდან? ზედაც, თურმე, ასე-
თი ქალაღდის ნახევი დამაგდეს: „მოუნათლავია სახელად თა-
მარი დაარქვითო“. ჩემის ვინაობისა მეტი არა ვიცი-რა.

— ნაბუშარი!.. ნაბუშარი!.. თამარი ნაბუშარია!.. — ნაწყვეტ-ნაწყვეტათ ვისროდი მე ამ სიტყვებს.

— თამარ, არა მჭერა, რომ შენ ნაბუშარი იყო! რომელი ნადირი გადაგადგებდა, რომელი?..

— შეგაშინა ამ სახელმა?! ეხლა ხომ ხედავ, რადაც ვუბრძობდი ჩემის თავ-გარდასავალის თქმას?

— შემაშინა?! კმ!.. ჩემო თამარ, მე ეგ ვერ შემაშინებს. ჭიდევაც გიმეორებ: წამოდი, წავიდეთ და ჯვარი დავიწეროთ.

— ნუ ჩქარობ, ჩემო ნუგეშო, ჯერ არ გამითავებია ჩემი ამბავი.

— მიამბე, მიამბე.

— ხომ კარგათ იცი ნაბუშრების გარემოება? მაწოვარ დედაკაცებს ურიგებენ და გამოსაკვებ ფულს თვიურად აძლევენ, ვიდრე შვილის წლისა არ გახდება. მე ბედმა ეგ მარგუნა, რომელსაც შენ ტარტაროზი უწოდებ; შვილის წლისა რომ გავხდოდი, მოვიდნენ ჩემს წასაყვანათ, მაგრამ მაგან აღარ დამანება და შვილად ამაყვანა. მაშინ გავიგე ჩემი ვინაობა და მას აქეთ სიცოცხლე მოვიძაგე და ქვეყანა შემძაგდა. ოჰ, რატომ რამემ არ გამსრისა, რატომ სული არ ამომხდა, როცა ჩერებში გახვეული გარედ ვეგდე?! რისთვის მიაოვეს ცოცხალი, ან რისთვის გამომზარდეს!..

თამარი გაჩუმდა. ჩაჰკიდა თავი, რამდენსამე ხანს ასე იყო. მეც ვიჩქე გაჩუმებული და თვალს ვადევნებდი მისი სახის ცვლილებას.

III

— რაც თავი შემისწავლია, — დაიწყო ისევ თამარმა, — ერთი დღე კარგი არ მახსოვს, თუ იმ დღეს გამოვაკლებთ, რა დღესაც პირველად შენ გნახე და გამომემშვიდობე. ოჰ, თედო, არ ვიცი, როგორ გამოვსთქვა ის სიამოვნება, რომელიც მე ვიგრძენი მაშინ, როცა ხელზედ მინდოდა მეკოცნა და მის მაგიერ შენ პირზე მაკოცე! მაშინ მთელი ქვეყანა ჩემი მეგონა. ვიგრძენ, რომ მეც ადამიანი ვიყავ, აღარავის ვეჯავრებოდი. ყველა შემირიგდა, ყველამ დაივიწყა ჩემი ვინაობა. იმ კოცნას ეხ-

ლაცა ვგრძნობ, მაგრამ ჩემი სიხარული ნადრევი იყო. ამ დღესვე მაგრძნობინეს მეზობლებმა, ვინც ვიყავ და რაც ვიყავ. ისევ მალე ამიგდეს მასხარად, ისევ მალე დამჩაგრეს და კვლავ შემაძულეს ადამიანი. კაცის დანახვა კვლავ გულს მიკლავდა; იმის სიხარული და სიამოვნება ჩემთვის ვაება იყო. ტარტაროზი ჯერ-კი კარგათ მექცეოდა, ექვსი თვის განმავლობაში ხმას არა მცემდა. როცა-კი ცემას დამიპირებდა, მაშინვე შენ გახსენებდი და ისიც მიყუჩდებოდა ხოლმე, მოიბუზებოდა და ტკბილად დამიწყებდა ლაპარაკს. იმ ექვს თვეს შენი შიში ვერ მოიშორა იმან თავიდან. ერთხელ გველივით შემომიჩნდა და მათქმევინა, რომ შენ სოფელში წახვედი. ისიც-კი ვუთხარ, რომ იმის სოფლის სახელი არ ვიცი-მეთქი. ამის თქმა და ჩემი მიბეგვა ერთი იყო. მომდგა მაშინვე და რაც ექვს თვეს დამაკლო, სულ ერთად შემისრულა. გიძახდი, გნატრობდი, მაგრამ შენ არსად სჩანდი, მეზობლებს ვეხვეწებოდი, მაგრამ ვერაფერ ბედავდა გამოქომაგებას. ამ ცემის შემდეგ დაიწყო კვლავ ჩემი გამუდმებული ტანჯვა. სამ წელიწადს გასტანა ასეთმა ცხოვრებამ. სამის წლის შემდეგ შევსრულდი თექვსმეტის წლისა და მას უკან ხომ სულ უკუდმართად დატრიალდა ჩემი ბედი.

— საწყალო თამარ, — ვუთხარი მე შებრალებით, — რანაირად გოტანჯნია, რამდენი ვაება გამოგივლია! მე კი ერთხელაც არ ვიკითხე შენი ამბავი.

— ყოველ დღე მოგელოდი. ბევრჯელ თავის მოკვლა დავაპირე, მაგრამ მაშინვე შენი სახე წარმომიდგებოდა თვალ-წინ და თავს შევიმაგრებდი ხოლმე, ამოვიღებდი შენს მოცემულს ცხვირსახოცს და ამაზედ ვიკლავდი შენს სიყვარულის ჟინს. ის ცხვირსახოცი გვერდიდან არ მომიშორებია; დღეცა და ღამეც თანა მაქვს.

ამ სიტყვებთან ერთად ამოიღო უბიდან ცხვირსახოცი და მაჩვენა:

— აი, ხომ ეს არის?

— თმარ, თმარ!.. — გიჟივით მოვხვიე ხელები და ჩაუკარ გულში. — თმარ, ღირსი არა ვარ შენის სიყვარულისა. მამატივე!

— მაგას ნულარ მეტყვი, — საყვედურით მითხრა თმარ-

მა: — მე ვიცი, ვინ ვისი სიყვარულის ღირსი არ არის და შენც ჩქარა დაგიმტკიცებ ამას.

ქალი ადგა და ჭიქაში რაღაც ფხვნილი გახსნა, რომელიც შემდეგ გვერდით მოიდგა.

— ეგ რა არის, თამარ? — ვკითხე, როცა ისევ გვერდით მომიჯდა.

— გულის დასამშვიდებელი წამალია.

— მერე რად გინდა?

იქნება ძალიან ავლელდე და ეს დამიმშვიდებს გულს.

— ისე რამ უნდა აგაღელვოს, რომ წამალი დაგჭირდეს?

— ეხლავ მოისმენ, ჩემო თედო... რაზე დავდექი?!. ჰო, თექვსმეტის წლესა რომ შევსრულდი, სულ სხვანაირად შეიცვალა ჩემი ცხოვრება. ტარტაროზი ალერსით მექცეოდა, წყალზედაც აღარ მგზავნიდა. მიკვირდა, ვერ მიმხვდარიყავ, რა უნდა ყოფილიყო მიზეზი ასეთის დატკობისა. შემდეგ-კი მივხვდი. ერთ დღეს მომიჯდა გვერდით და კოცნა დამიწყო. მეზიზღებოდა ასეთი ალერსი ამისი, მაგრამ ვერა მოვახერხე-რა. „შვილო, — მითხრა ბოლოს: — არ იცი, ჩვენი წუთი-სოფელი როგორია და ქალმა როგორ უნდა იცხოვროს!“ — რას მეუბნები, ვერ მიმხვდარვარ-მეთქი, — დავეკითხე მე. ვითომდა არ ვიცოდი... „შენ სხვა კუდიანი ხარ, ყველაფერი იცი!“ — ღიმილით მითხრა. მერე... ოჰ, რატომ მაშინვე თავი არ მოვიკალ. დამიწყო რჩევა: ასე და ასე უნდა მოიქცე, თუ გინდა, რომ რიგიანათ იცხოვრო, კარგი გეცვას, კარგი გეხუროსო. ამ ლაპარაკის გაგონებაზე სულ ცეცხლი მომეკიდა, სირცხვილმა დამწვა, გონდაკარგული წამოვხტი და გარეთ გამოვვარდი.

— ის ქოფაკი, ის ტარტაროზი ისა! მოსაკლავია ჩემის ხელით!

— სალამომდის შინ არ შემოვსულვარ, — განაგრძო თამარმა: — არ მინდოდა დაბრუნება, მაგრამ სად წავიდოდი, ვის მივადგებოდი კარს? შენი სოფლის სახელი რომ მცოდნოდა, იქნება შენთან მოვსულიყავ. ბევრი ვიტირე, ბევრი თავში ვიეც, ბევრჯელ გახსენე, მაგრამ ამან არა მიშველა-რა. მერე მომივიდა ფიქრად უკანვე დაბრუნება, ხოლო დროებით, ვიდრე მოვიკითხავდი სადმე მოახლის ადგილს. მივედი შინ. კარგა

შებინდებული იყო. იმას ჩემთვის ხმა არ გაუცია. გავიდა რამდენიმე კვირა. აღგილი ვერსად ვერ ვიშოვე, თუმცა-კი დაპირდნენ. ტარტაროზი აღარას მეუბნებოდა. თითქოს დარცხვენითაც მელაპარაკებოდა. მე მეგონა, შეინანია თავისი საქციელი და ამის შემდეგ ველარას გამიბედავს-მეთქი. მართლაც აღარა უხსენებია-რა. თავის ბოროტების შესასრულებლად თურმე სხვა გზა ამოერჩია. ერთ დამეს ძილში ტუტუნი შემომესმა. გავახილე თვალები და რა დავინახე?.. ჩემს ლოგინთან იდგნენ ტარტაროზი და ვილაც ორი კაცი. „ვინა ხართ, რა გინდათ-მეთქი!“ წამოვიყვირე მაშინვე. „ვინ უნდა ვიყვნეთ, ადამიანები ვართო“, მიპასუხა ერთმა კაცმა უსირცხვილოდ. „ადამიანები-კი არა, ეშმაკები ხართ! აქედან დაილუპენით, თორემ!..“ „თორემ რაო?“ მიპასუხა ისევ იმან. „შენ გაზდას, ნუ სცხარობ, ჯერ გაიგე, რა თუმნიანები დაეუთვალეთ დედა-შენსა და“... „ოჰ, შე ქოფაკო შენა!..“ წამოვხტი ლოჯინიდან და ყელში წავეუჭირე ტარტაროზს, მაგრამ ჩქარა გამაგდებინეს ხელიდან. ახლა ამ კაცებს დაეუწყე კბენა, ფხაპვნა, კაწვრა სახისა, დავიწყე ღრიალი, მაგრამ... ოჰ, აღარ შემოძლიან მეტი!.. — მიიფარა ხელები პირზე და ქვითინი ამოუშვა.

— მერე, მერე?! — შევეღრიალე და ხელები პირიდგან ჩამოვატალე.

— მერე?.. ამიხვიეს პირი, რომ აღარ მეყვირნა, გამიკრეს ხელები, შემკრეს მაგრა და... ვაი!.. მომკალ, ნულარ მაცოცხლებ!.. ხომ ხედავ, მე სიცოცხლის ღირსი აღარა ვარ... აქნობამდისაც მოვიკლავდი თავს... მაგრამ შენის ნახვის სურვილმა გადამარჩინა ცოცხალი.

თამარი მომვარდა და მეხვეოდა.

თვალი დამიბნელდა, სული მიგუბდებოდა, სიტყვის თქმას ვეღარ ვახერხებდი. თითქოს თავში დამკრეს რამეო, ისე დარეტიანდი და თავს ვეღარ ვიმაგრებდი.

— თედო, თედო, რა გემართება? გონს მოდი!.. — ტირილით მეხვეოდა თამარი...

— შორს, შორს! შეე... მაგის შემდეგ, ცოცხალი როგორღა ხარ?!. რატომ თავი არ მოიკალ?.. ღმერთო!

— შენ ნახვას ველოდი!...

— ჩემსას?! ეხლა ხომ გნახე! ენა რატომ მუცელში არ ჩაგვივარდა, რატომ სული არ ამოგხდა, ვიდრე მაგას მეტყობდი!..

— ვაი, მე უბედურს!.. მშვიდობით!.. მშვიდობით!..

თამარმა წამოავლო ჭიქას ხელი და უეცრად დალია ჭიქაში მომზადებული გახსნილი ფხვნილი.

— ჰო, გინდა დამშვიდდე?! ღმერთო!.. სად არის შენი სანართალი?!.

ვიტაცე თმაში ხელი და ტახტზე დავეშვი. ისე წამერთვა ღონე, რომ მუხლები მეკეცებოდა.

— მიშველეთ!.. — ამოვილულულე ძლივს.

— თედო, წყალი დალიე! აჰა! ეს მომივიდა და რა ღმერთი გამიწყრა, რომ გიამბე ყველაფერი! — მეხვეოდა ტირილით თამარი.

წყალი დავლიე და იმან ცოტათი დამამშვიდა. თავბრუმ სულ გამიარა.

— მადლობელი ვარ, ჩემო თამარ, რომ წყალი დამალევი-ნე. ოჰ, რა მომივიდა?!.. თამარ, წამო ჩქარა, წამოდი, წავიდეთ აქედგან, თორემ დავიხრჩობით ორივენი.

— თედო, შენ მეუბნები მაგას? მაშ არ შეგძულდი?!. მაშ ისევ გიყვარვარ?! — სიხარულით მეუბნებოდა.

— ჩაიცვი ღროით, ნულარ აგვიანებ! — ვაჩქარებდი მე თამროს.

— ეხლავ!

თამრო საჩქაროდ მივარდა სკივრს, ამოშალა, ამოწეწა და მიჰკრა-მოჰკრა თავისი საცვლები ბოხჩაში. ბოლოს ჩაიცვა ტანთ და ბოხჩიანი, სიხარულით ისევ მე მომევარდა.

— წავიდეთ, წავიდეთ, თედო! ოჰ, ღმერთო, განა მოვიფიქრებდი ასეთ ბედნიერებას!

მე ხელი ჩავავლე და კარებისკენ გამოვეშურე, მაგრამ თამრო უეცრივ შედგა, გაფითრდა და წამოიყვირა:

— ვაიმე!

— რა მოგივიდა, ეგრე რამ გაგაფითრა ან რათ შეჰყვირე?!.

— მე... მე... თედო!.. ოჰ, რა ჩქარა იმოქმედა ამ წყეულმა!..

თამროს ტანი სულ ერთიანად უკანკალებდა. ფერი დაეკარ-

გა და ცივმა ოფლმა დაასხა პირის სახეზე. ბოხჩა ხელიდან გავარდა და ბარბაცი დაიწყო.

— მიშველე!.. სული მეხუთება... წყალი!..

— მითხარ, მითხარ, რა მოგივიდა? — ვეკითხებოდი თვალმბლაქეტილი და გონზე ვეღარ მოვედი.

თამრო დავსვი სკამზედ და საჩქაროდ წყალი შევეურბენიე.

— ოჰ!.. — დამშვიდებით ამოიოხრა თამარმა, როცა წყალი დალია, — თედო! იცოცხლე დიდხანს, იყავ კარგათ, სიხარულით დაბერდი. მე-კი გამომემშვიდობე... ვკვდები... ბედმა არ მალირსა შენის სიყვარულით დავმტკბარიყავ... — თვალ-ცრემლიანი მეუბნებოდა თამრო და თან გული უკვდებოდა.

მე-კი ენა აღარ მემორჩილებოდა, ნერწყვი გამიშრა და გაშტერებული ვიდექი. ვერ მომეფიქრებინა, ასე უეცრივ რა მოუვიდა.

— თედო!.. — განაგრძო კვლავ თამრომ: — ვერა ხედავ, დასამშვიდებელმა წამალმა როგორ გასჭრა... ის... ის საწაპლავი იყო...

— საწაპლავი?! ექიმი! — შევეყვირე მე.

— რა ვიცოდი მე უბედურმა, თუ კიდევ გულს მოიბრუნებდი ჩემზე იმ ამბის შემდეგ, რაც გიამბე... შენის სიყვარულის დამკარგველს სიცოცხლე რაღათ მინდოდა... ამიტომ დავკლიე.

— თამარ... საყვარელო თამარ!.. — მხეცივით მივეარდი და დაუწყე ხვევნა ძალზე მისუსტებულს თამარს.

— თედო, მიშველე!.. სიკვდილი აღარ მინდა, თავი მენახება... ვაიმე!.. გულ-მუცელი მეწვის, ცეცხლი მეკიდება!..

— ექიმი, ექიმი! — საშინლად ვღრიალებდი ოთახში ჭკუაშეშლილივით, ამოდენა ღრიალზე ძე ხორციელი არსად გაჩნდა და ზედ არავინ შემოგვხედა.

— ექიმი, ექიმი!.. — გამოვეარდი გარედ ყვირილით.

— ნურსად მიხვალ!.. — მომესმა თამარის ხმა.

მაგრამ მე იმისათვის ყური აღარ მიგდია და ერთ წუთსაჲს ქუჩაში გავჩნდი. სწორედ გიჟსა ვგავდი იმ დროს, და ვინ იცის, რამდენი ცნობის-მოყვარეობით და გაკვირვებით შესდგა და ცქერა დამიწყო, როცა მე თავშიშველა, თმა-გაწეწილი

ეტლში ვიჯექი, ვიჯექ-კი არა, ვიდექი მეეტლეზე გადაყრდნობილი, რომელსაც ხელიდან მათრახი წავგლიჯე და ცხენებს ვერეკებოდი ყვირილით: „ჩქარა, ექიმთან, ექიმთან-მეთქი!...“ ყოველი წუთი ჩემთვის საუკუნეთ გარდაიქცა...

როგორც იყო ექიმი ვიპოვე...

ექიმთან ჭრთად გულის კანკალით მიეუახლოვდი ოთახის კარებს; ოთახიდან დედა-კაცების ხმა მომესმა. თმა მალლა წამივიდა, მეგონა, ვაი თუ თამრო გათავდა კიდევაც-მეთქი.

— ერთხელ კიდევ დამანახვეთ!... — მომესმა დედა-კაცების ღრიანცელში თამარის მისუსტებული ხმა.

სინარულმა ამიტაცა და წამოვიყვირე: „ცოცხალია-მეთქი“. ექიმი და მე ერთად შევედით ოთახში.

თამარი ბალიშზე იყო გადასვენებული, იმისი გრძელი და სქელი თმა გადაშლილიყო ზედ და მთელს ბალიშს ჰფარავდა თითქოს სურათის ფონიარო. ამ შავ ფონს შუა თამარის მთლად მიმქრალი თვალები და მილულული სახე გამოიციქირებოდა. ტუჩები სისხლისაგან ჭიაფერივით ჰქონდა შეღებილი. მარტო ტუჩების სიწითლე და აჩქარებული სუნთქვა-ლა ამტკიცებდა, რომ ჩემ წინ ცოცხალი ადამიანი იყო და არა სურათი.

ჩვენს შესვლაზე ყველანი გაჩუმდნენ. ჩამოვარდა მღუმარება. თამარმა თვალები ძლივს გაახილა, მძიმედ გადახედა ყველას და უგონოდ იციქირებოდა აქეთ-იქით. ხელი მალლა აიღო და ისევ ტახტზე დაუშვა, თითქოს მოწყვეტილი აქვსო. ხელში აბრეშუმის ხელსახოცი ეჭირა.

— ოჰ, თედო, მო... — სიტყვა ვეღარ დაათავა და მიხუჭა თვალები.

— თამარ!... — მივიწიე იმისკენ, მაგრამ მკურნალმა ხელი დამიჭირა და შემაყენა.

— მოიცადეთ! — მითხრა მკურნალმა და თვითონ მავიდა. ალბათ თამარმა ჩემი ხმა იცნო, რომ ესე უეცრივ თვალები გაახილა და წამოიწია.

— ჰა, აქა ხარ?!.

— დამშვიდდი, ქალო, ნუ მღელვარებ! — უთხრა მკურნალმა და მოჰკიდა ხელი.

— ვინა ხარ?..

— მკურნალი ვარ, ნუ გეშინიან!

— მკურნალი?! მე აღარა მომარჩენს-რა... ტყუილათ ნუ...
ოჰ!..

ექიმმა გასინჯა და მითხრა:

— საშველი აღარ არის.

— ნუთუ აღარ ეშველება-რა.. ბატონო მკურნალო, ნუ მომიკლავთ ჩემს თამარს, გევედრებით, უშველეთ რამე!.. —
შევეყვირე მე.

— ნუ ჰყვირით, ქალს შეეშინდება! — მითხრა ჩემად
მკურნალმა.

— თედო, აქა ხარ?.. მოდი!..

თამრომ წამოიწია და ორივე ხელი გამომიწოდა.

— თამარ, ჩემო სიცოცხლე! — მივეარდი თამარს და მო-
ვეხვიე.

— თედო... მიხარიან, რო... შენს ხელში... ვაი... მითხარი,
რო... გიყვან...

— თამარ, მიყვარხარ!..

— მშვიდობათ.

— თამარ, თამარ!.. — ჩავსძახოდი მე, მაგრამ ქალი ხმას
აღარ იღებდა.

„მომილოცნია ახალიწელი..“

(ფსიქოლოგიური ეტიუდი)

„ხვალ ახალი წელიწადია!..“ — წამოიძახა მთლად ჩამომხმარმა და წელში ორად მოხრილმა დედაბერმა, რომელიც ჩულის ნაგლეჯებზე მიგდებულიყო სარდაფის პატარა ნესტიან ოთახის ერთ კუნჭულში და ზევიდან ისეთივე ჩულის ნაგლეჯი წაეხურა..

„ახალი წელიწადია!“ — სიცივისაგან აკანკალებულის ხმით და თავის კანტურით გაიმეორა და მორღვეული თვალები გამურულ, გვერდით მდგომ ლამპრის შუშას მიაპყრო, რომელიც ისე ბეუტავდა, როგორც იმისი თვალები.

ვერც ერთი მათგანი ერთი მეორეს ვერ ეტყოდა: „არა, მე შენზე უკეთ ვანათებ, არა მეო“. ორივეს ერთგვარად გამოლოდათ სინათლე და ერთმანეთის ტანჯვის ძალა-უნებური მოწმენი იყვნენ.

დედაბერს ტანჯვისაგან მთლად ჩანაოჭებული სახე ხან გაეშლებოდა ოდნავ და ხან უფრო ჩაენაოჭებოდა; ლამპარი კი წრიბინებდა და უფრო მურავდა შუშას.

— ღმერთო, ძილი მაინც მომგვარე! — წამოიძახა კარგა ხნის სიჩუმის შემდეგ დედაბერმა და თვალები ვედრების ნიშნად ჰერს მიაპყრო.

— რა დაგიშავე ისეთი, — განაგრძო მან. — რო ამ მდგომარეობამდის მიმალწევინე?! ერთად-ერთი ცხოვრების სახსარიც, მოძრაობა, რითაც თავს ვირჩენდი, მომისპე ამ უკანასკნელს დროს. შემეძლო სიარული და ნაგავში კონკებსა და ჩვრებს ვაგროვებდი, შემდეგ ვყიდდი და მის ნაფასურით თავს ვირჩენდი. ეხლა?! მოძრაობაც მომისპე და დამავდე ისე... ჰა დასტკბი, დასტკბი ჩემის ტანჯვით!.. ამაზე მეტს რაღას მი-

ზამ?! — წამოიღრიალა მან და ხელები მაღლა აიწოდა, მაგრამ მშინვე ჩამოუშვა, და ერთბაშად გაკვესებულმა თვალებმა ისევ ლმობიერად ბეუტვა დაიწყო.

— ღმერთო, მაპატივე, რომ ასე კადნიერად.. არა, არა... პატივებას არა გთხოვ!.. — დაიღრიალა მოხუცმა და უეცრივ წამოჯდა. — უაღრესი ტანჯვაც რომ მომერგოს, რასაც აუცილებლივ მოველი, მაინც შენ აღარ მოგმართავ, არა... ამაზე კადნიერადაც რომ მოგიხსენიო, მაშინაც არა გთხოვ პატივებას! მე მუდამ შენგნით დევნილი ვიყავ: ბევრჯელ მოგმართე გულწრფელად, ბევრჯელ მოგაპყარ ცრემლიანი თვალები, მაგრამ შენგან ნუგეში ვერ მივიღე. ეხლა, როცა ჩემი დღენი დათვლილია, არ მინდა შენი შველა, უშენოდაც მოგკვდები...

— ოჰ, სანატრელო სიკვდილო, რაღას იგვიანებ?! — გულის სიღრმიდან ამოსკდა ეს ნატვრა და თვალთ ცრემლები მოერია.

დიდხანს იჯდა და პირდაპირ კედელს გაშტერებით გასცქეროდა, თუმცა-კი ამ საგანს სრულებით ვერა ხედავდა. მის მაგივრად თვალებ წინ დაუხტოდნენ ბრჭყვიალა წერტილები, რომლებიც იმის თვალში ჩასახტომად ერთმანეთს ეცილებოდნენ.

თვალის სიღრმეში მოგროვილი ცრემლი ძლივს დარგვალდა და ქუთუთოებს წყვილად გადმოეკიდა. ცოტა ხანიც და ორი მსხვილი ცრემლის მარცვალი იმის ლოყებზე ჩამოეკიდა. თვალის კაკლები მოეწმინდა და გაუსინათდა; ბრჭყვიალა წერტილებიც უეცრივ მიიშალა, და პირდაპირმა, სინოტიოსაგან ჩაშავებულმა კედელმა ლამპრის ბუნდ შუქზედ რხევა დაიწყო...

— ღმერთო! — გულ-ჩაწყვეტით წამოიძახა დედაბერმა და თვალებზე ხელები მიიფარა; ისე აწვებოდა თვალებს, თითქოს სურდა თვალის კაკლები გაესრისნა, რომ იმით გამოწვეულ ტანჯვას სულიერი ტანჯვა გაექარებინა, მაგრამ სულ ამაოდ, იმის სულისკვეთებას არა აკლდებოდა-რა.

— კმ... — თავის ქნევით მწარედ გაიღიმა დედაბერმა ღრმად ჩაფიქრების შემდეგ და სასოწარკვეთილებით ხელები მუხლებზე დაირტყა.

— ჩემის წარსული ცხოვრებისათვის მარგუნე ეს დღე? — ღიმილითვე და თავის ქნევით დაიწყო მან: — ჩემი წარსული ცოდვად მიგაჩნია და იმისთვის მსჯი?.. მე რე მე ვარ დაქნაშავე?.. უმანკო, გამოუცდელ თექვისმეტ-ჩვიდმეტი წლის უთვის-ტომო ქალს რა უნდა მომეგვარებინა?.. ყველას ენდობი, ყოველივე სიმართლედ მიგაჩნია, მაგრამ, თურმე ნუ იტყვი, ყოველივე უხამი ყოფილა და მათი მიკარება ადამიანს უწყალოდ სწამლავს. ჩემი გულწრფელი გრძნობა, ჩემი წმინდათა-წმინდა უსინიდისოდ შემოილახეს, მიწასთან გამისწორეს, ტალახით შემითხუპნეს და, ვაი სათქმელადაც ძნელია, იქამდე მიმიყვანეს, რომ ჩემ ხორცს, ხორცს ყიდვა დავუწყე... დახელოვნებულ ვაჭარსავით, ვფლიდობდი, ვთვალთმაქცობდი: ვეხვეოდი იმას, ვინც მძაგდა, ვიცინოდი, ვხარხარებდი, დავხტოდი და დავფუნდრუკებდი მაშინ, როდესაც მეტირებოდა... განა ის ტანჯვა არ კმაროდა, რომ ეხლა ესეც არ დაგემატებინა?.. აჰა, შემომხედე, რომოცდაათი წლის დედაკაცი რასა ვგევარ?.. ოთხმოცდაათის წლის დედაკაცივით დავუძღურებულვარ და მშიერ-მწყურვალს სული მერთმევა... ნუ თუ გგონია, ქუჩაში გავცურდები და ლუკმა პურისათვის ხელს ვისმე გავუწვიდი?.. არა, არა... მეყოფა ამდენი დამცირება! ხა, ხა, ხა... გავუწოდო ხელი იმათ, ვინც ამ დღემდე მიმიყვანა, გავუწოდო ხელი, რომ მოწყალება მოიღონ ჩემზე... კმარა, მე იმათ ხელს არ გავუწვიდი, რომელთაც მსრისეს, მტანჯეს, ვიდრემდის ჩემი სახე ნიბლავდა, და ეხლა-კი, როგორც უხმარი ნივთი, ამ სოროში ჩამომიძახეს... არა, არა!.. — წამოიყვირა დედაკაცმა და უეცრივ ფეხზე წამოვარდა.

მამაცათ გაიმართა წელში, და თვალებმა საშინელი ელვარება დაუწყო.

ვინ იტყოდა, რომ ეს დაუძღურებელი ადამიანიაო?

მან მაგრა დაიკრა მჯიღი გულში, რომელმაც დაიგრიალა და სხაპა-სხუპით წამოიძახა:

— რატომ არ შემიძლიან, რომ ეხლა ყველა, ყველა გავსრისო, ჩემი დამცირებისათვის სამაგიერო მივუწყო?! ნეტავი ეხლა მოვიგდო ვინმე ხელში, რომ ჩემს კბილებით დავ-

გლიჯო, დაეფლითო და იმის ტანჯვით დავსტკბე, იმის ვაება-ზე ვიკასკასო!..

ამ დროს ზევიდან ჩამოესმა ბრახა-ბრუხი და ხმაურობა. ცოტა ხნის შემდეგ მოესმა როიალის გრიალიც.

— ააა!.. — უცნაურის ხმით დაიღრიალა მან, და ტანი აუთრთოლდა.

— ააა!.. — კედევ დაიღრიალა, შემდეგ კბილებით თავის გამხმარ ხელს დასწვდა და ერთი ლუკმა ხორცი ამოგლიჯა.

სისხლით შეთხუპნული სწორედ გამძვინვარებულ მხეცს ჰგვანდა.

— ახალი წელიწადი უკვე დადგა!.. ახალ წელს ეგებებიან! ერთმანეთს სიხარულით ულოცავენ!.. ჩემი მტანჯველნი მხიარულობენ!.. — მეტის-მეტი სიასპიტისაგან მიხრინწიანებული ხმით ჰყვიროდა და გამალებული დარბოდა ოთახში იმ დროს, როდესაც როიალის გრიალი და ხმაურობა უფრო და უფრო მკაფიოდ მოისმოდა.

— იმათ უნდა იმხიარულონ?! არა, მაგ მხიარულებას ვაებად გადაგიგცევთ, თქვე მტარვალნო!.. — წამოიძახა ბოლოს და ლამპარს ხელი დაავლო.

დედაკაცი გიჟივით ეზოში გავარდა და საჩქაროდ ნავთი მიასხ-მოასხა იმ კარებთან და ფანჯრებთან, საიდგანაც მხიარულების ხმაურობა მოისმოდა. სულ არ გასულა რამდენიმე წუთი, რომ ცეცხლი გაჩაღდა და მთელი ეზო გაასინათა.

სახლში უეცრივ როიალის გრიალი და ხმაურობა შესწყდა. ყველანი გაელვარებულ ფანჯრებს მოაწყდნენ და გულ-დახე-თქილებმა ყვირილი მორთეს.

— ხა, ხა, ხა!.. მომილოცნია ახალი წელი!..

ხარხარით შესძახა ამ დროს დედაბერმა სარკმლიდან და გაძლიერებულ ცეცხლს შეუერთდა.

„ჩემო შვინდავი“

(სურათი)

I

ლამის სიბნელეს ერთი ალიაქოთი შეუდგა და შიშისაგან ტუჩისფერი დაჰკარგა, როცა დღის ნათელს თვალი შეასწრო. სიბნელე ჰგმინავდა, ფორთხილობდა, ებრძოდა სინათლეს, მაგრამ ვერას გამხდარიყო. სასოწარკვეთილებით მიმართა თავის დარაჯ-ვარსკვლავებს და საშველად იხმობდა. მაგრამ ისინიც შიშისაგან სადღაც მიმალულიყვნენ და თავის დედის— სიბნელის მომაკვდავი ხმა არ ესმოდათ. მარტო შორს, სადღაც ცის კიდეს, გამოჩნდა ამ ხმაზე ერთი დარაჯი, მალვით გამოაბეჭუტა თვალები და, თავისი დედა — სიბნელე მთლად ნაცრისფრად ქცეული რომ დაინახა, ნაღვლიანად ჩაიქნია თავი და ისევ მიიმალა.

დარაჯთ ამნაირ სამარცხვინო საქციელისთვის ხმელეთიდან ფრინველთ ყიყინა დასცეს და სინათლეს-კი „ვაშა, ვაშა“-ს შესძახოდნენ. ტოროლა მაშინვე წამოვარდა თავის ბინიდან და სიხარულით გაეშურა ცისკენ სინათლის მისაგებებლად...

ჯერ ისევ ნორჩმა, ხავსივით მწვანე ბალახმა ლამის სიბნელისაგან მოხრილი წელი აიმართა და ღიმილით შეხედა სინათლეს, რომელიც ალერსით დასცქეროდა ზემოდან. აგერ, ახლად გაფურჩქენილმა ვარდმაც მორცხვად და კეკლუცად დაუწყო მზერა სინათლეს, ვითომდა ყურს არ უგდებსო ბუღბულის გულსაკლავ სტვენას, რომელიც, აგერ რამდენი ხანია, სასოწარკვეთილებით დაკვნესის და ეტრფიალება. საწყალი ვარდი მთლად დამთვრალია ბუღბულის ალერსით. მაგრამ

რა ქნას, როცა მეტის-მეტი მორცხვი და კრძალული არსებაა და ვერ გამოუთქვამს ბულბულისთვის თავისი გრძნობა აგერ, როგორ გაწითლებულა გულის-თქმით და აღმური ასდის... ბულბული კი ვერ მიმხვდარა ამას და, ვარდის ამ გაათქეცებელი სიმშვენიერით დამწვარი, უფრო გულსაკლავს ხმებს დაჰკენისის და სტვენს, თითქოს გული უნდა ამოიგლიჯოს და ვარდს ესროლოს, რომ, ამით მაინც არის, დაიმსახუროს მისი ყურადღებაო.

ძირს, ხმელეთს ფრინველთ უკანასკნელად კიდევ დასცეს სიბნელეს ყიჟინა, სინათლეს გამარჯვება მიულოცეს და საზრდოს საძებნელად გაემგზავრნენ სხვადასხვა მხარეს. ყვინჩილამაც მიბაძა სხვა ფრინველთ, ფრთხილით გადმოეშვა ძირს ხის ტოტიდან და იქვე ნაგვის გროვას რუკ-რუკით ქექა დაუწყყო და ეძახდა თავისთან დედლებსა და ვარიებს, რომელთაც დიდხანს არ ალოდინეს და ნაგვის ქექით მხარში ამოუდგნენ.

ქათმებთან ერთად სოსოს დედაც წამოღვა, საჩქაროდ დაგავა სახლი და დერეფანი. ნაგავს კიდევ ახალი ნაგავი მიუმატა და ამით ყვინჩილა და იმისი ჯალაბობა ძალიან გაახარა. სოსო კი დილის ძილში იყო და ტკბილად ხვრინავდა დერეფანში. დედა მივიდა, უნდოდა გამოეღვიძებინა, მაგრამ შენანდა თავისი შვილი, ისევ თავი დაანება და, საწველელით ხელში, ხბო გამოუშვა; ხბომ მაშინვე შებღავლა და ხტუნაობით თავის დედისკენ გაეშურა, რომელიც მხიარულად მიეგება და ზმუილით ლოკვა დაუწყო. ხბო თავის პატარა თავს ცურზე უსვამდა და თან ხან ერთს ძუძუს ჩაიდებდა პირში და ხან მეორეს. სოსოს დედაც საწველელით იქვე იდგა და ხბოს შველოდა ძუძუების მორიგებას.

— ჯერ ეს გეყოფა, ჩემო ფუჩინავ! — სთქვა სოსოს დედამ და ხბო ძროხას წინ მიუბა, თითონ კი მიუჯდა ცურს და ცოტა ხნის შემდეგ საწველელში რძეს ჩხრიალი დააწყებინა.

საწყალი ხბო ამ ჩხრიალზედ მადა-გაღვიძებული გამალე-ბით იწევდა ცურისაკენ, მაგრამ თოკი არ უშვებდა.

— ბაბაღე, — ლობის გარედან გადმოსძახა შუახნის კაცმა, როცა სოსოს დედამ წველა გაათავა და ხბოს მოსაწოვად უშ-

ვებდა. — დილა მშვიდობისა, — მიესალმა ისევ ის, როცა ბაბალემ იქით მიიხედა, საიდანაც ხმა მოესმა.

— მშვიდობა მოგცეს ღმერთმა, ჩემო ქიტესავ!

— ჯერ სოსო არ ამდგარა? ნულარ დაავიანებ!

— ეხლავ გავალვიძებ.

ბაბალემ საწველელს ხელი დაავლო და, ის იყო, უნდა შინ შესულიყო, რომ ამ დროს სოსოც გამოვიდა გარეთ.

— ოჰ, ამდგარხარ კიდევ, შვილო! — სიყვარულით უთხრა დედამ.

— გუთნი-დედამ ხომ არ გაიარა? — კითხა სოსომ დედას.

— გუთნი-დედა აქ გელის, — გადმოსძახა ღობის გარედან ქიტესამ, რომელიც სოსომ აქამდე ვერ შეამჩნია.

სოსო ამ ხმაზე გაწითლდა და დედას საყვედურის კალთით უთხრა:

— აკი გითხარი, დილაზე, როცა შენ ადგე, მეც გამალვიძე-მეთქი.

— აკი გითხარი, დილაზე, როცა შენ ადგე, მეც გამალვიძე — გაეხუმრა ქიტესა.

— როცა ლოგინში ჩაწვება ხოლმე, სულ იმას მეჩიჩინება: „დილაზე ადრე გამალვიძე, გუთნი-დედას მინდა ავუსწროვო“, — ღიმილით უთხრა ბაბალემ ქიტესას.

— ღმერთმა მოგცეს და მაგის ბედნიერებას ორივე შეგვასწროს, და აი, ეს დღე ნიშანი იყოს, — ეგ ისეთი ვაჟკაცი დადგება, რომ ამ ჩვენს სოფელში ცალი არ ეყოლება. ჯერ რა არის, სულ თითის სიგძე ბალღია და...

— ჰო, მეთერთმეტე წელშია გადამდგარი, — გააწყვეტინა სიტყვა ბაბალემ.

— ჰო და, აკი ვამბობ, ჯერ თითის სიგრძე ბალღია-მეთქი და ახლავ ისეთს უნარს იჩენს, რომ კაცი ვერ წარმოიდგენს. ეგ რო არ გვეყვანდეს გუთანზე, სულ უგემური იქნებოდა ჩვენი ზენა. ამ ქალაქია-დღე ისეთს „ოროველას“ დასძახის და ისე ერეკება წინა ხარებს, რომ კაცსაც და ხარსაც დაღალვას არ გვამჩნევენებს...

ბაბალეს გული სიხარულით თავის ადგილს აღარ უდგებოდა, როცა ქიტესა ასეთის ქებით ამკობდა სოსოს. სოსო-კი ამ

დროს ხბოს ეალერსებოდა და ქიტესას ქებას ყურს არ უგდებდა.

— ხარაც რო ისეთი ყავს, ი დალოცვილი! ქედ-მადლიანია, ისე მუყაითად ეწევა, რო ტოლი არა ყავს მთელ გუთნეულში.

— ამის გაზრდილია. ექვსი წლისა იყო ჩემი სოსო, ენაცვალოს თავისი დედა, როცა ის ძროხამ მოიგო, და მას აქეთ სულ ეს უვლის. ისე შეუყვარდა, რომ თითქმის. ღამე გვერდით მიიბამდა ხოლმე და ისე ეძინა. ყოველს ცისმარე დღეს ახალ-ახალი ბალახი მოქონდა და თავისი ხელით აჭმევდა.

— კაი ხარი კი დამდგარა-და... ღმერთმანი, სოსოზე და მაგის ხარზე ორი დღის ანეულიც ალალია. თუ ღმერთმა დარგბი დაგვიყენა, სწორედ ორი დღის ანეულს გადვუჭამავ...

— მადლობელი ვარ, ჩემო ქიტესავ, მაგრამ მოდგმეებშა რო არ იყაბულონ? ჩემს სოსოს, როგორც დღის მეხრეს, ერთი დღისა ერგება; ცალ-ხარს კიდევ — ნახევარი დღისა. აი, უღელი ხარი რო მყვანდეს, მაშინ სხვა იქნება: მაშინ ორთ დღისა გვერგებოდა.

— რას ამბობ. ადამიანო, რომელი მოდგმე არ მიყაბულეებს?! განა, ისინი არა ხედავენ, რომ ბიჭი ძალზე მუყაითად ეკიდება?!

— დედი. — დაუძახა სოსომ თავისს დედას, — ძროხას ძუ-ძუებს დააჭრას, მოვაშორო?

-- მოაშორე, შვილო!

-- ჰე, ფუჩინო, აბა, თუ მოშორდეს!... აბამე. აბამე, რანაირი ღონიერია!..

სოსო აშორებდა ხბოს. მაგრამ ის ისევე ხელიდან უსხლტებოდა, ძროხის ცურს ვარდებოდა და გულიანად ლოღნიდა.

— ღმერთმანი, სამი წლის შემდეგ მოზვერი დადგება და ჩემს შვინდას ტოლობას გაუწევს, — სთქვა სოსომ და ორივე ხელი ხბოს კისერზე მოხვია.

— წამოდი, გეყოფა, ხომ ხედავ. დედაშენს რძე აღარ უღვა, — უთხრა სოსომ ხბოს და გამოათრია. მაგრამ ხბო ცდილობდა, ისევე გასხლტომოდა ხელიდან.

— აბა წავიდეთ, სოსო, თორემ ღამის მეხრეები, სანაშ

ჩვენ გავალთ, გუთნეულს კიდეც მირეკენ, — სთქვა ქიტესამ და თავისს გზას გაუდგა.

— მე თითონ მოვაშორებ, შვილო, — უთხრა ბაბალემ სოსოს, როცა ის კიდეც ხბოს დაეჩაჯგურა, რადგანაც ხბო კიდეც გაუსხლტა და ახლა მეორე მხრიდან დაუწყო წოვნა.

სოსომ ხბოს თავი ანება, წამოავლო ხელი საგუთნე სახრეს და ქიტესას დაედევნა. ცოტა ხანს შემდეგ ქიტესას ამოუდგა მხარში და ორნივე ბაასით წავიდნენ. ბაბალე კი გაყურებდა თავისს იმედს და თავისთვის იძახდა: „ნეტა, ველირსები იმ დროს, რომ ჩემი სოსოც ქიტესასავით დაბინავებული და ცოლ-შვილით გახარებული იყოს!“ თვალი არ მოუშორებია შვილისათვის, სანამ სოსო და ქიტესა საბძელს არ მოეფარნენ...

II

— სადა ხარო, კაცო? — შეკმუხვნილის სახით უთხრა ქიტესამ ლამის მეხრეებს, როცა იმათ გუთნეული მორეკეს: — აბა, მალლა აიხედეთ, მზე ორი შუბის სიგრძეზეა აწეული.

— სადა ვართ რა, განა ხალიფათვასა ვჭამდით! აი, ი ვერანა ხარს დავეძებდით — მკვახედ უპასუხა ერთმა ლამის მეხრემ.

— რა ვერანა ხარს, რას ამბობ, ბიჭო? — კითხა ქიტესამ.

მეორე ლამის მეხრემ კი ამ დროს თავისი გუთნის ხარები შეაბა უღელში და ელოდა დანარჩენებს, ისინი როდის-ღა შეაბამენო.

— ენდე, ე ბაღლის სამგლე ხარს! — მიუთითა ლამის მეხრემ სოსოზე, რომელიც ამ დროს გაფითრებული გუთნის დედასთან მოვარდა.

— ჩემი შვინდა სად არის? — აკანკალებულის ხმით დაეკითხა სოსო ლამის მეხრეს.

— ჯანაბას! — გულ-ცივად უპასუხა იმან.

— მერე, შე ოჯახ-დანგრეულო, — დაუყვირა ქიტესამ, — თვალები სადა გქონდა? ეხლა აგება თვალები, როცა ჩემი ჯერია?... შვიდწუღლივ რა ეშმაკი უნდა ვხნათ!

— ოჯახ-დასანგრევო და არც-რა იცი-რა? — უფრო მალლა შეყვირა იმან: — შვიდ-უღლივ რათა ხნამ, იმის საბადლოდ ჩემი ხარი მოგიყვანე.

იქნება ჩხუბიც მოსვლოდათ ქიტესასა და პირველს ღამის მეხრეს, რომ მეორე ღამის მეხრე არ ჩარეულიყო ლაპარაკში და პირველი იქით არ წაეყვანა.

— რა გულ-არეული რამა ხარ, კაცო, — უთხრა მეორე ღამის მეხრემ: — შენზე უფროსმა რო სიტყვა გითხრას, როგორ არ უნდა დაუთმო?

სოსო კი იმ ღამის მეხრეს თავს არ ანებებდა და მალ-მალე დაეკითხებოდა:

— კაცო, რატომ არ მეტყვი, სად დაგრჩათ ჩემი ხარი?

— თავი დამანებე, ბალო, თორემ, აი, ი ღვთიშობლის მადლმა, ისეთ ალიყურს გაქმევ ამ გაჯავრებულს გულზედ, რომ ხარი-კი არა, თავიც დაგავიწყდეს! — შეუტია ღამის მეხრემ.

— რათაო, ე, რატომ არ მეტყვი?! — ტირილით უთხრა სოსომ.

პირველი ღამის მეხრის მაგიერად მეორემ უამბო სოსოს ღამის ხარი საითაც ყოლოდა და სად დარჩენოდათ იმისი შვინდა. სოსომ მაშინვე დააპირა საძებნელად წასვლა, მაგრამ ქიტესამ არ გაუშვა, რადგანაც წინა ხარების გამომრეკი აღარავინ ეყოლებოდა. ისიც ძალაუნებურად დარჩა, მაგრამ სოსო ის სოსო აღარ იყო, როგორც დილას ქიტესამ ავეიწერა. სამზრობამდე ერთხელაც არ შემოუძახნია „ოროველა“ და ხარებსაც ისე მუყაითად არ ეკიდებოდა, როგორც წინად. ქიტესა მალ-მალე წასძახებდა ხოლმე: „აბა, ჩემო სოსო, ნუ მოგიწყენია, ერთი შენებური „ოროველა“ შემოსძახე“-ო, და თან ანუგეშებდა: „რისა გეშინიან, შე კაი კაცო, ხარს არა უშავს-რა! ის თითონვე მოვა დილაზე და ან საღამოზე“-ო. მაგრამ ამისთანა ნუგეში სოსოსთვის ნუგეში არ იყო. „ამალამ რომ ჩემი შვინდა უპატრონოდ მინდორში გავუშვა, — ფიქრობდა სოსო, — ხომ მგლები შემიჭამენ და მერე?.. მერე?..“ „ვინ იცის, — ფიქრობდა სოსო, როცა სადილს შემდეგ ისევ უღელზედ შეჯდა და პირველს კვალს უვლიდნენ. — იქნება მგლებმა

კიდევ გამოფაშვეს ჩემი შვინდა!“ სოსოს ამ ფიქრზედ გული ამოუჯდა და ცრემლები ველარ შეიმაგრა. თითქოს იმის ჯავრს სხვებიც თანაუგრძნობენო, ყველანი რაღაცნაირად დაღონებულიები და ღრმად ჩაფიქრებულები იყვნენ. ასე გაჩუმებულები ხან ერთს კვალს აუვლიდნენ და ხან მეორეს ჩამოუვლიდნენ. მარტო, როცა ერთი კვალის ბოლოს, ან თავში გავიდოდნენ და მეხრეები უღლიდან ჩამოხტებოდნენ და ქიტესაც გუთანს აუგდებდა, მაშინ თუ ამოიღებდნენ ხმას, ისიც ხარებს ან კამეჩებს გამოეხმაურებოდნენ, რომ ახლა მეორე მხრის კვალში ჩაეყენებინათ, თორემ დანარჩენს დროს, რაკი კვალში ჩადგებოდნენ, სულ გაჩუმებულნი იყვნენ. ხარებიც ცოხნითა და კუდის ქნევით მიიზღაზნებოდნენ და სჭიმავდნენ ჭაპანს. მზე კი თანდათან ზემოდ იწევდა და ისე აცხუნებდა, რომ ზოგი კამეჩი გააღეჭა და პირიდან ენა გამოაყოფინა.

— ეს ოხერა, რა ნაირად ჩამოცხა და იკბინება, უთუოდ გაავდარდება! — წამოიძახა მეორე ღამის მეხრემ.

როცა სამხრობისას გუთნეული გამოუშვეს, იქვე თელის ქვეშ რძის კორკოტს შემოუსხდნენ და ჭამა დაუწყეს საჭმელს, რომელიც ქიტესას თოთხმეტის წლის თეკლემ ის-ის იყო მოუტანა.

— წვიმისაგან ღმერთმა დაგვიფაროს, ჯერ არ გვეჭირება! — უპასუხა ქიტესამ და ერთი დიდი ლუკმა მაღიანად ჩაიდო პირში. საჩქაროდ გადაყლაპა და მერე თეკლეს მიმართა:

— ეე, შენი მამა ცხონდეს, თეკლე, ე რა გემრიელი რძის კორკოტი გაგიკეთებია! შენ გააკეთე, შვილო, თუ დედა-შენმა? — ჰკითხა ცოტა ხნის შემდეგ ქიტესამ.

— მე. — ჩუმად წამოიძახა თეკლემ და თან თავ-ჩაღუნულს ეღიმებოდა.

— იმიტომ არის ესე გემრიელი, რო შენ გაგიკეთებია! — წამოიძახა მეორე ღამის მეხრემ.

ამ სიტყვების გაგონებისთანავე, თეკლე სულ ერთიან წამოწითლდა. აქამდის ფეხზე იდგა, ეხლა კი დარცხვენით თავის მამის ზურგს უკან ჩაჯდა და კარგა ხანს მაღლა აღარ აუხედნია.

ყველანი ჭამაში გაერთვნენ. ზოგმა მეორე ჯამიც მიიმატა

და ხელმეორედ შეუდგა ჭამას. მოქანცული გუთნის ხარიც იქვე დაყრილიყო და უმადურად იცოხნებოდა. ზოგი ისე დაღალულიყო, ნამეტნავად კამეჩები, რომ კუდის გაქნევის თავიც აღარა ჰქონდათ და ფშუილით ბუზებს ძლივს-ლა იგერებდნენ.

— შენ გენაცვალე, ჩემო სოსო, ეგრე დაღონებული რაღა ხარ და პურს არა სჭამ? — ჰკითხა თეკლემ, როცა სოსოს თვალი შეასწრო.

სხვებმა მაშინ-ლა მიაქციეს ყურადღება და დაინახეს, რომ სოსოს თავის ჯამისათვის ხელი არ ეხლო და ისე გაჩუმებული და თავჩაღუნული იჯდა.

— ე ბალლი დღეს მშვიერი მოკვდება, მაგას არც სადილობას უჭამია რამ. — სთქვა პირველმა ღამის მეხრემ, რომელსაც სოსოს უმანკო და დაღვრემილმა სახემ ამაყი გული მოუღობო.

— ე რა ღმერთი გაგვიწყრა და მაგის ხარი დავკარგეთ! — განაგრძო ისევ იმან. — სოსო, თუ დილაზედ შენი შეინდა აქ არ მოვიყვანო, მაშ კაცი ნულარ ვყოფილვარ!

სოსო აქამდის გაჩუმებული იყო და სულ თავის შეინდაზე ფიქრობდა. ახლა, როცა ყველამ იმას შეხედა და სიბრალულის თვალით დაუწყეს ყურება, ტირილი მოუვიდა და ცრემლები ველარ შეიმაგრა.

— ჩემო ქიტესო, ეხლა მაინც წავალ საქებნელად. ჩემ მაგიერად აგერ, აი, მეხბორეს გამოვგზავნი! — ტირილით ეხვეწებოდა ქიტესას.

— კარგი, შვილო, წადი, მაგრამ ჭალაში-კი არ გაება და არ დაგიღამდეს.

— ე წყლის პირს დაყევი, მანდ ეგდება სადმე. თუ მანდ არ იყოს, ჭალის პირას, გრილოში იქნება, იქ მოძებნე, — ურჩია პირველმა ღამის მეხრემ, როცა სოსო სიხარულით წამოვარდა ფეხზე, რაკი ქიტესასაგან ძებნის ნებართვა აიღო.

— მოიცა, შენ გენაცვალე, ჩემო სოსო, პატარა შეჭამე რამე, — უთხრა თეკლემ, — თორემ მშვიერი მოკვდები.

— არა მშინან.

— ცარიელი კორკოტი მაინც დახვრიბე, აი, რა გემრიე-

ლია! იპ, იპ! თეკლემ აიღო სავსე ჯამი ხელში და რამდენიმე კოვზის პირი შეხვრიპა. მერე ჯამი სოსოსთან მიიტანა და გაუშვირა. სოსომ უარი ვეღარ უთხრა და საჩქაროდ დააცარიელა ჯამი...

სოსომ და დღის მეხრემ გუთნის ხარი აშალეს და წინ გაირეკეს. ღამის მეხრეები გუთნის დედით თელის ქვეშ წამოწვნენ და ძილს თავი მისცეს. თეკლემ-კი საჩქაროდ ჯამებო ჩაალაგა ხურჯინში და შინისკენ გაეშურა.

— ბიჭო, გუთნის ხარი არ დააგვიანო, ჩქარა მორეკე, თორემ ვეღარას მოვხნავთ, კიდევ დაღამდება! — გასძახა ქიტესამ დღის მეხრეს, როცა ისა და სოსო თელას კარგა დაშორდნენ.

III

კარგა შეღამდა. ცა საშინლად მოიდრუბლა და განრისხებული სახე მიიღო, თანდათან უფრო იჭმუხნებოდა და დედამიწას მუქარით ჩამორუხრუხებდა. ხან ერთს ცისკიდეს, ხან მეორეს გველივით გაიკლაკნებოდა ელვა და ერთს წამს გაასინათლებდა ხმელეთს, თითქოს ცას სურს თვალი გადაავლოს ქვეყანასაო. დედამიწა კი ძრწოდა განრისხებულის ცის დანახვით და რაღაც საშინელებას ელოდა. ჩამი-ჩუმი არსაიდან ისმოდა. ის ფრინველნიც, რომელნიც ისე სიხარულითა და ყუვილ-ხივილით მიეგებნენ დღის სინათლეს, ახლა სადღაც მიმალულიყვნენ და ხმას არ იღებდნენ; ზოგს მათგანს ხშირი ფოთლები მოენახა და ცდილობდა ამ ფოთლების შემწეობით აეცდინა ის ვაება, რა ვაებასაც ცა უქალოდა. აგერ, ბელურები ჯაგის ქვემო ტოტებზე ჩამწკრივებულან და ერთმანეთს რასღაც ჩასჩურჩულებენ. ამ ჩურჩულზე იქვე ჯაგის ძირს განაბული კურდღელი აქცქვეტს ყურებს და სიფრთხილით გადაავლებს თვალს გარეშემო მიღამოს. აგერ, ეშმაკი ქედანი მუხის ფულუროს შეფარებია და საწყალს გვრიტს კი, რომელიც იქვე ფულუროს პირს ჩამოსკუპებულა, ადარ უშვებს თავისთან და გასრისხებული ცის ანაბარა სტოვებს. სხვა სულდგმულთაც მოუნახავთ თავშესაფარი და აქ ელიან ცის რი-

სხვას. მგელსაც კი, ამ ღამით მოწანწალე ცხოველს, მოუძე-
ბნია სორო, კურთ-უკუღმა შემძვრალა და იქიდან გამოაკვე-
სებს თვალებს. ყველა სულდგმული უფროთხის და ემალება
განრისხებულს ცას. მარტო ერთი სულდგმული არ უფროთხის
და გულმოდგინედ რასდაც დაეძებს. ეს სულდგმული სოსოა,
რომელიც სამხრობისას წამოვიდა თავის შვინდას საძებნელად,
მაგრამ ჯერაც ვერ უპოვია. თუმცა მთლად შემოიარა. წყლის
ნაპირები, მაგრამ იმის კვალიც ვერ იპოვა და აი, ახლაც შუა
ჭალაშია და სასოწარკვეთილებით იძახის: „შვინდავ, ფშვიე...
ე...ე, ჩემო შვინდავ!“ მაგრამ პასუხი არსაიდან მოესმის!

„ამ ბნელში სადღა წავიდე და სად მოვნახო?! არ ვიცი, რა
ვქნა?!“ აკანკალებულის ხმით იძახდა სოსო.

უეცრად შედგა, თითქოს რისდაც ფაჩუნი მოესმა. სახე
გაუბრწყინდა და გულს იმედი ჩაესახა. სულ ერთიანად სმე-
ნად გარდაიქცა და თავი იქით გადიხარა, საიდანაც ფაჩუნო
მოესმა.

„შვინდავ!“ — აჩქარებით და დაბალის ხმით წამოიძახა და
უფრო გატვირინდა. რამდენსამე ხანს ისე გატვირინებული იღ-
გა. მაგრამ გარშემო ისევ წინანდებური სიჩუმე მეფობდა და
არა ხმაურობდა-რა.

„შვინდავ, შვინდავ... სადა ხარ?!“ გასძახა ერთი კიდევ და
როცა დარწმუნდა, რომ იმედი ტყუილი გამოდგა, მერე დაპა-
ღუბით ცრემლები გადმოყარა.

ამ დროს, ცა ერთის კიდიდან მეორემდე გაიხსნა და მთლად
არემარე ერთს წამს გაანათა... შემდეგ ერთი ისეთი დაიჭექა,
რომ კაცს ეგონებოდა, ცა სულ ერთიანად გადმონავგრიო. ბე-
ვრი მძინარე დააფეთიანა ამ ჭექამ და პირჯვარი დააწერინა.
სოფელში ძაღლებმა ღმუილი შექმნეს, ჭალაში კი ყველა სულ-
დგმული შეირყა და ხმაურობა მორთო. თითქოს ამ ცის და-
ჭექებას ელოდა ქარიო, უეცრივ დაქროლა ძლიერმა ზენა-
ქარმა და მთელი ჭალა ერთ წამს ააშფოთა: ხეებს ჭრიალი და-
აწყებინა, ფოთლებს შრიალი. ერთის ხიდან მეორეზე მარდათ
ხტოდა და გაქონდა შუილ-ზუილი. ცამ კი ელვას და ქუხილს
უფრო უმატა. ცოტა ხნის შემდეგ წამოუშინა ხშირი და მსხვი-
ლი წვიმა, რომელშიაც ჯერ წვრილი და თითო-ოროლა სეტყვა

ერია, შემდეგ-კი წვიმა მთლად სეტყვად გადაიქცა და ხეების ტოტებს ლაწა-ლუწი აუყენა. ქარის შრიალი და ზუილი, ხეების ქრიალი და ტოტების ლაწუნი, თვით სეტყვის ხუვილი სულ ერთად აირია და რაღაც გამოურკვეველი და საშინელი ზმაურობა ასტყდა შუა ჭალაში, სადაც ახლა სოსო ერთის ხის ძირს ქვენა მხრით ამოფარებოდა. სოსოს უეცრად მოესმა დიდი ზარის გუგუნე, რომელსაც იმის სოფელში სეტყვის მოხვლაზე დაუწყეს ხშირი რეკვა იმ იმედით, რომ სეტყვას გადიღებდნენ. დიდის ზარის გუგუნს, წვრილის ზარების წკრიალიც მოჰყვა და ამ გამოურკვეველმა და შემადრწუნებელმა ზმაურობამ უფრო გამოურკვეველი ხასიათი მიიღო. სოსომ მოიხადა ქუდი, ცრემლიანის თვალთ რამდენჯერმე წამოიძახა: „ღმერთო, შენ მიშველეო!“ და პირჯვარი გადაიწერა ბოლოს ამოიოხრა და გულსაკლავად ხმა-მალლა დაიძახა: „ვაიმე, ჩემო შეინდავ!“

IV

რაკი ჯავრი ამოიყარა, ცა დაიშაშრა და უჯრებად დაიყო, ვარსკვლავებმა გამოიხედეს და ბრჭყვიალი დაიწყეს. ცოტა ხანს შემდეგ ცა სულ ერთიანად მოიწმინდა. მარტო ალაგ-ალაგ ღრუბლის პატარა ნაგლეჯები-და იყო მიკრული, რომელიც თანდათან ფერსა კარგავდა და გაუბოდა ღამის მნათობს, რომელმაც აგერ, მთის წვერიდან თავი ამოჰყო და თერთრად შემოსილს ქვეყანას მკრთალი. ნათელი მოჰფინა. შესაბრალის სურათს წარმოადგენდა ამ ღროს ჭალა, სადაც მთლად გაწუწული და გაზუნზული სოსო დაფლატუნებდა და სიცივისაგან კანკალი გაჰქონდა. ერთი ხეც აღარ მოიძებნებოდა მთელს ჭალაში, რომ ან ფოთოლი და ან ნორჩი ტოტი შერჩენოდა. სულ ძირს იყო გაფენილი და მიწასთან გასწორებული. ვინ იცის, რამდენს ფრინველს და პატარა გარეულ ნადირთ, უსაფაროდ დარჩენილთ, თავი გაეჭეჭყა და სამუდამოდ გამოესალმა წუთი-სოფელს! ეხლა იმათი სხეული ფოთოლთან ერთად არის არეული. აგერ, ერთს ამისთანა დამახინჯებულს გვრიტის სხეულს სოსომ ფეხი წამოჰკრა და ხელში აი-

ლო... ამან უფრო მწარე ფიქრები აუშალა საცოდავს სოსოს: „იქნება, ჩემი შვინდაც ეხლა ამ გვრიტივით თავ-გატეხილი გდია სადმე და მგლები ხარობენ იმის ხორციტაო“, — ფიქრობდა სოსო და თან ცრემლებს აფრქვევდა. ამ მწარე ფიქრებში ვართულმა, გაიარა ხშირი ჭალა და მეორე ნაპირს გავიდა. საცოდავი აქ შესდგა და იმედის გადაწყვეტით გაჰხედა ჭალას. რამდენიმე წუთი დაჰყო ასე გაჩუმებულმა და ჩაფიქრებულმა: „განა, ჩემს შვინდას ველარა ვნახავ?!“ და გაშტერებით უმზერდა ჭალას.

— შვინდავ, შვინდავ, ფშვი...ე...ე, ჩემო შვინდავ! — უეცრად ისეთის ხმით წამოიძახა, რომ ხეებს რომ გული და გრძნობა ქონოდათ, ისინიც ტირილს დაიწყებდნენ.

— მმუ...უ...მმუ...უ...უ! — პასუხად მოესმა იქვე ახლოდან რაღაც ზმუილი და ფაჩუნი.

— ჰა... შვინდავ, შვინდავ... ისაა... — ზედი-ზედ ისროდა ჭიტყვებს სოსო და ძლივს-ღა სუნთქავდა.

— მუუ...უ... მუუ...უ... — თანდათან უფრო ახლო მოიხმოდა ზმუილი.

— ჩემო შვინდავ! ჩემო შვინდავ!.. — ძახილით გაექანა სოსო იქით, საიდანაც ზმუილი მოიხმოდა.

ამ დროს, ჭალის პირას მშვენივრად დარგვალეებული და ჩახუჭებული შვინდა-ფერის ხარი გამოჩნდა.

— შვინდავ!.. — მივარდა სოსო და კოცნა დაუწყო.

ხარიც ალერსით შეზმუოდა გახარებულს სოსოს და კოცნის მაგივრად პირს ულოკავდა.

(ფსიქოლოგიური ეტიუდი)

ლამის ორი ქამი იქნებოდა, როცა სოლომონ ბერიკაშვილი უეცრად ლოგინში წამოჯდა აღშფოთებული და ერთს ადგილს დააცქერდა. რამდენსამე ხანს გაშტერებული იჯდა, თითქოს ჯდომელას ჩაეძინაო, შემდეგ საჩქაროდ მოიფშვნიტა თვალე-ბი და სთქვა: „სიზმარი ყოფილაო“-ო. მერე მძიმედ მიესვენა ბალიშზე და ხვრინვა ამოუშვა. იმის ტკბილს ხვრინვას ბანს აძლევდა ერთის მხრით კედლის საყამის განუწყვეტლივი კაკუნი და მეორე მხრით — ლამის ლამპრის შრიალი... კედლის საყამემ სამჯერ წამოაწკარუნა და სწორედ იმ დროს, სოლომონიც დაჭრილი მშველივით წამოვარდა ლოგინიდან და აჩქარებულად დაიწყო სიარული ნოხით დაფენილ იატაკზე.

— ახა, ღმერთო! ამისთანა საშინელება-ლა იქნება რამე?.. — სიარულის დროს აკანკალებულის ხმით ყვიროდა და თან ხელებს აფათურებდა. — პირში მაფურთხებდნენ!.. მე... მე... იმოდენა ხალხში დამდგომოდნენ და მარცხვენდნენ!.. ნეტავი, ხალხი მაინც არა ყოფილიყო და რაც უნდა ექნათ!

ნაწყვეტ-ნაწყვეტათ ამბობდა სოლომონი და მეტის აღელვებისაგან იმისი გული აღიოდა და ჩადიოდა და საშინელი ბაგა-ბუგი გაქონდა, რაიც სუნთქვას უხუთავდა და ლაპარაკს უშლიდა.

— მიყვიროდნენ, — განაგრძო სოლომონმა: — რატომ პირობა არ შეასრულეო, შე უსირცხვილოვო, შე უსვინიდილოვო!.. ჰმ, ჰმ!.. იმ მასხარებმაც მე უნდა მარცხვინონ?!. პირობა რატომ არ შეასრულეო? ჰმ! — სოლომონმა მწარედ გაიღიმა. — მერე რა პირობა! იმისთანა სულელურის პირობის აღ-

სრულება შესაძლებელია?! განა, შეიძლება კაცმა თავის ცხოვრებაში ის აზრები გაატაროს, რომელსაც ბავშვობის დროს, ოცნებობით გატაცებული, მალღა ფარდებში ფრენის დროს, გაიძახის და რომლის აღსრულებაზე ფიცსა და პირობასა სდებს?! ცხოვრების ყოვლად უმეცარნი, იმ დროს გავიძახით, ამასა და ამას გავაკეთებთ, ასე და ასე მოვიქცევითო; სიამოვნებით ფიცსა ვსდებთ, მაგრამ იმ აზრების, იმ ფიცის აღსრულება ყოვლად შეუძლებელია. მაშინ ის გატაცება ამისთანა აზრებით იმისთვის არის ისე ტკბილი, რომ ოცნებაა და არა სინამდვილე; თორემ სინამდვილე რომ იყოს, ისე ტკბილი აღარ იქნება. შესაძლებელია იმ პირობის აღსრულება, რომელიც, ძალას გვატანს, რომ ჩვენის მოქმედების ასპარეზად სოფელი გავიხადოთ, აღვადგინოთ დაცემული ხალხი. გავანათლოთ, ამოვუდგეთ მხარში, იმათთან ერთად ვიტანჯოთ და ამ ტანჯვით და შრომით, როგორც მაშინ, ოცნების დროს, გავიძახდით, ვისიამოვნოთ? თუ-კი ტანჯვითა და შრომით შესაძლებელია ისიამოვნოს კაცმა, მაშ რაღად გვინდა შევუმოკლოთ იმ ტანჯულთა და მშრომელთ ტანჯვა და შრომა? ეჰ, ბევრი იმისთანა სისულელე წარმოგვითქვამს და გვიყვირნია, მაგრამ იმათი შესრულება ყოვლად შეუძლებელია! ვინც ამას ასრულებს, მე ვიცი, იმისთანა სიკეთეს შეეყრება, რომ მეტი აღარ იქნება. განა აქნამდის ვერ დარწმუნდნენ, რომ განათლებული კაცი სოფელში გამოტვინდება, გამოყრუვდება და ვერას გაარიგებს? სულელები, სულელები! სხვასაც არცხვენენ, პირში აფურთხებენ გამოფხიზლებისათვის, ოცნებიდან გამო-რკვევისათვის.

სოლომონი ამ მსჯელობის დროს მშვიდდებოდა და აჩქარებულს სიარულს უკლებდა. ბოლოს, ისე დამშვიდდა და გულმა ისევ ჩვეულებრივ დაუწყო მუშაობა, რომ კაცი ველარც-კი შეატყობდა, თუ ამ რამდენისამე წუთის წინ ისე გაშმაგებული და გაბრაზებული იყო ცუდის სიზმრის გამო. ცოტა ხანს კიდევ სიამოვნობდა ბოლთის ცემით და შემდეგ საწოლთან შეჩერდა. შეჩერებას გულაღმა გადაწოლაც მოჰყვა. თუმცა დამშვიდდა, მაგრამ ძილი მაინც გაუფრთხა და, გულაღმა გადაწოლილი, ათასნაირს ოცნებასა და ფიქრს მიეცა.

'სოლომონმა გადაავლო გონების თვალი თავის წარსულს, თავის სტუდენტობის დროის ცხოვრებას.

ბევრი რამ კარგი მოაგონდა სოლომონს იმ ცხოვრებიდან და ამ მოგონებამ ძალიან კარგს გუნებაზე დააყენა. მოაგონდა ის საღამოც, როდესაც ამხანაგებმა უკანასკნელი გამოცდის შემდეგ ერთმანეთთან გამოსამშვიდობებლად ნადიმი გამართეს. დასაწყისიცა და დასასრულიც ამ საღამოსი ისე ნათლად წარმოუდგა სოლომონს, თითქოს ლოგინზე კი არ არის გადაჭიმული, ამხანაგებს შუაა და იმათთან ერთად მუსაიფობს და მხიარულობსო. აგერ, თავის ამხანაგის ის პატარა ოთახი, რომელშიაც ძლივს ეტეოდნენ სტუდენტობიდან იმ დღეს გამოსული ამხანაგები. აი, ის მაგიდაცა, რომელზედაც ლუდითა და არყით სავსე ბოთლები და ცარიელი ჭიქები ეწყო, რადგანაც ჯერ კიდევ რამდენიმე ამხანაგი არ მოსულიყო და ამათ მისვლას-ღა ელოდნენ, რომ ჭიქები გაეგსოთ... აი, დანარჩენებიც მოვიდნენ. ახლა უფრო გამხიარულდა ოთახი; ეხლა უფრო სხვანაირი ფერი დაედო ამხანაგების წრეს, ეხლა ერთმანეთის სადღეგრძელოს სმენ და მხიარულობენ. ბაასი უფრო გაცხოველდა, რომელიც ხან და ხან, საერთო სიმღერებისა გამო, შესწყდებოდა ხოლმე. ასე და ამგვარად, წამი წამს მისდევდა, ჟამი ჟამს და შუა ღამე ისე გადავიდა, რომ ვერც კი შეიტყვეს. ბოლოს, ერთი მათგანი წამოდგა, აიღო ხელში სავსე ჭიქა და ლაპარაკი დაიწყო. დანარჩენთ სული განაბეს და სმენად გადაიქცნენ.

„ამხანაგებო, — ასე დაიწყო ორატორმა: ვინ იცის, ეს უკანასკნელად ვართ ერთად შეყრილნი, უკანასკნელად ვხედავთ ასე შეკრებილს ერთმანეთს! დღეს, ხვალ, ზეგ სათითაოდ გავეშურებით ჩვენის ბუდეებისაკენ, ჩვენის ქალაქებისაკენ, ჩვენის სამშობლოსაკენ, სადაც სიხარულით და გულის ფანქცალით მიგველიან ჩვენი მშობლები, ჩვენი ძმები და ერი. ვინ წარმოიდგენს იმათს სიხარულსა და აღტაცებას, როდესაც თვალს მოგვეკრავენ? განა მარტო ჩვენი ნახვა გაახარებსთ, განა მარტო ჩვენი ხილვა დააკმაყოფილებსთ? არა და არა! მარტო ჩვენი ხილვა არა კმარა იმათთვის. ისინი უფრო სხვა რა-სმე მოელიან ჩვენგან, უფრო სხვა დიდ მოვალეობას გვდებენ

კისერზე, რომლის პირნათლად აღსრულებაც ჩვენის მხრით საჭიროა. აბა, ყოველმა ჩვენგანმა მიიხედოს უკან, რას დინახავს? დაინახავს ერთ უზარმაზარ მთას, კავკასიონის მთებზე უმაღლესს (ამ სიტყვების ხსენებაზე იმან სოლომონსა და სხვა იქ მყოფს ორს ქართველს სტუდენტს გადაჰხედა და გაუღიმა). იმ ნივთიერებისაგან შემდგარს, რომელიც ჩვენს გამოზრდაზე ჩვენმა ტანჯულმა ერმა, ჩვენმა მშობელმა ერმა ცრემლითა და ოფლით შეადგულა. განა ამას შემცირება, ამას სამაგიეროს გადახდა არ უნდა? განა ეს ამოდენა მთა ვალად უნდა გვედოს კისერზე? არა, თუ კაცნი ვართ და გვსურს კაცის სახელის ტარება, უნდა ვეცადნეთ, რომ ერთი-ორად მივუწყოთ ჩვენ ტანჯულთ. ვიცო, ყველანი დამეთანხმებით, მაგრამ აი საქმე ის არის, რა გზით, რა საშუალებით, როგორ უნდა ვიშრომოთ ცხოვრებაში, რომ სამაგიერო გადავუხადოთ ჩვენის მოქმედებით, რადგანაც ყოველს მოქმედებას არ მოაქვს სასურველი სარგებლობა. აი, ამისათვის მე მსურს, ჩემი აზრი წარმოვსთქვა იმის შესახებ, თუ რა უნდა ვაკეთოთ ცხოვრებაში, რომ თვალსაჩინო სარგებლობა მოვუტანოთ ერს, და ამითი მოვიშოროთ ის ვალი, რომელიც კისრად გვაწვეს“. ამას შემდეგ ორატორმა დაწვრილებით განმარტა მომავალი მათი მოღვაწეობა.

სოლომონი ამ დროს ისე გატვრინებული იყო და გადაწოლილი თავისს ლოგინში, თითქოს იმისი ამხანაგი ახლა ლაპარაკობდა და არა მაშინ. „იქნება, — მოესმა სოლომონს თავის ამხანაგის სიტყვებიც: — იქნება, მოხელეებათ ყოფნით, რომელსამე დაწესებულებაში სამსახურით რამე სარგებლობა მოვუტანოთ? არა მგონია, რომელსამე თქვენგანმა სთქვას: „იქნებაო“, რადგანაც კარგად ვიცით, რომ სამსახურში შესვლისთანავე ისეთ თანამდებობას არ მოგვცემენ, რომ ამ თანამდებობის საშუალებით რაიმე კეთილი მოვიმოქმედოთ. ხომ ასეა: თუ გინდა სამსახური, უეჭველად პირველი საფეხურიდან უნდა დაიწყო და მერე თანდათან ზემოთ წახვიდე. პირველის საფეხურიდან სამსახურის დაწყება ჩვენთვის კი შეუძლებელია... არა, შესაძლებელია, მე იმას არ ვამბობ, ვითომც ვერ შევსძლებთ-მეთქი, ან კიდევ არავინ მიგვიღებს... არა, შესაძლებელია, მა-

გრამ ეს „შესაძლებლობა“ გამოყრუებას, გამოტვინებას ეთანაბრება, რადგანაც სამსახურში პირველი საფეხური ისეთი ეკლიანია, ისე არიან დატვირთულნი ამ საფეხურზე მდგომნი, რომ გამოტვინება აუცილებელი შედეგია. ხომ ასეა: თითქმის მთელის დაწესებულების მექანიკური ტვირთი პირველ საფეხურზე მდგომთ, ეგრედ წოდებულ „გადამწერელთ“ აწევსთ კისერზე. ეს ტვირთი კი ისე მოქმედებს კაცის გონებასა და გრძნობაზე, როგორც ჭლექი ფილტვებზე. კაცს ისე შეუმჩნევლად, ნელის ნაბიჯით, იმ მდგომარეობამდის მიახწევინებს, რომელსაც „გამოჩურჩუტება და გამოტვინება“ ეწოდება. საქმეც იმნაირად არის დაყენებული, რომ ვიდრე გამოჩურჩუტებას და გამოტვინებას არ შეგატყობენ, ვიდრე თავიანთებურად არ მოგაწყობენ და არ მოგმართავენ, წარმატებას არ გაღირსებენ და ამასთან დროსაც არ მოგცემენ, და აბა, ახლა თქვენ თვითონ წარმოიდგინეთ, გამოფიტებული რაღას გააკეთებს? ყველას გეყოლებათ ის საცოდავი „გადამწერლები“. ნანახი. ისეთი გამორეცხილი და გამოშრეტილი, ყოველსავე აზრის გამომეტყველებას მოკლებული თვალები აქვს, რომ კაცი პირველ შეხედვაზედვე შეატყობს, თუ რა საქაჯავში არის გამოსუტურებული. თუ ამნაირი თვალები არ გინახავსთ მაშ ნაშუადღევის ორიდან ოთხ საათამდე დადექით რომელი-სამე დაწესებულების კარებთან და ადვილად შეგიძლიანთ ნახოთ... ოჰ, რა თვალებს ნახავთ!.. ეხლაც ვხედავ ამ თვალებს; აი, თითქოს ამ ჭიქიდან გამოიციქირება და უაზროდ ეცეცება!.. დახუჭე, დახუჭე, თქვენი გულგრილად ნახვა არ შემიძლიან!..“

„აბა, გინდათ, თქვენც ამ დასში ჩაეწეროთ?..“ — ეს სიტყვები რომ მოაგონდა, სოლომონი შეიჭმუხნა და ხელები გააფათურა: „ეგ ტყუილია, მეც ვიყავი ცოტა ხნით, მაგრამ არ გამოვტვინებულვარ“. ამ სიტყვების შემდეგ სოლომონს მოაგონდა ახლა სამსახურში შესვლა, — ის დრო, როდესაც უმაღლესი სწავლით აღჭურვილი დაბრუნდა სამშობლოში, მაშინვე თბილისისკენ გაეშურა სამსახურში შესასვლელად და ჩქარაც შევიდა თავის დედიდა მარიამის წყალობით, რომელიც ფრიად განთქმული იყო (ჭკუით და გონებით-კი არა, ამ თვი-

სებით თბილისში დედაკაცი ძნელად გაითქვამს სახელს), თავისი სილამაზით.

მარიამი მართლაც ისეთი ლამაზი იყო, ძნელად თუ რომელიმე წვეროსანი გულ-გრილად დაუწყებდა მზერას. ამისთანა სილამაზისა იყო დედიდა მარიამი და აბა, რომელი თავხედი უფროსი არ აასრულებდა იმის თხოვნას!

აი, სწორედ ამ დედიდა მარიამმა შეაყოფინა თავი ერთ დაწესებულებაში, სადაც ეხლა კარგი ადგილი უჭირავს, თუმცა კი ექვსი თვე უჯამაგიროდ იყო და უბრალო გადამწერლის თანამდებობას ასრულებდა; მაგრამ ექვსი თვეც საკმარისი იყო, რომ სოლომონის თავის ჩარხები ისე მოეწყოთ, როგორც ისურდათ, ან როგორც სხვა იქ მსახურების თავი იყო მოწყობილი. იმ ექვსი თვის განმავლობაში იმნაირად მოიმართა სოლომონი, რომ სხვა თავის ძმებს არ ჩამოუვარდებოდა. დაწესებულების ადამის ქამის დროს მიღებული წერილების ფორმები ისე შეითვისა, რომ კალმით, ხელი რომ ისეც გაეჭნია, მაშინვე „მაქვს პატივი, წარმოგიძღვნათ... და ამასთანავე უმორჩილესად გთხოვთ...“ და სხ. გამოიხატებოდა. იმისი თავი გამადიდებელის შუშითაც რომ გაგესინჯათ, ამაზე მეტს ვერას ჰპოვებდით; მაგრამ სოლომონი ამას გამოტვინებას არ უძახდა და აი ამისთვის წარმოსთქვა ახლას წინააღმდეგი აზრი, არ გამოვტვინდიო, როცა თავის ამხანაგის უკანასკნელი ზიტყვები მოაგონდა.

ამას შემდეგ სოლომონი ისევ გატვრინდა და გონების თვალთ ისევ იმ სადამოს დაუბრუნდა. „...მაშასადამე, — მოაგონდა სოლომონს ისევ თავისი ამხანაგის სიტყვები, — ჩვენ ამ ეკლით სავსე გზაზე ბევრი ვაჭირვება, ბევრი უსამართლობა დაგვატყდება, მაგრამ, რაც ძალი და ღონე შეგვწევს, უნდა ვეწინააღმდეგოთ ამ უსამართლობას. ამ ვაჭირვებას. ეკლიანი გზაა, მაგრამ ფხიზელია და სიფხიზლე ხომ ადამიანის ერთი საუკეთესო განძთაგანია; მაშ, ნუ შევუშინდებით ამ ეკლიანს გზას, ზედ ვიაროთ, თუ რამ უბედურება შეგვემთხვა, რაც ზშირად მოსალოდნელია, ჩვენც ისე მოვიქცეთ, როგორც მთავარ-ანგელოზი ურჩევს თავის ქვეშევრდომთ „ფაუსტში“:

„რაც არ მოგწონთ, უარჰყავით,
რაც გაშფოთებთ უცნაურად,
ნუ მოითმენთ, ყოველ ძალას
წინ დაუხვდით ვაჟკაცურად“.

ამით ვათავებ ჩემს სიტყვებს და ამასთანავე ჭიქასაცა
ვცლი“.

სოლომონს მოაგონდა, როგორის „ვაშა, ვაშას“ ძახილით
დააჯილდოვეს ორატორი და შემდეგ იმისმა სიტყვამ რა აყალ-
მაყალი, სჯა და ბაასი გამოიწვია იმათ შორის. განთიადისას
ერთმანეთს გამოეთხოვნენ, გადაჰკოცნეს, ყოველივე კეთილი
ისურვეს ერთმანეთისთვის და დაიფიცეს, რომ ყველანი სინ-
დისიერად შევასრულებთ რასაც ვესწრაფვითო.

— კარგია ყველა ეს, მაგრამ ოცნებაა! — წარმოსთქვა სო-
ლომონმა, როცა ყოველივე წარმოუდგა თვალწინ.

შემდეგ გაიზმორა, ერთი საშინლად დაამთქნარა, თვალები
მილულა და მძიმედ დაიწყო სუნთქვა. ტუჩებზე კი ღიმი უხ-
ტოდა და უთამაშებდა. ბოლოს, მძიმედ გაახილა, მძიმედვე
გადაატრიალ-გადმოატრიალა თვალები და პირდაპირ კედელ-
ზე ჩამოკიდებულს ჰარამხანის სურათს ჩააკვირდა, იმ სურ-
ათს, რომელზედაც მშვენიერნი და კეკლუცნი იყვნენ გამო-
ხატულნი. სამი ქალი იყო ამ სურათზე გამოხატული და სამი-
ვე ერთი ერთმანეთის მჯობი. ერთი მათგანი უდარდელად იყო
წამოწოლილი და წამოხურული ჰქონდა ფარჩის საბანი, რო-
მელიც მარტო ქვედა ტანს ჰფარავდა. სიცოცხლით სავსე
მკერდი და მოლიმარი სახე სოლომონისაკენ მიექცია. მეორე
თავით ეჯდა ამ ქალს, მესამე კი ფეხზე იდგა. სამსავე თითო
თუთიყუში ეჯდა სალოკ თითზე და ეალერსებოდნენ. „რა
კარგი იქნება, რომ გაცოცხლდნენ“, — ცოტა ხნის შემდეგ
გაიფიქრა სოლომონმა და უფრო ძალიან ჩააკვირდა ამ სურ-
ათს.

ღამის ლამპარი კი თავისებურად შიშინებდა. იმისი ალი
მძიმედ იბუშტებოდა და ოთახს მკვარით ანათებდა. მაგრამ
უეცრად იფეთქავდა, მოიღებდა ოდნავ ტკაცანს, ძირს ჩაექა-
ნებოდა და ოდნავ მბუჟტავს წერტილს-და ემსგავსებოდა. ასე

ადიოდა და ჩადიოდა ლამპრის ალი, რომლის მოძრაობაზე-
დაც მთელი ოთახი და მისი მოწყობილება ციმციმებდა.

სოლომონმა ინატრა იმათი გაცოცხლება და მერე კვლავ
ათასნაირს ოცნებას მიეცა. ფიქრმა წაიღო, როგორ ვისიამო-
ვნებდი, რომ გაცოცხლებულიყვნენო. სურათისთვის თვალი
აღარ მოუშორებია.

თითქოს სოლომონს ნატვრა უსრულდებო, სურათი თან-
დათან მოძრაობაში მოდის. აგერ, თუთიყუშებიც შეინძრნენ,
ფრთები შეიბერტყეს, შეფრთხილდნენ და ქალებს უეცრად
ხელიდან გაუსხლტნენ. ქალებს თუთიყუშების თავგახელება
არ ესიამოვნათ და სახე შეიკუმუნნეს უსიამოვნების ნიშნად.
ერთი მათგანი ისარივით იატაკზე ჩამოეშვა და თუთიყუშებს
დაედევნა. სხვა ორი ქალიც მიეშველა და ახლა სამი ხოლოდ-
შობილი ქალი ცდილობდა თუთიყუშების დაჭერას; მაგრამ
გაეშმაკებული თუთიყუშები მაღლა დაფრინაედნენ და დაცინ-
ვით თავს დასჩხაოდნენ. საწყალი ქალები დევნით მოიქან-
ცნენ, ვერას გახდნენ-რა. თითქოს ამათმა მოქანცულობამ სხვა
სურათების ქალებს შორის სიბრაღული აღძრა, ისინიც მიე-
შველნენ ამათ. აი, ახლა გაიმართა საზოგადო სირბილი, ყი-
ყინ-ყვირილი, სიცილ-კისკისი, ხვევნა-კოცნა...

სოლომონი ხედავს ამ სურათს, უნდა ისიც წამოდგეს და
ამ ხოლოშობილთა გუნდში ჩაერიოს, მაგრამ ვერ მოუხერ-
ხებია.

აქამდის შეუმჩნეველი, ახლა ერთმა ყველაზე ლამაზმა
ჰარამხანის ქალმა, რომელიც იმის პირდაპირ შესდგა, შენიშნა
სოლომონი. ქალმა გაუღიმა, შეათამაშა მკერდი და იმისკენ
სრიალით წავიდა. სოლომონი აღტაცებაშია. წამოვარდა ლო-
გინიდან და ხელები მოსახვევით გაშალა, მაგრამ... მაგრამ ია-
ტაკზე კი პირქვე გაიშხლართა. ამ დროს მოესმა საშინელი
კისკისი.

„ჰა!“ შეპღრიალა სოლომონმა და მარდათ წამოდგა, მა-
გრამ მარტოოდენი საყამის კაკუნი და ლამპრის შრიალი-ლა
მოესმა.

„აღამიანი!..“

I

თედო გელიაშვილმა გაჰკრა ასანთი და ყელმოღერებული ლამპარი აანთო. იმის ბუნდ შუქზედ პირველად თვით გელიაშვილის მიმკრთალმა სახემ დაიწყო ციმციმი და შემდეგ მთელი ოთახი კედლებით და მოწყობილობით გამოირკვა: ორი დაძველებული, თავებით ერთმანეთზე მიდებული ტახტი, ორი დანჯღრეული მაგიდა და აგრეთვე ტაბლა, რომელზედაც დახროვებული იყო წიგნები და სხვადასხვა საგნები, როგორც: ჭიქები, საწერ-კალამი, ცარიელი ასანთისა და თუთუნის კოლოფები, ნემსი და ძაფი, გამხმარი პურის ნამტვრევები და კიდევ სხვა ამისთანები. აი, მთლად ოთახის სამკაული, თუ-კი მხედველობაში არ მივიღებთ და სამკაულად არ ჩავთვლით ერთ თიხის მათრათს, რომელშიაც თედო და იმისი ამხანაგი გაბო აბურაშვილი პირს იბანდნენ, და თუნუქის ჩაიდანს, თუნუქისავე ნავთის ჭურჭელს და ნავთის სამზარეულოს, რომელზედაც ჩაისთვის წყალს ადუღებდნენ.

თედო თავის დიდრონისა და მორღვეულის თვალებით დიდხანს დასცქეროდა ყელ-მოღერებულს ლამპარს და რას-ღაც ფიქრობდა.

— ეჰ, ამისთანა ცხოვრებაც დაიქცეს! — წამოიძახა ბოლოს იმან და წიგნებს წამოავლო ხელი. — დღეს თუ იმას ფული არ მისცეს, სიცივით დავიხრცებით! — განაგრძო ისევ და იქავ ტახტზე მოწყვეტით დაეშვა. ტახტი შეირყა, შეტორტმანდა და უეცრად შუა წელში ჩაიკეცა. თედოც დაჰყვა შუა წელს, რადგანაც ადგომა ვერ მოასწრო და, როგორც ხაფანგში, ტახტის თავსა და ბოლოს შუა მოჰყვა.

— ფუ, შე ვერანო!... — წამოიძახა თედომ და ხველა აუვარდა.

დიდხანს ახველა ყრუდ თედომ და, როდესაც ხველა გადაუვარდა, თავი გაითავისუფლა.

— რა გატოკებთ, თქვე ოხრებო?! — ბუზღუნით წაუტია გადმოფანტულს წიგნებს, რომლებიც ტახტის შუა წელის ფეხების დანიშნულებას ასრულებდნენ, და შემდეგ ტახტს სწორება დაუწყო.

— მობრძანდით! შენ საფუძვლად დაედე, ხომ თითქმის შენზეა დამყარებული ეხლანდელი მეცნიერება. ახლა შენ ვინ დაგადო ზევიდან, რომ ჩხუბი არ მოგივიდეს?!. აბა შენ ვინა ხარ?.. ჰო შენა?! არა, შენ სულ არ ჩაგრთავ აქ, თორემ არავის მოუსვენებ და ჩემს კოჭლ ტახტს ისევ ეშმაკს შეუსვამ... ისევ შენ მოდი, ჩემო ჭკვიანო, შენ უწყინარი რამა ხარ... ახლა? ეჰ, ვინც უნდა იყოს! თქვენ ფილოსოფოსი-მეცნიერები ხართ, ჩხუბი არ უნდა მოგივიდეთ, თუ აზრებში არ ეთანხმებით ერთმანეთს, ისე უტოკველად, ტანის შეურხველად იკამათეთ და დაარღვიეთ ერთმანეთის აზრი... რა არის, თქვე დალოცვილებო, მთელი ქვეყნის გასწორებას, შეცვლას ლაშობდით და ეს ჩემი მინგრეული ტახტი-კი ვერ დაგიმაგრებიათ!.. ამას შემდეგ რას უნდა მოველოდე თქვენგან?!.

ასე ებაასებოდა თედო წიგნებს ტახტის სწორების დროს და ხამუშ-ხამუშ ყრუთ ახველებდა. ლამპარი-კი ზევიდან ყელმოდერებული თითქოს ზიზღით და დაცინვით დაჰფირფიტებდა იმას.

როდესაც თედომ გაამაგრა ტახტი, საბანი წაიხურა და ისე დაიწყო წიგნის კითხვა. ამ დროს კარები ვილაცამ დააბრახუნა.

— შემოდი, ვინა ხარ? — წამოიძახა თედომ და ფეხზე წამოდგა.

— წერილი არის თქვენთან! — შემოსვლისთანავე წამოიძახა მოსამსახურე გოგომა და წერილი გაუწოდა.

— ვინ მოიტანა?

— ფოსტალიონმა.

თედომ მაშინვე მოხია თავი და წაიბუტბუტა: „შინიდან იქნება“.

— ქალბატონმა, სახლის ქირა გამოგზავნეთო!

— რაო? — წაუტია თედომ, როდესაც წერილის ფურცლები გაშალა.

— რაო და, სახლის ქირა გამოგზავნეთო! — თამამად უბასუხა გოგომ.

— სახლის ქირა-კი არა, ჭირს გავუგზავნი! — წადი და უთხარ ქალბატონს, ფულებს რომ თხოულობ, რატომ სახლს არ გვითბობ-თქო.

— რითი გაათბოს, თუკი ჭირას არ იძლევით?

— შენ ვინ რას გკითხავს?! წადი, ასე უთხარი: „თუ ოთახს თბობას არ დაუწყებ, ერთ გროშსაც ვერ მიიღებ-თქო“.

გოგო გაბრუნდა და ბუზლუნით კარი გაიბრაახუნა.

— რა უსინდისოებს შევხვდით!.. ნეტავი ეხლა ფული გვქონდეს, რომ გავსწორებულიყავით და სხვაგან გადავსულიყავით, — გოგოს თვალის გაყოლებით წამოიძახა თედომ და ერთი ორჯერ გაიარ-გამოიარა, რის შემდეგაც ისევ ლოგინს მიმართა — მგონი გარეთ უფრო თბილა, ვიდრე ჩემს ოთახში! — საბნის წახურვის დროს წამოიძახა მან და წერილის კითხვა დაიწყო.

კითხულობდა უხმოდ, ჩუმად და რამდენადაც ქვეით მიდიოდა, იმდენად სახე ეჭმუხნებოდა და უსიამოვნების ნიშანი ეტყობოდა ზედ. წაიკითხა ერთი გვერდი, მეორე და მესამის წაკითხვა კი ველარ შესძლო, რადგანაც თვალეები ცრემლით აევსო და ტანში მოშლილსავით მკლავები ძირს ჩამოუტყვიდა.

— საყვარელო მშობელო! — ტირილის ხმით წამოიძახა და ლოგინში წამოჯდა: — უკანასკნელ მდგომარეობამდის მიგიხწვევიათ, არიარად გიხდებათ სიარული და მე-კი იმის მაგიერ, რომ ამისთანა გაჭირების დროს დაგეხმაროთ, პირიქით „ფულები გამომიგზავნეთ“-მეთქი, გწერთ!.. დანმარების მაგიერ, მინდა კიდევ თქვენ გამოგართოთ; გწერთ ჩემის უკიდურესი მდგომარეობის ამბავს, გთხოვთ ფულს და მით გიორკეცებთ თქვენს ტანჯვას. საიდან მოვიპოვე ამისთანა უსინდისობა, რომ მაგრე... ეჰ! საყვარელო მშობელო, მაპატივე, დამნაშავე ვარ

შენს წინაშე... შენმა წერილმა თვალები ამიხილა და ეხლა ცხადად ვხედავ, რომ მე უსინდისოთ მოგეჭყეტო; ვხედავ ჩემს დანაშაულს და კიდევ ეს მტანჯავს, ცეცხლს მიკიდებს; შენი სიტყვები ისარკივით მხვდება გულში და ისეც დაწყულ-ლებულს წყლულს მიმატებს... მამი, მამი, შენს თვთრ წვერს პატივი არ ვეცი, შენი ცრემლები შეურაცხვეყავ და არ გაგიგონე. ეხლა ვგრძნობ, რომ შენი სიტყვები: „იკმარე, შვილო, ნუ მიდიხარ... შენ გარემოებას დახედე და ისე მოიქეც!“ — მე არ გაგიგონე. მეგონა, ჩემი გზა ია და ვარდით იქნება დაფენილი და მოვიკლავ სწავლის წყურვილს-მეთქი, მაგრამ რას ვხედავ?! ხა, ხა, ხა!.. სწავლის წყურვილის მაგივრად, უმნიშვნელოდ, ლუკმა-პურის მოპოვების ბრძოლაში მირბის ცხოვრება!.. რომელს მივდიო?.. ლუკმა-პურს თუ სწავლას? ორსავე ჩავექიდე და აი შედეგი: ორად მოხრილი რისლა მაქნისი ვარ? ცუდი გარემოება ზოგს კლდეთ აქცევს და ზოგს კი... ზოგს კი მიწასთან ასწორებს, აქცევს ბუმბულად და, საითაც უნდა, იქით გააქანებს. ნეტარება პირველთ! ისინი ცხოვრებაში გამარჯვებულნი არიან, გმირებად ხდებიან; მეორენი-კი...

სიტყვა ველარ დაათავა თედომ, რადგანაც საშინელი ყრუ ხველა აუვარდა, რამაც სული აღარ მოაქცევინა და ჩააბყირა. გულზე რაღაც აწვებოდა, უნდოდა ნახველისათვის ამოეყოლებინა, მაგრამ ნახველიც არ ამოდიოდა. დიდხანს ახველა და ბოლოს ძლივძლივობით ამოიღო ნახველი...

რანაირად ესამოვნა! ამისთანა სიამოვნება, რაც თავი შეუსწავლია, თავის სიცოცხლეში ჯერ არ უგრძნია. თედო დამშვიდდა, დაწყნარდა და სიამოვნების ოფლმა შუბლზე გადმოჰხეთქა. მთლად დამშვიდებული წამოდგა, სიამოვნებისაგან აცახცახებულ გამხმარ თითებით შუბლი მოიწმინდა და თიხის მათრათში პირიდან ნახველი გადმოაგდო...

— ოჰ, დედავ!.. — წამოიძახა თედომ, როცა პირი გაინთავისუფლა და გაფითრებული სახე ნახველს მიაპყრო, რო ენახა, ასე რა არჩობდა და რის მოშორებამ აგრძნობინა ისეთი სიამოვნება. ყელმოდერებულ ლამპრის ბუნდ შუქზე კარგად ვერ გაარჩია ნახველი და ამისათვის მათრათი ლამპრის ახლო შიიტანა.

რა მოუვიდა თედოს, რომ მაგრე, ისეც გაფითრებული, უფრო გაფითრდა, ხელები საშინლად აუცახცახდა და მათრათი ხელიდან გაჰვარდა, რომელიც მაშინვე იატაკზე ზედ შუაზე გადიშალა?

თედომ ტაბლას ხელი სტაცა, რომ არ გადაქცეულიყო, რადგანაც მუხლები მოეკეცა და გული გადაეფერა, ყურებმა საშინლად შუილი დაუწყო, წელი გაუხურდა და ცივმა ჰირის-ოფლმა დაასხა ტანზე.

ასე გადაქცევაზე კარგა ხანს იღვა და განძრევას ვეღარ ახერხებდა. იღვა და გაშტერებით, უგონოდ კედლის ერთ წერტილს მისჩერებოდა, რომელიც ჯერ დამსხივნულ რგოლად სჩანდა, მერე თანდათან გადიდდა, სხივები შორს გაჰფანტა; რამდენადაც დიდდებოდა ეს რგოლი, იმდენად უფრო შემოხაზულობას ჰკარგავდა და ბუნდით იმოსებოდა; ბოლოს მთელი კედელი სულ შეიპყრო ამ რგოლმა და მთლად შავ ზეწრად გადაიქცა, რომელზედაც წვრილი ბრჭყვიალა წერტილები დაციმციმებდა და ხანდისხან ბრჭყვიალავე ხაზი გველივით გაიკლაკნებოდა...

წერტილი ჩქარა გამოირკვა. თედოს გაუგრილდა ზურგი, ყურების შუილი შეუდგა და გონი მოეცა, მაგრამ ახლა სიცივის კანკალმა აიტანა.

— ჰუ, ჰუ, ჰუ!.. — განგებ ჩაახველა თედომ და ნახველს თითები მიუშვირა. გადმოფურთხვის უმაღვე ის თითები წითლად შეეღება.

— ეს-ლა მაკლდა!.. — გულდაწყვეტით წამოიძახა იმან, როცა წითლად შეღებილ თითებს დაჰხედა, და სასოწარკვეთილებით ჩაიქნია ხელი...

— უჰ, უჰ!.. რანაირად ჰყინავს! — წამოიყვირა ამ დროს შემოსულმა გაბომ, რომელსაც წვერი და უღვაში წვრილის ლოლუებით მოჰედოდა, რის გამოც ის ჰალარა შერეულ ადამიანსავით გამოიციქირებოდა.

იმას მოჰყვა ორი იმავე სახის და სიცივისაგან წელში ორად მოხრილი ამხანაგი.

— სწორედ. გითხრა, ქუჩაზე მეტად არც აქ თბილა!.. —

ხელების ფშვნეტიტ წამოიძახა ერთმა მათგანმა და თედოსთან ხელის ჩამოსართმევად მივიდა.

— ჩვენ, ჩემო გიგილო, პრინციპით არ ვათბობთ ოთახს! — უპასუხა გაბომ და ისიც თედოსთან მივიდა, რომელმაც ღიმილით გაუწოდა ხელი ჯერ გიგილოს და მერე მეორე ამხანაგს.

— ბიჭო, რა მოგსვლია, რა ნაირად გაფითრებულხარ?! — გაკვირვებით ჰკითხა გაბომ თედოს.

— არაფერი, რა უნდა მომსვლოდეს! — ძალ-დატანებულის ღიმილით უპასუხა თედომ.

— ეგ სულ ეგეთი გაყვითლებულია და ეხლა შეამჩნიე? — უპასუხა მეორე ამხანაგმა თედოსთან ერთად გაბოს და, როცა არყით სავსე დიდი ბოთლი ტაბლაზე დასდგა, დაუმატა: — აბა, ე ქაფიანი გადაჰკრას, როგორ გაწითლდეს!

— ეგ სადღა გიშოვნია?

— არ იცი, რომ მამა-შენმა გამოგიგზავნა? — სიცილით უპასუხა გიგლამ.

— რაც მამა-ჩემმა გამომიგზავნოს, ის მამა-შენს დააკვეხე, — სამაგიეროდ თედომაც იოხუნჯა და გაიცინა.

— ემანდე, ქაფიანის დანახვაზე როგორ მომხიარულდი!.. — სიცილით სთქვა მეორე ამხანაგმა და თედოს მხარზე ხელი დაჰკრა.

— ქაფიანის დანახვაზე-კი არა, შენ დანახვაზე მოვმხიარულდი, ჩემო ფილო!

— ბიჭო, მე ხომ ქალი არა ვარ, რომ კომპლიმენტს მეუბნები?! —

— რა დროს ეგენია, ძალზე მშვიანი! — გააჩუმა გიგლამ ფილო და თედო და შემდეგ გაბოს ჯიბეებს დაუწყო ქექვა.

— ამოალაგე, საროდოდ-ლა ინახაე!

— აჰა, გაძებ! — უპასუხა გაბომ და ჯიბიდან ქალღმერთი გახვეული ხორცეულობა ამოაწყო.

— რა, ფული მოგცეს, გაბო? — ჰკითხა თედომ, როდესაც გიგლომ გახსნა ხორცეულობა.

— მომცეს და ეს ოხრებიც მაშინვე გზაში შემხვდნენ. რა-

კი ვაიგეს, რომ ფული მაქვს, აღარ მომცილდნენ, — სიცილით უპასუხა გაბომ.

— იცი, თედო, მე და ფილო მოვდივართ და შევხედოთ, შენი გაბო არყის სავაჭრო ღუქნისკენ აცეცებს თვალებს. მაშინვე ვსთქვით: „აქ კაი ამბავი უნდა იყოსო“, და წინ ვუყუ-
ლეთ. „აი, თქვე... კუდმა გაგიგოთო!“ წამოიყვირა გაბომ, ჩვენ რომ წინ შევეფეთეთ, და სიცილი მორთო. კუდმა კი არა, თი-
თონვე გაგვაგებინა. ჩვენც, რასაკვირველია, ამის სიცილს ბანი მივეციით...

— რას არ მომცემდით ბანს, როცა ჩემს ჯიბეში გეგულე-
ბოდათ!.. — სიცილით გააწყვეტინა გიგლას სიტყვა გაბომ და პალტოს გახდა დაიწყო.

— ნუ გეშინიან, ჩემო გაბო, სახვალიოდაც დაგრჩა:

„სანამ გვქონდეს ფულები,
ვჭამოთ მოხრაკულები,
როცა შამოგველიოს,
ჩამოვყაროთ ყურები“.

— ვაი, ვაი, შენს პატრონს!.. ეხლა მამა-შენი ფიქრობს, შვილი უნივერსიტეტში მყავს, მეცნიერი ჩამომივაო!.. — სი-
ცილით უთხრა გაბომ და მერე თედოს მიუბრუნდა: — ბიჭო, გაკვეთილზე არ წახვალ?

— მართლა, სულ გადამავიწყდა პალტო რა უყავი?

— აი, — უპასუხა გაბომ და თავისი პალტო მიაწოდა.

— რა დროს გაკვეთილია, ქაფიანი აქა დგას! — წამოიძახა გიგილომ.

— სანამ ჩაის მოამზადებთ, მეც მოვალ. — უპასუხა თედო-
მა და პალტოს ჩაცმა დაიწყო.

— შენი პალტო რაღა უყავ? — ჰკითხა ამ დროს ფილომ.

— ჩემი კასსაში მივაბარე, რომ არ გამიფუჭდეს, — სიცი-
ლით უპასუხა თედომ და გაბოს პალტო ჩაიცვა.

— მაინც?

— მაინც და — დავაგირავე.

თედომ აიჩეჯა პალტოს საყულო ყურებ ზევით. გაბომ კი ჩაიდანს ხელი წამოავლო და ჩაის თადარიგს შეუდგა.

— დიდხანს არ გვალოდინო! — თითქმის ყველამ ერთად შიამაბეს მიმავალ თედოს.

— არა, — უპასუხა თედომა და კარი გაიხურა.

ის იყო თუნუქის ჩაიდანში წყალი აღუღდა, რომ თედომაც კარი შემოაღო.

— ბიჭო, ჩვენ გვეგონა, ცდა დაგვკვირდებოდა, შენ კი მაგრე ჩქარა მოხვედი! — ერთხმად წამოიძახა ყველამ და მაშინვე ფაცა-ფუცი შეუდგათ, რომ უკედ შემოსხდომიყვნენ ტაბლას.

— დაუმაღლეთ ჩემს შეგირდს!

— როგორ, შინ არ დაგიხვდა? — ჰკითხა გაბომ.

— ღმერთმა უშველოს! — წამოიძახა გიგლამ გაბოს კითხვის შემდეგ.

— შინ კი დამიხვდა, მაგრამ ისე გამაჯავრა, რომ გამოვექეცი.

— როგორ, ხომ დაგეკარგება გაკვეთილი?!

— თვითონაც რომ ძალიან მოისურვოს ჩემი იქ მისვლა, მე აღარ წავალ.

— რა მოუვიდა, რომ მაგრე გასწყრომიხარ?

— ეშმაკმა რომ წაიღოს იმისი თავი! ღმერთმანი, ჩემი ამბავი სასაცილოც არის და სამწუხაროც. კაცო, ის იმოდენა ჩოკინაა, მეხუთე კლასშია და იმდენი არ იცის, რომ, როცა რეპეტიტორი უხსნის, ყურის გღება უნდა...

— მერე, რა მოუვიდა? — ცნობის-მოყვარეობით ჰკითხა გაბომ და ჩაიდანი ტაბლაზე დადგა.

— ისა, რომ მე გამალებული ალგებრის ამოცანას ვუხსნი, ვეჩქარები, არ დამაგვიანდეს-მეთქი და ის კი ამ დროს, ვინ იცის, სად დაფრინავს!.. მე ვეკითხები: „შემდეგ რა მოქმედებას უნდა მიემართოთ, რომ“... იმან გამაწყვეტინა კითხვა და: „ხვალ სტუმრად მივდივართ და იქ ჩემ პაშას ვნახავო“, მითხრა. ეს კიდევ არაფერი. ცოტა ხანს შემდეგ, ეშმაკად იმისმა დამ ზალაში ფორტოპიანოზე რაღაც ვალსი დაუკრა და ამ ბიჭს ულექტრონივით დაუარა ტანში. პასუხის მაგივრად იმან ხმის აყოლება და სავარძელზე მჯდომარემ ნაზად მთელი ტანით

რხევა დაიწყო; მერე, როცა უფრო ეშხზე მოვიდა, წამოვარდა და თავ-გადაგლეჯით ცეკვა მორთო.

მე ვეუბნები: „რა გემართებათ, მოდით!“ შენ არ მომიკვდე, რომ იმან ყური არც კი მათხოვა. ვზივარ და ველი, როდის მოიკლავს ცეკვის ჟინს-მეთქი, რომ განვაგრძო, იმისი და კი უფრო და უფრო უკეთ უკრავს და ფორტოპიანოს გრიალი გააქვს. „ადექით, ვიცეკვოთ!“ უეცრად დამტაცა ხელი და წამომაყენა. მე ისეთი ჯავრი მომივიდა, რომ კინაღამ სილა ვაჭამე. კიდევ კარგი, თავი შევიმაგრე, თორემ, შენი მტერი, სისულელეს ჩავიდენდი რასმე. მე გავაშვებინე ხელი და ხმის ამოუღებლად წამოვედი...

— ნეტა, მაშინ იქ ვყოფილიყავი და დამენახა შენი თავი, როგორ შემოგატრიალებდა შენი შეგირდი! — ხარხარით წამოიძახა ფილომ, რომლის ხარხარსაც ბანს აძლევდნენ დანარჩენებიც.

თედოს ამბავმა ყველანი გულიანად გააცინა. იცინოდნენ დიდხანს და თან მასხარაობდნენ. იცინოდა თედოც..

— ხვალ მივწერ იმის მამას, რომ აღარ შემიძლიან იმის შვილთან მეცადინეობა.

— შენა გგონია, შეგეხვეწებიან! — თითქმის ყველამ ერთად უთხრა თედოს.

— ნუ შემეხვეწებიან რა! თავი მოსაკლავი კი არა მაქვს, რომ ყოველ დღე ნაღველზე ვსკდებოდე!

— თუ დაახებე, ხვალ გაკვეთილს იშოვი, აი!

— არ ვიშოვი და ჯანი და სული წაუვიდეს! ისევ სიმშობლით სიკვდილი სჯობია, ემაგნაირს გულის ხეთქას. ეგ ერთხელ რომ მოსვლოდეს, კიდევ არაფერი, მაგრამ თითქმის ყოველ გაკვეთილზე მაგრე იქცევა. ათასი სისულელე უნდა ჩაიდინოს.

— ხვალამდის დაგავიწყდება, ჩემო თედო! ჯერ მოდი, ემას მოველაპარაკოთ! — წამოიძახა გიგლამ და არაყი დაასხა.

— ეს შენი შეგირდის დაჭკვიანებისა იყოს! — სიცილით წამოიძახა იმან და სავსე ჭიქა უეცრად გამოცალა.

ამით აუხსნა გიგლამ დანარჩენებს პირი. ყველამ ჩამორიგა ორ-ორი ჭიქა და თან გამალებულებმა ჭამა დაიწყეს.

დაასხეს კიდევ და დალიეს. კიდევ, კიდევ და კიდევ. როცა არაყმა თავისი ძალა გამოიჩინა და ენა ამოადგმევინათ, მაშინ შეასვენეს ბოთლი და ბაასს მოჰყვნენ: ბაასობდნენ თავიანთ წარსულზე, აწმყოსა და მომავალზე. ბევრი ვარამი და ღარდი, ბევრი ავი და კარგი მოაგონდათ წარსულისა და შესაფერი გრძნობა იპყრობდა იმათ გულს, რის მიხედვითაც იმათი სახე: ხან იღრუბლებოდა და ხან იღარებდა; ხოლო ახლა უფრო მკაფიოდ და ნათლად აჩნევდა კვალს იმათ სახეს გრძნობა, ვიდრე სიფხიზლეში; ახლა გრძნობა უფრო ღრმად, მთელის არსებით იპყრობდა იმათ. ყოველი მათი სიტყვა უფრო გრძნობით ითქმოდა, რის გამოც ერთმანეთზე უფრო ძლიერად მოქმედებდნენ.

არც ერთი ღირსშესანიშნავი შემთხვევა, თუკი რაიმე მნიშვნელობა ჰქონია იმათ ცხოვრებაში, მოუგონებელი არ ღარჩენილა.

წარსულიდან და აწმყოდან, თავიანთ შეუმჩნევლად, მომავალზე გადავიდნენ. წარსულიდან უკვე მომხდარ ამბებს იგონებდნენ და ამის შესახებ მსჯელობდნენ, ხოლო ის კი ვერ გამოეკვლიათ, თუ რანი იყვნენ და რანი არიან, მომავალზე, ხომ სულ ველარა სთქვეს-რა და მსჯელობის ძაფი გაუწყდათ:

ვერც ერთმა მათგანმა ცოტად თუ ბევრად ვერ დაასურათა თავიანთი მომავალი, ვერ გამოარკვია, თუ რისთვის ითმენდა წარსულში ან ითმენს ახლა ამოდენა სიდუხჭირეს; რა იქნება და ან რას გააკეთებს მომავალში, როცა ცხოვრების მორევში ჩაერევა. ყოველივე ეს ბუნდით იყო მოცული. მარტო გრძნობდნენ, სწამდათ, გონების თვალთ ხედავდნენ შორს, ძალიან შორს რაღაც ბრწყინვალეს, რომელსაც უნდა ემსახურნენ, რაც იდეალად უნდა ჰქონოდათ, მაგრამ იმას კი ვერ მიხვედრილიყვნენ, თუ ეს საგანი რა იყო: ვერ გამოერკვიათ, ღირსი იყო ეს საგანი იმისი, რომ იდეალად დაესახათ, მაგონად გაეხადათ, რომელსაც უნდა ემსახურნენ და სიცოცხლე შესწირონ, რომელიც აწმყოში და მომავალში უნდა აღფრთოვანდეს. იქნება ეს შავი ფარდის იქით მბრწყინავი საგანი მათი მუცელი იყოს, რომელსაც დაუღია ხახა და მარტო იმას გაიძახის: „მე მომიტანეთ მსხვერპლი, მე!.. ჩემს გარდა ყოვე-

ლივე ფუჭია!..“ არა, არა!.. გინდაც ეგ გაიხადონ მომავალში თავიანთ კერპად, ახლა მაინც არ იყაბულებენ ამ აზრს; ამის გაგონებაც კი ჟრუანტელს მოჰგვრის ტანში ისე, როგორც ახლა ფიდოს სიტყვებმა მოჰგვარა, როცა იმან მუტელზე ხელი დაიკრა და დაიძახა: „აი, ჩვენი პირველი და უკანასკნელი „მიზანიო!“

— დამისხით არაყი!.. — უეცრად შესწყვიტა თედომ სიტყვა. თედო ამტკიცებდა დიდის გრძნობით თავიანთ უნუგეშო მდგომარეობას. ახლა უცებ მიმართა გიგლას, რომლის წინაც ბოთლი იდგა. — დამისხი! — კიდევ წამოიძახა მან და, როცა სავსე ჭიქა მიაწოდა გიგლამ, სწრაფად გამოსცალა. — კიდევ!.. — სასოწარკვეთილებით წამოიძახა და ცარიელი ჭიქა გიგლას გაუწოდა, რომელმაც გაკვირვებით მაშინვე აუვსო, რადგან თედო ამნაირად აღელვებული ჯერ არ ენახა.

— მეგობრებო, — განაგრძო შეწყვეტილი სიტყვა მასუსტებულის ხმით, როცა ჭიქა აუვსეს: — ჩვენ ახლა გალიაში ახლად გამომწყვდეულ ლომს ვემსგავსებით, რომელიც ხან ერთს კედელს ეცემა და ხან მეორეს; უნდა გასვლა, მაგრამ ვერ გაუნგრევია მისი კედლები. ჩვენც ხან იქით ვეცემით და ხან აქეთ, ხან ერთს საგანს ჩავჭიდებთ ხელს, ხან მეორეს, გვინდა ესეც, ისიც; გვინდა, ამასაც მოვკიდოთ მაგრად ხელი და იმასაც, და ვერც ერთს კი მივწოდომივართ, არა გვაქვს გამორკვეული საგანი ცხოვრებისა, იდეალი. ჩვენის წინაპრების: სასურველ-სატრფიალო უარყავით, ის აღარ გვაკმაყოფილებს, ახალი კი ჯერ არა შეგვიქმნია-რა. ძნელია ამნაირი უკიდურესი მდგომარეობა, ძნელი, და როდის მოედება ბოლო ამისთანა ყოფას, ამის გამოცნობაც ძნელია. ვინ იცის, იქნება სულ მოკლე ხანში მოედოს ბოლო, რადგანაც ცოტაოდენ ნიშნებსა ვხედავ, და ეს, ცოტა არ იყოს, იმედის ნაპერწკალს გვიღვივებს!.. ვწუხვარ, ვწუხვარ სულითა და ხორციით, რომ ჩვენ ამ... ჰუ... ჰუ... ჰუ... — თედომ ველარ დაათვა სიტყვა, რადგანაც ხმა მიუწყდა და ძლიერი ხველა აუვარდა.

თედომ დასდგა სავსე ჭიქა და ნახველს თითები შეუშვირა. ნახველს ერთი ვეება სისხლის კუნთი ამოაყოლა. ამხანაგებმაც და თითონაც ეს გარემოება კარგათ შენიშნეს.

— აი... შედეგი ამ მდგომარეობისა!.. ნეტავი თქვენ!.. იქნება მოესწოროთ ამ უკიდურეს მდგომარეობის მოსპობას, მე კი... მე კი, ეპ!.. — მწარედ ჩაიქნია ხელი და მოსხლეტით დაეშვა ტახტზე.

II

დიდი ხანია, რაც და-მოწყალებისამ დაათვალიერა კლინიკის შინაგანი ავადმყოფობის განყოფილება, სადაც თედო ბალიშზე გადასვენებული, მთლად ყვითლად მოქცეული, იწვა და აჩქარებით სუნთქავდა. იმან აიარ-ჩაიარა და როდესაც თედოსთან მივიდა, შედგა და გულმტკივნეულობით თავის ქნევა დაიწყო: „საწყალი, წუხელის მოაყვანეს და როგორ ჩქარა მისუსტდა!..“ მერე ლამპარს ჩაუწია და ფეხაკრეფით გავიდა. ამ დროს თედომ გაახილა თვალები და მიმავალ დას ლმობიერებით გახედა, რადგანაც დღეს მარტო იმან შეიბრალა და დვიძლ დასავით თავს ევლებოდა. ის რომ არ ყოფილიყო, დღეს პროფესორი სტუდენტებით ზეზეულად სულს ამოართმევდა „ღმერთო, რანაირად მტანჯავენ“, — ფიქრობდა თედო, როდესაც პროფესორმა ის ზეზე წამოაყენა და მთელი საათი ხან ზურგზე და ხან გულზე ჩაქუჩებით სტუდენტებს აბრაგუნებინებდა. „გესმით, — ეუბნებოდა პროფესორი სტუდენტებს: — როგორ ხმას იღებს?.. აბა, ეხლა ყური მიადეთ და სუნთქვის ხასიათი კარგად დაიხსომეთ... როგორც ანემნენი გვიჩვენებს, წუხელის ამოსდენია სისხლი და ვეღარ შეუწყვეტიათ. აი, ეხლაც რამოდენა სისხლს ანთხევს ყოველ დახველებაზე. თითქმის ნახველის მაგივრად სულ სისხლი ამოსდის“. — ამ სიტყვებზე სისხლით სავსე ჭიქა გამოართო თედოს და სტუდენტებს მიაწოდა. „აბა, ნახეთ, თქვენის აზრით, რა გვარი სისხლია, არტერიისა თუ ვენისა?“ სტუდენტები რომ სისხლის გაჩხრეკაში იყვნენ და ხან არტერიისას, ხან ვენისას გაიძახოდნენ, ზოგი კი ამ დროს „შერეულიაო“, იძახდა, თედოს გულს აუჩქროლდა და კინაღამ არ გადაიქცა. კიდევაც გადიქტევოდა, რომ ამ დროს შემოსულ დას ხელი არ ეტაცნა და მზრუნველობით ლოგინში არ ჩაეწვინა. „დაილაღეთ? — ჰკი-

თხა პროფესორმა თედოს, როდესაც ის დამ მიაწვინა და თან დაუმატა: — არა გიშავთ-რა, მეცნიერების გულისათვის მოითმინეთ“. — ვითმენ, ბატონო პროფესორო, ვითმენ მეცნიერების გულისათვის, ხოლო თქვენ კიდევ კაცთ-მოყვარეობის გულისათვის შეიბრალებთ ხოლმე ავადმყოფი!.. — მწარის ღიმილით უპასუხა თედომ და და-მოწყალებისას შეჰხედა, რომელსაც იმის სიტყვებზე თვალეზზე ცრემლი გადმოეკიდა. ცრემლის დანახვაზე თედოს გულში სიხარულის სხივი ჩაეშვა და მთელი ტანი სულ შეურყია. იმას გაუხარდა, რომ აქ მოიპოვება ისეთი არსებაც, რომელსაც სხვისი ჭირი თავისად მიაჩნია. თედომ გატაცებით სტაცა ხელი და თავდავიწყებით დაეკონა. „ნუ ღელავ, ნუ, ჩემო ძმაო!“ უთხრა ანგელოზისებრ წყნარად დამ და შუბლზე აკოცა.

აი, ეს იყო მიზეზი, რომ თედომ მაგრე ღმობიერად გააყოლა თვალი დას და დიდხანს უმზერდა კარებს, სადაც იმისი ჩრდილი კარგა ხნობამდის არ მოშორებია თედოს თვალებს. გაქრა აჩრდილიც, მაგრამ თედო მაინც თვალს არ აშორებდა იმ ადგილს და სახე თანდათან ექმუხნებოდა.

— ოჰ, ღმერთო!.. მიშველეთ!.. — ამ გულის სიღრმიდან ამოხეთქილმა სიტყვებმა გამოიყვანეს ფიქრიდან და იქით მიახედეს, საიდანაც ხმა მოესმა.

ჩაწეულ ლამპრის ბუნდ შუქზე გაარჩია, რომ მისი მეზობელი ავადმყოფი მბრწყინავ თვალის კაკლებს უგონოდ აბლატუნებდა და ხელებს, თითქოს ეძებს რამესაო, აქა-იქ აცატუნებდა.

— ძმობილო, რას ეძებ? — მისუსტებულის ხმით ჰკითხა თედომ, მაგრამ პასუხი ვერ მიიღო.

კიდევ განუმეორა კითხვა.

— ჰა!.. ჰა!.. არ მინ...და...არ... — პასუხის მაგივრად წამოიძახა მეზობელმა და ქვეთინი მორთო.

„სიზმარში იქნება“, გაიფიქრა თედომ და ადგომა დააპირა, რომ გაეღვიძებინა, მაგრამ წელი ვეღარ აიტანა.

— ააა!.. — წამოიყვირა ამ დროს მეზობელმა და უეცრად წამოჯდა. იმის თვალებს ელვარება უფრო მოემატა; ელვარე მისი თვალეზი დააშტერდა ერთ წერტილს.

თედოს ტანში შიშის ყრუანტელმა დაურბინა. უნდოდა თვალი მოეშორებინა, რომ მისი მოელვარე თვალები აღარ დაენახა, მაგრამ ვერ ახერხებდა.

— ცააა! — აკანკალებულის ხმით წამოიძახა მან ცოტა ხნის სიჩუმის შემდეგ და მარჯვენა ხელის საჩვენებელი თითი მოელვარე გაშტერებულ თვალების წინ დაიჭირა.

— ცააა!.. — ცა! ცა!.. ცცცც!.. ცს... სსს!. — უაზროდ გაიძახოდა ის და თან თითი წინ მიჰქონდა. ხოლო, როდესაც „ცა“... „ცს“.. და „სს“...-ზედ შეეცვალა და მარტო ოდნავ-და სისინებდა, თითის მოძრაობა შეაჩერა. ცოტა ხანიც და ხმა სულ მიუწყდა.

თედომ მოიკრიბა უკანასკნელი ღონე და უეცრად ფეხზე წამოვარდა. ის-ის იყო თედოს ხელი უნდა წაეველო გაშეშებულ ავადმყოფისათვის, რომ იმან საშინლად წამოიყვირა; „ვაი!... ვაი!...“ და გულადმა ლეიბზე გაიშოტა. ამ მოულოდნელმა ღრიალმა თედოს თავზარი დასცა და ის უგონოდ იატაკზე დაეცა.

როდესაც გონს მოვიდა, დაინახა, რომ რამდენიმე ავადმყოფი თავს ედგა და საბანს უსწორებდა.

— რა ამბავია? — მიკნავებულის ხმით იკითხა მან თვალების გახელის უმაღლ.

— არაფერი, ლოგინში ჩაგაწვინეთ, — უპასუხეს იმათ და საბანი ჩაუკუნჭეს.

— როგორ, საიდან?

— ძირს გადმოვარდნილიყავ და შენს ყვირილზე და ბრაზუნზე გამოგვეღვიძა.

— აა!.. ის... ის როგორ არის?

— ვინ?

— აი ის, — უპასუხა თედომ და ხელი მეზობლისკენ გაიშვირა.

— მომკვდარა! — თითქმის ერთხმად წამოიძახეს ავადმყოფებმა თავების ქნევით, როცა თედოს მეზობელი გასინჯეს.

— მომკვდარაა! — სულის კვეთებით შესძახა თედომ და თვალები მიელულა.

ავადმყოფებმაც ცოტა ხნის სიჩუმის შემდეგ მოსამსახურეს შეატყობინეს ეს ამბავი, რომელმაც მაშინვე მიცვალებულის ორი გამტანი მოიყვანა. იმათ შეახვიეს თედოს მეზობლის გვამი ტილოში და გულ-გრილად, თითქოს აქ არა ამბავია რაო, ოთახიდან გაიტანეს.

მიწყდა ფეხის ხმა. მიწყდა ამ ამბით გამოწვეული ოხვრა და დაბალის ხმით ბაასი გამოღვიძებულ ავადმყოფებს შორის. ყველა ამათ, მწარე ფიქრებში გართულებს, მიეძინათ და ხამუშ-ხამუშ ძილში-ლა წამოსკდებოდათ ხოლმე ღრმა ოხვრა და კვნესა.

მარტო თედოს თვალს არ ეკარებოდა ძილი. იმას ათასი შავი ფიქრი აეშალა და უწყალოდ ქეჯნიდა. უნდოდა როგორმე დაეძინა, რომ ცოტა ხანს მაინც განთავისუფლებულიყო ამ ფიქრებისაგან და გახურებული თავი გაეგრილებინა, მაგრამ ამისათვის ძილი არსადა სჩანდა. მალი-მალ წარმოუდგებოდა თვალწინ მომაკვდავი მეზობელი და ეს გარემოება ძალა-უნებურად აფიქრებინებდა, რომ ისიც. ეხლავე თუ არა, ცოტა ხანს შემდეგ, ან ხვალ, იმავე გარემოებაში ჩავარდება, რომელშიაც იყო იმისი მეზობელი და იმის უსულო გვაძსაც ისე გაიტანენ, როგორც მეზობლის გვამი გაიტანეს. გრძნობდა, რომ მალე უნდა მომკვდარიყო; პროფესორმა სტუდენტებს ხომ მასთან პირდაპირ გამოუცხადა, რომ ფილტვის ავადმყოფობა დამართნია და ამასთან, როგორც ნახველის მიკროსკოპიულმა განხილვამ გვიჩვენა, დიდის ხნის Tuberculosis pulmonum (ჭირკვლიანი სიქლექე), რომელიც ახლა ამის სხეულზე სწრაფ მოქმედებას იჩენსო.

„უნდა მოკვდე!..“ — გაიფიქრა თედომ და მწარე ღიმილმა ტუჩებზე ოდნავ გადუქროლა: „მაგრამ. — განაგრძო მან: — მაგრე მალე?.. ჯერ რა მიცოცხლია, რა გამიკეთებია, რომ ასე მალე მესპობა სიცოცხლე?! რა კვალი დარჩება ჩემს შემდეგ?.. ნუ თუ ასე უმნიშვნელოდ უნდა ვავიარო, კვალდაუმიჩნევლად, ისე როგორც არ სტოვებს კვამლი ჰაერში კვალს?! ფუ-კი მაგრე უმნიშვნელოდ გავივლიდი ცხოვრების

გზას, რისთვის-ღა გავჩნდი, რა ჰქონდა აზრად ჩემს გაჩენა-ში ბუნებას?.. ნუ თუ იმისათვის ვცოცხლობდი, რომ გავჩნდი და ვკვდები, რომ ვცოცხლობდი, ვვარსებობდი?!. ჰმ!.. მაშ რა ვარ, რა სახელი მეწოდების?..“

თედო ამ კითხვაზე უეცრად ორ პიროვნებად გაიყო, ორ არსებად გადაიქცა, და ერთმა მათგანმა წამოიძახა: „ადამიანი!..“ — „ადამიანი?!“ — გაკვირვებით დაეკითხა მეორე პიროვნება თედოსი პირველს. „ჰო!“ „ხახახა... ადამიანი!.. რისთვის უნდა ვიყო ადამიანი, როდესაც მე ჯერ არა გამიკეთებია-რა!.. რა გავაკეთე?..“ „არაფერი“. „არაფერი და მაინც ადამიანი ვარ?!. სტყუი, სტყუი, გაჩუმდი!“ „მაშ რა არის ადამიანი?..“ „ადამიანი არისსს...“—დაიწყო თედოს პირველმა პიროვნებამ, მაგრამ აზრი ველარ დაათავა. ის სწრაფად შეუერთდა მეორეს და თედო ისევ ერთ პიროვნებად გადაიქცა, რომელსაც უნდა აეხსნა საკითხი.

„ადამიანი!.. ადამიანი!.. აადამიანიი!..“ ძალას ატანდა თავის თავს თედო, მაგრამ აზრი აზრს არ ეკარებოდა; თითქმის იმის თავში მარტო ერთი წარმოდგენის მეტი აღარა მოიპოვებოდა-რა, და სიტყვა „ადამიანი“ ისევ სიტყვად დარჩა და შინაარსი ვერა მოუპოვა-რა.

გონება თანდათან უჩლუნგდებოდა, და „ადამიანის“ რამდენჯერმე ნაწყვეტ-ნაწყვეტ გამეორებით ბურანში შევიდა...

— ის ვინ მოჩანს? — წამოიყვირა თედომ, როდესაც თვალწინ წარმოუდგა ყვავილებით შემკულ ბექობზე მშვენიერი არსება.

— ისაა, ისაა!.. ჩემი ელო!.. აკი მამა-ჩემი მწერდა: ელომ თავი მოიწამლა, რადგანაც ძალით სხვაზე ჯვარი უნდა დაეწერათო... აი, მამაჩემო, რად მატყუებდი, რადა?..

ქალი-კი ამ დროს თავ-ჩაღუნული იდგა და ყვავილებს უღიმოდა.

— ისაა!.. ჩემი ელო!.. აგერ, თავი მალა უნდა აილოს!.. მიცინის... ველარ მცნობ, ჩემო ელო?! — წამოიყვირა და გაეჟანა იმისაკენ.

— თედო, აქ ვინ მოგიყვანა?.. ღმერთო, კიდევ შევხვდით ერთმანეთს!.. თედო, თედო, თედო!.. ჩემო ძვირფასო!..

— ელო, ელო!.. — დაიძახა თედომ და თავდავიწყებით ვულში ჩაიკრა.

— თედო, გენაცვა, ეს რა მოჩვენებაა?! ნუ თუ ეს ყველაფერი მართალია?! — სვენებ-სვენებით იძახდა ელო, რადგანაც შეტის აღელვებისაგან მოუძღურდა და თედოს მკლავებს შუა ლაფანივით იქნებოდა.

ქალს მკლავები თედოს მხრებზე ჰქონდა გადადებული, და ასე მიშვებულს თედო თავის ტუჩებს გიჟსავით აწებებდა იმის მშვენიერს ლოყებსა და ტუჩებზე. ნიავი კი, ყვავილების სუნელოვანებით მაძლარი, ნაზად არხევდა ელოს ზურგზე გადაფენილ თმას და, როდესაც ცოტათი მოუმატებდა თავის ძალას, თედოს კისერს გველსავით შემოახვევდა ხოლმე.

— ეხლა სულ ერთად ვიქნებით, განა, ჩემო ელო!.. ჩვენ ერთმანეთს ველარავინ გაგვაშორებს! — ეუბნებოდა თედო ხვევნაში და თან გრძნობა უფრო უცხოველდებოდა.

— ჰო, ჰო, ჩემო კარგო!.. — თავის მხრივ ეუბნებოდა ელო.

— სამი წელიწადია განა, ერთმანეთი არ გვინახავს? — ჰკითხა თედომ, როდესაც კოცნა შესწყვიტა და ადგზნებულის თვალებით მზერა დაუწყო ელოს.

— სამია და მე სამ საუკუნედ მეჩვენა, ჩემო თედო! ეხლა კი აღარსად გაგიშვებ, სულ ჩემთან იქნები!..

— ძალითაც რომ გამაგდო, არსად წავალ! შენი ვარ სამუდამოდ. ეხლა ჩქარა გავათავებ უნივერსიტეტს და ჯვარს დავიწერთ. აი, მაშინ იქნება ჩვენი დრო! — აღტაცებით წამოიძახა თედომ და მოსახვევნად ხელები გაშალა.

— არ მინდინხარ!.. — ეშმაკურად ხელი ჰკრა ელომ და გაიქცა.

— სად გარბინხარ, კუდრაჭავ, შენი ეშმაკობა მოიგონე?! — მიაძახა თედომ და უკან დაედევნა.

თედოს სიტყვებზე ელო უეცრად მოტრიალდა და ხელები მოსახვევნად თედოსაკენ გაიშვირა.

— ვერ გარბენინე?! — გულიანის, უმანკო სიცილით უთხ-

რა ნიშნის მოგებით და გადაშლილი თმა თავის გაქნევით შეი-
ბერტყა.

— ელო, რა ლამაზი რამა ხარ! — გატაცებით შესძახა თე-
დომ და გულში ჩასაკონად მომზადებულ ელოს ღონივრად
მოძხვია მკლავები.

— აღარ გახსოვს, ჩემო ბუტიავ, როგორ დავრბოდი
ხოლმე მე და შენ მინდორში და ვკრებდით ყვავილებს?

— განა ეგ დამავიწყდება. ჩემო კუდრაჭავ! ეგეც რომ და-
მავიწყდეს, სხვა რალა უნდა მახსოვდეს. მაგის მეტი სიკეთე
რა მომაგონდება ჩემი ცხოვრებიდან!

თედო და ელო გადახვეულები ჩასხდნენ იქვე ყვავილებს
შუა და დაიწყეს ტკბილად ჭუკჭუკი. იგონებდნენ წარსულს,
ერთად გატარებულ დროს, და ამით სიამოვნებდნენ.

მოიგონეს ისიც, თუ როგორ განშორდნენ ერთმანეთს ამ
სამი წლის წინად, როდესაც თედო სასწავლებლად გაემგზა-
ვრა და ერთმანეთს შეჰფიცეს...

— იცი, თედო, შენ რომ მიდიოდი, მე მეგონა, აღარ და-
ბრუნდებოდი; მტანჯავდა ეს აზრი, მინდოდა დამეშალა შენ-
თვის, მაგრამ ველარ გაგიბედე, ვაი თუ დამცინოს-მეტქი.

— სულელო, ეგ რამ გაფიქრებინა?! — სიცილით უთხრა
თედომ.

— რა ვიცი!.. — სიცილითვე უპასუხა ელომ.

— ხომ დაისვენე? — ჰკითხა ელომ ცოტა სიჩუმის შემ-
დეგ და მარდად წამოხტა ფეხზე. — წავიდეო, კიდევ ვირბი-
ნოთ.

— ვირბინოთ! სირცხვილიც არის, ბებრებივით ჩავსხედით
და წარსულს ვიგონებთ, როდესაც წინ ჯერ ბევრი რამ უკე-
თესი მოგველის! — უპასუხა თედომ. ისიც მარდად წამოხტა.

— აბა, ვინ წინ და ვინ უკან! — წამოიძახა ელომა და გა-
იქცა.

— დაგეწევი, კუდრაჭავ!

— ვერა!

გარბის ელო, უკან თედო მისდევს. ორივენი ცდილობენ,

რაც შეიძლება, მარდად გაიქცნენ. უეცრად ორივემ იგრძნეს, რომ ფრენა შეუძლიანთ. გარბიან, თითქმის დედამიწას ფეხს არ აკარებენ. მიფრინავენ, დასრიალებენ, დანავარდობენ ჰაერში და უზრუნველად ერთმანეთს ეალერსებიან და ეხვევიან. გაისრიალეს ათასფრად აყვავებული ტყე, მინდორი, ღელეები და მთები. ყველა ამათის მზერით სტკებოდა და ამათ მნახველთ ერთმანეთისადმი გრძნობა უცხოველდებოდათ. თითქოს მთაც, ტყეც, მინდორიც და ყველა მცენარე იმათ გულში სიყვარულს აწვეთებდა.

— დაიცა, ეს სად მოვედით?.. — ერთბაშად შედგა თედო და ელოც შეაყენა. უეცრად შეიცვალა სურათი და იმათ თვალს ერთი უზარმაზარი შენობა წარმოუდგა, რომელიც დაღვრემით გასცქეროდა თოვლით შემოსილ, უდაბნოს მსგავს მიდამოს.

— გენაცვა, ელო, წავიდეთ აქედან, თორემ სული მეხუთება! გესმის?! კვნესა, კვნესა და კვნესა!. — თითქმის ტირილის ხმით წამოიძახა თედომ.

— სადა ვართ?! აქ როგორ შემოვედით?! ჰა? ესენი ვინ არიან? გარშემო სულ ჩაყვითლებული სახეები, მკვდრების მსგავსები!..

ის უეცრად დააცქერდა ერთ ტახტს, რომელზედაც სულთმობრძავი იწვა და უგონოდ ხელებს აფათურებდა. თედო უეცრად გაფითრდა, ელოს ხელი სტაცა.

— ელო, აი ამას ხელავ?! რანაირად მგავს მე! ელო, ელო, ვინ არის ის?

— ნუ გეშინიან, ადამიანი!

— ადამიანი!.. ელო, მიშველე, წავიდეთ აქედან!.. აგერ, როგორ მიცქერის!.. მეშინიან!

— ნუ გეშინიან, ჩემთან არა ხარ? აბა შემომხედე, ჩემო თედო!

— ჰა, ელო, შენა? ოოჰ! — ამოიოხრა თედომ და მაგრად მოჰხვია ხელები ელოს.

— მაგრად მიიკარ შენი ელო, მაგრად!

— ელო, ელო, ჩემო კარგო! რა ბედნიერი ვარ, რომ შენ ჩემთანა ხარ!.. — ეუბნებოდა თედო და, რაც ძალი და ღონე ჰქონდა, ელოს გულში იკრავდა, თითქოს უნდოდა ელო სრულიად შეეხორც-შეეთვისებინა და ასე ერთ არსებად ქცეულიყვნენ ორივენი...

უკვე ერაყრაყნა. და მოწყალებისა შემოვიდა, რომ ავად-მყოფებისათვის დილის ლოცვა წაეკითხნა და პირველად თედოსთან მივიდა. თედო ამ დროს უკანასკნელად შეჟრჟოლდა და სამუდამოდ თვალები დახუჭა.

— გარდაიცვალა!.. — წამოიძახა მწუხარებით დამ და თედოს გამხმარ სახეს დაეკონა.

მშობლის მაგივრად მან დაასველა თედოს სახე ცრემლით და საუკუნოდ განსვენება უსურვა.

ვარშავა. 3 დეკემბერს 1892 წ.

„არ გვინდა, არა!“

(სურათი)

— ტყუილად შევეცდებით, თქვენო კეთილშობილებავ, არ ისურვებენ! — უთხრა მღვდელმა ბოქაულს, როდესაც წირვის შემდეგ გალავანში გამოვიდნენ და დაბურული ხის ქვეშ დადგნენ. მათთან ერთად დადგა კიდევ ერთი სერთუკოსანი ახალგაზრდა, რომელიც იმათ გამოსვლამდის გალავანში დადიოდა და ხან რომელს საფლავის ქვას დააკვირდებოდა და ხან რომელს. ახალგაზრდა ხმა-ამოუღებლად ამოუდგა ბოქაულს მხარში და თავჩადუნულმა მიწაზე ჯოხით რაღაცის ხაზვა დაიწყო.

იქვე ახლოს ქუდ-მოხდილები და გულხელდაკრეფილები იდგნენ სოფლის მოხელენი და კიდევ რამდენიმე გლეხი და დაღვრემილები გასცქეროდნენ ცის სივრცეს. „რად შეგვაყრევინა ნეტა, ეს სოფელი, — ფიქრობდნენ ისინი: — იქნება კიდევ რამე გამოგვიტყვიან და ამ სისხლი-პური ჭამის დღეს უნდა მოგვაცდინოს. კაი საქმე კი არ იქნება, ხარჯი უნდა მოგვიტანონ, რომ მთელი სოფელი შეგვაყრევინა“—ო, ფიქრობდნენ და ვერ გამოეცნოთ, რა მიზეზით უნდოდა ბოქაულს სოფლის ყრილობა...

— მაშ მავრე გგონიათ, მამაო?! — ღიმილით უპასუხა ბოქაულმა და ბოლთის-ცემა დაიწყო ხის ქვეშ.

მღვდელი ამ დროს დაებჯინა შევერცხლილ თავიან ბზის ჯოხს, ილლით დაეყრდნო და მოსიარულე ბოქაულს თვალს ადევნებდა. ბოქაული ამ ტრიალის დროს, რაც ძალი და ღონე ქონდა, უღვაშებს უბერავდა. ხან დოინჯს შემოიყრიდა და დამთქნარებით ზანტად გადიჭიმებოდა წელში, თითქოს ტკბი-

ლის ძილიდან ეს არის ეხლა გამოაღვიძეს და ლოგინში იზმო-
რებაო; ხან ხმალზე ხელს წაივლებდა და გახოკილ დედამიწა-
ზე მაგრად გაუსვამდა; ხან კიდევ უეცრად შედგებოდა და წა-
ლის ქუსლებზე უცბად მოტრიალდებოდა. ბოლოს, მიუბრუნ-
და გლეხებს და ბრძანების კილოთი მამასახლისს დაეკითხა:

— ყველას შეატყობინე?

— ყველას, შენი ჭირიმე! — უბასუხა მამასახლისმა.

— შეიკრიბნენ კიდევაც?

— კანცელარიასთან არიან შეკრებილები და შენს მობრძა-
ნებას ელიან.

— კარგი, წადით და უთხარით, პრისტავი ეხლავე მობრ-
ძანდება-თქო.

— ეხლავე, შენი ჭირიმე, ბატონო!

მამასახლისი და სხვა გლეხებიც მაშინვე გაბრუნდნენ და,
ვიდრე გალავნის კარებს არ გასცდნენ, ქუდები არ დაუხუ-
რავთ.

— Да, да, მამაო, ტყუილად გგონიათ, ვითომ გლეხები
არ ისურვებენ.

— მე, თქვენო კეთილშობილებაე, გამოცდილებამ დამა-
რწმუნა, რომ არ ინდომებენ.

— როგორ?

— ისე, რომ ამ ოთხის წლის წინად, მის უსამღვდელოე-
სობის უქაზის თანახმად, სამრევლო სკოლა გავმართე და, აი,
დღეს იმისი ხსენებაც აღარ არის. ამისი მიზეზი გლეხები არი-
ან. წარმოიდგინეთ, თქვენო კეთილშობილებაე, მეორე წლის
გასვლამდის, ერთი რა არის, წამლად ერთი ბავშვიც აღარ და-
იარებოდა სკოლაში, თუმცა კი პირველს წელს ზედა-ხორა
ქონდათ და ადგილის უქონლობით ბევრი არ მივიღე.

— ეე, მამაო, სამრევლო სკოლა. რა სახსენებელია სამი-
ნისტრო სკოლასთან, რომლისთვისაც ათასნაირი პოპეჩიტელ-
სტვობი და ინსპექტორსტვობია დაარსებული, რომელშიაც
სულ იმისთანა სპეციალისტი, როგორიც ვლადიმირ სერგეი-
ჩია, მასწავლებლები ინიშნებიან. ვლადიმირ სერგეიჩმა გორის
საოსტატო სემინარია დაამთავრა და მოწმობაც კარგი მიიღო...
რასაკვირველია, — განაგრძო ისევ ბოჭაულმა, როდესაც ისი-

ნიც კანცელარიისკენ წავიდნენ: — ვლადიმირ სერგეიჩისთანა მასწავლებლები კარგად წაიყვანენ საქმეს. ესეც რომ არ იყოს, სირცხვილიც არის, რომ ორას კომლიანს სოფელში სამინისტრო სკოლა არ არსებობდეს. აქ, რასაკვირველია, სამრევლო სკოლა არ ივარგებს. სამრევლო სკოლები იმ სოფლებში უნდა გამართონ, სადაც ათიდან ოცამდის კომლი მცხოვრებია, ან კიდევ ცოტა მეტ-ნაკლები.

— ეგ სულ ერთია, თქვენო კეთილშობილებავ, სამრევლო იქნება თუ სამინისტრო, არ იხეირებს, როდესაც გლახებს სწავლის სურვილი არა აქვთ. გლახს რო სწავლის მნიშვნელობა ესმოდეს, იმისთვისაც კარგი იქნებოდა, მაგრამ რო არ ესმით, რას ვიზამთ!

— რო არ ესმით, უნდა გავაგებინოთ; აი, ეხლა ვნახავთ, რა სიხარულით მიიღებენ ჩვენს წინადადებას, როდესაც... როდესაც ვლადიმირ სერგეიჩი აუხსნის სწავლის მნიშვნელობას.

ვლადიმირ სერგეიჩმა გაიღიმა ამ სიტყვებზე და თვალწინ წარმოიდგინა, თუ როგორ გამოვალ შეკრებილი ხალხის წინ ამ რამდენისამე წუთის შემდეგ და დავიწყებ ჩემ „სიტყვას“, რომელიც ხალხს აღტაცებაში მოიყვანს და დაუყოვნებლივ სურვილს გამოაცხადებსო. „გლახებმა, — გაიფიქრა ვლადიმირ სერგეიჩმა: — თავიანთ აღტაცების გამოთქმა ტაშის დაკვრით არ იციან, თორემ, ჩემი სიტყვის დამთავრებას, უთუოდ ტაშით შეხვდებოდნენ“. მერე წარმოუდგა თვალწინ, ვითომ ვლადიმირ სერგეიჩი უკვე დაამტკიცეს მასწავლებლად და სალდათობისა-კი აღარა ეფიქრება-რა. ის იქნება და ის, ველარ წამიყვანენ სალდათად და დროს ტყუილად აღარ დამაკარგვინებენო. სალდათობა რომ მოაგონდა, ტანში ყრუანტელმა გაუარა და ბოქაულის მიმართ მადლობით აივსო. „ეგ რო ჩემი ნათესავი არა ყოფილიყო, — ამბობდა თავის გულში ვლადიმირ სერგეიჩი — და ხელის გამართვას არა სცდილობდეს, ხომ მე ადგილს ვერ ვიშოვი და სალდათობა არ ამცდება, რადგანაც თავისუფალი ადგილი აღარსად მოიძებნება“-ო... ამ ფიქრებში ჩვენი ახალგაზრდა, დავალიანებული კაცის სახით შესცქეროდა ბოქაულს, რომელიც უკვე გაჩუმებულიყო და

თავის ფიქრებს მისცემოდა. იმას უნდოდა მადლობის ნიშნად მივარდნოდა ბოქაულს და გადაეკოცნა, მაგრამ შუამავალი მღვდელი უშლიდა ხელს.

ბოქაული კი კმაყოფილის სახით გაიციქრებოდა წინ და ისიც თავის მხრით ტკბილს ოცნებას ეძლეოდა. რა წამს ხალხს გამოვუცხადებო, — ოცნებობდა ბოქაული, — მაშინვე მიიღებენ ჩემს წინადადებას და ამით ჩემს ნათესავს ვლადიმირ სერგეიჩს, ჯერ ერთი, სალდათობისაგან დავიხსნი, მეორე კიდევ: თავის ლუკმას გავუჩენ. მერე ვლადიმირ სერგეიჩი, რასაკვირველია, მადლობის გადასახდელად გაგზავნის გაზეთში წერილს და ქებას დამიწყებს, რომ იმის დაუცხრომელი მეცადინეობით ამა და ამ სოფელს სამინისტრო სკოლა ელირსა და გლეხებს განათლების გზა მიეცაო. რასაკვირველია, ჩემს მეცადინეობას ერთი-ორად ასწერს და, ოპ, ვინც წაიკითხავს, მაშინვე წამოიძახებს: „აი, ამისთანა პრისტავები უნდა გვყავდეს პატარა ბლომად, რომ...“ მაგრამ ამ დროს, თითქოს ყურში ჩასძახა ვინმემო, მოაგონდა გალაჟანში მღვდლისაგან ნათქვამი სიტყვები: „არ ისურვებენო“. ამ გარემოებამ, ცოტა არ იყოს, აუზღვრია სული და აფიქრებინა: „მართლა რომ არ მოინდომონ, მაშინ ხომ ყოველი ჩემი ცდა სულ ტყუილად ჩაივლის!.. კმ!.. როგორ შეუძლიანთ გამიბედონ და უარი მითხრან!“ — ზმა-მალლა წამოიძახა უკანასკნელი სიტყვები ბოქაულმა და მრისხანე თავის გაქნევით შეხედა კანცელარიის წინ შეყრილს გლეხებს, რომლებიც იმის დანახვაზე წამოიშალნენ და ქუდ-მოხდილები გაჩერდნენ.

ბოქაულმა ვერც კი გაიგო, როგორ მივიდა კანცელარია-მდის. რაკი დაინახა ხალხი, მრისხანე სახე უფრო მოიჭმუხნა და კანცელარიის დერეფნის გრილოში ამაღლებულ ადგილზე ავიდა.

— გამარჯვებათ თქვენი! — დაიძახა მაშინვე მან.

— კეთილი იყოს თქვენი მობრძანება! — უპასუხეს აქაიქიდან გლეხებმა.

— ხალხო, — სთქვა შემდეგ ბოქაულმა, — იცით, დღეს რისთვის შეგყარეთ ერთად?..

— არ ვიცით, ბატონო! — უეცრად გაისმა ხალხში ხმა და ბოქაულს სიტყვა გააწყვეტინა.

— ჰო, ეგ მეც ვიცი, რომ არ იცით და აი, ესლავე გეტყვით, — დაიწყო ისევ ბოქაულმა და ცოტა ხანს შემდეგ განაგრძო: — თქვენ უვიცეები ხართ, არაფერი გესმით! ქვეყანაში სცხოვრობთ და არ იცით კია, რა ხდება თქვენს ცხვირწინ! განა თქვენი ცხოვრება ცხოვრებაა?! არა, თქვენ მზეცურად სცხოვრობთ...

ხმა-გაკმენდილი ხალხი გაკვირვებით ფიქრობდა: „ნეტა... პრიპტავი ხომ არ გადარეულა, რომ ასე გვლანძღავსო“.

— თქვენ რომ გესმოდეთ რამე, თქვენ რომ ცოდნა გქონდეთ, მაშინ აგრე აღარ იცხოვრებდით, მაშინ სხვანაირად მოეწყობოდით...

— ჩვენთვისაც კარგი იყო, შენი ჭირიმე, რო ვიცოდეთ რამე, მაგრამ ჩამგონებელი არავინა გყავს! — წამოიძახა ბოქაულს ახლო მდგომმა ერთმა გლეხმა.

— აქნობამდის თუ ჩამგონებელი არა გყავდათ, — ბოქაულმა დაიხვია ხელზე გლეხის სიტყვები, თორემ აღარ იცოდა, კიდევ რა ეთქვა და ან როგორ ელაპარაკნა ვლადიმირ სერგეიჩის შესახებ, — ესლა გიჩნდებათ. აი, ეს იქნება თქვენი ჩამგონებელი და მასწავლებელი, ეს გამოგიზრდით შვილებს და გასწავლით, როგორ უნდა ცხოვრება კაცურად, თუკი მოისურვებთ და ინდომებთ სამინისტრო სკოლის გამართვას...

— როგორია ე სამინისტრო სკოლა? — დაეკითხა ერთი ახალგაზრდა, ოც-და-რვისა თუ ოც-და-ათი წლის გლეხი, რომელიც კანცელარიის წინ მიქუჩებულ ქეებზე შემდგარაყო და ყველას თავს დასცქეროდა.

— აი, ესლავე აგიხსნით ეს ყმაწვილი, როგორიც არის და რა მნიშვნელობაც ექმნება თქვენს ცხოვრებაში ამ სკოლას. აბა, ვლადიმირ სერგეიჩ, აუხსენ ყველაფერი, — მიმართა სერთუკოსანს ახალგაზრდას და თითქოს განგებ გაკეთებული ამადლებული ადგილი დაუთმო მომავალს მასწავლებელს.

ვლადიმირ სერგეიჩი შედგა ამადლებულს ადგილზე და იქიდან ხალხს რამდენჯერმე გადაავლო თვალი. სერთუკოსანი

კარგა ხანს იდგა დაფიქრებული და ხმა ვერ ამოიღო, რადგანაც მეტისმეტი აღელვებისაგან, როგორც ამბობენ: „სული ყელში მოებჯინა“.

როგორც იყო, ძლივს-ძლივობით აღახენა პირი და აკანკალებულის ხმით წამოიძახა: „ხალხნო და ჯამაათნო!“ ხალხი ამ ხმაზე გატვრინდა და „სული განაბა“. ვლადიმირ სერგეიჩმა განაგრძო თავისი სიტყვა ისევ აკანკალებულის ხმით და თან მთელის ტანით თრთოდა. ეს მხოლოდ პირველში მოუვიდარაც დრო გადიოდა და, როგორც იტყვიან, „თავის როლში შედიოდა“, იმის ხმას სიმაგრე და სიმაღლე ეძლეოდა, ტანის თრთოლა უცხრებოდა, და ცოტა ხნის შემდეგ მთლად დამშვიდებული ხელების ქნევითა და სხვადასხვა ჰანგებით ღაღადებდა ხალხის წინაშე. ვლადიმირ სერგეიჩმა დაწვრილებით აუწერა ხალხს სამინისტრო სკოლა. ჯერ ის აუხსნა, სამინისტრო სკოლა ვის მზრუნველობის ქვეშ არის და ამისთანა სკოლებში მასწავლებლად ვისა ნიშნავენ. ამ საგნის შესახებ ბევრი ილაპარაკა და, სხვათა შორის, ისა სთქვა, რომ მასწავლებლად მარტო იმას ნიშნავენ, ვინც დიდს სკოლას გაათავებდნო, იმ სკოლასაო, სადაც მასწავლებლებს ამზადებენო. „იქაო, — განაგრძო ვლადიმირ სერგეიჩმა: — ყველაფერს, ყველაფერს ასწავლიანო“.

შემდეგ ილაპარაკა იმის გამო, თუ ყმაწვილებს როგორ ექცევიან სკოლაში სწავლის დროს, ან როგორ და რას ასწავლიან. როცა ვლადიმირ სერგეიჩმა სკოლის აღწერა გაათავადა და იაიწყო, რა მნიშვნელობა ექმნება ამისთანა სკოლას ხალხის ცხოვრებაში, მაშინ იმის ფრთაგამლილს აზრს საზღვარი არა ჰქონდა. რა სიკეთე გინდათ, რომ არ ეხსენებინოს, რომ სკოლის შედეგად არ დაეხატოს... „შეიძლებაო, — სთქვა მან ბოლოს, — ერთს ბედნიერს დღეს თქვენია შვილები ჩინებით და ორდენებით პოლკოვნიკის და გენერლის მუნდირებში მოგივიდეთ... მაშინ ვინ აღწერს თქვენს სიხარულს?! მაშინ ვილა გიცნობთ, რომ თქვენ ოდესღაც უბრალო გლეხები იყავით“—ო. რომ ეს შესაძლებელია, მაგალითად მოუყვანა ლომონოსოვი და კიდევ უცხო ქვეყნების რამდენიმე სხვა სახელოვანი კაცი. „აი, ასეთი ბედნიერება მოგენიჭებათ, — დაასკვნა მან, — თუ

შოისურვებთ სკოლის გამართვას და იკისრებთ იმის შესანახ ხარჯს, დანარჩენი ჩვენ მოგვკითხვით. ჩვენ თითონ დავამტკიცებინებთ თქვენს განაჩენს და თქვენ აღარას შეგაწუხებთ“—ო. ვლადიმირ სერგეიჩი გაჩუმდა. ახალგაზრდა კაცმა გადაავლო თვალი ხალხს და ჰკვირობდა, რომ ხალხი გაჩუმებული იყო. მუნჯობდა და თავის აღტაცებას და სურვილს არაფრით არ აცხადებდა...

— გავათავე! — უეცრად წამოიძახა სერთუკოსანმა. იმას ეგონა, ხალხი იმის გამოა გაჩუმებული, რომ კიდევ მოელის რასმეო.

არც გათავების მოგონებამ გამოიყვანა გლეხები სიჩუმიდან. ამ გარემოებამ სულ ერთიანად დაანელა ის და მაშინვე თავისდა უნებლიედ გაიფიქრა: „ნუ თუ ჩემმა სიტყვებმა ამათზე არავითარი მოქმედება არ იქონიეს?“ ამ დროს ბოქაულმა წაავლო ხელი მკლავში და აღტაცებით უთხრა:

— მშვენიერი სიტყვა იყო! აი, ამისთანა სიტყვები უნდა გააგონონ ხოლმე ხშირად, რომ გლეხები გონს მოვიდნენ. არა, მამაო? — დაეკითხა ბოქაული მღვდელს, რომელიც იმათ მიუახლოვდა და ვლადიმირ სერგეიჩის ულოცავდა მჭერმეტყველების უნარს.

← მშვენიერად განმარტა, მშვენიერად! — უპასუხა მღვდელმა.

— მეც მგონია, კარგად ვსთქვი, მაგრამ ამათი სიჩუმე რას მივაწერო? — წამოიძახა ვლადიმირ სერგეიჩმა და თვალები ბოქაულს მიაშტერა.

— ხალხო, — დაიძახა ბოქაულმა! — ხომ გაიგეთ ყველაფერი?

— გავიგეთ, ბატონო! — დაიძახა რამდენმამე გლეხმა.

— ჰო და, თუ გაიგეთ, რაღას გაჩუმებულხართ და არას ამბობთ?

ხალხში რაღაც ხმა-დაბლა ლაპარაკი ჩამოვარდა და ყველა ისევ ჩქარა მიჩუმდა.

— ჰა, შევადგინო პროტოკოლი, რომ სკოლის გამართვის თანახმა ხართ?

ხალხში ისევ ხმა-დაბალი ჩოჩქოლი ჩამოვარდა.

— მაგრე რას ყაყანებთ?.. ვისაც სათქმელი აქვს რამე, ხმა-
მალლა სთქვას?

— მე მაქვს სათქმელი, შენი ჭირიმე, ბატონო, და ვიტყვი
კიდევცა, თუ არ გამიწყობები! — წამოიძახა იმ გლეხმა, რომე-
ლიც წინად დაეკითხა: „როგორია სამინისტრო სკოლაო“.

— ხალხო, გაჩუმდით! ენდე, ე მაგას უნდა ლაპარაკი. შე-
ნი სახელი? — გაწყვიტა სიტყვა ბოქაულმა და სახელი ჰკითხა
გლეხს.

— სესია მქვიან, ბატონო!

— ჰო, სესიას უნდა თქვას რამე, გაჩუმდით, — დაიძახა
ბოქაულმა, როცა გლეხმა თავისი სახელი უთხრა.

დანარჩენი გლეხები გაჩუმდნენ და სესიას დაუწყეს ცქერა.

— როგორ განგებ მალლაც შემდგარხარ! — სიცილით მი-
მართა ბოქაულმა და შემდეგ დაუმატა: — აბა, სესი, დაიწყე!

— ის უნდა მეთქვა, — დაიწყო სესიამ, — რომ ე სამინი-
სტრო სკოლა, ღვდელს რო სკოლა ჰქონდა, იმასა ჰგვანებია.

— იმას არა ჰგავს, — დაიძახა ბოქაულმა და სიტყვა გა-
აწყვეტინა: — მღვდლისა სამრევლო სკოლა იყო.

— სამრევლო იყო თუ რომელი, ისე კი ასწავლიდა
მღვდლის შვილი, როგორც ენდე ე ყმაწვილმა ილაპარაკა. იმ
სკოლაში თვეში თითო მანათს ახლევინებდა შაგირდებს. ვინ-
ცა სწავლობდა, ის იხდიდა, შენი ჭირიმე. აი, ე ყმაწვილმა
სკოლაზე რომ ილაპარაკა, იმისთვის კი ყველამ უნდა ვიხა-
დოთ. შენი შვილი ისწავლის თუ არა, მაინც უნდა იხადო...

— მაშ, ერთმანეთს არ უნდა დაეხმაროთ!? — სასტიკად
უთხრა ბოქაულმა.

— მე იმას როდი ვიძახი, ბატონო, რო არ უნდა დაეხმარ-
ოთ-მეთქი. ჯანი და სული წავიდეს, დეე, ყველამ ვიხადოთ,
მაგრამ რად უნდა ვიხადოთ, როცა ბაღლები ტყუილად სცდე-
ბიან, როცა სკოლაში არაფერს აკეთებენ...

— როგორ თუ რას აკეთებენ? მაშ, წიგნს არ ასწავლი-
ან? — გაჯავრებით კითხა ბოქაულმა.

— ასწავლიან-კი, მაგრამ რა ნაირად ასწავლიან?! „ანაბანას“ ძლივს დაასწავლიან, მერე ისიც ავიწყდებათ. ტყუილად იძახდა ენდე ე ყმაწვილი, რო თქვენი შვილები იარანალ-პოლ-პონიკები დახდებიანო. იარანალ-პოლპონიკად მაგრე ადვილად რო დახდებოდნენ, რატო თითონ არ გახდა, მაგას უფრო დიდ სკოლაში არ უსწავლია?.. არა, ჩემო მამავ და ძმავ, ჩვენ, აი, ე მიწის შვილები ვართ, ჩვენ მამა-პაპას ე მიწისთვის შაულე-ვია სიცოცხლე და ჩვენც ისე უნდა შავალიოთ. ჩვენ უნდა ვხნათ და ვთესოთ, ღვინო და პური მოვიყვანოთ. აი, თუ კი იმისთანა სკოლას გაგვიმართავთ, რომ კარგა ხვნა-დათესვა და პურისა და ღვინის მოყვანა ვისწავლოთ, მაშინ ვინ თავ-მკვდარი ხარჯს გაექცევა და ფულს დაინანებს. აი, გვიწინამძღვრეთ და ისეთი სკოლა გაგვიმართეთ, როგორიც წინამძღვარიანთკარის სკოლაა. ეე, თქვენი ჭირიმეთ, ხალხო, რეებს არ ასწავლიან! გაზაფხულზე ჩემ ცოლეურთან ვიყავი. ჩემი ცოლი-ძმამ მითხრა: „აბა, წამოდი, ჩვენი სკოლა ნახე, ხომ არ გინახამსო“. „არა-მეთქი“ და წავედით. რო არ შავედით, ხალხო, თვალი ზედ დამრჩა იმათ მუშაობაზე. საკვირველება რამ იყო. ი თითი სივრძე ბალღები ისე ლამაზათა ბარამდნენ, რო მეც-კი ვერ დავბარამ ისე. მასწავლებელიც თავს ედგა და, როცა შესცდებოდა, ასწავლიდა. მერე იმან წამიყვანა და ბალღების ნამუშავარი მაჩვენა. რეები არა ვნახე, ხალხო, ვინ ჩამოთვლის! ვუცქეროდი ი ბალღებისაგან გაკეთებულ სკამებსა, გუთნებსა და ვკვირდებოდი. არა მჯეროდა, თუ იმათი გაკეთებული იყო. ახლა ეზოს გარედ გამიყვანა და მიხდოდა გამახედა: „აი, ე ჭეჩილებს ხო ხედავო“. „ჰო-მეთქი“. „ჰოდა, ეგენი სუ ი ბალღების მოხნულ-დაფარცხულიაო“. აი, დიდება შენთვის ღმერთო! ვუცქეროდი იმ მშვენიერ ჭეჩილს და ვნატრობდი: „ნეტავი ჩემი შაქრიკა ერთი რვა-ცხრა წლისად მიქცია ღმერთმა, რო წამამეყვანა და აქ მიმბარებინა-მეთქი.

— მეცა ვნახე ი სკოლა! — წამოიძახა ამ დროს ერთმა გლეხმა.

— ხო მართალს ვამბობ? განა, გოგლა, სულ ბაღლები მუ-
შაობენ?

— მართალს ამბობ, ღმერთმანი, მართალს! — უპასუხა გო-
ვლამ.

— ჰოდა, მართალს ვამბობ! აი ე პრიპტავი აქა ბრძანდება
და ეთხოვოთ, რო ისეთი სკოლა გაგვიმართოს.

— მაგისტანა სკოლების გამართვა ჩვენ არ შეგვიძლიან.
სამინისტროს სკოლებს ეგეთებს არ ხსნიან და ამისათვის მა-
გას თავი დაანებე, ტყუილად ბევრს ნუ ლაპარაკობ, — უთხრა
ზოქაულმა სესიას.

— ამისთანას არა ხსნიან და მაშ, ნურც სხვანაირს გახსნი-
ან. ხალხო! — მიუბრუნდა მერე ხალხს: — ხომ იცით, აგერა,
აი, იმ სოფელში რო სკოლაა. ისიც, მგონი, სამინისტროა. ეხლა
იქ გლეხები ბევრსა ნანობენ: „ნეტავი ღმერთი გაგვწყრომოდა
და ხელი არ მოგვეწერა სკოლის გამართვაზე. ამოდენა ხარჯს
სულ ტყუილად გვახდევინებენო. აღარ გვინდა სკოლაო, მაგ-
რამ ვილა გიჯერებს, რაკი ერთი მოვაწერეთ ხელი, ახლა ძალად
გვახდევინებენო. გინდა თუ არა, უნდა იხადოთო“. მართლა-
და, როლი მასწავლებელი იმათ ბატონებად გახდომიან და
სულს ართმევენ. არა, ხალხო, არ შესცდეთ და ხელი არ მოუწე-
როთ! — მალლა დაიძახა ეს სიტყვები სესიამ და თვალი გადა-
ავლო გაჩუმებულს ხალხს.

ზოქაული ამ სიტყვებმა სულ ერთიანად გააცეცხლა. შე-
დგა უეცრად ამაღლებულს ადგილზე და სასტიკად შესძახა:

— ხალხო, ე მაგ სულელს არ გაუგონოთ და უარი არა
სთქვათ!..

— სულელი რადა ვარ, შენი ჭირიმე, ბატ...

— გაჩუმდი, თორემ ეხლავე ტყავს გაგაძრობ!.. — შეუტია
ზოქაულმა.

— ტყავი რად უნდა გამაძრო, ისეთი რა დავაშავე. ჯერა
გვკითხავ და მერე...

— არ ეყურება ამასა!.. შენ ეი, შენთვის იყავ, თორემ ცი-
ხეში დაგალბობინებ. შენ ვინ მოგცა ნება, ეგრე ცუდად მოი-

ხსენიო სამინისტრო სკოლა, მაგით შენ მთავრობას ლანძღავ, ხალხს უჯანყებ. — ბოქაული თანდათან უფრო ცეცხლდებოდა და პირიდან დორბლსა ყრიდა.

— მე არც არავეინ გამილანძღავს და არც არაფერი. მე...

— კიდევ! მამასახლისო, გაათრევინე ეგ...

მამასახლისმა არ იცოდა რა ექნა, საცოდავად იდგა გოცებულის და ხალხს გაშტერებით შესცქეროდა.

— რად უნდა გამათრიოს, რა დავაშავე! — სესია უფრო უხირდებოდა და სიტყვას არ უთმობდა ბოქაულს, რაც, რასაკვირველია, იმის კეთილშობილების თავმოყვარეობას ძალიან არ მოსწონდა.

— არ გეყურება, დაიჭირე-მეთქი?! — დაიდრიალა ბოქაულმა და საცოდავ მამასახლისს ერთი ისეთი მათრახი გადაჰკრა, რომ გველივით გადიკლაკნა. ამის შემდეგ კი იკადრა მამასახლისმა, მაშინვე მეველეებით მივარდა სესიას, მაგრამ სესია გრძელი კომბლით იგერიებდა და ახლოს არ უშვებდა მეველეებს.

— დაიჭით, დაიჭით!.. — უყვიროდა ბოქაული.

— დაჰკარით! — დაუძახა მეველეებს თავის მხრივ მამასახლისმა, რადგანაც ეშინოდა, რომ ბოქაულს კიდევ არ ეთავაზებინა იმისთვის.

მეველეებმა დაკვრით კი არ დაჰკრეს, მაგრამ დაიჭირეს-კი. სესია თითონვე დანებდა, რადგანაც იფიქრა: „რო გავუძალიანდე, ვაი, თუ უფრო ძვირად დამიჯდესო!“

სესია გაათრიეს.

— წაიყვათ, ჯერ ერთი სამი დღე ბოსელში შეამწყვდიეთ, მერე ვასწავლი ჭკუას! — მეველეებმა სესია პატარა იქით გაიყვანეს და ცოტახანს შეფერხდნენ, როდესაც ბოქაულმა ზურგი იქითკენ მიიბრუნა. იმათ უნდოდათ გაეგოთ, ეს ამბავი რითი გათავდებოდა.

— ხალხო! — დაიძახა ბოქაულმა, როცა ცოტათი დამშვიდდა: — არ დაუჯეროთ იმ სულელს. ეს სკოლა თქვენთვის

გვინდა და არა ჩვენთვის. დიდ სარგებლობას მოგიტანთ. შაშ, პა, პროტოკოლს შევადგენ, რო გინდათ სკოლის გამართვა.

— არ შეადგინო, არ გვინდა! — მიაძახა სესიამ შორიდან ბოქაულისკენ პირ-უკუღმა მიბრუნებულმა.

— ეგ ისევ მანდა გყავთ, თქვე...

— არ გვინდა, არა! — უეცრად დაიგრილა ხალხმა და ბოქაულს სიტყვა გააწყვეტინა.

ბოქაული სულ გადაირია და არ იცოდა, რა ექნა. ვლადიმირ სერგეიჩი ხომ ტანში მოიშალა. მხოლოდ მღვდელი იყო დამშვიდებული და შეურყეველი. მოძღვარს ტუჩებზე ღიმილი უქროდა და ამით თითქოს ეუბნებოდა ბოქაულს: „აკო მოგახსენე, არ ისურვებენ-მეთქი“.

[1892 წ.]

„ამას მიწა მივაყალიბეთ!..“

(სურათი)

გუშინ თითონ უშველა ორ მესაფლავეს თავის ქმრის გამოტანა და ურემზე დადება. ისე, უკუბოდ, უმღვდელოდ, უხარჯოდ და შენდობის უთქმელად, ლეიბიანად გამოტილი შეუდეს ურემზე სოსიკა და შეზარხოშებულმა მესაფლავეებმა ღიღინით შეატარეს სოფელი და სამარის კარამდის მიიტანეს...

— ამას რას ვხედავ, ჩემო კარგო სოსიკო!.. — წამოიძახა მართიკომ, როცა სოსიკოს გვამს ურემზე უდებდნენ, და გაცეტებულმა თვალების აქეთ-იქით ცეცება დაიწყო. — მოდით, ქა, რას იმალებით?!. დავიტიროთ ჩემი კარგი სოსიკო. რა დაგიშავათ, ხალხნო, რომ მაგრე დაუტირებელს და დაუმარხავედ უშვებთ სოსიკოსა?! — იძახოდა ის, მაგრამ ხალხი არსადა სჩანდა. მარტო აქა-იქ ბანიდან რამდენიმე ადამიანი გამოსცქეროდა მართიკოს და მწუხარებით გაიძახოდა: „ღმერთო, ეხლა კი ნუ მოგვეკლავ და მერე თუნდ ერთ წამსაც ნუ გვაცოცხლებო“. მომეტებული ნაწილი კი სოფლები და დიდი ხანია თავზარდაცემული გავარდა და ტყესა და მინდორს მოხვდა.

იმისმა მაზღმაც, როცა ქმარი ავად გაუხდა, თავი დაანება და თავისი ცოლშვილი მინდორში გახიზნა.

დარჩა მარტოკა მართიკო თავის ოთხის წლის გოგოთი ჭვადმყოფის გვერდით. ის თავგანწირულებით უვლიდა, მორიდება თავში აზრად არ მოსვლია, მაგრამ ამ თავგანწირუ-

ლებამაც ვერა უშველა-რა. სამის დღის შემდეგ ქმარი ხელიდან გამოეცალა.

— თქვენი ჭირიმეთ, ხომ კარგაუ დაასაფლავეთ?!. მიწა ხომ ბლომად მიაყარეთ?! — შესძახა მართიკომ მესაფლავეებს, როცა იმათ ცარიელი ურემი კარებზე ჩამოუტარეს.

— საფლავი ჯერ სულ არ ამოგვიმსია, — თითქმის ერთხმად უპასუხა ორმავე მესაფლავემ.

— რას მეუბნებით?! ნუ დალუპავთ, თქვენი ჭირიმეთ, ნადირს ნუ შემიკმევთ! — შელრიალა მართიკომ.

— დავილაღენით, შე დალოცვილი შვილო, ასე გონია ალალობა იყოს! ჩვენც ადამიანისშვილები ვართ. დღეს ეს მესამე საფლავი გაგვითხრია და მესამე მიცვალებული გაგვიტანია. — უთხრა ერთმა მესაფლავემ და ხარებს სახრე გადაჰკრა.

— არა გიშავთ-რა, ღვთის გულისთვის, ისიც კარგად დამარხეთ! — უკანიდან მიძახა მართიკომ.

— არა გიშავთ-რა რას მიქვიან, წადი და ახლა შენ მოუარე შენ მიცვალებულს! — უკან მოუხედავად უპასუხა ერთმა მესაფლავემ, რომელიც ურმის თავს იჭდა და ჩქარა საბძელსაც მოეფარა. მათიკო კი გაშტერებული დარჩა იმის პასუხით და ასე რამდენსამე ხანს იღვა.

— შვილო, წავიდეთ, ჩვენ მაინც მივაყაროთ მიწა!.. — სასოწარკვეთილებით წამოიძახა მართიკომ და ხელით აითრია თავისი პატარა ქალი, რომელიც იქვე, დედის გვერდით მობუზული იღვა და მოწყენით შესცქეროდა დედას.

სულ სირბილით მივიდა ქმრის ნახევრად მოყრილ საფლავამდის და მაშინვე მიწის ფხაჭნა და საფლავის ამოღება დაიწყო. პატარა ქალიც თავის პატარა ხელებით მუჭა-მუჭა მიწას იღებდა და მამის საფლავს აყრიდა.

— ქა, მე თავმკვდარი, ამასაც შევესწარი, სოსიკო, რომ ჩემი ხელით გმარხამ, ჩემი ხელით მიწას გაყრი!.. — გაწვარებულმა წამოიძახა და იქამდის შეგუბებულს ცრემლს გზა მისცა.

მიწას აყრიდა თავის ქმარს და თან ცრემლით ალბობდა. დედის ტირილზე პატარა ქალმაც ტირილი მორთო და ცრემლით სავსე თვალებით მიწას ჩასცქეროდა...

— დავმარხოთ, შვილო, მამა-შენი, დავმარხოთ!.. კარგად იმუშავე!.. — მალ-მალე წასძახებდა თავის ქალს და თითონაც აჩქარებით ფხაჭნიდა მიწას.

გუშინ თავის ხელით დამარხა ქმარი, დღეს-კი თითონ ის აგერ წამოგდებულია კერის პირას და პირიდან ნასაქმებში დამბალა.

წუხელ შუალამისას აუვარდა პირსაქმება და მუცლის წვა. წინადაც, ქმრის ავადმყოფობის დროს, უჩუხჩუხებდა მუცელი, მაგრამ თავს იმაგრებდა და ქმრის წუხილთან თავისი სულ დაავიწყდა. წუხელის კი აუვარდა მუცლის წვა და სულ თეთრად გაათენა. მასთან ერთად არც პატარა გოგოს მოუხუჭავს თვალი. ის, როცა დედა გამწარებული გაიძახდა: „მიშველეთ, წყალი, წყალი“-ო, ჯამით მიუტანდა წყალს და ეუბნებოდა: „დედი, აი დალიე“. ისიც სვამდა წყალს, მაგრამ უკანვე აბრუნებდა დალეულს. მუცელში არა უდგებოდა-რა. თანდათან უფრო სუსტდებოდა და აი... მზის გადახრაზე უკვე მიიბნინდა და მიკნავებულის ხმით ხანდახან წამოიძახებდა ხოლმე: „მიშველეთ!“ მაგრამ ვინ იყო მშველელი? თავს მარტო ოთხი წლის გოგო ეჭდა თვალცრემლიანი.

— შვილო! — მიმართა მიკნავებულის ხმით თავის პატარა ქალს, როცა თვალის ქუთუთოები ძლივას ასწია და მსხვილი თვალის კაკლები თავის მოწყენილს გოგოს თვალებს დაუპირდაპირა.

— შვილო, გარეთ გადი, შენც არ შეგეყაროს ხორველა!.. წადი, წადი, შვილო!.. ეჰ! — ამოიკენესა შემდეგ და თვალის ქუთუთოები მძიმედ ჩამოიფარა, რომ გულის საკლავი სურათი აღარ დაენახა... — მეც რომ მოვკვდე, ვილა მოუვლის ჩემს პატარა სოფას!... ღმერთო!.. — წამოიძახა მართიკომ დაცრემლები გადმოსცივიდა მილულული თვალებიდან...

სოფა კი ზღაზნით წამოდგა და კარების გვერდს აეყუდა.

ის გასცქეროდა კარგა ხანს მოწყენით ჩამავალს მზეს და თან თვალის ქუთუთოებს აჩქარებით ანძრევდა მზის სხივების გავლენის ქვეშ.

— ძია!.. — უეცრად წამოიძახა სოფამ და აჩქარებით გაექანა მომავალი კაცისაკენ.

— გოგო, მამა რა უყავ? — ტირილით მოაძახა შორიდან მართიკოს მაზღმა, რომელმაც მინდორში ჭორად გაიგო, რომ მისი ძმა სოსიკა გუშინ დაასაფლავესო. იგი ნამდვილის შესატყობად წამოვიდა.

გოგო მაშინვე შესდგა და გულამოსკენით წამოიძახა:

— მამას მიწა მივაყალეთ!..

[1892 წ.]

„ქველანი ღაპარგანი..“

I

ცხვრის ბინის ახლო ათასფრად აყვავებულ პატარა ბექობზე, რომელიც კობხად შეკრულს თაიგულს ემსგავსებოდა, იჯდა ყვავილთა დედოფალი, სიმშვენის გვირგვინი, ჯერ ახლად გადაშლილი მთიულის ქალი და აღგზნებულის თვალთ გატაცებით უმზერდა ყვავილების ჯგუფებს, რომელთაც ერთმანეთისათვის თავი თავს გადაედოთ და ასე ჩახუტულებს საღამოს ნიავზე ტკბილს, შეუშფოთებელის და შეუხამებელი ალერსისათვის მიეცათ თავი. ზევიდან კი წყვილი, ერთმანეთის სიყვარულით გატაცებული პეპელა დაცქირიალებდა და იმის რჩევაში იყო, თუ რომელი ჯგუფი ყვავილებისა უკეთეს მასპინძლობას გაუწევდა და სულს გადაუშლიდა. ორი მოარშიყე ხან რომელს ყვავილების ჯგუფს დააფრინდებოდა და ხან რომელს. ისინიც მოარშიყეთა ყოველ მიტანებაზე სწყვეტდნენ ალერსს, უღებდნენ გულს და ნებას აძლევდნენ დამტკბარიყო წყვილი პეპელა მათის გამაცოცხლებელის ნექტარით და, როდესაც გულ-ასუყებელი ორი მოარშიყე აფრინდებოდა ერთის ჯგუფიდან და ახლა სხვა ჯგუფს დაუწყებდა გარს ფრენას, ისევ ჩახუტებოდნენ და განაგრძობდნენ ტკბილს ალერსს.

უმზერდა გატაცებით ამას ამათ შუა მჯდომი ქალი და ტუჩებზე ტკბილი ღიმი უქროდა; ყელმოღერებული შესცქეროდა ამათს ალერსს და იმასაც გულში უღვივოდა სიყვარულის ნაპერწკალი. ხომ ამ ორის წლის წინად სწორედ ამ ადგილას აიღო ყვავილებისაგან მაგალითი; ხომ ყვავილებმა სუნთან ერთად გარდასცეს ამ ბუნების შვილს სიყვარულის თესლი.

რამაც იმის გულში შესაფერი ნიადაგი იპოვა და ფესვებში ღრმად და მკვიდრად გაიდგა. ბუნების შეილმა ბუნებისაგან აიღო მაგალითი და, როდესაც ამ ორი წლის წინად ესა და ის სწორედ ამ ადგილას ისხდნენ და, ორნივე გაჩუმებულნი, ყვავილების ალერსს თვალს ადევნებდნენ, თავის-და უნებურად გადახარა თავი და თავისი მართლვარე ტუჩები მის ტუჩებს შეახო. რამ გამოიწვია ეს მოძრაობა იმათში, ისინი ამას ვერ მიხვდნენ და არც ამის გამოკვლევას გამოსდგომიან. ასე ჩახუტებულები კარგა ხნობამდის იყვნენ და აჩქარებით სუნთქავდნენ. როდესაც გააშორეს ტუჩები, ორმავე თითქმის ერთხმად წამოიძახა: „ჩემო ყველავე“, და თვალი თვალს გაუყარეს, თითქოს სურდათ სამუდამოდ ერთ არსებად ქცეულიყვნენ.

უმზერდა ყვავილების ალერსს ქალი და აგონდებოდა ეს ამბავი, და ქალის დამამშვენებელი და უპირველესი ღირსება უმანკოებისა და კრძალულებისა — სიწითლე იმის ლოყებს არა შორდებოდა. ქალს ახლაც აჩქარებით უცემდა გული, უნდოდა თავდავიწყებით ჩაჰკროდა ისევ მეგობარს, მაგრამ როგორ მოეხერხებინა, როდესაც ის შორს იყო, როდესაც ესა და ის ამ ორი წლის წინადვე დააშორეს. ის ჯარის-კაცად გაიწვიეს და კენჭიც ერგო. მას შემდეგ ერთმანეთი აღარ უნახავთ... „ნინიავე, ნინიავე!.. ჩემო ყველავე, რაისთვის არ იკითხავ შენთვის მკვდარს?!“ გრძნობით წამოიძახა ქალმა და ისევ ისე მიტვრინდა. რამდენჯერმე გონებაში გადიოვალა: თუ რახანი კიდევ უნდა იყოს ნინია ჯარისკაცადა და როდის მობრუნდება. რა დამესაც მობრუნდება, მაშინვე ფიქრობდა ქალი, ჩემს თავსა სთხოვსო მამას და მერე კი ველარაღინ გაგვაშორებს. მაგრამ ამ დროს ელვასავით გაურბინა თავში აზრმა, რომ მამა ნებას არ მისცემს, რადგანაც ნინიას არავინა ჰყავს და არც არა აქვს-რა, რამდენისამე სულის ცხვრის გარდა, ისიც იმის მამისაგან მიცემული, როცა ის ამათ მეცხვარედ ედგათ. ცოტა არ იყოს, ამ აზრმა შეაფიქრიანა და შეაღონა. უეცრად გაუქრა ტუჩებზე ღიმი და სახე მოექუშა. „ნინიავე, ნინიავე, მამაიშაც რო ნება არ დამართოს, მე თავს არ დაგანებებ, გამოვიქცევი, ყველგან წამოვალ შენთან!.. რა ვუ-

ჟო, რო არავინა გყავს და არაი გაქვს! მე კი მიყორხარ და...“
ჯადაწყვეტით წარმოსთქვა ქალმა ცოტა ხნის დალონების
შემდეგ და ისევ თავი მოიმხიარულა.

— ქალავ, რას ჩაფიქრებულხარ?! — უკანიდან მოესმა
ვისლაც ხმა. ქალმა მიიხედა უკან და იმის თვალს წარმოუდ-
გა ჩარისკაცი, ქართულის დრუჟინის ტანთსაცმელში.

— ბარამ, შენი კვნესა მე, საით გივლია?! მოხვედ მშვი-
დობით!.. — სიხარულით წამოვარდა ფეხზე და ალერსიანად
დაუწყო მზერა.

— დამხედი მშვიდობით! როგორ არიან თქვენები, დედ-
სად არის?..

— ვეძას* წავიდა და ჩერედ არ მოსულა. კარგად არის.
შენი კვნესა მე!

— ვეძასა?

— ჰო. საით გივლია, ბარამ?

— სანადიროდ ვიყავ და ვერა მოვკალი-რა. მინდოდა
უფროსისთვის წამელო ნანადირევი, მაგრამ დასწყევლოს
ლომისამ, არა შემეფეთა-რა.

— სად უნდა წაგელო?

— დუშეთს, სადაც ვარ.

— ახლა მიდიხარ?

— ჰო, შინ ჩავივლი და ფეხად ისევ გავბრუნდები.

— მაგრე ჩქარა რაისთვის მიხვალ, რატომ არ დარჩები
ცოტა ხანს?

— განა ცოტა ხანია აქა ვარ. ერთი კვირაა, რაც შინ მო-
ვედი და თუ ხვალ არ გამოვცხადდი, არ იქნების.

— მშვიდობით, ქალავ, დედაის მოკითხვა! — ცოტა ხნის
ლაპარაკის შემდეგ გამოეთხოვა ბარამი და წასასვლელად
გაბრუნდა.

ქალმა კი რაღაც ყოყმანობა დაიწყო, უნდოდა ეკითხა რა-
მე, მაგრამ ვერ ახერხებდა, სცხვენოდა. ბოლოს, როცა ბარა-
მი კარგად დაშორდა, უკან დაედევნა და აკანკალებულის
ჭმით დაუძახა:

* მკავე წყალი.

— ბარამ, შენს მზესა, ნინიას ვერ ხედულობ, ისაც სალ-
დათად არ არის?!

— როგორ არა, სულ ერთად არა ვართ!

— როგორ არის?

— რა უჭირს, სმა და ჭამა არ აკლია და ქალებთან ქეი-
ვი, — ღიმილით უთხრა ბარამმა.

— სტყუი, ის ქალებთან არ იქეიფებს! — წყრომით უპა-
სუხა ქალმა და გამოტრიალდა.

11

დალამდა. დიდი ხანია მეცხვარეებმა თავთავიანთი ადგი-
ლები მონახეს და ცხვარი დააბინავეს. სულ მალლა მოზარდი
დააყენეს, რომ ღამე ქვევით, ხევში, სადაც ბინა აქვთ, არ
დაცხეს; მას მოაყოლეს თოხლობა, მერე ყოჩობა და სულ
ქვევით, ზედ ბინის გვერდით, მეწველი ცხვარი დააყენეს.
თითონაც დაიყვნენ და ზოგი მოზარდს მოუწვა გვერდით და
ზოგი კიდევ დანარჩენებს. ძაღლებიც, მათი ერთგული მე-
გობრები, მეცხვარეებთან ახლო წამოეყარნენ და პატრონე-
ბივით ყურმახვილად სძინავთ. ყოველ ცხვრის დაფშვენვაზე,
ყოველ იმათ განძრევასა და ფეხების ბარტყუნზე მძიმედ ას-
წივევენ წინა ტოტებს და ასე დაყუნცულები ზემოდან მძიმედ-
ვე თვალთ წრეს ავლებენ მთელს ბინას, და რაკი დარწმუნ-
დებიან, რომ მტერი არსად არისო, განგებ ერთი-ორჯელ
წაჰყეფენ. და ისევ საძილედ მიეყრებიან.

ბინაში კი მხოლოდ ცხვრის პატრონის ჯალაბობამ იწვა
ქოხში და მათგანვე გაკეთებული ყველი თავით მიიწყეს. სულ
სამი ქალი იყო: ერთი ცხვრის პატრონის ცოლი, მეორე იმისი
გასათხოვარი ქალი და მესამე რძალი. ესენი ყოველთვის,
როცა კი ცხვრის წველის დროა, მთაში ამოდიან, რომ ყველი
თითონვე გააკეთონ და აქ რჩებიან, ვიდრე ცხვარი არ
კაშრება. ახლაც იმისთვის ამოვიდნენ და აგერ მეორე
კვირაა, რაც აქ ცხვრის ბინაზე არიან ღამეცა და დღეც.

მიჩუმდა ყველაფერი. ცხვარმაც შესწყვიტა ფრუტუნი და
ფეხების ბაკიბუკი, რაც ძაღლებს ძილს უფრთხობდა და მალ-

მალ ზარმაცად შეაყუთინებდა. მარტო ნანასავით ეწვეთება ყურში აქ მყოფთ მთის წვერიდან ცელქად ჩამომდინარი წყლის ჩანჩქერი, რომელიც ჩამოკიდებულ მთის კალთებზე მარდად ჩამოხტის და მარგალიტებრ წინწყლებს ესვრის გარშემო უხვად ამოფეთქილს ყვავილ-ბალახებს. მთვარემაც უკანასკნელად გადმოხედა მთის წვერიდან ცხვრის ბინას და მძიმედ, თითქოს ენანება, რომ ასე მალე ანებებს თავს ამ მშვენიერ ბუნებასაო, ჩაეშვა. აგერ, იმისი უკანასკნელი მკრთალი სხივებიც გაიფანტა ცის სივრცეში და აქამდის გაცრიაგებულმა ვარსკვლავებმა კაშკაში მორთეს. ამ დროს მოისმა მთის ზემო კალთიდან, სადაც ბატყანი არის დაბინავებული, საამური ხმა სალამურისა, ჯერ მძიმედ და დაბლად, მერე ამაყად და მედგრად, როგორც მთიულის გული, და ბოლოს კი ისევ მიწყნარდა, მიჩუმდა და წყლის ჩანჩქერთან შეერთებული ოდნავ-ლა გამოისმოდა იმისო ხმა. რაღაც ზეციურს საიდუმლოს მოგვითხრობდა წყლის ჩანჩქერთან შეერთებული სალამურის ხმა...

„ნეტავი, თევდორავ, არ მასმენდე მაგ ხმას! — წამოიძახა ქოხში ქალმა და გულაღმა გადაწვა. — რაი ვქნა, მე ბეჩავმა, რაი?!“ მალმალ წამოიძახებდა ხოლმე ქალი და სასოწარკვეთილებით ხან ერთს მხარეს გადავარდებოდა და ხან მეორეს. თავი საშინლად უხურდა და თვალეზი უბრწყინავდა. ტირილი უნდოდა, ისე უნდოდა, რომ ასე თავის სიცოცხლეში არა მოსდომებია-რა, თითქმის, როგორც ამბობენ, ტირილი ყელშიაც ჰქონდა მობჯენილი და არჩობდა, მაგრამ იმის თვალეზს ცრემლი არ ეკარებოდა. თევდორა კი უფრო გულსაკლავ ხმებს ათქმევინებდა სალამურს და ბოლოს სულ კენესის ხმად აქცია, რომელიც ქალს ყურს ეწვეთებოდა და სდაგავდა იმის გულს.

„ბარამ, ბარამ, რაი დაგიშავე, რაისთვის მასმინე?.. არა, ბარამ, ლომისის მადლმა, სტყუი, ცილსა სწამებ ნინიას, ის მე არ დამივიწყებდა, არა!.. ნინიაი მაგას არ იზამს!.. მე ის მიყვარს და!..“ — წამოიძახა ქალმა, როცა თევდორამ ცოტას ხნობით სალამური შესწყვიტა, მაგრამ იმან ისევ ჩქარა ჩაბერა სალამურს და სამწუხარო ხმები ისევ ჩააწვეთა ყურში:

ქალი გატვრინდა, ის უგდებდა ყურს და ხმის მაგიერად ყურში ესმოდა: „ნინია გატყუებს, ნინია გატყუებს!...“ ამას ჩასძახოდა სალამურის ხმა, ხოლო წყლის ჩანჩქერი კვერს უკრავდა: „ჰო, შე ბეჩავო... ჰო, შე ბეჩავო!...“ ქალმა ველარ გაუძლო ამ იღუმალ ხმებს და გიჟივით წამოვარდა. წამოვარდნისთანავე წამოიძახა: „არა, არა!... ნინია არ მამატყუებს..“ „როგორ არა!... როგორ არა!... ხა, ხა, ხა!.. გატყუებს!“ — მოესმა თავისი სიტყვების პასუხად ქალს... „ჩემი თვალით თუ არ ვნახე, არ დავიჭერებ, არა!... ეხლავე წავალ იქ!“ — ხმამაღლა წამოიყვირა ქალმა და ჯოხს წამოავლო ხელი...

— ვინა ხარ? — წამოიძახა ქალის ხმაურობასა და ფაჩუნზე გამოღვიძებულმა იმისმა დედამ.

— მე... — უპასუხა ქალმა.

— რაისთვის არ დაწვები, რას ფროტილობ?! — შეუტია დედამ და გადაბრუნდა.

III

ქ. დუშეთის გამონაპირებით, ზედ გზატკეცილის პირად ორსართულიანი სახლები სდგას, რომელშიაც მოთავსებულია დუქანი და სადგომი ოთახები. წინ დიდი ბაკი აქვს. ეს დუქანი თავის სადგომი ოთახებით და ბაკით იმითია შესანიშნავი, რომ თბილისს თუ კავკავს შიშავალი არ ასცდება. ამის გამო დღე მუდამ სავსეა ხოლმე მუშტრით. ნამეტნავად საღამოობით მოატყდება ხოლმე ფურგუნები შიგ მსხდომითა და აქ ათევენ ღამეს. დუშეთის ლოთი-ფოთი ბიჭები, ხშირად ვითომ და „ბლადროდნებიც“ გადმოდიან აქ საღამოობით და დროს ატარებენ.

კვირა საღამო იყო. კავკავიდან მომავალმა რამდენმამე დასაპალნებულმა ფურგუნმა ქრიალით შეიგრილა ბაკში, საიდანაც მაშინვე გადმოლაგდნენ აჭრელებული კაბებით სხვადასხვა სისქისა და სიმაღლის ლოყებ-დაბრაწული ქალები. ზოგი მათგანი ზემო სართულში ავიდა, ზოგი კი დუქანში შევიდა და სასმელ-საჭმელი შეუკვეთა. მეფურგუნებმაც დააბინავეს ცხენები და ისინიც საკმლის ზრუნვას შეუღდნენ. ჩქარა

ვაჩაღეს სამოვრები და გარს შემოუსხდნენ. მოვიდა კიდეც რამდენიმე ფურგუნი.

არც ღუშელებს დაუგვიანიათ. იმათაც კანტი-კუნტად დაიწყეს დენა, გაიმართეს სტოლები და დაიწყეს სმა და ჭამა. ვინც „ბლალოროდნები“ იყვნენ, იმათ ოთახებში შეკყვეს თავი და იქიდან ულოცავდნენ ბალკონზე მსხდომ ქალებს.

ქვევით ეზოში სამმა ჯარისკაცმა დაიდგა სტოლი და ღვინის სმა დაიწყო. გაიმართა საზოგადო სმა და ჭამა, რამდენიმე ჯარისკაცი ხან იქ აეყუდებოდა და, ხან აქ: ისინი უმზერდნენ მოქეიფეთ და პირს ნერწყვი მოსდიოდათ, მაგრამ რას იზამდნენ, როდესაც ფული არა ჰქონდათ ჯიბეში და, ამის გამო, ქეიფის ყინი მარტო ცქერით უნდა მოეკლათ. კარგა ხანს შესცქეროდნენ და როდესაც მოეწყინათ ხმელად ქეიფი, შინისკენ გასწიეს იმ განზრახვით, რომ, როდესაც ფულს იგდებენ ხელში, აქ იქეიფონ.

— ეი, მათუშკი, ჩემთან წამოდი, აი ფულები! — შეკვირა ქვევიდან ერთმა ჯარისკაცთაგანმა ზევით ქალებს, როდესაც რამდენსამე ჭიქის შემდეგ თავში შეუსხდნენ.

— ხა, ხა, ხა! — გადიხარხარეს ზემოდ ქალებმა: — გინდათ, რომ მანდ ჩამოვიდეთ?

— ჰაი, ჰაი, რომ გვინდა! — უპასუხა ისევ იმან.

ამ პასუხზე წამოდგა ერთი კარგა ჩასუქებული ქალი და კიბეზე მიიმედ ჩამოვიდა. იმას უკან მოჰყვა მეორე, ცოტა ამაზე მკლე.

— ბარამ, კარგისები მოდიან, აი — წამოიძახა ერთმა, როცა ქალები ამათკენ წამოვიდნენ.

— ლომისის მადლმა, ის ერთი საბნადაც გვეყვის და ლეიბადაც! — უპასუხა ბარამმა.

— მოლით, თქვენი კვნესამე, მოლით!.. — თითქმის ერთხმად უთხრა სამმავემ და ფეხზე წამოდგნენ.

ქალებმა იმათი ადგილი დაიჭირეს და ღვინო გადაჰკრეს.

— ნინიავ, მაიტა რამ, ჩვენც დავსხდეთ! — უთხრა ბარამმა და, როდესაც ნინია ღუქანში შევიდა, მეორეს მიმართა:

— ნიკოლავ, შენც გაქვს ფული?.. შინიღგან რომ ჩამოვიტანე, ვაი, თუ არ გვეყოს.

— რამითი გაქვს?

— ექვსი.

— გვეყოფის, ბარამ, მეც მაქვს ორი. — უთხრა ნიკოლამ და ღვინო დაასხა.

ნინიამ გამოიტანა გრძელი სკამი და პირდაპირ ჩამოუჯდა ქალებს, რომლებმაც ეშმაკურად შეჰხედეს და რალაც წასჩურჩულეს ერთმანეთს.

— ბედნიერავ, მოეწონევი! — უთხრა ნიკოლამ ნინიას და მუჯლუგუნი წაჰკრა.

ლაზღანდარობით და სიცილით ბლომად დალიეს ღვინო. ქალები ისე დაითვრნენ, რომ აღარ ესმოდათ, რას ამბობდნენ და რას არა, და უშვერის პირით ლანძღავდნენ ბარამს, ნინიას და ნიკოლას...

— ნინიავ, იმღერე რამ! — წასძახა ბარამმა და თითონვე დაიწყო:

„მთიელი ვარ და მთას წავალ,

იქ მყავს ღედისა ძმანია!..“

ნინიამ და ნიკოლამ კიდევ მეორე უთხრეს და მწყობრისად იმღერეს.

— გაჩუმდით, გაჩუმდით! — ხელების ფართხვით შეაყენა მომღერლები ჩასუქებულმა. — რა ტუჩებივით ჩხავით!.. აბა, ეხლა ჩვენ ვიმღერებთ, — სთქვა ისევ იმან და ეხლა თითონ დაიწყო.

— შენ გენაცვალე, მა ტუჩებში!.. — წამოიძახა ბარამმა და საკოცნელად მიატანა. როცა იმან სიმღერაში თავი ამისკენ გადმოიღო...

— უნამუსო!.. — უეცრად წამოიძახა ერთმა ვიღაცა მთიულის ბაღმა, რომელიც ის-ის იყო შემოვიდა და თოფნაკრავით ალაგობრივ გაშეშდა. უცნობი გაფითრდა და გაყვიტლდა, როცა იმათ თვალი შეასწრო, და ტანის ცახცახი აუვარდა.

— რაისთვის არ გინდა მაკოცნინო, ქალავ! — აღერსიანად უთხრა ბარამმა, როცა ქალმა ტუჩებზე ხელი მიიფარა და

საკოცნელად გაწვილი და დამზადებული ტუჩები იქით მიიღო, რაზედაც ნიკოლამ და ნინიამ სიცილი ასტეხეს.

— არა, შენ არ გაკოცნიებ! აგერ, ის მოვიდეს, იმას ვაკოცნიებ, იმას უყუჟუნა თვალები აქვს! — უთხრა ქალმა და ნინიაზე მიიშვირა თითი.

— ბილწს, ის უნდა მიიყვანოს! — კანკალით წაიბუტბუტა ყმაწვილმა და ერთი ნაბიჯი წინ წამოსდგა.

— ეხლავ, შენი კვნესამე! — წამოიძახა ნინიამ და გვერდით მოუჯდა. ქალმა გადაუღო კისერი და ნინიამაც გატაცებით კოცნა დაუწყაო.

— უნამუსო! — წამოიძახა ბაღმა და ფოცხვერივით ხანჯალამოღებული გადახტა ნინიასაკენ.

ყმაწვილმა ხელიც ამართა, უნდოდა დაეკრა ქალისთვის, მაგრამ ამ დროს ბარამმა მკლავი დაუჭირა.

— რას ჩადი, ბაღლო? — შეუტია ბარამმა და იქით მიაყენა.

ყმაწვილი გატრიალდა, რაკი ხანჯლის დაკვრა ვერ მოასწრო, და ამოღებული ხანჯალი ისევ ქარქაშში ჩააგო.

— ბაღლო, რისთვის გინდოდა მოგეკლა? — ჩაყინებით ჰკითხა ნინიამ, როცა ყმაწვილთან მივიდა და ხელი დაუჭირა.

— ხელი უშვი!.. შენ წადი, აი, ის უნამუსო ლოშნე!.. — ამაყად უპასუხა ყმაწვილმა და ხელი გააშვებინა.

— ბაღლო, ბედის-წერამ ხომ არ აგიტანა?!

ნინია რომ ყმაწვილს ელაპარაკებოდა, ბარამი და ნიკოლა ისევ მოუსხდნენ გვერდით ქალებს და სიმღერა დაიწყეს.

— უნამუსოები! — წამოიძახა ყმაწვილმა და გაბრუნდა.

— ბაღლო, ბედისწერამ ხომ არ აგიტანა-მეთქი?! მე ცოტა მეყოფის, მთიული ვარ!

— მთიულია!.. დაცინვის კილოთი წამოიძახა ყმაწვილმა. — შენ მთიული არა ხარ, არა!.. მთიული მაგას არ იზამს, რასაც შენ ჩადიხარ! წადი ლოშნე აი, ის უნამუსო!

— იყუჩე, ბაღლავ, თორემ აი ეხლავ თავს გაგაგდებინებ! — შეუტია ნინიამ და ხანჯალი ამოიღო.

ყმაწვილი მოტრიალდა იმისკენ და ლმობიერად უთხრა:

— ნინია, ნინია, მამკალ, ამ სიცოცხლეს სიკვდილი მირ-
ბეგენია!

ნინიას როგორღაც ეცნობა ეს ხმა, გაშრა და გონს ვერ
მოსულიყო, თუ ეს ხმა სად უნდა გაეგონა.

— ბალღავ, მითხარი საით მიცნობ?

— გიცნობ, ნინია, და შენ კი ველარ მიცან?

— მითხარ, ვინა ხარ? — კანკალით ჰკითხა ნინიამ.

— ველარ სცან შენი მარო?

— მარო!. — წამოიღრიალა ნინიამ და მოსახვევენად
ჰიეტანა, მაგრამ მარომ ამაყად ჰკრა ხელი.

— არა, მე შენი მარო აღარა ვარ!.. აგერ შენა ის ლოშნე!..
— თითოთ ქალზე ანიშნა და თითონ კი გარედ გავარდა. ნინია
გაშტერებული დარჩა, ვერ მიხვედრილიყო, ცხადი იყო ეს
ამბავი თუ სიზმარი.

IV

ქალი გავარდა და უგზო-უკვლოდ ხან აღმა ეცა და ხან
დაღმა. ისე გამალებული გარბოდა, რომ კაცს ეგონებოდა,
უკან მტერი მისდევსო. ქალი ჰფიქრობდა, ეშინოდა, რომ
ნინია არ დასდევნებოდა და გზაში არ დაეკირა. მირბოდა და
უკან აღარ იხედებოდა. გაირბინა მთები, ტყეები და არ იცო-
და კია, სად მირბოდა. უეცრად ავიდა ერთი მთის წვერს და
ქვევით ჩაქანება უნდოდა, მაგრამ მთის მეორე მხარე მოფლე-
ტილიყო, რომლის ძირშიაც აღიდებული არაგვი მოსჩქეფდა
და მოჰქუხდა.

ქალი შესდგა. გადახედა არაგვს და ტანში ჟრუანტელმა
გაურბინა. ცოტა ხნის შემდეგ ცივმა ოფლმა დაასხა და
კანკალმა აიტანა. „სადღა წავიდე, რაისთვის-ღა ვიცო-
ცხლო?!“ — წამოიძახა ქალმა და ქვითინი მორთო. ქვითინი

ხმით ტირილად გარდააქცია, რასაც არაგვის შუვილი ბანს აძლევდა. ტიროდა თავის, ჯერ გაუშლელს, ქალობას, სიცოცხლით გაუმადლობას და ესალმებოდა წუთი-სოფელს. „ნინიავ, ნინიავ!.. — წამოიძახა ქალმა, როცა ტირილით გული იჭერა: — რაისთვის მამკალ?.. დაიწვი ჩემი ცოდით... არა!.. არა! ლომისავ, ნუ მისმენ!.. ნუ დაპწომ ნინიას, აცოცხლე დიდხანს და ბედნიერად ამყოფე!.. ნინიავ!.. ჩემო ყველავე!.. არა, ყველა აღარ მყავს!.. ყველაი დავკარგე!..“ — წამოიძახა ქალმა და გადაეშო კიდევ არაგვში, რომელმაც ხარხარით დაალო პირი და საჩქაროდ ჩანთქა.

„ჩემი ბრალი არ არის, ღმერთო..“

დათუა შრომიშვილი დაპყრობოდა ბარის ტარს ვენახში და გასცქეროდა აღმოსავლეთით ახლად შემოსილს მთის წვერს. რომელსაც ოქროსფრად მოელვარე გვირგვინი დასდგომოდა. რის გამოც, იგი ისე გამოიქვირებოდა და მოელვარებდა, თითქოს ცეცხლი წაქიდებოდა. ელვარებდა იგი. გაქონდა ლაპლაპი: მისი ალი ცას სცემდა. მაგრამ ონლად მდგომნი მთის წვერზე ახლად გაშლილი ხეები უვნებლად და ნაზად გამოიქვირებოდნენ ცეცხლის შუაგულიდან: ეკიდებოდა იმათ ცეცხლი. მაგრამ კი არ იწოდნენ.

დათუა შრომიშვილი. დამთვრალი სიცოცხლის ნექტარით შეზავებული დილის ჰაერით. მთლად ჩანთქმული იყო ბუნების ამ დიდებული სურათის მხერით და მთელი ტანით თრთოდა. იმას არ ესმოდა იმის გაოშემო ფრინველთა გატაცებული ჭიკჭიკი. რითაც ისინი უგალოზდნენ ბუნების დიდებულ სურათს დილის ჰიმნს. და განსაკუთრებით. იქვე ახლად აკოკრებული ვარდის ბუჩქზე მჯდომ ბულბულის აღგზნებულ სტვენას. რომელიც სრულებით არ ამჩნევდა დათუას სიახლოვეს; დათუას არ ესმოდა აგრეთვე ვენახის გვერდით წყალში თევზების შლაპუნი, რომლებიც უეცრად ამოხტებოდნენ ჰაერში, რომ დაენახათ დიდებული სურათი. და ისე უეცრად, წყალში ჩაშვების დროს, ბოლოთი გამოადენდნენ ხოლმე ტკაცანს. ის ვერ ხედავდა იქავე თვალწინ მდგომ ვაზის სიხარულის ცრემლს, და სხვა მცენარეების მოძრაობას ვიღა იტყვის, რომლებსაც მოებრუნათ შენამული გული აღმოსავლეთისაკენ და თაყვანსა სცემდნენ იმ სურათს. რომლის წინაშე სულდგმული თუ არა სულდგმული, პირუტყვი. თუ მეტყველი, გენიოსი თუ არა გენიოსი, ნიკიერი თუ უნიკო, ველური

თუ არა ველური, — ყველა ერთგვარად მონავდება და თავის პიროვნებას იმის დიდებულ სიმშვენიერეს უერთებს.

აგერ, დათუაზე კარგა მოშორებით ტყის პირს გამოსულა ხარ-ირემი, რომელსაც მრავალ-შტოიანი რქები გადუხრია უკან, და იმაზე არა ნაკლებ თავდავიწყებით უმზერს იმავე სურათს.

დათუა მოცული იყო სურათის დიდებულებით; მთელი იმისი არსება ჩანთქმული იყო იმითი და იმისი მოსაზრება, გონება სხვა რაიმე საგნისათვის დაჩლუნგებული და მოდუნებული იყო.

სურათს კი თანდათან ელვარება და სინათლე აკლდებოდა. ცოტა ხანიც და ცამ, მთის წვერმა ჩვეულებრივი სახე მიიღო. მშემაც თავი იჩინა და ყველას ერთად სხივი სტყორცნა, რომლის მოხვედრაზედაც, თითქოს ელექტრონმა დაურბინა ტანშიო, აქნობამდის მოდუნებულ და გატაცებულ არსებებს ჩაედგათ ენერგია, მიეცათ ძალა და მოსაზრება და მოძრაობა იწყეს: ფრინველები ჟივილ-ზივილით გამოეთხოვნენ თავიანთ ღამის ბინას და ცაში განავარდნენ; მწერებმაც-კი ზუზუნი მორთეს და ხან ერთ მცენარეს ეწვეოდნენ და ხან მეორეს, რომელთაც მზის სხივის მოხვედრაზე ნაზი, მწვანე ფოთლები შეიბერტყეს და წელი აიმართეს.

დათუამაც მაშინვე თავისდა უნებურად ამოიკენესა და უნებურადვე ბარს ფეხი ღონივრად დაჰკრა, რის გამოც, ბარის პირი მომბალ მიწაში ღრმად წავიდა და დიდი ბელტი ამოაგდო. პირველ ბელტს მეორე, მეორეს მესამე მოჰყვა და ასე ბელტი ბელტს მიეწყო.

ირემი კი განუსაზღვრელ აღტაცებაში მოვიდა და გაგიჟებით დახტოდა ველზე. ის უეცრად გაქანდებოდა ხტუნაობით ტყის ერთი ნაპირიდან მეორემდის და უეცრივ ასევე მოტრიალდებოდა, უკან ხტუნაობითვე დაბრუნდებოდა; ხან უეცრივ შუა ველზე შედგებოდა, პირს ახლად ამწვანებულ ბალახს დაადებდა და ჩაჰბლავლებდა მიწას, თითქოს იქ, ქვესკნელს ჩასძახის თავის ტოლს, რომ იქიდან ამოვიდეს და ამასთან ერთად ისიამოვნოს, დასტკბეს სიცოცხლით და თავი დავიწყებას მისცეს. ჩაჰბლავლებდა ერთი-ორჯერ კიდევ და, რაკი

ჩქიდან პასუხს არავინ აძლევდა, ისევე ასწევდა მალლა თავს და რქებ-გადაშვებული იწყებდა ისევე ისე ხტუნაობას.

აგერ, ის შედგა უკანა ფეხებზე და რამდენსამე წამს ისე გაჩერდა; იმან აღვზნებულად დააჰყიდა თვალები და ის-ის იყო ტყისკენ გაშვებას აპირებდა, რომ ამ დროს თოფმა იგრილა. ირემი შეტორტმანდა და გულის საკლავის ამობლავლით, წინ გადახტომის მაგივრად, გულალმა გადავარდა.

ტყის პირიდან გამოვარდა ახალგაზრდა ყმაწვილი და გადაჩეხილ ირემთან მირბენისათანავე სიხარულით წამოიძახა:

— შიგ გულში არ მოხვედრია!..

ირემმა კი ძალდატანებით ქუთოთოებს განზე გასწია და ცრემლში მოცურავი თვალის კაკლები თავის მკვლელს მიაპყრო, რითაც თითქოს ამას ეუბნებო: „გაუმაძღარო, რა დაგიშავე, რომ სიცოცხლეს მისპობ?“

ამის პასუხად ყმაწვილმა ხანჯალი ყელში გაუგდო და მოუსწრაფა სიცოცხლე.

— ეხლა რომელი ქრისტიანი ადამიანი ესვრის რასმე თოფს! — წამოიძახა დათუამ იქით მიხედვის დროს, საიდანაც თოფის ხმა მოესმა, და, ყმაწვილი რომ იცნო, განაგრძო:

— მამა ნახე, დედა ნახე, შვილი ისე გამონახე!..

ბოლო სიტყვა სიმღერით გაათავა და რამდენჯერმე, ამ დროს, ბარს ფეხი დაჰკრა.

დათუას ამის შემდეგ თავი მალლა აღარ აუღია და გამალებული ბარავდა. ბარვის დროს დათუა ჩამღეროდა და ჩაჰკენესოდა მიწას, რითაც თავს იმხნევებდა და დალაღვას არ ტყობილობდა, თუმცა იმის სახიდან ოფლი ჩამოწკრიალე-ბდა და ნაბარში ჩადიოდა.

მოატანა სადილოაამ და დათუამაც უკანასკნელად ჩასძახა მიწას:

„მოზიდან სიკვდილამდისა
შენ ჩამოგტირით, დედაო,
სიკვდილის შემდეგ შენავე
მიგვიკრამ ხოლმე მკერდსაო!..“

გათავებისას დათუამ ღონივრად დაჰკრა ბარს ფეხი და ასე მიწაში ჩარჭობილს გაანება თავი, თითონ კი გამოხსნა ჭრელი ხელსახოციდან გამხმარი ქერის პური და ვაზის ძირში მიმჯდარმა ლოღნა დაიწყო. იმას ძალიან უჭირდებოდა ჩაყლაპვა, რადგანაც ქერის პური პირში ნამცეცებად იშლებოდა და, რომ ნამცეცებისათვის თავი ერთად მოეყარა, წყალს ხშირად მიმართავდა ხოლმე და ლიტრას მაღიმალ იყუდებდა.

ნახევარი ჯერ არ შეეჭამა, რომ თავს მისი ცოლი ნენე წამოადგა.

— ცარიელი რა მოგატლიკინებდა, რომ მოტლიკინებდი, შაჭამადს ვერას მაადულებდი? — მიმართა დათუამ თავის ცოლს ხველებით, რადგანაც იმას ქერის პურის ნამცეცი სასულეში გადუვარდა.

— რისა უნდა მამედულებინა, რომ მაგრე იცი? — უპასუხა ნენემ და იმის გვერდით ჩაჯდა.

— მარილის წყალს მაინც მაადულებდი და წამოილებდი, რომ ჩამელბო ქერის პური და აღარ დავერჩე.

— იჰ, რა დროს ეგეებია, თუ ღმერთი გწამს! მე რისთვის მოვედი და ეს შაჭამადს გაიძახის!

— მერე და რატომ არ იტყვი, რისთვის მოხვედი?

— რო აღარ დამაცალე!

— ჰო და, ეხლა თქვი! — უთხრა და მოსასმენად მოემზადა.

ჭამა შესწყვიტა და ლიტრას ხელი დააჭირა.

— იმად მოვედი, რომ იასაულმა და პრიპტავის ჩაფარმა პოესტკა გადმომცეს.

— რა პოესტკა?

— სუდში იბარებენ დათუასაო.

— რათა ადამიანო?

— რა ვიცი, რიპთვისა!.. აი, დაიჭი და გაიგებ რიპთვისაც. მან ამ სიტყვებთან ერთად ჯიბიდან უწყება ამოიღო და დათუას გაუწოდა.

— არა, შე ოჯახქორო, მაგას რო მაწვდი, გადავაბულბულე თუ?!

— მე კი გადავაბულბულე?

— დიდება შენთვის, ღმერთო! — პირჯვარი გადაიწერა ამ სიტყვებზედ და შემდეგ ცოლს შეტევით უთხრა: — რატომ არა ჰკითხე, რიპთვისა-თქო? სასულდე რა მჭირს, რა დავაშავე. ადამიანო?!

— მერე, არა ვკითხე, რომ აგრე ცულ-უბრალოდ ჰყვივილი იცი! რო არ მითხრეს, რა მექნა? ღვდელი კიდევ შინ არ იყო, რო წამეკითხებინა.

— ჩაფარმა რატომ არ გითხრა, იმას ხომ ეცოდინებოდა?

— ღმერთმა ნუ იცის იმისი თავი, რა ვიცი, რატომ არ მითხრა?! „იქ წავიდეს და გაიგებსო, რიპთვისაც არის დაბარებულიო“. ასე მითხრა, მე რომ ვკითხე.

— დიდება შენთვის, ღმერთო, სასულდე რა დავაშავე?! ქურდობა არ გამიწევია, ვალი არავისი მმართველს და ვახში და სულში რად უნდა მიმართევდნენ!.. ერთი სამიოდ თუმანი-ლა მმართველს კომლობა-ამოწყვეტილისა და ხომ შამოდგომაზე ტკბილი უნდა მივცე, პირობა ასე გვაქვს და ის რად მიჩივლებდა!..

— ვისი-ლა გმართველს, კაცო?

— ვისი-ლა და აგერ აი, სახლობა-ამოსაწყვეტ ისაკასი!

— აი, ღმერთმა კი ნუ ახეიროს იმისი თავი და ტანი!.. უთუოდ ის მქვენიანივი გიჩივლებდა! იმას ხომ ღმერთი არ დაასვენებს, თუ არავის არა უხიმანა-რა.

— რაზე უნდა მიჩივლოს იმ სახლ-კარდაქცეულმა?!

— ეშმაკმა იცის იმისი თავი და ტანი, რა ვიცი, რაზე უნდა გიჩივლოს! რამდენჯერ გითხარ, მაგ სახლ-კარ-ამოწყვეტილს ჩამოეცალე-მეთქი, რომ მაგრე უღუთოდ ყველას ტყავს აძრობს, მაგრამ შენ მაინც არ იშლი, მალი-მალ წახვალ და იმას მიადგები კარს.

— რას მიედ-მოედები და როშავ, როდის ერთხელ მივადექ კარს, ჰა?!

— რა ვიცი, თუ არ მიადექი, მაშ რაში აძლევ ჩვენ სარჩო-საბადებელს ყოველ წელს? გეთაყვათ, ყოველ წელს ბატონივით სამსე ტომრები და ტიკები კი მიაქვს და!..

— იმაში მიაქვს, რომ გაკოტრებულივით ძველ თამასუ-ქებს დაუწყო ძებნა და მალი-მალ კანცელარიაში ხან ერთს

უჩივლებს და ხან მეორეს: ეს მამაშენმა აიღო ვალადაო, ეს კიდევ ბიძაშენმაო არ ვიცი. მართლა აიღეს თუ არა. ამლები არ არის ცოცხალი და მოწმეები.

— თუ მაგრე არამზადობით არ შაიძინა, ხომ ღმერთი ვერ გააძღობს იმის თვალს!

— მაგრე რო არ ეარამზადნა, მაშ რითი გადაჰკიმავედა იორატაჟიანს სახლებს, ეხლა რო შიგ ბატონივით ცხოვრობს? მაშ არა და თავის ალაღად მოგებული ფულით გადაჰკიმა, აი!

დათუა და მისი ცოლი ნენე გაეზნენ ისაკას ლანძღვა-წყევლაში, რადგანაც ისინი თითქმის დარწმუნებულები იყვნენ, რომ ისაკას მეტი არავინ „უხიმაწებდა“ რასმე, თუმცა კი უწყების შინაარსი არ იცოდნენ.

— ადამიანო, აბა, ერთი წააკითხე ვისმე, მართლა ი ამოსავარდნელი და ამოსაბუგელი მიჩივის თუ არა! — უთხრა დათუამ ბოლოს და წამოდგა.

— რაღა წაეაკითხო ვისმე, ის იქნება და ის, აბა, სხვას ვის რად უნდა ჩვენი ცოდო! — დარწმუნებით უპასუხა ნენემ და წასასვლელად წამოდგა.

II

— ბიჭო, სანდრო! — გადასძახა ისაკა ჭამიაშვილმა ახლად მოსულ ბიჭს, რომელმაც ბარი იქვე მიაყუდა.

— რას მიბრძანებ, ბატონო!

— სხვები სად-ღა არიან?

— ახლავე მოვლენ სხვებიცა.

— სანამ ისინი მოვიდოდნენ, შენ წადი გიგო და ლევანთან და უთხარ, ამაღამ ვახშმად ჩვენსა წამოვიდნენ. ესაც უთხარ, ირმის მწვადებიც გვექნება-თქო.

— ეხლავე, ბატონო! — უპასუხა სანდრომ და როცა გაბრუნდა, უკმაყოფილოდ თავისთვის რაღაც წაიბუტბუტა.

— პაპა! — უკანიდან მიაძახა ჭამიაშვილს ჩვიდმეტ-თვრამეტი წლის ქალმა, რომელიც ის იყო მაშინ გამოვიდა სახლიდან და იმასთან მივიდა:

— მამაშამ, რომელი ღვინისა ჩამოვასხმევინო ბოთლიკე-
ბშიო?

— დათუას ღვინისა-თქო, იმისმა ვენახმა კარგი ღვინო
იცის, — უპასუხა ისაკამ, რის შემდეგაც ქალი შესრიალდა
შინ, და თითონ კი ღიმილით განაგრძო: — მალე დათუას
მაგივრად, ჩემსას დაუძახებ იმის ვენახს, სულ მალე...
რამდენი ხანია, — განაგრძო იმან ცოტახნის სიჩუმის
შემდეგ, — ხან საიდან მოვუვლი და ხან საიდან იმის
ვენახს და მაინც ვერა მოვუხიბანერა. ვერა იქნა და ვერ
ჩავიგდე იმისი ვენახი ხელში, ვერა! რამდენიც სარმა
გავუსვი, იმან მაინც აიცდინა. კიდევაც შევევაჰკრე, მაგრამ
არა ქნა: „ჩემი მამა-პაპის ოფლი შიგაა ჩაღვრილი და მე
როგორ გავყიდო“. ჰმ, არ გაჰყიდი?! აბა, თუ არ გაჰყიდი და
მაშ ეხლა მიყურე, როგორი მოგვერდი გიგდო! მგონი ისე
დაგცე, რომ ცხვირ-პირი ჩაიმტვრიო. ამ ორი კვირის შემდეგ
საქმეს გაარჩევინ და მერე მე ვიცი: ავიღებ ისპოლნიტელნი
ლისტს და მაშ რას იზამ, თუ ვენახს არ ჩამაბარებ?! მაგრამ
მოწმებმა რომ მიმტყუნონ?! — ამ უკანასკნელ სიტყვებზე
ისაკას სახეს, ცოტა არ იყოს, სიამოვნების ზეწარი გადაეცა-
ლა და შუბლი შეეკმუხვნა.

ამ გვარმა მდგომარეობამ სულ ცოტა ხანს გასტანა. იმის
სახეს დაფიქრების ჩრდილი გადაეცალა და გამხიარულებუ-
ლმა წამოიძახა: „მოწმები როგორ მიმტყუნებენ?.. გიგო და
ლევანი მშიერი აზნაურიშვილები არიან, ორ გროშად მამის
სულს გაჰყიდიან და მე რომ ერთი-ორი თუმანი მიეცე, ხომ
სულ ფიცით დასკდებიან. მამასახლისს კიდევ მოვუხერხებ
რასმე...“ დაჰქეშარიტებით წარმოსთქვა: „მოვუხერხებ რას-
მე“, ცოტა ჩაფიქრების შემდეგ და თავის სახლ-მიდამოს
გადათვალეერების შემდეგ აივანზე ბოლთის ცემა დაიწყო.

ყოველთვის, როდესაც კი ისაკა ჭამიაშვილი თავის გარ-
შემოს თვალს გადაავლებდა და აივანზე ბოლთის ცემას
დაიწყებდა, უეჭველად თავისი წარსული მოაგონდებოდა
და ამ წარსულის მოგონებით სიამოვნებდა.

„რა ვიქნებოდი ეხლა მე, რომ შინ დავრჩენილიყავ და
გარეთ ფეხი არ გამედგა?“ უსიტყვოდ დაეკითხა ისაკა თავის

თავს კარგა ხნის ბოლთის ცემის შემდეგ, როდესაც ნიდა-ყვებით დაეყუდა აივნის მოაჯირს და დიდხანს, დიდხანს დასცქეროდა იქვე, იმის სახლის გვერდით, ჩამომჩანჩქარ წყალს, რომელიც თავის ჩხრიალით ატკობდა მის სმენას და მოგონებისათვის ფანტაზიას უცხოველებდა.

მართლაც, რა იქნებოდა ისაკა, რომ თავისი მამა-პაპის-თვის მიეზაძნა და შინ დარჩენილიყო, როგორც დათუა და იმისი მოძმე გლეხები შინ დარჩნენ და თავიანთ მამა-პაპას ბაძვენ, რის გამოც, თუმცა ალალის შრომით ალალ ლუქმას სჭამენ, ნახევარზე მშიერები და ტიტვლები არიან! ხომ ისიც, როგორც იმისი თანამემამულე გლეხები, ყველას მონა უნდა ყოფილიყო, ყველას იმისთვის უნდა ებრძანებინა და თავში ჩაეკრა! ვინც კი სოფელში სამი რუსული სიტყვით მოვიდოდა, ხომ ყველას წინ უნდა ქუდმოხდილი და გულხელ დაკრეფილი დამდგარიყო და წარბებში შეეცქირა, რომ იმის ბერვა-პრანჭვის აზრს მიხვედრილიყო და აესრულებინა ყოველივე იმისი სურვილი!.. მაზრის უფროსი, ბოქაული, მათი თანაშემწეები და გადამწერლები, გადამწერლების გადამწერლები და მათი თანაშემწენი, ასისტავეები, მათი ჩაფრები და მოჩაფრეები, — ერთი სიტყვით, მაზრის მოხელეების მთელი გუნდი, რომელიც მრავალზე მრავალ-შტოიანია, ხომ მარტო იმისთვის არსებობს და მოდის სოფელში, რომ გლეხს თვალები დაუბღვიროს, დასჭყვივლოს და, თუ მოისურვა, სილა გასტკიცოს ან მათრახი გადუჭიროს; თუ რამ გადასახდელი აქვს, წაართვას, გააგდოს ბეგარაზე, მიაყენოს გაჭირვება და ყელში წაუჭიროს და არა იმისთვის, რომ გლეხის საკეთილდღეოდ იზრუნოს... გლეხის ყველა ამ დამცირებას და დაჯუჯკვას კარგად ამჩნევდა ახლა ისაკა და ამისთვის, ყოველთვის, ასე თავის წარსულის მოგონებაში, როდესაც გაერთობოდა, აღიღებდა იმ დღეს, რა დღესაც იმისმა მამამ ის ერთ მედუქნეს, რომელსაც დუქანი საქართველოს სამხედრო გზატკეცილის პირას ჰქონდა, მისცა ბიჭად. ის დღე იყო ნიშანი ისაკას ახლანდელი მდგომარეობისა; იმ დღიდან ამოიშვა გლეხის ტანჯვიდან თავი და მიაღწია იქამდის, რომ ის დღეს სოფელ-

ში პირველ კაცად ითვლება: ყველა კრძალვით და მოწიწებით ექცევა; მაზრის მმართველები, უფროსები, — თორემ ნაბოლარებს ხომ თითონაც არ იკადრებს, — ჭყვილისა და კივილის მაგივრად პატივისცემით ხელს უწვდიან, იმის სახლში სტუმრად მიდიან, სადაც სოფლის ხარჯით უხვს მასპინძლობას უწევს, და ამით თავბრუ-დახვეულები ყველგან და ყველასთან, თუკი რაიმე მიზეზით იმაზე ბაასი ჩამოვარდებოდა. ამას გაიძახდნენ: „ისაკა პატიოსანი კაციაო“.

მართალია, პირველ ხანს დუქანში დიდი სილუხჭირე გამოიარა, მაგრამ რა? განა ის ტანჯვა სახსენებელია იმასთან, რომ ეხლა ის თავისი მდგომარეობით კმაყოფილია?! ის დამცირება და მიწასთან გასწორება, რომელიც პირველ ხანს დუქანში წილად ხვდა, სასიქადულოდაც ჰქონდა იმას და ბევრჯერ სხვებისთვისაც უამბნია.

აი, ეხლაც, მოაჯირზე დაყრდნობილს რომ თვალწინ წამოუდგა თორმეტი წლის ისაკა, რომლის: პიროვნებასაც მედუქნე უწყალოდ ფეხქვეშ სრესს, ტალახით სთხუპნის, არ შეჰხარა კია ამ სურათმა, პირიქით, მის გულში სიხარული დაჰბადა და იმის-და უნებურად წარმოათქმევინა: „იმისი დედ-მამა ვაცხონე, რომ ასე მექცეოდა; ასე რომ არ მომქცეოდა, მე ახლა ის არ ვიქნებოდი, რაცა ვარ!“

დიად, ისაკა ისეთი არ იქნებოდა, როგორც ეხლა არის. ასე რომ არ მოჰქცეოდა, იქნებ ცოტაოდენი სიკეთე კიდევ შერჩენიყო რამ ისაკას, მაგრამ მედუქნე სხვანაირად ვერ მოექცეოდა, რადგანაც იმასაც ისე ექცეოდნენ, როგორც ის ისაკას. ჩვენებური დუქნები კი ერთგვარი სკოლაა, რომელშიაც მეფობს აღზრდის ერგვარი მეთოდი. იმის საშუალებით ამზადებენ „ისაკებს, გეურქებს და არტემებს“, რომლებიც მზად არიან თავიანთ მოძმეთა სისხლი დალიონ. სამ წელიწადს ისაკა ისე გაიწვრთნა, რომ მედუქნის თვალის დახამხამების აზრსაც კი იგებდა.

გზა-ტყევილის პირას მოვაჭრე მედუქნეები, გარდა იმისა, რომ მგზავრთ ვაჭრობაში ტყავს აძრობენ, სხვანაირადაც მოქმედებენ იმათ გასაყველეთად; არც ერთი გაძარცვა გზაზე ისე არ მოხდება, რომ მედუქნეებმა მონაწილეობა არ

მიიღონ. ბევრჯერ წაუერთმევიათ. მგზავრისთვის ფული და ნივთიულობა, და ამაში მედუქნეები, პირველი ადგილი თუ იმათ არა სჭერიათ, დამხმარებელნი მაინც ყოფილან. ბევრჯერ შიგავე დუქანში გაუძარცვათ დამთვრალი მგზავრი და, ვინ იცის, რამდენჯერ სადგურების ახლო ნივთიულობით სავსე ყუთები აუცლიათ საფოსტო ეტლებით მოგზაურთათვის.

ყველა ეს საიდუმლო გაანდო მედუქნემ ისაკას, რომელმაც ამაში დიდი გამჭირახობა და ფხა გამოიჩინა. ამის გამო ისაკა, ჯერ თუ ბიჭად იყო დუქანში, მერე ამხანაგად გაუხდა, და ასე თვე-თვეებს გასდევდა, წელიწადი წელიწადებს და ისაკას თანდათან ზურგი უმაგრდებოდა. ამ ხანობაში ისაკამ ცოლიც შეირთო.

როცა ისაკამ ზურგი კარგა მოიმაგრა, თავის ამხანაგს, რომელმაც აღზარდა და გაწვრთნა, ისეთი მოგვერდი უგდო, რომ ცარიელზე გაიყვანა.

ბევრის ხვეწნისა და მუდარის შემდეგ თავისი გამწვრთნელი ისევე მიიყვანა ამხანაგად იმ პირობით, რომ გზის პირას ევაჭრა და საქმე ეწარმოებინა, წელიწადში რამდენჯერმე მიეცა ისაკასთვის ანგარიში და მოგების ნახევარი ჩაებარებინა; საბრუნავი თანხა კი უკვდავად ისაკასი უნდა დარჩენილიყო...

რაკი გზის პირას ეაჭრობის საქმე ასე მოაწყო, თითონ დაბრუნდა თავის სოფელში და იქ საკუთარი დუქანი გააღო, რომელშიაც დახლიდრად თავისივე გაწვრთნილი ნათესავი დააყენა.

აქედან იწყება ისაკას ცხოვრების მეორე ხანა და ამასთან ორგვარი მოღვაწეობაც სოფელში, როგორც ვაჭრისა და, როგორც საზოგადოების წევრისა.

ვაჭრები თუ როგორ სძარცვენ სოფლებს, ამაზე ბევრი თქმულა და დაწერილა. ყველა ამას ჩვენ იმას-ღა თუ დავუმატებთ, რომ სოფელში მოვაჭრე ერთისა და იმავე ნივთის გაყიდვაში ერთსა და იმავე დროს ორნაირ სარგებლობას იღებს. ამის გამოსარკვევად მაგალითს მოვიყვან:

ესთქვათ, ვაჭარს რომელიმე ნივთი, რომელსაც გლეხი ყიდულობს, უღირს სამ შაურად, თითონ კი, სულ რომ ნაკლები, ცხრა შაურს მაინც გამოართმევს. გლეხმა რომ ქისა გახსნას და ცხრა შაური გადაუთვალოს, მაშინ ვაჭარს სამშაურიან ნივთში ექვსი შაური წმინდა მოგება დარჩება, მაგრამ გლეხს ქისა ცარიელი აქვს და ამისთვის ის თავის ნაწარმოებს, მაგ: ხორბალს, ქერს, სიმინდს და სხვ. აძლევს ცხრა შაურში, იმ ფასად კი არა, როგორც ბაზარში ფასობს, არამედ ნახევარ ფასად. ფუთი ხორბალი რომ თვრამეტ შაურად ღირდეს, ის ცხრა შაურად იღებს, მერე ჰყიდის ხშირად იქვე გლეხზე თვრამეტ შაურად და ამ გვარად სამშაურიან ნივთში ექვსი შაურის მოგების მაგივრად თხუთმეტ შაურს იგებს.

ისაკა სოფელში სხვა მოვაჭრეებს თუ არ გადააჭარბებდა ამგვარ მოქმედებაში, უკან არ ჩამოუჩრჩობოდა. ის, როგორც ვაჭარი, დღითი-დღე ტყავს აძრობდა გლეხებს და მდიდრდებოდა. მაგრამ ისაკას, ვაჭრობის გარდა გლეხების გასატყავებლად კიდევ სხვა გზაცა ჰქონდა. სხვა ვაჭრები, რომლებიც შეხიზნულან სოფელში, ვაჭრობის გარდა, სოფლის საქმეებში ვერ გაერევიან, რადგანაც ისინი იმ საზოგადოების წევრებად არ ითვლებიან. ისაკას საქმე კი სულ სხვანაირად იყო. ისაკა იმ საზოგადოებაში ვაჭრობდა, რომლის წევრადაც ითვლებოდა, და ამისთვის ნება ჰქონდა გარეუღიყო სოფლის ყოველ საქმეში. ასეც მოიქცა ისაკა. თითქმის ყოველ სასოფლო საქმეში ძალითა თუ ნებით, ისაკა იყო თორმეტი კაცის რიცხვში, რომელთაც, სხვა მოვალეობათა შორის, სახელმწიფო ხარჯის გაწერაც ჰქონდათ შინდობილი. ისაკა იყო მაწარმოებელი სასოფლო დაეთრებისა, ისაკა იყო მწერალიც, ისაკა აწარმოებდა სხვა ორ კაცთან ერთად სასოფლო მალაზიასაც. ერთხნობით მამასახლისადაც იყო ამორჩეული. რასაკვირველია, ისაკასთანა კაცები ამ გარემოებით ისარგებლებდნენ და არც ისაკა აკლებდა. სადაც კი ისაკამ გამოსარჩენი რამ შენიშნა, იქ დააგო თავისი ფაცერი და დღე-მუდამ განუწყვეტლივ წვრილსა და მსხვილ თევზს აბამდა.

ხარჯის გაწერის დროს ის ყოველთვის ერთ ორმოც თუ მინიმუმს მაინც თავის სასარგებლოდ გააწერდა სოფელს. აკრძოვდა ჯარიმებს, რომელსაც სოფლის მოსამართლეები ახდევინებდნენ რაიმე საქმეში დამნაშავე გლეხებს, თავის სასარგებლოდ აკრეფინებდა იასაულებს და დავთრებში სწერდა, რომ ეს ამაზე დაიხარჯა და ეს ამაზეო. სასოფლო მალაზია ხომ საკუთრებად გაიხადა.

ვინ ჩამოსთვლის კიდევ, რითი არ სარგებლობდა ის. ისაკასთანა კაცი ყოველთვის დაინახავს სოფელში უპატრონოდ დატოვებულს რამ სარჩოს, რომელსაც თავის სასარგებლოდ იღებს.

ისაკა ხედავდა, რომ ხმის გამცემი არავინ იყო და ამისთვის თავისუფლად ფარტაშობდა სოფელში.

მართლაც და, ვინ გაუძლიანდებოდა? გლეხები, რომელთაც შეამჩნიეს ისაკას მრუდობა? გლეხებმა ყოველთვის იციან, ვინ ჰყვლეფავს იმათ, მაგრამ ხმას ვერ იღებენ, და ძალა-უნებურად ხმის ამოუღებლად წინ უწვებიან ცხვრებ-ვით, რომელთაც დუქარდით შიგ ძირში პარსავენ.

რამდენს სულ ტყუილად გადაახდევინა — ვითომ-და იმისი მამისა ან ბიძის ვალი.

როდესაც მამასახლისად იყო, დასწერდა თამასუქს და დაბეჭდავდა, მოწმეებად იმისთანებს ჩასწერდა, რომლებიც უკვე გარდაცვლილები იყვნენ, ან კიდევ თავის ერთგულ გიგოს და ლევანს, რომლებსაც ცოტაოდენ წილს უღებდა, და სასოფლო კანცელარიაში უჩივლებდა თავის ტყუილ მოვალეს, სადაც, რასაკვირველია, საბუთების წინააღმდეგ ვერ წავიდოდნენ და გადასწყვეტდნენ, რომ მოვალემ ნაღდად ჩააბაროს ისაკას და ამით მშობლების ცოდო კისრიდან მოიშოროსო.

გლეხები ხმას ვერა სცემდნენ და სხვა მოწინააღმდეგე კი არავინ იყო.

დუქნის საშუალებით და სოფლის საქმეების წარმოებით ისაკა ისე გაიჭიკნა, რომ ახლო-მახლო სოფლებში სიმდიდრით აღარავინა სჯობდა. ერთის აოხრებული აზნაურიშვილის მამული შეიკრინა თითქმის სულ მუქთად და

ხვნა-თესვას მიჰყო ხელი, „გადაჰქიმა“ ორ-სართულიან სახლი, რომლის ოთახები ევროპულად მოაწყო, და შიგ დაე-სახლა თავისი ცოლ-შვილით. ევროპულად მორთო თავისი ორი-ქალი და ორი ვაჟი კი სასწავლებელში მისცა, საიდანაც უფროსი უკვე სწავლადაუმათავრებლად დაუბრუნდა შინ და აგერ ჯერ-ჯერობით ნადირობას მიჰყო ხელი, თუმცა ხანდი-სხან სოფლის საქმეების წარმოებაშიაც ეშველებოდა ხოლმე. მამას, რომელიც შემდეგში, რასაკვირველია, ამ საქმეების წარმოებას იმას გადასცემს, რადგანაც იმისთანებში დიდს-უნარსა და ფხას იჩენს.

თუმცა ისაკას ეხლა აღარა უჭირდა-რა, მაგრამ მაინც წართმევის სურვილი უფრო უცხოველდებოდა და გაუმა-ძღრობა ემატებოდა.

წართმევის სურვილი თითქმის სენად გადაექცა ისაკას და, ხანდისხან ეს ჟინი ისე მოუვლიდა, რომ მზად იყო ყოველივე საშუალება ეხმარა, ყოველისავე სისაძაგლისათვის. ხელი ჩაევილო, ოღონდ კი წაერთმია ვისთვისმე რამ.

აი, ეხლა იმას თავისი წარსული მოგონებით გატაცებულს და სიამოვნებით მოცულს უეცრად წამოჰკრა ამ ჟინმა და მთელი ტანით შეარყია. მაშინვე მოტრიალდა და აივანზე აჩქარებით გაიარ-გამოიარა.

უკვე დაბნელებულიყო. აქა-იქ ღრუბლებს შუადგან-ვარსკვლავები მოწყენით გამოსცქეროდნენ სოფელს, სადაც მიწყვეტილიყო ადამიანის ხმა და მარტო ხანდისხან ძაღლების გაგრძელებული ყეფა-ლა მოისმოდა, და თავიანთ მკრთალი შუქით მიძინებულს სოფელს უფრო ძილს ჰგვრიდნენ.

— ბაბე! — წამოიძახა ისაკამ გაჯავრებული ხმით და-კარებს შეხედა, საიდანაც ამ დროს იმისი გასივებული-ცოლი გამოვიდა.

— ადამიანო, ბალკონზე რას აკეთებ და შინ არ შამო-ხვალ?! — საყვედურის კილოთი უთხრა ბაბემ და მიუახლოვდა.

— ბიჭი არ დაბრუნებულა? სად არის აქნობამდის ის ოხერტიალი?!

— რამდენი ხანია, რაც დაბრუნდა!

— მერე, რა თქვა, მოვლენო?

— რას არ...

— აუ-აუ-აუ!.. — ამ დროს წამოვარდა კიბეზე მწოლი-
არე ბროლია და თავ-პირის მტვრევით დაიწყო ბოხი ხმით
ყეფა და გზისკენ გადახტა, სადაც ორი კაცი გამოჩნდა.

— გადი, გადი!.. — დასძახეს იმათ და ჯოხებით ძაღლის
გერება დაიწყეს.

— აი, შე ვერანავ, შენა!.. გამოდი, გამოდი!.. — ყვირო-
დნენ ცოლი და ქმარი და იმათკენ მიეშურებოდნენ.

ბროლია კი არ ეხსნებოდა იმათ და ზედ ვარდებოდა.

— რა კაპასი რამა გყავთ, კინალამ არ შეგვეკამა!.. —
წამოიძახა გიგომ, როდესაც ისაკამ ქვის სროლით ძაღლი წინ
გაიგდო, და ბაბეს ხელის ჩამოსართმევად თავისი გაუწოდა.

— ხანდისხან იცის ხოლმე მაგრე გაგიყება, თორემ ისე
ჰკვიანია.

— რალა ჩემზე გაგიყდა! — ჩამოართვა სიტყვა ლევანმა
და იმანაც ხელი გაუწოდა ბაბეს.

— იმიტომა, ჩემო ლევან, რომ ძალიან ძვირად მოღიხარ
ჩვენსა!

— აზნაურის სტუმრობაო, ნუ გგონია ხუმრობაო, ხომ
მოგეხსენებათ ქართული ანდაზა? ხშირად რომ ვიაროთ,
მაშინ...

— მაგისი ნუ გეფიქრებათ, გიგო, თქვენ დასახვედრად
კიდევ მოგვეპოვება რამ, — თავმომწონედ გააწყვეტინა
სიტყვა გიგოს ბაბემ.

— მოიწვიე, რალა მანდ ებაასები? — უთხრა ბაბეს ამ
დროს მოსულმა ისაკამ და გიგოს ხელი ჩაავლო.

მასპინძელ-სტუმრები ერთად შევიდნენ მშვენიერად
მოწყობილ სასტუმროში, სადაც ორი თავშიშველა ქალი
დაუხვდათ. ესენი მიესალმნენ სტუმრებს, რომლებმაც
მოწიწებით ჩამოართვეს ხელი, და დედის გვერდით
დასხდნენ.

— რატომ არ დაათხოვებ ე შენ ქალებს, რალას ელი? —
მიმართა გიგომ ისაკას, როდესაც ქალებს ხელი ჩამოართვა
და იმის გვერდით დაჯდა.

— იმას ველი, რომ კარგ კაცებს ვეძებ; უბრალოს ხომ ვერ მივცემ.

— უბრალოს მიეციო, ვინ გეუბნება, განა კარგები ცოტანი არიან?

— ჩემი ქალები სამსახურის კაცებს უნდა მივათხოვო. თუ არ სამსახურის კაცს, არც თითონ ნდომობენ სხვას მისთხოვდნენ ვისმე, — ჩაერთა ლაპარაკში ბაბე და თავის ქალებს შეხედა, რომლებმაც დედის სიტყვაზე თავები ძირს ჩაჰკიდეს და გაწითლებულეზმა რაღაც წაიბუტბუტეს.

— სამსახურის კაცები რას დაგიჟინიათ, აიღეთ და მამულიშვილს მიათხოვეთ, რომ...

— ის არა სჯობია, მამულიშვილიც იყოს და სამსახურისაც! — ჩამოართვა ბაბემ გიგოს სიტყვა: — დაიცათ, ჯერ ქალაქში გადავსახლდეთ, მაშინ ნახავთ, როგორ სულ დაწკებულ აფიცრებს მივათხოვებ. ენაცვალოს დედა ჩემს სონას, შარშან რომ ჯარმა აქეთ გაიარა, აფიცრებზე დარჩა თვალი და ერთი ამოიოხრა, რომ...

— კარგი, ერთი!.. — წაჰბუზღუნეს თავჩაღუნულმა ქალებმა დედას და საჩქაროდ მეორე ოთახში გაცვივდნენ.

— ეი, ეი, რას გარბიხართ? შეგრცხვათ, რომ თქვენი სურვილი დედამ გაგიჟლაენათ?! — სიცილით მიაძახა ლევანმა ქალებს.

— ძალიან მორცხვები არიან, ენაცვალათ დედა! — სიამოვნებით წამოიძახა ბაბემ.

— ოჰ, მონადირეს გაუმარჯოს! — ლევანმა და გიგომ ერთად მიაძახეს ილას, რომელმაც ამ დროს შემოაღო კარები და ღიმილით სტუმრებისაკენ წავიდა.

— სად იყავი, შვილო, აქნობამდის? — მზრუნველობით ჰკითხა დედამ ილას.

— დუქანში. ეხლა დაკეტა მიტრომ და წამოვედი მეც.

— დუქანში კი არა, ნათლი-დედასთან იქნებოდი! — სიცილით უთხრა ლევანმა და ილა გვერდით მოისო.

— ეე, ლევან, შენ ჩემი მტერი ხარ, — სიცილითვე უპასუხა ილამ, — ეგენი არ იყოს, თორემ, ხომ იცი, მეც ვაგიჟეყენებ!

— მაგას რაღა დამალვა უნდა; დღე თუ ნადირობ, ღამე კი არ გინდა ნადირობა?... — გაეხუმრა ეხლა გიგო.

— ღამე რად მინდა ნადირობა, როცა ნადირი დაბმული მყავს!

— ვერ უყურებ ამას! — სიცილით წამოიძახა გიგომ: — მე მეგონა, ჯერ ისევ ნადირობს-მეთქი და შენ-კი თურმე კიდევ დაგიბამს?! მაშ, შენი საქმე კარგად იქნება!

— კარგად, კარგად, ღმერთმანი, წინ აღარა გვეღობება რა!.. — ერთი ეს არის, რომ ნათლიმამაც შინ არის ხოლმე და ამისთვის ვერას ვარიგებ... —

— ეე, არ ვარგებულხარ, შვილო: მაშინ მიდი ხოლმე, როცა ნათლი-მამა შინ არ იყოს! — უთხრა ისაკამ და მერე ცოლს მიუბრუნდა, რომელიც სიყვარულს ღიმილით თავის ილას შესცქეროდა. — აბა, ბაბე, ვახშმის თავ-დარიგს შეუდექი!

— სუფრა გაშლილია, წამობრძანდით!

ამ სიტყვებზე ყველანი მეორე ოთახში გავიდნენ, სადაც გაშლილი სუფრა დახვდათ.

ვახშმად ყველაფერი ქონდათ: წვნიანიც, შემწვარიც, ხმელიც და ნედლიც. ღვინო ხომ უხვად იყო.

სტუმრები გამალებულები სჭამდნენ; რაც მოჰქონდათ, შეუჭმელს და დაულეველს არას უშვებდნენ. არც ლაპარაკს აკლებდნენ: ლაპარაკობდნენ ამ მთისას, იმ მთისას; ძველისა და ახლისას. ისაკამ და გიგომ თავიანთ ჯეელობის ამბებიც ჰოიგონეს და ორივე იმ დასკვნამდის მივიდნენ, რომ „წახდა ღროებოა... მაშინდელი ჰეელები სჯობდნენ ეხლანდელებსაო“.

ქალები კი, ბაბეს გარდა, გაჩუმებულები ისხდნენ და მოწიწებით კიკნიდნენ საჭმელს, როცა მწვადები შემოუტანეს, თითო ნაჭერი შეჭამეს და სტუმრებს დასაძინებლად გამოემშვიდობნენ. ბაბემაც ცოტა ხანს შემდეგ თავის ქალებს მიბაძა და ისიც მოშორდა იმათ. სუფრას შერჩნენ მარტო ისაკა, გიგო, ლევანი და ილა, რომლებმაც ღვინის სმით შუალამეს გადააცილეს.

ბოლოს ისაკამ ხერხიანად ჩამოაგდო დათუაზე ლაპარაკი

და გიგოსა და ლევანს აგრძნობინა, რომ იმათი მოწმობის იმედი არა აქვს...

— რაო? — იფეთქა წყრომით ისაკას ექვზე გიგომ და გულზე ხელი დაიკრა, — გიგო მოკვდეს, თუ ჩემ სიტყვას ვუბტყუნო, გინდაც ამისთვის თავს მკრიდნენ!.. შენ, როგორც გეტყობა, ჯერ კარგად ვერ მიცნობ!..

— არა, ჩემო გიგო, თავი მომიკვდეს, თუ მე ან შენზე, ან ლევანზე ექვი შემომეტანოს, — ოსტატურადვე მოუქონა თავი გამწყრალ გიგოს ისაკამ, როდესაც დარწმუნდა, რომ გიგო და ლევანი არ მიმტყუნებენო და მამასახლისზე დაიწყო: — მე, აი, მამასახლისზე ვამბობდი. ცუდად მოვიქეცი, რომ იმის სახელით შევამოწმეთ.

გიგოსა და ლევანისთვის ეს საკმარისი იყო, რომ ამათი თავმოყვარეობა დაკმაყოფილებულიყო და ამ საქმეში ისეთი მონაწილეობა მიეღოთ, თითქოს ეს იმათ ღვიძლ შვილს შეეხებო.

— ეგ კი საფიქრებელია! — მზრუნველობით წამოიძახა ორმავე და ღრმად ჩაფიქრდნენ.

— მინდოდა, — დაიწყო ისაკამ ისევ იმ კილოთი, — ეხლა ისიც მომეწვია, მაგრამ გვერდით რომ მოგვესო, ვაი თუ უფრო გატყლარქულიყო.

— კარგი გიქნია, რომ არ მოგიწვევია, თორემ, ხომ იცი, გლახიკაცის ამბავი: რაც თავს გაუყადრებ და პატივსა სცემ, უფრო თავს წამოგაჯდება. ეს მე კარგად ვიცი! — უპასუხა გიგომ ისაკას ამ უკანასკნელის სიტყვებით უფრო თავმოპოვნილმა.

— მამი, შენ მამასახლისისა ნუ გეშინიან! — ჩაურთო სიტყვა ილამ, როცა მამას მართლაც და შიში შეატყო: — როგორ შეუძლიან სთქვას რამე და არ გიმოწმოს, ხომ ციმბირს იქით გააცილებენ! ჯერ შაამოწმა და ეხლა უარს იტყვის?! შენ ციმბირით შეაშინე და მაშინ ნახავ, როგორ ფიცით ყბები ამოიგდებინოს, რომ შენი დათუას მართებს.

— მართალია, ეგ თავში სულ არ მომსვლია ფიქრად? — სიხარულით წამოიძახა ისაკამ, მაგრამ უეცრად შუბლი ისევ მოეკმუხნა და სიხარული მოსცილდა.

— ეგ კი, — დაიწყო შუბლმოკმუხვნილმა ისაკამ, — მავრამ იმან რო არ იცოდა, საქმე რაში იყო, როცა ბეჭედი დავასმეინეთ, და არც ეხლა იცის. იმას ხომ შეუძლიან თქვას, რომ მე სულ არ ვიცოდი, რას მამოწმებინებდნენო, რადგანაც კითხვა არ ვიციო.

— მით უკეთესი! რო სცოდნოდა, ხომ არც შეამოწმებდა! ეხლა გააგებინე და რას იზამს, თუ არ დაგემოწმება?!. როგორ შეუძლიან გააცხადოს, რომ შევამოწმე და რა ვიცოდი, რას ვამოწმებდიო, იქნება იმას ხემწიფეზე ამოწმებინებენ რასმე, უნდა შეამოწმოს ისე გაუგებრად?! აბა, ეგა თქვას და მაშინ ნახავს, საით უკრავენ თავს!... — ილამ დარწმუნებით წარმოსთქვა ეს მოსაზრებანი, გაბრწყინებულის სახით შეხედა მამასა, რომელიც მაშინვე სიხარულით წაპოვარდა და შვილს გადაეხვია:

— ღმერთმანი, შვილო, შენ ჩემზე მოსაზრებული ხარ!.. — შესძახა იმან და გატაცებით ჩაკოცნა.

III

მაზრის სამსჯავროში დიდხანია, რაც ხალხი შეიყარა და ადგილები დაიჭირა. მომეტებული ნაწილი გლეხობა იყო. ყველას თავპირი ჩამოჰკიდებოდა და ნაღვლიანად შესცქეროდა მომრიგებელ მოსამართლეს, მათუდის წითელ სუფრა გადაფარებულ ტაბლას, რომელზედაც საწერ-კალამი და რამდენიმე წიგნი იდო.

დათუა შრომიშვილიც იმათ შორის იჯდა და ხშირ-ხშირად გადახედავდა ხოლმე ისაკასა და იმის მოწმეებს, რომლებიც ხმადაბლა რალაზედაც ბაასობდნენ.

„ვაიმე!“ თავისთვის წამოიძახებდა ხოლმე ბრაზმორეული დათუა ყოველ შეხედვაზე და თავისთვისვე განაგრძობდა: „რა უნდა მაგ კომლობაამოსაწყვეტს ჩემგან, რომ ტყუილუბრალოდ აქ ამომათრიან! ვითომ რას წაიღებს, რომ მიჩივლა?!“

„ვითომ რას წაიღებს, რომ მიჩივლა“-ო, იძახოდა დათუა იმისთვის, რომ ის დარწმუნებული იყო თავის სიმართლეში

და ვერ წარმოედგინა, თუ ტყუილად გადაახდევინებდა ვინმე რასმე სამართლის ძალით.

როცა მღვდელმა უწყება წაუკითხა და გამოუცხადა, რომ ისაკა სამოც თუმანს გიჩივის და ამისთვის გიბარებენო, ის გაოცდა და კარგა ხნობამდის გონს ვერ მოვიდა.

„მერე რას წაიღებს, რომ მიჩივის?! გნა და ალალობაა, რომ არ მემართოს და ისე წამართვას! სამართალი აღარ არის ქვეყანაზე?“ დამშვიდებით წარმოსთქვა პირველი გაკვირვების შემდეგ იმან მღვდელთან და შინ წამოვიდა.

მას შემდეგ დათუას ამაზე აღარც კი უფიქრია და დანიშნული დღისთვის არხეინად წამოვიდა მაზრის სამსჯავროში, სადაც აი ეხლა სხვებთან ერთად ელოდა, თუ მომრიგებელი მოსამართლე როდის გამოვიდოდა და დაიწყებდა იმის საქმის გარჩევას, რომ ის გამართლებული შინ გაესტუმრებინა.

აგერ, ტაბლას იქით პირდაპირ კარი გაიღო და მომრიგებელი მოსამართლეც გამოვიდა, რომლის დანახვაზე ყველანი ფეხზე წამოდგნენ. ის ისე დაჯდა და ძეწკვი ისე ჩამოიკიდა, რომ ხალხისთვის არც კი შეუხედნია. დაჯდომის უმაღლეს ჯალღებებს ჩხრეკა დაუწყო, რომლებიც თითონ შემოიტანა და ზოგი კი მდივანმა მიაწოდა.

— დასხედით!.. — დაუძახა ხალხს კარებში მდგომმა მოსამსახურემ.

ხალხი დასხდა. ამ დროს შემოვიდა ილიაში პორტფელ-ამოჩრილი ახალგაზრდა კაცი და მოღიმარის სახით მოსამართლისკენ წავიდა, რომელმაც ღიმილითვე ხელი გამოუწოდა და ჩურჩული დაუწყო.

— ეგაა, რომ აქებენ?! — გაკვირვებით ჩაეკითხა ერთი გლეხი მეორეს და გიორგი „ადვოკატს“ დააკვირდა.

— სუდიასთან როგორ დაახლოვებული ყოფილა, აგერ როგორ უცინიან ერთმანეთს!.. — განაგრძო ისევ იმ გლეხმა, როდესაც დასხდნენ.

— მაშა, კაცო!.. ეგა და სუდია ესე არიან, აი!.. — უპასუხა პირველმა და საჩვენებელი თითები ერთმანეთს მიატოლა.

— ნეტავი მაგას!.. — წამოიძახა მეორემ და გაჩუმდა.

მოსამართლის დანახვამ დათუა, ცოტა არ იყოს, შეაშინა

და იმისმა მოქუშულმა სახემ იჭვნეულებით გააფიქრებინა: „ვაი თუ გამამტყუნოსო“. მაგრამ იმან ამ დროს სარკლის ახლო ჯვარსა და სახარებას თვალი შეასწრო და იმედი ისევ მოეცა: „როგორ გამამტყუნებს, როცა მართალი ვარ!“ გაიფიქრა იმან და მოსამართლის მოძრაობას თვალყურის დევნა დაუწყო.

მოსამართლემ გაათავა გიორგი „ადვოკატთან“ ბაასი და პირდაპირ საქმეების გარჩევას შეუდგა.

ამოიკითხა ჯერ ერთი, ახლა მეორე, მესამე და ასე რიგრიგად არჩევდა საქმეებს და ყოველ განაჩენის წაკითხვაზე ხალხს ფეხზე წამოაყენებდა ხოლმე.

მიდგა ჯერი დათუაზედაც.

ამოიკითხა მოსამართლემ ისაკა ჭამიაშვილი და დათუა შრომიშვილი, რომლებიც მაშინვე წარსდგნენ.

— შენ, — უთხრა მოსამართლემ, — ისაკა ჭამიაშვილის სამოცი თუმანი გმართებია და რატომ არ აძლევ?..

— რისა მმართებია, შენი ჭირიმე, ჩემ დღეში მაგისგან ვალი არ ამიღა! ერთი სამიოდ თუმანი მმართებს, ისიც მამიჩემის ალებული, და შამოდგომაზე გავუსწორდები.

— სამიოდ თუმანს კი არა, სამოც თუმანს გიჩივის და აი, თამასუქიც აქ არის. ტყუილად ხომ არ დაუწერდნენ და შეუმოწმებდნენ!

— მაგისგან განა ძნელი მოსალოდნელია, რომ ტყუილად დასწეროს.

— ბევრს ნუ ლაპარაკობ, აგერ მოწმეებიცა ჰყავს.

— რაც არა მმართებს, როგორ არ ვილაპარაკო!

— ჩუპად, კარგი! — შეუტია მოსამართლემ და მოწმეები გამოიძახა. ისაკა კი გაჩუმებული იდგა ამ დროს და, როცა დათუა უარს ჰყოფდა, გაკვირვების ნიშნად იღიმებოდა.

— დავაფიცო? — დაეკითხა მოსამართლე დათუას, როდესაც გიგო, ლევანი და მამასახლისი, რომელსაც მკვდრის ფერი დაედო, გამოვიდნენ.

— დააფიცე და მაშინ როგორღა იტყვიან ტყუილს! — უბასუხა დათუამ და მერე მამასახლისს მიუბრუნდა: — როდის ვისესხე, რომ შაგიმოწმებია, ჰა?!

ამ უეცარმა კითხვამ მამასახლისი სულ დააბნია და ჭირის ოფლი დაასხა, რის გამოც ის კინალამ გადაიქცა.

— რა ვიცი, როგორ აიღე! — წაილულლულა თავისდა უნებურად და ისაკას ისეთი თვალებით შეხედა, თითქოს ამისი თქმა უნდაო:

„შენი ოჯახი დააქციოს ღმერთმა, რომ ამ ცეცხლში ჩამაგდეო!“

— თუ არ იცი, შე ოჯახქორო, და... ამ ბეჭედს რაღას უტყემდი?! — უფრო ხმამაღლა წამოიძახა დათუამ და თვალებში ჩააკვირდა მამასახლისს.

— თქვენი კანცელარია ნუ გგონია აქ, ნუ ჰყვირი! — შეუტია მოსამართლემ და შემდეგ დანარჩენებს მიმართა:

— წადით, დასხედით და მღვდელი ეხლავ მოვა.

ისინი ყველანი გამობრუნდნენ თავთავიანთ ადგილებისკენ. მოსამართლემ კი სხვის საქმეების გარჩევა დაიწყო.

დათუას მღვდლის ხსენებაზე გამართლების იმედი ისევ მოეცა, რომელიც მოსამართლემ სულ შეუტრყია და მოაშორა. მამასახლისი კი უფრო შეაშინა და დააფიქრა. როცა ის მოსამართლემ იქ გაიძახა, ეგონა, იქნება დაუფიცებელივ გადავრჩეო, რადგანაც იქ მღვდელს თვალი ვერსად მოჰკრა, მაგრამ იმედი გაუტრუჟდა. ის უნდა დააფიცონ.

„ჯანი და სული წაუვიდეთ, გამგზავნონ ციმბირს!“ დიდის ხნის ფიქრის შემდეგ წამოიძახა უსიტყვოდ მამასახლისმა; მაგრამ ამავე დროს თვალწინ ცხადად წარმოუდგა თავისი კარმიდამო, ცოლშვილი და ტანში გააყრჩოლა. „ღმერთო, რა ცეცხლში ჩამაგდე!“ საყვედურის კილოთი წაიჩურჩულა თავისთვის და ხელები წინ გაიშვირა, თითქოს უნდოდა ხელში აეყვანა ვინმე და გულში ჩაეკრა, რომ გამომშვიდობებოდა. ყმაწვილის მაგივრად, რომელიც იმას მოელანდა, ხელები წინ მჯდომ კაცს წაავლო და ეს უკანასკნელი მოხედვის შემდეგ დაეკითხა: „რა გინდა“-ო. ამ კითხვაზე ის გონს მოვიდა, ხელები გაუშვა და უთხრა: „არაფერი, მომიხვდა ხელი“-ო.

„ვერა, ვერ დავთმობ!“ გადაწყვეტით წამოიძახა იმან, როცა იმის წინ მჯდომმა კაცმა ისევ იქით მიიხედა, და გაოფლიანებული შუბლი მოიწმინდა.

ამ დროს მღვდელიც შემოვიდა და ის სხვა მოწმეებთან ერთად დასაფიცებლად გავიდა.

დაფიცების შემდეგ მოსამართლე ისევ დათუას საქმეს დაუბრუნდა და მოწმეებს სათითაოდ ჩვენება ჩამოართვა.

სამმართვე მოწმემ ერთნაირად აჩვენა, რომ დათუას ისაკასი ნამდვილად მართებს სამოცი თუმანი.

— ისე თქვენი ოჯახი აშენდეს, როგორც მართალს აზრობთ! — გულჩაწყვეტით, თითქმის ტირილით, წამოიძახა დათუამ და მუხლები ჩაექცა.

რაკი მოწმეებს ჩვენება ჩამოართვა და ხელი მოაწერინა, ცოტა ხნის წერის შემდეგ მოსამართლემ დადგენილება წაიკითხა, რომლის ძალითაც დათუა შრომიშვილმა უნდა გადაიხადოს სამოცი თუმანი ისაკა ჭამიაშვილის სასარგებლოდ და აგრეთვე სამსჯავროში საქმის საწარმოებელი ფული რვა მანეთი.

— ღმერთი აღარა გწამთ, ტყუილად რად უნდა გადავიხადო?! — წამოიღრიალა დათუამ, განაჩენი რომ მოისმინა, და ჯავრისაგან ცრემლები გადმოჰყარა.

— როგორ თუ ტყუილად! — შეუტია მოსამართლემ და განაჩენი იქით გადასდო.

— ღმერთი, რჯული, არა მმართვეს... დაიჯერეთ, ქრისტიანები არა ხართ?.

— კარგი, წადი... თუ გინდა, აქედან ასლი გაიტანე და სხვაგან გადაიტანე საჩივარი.

— სხვაგან სადღა გადავიტანო? თუკი აქ არ მაძლევთ სამართალს, იქ კი მამცემენ?!

— გაიყვანეთ ეგ დათვი!.. — წამოიყვირა მოსამართლემ და თავპირანთებული ზეზე წამოვარდა.

IV

ნენემა და იმისმა რვა წლის ვაჟმა გაბრომ დიდი ხანია, რაც დაიძინეს. დაიძინეს აგრეთვე სხვებმაც სოფლებში, ან კი აქნობამდის დაუძინებელი ვინ დადგებოდა სოფელში, სადაც მუშაობით მოქანცულები შებინდებისასვე წვებიან და გარიჟ-

რაჟებამდის ფეხს არცკი გაიქნევენ. დათუას თვალებს კი ძილი არ ეკარებოდა. ის, აგერ, რამდენი ხანია ღერეფანში თავის ცოლშვილის გვერდით შამფურავით ტრიალებს და ბოლმა აწვება გულზე, ამას ვერ მოუწელებია, რომ დღეს ვენახი ისე უსინდისოდ ჩამოართვეს და ისაკას გადასცეს.

მთვარე კი შემოსციმციმებდა დათუას და თითქოს ამას ეუბნებოდა: „საწყალო, შრომიშვილო, როგორც ვხედავ, შენ ბედი არ გაგიღიმებს!.. რამდენი საუკუნეა, რაც შენ მონადა ხარ და შენი სარჩო-საბადებელი სხვას მიაქვს... წინად თუ ლუარსაბები, რევაზები და არჩილები გაცლიდნენ ხელიდან შენ საცხოვრებელს, ეხლა ისაკები გიხდებიან ბატონად და... ეჰ, საწყალო, როდემდის უნდა ითმინო?!“ თითქო მთვარემ ველარ გაუძლო დათუას მზერას, ღრუბელს მიეფარა და ღერეფანში ჩამოაბნელა.

„ღმერთო, დაილოცოს შენი სამართალი!...“ წამოიძახა დათუამ მთვარის მოთარებაზე და წამოჯდა. იმან გადახედა ნენეს და გაბროს, რომლებიც დამშვიდებით ფშვინავდნენ, და ტირილი ყელში მიეზბინა: „რითლა უნდა გაცხოვროთ?!... ან მტერს, ან მოკეთეს, ან ღმერთს რითლა უნდა გავცე პასუხი?!...“ აკანკალებულის ხმით ჩასძახა ნენეს და იმისკენ უფრო გაღიხარა.

— დათო, დათო, გენაცვალე, ეგრე როგორ წაგართვეს ვენახი, რომ ხმა არ გავცი?! — მიკნავებულის, მაგრამ სიყვარულით სავსე ხმით წამოიძახა ამ დროს ნენემ.

ამ ხმამ დათუას სწრაფად დაურბინა ტანში და მთლად შეარყია.

— ნენე!... — ჩასძახა მან ცოლს, მაგრამ პასუხი ვერ მიიღო. ნენეს ღრმად ეძინა. — სძინავს, სძინავს!... — თავის ქნევით და მწარის ღიმილით წამოიძახა და დიდხნობამდის თვალი აღარ მოუშორებია ნენესთვის, როგორ მძიმედ სუნთქავდა და ტუჩებს მალიმალ ანძრევდა, თითქოს რაღასაც ლაპარაკობსო.

„კაცი ვარ მეცა!“ დაიძახა იმან კარგა ხნის მზერის შემდეგ და ისევ მიწვა: „მამულს გართმევენ, სულს გიხუთავენ და შენკი ცხვარავით თავი ჩაგილუნავს და ხმას არ იღებ!...“

ვაიმე შე ოხერო, ჩემო თავო!..“ წამოიყრანტალა იმან და თავ-ში მაგრად შეშოირტყა ხელი: „სხვა უჩემო სისხლს დაღვრი-და, კარებში ჩაკედებოდა, არავინ შეეშო, და მე კი თითონ შე-ვიყვანე და ჩავებარე... თფუი!..“ სიბრაზით გადააფურთხა დათუამ და თვალები დასუჭა...

— მე მაინც გამიშვი, კაცო, თუ შენ არას ეუბნები!... — იმავე კილოთი აჩქარებით წამოიძახა ნენემ და ხელები გაათფათურა.

— დედაკაცის ლეჩაქი უნდა მეხუროს თავზე, კაცის ქუ-დი კი არა!... — წამოიღრიალა ნენეს ხმაზე და ფეხზე წამოიჭ-რა.

— ეეეს!... — ღრმად ამოიოხრა ნენემ და გულაღმა გად-მოტრიალდა.

ამ დროს მთვარემაც გამოიხედა ღრუბლებიდან და ნენეს მიაყენა შუქი.

იმის გამხდარ ფერმკრთალს, ნაზ სახეს ამ შუქზე სინაზე უფრო გაუორკეცდა და ამან დათუა დაიმონავა. იმას ჯერ არ ენახა თავისი ცოლი იმისთანა მშვენიერი და ამ მშვენიერების დანახვაზე იმან თავისდა უნებურად ჩაიჩოქა.

— ნენე, ნენე!. — ჩასჩურჩულა იმან ნენეს მოწიწებით, — გენანება განა, რომ ამისთანა ლაჩარ კაცს მისთხოვდი? გა-ნა, მე შენი ღირსი არა ვარ?!.. არა, ნენე, მაგრე ლაჩარი არა ვარ, ნუ ნანობ...

— ჰა-რა-ლეეე, სუფ-რიაა თავსა მჯდომარეე... — მოისმა ამ დროს სიმღერის ხმა.

დათუა საჩქაროდ წამოხტა ამ ხმაზე და სმენად გარდიქ-ცა. იმას ეგონა, რომ სმენამ მოატყუა, მაგრამ სიმღერა არა სწყდებოდა.

— ისაა... ისა... ის ქეიფობს!. უხარია, რომ ვენახი წა-მართო!.. — დაბნეულად გაიძახდა ის და ხელებს აფათურებ-და.

სუფრული სიმღერა კი უფრო და უფრო მკათიოდ მოის-მოდა.

— ჩემი ბრალი არ არის, ღმერთო!... — ჩაჩოქვით და ხე-ლების მალლა აპყრობით წამოიძახა დათუამ და ცრემლმორე-

ულმა მერე თავისი მთრთოლვარე ტუჩები მოწიწებით ნენეს ჩათბუნებულ ტუჩებს შეუერთა, რომლებიც დათუას ტუჩების შეხებაზე ოდნავ შეთრთოლდნენ.

V

ისაკა ჭამიაშვილის ბალკონზე სანთლებით გაჩაღებულ ტაბლას გარს შემოსხდომოდნენ სტუმრები: სამსჯავროსა და პოლიციის ბოქაულები მოაჯირებისკენ ისხდნენ, ტაბლის თავსა და ბოლოს — გიგო და ლევანი, ისაკა და მისი შვილი ილა — ბოქაულების პირდაპირ, კედლისკენ.

ყველანი მომხიარულებულები იყვნენ, სტუმრებიცა და მასპინძლებიც. ნამეტნავად ისაკა კელაპტარივით დნებოდა ამ საღამოს. დღეს ამას შეუხსრულდა ამოდენა ხნის სურვილი და მაშ, არ მოეღბინა!!

ისაკამ, როცა ის კარგად შეზარხოშიანდა, სუფრულიც კი შემოსძახა, რომელსაც გიგომა და ლევანმა მეორე და ბანი უთხრეს, და ბოლომდისაც შეუცდომლად გავიდა, თუმცა კარგა ხანია ეს სიმღერა იმას აღარ უთქვამს, რადგანაც, იმის ფიქრით, გლეხებს უნდა ემღერათ და არა იმისთანებს, როგორც ისაკა იყო.

— ბრავო, ბრავო!.. — ბოქაულებმა შეღრიალეს და ტაში დაჰკრეს, როცა ისაკამ სუფრული დაათავა.

— ვერ უყურებთ ისაკასა, როგორ კარგად მღერის! — წამოიძახეს გიგომა და ლევანმა და სიცილი დაიწყეს.

— ექსტრა, ექსტრა!.. ისაკას სადღეგრძელოდ!.. დასწყვილა პოლიციის ბოქაულმა და ჭიქა აივსო.

სხვებმაც შეავსეს და ჭიქების ჭახა-ჭუხი ასტეხეს.

— ისაკა!.. — სახლის კარგა მოშორებიდან დაუძახა ვიღამაც ისაკას ამ დროს. ჭიქების ჭახა-ჭუხი შესწყვიტეს და იქით მიიხედეს, საიდანაც ხმა მოესმათ, მაგრამ სანთლიანის თვალით ვერა გაარჩიეს—რა ისაკა კი სავსე ჭიქით წამოდგა და დაიძახა:

— ვინ არის?!

— აბა, ცოტა ხანს ეგრე გაჩერდი!..

— ვინა ხარ...

თოფის გრიალმა ისაკას სიტყვა გააწყვეტინა.

სანთლები ჩაქრა. მოისმა ჭურჭლის ლაწა-ლუწი, მაგიდების ბრახაბრუხი და რალაც მძიმის და რბილის ზართხანი.

— უი. უი!.. — კივილით გამოცვივდნენ სახლიდან ბაბუ და იმისი ქალები.

— ვინ?!.. რა?! როგორ?! სადა?.. სანთელი! — ყველა იქ მყოფი უეცარის შემთხვევით გულგახეთქილი გაიძახოდა დაბნეულად და გონს ვერ მოსულიყო, თუ თავს რა დაატყდათ.

უმცროსმა ქალმა გამოარბენინა სანთელი, რომლის შუქზედაც იქ მყოფთ შემდეგი სურათი წარმოუდგათ:

მაგიდებს შუა, ჭურჭლის ნამტვრევებთან ერთად, გულგამირული ისაკა ღვინოსა და სისხლში სცურავდა.

„ვაი ჩვენი ბრალიც“!.. -

მაისის მზე ისევ მალლა იდგა. იმის სხივებზე მთაწმინდა მწვანედ ღაღღადებდა და ქალაქიდან ყვილხვილით და სრიალით ყურებ გამოჰქედნილს და მტვრით შეზავებულის ჰაერით სულშეხუთულ ხალხს თავისკენ იწვევდა, რომ იმის წვერსა და კალთებზე. სადაც ყოველ ბალახს ენა ამოედგა და ნაზად გაიძახდა: „სიცოცხლე, სიცოცხლე და სიცოცხლე“, სული მოებრუნებინა, სიტკბოებას მისცემიყო და სხვა ყველა დღიური ვარამი და ვაგლახი დაეეწყა. თითქოს ეს უსიტყვო მიწოდება შეესმინათ რომ ქალი და ვაჟი ჯგუფ-ჯგუფად შემოუდგნენ იმის მიკლაკნილ-მოკლაკნილ გზას და სიცილით და ოხუნჯობით ზევით მიეშურებიან. აგერ, ზოგი კიდევაც ავიდა იმის მაღალ კალთებზე და შესასვენებლად შესდგა; ზოგი კი სხვა მხრით, უგზოდ, გაუკვერავ მწვანეზე მიდის და ზევითვე მიეჩქარება. იმისი კალთები ჩქარა მოიფინა ქალითა და ვაჟით, რომელთაც იმან შთაბერა უზენაესი გრძნობა და ყოველივე ბოროტი დაავიწყებინა.

ყველა უზრუნველად მხიარულობს, დახტის და თავის თავს ბედნიერად სთვლის; მეტისმეტის სიამოვნებისაგან ყველას მკერდი მალლა უღელავს, სახეზე სიხარულის ალმური ასდის და გული უფართოვდება, რომელშიაც ყოველი მათგანი გრძნობს, რომ შეუძლიან მოათავსოს მთელი სამყარო. განურჩევლად ყველა მიიწვიოს, წინ სიყვარული გადუშალოს და, თუ-კი შეძთხვევა მოითხოვს, თავი მსხვერპლად შესწიროს...

გადახრილი მზეც სიხარულით გადასცქერის ამათ და, თითქოს ენანებაო, რომ ასე ჩქარა უნდა მოაშოროს თვალი ამ ყოველისავე მსხვერპლისათვის გამზადებულ საზოგადოებას,

რომელშიაც ამ წუთს არავითარი ბოროტი განზრახვა არ მოიპოვება, მძიმედ მიცურავს დასავლეთისკენ. იმან ქვეითკენაც გადიხედა და სიხარული გაუთკეცდა, რადგანაც დაინახა, რომ კიდევ, კიდევ და კიდევ მოდიან ამ წმინდა ადგილისკენ და ისინიც იმგვარივე გრძნობით იმსჯელებიან, როგორადაც წინად მოსულნი... მაგრამ მზეს ამ დროს რაღაც უკმაყოფილება შეეტყო. ის უეცრად შეკრთა. პირველი შეკრთომის შემდეგ უეცრად სტყორცნა თავისი სხივები ქვევით, თითქმის მთის ძირში, ბალახებსა და ყვავილებს შუა მჯდომარე ნაღვლიანად ჩაფიქრებული ქალისკენ და პირდაპირ თვალელებში ჩაჰხედა, რომ იქ იმის შიშვენი ამოეკითხა, რატომ ესეც არ ადისო ზევით და სხვებივით სიხარულს არ ეძლევაო.

ქალმა მუხლებზე გადაშლილი წიგნი აიღო, მზეს მოაფარა და თითქოს იმის საიდუმლოს შეტყობა დაუშალა.

— ლიზა, ეს რა ჭიაა?! — ჰკითხა ამ დროს ექვსი წლის ვაჟმა, რომელმაც, ის ის იყო, მოიბრინა თავის ოთხი წლის დასთან ერთად და მუჟა გაუწოდა.

— აბა, სად არის? — ჰკითხა ლიზამ და იმის ბეჭის სინჯვა დაიწყო.

— ვაი, სად წასულა? — წამოიძახა პატარა ქალმა და მაშინვე თვალელების ძირს ცეცება დაიწყო.

ვაჟი კი შეკრთა და გაკვირვებით ლიზას შესცქეროდა. იმას ვერ გაეგო, თუ ისე როგორ გაეარდა ჭია ხელიდან, რომ ვერ შეიტყო.

— აი, შე უხეიროვ, შენა!.. — ღიმილით უთხრა ლიზამ და იმის გაოფლიანებულ ლოყას ალერსით ხელი ჩამოუხსო.

— აქ ალის, აქ! — სიხარულით წამოიძახა ამ დროს ქალმა და თავის პაწაწინა ფუნჩულა თითებით ლიზას კალთიდან მარიამ-ჭია აიყვანა.

— ეს იყო, სიკო? — ჰკითხა ლიზამ და პატარა ქალს მარიამ-ჭია გამოართვა.

— ჰო, ეგ არის! — სიხარულით უპასუხა სიკომ და ხელი გამოსართმევად წაატანა, მაგრამ ლიზამ არ მისცა.

— ეს მარიამ-ჭიაა! — უთხრა ლიზამ და ხელის გულზე დაისვა.

— აბა, აქ უცქირეთ, რას იზამს მარიამ-ჰია! — უთხრა ყმაწვილებს, როცა მარიამ-ჰიამ იმის ხელის გულზე ცოცვა დაიწყო და მერე მოსთქვა: — „მარიამ-ჰიავ, ნუცი საით გათხოვდება?..“

— გადმოვალდება, გადმოვალდება!... — გააწყვეტინა ნუციმ ლიზას სიტყვა და ხელი წაატანა მარიამ-ჰიას, რომელიც ლიზას ნეკის წვერზე გადმოეკიდა.

— ხელს ნუ ახლებ, ნუ! არ გადმოვარდება, — უთხრა ლიზამ და ისევ განაგრძო თავისი ლექსი: — „მარიამ-ჰიავ, ნუცი საით გათხოვდება?...“

ყმაწვილები გატაცებით შესტქეროდნენ მოცუცუნე ჰიას, რომელიც რიგ-რიგად ცოცავდა ხან ერთ თითზე და ხან მეორეზე, და ხმას არ იღებდნენ. ლიზა კი განუწყვეტლივ იმეორებდა: „მარიამ-ჰიავ, ნუცი საით გათხოვდება“, და თითონაც თვალს არ აშორებდა.

მარიამ-ჰიამ მოირიგა ყველა თითები. ბოლოს მეორედ გაცოცდა შუა თითზე და ზედ წვერზე ტრიალის დროს ფრთების რხევა დაიწყო. ცოტახნის შემდეგ ფრთები მთლად გაშალა და ყმაწვილებს თავზე გადააფრინდა.

— უი!.. — ნუციმ და სიკომ უნებლიედ თითქმის ერთად წამოიძახეს და უნებლიედვე ხელები წაატანეს დასაჭერად, როცა მარიამ-ჰია გაფრინდა. ყმაწვილები მაშინვე ერთად დაედევნენ უკან.

ლიზამ თვალი გააყოლა ყმაწვილებს და, როცა იმათ მარიამ-ჰია ისევ დაიჭირეს და დაიწყეს თამაშობა, გულის ამოსკვნით წამოიძახა: „ნეტავი თქვენა!“, და წიგნი ისევ გადიშალა მუხლებზე; მაგრამ წაკითხვით კი არც ერთი სტრიქონი არ წაუკითხავს, თუმცა წიგნს თვალს არ აშორებდა. ის სულ სხვაგვარ წიგნს კითხულობდა ამ დროს. იმის გონების თვალს მრავალგვერდიანი დიდი მატრიანე გადაეშალა, რომელშიაც მოთხრობილი იყო იმისი წარსული სიტყვებით კი არა, პირდაპირ ცოცხალი არსებებით, რომელნიც მოძრაობდნენ, ლაპარაკობდნენ, ზაც იმას მკაფიოდ ესმოდა, და მოქმედებდნენ. გატაცებით უმზერდა მატრიანეს და, თუმცა ის ელვასავით სწრაფად თავისთავად იფურცლებოდა, არც ერთი სურათი

თავის დაწვრილებითი მოქმედებით შეუმჩნეველი არა რჩებოდა.

— ლიზა, რას ჩაფიქრებულხარ?! — მიმართა ამ დროს ვილაცა ყმაწვილმა კაცმა, რომლის მოსვლა ლიზამ სულ ვერ შეამჩნია.

ის ამ ხმაზე მთლად შეირყა და მაშინვე ფეხზე წამოდგა.

— დათიკო!... — წამოდგომის უმალვე მიმართა იმნაირი ხმით, რომ შიგ სიყვარულიცა და საყვედურიც იხატებოდა და ნაღვლიანად დაუწყო მზერა დათიკოს, რომელიც ამ დროს ალერსიანი ღიმილით შესცქეროდა ლიზას სიყვარულით საგნე თვალებს.

კარგახანს უმზერდნენ ასე ხმის ამოუღებლად ერთმანეთს; ბოლოს დათიკომ დაუჭირა ხელები და ძირს დასწია.

— დაჯექი, ლიზა!.. — ალერსით უთხრა და ორმავე ერთად ჩაიკეცა.

დათიკომ დაჯდომისასვე თავი ლიზას მკერდს მიაყრდნო და ხელის გულზე ხანგრძლივად აკოცა. იმან კი მეორე ხელით თმა აუწია შუბლიდან და მთრთოლვარე ტუჩები შეახო.

— იცი, ლიზა, ხელის გულზე კოცნა რას ნიშნავს?

— რასა?

— იმას, რომ მკოცნელი ამით ეუბნება: მე მსურს, რომ ჩემისთანად სხვას არავის უყვარდეთ.

— მაშ, გინდა, რომ შენისთანად არავის ვუყვარდე? — მომხიარულებული ღიმილით ჰკითხა ლიზამ.

— მაშ, არ იცი?!

— მერე, შენ რა დაგაკლდება, რომ სხვას შენზე ძალიან ვუყვარდე, თუ კი...

— რაო?! — გველნაკბენივით უეცრად მიბრუნდა ლიზასკენ და თვალების კვესებით დაუწყო მზერა.

ლიზას თვალები გაუბრწყინდა. იმის მაგივრად, რომ დათიკოს მრისხანე სახის დანახვაზე შიში აღძროდა, სიხარულით გულმა ფანცქალი დაუწყო და ტუჩებზე სიამოვნების ღიმილი გადაუქროლა.

„მაგ მრისხანებით უფრო დამიმტკიცე შენი სიყვარული,

ვიდრე ხელის გულზე კოცნით!“ — უსიტყვოდ უპასუხა ლიზამ დათიკოს და უფრო მომხიარულდა.

ლიზა შესცქეროდა სიხარულით მრისხანედ მზერალ დათიკოს და ყოველივე ექვი. თუ კი რამდენისამე წუთის წინად იმის სიყვარულის შესახებ ეპარებოდა და სტანჯავდა, ახლა სულ მოშორდა და შორს, საღდაც შორს გადაიკარგა.

ის მზად იყო გადახვევოდა და ამოეკოცნა მრისხანედ მოელვარე თვალები, რომ დაემშვიდებინა და კოცნით დაემტკიცებინა, რომ ის, მარტო ის არის იმისი სიცოცხლე და იმედი, იმისი აწმყო და მომავალი, მაგრამ გვიანობდა იმისთვის, რომ ცოტად კიდევ განეგრძო თავისი სიამოვნება.

— ლიზა!. — წამოიძახა ამ დროს დათიკომ მრისხანედ კი არა, როგორც წელან, ლმობიერად, ტანში მოშლილივით ჩაიკეცა და მწუხარებით სავსე თვალები ისევ მიაპყრო ლიზას. დათიკოს ამნაირმა უეცარმა ცვლილებამ ლიზაც დააღონა, იმას უეცრად მოშორდა სიმხიარულე და სულ რამდენისამე წუთის წინ შორს გაფანტული შავი ფიქრები ისევ დაუბრუნდა.

— დათიკო!.. — გულის სიღრმიდან წამოიძახა ლიზამ და იმავე კილოთი განაგრძო: — რატომ არ მეტყვი, რას ნიშნავს შენი მაგნაირი ქცევა?!. განა ვერ გამჩნევ, რომ ამ ბოლო დროს რასღაც მიმაღავ, გინდა მითხრა რამ, მაგრამ არ მეუბნები!.. დათიკო, დათიკო, მითხარ ნუ მიმაღავ, თორემ ლამის არის გავვიყდე. იცი, შენი მაგნაირი ქცევა რანაირად გულს მკლავს და მტანჯავს; რამდენ რას მათფიქრებინებს და ექვს მიბადებს თავში, როდესაც შენ მოგშორდები ხოლმე... იქნებ აღარ...:

— ნუ გაათავებ ნუ!.. ეგ ტყუილად გგონია!

— მაშ, რა ვიფიქრო, ჩემო დათიკო?

— ნურათერს. ნუ!.. — არეულად უპასუხა დათიკომ.

— სტყუი, სტყუი!.. მითხარი, ნუ მიმაღავ! — დაყინებით შიმართა ლიზამ და ხელები დაუჭირა.

— მართალია. ჩემო კარგო, მე ამ ბოლო დროს ჩემ ქერქში არა ვარ; მართალია, მინდა გკითხო რაზე, მაგრამ ვერ გამიბედნია... — არეულად დაიწყო დათიკომ.

— რატომ, რატომ?!

— მე, — განაგრძო ისევ არეულად დათიკომ, — საქმე საქმეზე მოიყვანე და ამ ორი კვირის შემდეგ ჯვარს დავიწერთ. ეს ხომ შენთვის ახალი ამბავია?! შენ ასე ადრე არ მოელოდი.

— მერე, ეგ გაწუხებდა, ჩემო დათიკო?

— არა!.. ხომ ხედავ, რა ცოტა დროლა გვაქვს ჯვარის წერამდის და... მე კი შენი წარსულიდან არა ვიცი რა. რატომ არას მეტყვი?! შენი წარსულის გაუგებრობა მტანჯავს და მაფიქრებს...

— განა არ იცი ჩემი წარსული?! განა არ მითქვამს, რომ მე ჯერ ვსწავლობდი და როცა სწავლა დავამთავრე, რადგანაც დედა-ჩემს ჩემი შენახვა არ შეეძლო, მაშინვე აღმზრდელობას მივყავი ხელი, და, აი, ეს ორი წელიწადია, სხვის ოჯახში ვარ.

— ვერ მიმიხვდი! მე კარგად ვიცი, რომ შენ სხვის ოჯახში აღმზრდელად ხარ და კიდევაც ეგ მაფიქრებს. სხვის ოჯახში დედიშენის თვალი ყოველთვის ვერ გიცქერის, რომ გაგაფრთხილოს და ხიფათს მოგაშოროს, ხიფათი კი სხვის ოჯახში მყოფ გამოუცდელ ქალს ბევრჯერ ელობება და, არ ვიცი, იქნება თავი ვერ შეიმაგრე და შეგაცდინა ვინმემ..

ლიზა ამ სიტყვებზე სულ გაშრა. დათიკოს სიტყვებმა ამას გული გაუკაწრა და იმის უგრძობიერეს სიმს კლანჭი გაჰკრა, რამაც დიდხანს არ ალოდინა და გულის საკლავი ხმა გამოიღო.

— დათიკო, დათიკო! — ტირილით დაიწყო ლიზამ და ცრემლები დაპალუპით გადმოჰჰყარა: — ისეთი რა ნახე ჩემში, რომ ჩემ უმანკობაზე ეჭვი დაგებადა?! რომ შეემცდარვიყავი და უმანკობა დამეკარგა, განა აქამდის არ გეტყოდი? თუ ვინმე შემაცდენდა, ჩემის მხრით ამ შეცდენას სიყვარული ედებოდა სარჩულად და მერე ამის შემდეგ შენ ესე განუსაზღვრელად შემიყვარდებოდი, როგორც ეხლა მიყვარხარ“?! ის შეცდომა... — იმას გული ისე დაუოსდა, რომ ლაპარაკი ველარ შესძლო და სიტყვა შესწყვიტა. ის ტიროდა და გულს ველარ იბრუნებდა. დათიკო კი უსიტყვოდ სწყევლიდა თავის თავს,

რომ წინ დაუხედავი კითხვით ასეთი სატანჯველი მიაყენა იმას, რომელსაც თაყვანს სცემდა და აღმერთებდა.

— ლიზა, ლიზა, გვედრები, მაპატიე!.. მაპატიე!.. — ხვეწნით მიმართა დათიკომ და ლიზას ცრემლით დასველებულ ხელებს კოცნა დაუწყო.

— დათიკო! — გულამოჭდომით უთხრა ლიზამ, როცა დათიკო ეხვეწებოდა და ხელებს უკოცნიდა, — მე რომ მკითხავ, რატომ შენ თავზე კი არას მეტყვი? შენც ჩემსავით პირნათლად შეგიძლიან შეხვდე ჩვენს ცოლქმრობას?!

დათიკომ უეცრად კოცნას თავი დაანება და გაკვირვებით ლიზას შეხედა.

— რას გაჩუმებულხარ და არას მეტყვი?!

— მე მეკითხები?! — უფრო გაკვირვებით ჰკითხა დათიკომ.

— შენ, რას გაიკვირვე?! მითხარ, მითხარ, ნუ დამიმალავ?

— ლიზა, — ღიმილით უპასუხა დათიკომ: — ვაჟებს მაგნიარ კითხვას არ აძლევენ. ვაჟებს ცოდვად არ უთვლიან იმას, რაც ქალისთვის მომაკვდინებელი ცოდვაა და ამისთვის...

— ამისთვის შენც, შენც!.. ვაი, ჩვენი ბრალიც!.. — წამოიძახა ლიზამ და თვალებზე ხელის მიფარებით თავისთვის ჩაილაპარაკა: — ვაჟებს აქვთ ნება მოსთხოვონ ქალს სიწმინდე და ქალს კი არა! რისთვის? რისთვის? განა დრო არ არის, 'ვაჟებსაც ის მოეთხოვებოდეს, რაც ქალებს?! არა, წმინდასთან წმინდამ უნდა დაიჭიროს კავშირი...

უკანასკნელი სიტყვები თავის გაქნევით წამოიძახა ლიზამ და წასასვლელად წამოდგა...

ამ დროს მოირბინეს ბავშვებმა და დათიკოს უნდა მოხვევოდნენ, მაგრამ ლიზას ნამტირალევი სახეს რომ შეხედეს, იმან გვერდით ამოუდგნენ და მგლის თვალით დაუწყეს მხერა დათიკოს, რადგანაც იგრძნეს. რომ ლიზას ტირილის მიზეზი ის უნდა ყოფილიყო.

„აღე, ჩამოვიდა!..“

(ფსიქოლოგიური ეტიუდი)

გოგია მეწისქვილე გულხელდაკრებილი მივიდა წისქვილის ქვასთან და ალას კვირისტავებით მიეყრდნო. იმან გადახედა ქვის გარშემო სუფთად მოგვილ სახრილეს, მერე ალაში ჩაიხედა, რომელიც სახრილესავით სუფთად იყო მოგვილი და, უკმაყოფილოდ თავის ჩაქნევის შემდეგ, კრიჭას გაშტერებით დაუწყო მზერა. სულ ერთ წამს არ უმზერია ასე გაშტერებით, რომ გადაალაჯა და კრიჭას ძირიდან ხელი ამოჰკრა. კრიჭა მოხვდა ხვიმირს და ისეთი ხმა გამოიღო, რომ გოგია მიხვდა, ზვიმირში არა ყრია-რაო. სარეკი კი, რომელიც კრიჭასთან უღლით იყო დაკავშირებული, ოდნავ შეთამაშდა და ქვაზე რაკრაკი დაიწყო. ხვიმირის ხმას მაინც არ ერწმუნა გოგია. ის შესდგა წისქვილის ქვაზე და შიგ ჩაიხედა, თანაც ხელი მიუსმოუსვა შიგნიდან ხვიმირის გვერდებს და რადგან ხელში არა მოხვდა-რა, რამდენჯერმე მაგრად დაარტყა სილა, მაგრამ იმან მაინც ცარიელის ხმა ამოიღო...

„ფუი!..“ — მწარედ გააფურთხა გოგიამ და უკანვე ძირს გადმოაბიჯა ფეხი.

დღეს რამდენჯერ გამოუჩხრეკია წისქვილის ყველა კუთხე, ძირი აღმა უქნია, მაგრამ აგერ ეხლაც ისევ მიდის და სჩხრეკავს. მიიარ-მოიარა ყველა კუნჭული, გაჩხრეკა ყველა სამინდე კოდი, კასრი და ხოკრი; რამდენჯერმე გადააგორ-გადშოაგორა ლიტრიანები, მაგრამ კიდევ მაინც ვერ დაკმაყოფილდა. ის დაღრეჯილის სახით მივიდა წისქვილის ქვასთან და მოწყვეტით ალაზე ჩამოჯდა; ნიდაყვები მუხლებზე დააყრ-

დნო და ორივე ხელი თავის დამძიმებულ თავს ბოქინტად შეუყენა.

რას ეძებდა გოგია ასე მოუსვენრად?

ფქვილს, ფქვილს და ფქვილს!

გუშინ უკანასკნელი ნახევარი თეფში ფქვილი ხშიადად გამოაცხო და გუშინვე შეჭამა, დღეს კი აგერ დაწანწალებს და აქა-იქ, სადაც წინად მრავლად იყო ფქვილი, დაეძებს, მაგრამ ყველა ის ადგილი, ყველა საფქვილე ავეჯეულობა დაწმენდილი და დარაკრაკებული ხვდება. „ერთი ბეწო მაინც იყოს სადმე!..“ უსიტყვოდ იძახდა ყოველი გაჩხრეკის დროს, მაგრამ ეს „ერთი ბეწოც“ არსად იყო, ფქვილის ნაალაგევიც აღარას ეტყობოდა...

— შე დალოცვილო, ღმერთო, ერთი კიდევ გამაგონე ჩქმი წისქვილის გოგვის ხმა და მერე თუნდ!.. — ხმამალლა წარმოსთქვა გოგიამ კარგა ხნის სიჩუმის შემდეგ და საფქვილე პირს გვერდზე შეხედა, საიდანაც, თითქოს ამ სიტყვების შემდეგ, ელოდა, ფქვილი გადმოიფანტებო, მაგრამ ქვა არ იძროდა და საფქვილეც შეუგანგლავი შესცქეროდა გოგიას. „ეჰ!“ გულჩაწყვეტით ამოიოხრა, რაკი ფქვილი ვერ დაინახა და თავი ისევ-ისევ ხელებს დააყრდნო და იატაკის პატარა ნახვრეტიდან ლურჯად ამომჰკვრეტ ყინულს ჩაფიქრებით მხერა დაუწყო.

გარედან კი მარქაფაზე გადამჩქეფი წყლის შუილი შემოი-სმოდა და გოგიას ათასგვარ ფიქრს უბადავდა თავში, წარსულს უღვიძებდა და აგონებდა იმ დროს, როდესაც მოცლა აღარც კი ჰქონდა, რომ ცოტახანს შეესვენა და სული მოებრუნებინა, როდესაც იმის წისქვილის კარზე ურმების კრიალი იდგა და სავსე საცალოები შეჰქონდათ და გამოჰქონდათ.

გოგია თანდათან გაიტაცა ამ მოგონებამ და სულ დაავიწყდა ეხლანდელი დრო.

ესმის გოგიას, რომ დატვირთული ურემი კრიალით მოადგა კარს. აგერ, ტომრების შემოტანაც უშველა და მინდის აღება დაიწყო. მერე, რამოდენა მინდს იღებს?! თითქმის ერთი დიდი სიმინდის კასრი აავსო და გაბრწყინებული დასცქერის. იმის სიხარულს საზღვარი აღარა აქვს. უხარიან, რომ

ამ ზამთრის საგდალი იშოვა. იმდენი ერგო მინდში, რომ ზაფხულამდის მიჰყვება ეს და ზაფხულში კი, ღვთის მადლით, ახალი შოვა.

ხვიმირი კიდევაც აავსეს და ახლა ლარში წყლის მოგდება-
და აკლია, რომ წისქვილმა მუშაობა დაიწყო.

გოგიამ ლარის თავიდან ჩქარა აიღო ფიცრები და მარქათას
ჩაუწყო, რის შემდეგაც წყალი ლარისკენ გაქანდა და... და...
ცოტა ხანიც და ბორბალმა წყალი ააქათა, ააშფოთა და
წვრილსა და მსხვილ მბრჭყვინავ წინწკლებს წისქვილის ქვეშ
გაბმით ფანტვა დაუწყო. სარეკი წისქვილის ქვაზე არაკრავდა,
რის გამოც კრიჭა ინძრევა და ხორბალს, თითქოს სთვლისო,
მარცვლობით ქვის ყელში ჰყრის. ქვა კი გუგუნებს, გუგუნებს
და ყოველ დაგუგუნებაზე საფქვილე პირიდან ბლუჯა-ბლუჯა
ფქვილი გადმოდის და ალაში სრიალი ჩააქვს. ქვის გუგუნე,
სარეკის რაკრაკი და წყლის შუილი ერთად ერთდებიან და
ერთგვარი ხმა გამოისმის, რომელმაც გოგიას გულში განუ-
საზღვრელი სიხარული აღძრა. ღმერთო, რამდენი ხანია, რაც
გოგიას ეს სანატრელი ხმა აღარ სმენია!. ეხლა ასმინე და
აგერ, როგორ აღტაცებით სულგანებული უსმენს ამ ნეტარ
ხმას, აღტაცებისაგან თვალთ ცრემლი მოსდის...

— გოგია!.. — ამ დროს დასძახა ერთმა პარკაკიდებულმა
შუა ხანში შესულმა კაცმა, რომელიც ის-ის იყო წისქვილში
ხელების ფშვნეტით შემოვიდა და გოგიას თავს წაადგა.

— ჰა!.. საფქვავეი მოიტანე?!

— ჰო!..

— გვიან მოგერგება ჯერი, სხვაგან წაიღე, ვერა ხედავ,
რამოდენა საფქვავეია აქ?! — დაბნეულად წამოიძახა გოგიამ
და თავი ისევ ჩაჰკიდა.

— რას ამბობ, კაცო, საფქვავეი, აბა, სადა გაქვს?! — გა-
კვირვებით შეხედა გაყინულ წისქვილის ქვას და პარკი მოი-
ხსნა.

— საფქვავეი?! არ არის?! — გაკვირვებით დაეკითხა ახლად
მოსულს და აქა-იქ თვალების ცეცება დაიწყო.

უეცრად შეწყდა სანატრელი ხმა წისქვილისა. აღარ ისმის

სარეის რაკრაკი და აღარც ქვის გუგუნე. გარედან მარტო მარქაფაზე წყლის შუილი-ლა შემოისმის.

— უჰ! — გულჩაწყვეტით წამოიძახა გოგიამ, როცა დარწმუნდა, რომ ის სანატრელი ხმა, რომელიც სულ რამდენიმე წუთის წინად ესმოდა და აღტაცებაში მოჰყავდა, მოჩვენება იყო, და შმუშვნით წამოდგა.

— აბა შენი ჭირიმე, გოგი, დროით დააბრუნე, თორემ შინ სახლობა სიმშლით მიწივის!

— ხორბალია? ჰა!.. სად გიშოვია?.. — ზედიზედ დაეკითხა და პასუხს აღარ მოუცადა, ისე გავარდა გარეთ და წყალი მარქაფაზე საჩქაროდ მოწყვიტა.

ახლად მოსულმა ხორბალი დააყარა და ქვამ ჩქარ-ჩქარი გუგუნე მორთო.

წელან თუ მოჩვენება იყო, ეხლა ნამდვილია!.. ეხლა ნამდვილად ესმის გოგიას ეს სანატრელი ხმა. ღმერთმან უსმინა და აუსრულა თხოვნა: კიდევ გააგონა ტკბილი ხმა... ხომ აუსრულდა ნატვრა და მაშ, რაღად შესცქერის ასე დაღონებული და მობუზული მბრუნავ ქვას?

„შე დალოცვილო ღმერთო, ერთი კიდევ გამაგონე ჩემი წისქვილის ქვის გოგვის ხმა და მერე თუნდ...“ ინატრა წელან და, აჰა, აკი გააგონა!..

არა, შესცდა წელან, ეხლა ნანობს, რომ მაგრე ინატრა და არა სხვანაირად. „წისქვილის ქვის გოგვის ხმის“ გაგონება იმისთვის უნდოდა გოგიას, რომ მინდი აელო და თავისი მოთხოვნილება დაეკმაყოფილებინა, სიმშლი მორეკლა. იმას უნდოდა ამ ნატვრით გამოეხატნა, რომ საუქვეავი ბევრი მოვიდესო და არა მარტო ხმა გამაგონეო, თორემ „წისქვილის ქვის გოგვის“ ხმის გაგონება რომ სდომებოდა, განა უსაფქვაოდ კი ვერ მოუგდებდა წყალს და ქვას ხრიალს ვერ დააწყებინებდა?

ვისი ბრალია?! როგორც ინატრა ისე აუსრულდა. აკი ამისათვის ხმას არ იღებს და მარტო დაღონებული შესცქერის ფქვილს, რომელსაც ერთ მუქასაც ვერ მოაკლებს: სირცხვილით როგორ სთხოვოს მინდი ნახევარ კოდ ხორბლის გამოფ-

ქვაში?! ღმერთი აღარ არის?! მაგრამ რა ქნას, რომ სიმშილი ძალას ატანს?!

ფქვილის დანახვაზე მუცელმა სულ კაკანი დაუწყო და სიმშილი უფრო გაუცხოველდა. გოგია ხმის ამოუღებლივ გატრიალდა და გარეთ გავიდა, რომ ფქვილისთვის აღარ ეცქირნა. ხორბლის პატრონი კი მხართეძოზე წამოწოლილიყო და გაჩაღებული ბუხრისთვის ზურგი შეექცია. იმისი ღრმად ჩანაოჭებული შუბლი ამტკიცებდა, რომ არც ის იყო საამური ფქვრებით გატაცებული...

გოგია დაჩაგრული სახის გამომეტყველებით, მობუზული და გულხელდაკრებილი წისქვილის კედელს აეტუზა. სითბო გამოლეთული მზის სხივებისაგან თვალეზაფხუტული უსიცოცხლოდ გასცქეროდა ალაზნის ველს, რომელსაც თეთრი ზეწარი გადაჰკროდა და ბზინვა გაჰქონდა.

— ღმერთო, გაზაფხული მაინც ჩქარა დადგეს!.. — წამოიძახა გოგიამ კარგა ხნის სიჩუმის შემდეგ და ალაზნის ველს აქეთ-იქით თვალი გადაავლო, თითქოს ელოდა, ეხლავე დადგება გაზაფხული და ველი ამწვანდებაო. მაგრამ მწვანე ვერსად დინახა, ყველგან ბრწყინავი თოვლი დახვდა...

„ფქვილი, ფქვილი, ფქვილი!..“ წისქვილის ქვა კი ამას ჩასძახოდა ყურში ამ ღროს და მადას უღვიძებდა.

— მეც მინდა ფქვილი, მაგრამ საიდან მოვიტანო?! — მწარის ღიმილით უპასუხა გოგიამ ქვას და თვალეზი დახუჭა.

„შედი შინ... შინ შედი, შინ, შინ!..“ — ჩასჩურჩულებდა თავის მხრით ბორბალზე მჩქეფი წყალი.

წყალი და წისქვილის ქვა ერთად შეერთდნენ და განუწყვეტლივ ამას ეუბნებოდნენ: „შედი შინ, შინ, შინ! ფქვილი, ფქვილი, შედი შინ, შინ!.. სთხოვე ფქვილი, სთხოვე ფქვილი, ფქვილი!..“

გოგიამ ყოყმანი დაიწყო: უნდოდა შესულიყო და ფქვილი ეთხოვნა, მაგრამ რცხვენოდა...

— ეჰ, რაც უნდა გახდეს, ვსთხოვ!.. — ხელის ჩაქნევით გადაწყვეტით წარმოსთქვა, რაკი ქვა და წყალი თავისას არ იშლიდნენ, და შინ შევიდა.

ის თავს წაადგა ბუხრის პირას მწოლარეს და დაიწყო აკან-
კალბულის ხმით:

— შენი ჭირიმე, გეგე...

იმან თხოვნა აღარ დაათვა, რადგანაც დაინახა. რომ გეგეს
ჩასძინებოდა და გულიანად ხვრინავდა.

უეცრად თავში სხვა აზრმა გაუელვა და ამის მიხედვით
თეფშს ხელი წამოავლო და ალასთან მივიდა, რომ ფქვილი
ამოელო ჩუმად და ასე დაეხსნა თავისი თავი თხოვნისაგან.

ცალი ხელით თეფში ფქვილში წაუტრია და მეორით კი კრი-
ჭა შეებერტყა, რომ უკანასკნელი მარცვლებიც ჩამოეყარა
იქიდან.

— ეს რას მეყოფა?! — წამოიძახა იმან, როცა სავსე
თეფშს დახედა, და ისევ შიგ მოაქცია... — ქურდობა გავწიო
და ერთი თეფშისათვის!...

„ხა, ხა, ხა, ხა!.. სულ, სულ!.. — ჩასძახეს ამ დროს ქვამ და
წყალმა.

— ჰო, სულ, სულ!.. მე კი ადამიანის შვილი არა ვარ?!..
მშიერი ხომ არ მოვკვდები!?. — აღელვებით წამოიძახა და საჩ-
ქაროდ ნაჯახს ხელი წამოავლო.

„მოჰკალ, მოჰკალ, მოჰკალ!..“ — ქვა და წყალი აქებებდნენ
თავიანთი ხმით და აბედვინებდნენ გოგიას მკვლელობას.

თვალეზანთებული და ნაჯახმართული თავს წაადგა მძი-
ნარეს და ის ის იყო უნდოდა ნაჯახი დაეკრა. რომ ამ დროს
იდუმალმა ხმამ ჩასჩურჩულა ყურში: „აბა, შენი ჭირიმე.
გოგი, დროით დააბრუნე, თორემ შინ სახლობა სიმშლით
მიწივის!“

ამ ხმაზე გოგიას მკლავი მოუდუნდა და ნაჯახის მაგივრად
ფეხი ოდნავ წაჰკრა თავში.

— ადე, ჩამოვიდა!.. — ფეხის წაკვრასთან ერთად აღელვე-
ბული ხმით დასძახა ზევიდან და საჩქაროდ გარეთ გავარდა...

კალოებზე მთელ დღეს სიცხის გულზე ტრიალმა ისე დაქანცა გლეხობა, რო რაწამს ახლად გაღეწილი ხორბალი თუ ქერი ჭინებში ჩაცალა და ბზე კი კალოს პირას მიაგროვა, მაშინვე დაწვა ქოხებში და ღრმა ძილს მისცა თავი, რომ ახლა მეორე დღეს შეუდგეს კალოზე ისევ იმ მომქანცავს და თავბრუდამსხმელ ტრიალს.

ალექსის კალოს პირას ქოხში მარტო იმის ცოლ-შვილი იწვა, და ქოხის იქით — იმისი მოჯამაგირე. თითონ კი საღამოს სოფელში* წავიდა და ცოლ-შვილს ამბავი დაუგდო, თუ ამალამვე არ ჩამოველ, დილაზე ადრე მაინც მოგეშველებით კალოს ჩაშლაშიო.

დიდი ხანია, იმისმა ცოლმა და ორმა პატარა ქალ-ვაჟმა დაიძინა და მოჯამაგირემ ხომ დაწოლის უმაღლ ხვრინვა ამოუშვა. მარტო თიკოს, ალექსას გასათხოვარ ქალს, არა სძინავს და მოუსვენრად არის. მალიმალ მუთაქიდან თავს იღებს და ქალი-აყვანა** მთის წვერისკენ იხედება, საიდანაც მთვარე უნდა ამოვიდეს და იმის შუქმა უნდა ანიშნოს, რომ ისიც, ისიც, რომელმაც იმის უმანკო გულში მეტად ტკბილი და დამათრობელი გრძნობა აღძრა, რაც არა ერთსა და ორს უმანკოს ათევიანებს ღამეს და ხან ერთ გვერდს აცვლევიანებს და ხან მეორეს, ხან პირისახეს ბალიშში ამალვიანებს და უკმაყოფილობის გამო, ცრემლს აფრქვევიანებს და ხან კიდევ ტკბი-

* გაღმა კახეთში კალოები სოფლის გარედა აქვთ, ზოგ-ზოგ სოფელ ორისამი ვერსის სიშორეზედ, და ლეწვის დროს მთელი სოფელი კალოებზე გაიხვეტება ხოლმე.

** სოფელი შილდას ახლოა.

ლის, ნეტარის ღიმილით უბრწყინებს სახეს, რომ ისიც მთვარის ამოსვლისას ქოხის პირდაპირ კონცხის წვერიდან გადმოსტვენს...

დღეს იალაღიდან ჯერისთვის ჩამოვიდა, იმასთან ერთად შუადღემდის კალოზე ტრიალებდა, ერთად უქცევდა, ერთხნობას ერთადაც ისხდნენ ქოხს ქვეშ, მაგრამ იმათთან ერთად სხვებაც ირეოდნენ, რომ თვალით არის მაინც გამოეცხადებინათ ერთმანეთისთვის გრძნობა.

ხედავდნენ, გრძნობდნენ, რომ იმათი გულები ერთმანეთის სიახლოვის გამო ბუდიდან აპირებდნენ გადმოვარდნას; ერთმანეთის ქშინვა ეყურებოდათ, ისე ახლო იყვნენ და ხმის გაცემას კი არა, შეხედვასაც ვერა ბედავდნენ. „რის მაქნისია ამისთანა სიცოცხლე, თუ კი გულს ვაჩუმებთ“-ო, — გაიძახოდნენ უსიტყვოდ და ჯავრისაგან თითებს იმტვრევდნენ.

მარტო ერთხელ მოასწრო ქოხს ქვეშ თიკოსთვის შეეხებდნა და ეს საკმარისი იყო, რომ თიკოს მდულარე გადასხმოდა. გული გადუქანდა და ნაზი, დაწმენდილი სახე ჯერ შეეფერფლა და შუბლზე მარგალიტისებრ წვრილი ცივი ოფლის წვეთები ამოასხდა, მერმე კი ალმურმა აუარა და ტანი მთლად გაუხურდა.

მაშინვე წამოდგა და ქოხის გვერდს მოეფარა, რომ პირის სახეს არ გამოექვეყნებინა იმისი საიდუმლოება. იმან კი ამოიხრა, როცა თიკო ბოძს მოეფარა და თავი ძირს ჩაჰკიდა.

— დათა, წავიდეთ და ჯერი წაიღე, თორემ დაგიგვიანდება, — უთხრა ამ ღროს იქვე მოფუსფუსე თიკოს დედამ და ქოხიდან გავიდა.

დათიამაც მაშინვე თოფი მხარილღივ გადაიგდო და აქეთ-იქით მიიხედ-მოიხედა.

— თიკო, მთვარის ამოსვლისას იქიდან გადმოგისტვენ, — ქოხიდან გამავალმა ოდნავ წასჩურჩულა, რაკი აქ სხვა არავინ იყო იმათ მეტი და თვალით კონცხზე აჩვენა.

ამ სიტყვებმა თიკო სულ ააკანკალა და ქოხის ბოძს რომ არ მიყრდნობოდა, გადიქცეოდა კიდევაც.

მოუთმენლად ელოდა თიკო დაღამებას. იმ დღეს სუყვე-
ლაფერს დაბნევიტ, არეულად აკეთებდა და ხშირად სულ
უნებურად სიამოვნებით გაელიმებოდა.

კალოს გადაშვების დროს იმისი დედაც დაბრუნდა და
სთქვა: დათია წავილა და, ვინ იცის. ვახშობამდის უწევს
იალალს თუ არაო.

— ფეხმარდი ბიჭია, როგორ არ უწევს! — უბასუხა ალექ-
სიმ ცოლს და არნადს ხელი წამოავლო.

ამის შემდეგ დათია აღარავის მოჰგონებია, გარდა თიკო-
სი, რომელსაც სულ თვალწინ ედგა და გონებიდან არ მოშო-
რებია. მალი-მალ მოესმოდა იმისი ხმა: „თიკო, მთვარის ამო-
სვლისას იქიდან გადმოგისტვენო“ და კანკალი აიტანდა...

დაღამდა. კალოზე ხმაურობა მისწყდა. ყველამ მიიძინა.
თითქოს მთვარესაც მისძინებია. რომ არ ამოდის და თიკოს
გამოსაჯავრებლად იგვიანებს...

— რა ვქნა, სხვა დროს კი აღრე ამოდიოდა, ეხლა რაღა
მოუვიდა?! — მხართედოზე წამოჯდომით უქმაყოფილოდ წა-
იბურტბურტა თიკომ და ჩაუინებით მიაცქერდა ქალი-აყვანა მთის
წვერის პირდაპირ ცას, რომლის მუქ ლურჯ ფერს და ზედ
მოკაშკაშე ვარსკვლავებს სიციაგე ეპარებოდათ.

რამდენადაც ცა ცრიაგდებოდა, იმდენად თიკო დვიოდა,
შვენდებოდა; იმის მაყვალა თვალებს ელვარება ემატებოდა,
ქუთუთოებს თრთოლა ეპარებოდა; მარწყვისფერი ტუჩები
კიდევ მძიმედ ვარდივით ეფურჩქნებოდა, თმაგაშლილი სწო-
რედ საოცნებო არსებას ემსგავსებოდა...

— ამოვიდა!. -- უნებურად აღტაცებით წამოიძახა თიკომ,
როდესაც მთის წვეროზე მთვარის სულ მცირედ ნაწილს თვალი
მოჰკრა, და მთლად სმენად გარდაიქცა.

კონცხიდან ოდნავი სტვენა მოისმა. თიკო სტვენის გაგო-
ნებაზე წამოვარდა და ნიავივით კონცხისკენ ძნის გვერდით
გასრიალდა. საჩქაროდ კონცხის მეორე მხარეს მოექცა, სადაც
გულის ფანქვალით დათია მოელოდა, და მისვლისთანავე
დათიას გახსნილ მკერდს მიესვენა; ლაფანივით მოიქნა, მოეშვა
და ისე მისუსტდა დათიას გულზე მისვენებული, რომ განძრე-

ვის თავი აღარა ქქონდა. დათია-კი თავის ძლიერ მკლავებს გარსა ხვევდა და ისე იკრავდა. გულში, თითქო თიკო სულში უნდა ჩაიძვრინოსო.

დათია დაეშო ძირს და ლოდზე ისე ჩამოჯდა, რომ თიკო კალთაში მოექცა. მოელვარე თვალებით დასცქეროდა თიკოს მიბნედილ, მილულულ სახეს და მღელვარება უსაკეცდებოდა, რადგანაც ეს მშვენიერება, ეს ნაზი არსება იმის მკლავებს შუაა და იმის მკერდზე იყო მისვენებული.

თუ ღღეს დათა უბედურად სთვლიდა თავის თავს, საშაგიეროდ, ახლა „მეფე ვარო“, გაიძახდა უსიტყვოდ და, ყენიც რომ წარმოუდგეს ეხლა წინ, იმასაც თავს არ მოუხრის.

ასე იყვნენ დიდხანს და იმით მყუდროებას არა არღვევდარა. მხოლოდ იქვე, მინგრეულ ბოგირს ქვევით, უჯარა ჩახრიალებდა და შეყვარებულთ ნანას ეუბნებოდა. ხანდისხან კიდევ ვენახების ბოლოში წნორისა და ფურცლის ტოტებზე წამწყარივებული ბელურები ერთმანეთს ალერსით ჩაუივყივებდნენ და ფრთების ფათურით ერთმანეთს ეკვროდნენ.

— მცივა!.. — კარგა ხნის შემდეგ მისუსტებული ხმით წამოიძახა თიკომ და თახთანმა აიტანა.

დათას კალთაში ქალი სულ ხტოდა და თრთოდა და ზედ ეკვროდა, რომ გამთბარიყო.

— რადა, გენაცვა, რა დაგემართა?! — მზრუნველობით ჰკითხა დათამ და ტყაპუჭის უბეები და კალთები გარს შემოახვია.

— არ ვიცი, რადა!.. ფეხებზედაც მომახვიე, — კანკალით უპასუხა თიკომ და ტყაპუჭის ქვეშ ორივე ხელი დათას გარს შემოარტყა.

— აჰა, გენაცვა! დაიცადე! ჰო, ეხლა კი დაგთბება. — ეუბნებოდა დათა და თან თიკოს კალთაში იჭუჭკავდა.

— კიდევა გცივა?

— აღარა, ეხლა კი გავთბი.

— ეინა ხართ! — შეშინებულის კილოთი ვილამაც დაიძახა ამ დროს ბოგირიდან და ფეხი წინ ველარ წარმოსდგა*. შეყვა-

* ხალხში თქმულებაა, ვითომ ამ ბოგირთან ალები ეჩვენებიანო.

რებულები ამ ხმაზე შეკრთნენ და ფეხზე წამოიჭრნენ. გაქცევა და დამალვა მოისურვეს, მაგრამ მუხლთ მოეჭრათ. ან კი საღლა წავიდოდნენ, როდესაც მოულოდნელი სტუმარი თავს ედგათ.

მთვარეს კარგა მალლა ამოეწივნა და კონცხი დღესავით გაეშუქებინა.

„დათიკო!.. დათა!.. დათა იალაღს წავიდა!.. მოჩვენებაა!.. ალებია!“ — კანკალით გაიფიქრა ალექსიმ და გაფითრებულმა პირჯვრის წერით უკან დაიწია. დათა და თიკო კი თავჩალუნულები იდგნენ და ძლივს-ლა სუნთქავდნენ, რადგანაც ალექსი იცნეს.

— დათა, თიკო, თქვენა ხართ?! — ძლივს წაიღულღულა ალექსიმ.

— ჩვენა ვართ!.. — უპასუხა მოკრძალებით დათამა და მძიმედ ქმინვა დაიწყო.

— თქვენა?! — ბრაზმორევით შეჰყვირა ალექსიმ და საჩქაროდ იმათ გვერდით გაჩნდა.

— შე გაგლეჯილის შვილო, შენა, ჩემ მოჯამაგირეს უნდა ეთრევირო, ჰა?! — თმაში ხელის წატაცებით დაუტია ალექსიმ და თიკო წინ წამოიბერტყა.

ქალი მუხლებზე დაეცა, როდესაც ალექსიმ თმით წამოიბერტყა, და ტირილით შეევედრა:

— მამავ!..

— ალექსი, ნუ სტანჯამ ე გოგოს!.. — გულნატკენობით მიმართა დათამ და ალექსის ხელი დაუჭირა.

— რაო?! აი, შე... — ბრაზისაგან გული ყელში მოეზინა და სიტყვა გააწყვეტინა. სიტყვის მაგივრად ალექსიმ ისე წამოჰკრა გულის ფიცარში, რომ დათა დაბარბაცდა და კინალამ გადიქცა.

— მაშ ეგრე, ალექსი?! — უკვე გაჯავრებულმა დათამ წამოიძახა, მსწრაფლ ხანჯალი ამოიღო და წინ უყელა ალექსის, რომელიც თიკოს გზისკენ მიათრევდა.

— აი, შე წუნკალავ!... — დაიდრიალა ალექსიმ, დათა რომ ხანჯალ-ამოღებული წინ დაინახა და თიკოს თავი ანება. — ჩემი ხანჯალი შენ ხანჯალზე ნაკლებ არ გასჭრის, წუნკალავ! — შეუტია ალექსიმ და ხანჯალი გაიძრო.

— ვაი!.. — სასოწარკვეთილებით ისე შეჰკივლა თიკომ, როცა ხანჯლებ-ამოწვდილებს შეხედა, რომ მთამ, ველმა, ვენახებმა აიტაცეს ეს სასოწარკვეთილებითი „ვაი“ და შორს, შორს გააქანეს.

უეცარმა შეკვივლებამ კალოზე ძაღლები დააფეთიანა და ააყეფა. ქოხებში კიდევ მიძინებული გლეხები ღრმა ძილიდან გამოაღვიძა და პირჯვარი გადააწერინა. გონს ვერ მოსულიყვნენ, თუ რამ შეაფრთხო ისინი...

დაკვივლებასთან ერთად თიკო აფთარივით იმათ შუა გაჩნდა, ხელები გაშალა და უგრძნობლად ძირს დაეშვა...

ერთმანეთის პატივის-მცემლები და შემთხვევით მოსისხლემეტრებად გარდაქცეულები ახლა სულ სხვა გრძნობამ და აზრმა შეიპყრო. ორსავე მკლავები მოუღუნდა და ხანჯლები ხელიდან გავარდა.

ორსავე ერთი-ლა ახსოვდა: როგორმე თიკო მოებრუნებინათ.

„ალექსი!.. დათი!..“ — ხან ერთი დაუძახებდა, ხან მეორე და ერთმანეთს არ აცლიდნენ ქუდებით წყლის მოტანას.

გადაფითრებული თიკო მიწაზე იყო გადასვენებული, და იმის ტუჩებს ოდნავ სიწითლე თანდათან ეპარებოდა. აგერ ლოყებსაც სიწითლემ წამოჰკრა და თვალის ქუთუთოები შეერხა. ცოტა ხანიც და — თვალებზეც გაახილა.

— მამავ!.. — მისუსტებული ხმით შესძახა, გვერდით მდგომი მამა რომ დაინახა; და გაფითრებული ხელი ძლივს შუბლზე გადისო.

— აქა ვარ, შვილო, ნუ გეშინიან!.. — უპასუხა ალექსიმ და თითონაც ალერსით თმას სწორება დაუწყო.

მოაგონდა უეცრად ხანჯალ-ამოღებული დათა და ტანში შიშის ჟრუანტელმა დაუბრინა.

— „ის?!“ — შუბლშეკმუხვნით დაეკითხა მამას და საჩქაროდ წამოჯდა.

— ისიც აქ არის!

— თიკო!.. — სიხარულით წამოიძახა დათიამ, როდესაც

* ხალხში თქმულებაა, ვითომ ამ ბოგირთან ალები ეჩვენებიათ.

წყლის ნაპირიდან სავსე ქუდით გამობრუნდა და წამოძვარა თიკოს თვალი მოჰკრა და სავსე ქუდი მოაპირქვევა.

— დათა!.. — არა ნაკლებ სიხარულით წამოიძახა თიკომ და იმისკენ მომრბენ დათიას მკლავები გაუწოდა.

— გენაცვა ხომ კარგადა ხარ?! — ქაქანით დაეკითხა დათია და გვერდზე მოჯდომით ხელები გადაჰხვია.

— კარგად, ჩემო დათო, კარგად!.. — უპასუხა თიკომ და დათიას გულს მიესვენა.

ალექსი კი დაფიქრებული შესცქეროდა შეყვარებულთა ალერსს და ღმერთს მადლობას სწირავდა, რომ თიკო ასე ადვილად გადაარჩა ხიფათს...

„მერე რილათი იცხვროს?!“

(სურათი სოფლის ცხოვრებისა)

I

— რას მობარებდი, კნიაზო? — დაეკითხა რეზიკოს იმისი თვალეზხასისხლიანებული მოურავი, რომელიც დაურიდებლად შემოვიდა ოთახში და მოალერსე ახალგაზრდა ცოლქმარს თავს წაადგა.

რეზიკო ამ ხმაზე მაშინვე წამოდგა და ცოლის ალერსით გამოწვეული ღიმილით მიუახლოვდა მოურავს.

— ზალიკო, — მხრებზე ორივე ხელის ალერსიანად დარტყმით მიმართა: — თელავს მინდა წასვლა და...

— კარგი, კნიაზო!

— მეც ვფიქრობ წამოსვლასა! — ნაზად წამოიძახა ტახტზე წამოწოლილმა რეზიკოს ცოლმა და მუთაქა გაისწორა.

— რასაკვირველია, ჩემო სულიკო!.. — უპასუხა რეზიკომ თავის სულიკოს და მერე ისევ ზალიკოს მიმართა: — აბა, ეცადე, ჩემო ზალიკო, და, რაც შეიძლო... ბლომად; აი, ვარიჩკაც აპირობს წამოსვლას.

— ეგ ჩემ კისერზე იყოს, კნიაზო, შენ ფიქრი ნუ გაქვს!.. — უპასუხა ზალიკომ იმ კილოთი, რომ ბლომად იქნებოდა და დინჯად გავიდა გარედ.

— რა კარგი რამ არის!.. — ღმობიერად უთხრა ვარიჩკამ რეზიკოს. როდესაც ყელზე ხელის გადახვევებით გვერდით მოუჯდა.

— შესანიშნავი კაცია!.. — იმავე კილოთი უპასუხა რეზიკომ და უღვაშებზე ხელის გადასმით ვარიჩკას მარწყვისფერ ტუჩებს დაეტანა. — იცი, ვარიჩკა, — წამოიძახა ცოტა ხნის მერე: — ბედნიერებაა, როცა მოურავი ასეთი მიხვედრილია

და ყოჩადი. მე ზალიკო რომ არ მყვანდეს, სულ თავგზას დავ-
კარგავდი.

— ჩვენც ეგრეთი ყოჩადი მოურავი გვყავდა...

— მართლა, ვარიჩკა, შენ ხომ არ გინახავს, როგორ აძ-
ლევს განკარგულებას. წავიდეთ ვნახოთ! — სიტყვა გააწყვე-
ტინა და მორკალებული მკლავი გაუწოდა. ვარიჩკამ თავისი
მკლავი გაუყარა და ასე აივანზე გავიდნენ.

სიძველისაგან დაფუტუროვებულ აივანზე აყრილმა ფიც-
რებმა იმათ ფეხქვეშ გულსაკლავი ჭრაჭუნნი მორთეს. თით-
ქოს ეუბნებოდნენ: „ღმერთი არ გაქვთ, სიძველით მაინც შე-
გვიბრალეთ და გაგვანთავისუფლეთ ამ განსაცდელისაგანო“. მაგრამ რეზიკო და ვარიჩკა ყურს არ უგდებდნენ აივნის ამ
სამართლიან საჩივარს და შეუბრალებლად გაიარეს აივანი
დასავლეთისკენ, საიდანაც ზალიკოს ხმა მოისმოდა, მიეყრდ-
ნენ მოაჯირს, რომელმაც ერთი „ვაი“ შეჰკივლა და საჩქაროდ
ისევ მიჩუმდა, თითქოს პირდაპირ გულში ლახვარი დაჰკრეს
და სიცოცხლე სწრაფად მოუსპესო.

— გიო, — ეუბნებოდა ამ დროს ზალიკო დაგლეჯილ ჩო-
ხაში გახვეულ გლახს, რომელიც სულ ერთი თვე იყო, რაც
მოჯამაგირედ დაიყენეს: — წადი ეხლავე და ჭალია და გელა
შეიარალებულები აქ მომიყვანე. უთხარი: „იალალს მივდივარ-
თქო“. იმათ რომ დაუძახებ, შენ და პოლესოვჩიკი წახვალთ
და ნამკალშიაც რომ მოასწროთ საქონელს, დაუშინეთ კეტები
და აქ მომირეკეთ. გეყურება თუ არა?

უკანასკნელი სიტყვები მკაცრად წამოიძახა და ცალი თვა-
ლით გვერდზე, აივნისაკენ თავმომწონედ შეიხედა.

— მეყურება, შენი ჭირიმე!... — უპასუხა გიომ და ძუნ-
ძულით ჭიშკრისკენ წავიდა.

— ჰო, საუცხოვო რამ არის!.. — ამის მეტი ვერა სთქვა-რა
ვარიჩკამ, როდესაც ზალიკო ძირს სახლში შევიდა ბრძანების
გაცემის შემდეგ და ქმარი იქით გაითრია.

— ეს კიდევ არაფერი!.. შენ უნდა ნახო, ხანდახან რანაირ
ბრძანებას გასცემს ხოლმე! — უპასუხა რეზიკომ და ცოლთან
მკლავ-გაყრილმა აივანზე სეირნობა დაიწყო.

დიღხანს, დიღხანს დადიოდნენ გაჩუმებულები და ყურს

უგდებდნენ იმათ ფეხქვეშ მოჭრაჭუნე ფიცრების ტირილს. სოფელიც გაჩუმებულიყო და ხმა არსაიდან მოისმოდა. გლენობა სოფლის კარგად მოშორებით კალოებზე გასულიყო და სხვა კი ვინ იმოდრავებდა. მარტო ხანდასხან დიდ ეზოს რომელსამე კუთხეში შეიბერტყებოდა ქათამი და თავის გასართობად სიმღერით კაკანს მოჰყვებოდა. ვარიჩაკ პირმოკუმული ხმას შეუწყობდა ქათმის კაკანს, და თუ რეზიკოც ხანდასხან ამასვე არ ნებულობდა, თავისებური დუეტი გამოდიოდა...

— ღმერთო ჩემო, რა მომეწყინა! — წამოიძახა ვარიჩაკმ, როდესაც ქათამმა შესწყვიტა კაკანი, რომ იმასაც ხმა ისევ შეეწყო და თავი გაერთო.

ვარიჩაკ შესდგა და პირდაპირ მწვერვალს შეჰხედა, რომლისათვისაც ზევიდან მზეს სხივები დაეშო და როგორც სვეტებზე, დანდობოდა ზედ.

— შეხედე, რა სანახავია!.. — წამოიძახა ვარიჩაკმ და რეზიკოს გვერდში ხელი შემოჰკრა, რომ იმისი ყურადღებაც მიექცია ამ სურათისათვის.

— ჰო, ლამაზი სანახავია!.. — შეუხედავად წამოიძახა რეზიკომ და აიენის ბოძების გვერდით რამდენსამე ხე-ყვავილს დაუწყო უაზროდ მხერა.

— ეს კატუშა მაინც მოვიდეს, თორემ ძლიერ მომწყინდა, — ისევ ვარიჩაკმ დაარღვია სიჩუმე და რეზიკო გაითრია.

— გუშინ აკი იყო.

— რა ვქნათ, რომ გუშინ იყო? როცა თელავში ერთად ვსწავლობდით. სულ იმას მეუბნებოდა, თუ რეზიკოს შეირთავ, მუდამ თქვენთან ვიქნები ხოლმეო, ისე გვიყვარდა ერთმანეთი.

— იმას ეხლაც უყვარხარ?

— მე კი მიყვარს და ის რომ აღარ დადის ჩვენსას? ახლა ჩვენ უნდა წავიდეთ იმასთან ვიზიტით. მართლა, მოდი ეხლავ წავიდეთ.

— წავიდეთ! — გადაწყვეტით უთხრა რეზიკომ და ორნივე სადარბაზო ტანისამოსის ჩასაცმელად შევიდნენ ოთახში.

სულ არ გასულა რამდენიმე წუთი იმათ შესვლის შემდეგ, რომ ჰიშკარი გაჭრიალდა და სამი ევროპულად ჩაცმული

ქალი შემოვიდა ეზოში, იმათ შემოჰყვა ორი ხმალ-ხანჯლით შეიარაღებული ახალგაზრდა ყმაწვილი.

ვარიჩკამ ჭიშკრის გაჭრიალებზე ქვედა ტანისამოსით გარეთ გაიხედა და, სტუმრები რომ დაინახა, რეზიკოს დაუძახა:

— რეზიკო, გახედე, სტუმრები მოდიან!

— ეხლავ! — უპასუხა რეზიკომ და გარეთ გამოვიდა.

ვარიჩკა კი მაშინვე დაიმალა და აჩქარებით ტანისამოსის ჩაცმა დაიწყო.

— გთხოვთ მობრძანდეთ! — აივნიდანვე გადასძახა რეზიკომ და კიბეებზე საჩქაროდ ჩაირბინა.

— ეს არის ეხლა ჩვენ თქვენსა ვაპირებდით წამოსვლას, — უთხრა რეზიკომ კატუშას, როდესაც სხვებს ხელი ჩამოართვა და მერე დაუმატა:

— ჩემი ვარიჩკა ძალიან მოწყენილია და გვინდოდა პატარახანს გაგვევლო.

— მანდ რასა დგებართ? რატომ აივანზე არ მობრძანდებით? — კაბის დუგმების შეეკვრით გადმოსძახა ვარიჩკამ აივნიდან, რაკი დაინახა, რომ რეზიკომ სტუმრები შეაყენა და ადგილიდან აღარ იძროდნენ.

— ეხლავე, ეხლავე!.. როგორა ბრძანდებით, ვარვარა მიხაილოვნა? — თითქმის ერთხმად შესძახეს ყმაწვილებმა და გზა მისცეს ქალებს.

— როგორ არა გცხვენიათ, კნიაზო ილიკო, რომ ეგრე დაგვივიწყეთ! — საყვედურის კილოთი უთხრა ვარიჩკამ, როდესაც ყველანი ალაგდნენ აივანზე და ფიცრები ააჩხავლეს.

— რა ვქნათ, ვარვარა მიხაილოვნა...

— წარმოიდგინე, ვარიჩკა, ილიკო აღარსად დადის! — გააწყვეტინა კატუშამ ილიკოს სიტყვა.

— რა ამბავია?

— საქმეები აქვს ბევრი.

— საქმეები კი არა და, აბა, რა საქმეები ექნება შეყვარებულთა და კრუხივით სკოლ შინა ზის და გულის ვარდზე ფიქრობს! ვერ ატყობთ რანაირი დაფიქრებული სახე აქვს? — ჩაირია ისევ კატუშა ლაპარაკში და ილიკოს სიტყვა კიდევ ჩამოართვა.

— ნუ თუ მართლა! ვინ უყვარს განა?

— არ ვიცი, არ ამბობს! — ხელების გაფათურებით წამოიძახა კატუშამ და თავისი მოკუეუენე თვალები ილიკოს მათკარო. სხვებმაც შეხედეს ილიკოს და უსიტყვოდ თვალებით ეკითხებოდნენ: ვინ გიყვარსო?

ილიკო მიხვდა იმათი თვალების მეტყველების აზრს და პასუხი არ დაუგვიანა.

— ვინ უნდა მიყვარდეს კატუშას მეტი? — სიცილით წამოიძახა ილიკომ და ხელი კატუშასკენ მიიღო.

— ხა, ხა, ხა!.. აი, ეგ მოგეწონა!.. — გაღიხარხარეს ყველამ და კატუშას შეხედეს.

კატუშა კი გაწითლდა და სიცილითვე წამოიძახა:

— როგორ არა გცხვენიათ; კნიაზო, რომ დამცინით!..

— მე არა ვხუმრობ, — დაიწყო ისევ ილიკომ, როცა ქალებმა სიცილი შესწყვიტეს: — დრო არა მაქვს, რომ წავიდე სადმე; ან სულ ტყეში ვარ, ან იალაღებზე, ლამის გავგაჟდე, არ ვიცი, რა უნდა ვუყო ამ წყეულ გლეხკაცებს. ვერ წარმოიდგენთ, რა ავაზაკები არიან, თავხედები. მზად არიან გაგყვლიფონ და გაგგლიჯონ. წარმოიდგინეთ, ტყე სულ გაჩეხეს...

— მართალს ამბობ, მეც მაგ ყოფაში ჩამაგდეს! — კვერი დაუკრა რეზიკომ და ამის შემდეგ, ვინ იცის, რა სიმურტლე და სისაძაგლე არ მიაწერეს გლეხებს.

— უნდა სულები ამოვხუთოთ, — გადასწყვიტეს ბოლოს ერთად. დასასრულ დაასკვნეს, რომ „მამულ-დედულის მოვლა“, თუ კი რამ „მამულ-დედული აქვთ“ და ან კიდევ იმისი ჯავრი აწუხებთ „სრულიად შეუძლებელია ამ დაწყვეტილ გლეხების გამო“.

იმათ ლაპარაკში მზეც მოეთარა მწვერვალს, თითქოს მოსწყინდა იმათი მზერა და ყარყატის ყურის გდებოა და ცის სივრცეში აქა-იქ გაფანტული ღრუბლები იმათ მაგივრად სირცხვილის ნიშნად გააწითლა. საღამოს ნიაემაც დაჰბერა და ლაპარაკით გაცხარებულები და აღელვებულები გააგრილა.

ამ დროს შეიარაღებული ჭაღია და გელა შემოვიდნენ ეზოში და აივანზე მობაასეთ ქულების მოხდით მიესალმნენ.

— კარგია მოხვედით!.. — აიენის ქვეშიდან გამოსძახა ზალიკომ ახლადმოსულებს და თითონაც შეიარაღებული იმათ გვერდში ამოუდგა.

— საით მიემართებიან, კნიაზო? — დაეკითხნენ სტუმრები, როდესაც თვალი შეასწრეს შეიარაღებულებს.

— იალალზე.

II

სოფლის განაპირებით, ზედ ხევის პირას, დიდი დაცემული მოედანია, სადაც გლეხობა მოიყრის ხოლმე თავს და ამ მოედანზე განმარტობით მდგარ დიდ დაბურულ ჭანდრის ქვეშ ყაყანობს თავის გაჭირებისა და დალხინების შესახებ. ვინ იცის, ეს ჭანდარი რამდენი ყრილობის მოწამეა! ვინ იცის, რამდენჯერ მიუშურებიათ მის ტოტებ ქვეშ, რომ ეთათბირათ იმის შესახებ, თუ როგორ დაეცვათ სოფელი განსაცდელისაგან, რაც ხშირად ეწვეოდათ ხოლმე უწინ. ახლაც კიდევ, ვინ იცის, რამდენი გლეხის გულის სიღრმიდან ამონახეთქი კვნესა შესმენია ამ ჭანდარს, რამდენი ტანჯული უნახავს...

აი სწორეთ ამ ჭანდრის ქვეშ მეორე დღეს ზალიკო. ჭალია და გელა ისხდნენ და წინ მოედანზე კი ორმოცამდის ჩამწყრივებული ფურმოზერობა სიცხის გულზე ეყარნენ და მოლუშილად კუდსა და თავს ფშუილით იქნევდნენ ბუზების მოსაგერიებლად.

— არა, ი თოფებს რომ გვესროდით, მითომ შაგვაშინებდით და საქონელს იქვე დაგვაყრევინებდით?! — ნიშნის მოგებით უთხრა ზალიკომ გუდიან მწყემსს, რომელიც ის-ის იყო რამდენისამე გლეხით მოვიდა და ჭანდრის ქვეშ ზალიკოს წინ ქუდმოხდილი დადგა.

— მაშ, არ მესროლა, რომ თულებივით დამტაცეთ საქონელი?!

— რას მიედ-მოედები, როგორ თუ თულებივით? — შეუტია ზალიკომ და ზეზე წამოდგა.

— თულებივით თუ არა, მა, რა იყო? ჩვენს საქონელს თქვენ იალალზე რა უნდოდა! თქვენი იალალი რომ გვდომოდა, მაშინ სოსიკოს კი აღარ მივცემდით საბალახეს.

— კიდევ მაგაშია საქმე, რომ საბალახეს სოსიკოს აძლევთ და ჩვენ იალალზე კი დაგიდით.

— სოსიკოსი ვერ დაგვიტევს, რო თქვენსაზე არ ვატაროთ? ან თქვენი მობალახე მწყემსები რად გადაგვიშვებენ.

— ღმერთმა ნუ იცის თქვენი თავი და ტანი, რა ვიცი, რად გადაგიშვებენ?! თქვენ აი ესა ხართ, აი! — ორივე მაჩვენებელი თითი ერთმანეთს მიატოლა ზალიკომ და მერე ისევ განაგრძო: — განა ძალდი ძალდის ხორცს შესჭამს? თქვენ ბატონს რას დაინდობთ!.. თუ ერთმანეთში პირობა არა გაქვთ, მაშ, რად გადუშვით ჩვენი მობალახე მწყემსები სოსიკოსაში, რომ იმ დღეს იმან მაასწრო და ოცამდე სული საქონელი აქ ჩამოლალა?

— იმანაც ისე მაასწრო, როგორც შენ ჩვენსას მოასწარი. მე ჩემი თვალთ დავინახე, რო სოსიკოს მოურავი გადმოვიდა თქვენს იალალზე და იქიდან გადმოლალა საქონელი.

— ე მაგეების ლაპარაკს, გირჩევიან დაეხსნა, თორემ ხომ იცი ჩემი ამბავი, ეხლავე ყელებს დავჭრი ე საქონელს და ძალებს გადვუყრი! — ბრაზმორევით შეუტია ზალიკომ და რამდენჯერმე გაიარ-გამოიარა.

— სუ, ბიჭო, ნუ იცი ხოლმე ატორღიალება! თუ დაპარვა არ გინდოდა — ფხიზლად იქნებოდით!.. — მუჯღუგუნის წაკვრით ურჩიეს საქონლის პატრონმა გლეხებმა.

— რას ამბობ, კაცო, ერთი პირი ძილი წყალსაც მოუვა ხოლმე და ჩვენ ხომ ადამიანიშვილები ვართ! ვაი მაგათ დედღმერთსა, რო დროით გადაგვასწრეს, თორემ ჩვენ ვუჩვენებდით სეირს!

— რაო? — შესკვივლა ზალიკომ და მწყემსისკენ გაიწია.

— კარგი, შენი ქირიმე, ზალიკო, ამის ყბედობას რა ყურს უგდებ, პატრონები ჩვენა ვართ.

მწყემსი მართალს ამბობდა. იმ ღამეს ზალიკო, ჭაღია და გელა მუცლით ჩაცურდნენ მწვერვალიდან, რომელიც რეზიკოს და სოსიკოს იალალებს ჰყოფს და, რაც კი ბინიდან კარგა მოშორებით საქონელი ეყარა, სულ ერთიანად დაირეკეს იმ დროს, როდესაც მწყემსები ოდნავ მბუჭუტავ ცეცხლს ფარაჩებში გახვეულები გარს შემოსწოლოდნენ და ხვრინავდნენ.

ძალეებიც იქვე მორკალებულიყვნენ და მაშინ გაიგეს, რო-
დესაც ზალიკოს ნახევარი საქონელი მიჯნას გადაცილებული
ჰყავდა. ისინი გაცოფებულები ყეფით დაედევნენ; მათ ყე-
ფაზე მწყემსები წამოცვივდნენ და მაშინვე თოფები დაახალეს,
მაგრამ გვიანლა იყო. ზალიკომ გადაასწრო და თოფის სრო-
ლითვე გასცა პასუხი.

— პატრონები ხართ და, მაშ, რატომ არ იხსნით? — უკან
დაწევით წამოიღრიალა ზალიკომ, როცა გლეხები წინ ჩაუდ-
გნენ და ხვეწნა დაუწყეს.

— დახსნით კი დავიხსნით, მაგრამ რო არ ვიცით, რამ-
დენსა გვთხოვ?

— რამდენსა გთხოვთ რა, არ იცით, სულზე რა არის?
იანგარიშეთ სულზე მანეთ-ნახევარი და გაიგებთ, რასაცა
გთხოვთ. აქ ორმოცი სულია. — ცოტა მორბილებულის კი-
ლოთი უთხრა ზალიკომ და ქვაზე ჩამოჯდა.

— მანეთ-ნახევარი რო ვიანგარიშოთ, ვინ იცის, რამდენი
შედგება! — უპასუხეს დაღონებულმა პატრონებმა.

— რაღა რამდენი შეადგება: ორმოცი მანეთი, ოთხი თუმა-
ნი, და ორმოცი ნახევარ მანეთიც... ორ თუმანს შაადგენს,
ექვსი თუმანი გადმომითვალეთ და თქვენი საქონელი წაას-
ხით.

— არა, შენი ჰირიმიე, ზალიკო, ექვსი ძალიან ბევრია, აბა,
ეხლა ექვს თუმანს ვინ მოგვცემს?..

— არავინ მოგვცემთ და ეგრე იყავით! სანამ არ გადმომითვ-
ლით, აქ ე თქვენ საქონელს რო სულეებიც დასცვივდეთ, ერთ-
საც არ მოგვცემთ.

— სულზე მანეთი იქმარე და ის ათ-ათი შაური გვაპა-
ტიე. — ერთმანეთში მოლაპარაკების შემდეგ სთხოვეს გლე-
ხებმა.

— რას ამბობ, ეე, რეზიკომ რო ენგრე ათ-ათი შაური აპა-
ტიოს, მერე რითლა იცხოვროს?! — გადაწყვეტილით წამოიძახა
ზალიკომ და ფეხზე წამოდგომით ხელი გაუწოდა მღვდელს,
რომელიც ჰანდრის ქვეშ მოვიდა და იქ მყოფთ მიესალმა.

და-ძმა

(მოთხრობა)

I

— მერე, სოლო, მერე? — უთხრა ერთმა ახალგაზრდამ სოლოს, როცა ის ისევ ბუხარს მოუჯდა.

— რა სულძალდი რამა ყოფილა ი ტერტერა! — განაგრძო ისევ მან.

— ტერტერას უქნია თინები, მაგრამ არც ქოსას დაუკლია. — წამოიძახა ახლა მეორემ.

— დაიცადეთ, ჰო!.. — უკმაყოფილოდ უთხრა იმ ორს მესამემ და შემდეგ სულოს მიუბრუნდა:

— მერე, ბიჭებო და... — დაიწყო სოლომ. მაგრამ ამ დროს ბოსლის კარები გაჭრიალდა და ყურამდინ გაიღო. უეცრივ ცივმა და სუსხიანმა ქარმა შემოჰქროლა, რის გამოც საქონელმა უკმაყოფილოდ ფშვინვა დაიწყო. ყველამ კარებისკენ მიიხედეს და დაინახეს ქიტუა, რომელსაც ბზით საცხე გოდორი მოჰქონდა.

— უჰ, რა ღვთის რისხვა ღამეა! — შემოსვლისთანავე წამოიძახა ქიტუამ და კარები საჩქაროდ მიარახუნა.

— აქნობამდინ სადა ხარ, კაცო! — უთხრა ერთმა ბუხრის გვერდით მჯდომთაგანმა: — ჩვენმა საქონელმა კიდევაც მოჭამა და შენ კი ეხლა მოგაქვს ბზე?!.

— ოჯახი რომ დაექცეს ჩვენ ყვლეფიაშვილს, იქა ვარ აი! — წამოიძახა ქიტუამ და შემდეგ ისევ განაგრძო: — შე ავო და შავო, ვისაც არ ესმის, იმისთანა დუხჭირობა-ლა იქნება, რასაც ის მიშვრება!.. კაცო, აი რაღაც ხარჯის ფულისთვის გამოვართვი ერთი ათი შაური და მას აქედ აღარ მისვენებს.

მალმალ იმას მეტყვის: „წამო, ი ათ შაურში მიშველო“. რით ვერ გადავიხადე ი ოხერი! კაცმა რომ იანგარიშოს, ერთი ათი დღე მაინც არ მექნება იმ ფულში ნამუშევარი! ლამის არის, კაცო, ყმათ გამიხადოს!...

— აბა, მოდი და სხვა გაამტყუნე, როცა ჩვენი მეზობელი, ჩვენი სისხლი და ხორცი მაგრე გვიშვება!.. — თავის ქნევით წამოიძახა სოლომ.

— ეე, შვილოსა, როცა კაცი ღმერთს გადაუდგება, მაშინ სისხლი და ხორცი ფეხებზე ჰკიდია! — სთქვა ქიტუამ ნალვლიანად და ბოსლის თავისკენ გასწია, სადაც იმისი უღელი ხარი და ერთი ძროხა თავის კვებულა საფურე ხოთი ებნენ.

— სანდრო, ხომ არ ამოგიბაგავს? — დაეკითხა ქიტუა, როცა თავის საქონელს მიატანა.

— არა, — უპასუხა სანდრომ.

ქიტუამ „არა“ რომ გაიგო, მოიხსნა გოდორი და ამობაგვა დაიწყო. როცა ის ბაგას ასუფთავებდა, იმისი საქონელი შეკბზუოდა და ხელებში ეტანებოდა. ისიც ალერსიანად ეუბნებოდა: „მოიცათ, ეხლავ დაგიყრით“!

— შენც მოგშივდა, ჩემო დეკნიკო? — ალერსიანად ჩაეკითხა ქიტუა თავის ხოსს, როცა იმან შებზუვლა და იმის ხელებს ლოკვა დაუწყო.

— ეხლავ, ეხლავ, ჩემო კარგო! — უთხრა ქიტუამ და ბზით სავსე გოდორი ბაგაში ჩაყარა, რის შემდეგ იმისმა საქონელმა მადიანად და ფშმულით ბზეს ჭამა დაუწყო.

ქიტუას მისვლამ და იმისმა ჩივილმა ახალგაზრდებს ზღაპრის თქმა შეაწყვეტინა და დაანალვლიანა, მაგრამ ასეთმა მდგომარეობამ დიდხანს არ გასტანა.

როცა ქიტუა თავის საქონლისკენ ბზის დასაყრელად წავიდა, სოლომ ისევ განაგრძო ტერტერაზე ზღაპარი და თავისი მარილიანი ლაპარაკით ჩქარა ყველანი გაამხიარულა. ტერტერასა და ქოსას ოინებით ისინი გულიანად ხარხარებდნენ. ზღაპარს ისე გულმოდგინედ უგდებდნენ ყურს და ისე იყვნენ გატაცებულნი, რომ ქიტუას ბუხართან მისვლა ვერც კი შეამჩნიეს. ქიტუა ცეცხლის ახლო გოდორზე ჩამოჯდა და წვიმისაგან ჩაქანჭახებული შარვლის ტოტები და ჩოხის კალთები

გასაშრობად მიუშვირა, რომელთაც საჩქაროდ სქელი ორთქ-
ლი ავარდა და იმის ჩამომხმარ სახეს ნისლივით გარს მოეხვია.
სწორედ რომ ვთქვათ, არც ქიტუას ესმოდა იმათი ხარხარი
და სოლოს მარილიანი ლაპარაკი. გაშტერებული იჭდა და
ცეცხლისთვის მიეპყრა თავისი მსხვილი და სიგამზდრისაგან
მორღვეული, გამომეტყველი თვალები.

რას ფიქრობდა ამ დროს ქიტუა, — ამაზე ძნელია კაცმა
წამდვილი რამე სთქვას. მარტო ის შეიძლება ითქვას, რაც იმას
სახეზე ეტყობოდა. იმის სახე კი მხოლოდ მწუხარებას გვიხა-
ტავდა, ეტყობოდა რომ ეს კაცი ძლიერ იტანჯებოდა, რაღაც
ბრძოლა იყო მასში...

მართლაც, იმისი სახე უეცრივ იცვლიდა ხოლმე ფერს, შა-
ვად ელანძებოდა და ამ დროს ძარღვები ისე ეტენებოდნენ,
რომ გასკდომას ლამობდნენ, წარბები უზომოდ მალა ეწე-
ოდა, კბილები კი ერთმანეთს ეკვროდნენ და ღრქიალი გაჰ-
ქონდათ. ქიტუა ამ დროს საშიშარ სურათს წარმოადგენდა.
თითქოს თვითონაც ეშინოდა თავის თავისა, რომ ის ამ დროს
მთელის ტანით ირყეოდა და თითებს, რაც ძალი და ღონე
ჰქონდა, იმტერევედა. მაგრამ ამისთანა მდგომარეობა დიდხანს
არ გასტანდა ხოლმე. ქიტუას სახე ისევ ჩქარა შეეცვლებოდა.
უეცრივ შორდებოდა შავი ალმური, სახის ძარღვები იცვლე-
ბოდა და შუბლზე წვრილს და ცივ ოფლს დააყრიდა. ამას
შემდეგ ქიტუას შესაბრალისი, დამცირებული, მონური სახე
უხდებოდა. მგრძნობიარე გულის მექონე კაცს რომ ამ დროს
შეეხედნა ქიტუასთვის, უეჭველად სიბრაულისაგან ცრემლს
ცრემლზე დააფრქვევდა.

ასე იცვლებოდა ქიტუას სახე და ერთ უკიდურესი მდგო-
მარეობიდან მეორეში ვარდებოდა. ამნაირ მდგომარეობაში
იყო ქიტუა იმ დროს. როდესაც ახალგაზრდანი მხიარულდებო-
დნენ და იმის მდგომარეობას ვერ ამჩნევდნენ. არცერთს მათ-
განს, არც ერთხელ, ამოდენა ხნის განმავლობაში, არ შეუ-
ხედნია ქიტუასთვის.

გაათავა სოლუამ ზღაპრის თქმა და ამ გათავებას უეცარი
ხმამალა გადახარხარება მოჰყვა.

— აი, ცხონდეს ქოსას დედმამის სული!.. — თითქმის ყველამ ერთხმად წამოიძახეს ხარხარის დროს.

ამ დროს ბოსლის თავიდან მოისმა რქების დატაკება და ბრაზხუნი, რის გამოც საქონელი შეტოკდა და ფეხებით ზღავზე მძიმედ აბრაზუნდა.

— ხიი, ეი! გაგავერნებ, თუ მანდ მოვედი! — გასძახა სანდრომ ხარხარის დროს.

ამის შემდეგ საქონელი გაყუჩდა და ჭამას მიჰყო პირი. ზოგი კიდევაც დაეყარა და იცოხნებოდა; მხოლოდ, რომლებსაც ჭერ ბზე არ მოეჭამათ, ისინი-ღა იდგნენ ბაგაში თავებწაყოფილნი.

— კაცო, შენ რაღას გატვრინებულხარ და ხმას აღარ იღებ?! — წასძახა ქიტუას სოლომ, როცა თვალი მოჰკრა.

— შენ გეუბნები, კაცო! — განუშეორა სოლომ და ხელი წაჰკრა ქიტუას, რადგანაც იმან პირველ კითხვაზე ხმა არ გასცა და ისევ ისე გატვრენილი იყო.

— ჰა!... რა გინდა? — მოიხედა ქიტუამ და თვალების ცეცება დაიწყო.

— რა უნდა მინდოდეს, რატო ეგრე გაშტერებულხარ?

— მე?!...

— ქიტო, მოდი და ახლა ზღაპარი შენ გვითხარი! — უთხრა სანდრომ, რომელმაც ახლა-ღა მიაქცია ყურადღება.

— ეჰ, შვილოსა, რაღა დროს ჩემი ზღაპრის თქმაა, კაცი დავებრდი, — ნალვლიანად უპასუხა ქიტუამ: — მეც თქვენსავით უნდა გული უდარდელი მქონდეს, რომ ზღაპრები ვთქვა. — განაგრძო ისევ იმან.

ახალგაზრდებმა ამაზე აღარა უპასუხეს-რა; თითქოს იმათ იცოდნენ, რომ ქიტუას მართლა გული უდარდელი არა ჰქონდა...

— სოლო, — წამოიძახა ქიტუამ პატარა ხნის სიჩუმის შემდეგ: — შენი ჭირიმე, თვალყური გეჭიროს ჩემ საქონელზე, მე შინ მინდა წავიდე, გული რაღაცას მეთანადრება.

— რაღა, კაცო, რა დაგემართა? — დაეკითხა სოლო.

— აბა, რა ვიცი, მე მგონია, ის ოჯახდასაქცევი ი ბალღებს ამაღამ არ აცოცხლებს.

— ვინ არ აცოცხლებს? — ჰკითხა ისევ სოლომ.

— ვინა-და, ჩემი დედა-კაცი!

— ჰო, მართლა, ეეეეი, შენი ჭირიმე, ღმერთო, რა უდიერი რამა ყოფილა! — წამოიძახა სოლომ. — იმ დღეს ჩემი თვალით რომ არ მენახა, — განაგრძო სოლომ, — არ დავიჯერებდი. კაცო, იმ დღეს შენთან თავთუღლის სათხოვნელად მოვედი. დერეფანში რომ შემოვედი, ბალები ტირილი მომესმა. მივიხედ-მოვიხედე და, არ დაიჯერებ, რა დავინახე: ი საცოდავები გოდორ ქვეშ იყვნენ გამომწყვდეულნი და წინ ბოზალუყით სავსე გეჯა ედგათ. მე მაშინვე...

— ვაიმე, შვილებო!.. — წამოიძახა ქიტუამ.

— განა სხვას არა ჰყავს გერები, რო ეგრე არ ექცევიან! — სთქვა ერთმა ახალგაზრდამ.

— ე დედინაცვლის ხელში შენს ბალებს არა უხარიათ-რა, ჩემო ქიტო! — უთხრა სანდრომ.

— სახლში რადა გყვანან, კაცო? აიღე და მოჯამაგირედ დაუყენე ვისმე. — უთხრა ერთმა ახალგაზრდამ.

— რას ამბობ, ბიჭო, მოჯამაგირედ როგორ დავაყენო ი თითისიგრძე ბალები? მოჯამაგირეობის თავი რომ ჰქონდეს, განა მე არ მიჭირს, მარტოხელი კაცი ვარ! უმცროსობას მე ვერ გამიწევს?! მერედა მთელი კალოა — და ეგენი! ეგენი რო არ მყოლოდენ, მე წლიულ კალოს ვერ გავლენწდი...

— მაშ, ეგრე ამოაწყვეტინე... ის არა სჯობია, ქალაქს წაასხა და მისცე ვისმე! ისწავლიან კიდევ რასმე და ფულებსაც აიღებენ. — უთხრა სოლომ.

— ჰო, — დაეთანხმა ქიტუა, — გიგლუას კიდევ მიეცემ ვისმე, მაგრამ იმ გოგოს რადა ვუყო?

ყმაწვილებმა ამაზე აღარა უთხრეს რა, რადგანაც იმათ არ იცოდნენ, მართლადა გოგო ვისთვის უნდა მიეცა. არაგვის-პირზე გლები კაცი ძნელად გაიყვანს თავის ქალს გარეთ, თითქმის წარმოდგენითაც ვერ წარმოიდგენს, თუ ქალი შეიძლება ქალაქს ჩაიყვანოს და მერე ის ქალი გლების ოჯახისათვის კიდევ გამოდგეს. გლები თავის ქალს თავის ოჯახისთვისა ზრდის. ჯერ იქვე, თავადიშვილის ოჯახშიაც რომ იყოს, იმასაც გლების ახალგაზრდა ყმაწვილი არ ითხოვს. „ნამოახლარი

გაწუწკებულ იქნებაო!“ ასე იტყვის ამისთანა ქალზე და, აბა, ახლა ქალაქში წასულ ქალზე რაღას იტყვის! მგონი მაშინ „მათუშკაც“ დაუძახოს და „მათუშკა“ ხომ, იმის ფიქრით, ბუდეა ყოველივე ცუდისა და უზნეობისა. აი, ამისთვის გააჩუმა ქიტუას სიტყვებმა — „ი გოგო ვილას მივცე“-ო — ახალგაზრდა მრჩეველები.

— ეგრე, ეგრე, ჩემო სოლო, — უთხრა ისევ ქიტუამ ცოტახნის შემდეგ: — თვალყური გეპიროს ჩემ საქონელზე, და თუ მშვიდობით არიან, მეც ისევ გადმოვალ, თუ არ დავათვალიერე, არ იქნება, დღეს შუადღის შემდეგ შინ არა ვყოფილვარ.

— აქ არა ვართ, კაცო, გინდა სულ არ გადმოხვიდე, ამდენანი როგორ ვერ მოვუვლით შენ ოთხ სულ საქონელს?! — თითქმის ერთხმად მიამახეს ქიტუას იმ დროს, როცა იმან უკვე კარები გააპკრიალა.

ქიტუა გაემგზავრა დაღონებული და დაძმარებული თავის სახლისაკენ. კი არ მიდიოდა, თითქმის მარბოდა, და ამ ბნელ ღამეში ხან რომელ წუმპეში შეაშლაპუნებდა და ხან რომელში. პირდაპირი სუსხიანი ქარი და წვრილი, ფეტვის მარცვლის მსგავსი, ცივი, შემოდგომის დამლევის წვიმა კი პირში უშხაპუნებდა და თვალებს უფრო უბამდა ქიტუას.

იმისი სახლი ბოსელზე კარგა მოშორებით იყო და ამისათვის ქიტუა ცოტა დრო კი არ მოუხდა შინამდის მისვლას. მთლად დასველებული და ჩაჭანჭანებული მიადგა თავის სახლის კარებს. მაგრამ კარები შიგნიდან ურდულწაგდებული დახვდა, და სახლშიაც სინათლე არ მოჩანდა.

საჩქაროდ საურდულეში ხელი შეჰყო და კარები გააღო. სახლში შესვლისთანავე აჩქარებულისა და აკანკალებულის ხმით წამოიძახა: „კატო, გიგლა!“ და პასუხი რომ არსადან მოესმა, ცალის ხელით კერაში ნაცარს ქეჟვა დაუწყო, სადაც ოდნავ-ღა ბეუტავდა ნალიერდალი. მეორეთი კი დედაბოძის ძირს უკაკუნებდა და რაღასაც ეძებდა. ჩქარა იპოვა, რასაც ეძებდა, და ცოტა ხანს შემდეგ კერის ქვას გოგირდის ასანთს უფხაკუნებდა; ასანთმა უეცრივ გაანათა და მერე კი ისევ მიიბეუტა, დაიწყო ფრიფინი და მყრალი სუნი აუშვა. ქიტუამ

საჩქაროდ მოუკიდა ჭრაქს და აქეთ-იქით მიიხედა, მაგრამ ვერაინ დაინახა: ვერც თავისი ცოლი — სოფიო და ვერც ბავშვები.

— ხალხნო... ადამიანო!.. სად წახვედით?! ჰა!..—ნაწყვეტ-ნაწყვეტად წამოიძახა კანკალით ქიტუამ და რამდენსამე ხანს ერთ ალაგას იდგა და ცრემლმორეულ თვალებს აქა-იქ აბრიალებდა. „ზუუუ!“ უეცრივ კარებიდან და ერდოდან შემოიზუზუნა ძლიერმა ზენაქარმა და სახლის ყველა კუთხეები საჩქაროდ შემოიბრინა; ჭრაქი რომ მყუდრო ადგილს არა კიდებუ-ლიყო, შექველად გააქრობოა.

— ვაიმე, შვილებო... — შეჰღრიალა ქიტუამ და თავის უნებურად თვალებზე ხელმიფარებულმა იქვე ჩაიკეცა.

ამ დროს კარებში შემოვიდა ოცისა თუ ოცდაორის წლის ქიტუას ცოლი — სოფიო, რომელიც წითლად და თეთრად ღვიოდა; იმისი მშვენიერი სახე კაცს ნებას არ აძლევდა ეფიქრნა, რომ „უდიერი“ იქნებოდა. ვინ მოიფიქრებდა, რომ ეს ანგელოზებრივი არსება ისე ცუდად მოექცეოდა თავის გერებს, როგორც ბოსელში სოლომ აღწერა. ამისათვისაც არა სჯეროდათ ხოლმე სოფლელებს, როდესაც სოფიოზე იტყოდა ვინმე — გერებს ცუდად ექცევაო. „რას ამბობ, ადამიანო, ხომ არ ვაგიჟებულხარ: ქიტუას ცოლითანა ანგელოზი დედაკაცი ჩვენ სოფელში ერთიც არ მოიპოვება და აბა, რა დასაჯერია ეგ ამბავი!“ ასე იტყოდნენ ხოლმე სოფლელი მამაკაცები; დედაკაცები კი პირზე ხელს მიიტანდნენ ხოლმე და წამოიძახებდნენ: „სუ. სუ!.. მეორედ აღარა თქვა! ქალო, აბა, რას მეუბნები, შენ გენაცვალოს ჩემი თავი“... და სხ., ასე თუ ისე, სოფიომ თავისი მშვენიერის სახით და გარეთ კარგად თავის დაკვირვით ყველას გული და გონება მიიზიდა თავის სოფელში, და იმაზე რაიმე ცუდს ხმას — ჭორს უძახოდნენ.

— აი, თქვე ძაღლის... — შემოსვლისთანავე წამოიძახა სოფიომ. მაგრამ ჩახვეულ ქიტუას თვალი შეასწრო და შემკრთალმა სიტყვა შესწყვიტა.

— შენა ხარ, სოფიო? — წამოხტა ქიტუა და მისკენ გაეშურა.

— ჰო, მე ვარ, რა იყო. ხომ არა დაგემართა რა? — უპასუ-

ბა სოფიომ, შეკრთომისაგან უკვე გამორკვეულმა, და თანაც საყვედურიანად უთხრა:

— ამ სიცივეში ე კარი ღია რას დაგაგდია?

— სოფიო, შენი ჭირიმე, ბალებიც აქ არიან?.. მოიყვანე?.. — თითქმის მოეხვია ჭიტუა და ისე ეხვეწებოდა.

— რა იყო, ხომ არა დაგემართა რა? — უპასუხა სოფიომ.

— მითხარი, თუ ღმერთი გწამს, სად არიან?

— ჯანაბას იმათი თავი და ტანი! აბა, რა ვიცი, სად არიან! აი, მეც იმათ ძებნაში სულ ერთიანად დავსველდი! — მკვახედ უთხრა სოფიომ და შორს მოეცალა.

— სტყუევი! — შეჰყვირა ჭიტუამ და მუშტები მაღლა აიღო, რომ სოფიოსთვის დაეკრა, მაგრამ სოფიო იქით გასხლტა და მუშტები აიციდინა. ქალი მივიდა კუთხეში და იქვე მიყუდებული კეტი ორის ხელით ამართა.

— აბა, ერთი ხელი მახლე, ღვთის წყალობა მაქვს, მე შენ სერი გაჩვენო! — შესძახა სოფიომ და თვალებს დაკვესება დაუწყო.

ერთის მხრით გააფთრებული ჭიტუა და მეორეს მხრით — კეტმართული სოფიო რამოდენსამე ხანს ერთმანეთს შესცქეროდნენ, თითქოს ზომავდნენ, რომელი უფრო ძლიერია და გამარჯვება რომელს დარჩებაო...

— შენ, შენ გაპრეკდი სახლიდან და ახლა იძახი — ვეძებდიო!... — მეტის სიასპიტისაგან წამოიხრინწიალა ჭიტუამ და ერთს წამს თავის ცოლს კეტი წაჰგლიჯა ხელიდან.

რაკი სოფიო უკეტო დარჩა, თავის ფრჩხილებს მიჰმართა და კაწვრა დაუწყო ჭიტუას იმ დროს, როდესაც იმან სოფიო იქვე ჩაქუჭკა და დათვივით ჯმუჯვნა დაუწყო.

— კიდევ გაპრეკ გარეთ, ჰა, ჰა?! — დასწყვიოდა ზემოდან და თან მუჯლუგუნსა სცემდა.

— ამიშვი, ამიშვი, თორემ ინანებ! — ხმაწასული ეუბნებოდა სოფიო.

— ჰეე!.. — გულიანად ამოიძახა ჭიტუამ და სოფიოს თავი დაანება: — ძლივ არ ამოვიყარე ამოდენა ხნის ჯავრი!..

როცა ჭიტუა ლაპარაკობდა, სოფიო ისევ იმ ადგილს იჯდა და მოხვეულ ჩულსა ჰგევანდა. ჭიტუას მხრივ ამნაირი ქცევა:

პირველი იყო და ამის გამო სოფიო გონს ვერ მოსულიყო, თუ იმის ქმარს რა დამართნოდა...

— არა, შე ოჯახდაქცეულს და შე იუდის კერძო, ამისთანა ამინდში ძალს არ გააგდებენ გარედა და შენ ი ბალები როგორ გარეკე! ეხლა, ვინ იცის, სიცივით სად დაიყინვენ და სად არა?

— მე არ გამირეკია, გეყურება თუ არა?! — მკვახედ წამოიძახა სოფიომ.

— მაშ, ვინ გარეკამდა, თუ შენ არა?! ი გოდორ ქვეშ ვილამ დაამწყვდია იმ დღესა და წინ ბოზალუყი ვილამ დაუდგა?! არც ეგ გიქნია?

— ძალიან კარგიც მიქნია, თუ გამირეკია და ბოზალუყი მიჭმევია! უფრო უარესს ვუზამ, თუ ი შენ ბალებს სახლიდან არ დაღუპავ! — გაანჩხლებულმა შეუტია და დაქრილი ვეფხვივით ფეხზე წამოვარდა.

— უარესს უზამ და, მეც უარესს გიზამ. ეგ ეხლა თაფლი იყო, მერე შაქარსა და შარბათს ერთად მოგართმევ! — თავის ქნევით და სიტყვების ტკეპნით უპასუხა ქიტუამ.

— უარესს მიზამ და, შენა გგონია, მე კი ვერას გიზამ?!

— ეხლაც გინდოდა, კეტიც აიღე, მაგრამ ვერ მოგართვი ბადრიჯანი.

— „ვერ მოგართვი ბადრიჯანი!“ — გააჯავრა სოფიომ: — ნეტავი თქმის უნო მაინც გქონდეს, რომ ხეირიანადა სთქო. შენ, აი შენი ძალის ლეკვები მონახო, ის გირჩევნია, რომ ამაღამ სიცივით არსად გაგეფიჩხნენ.

— აიშე!.. შენ ჯავრს ჩემ სიცოცხლეში ვერ ამოვიყრი! — ამ სიტყვებთან ერთად ქიტუამ გულში დაირტყა მჭილი და კარებისკენ გასწია.

— მე კი ერთს დღეს ამოვიყრი შენს ჯავრს — უკანიდან მიაძახა ცოლმა.

— რაო, რაო?! — ქიტუა ისევ მიტრიალდა და დაცივნით ჩაეკითხა.

— რაო და, რაც გაიგონე, ისა!

- მერე, როგორ ამოიყრი?
- როგორც ამოვიყრი, ეგ მე ვიცი.
- მაშ დავინახამთ.
- დავინახამთ, მაშ არა?!

ამ სიტყვებით განშორდნენ ცოლი და ქმარი ერთმანეთს. ქმარი ბავშვების საძებნელად წავიდა, ცოლი კი შინ დარჩა. სოფიო ღრმად ჩაფიქრებული დიდხანს იდგა ერთ ადგილას. ბოლოს, გაიქნია თავი და წამოიძახა: „თუ ბოლო არ მოვეუდღე, არ იქნება! ან ის ბალები უნდა იყვნენ ამ სახლში და ან მე. ეხლა ისინი რომ აქ არ იდგნენ, ქიტუა შინ არ მოვიდოდა, და მეც თავისუფლად იმასთან“... ბოლო აღარ დაათვა, რადგანაც გარედან ქმრის ხმაურობა შემოესმა, რომელიც აკანკალებულის ხმით გაჰკიოდა: „კატოოო... გიგლოოო“!...

II

ქიტუას სახლიდან დასავლეთით, არაგვის პირზე, გამართებული ერთი გვერდზე გადაწოლილი წნული, საბძელი ედგა, რომელსაც წინ, ცოტა მოშორებით, მშვენიერი ხშირი და დაბურული ტყე ჰქონდა შეფენილი მთაზე! ის, ოდესღაც გმირულად გამომცქერალი, ახლა თავჩაღუნული და შავად ჩაყვითლებული ჩასცქერის დედამიწას და აფრქვევს ცრემლს; ის, ამ რამდენიმე თვის წინად შუილ-ქუხილით და ჭეჭა-გმინვით შეებმებოდა ხოლმე უფრო ძლიერს ქარს, უფრო შხაპუნა წვიმას; ახლა კი შემოდგომის გამუდმებულმა, ცივმა და წვრილმა წვიმამ ბოლო მოუღო და სულ მიწასთან გაასწორა. ახლა ყოველი ქარის დაბერვაზე უმსგავს შრიალს მოჰყვება და თავის, უკვე ჩაყვითლებულს სამკაულს ტალახში ურევს. უმსგავს შრიალთან ერთად ტყიდან გამოისმოდა მომაკვდავი აღამიანის გულის გასაგმირავი კვნესა, ამას თანდათან ზედ ერ-

თოდა რომელიმე დამპალის ხის გადაჩეხვა; მოსტყდებოდა თუ არა, წამოვიდოდა შრიალით და უეცრად ზაპანს მიიღებდა; თანაც იქვე გვერდით მდგომ ახალმოზარდ ხეებს ლაწალუწს აუყენებდა ხოლმე. ამნაირი შრიალი, მომაკვდავის კვნესა და ხეების ლაწალუწი გულად კაცსაც შეაშინებდა ამ წვიმიან, შემოდგომის ბნელ ღამეში, და აბა რაღა სიკეთეს დააყრიდა გიგლას და კატოს, რომლებიც იმ წნულ საბძელს ქვენაქრივ ამოფარებულყვნენ და სიცივისა და შიშისაგან კანკალებდნენ.

— გოგო, აი ტყეში ვინა კვნესის? აგერ ხეებსაც ლაწუნი აუყენა! — ჰკითხა გიგლამ თავის დას კატოს, როდესაც, ქარის ძლიერ დაბერვის შემდეგ, ტყიდან მართლა კვნესა გამოისმა და ხის გადაქცევის შემდეგ წვრილმა ხეებმა ლაწალუწი დაიწყეს.

— უთუოდ მდევია, არა, გოგო? — ჰკითხა კიდევ გიგლამ თავის დას, რადგანაც იმან პირველ კითხვაზე პასუხი არ მისცა.

— მდევი კი არა, შენმა მზემ, კატა არ გინდა?! — შეუტიბ კატომ, რომ დევზე წარმოდგენა თავის ძმის გულიდან სრულეებით ამოეფხვრა, თუმცა კი თვითონ კატოსაც მდევი ეგონა.

— გინდა გარეული კატა იყოს, ის კი ვერ შეგვჭამს?!

— რას მიქარამ, ბიჭო, ხომ არა დაგეცა-რა?! — შეუტია კიდევ კატომ.

ამის შემდეგ იგინი გაჩუმდნენ, საბძლის გვერდს აეკვრნენ და დიდ ხნობამდის ერთმანეთისთვის ხმა აღარ გაუციათ.

ორთავესი გონება დევებსა და ქაჯებს ჰქონდათ შეპყრობილი და იმათის კლანჭებიდან ვერ დაეხსნათ თავი. კატო თუმცა პირველად ამხნევებდა გიგლას, მაგრამ ამ სიჩუმის დროს ისე აიტანა შიშმა, რომ კინაღამ არ შესტირა. როგორც იყო, თავი მაინც შეიმაგრა და გიგლასკენ მიეცურდა და მიეკრო.

ქარი უფრო და უფრო მატულობდა და ხან ზემომხრიდან დაპქროლავდა ყმაწვილებს და ხან ქვემოთიდან, რის გამოც იმათმა კანმა სიცივის ეკალი აუშვა.

— გოგო, ძალზე მცივა! — უთხრა გიგლამ.

— აჰა, მამეკარი და გათბები! — სთქვა კატომ და თვითონაც მიიწია ძმისაკენ. გიგლასაც უნდოდა მიეწინა, მაგრამ ამ დროს კატომ შეაყენა:

— მოიცა, გიგლო! აბა ადექი!

— აჰა! — სთქვა გიგლამ ბაბანით. და წამოდგა, კატოც აპყვა.

— აი, მოიცა! — სთქვა კატომ და თავის ფეხები გიგლას ფეხებში გადახლართა.

— აბა, ახლა ნება-ნება დაეშვი ძირს.

ორივენი ნელ-ნელა დაეშენენ, რომ მარტო ყმაწვილები თუ მოახერხებენ ასე ჯდომას, თორემ დიდრონებისათვის ყოვლად შეუძლებელია. ისენი იმნაირად ისხდნენ, თითქოს ორივენი ერთმანეთს მუხლებზე ესხდნენ. ცოტა ხნის შემდეგ ორივეს ქვედა ტანზე კარგად დასთბათ და კმაყოფილნი იყვნენ ამ შოგონებით, მაგრამ ზედა ტანზე ისევ სციოდათ, ნამეტნავად ხელებზე.

— კატო, ხელები ძალზე დამაძრა! — წამოიძახა გიგლამ რამოდენიმე ხნის სიჩუმის შემდეგ და თან ორთავე ხელების თითები პირში ჩაიყო და აჩქარებით დაორთქლება დაუწყო.

— აი, უბეში ჩამიყაფ და გაგიტბება. — უთხრა კატომ და მკერდი გადუღელა. მაგრამ, როდესაც გიგლას გაყინული და გათოშილი ხელები შეეხო იმის მკერდს, ის მთელის ტანით გველივით დაიკლაკნა და უთხრა:

— არა, ბიჭო, შენს უბეში ჩაიწყე!

გიგლამ აასრულა ეს სიტყვა. კატომ კი ცხრა ადგილას გახვრეტილი ჭრელი თავიჩითი მოიხსნა თავიდან და გაშალა.

— ახლა ორივემ ჩავითბუნოთ! — ამ სიტყვებთან ერთად კატომ გიგლას თავზე გადააფარა თავიჩითი და თვითონაც ქვეშ ამოეფარა ისე, რომ ორივეს პირისახე დაპირდაპირებული ჰქონდათ. კატომ ცოტა ხნის შემდეგ დააპყიტა თვალები და გაგრძელებით „ბუუუ“ დაიძახა. გიგლაც თავის უნებუ-

რად ასევე მოიქცა და ორთავემ ერთად „ბუუუს“ ძახილით თავები მიუახლოვეს ერთმანეთს. უეცრად ორივეს შუბლები ერთმანეთს დაეჯახნენ და ორივემ ხარხარი ასტეხეს.

ამათ რამდენჯერმე გაიმეორეს ესა და ყოველ შუბლების დაჯახებას გულიანი, ბავშური კუჭკუჭი მოსდევდა.

— მოიცა, გოგო, ა ის ტურების ჩხავილი არ არის?!

— აბა სადა?! — გაკვირვებით იკითხა კატომ და ყურები აცქვიტა.

მართლაც ამ დროს მოისმა ტურების ჩხავილის მაგივრად მგლების ყმუილი.

— აგერ, გოგო, ტურები კი არა ჩხავიან, მგლები ყმუიან. — გიგლა კარგად იცნობდა ტურების ჩხავილსაც და მგლების ყმუილსაც, რადგანაც იმას არაერთხელ გაუგონია იმათი ჩხავილ-ყმუილი. კატომ უეცრივ მოიძრო თავზე მოსახვევი და წამოიძახა:

— ძაღლები ყმუიან!

— ძაღლებს, აი, ბუჩქნარებში რა უნდათ! — სტქვა გიგლამ და ხელი არაგვისაკენ გაიშვირა, რომლის ნაპირზედაც ბუჩქნარებიანი ჭალა იყო.

კატომ ინსტიქტიურად მიიხედა იქით, საითაც გიგლამ ხელი გაიშვირა და უეცრივ ისე შეკრთა, რომ ხმა ძლივს ამოიღო. შიშისაგან თმა სულ მალლა-მალლა წაუფიდა.

— ა ის რაებია, რომ ანათებენ? — კანკალით წარმოსტქვა კატომ და მერე განაგრძო: — აგერ — თითქოს დადიანო და სანთლები დააქვთო?

— აბა? — იკითხა გიგლამ და ჩააკვირდა.

— ვაიმე! — დაიყვირა იმან. — მგლები არიან!

— მგლები?! — წამოიძახა კატომ და ენა ჩაუფარდა.

მართლაც, ჭალის პირას დამშეული მგლები აქა-იქ დაეცეცებოდნენ და თვალებს სანთლებივით ანათებდნენ; ცოტა მოშორებიდან კი გაცხარებული ყმუილი მოისმოდა.

— წავიდეთ, გოგო, თორემ, საცაა, აქაც მოვლენ და შეგვჭამენ.

გიგლა და კატო ერთად მარდად წამოხტნენ და გაქცევა დააპირეს.

გიგლა მართალი იყო. ზაფხული რომ ყოფილიყო, იქნება ყმაწვილების ჭყვიღზე მგლები გაქცეულიყვნენ, რადგანაც მგელს ადამიანისა ეშინიან. მაგრამ ამ ზამთრის პირას ისენი ბავშვების ჭყვიღს ყურადღებას არ მიაქცევდნენ და ერთ წამს გაჰგლეჯდნენ, რადგანაც შიშზე უარესი გრძობა — შიმშილია, რომელიც აწუხებს და აგულადებს მგელს ამ დროს. ზაფხულობით საკმელი ბევრი აქვს მგელს და ამის გამო ადამიანს არ ეტანება და კიდევაც ეშინიან. ზამთრობით კი, როდესაც საკმელი მინდვრად აღარ არის, თუმცა ეშინიან ადამიანისა, მაინც ძალაუნებურად ეტანება, და იშვიათი მაგალითი არ არის, რომ მგელს ზამთარში კაცი შეეჭამოს.

ის იყო, გიგლას კიდევაც უნდა მოეკურცხლა შინისკენ. რომ ამ დროს კატომ ხელი წაავლო და შეაყენა:

— მოიცა, ბიჭო, სად გავიქცეთ?

— შინ! — მოკლედ უპასუხა გიგლამ.

— მე არ წამოვალ! შენ წადი, თუ გინდა, მე კი აქ დავრჩები, დაე მგლებმა შემჭამონ.

— წამო-მეთქი, გოგო! — თითქმის ტირილით უპასუხა და კატოს მკლავი გასწია.

— არ წამოვალ-მეთქი!

— რატომა?

— არა-და იმიტომა!

— მაშ, მეც შენთან ვიქნები! — გულ-ჩაწყვეტით უთხრა გიგლამ და ცრემლები გადმოჰყარა.

— გიგლა, შენ გენაცვალე!.. ნუ დარჩები... შენ წადი... — ნაწყვეტ-ნაწყვეტად ისროდა კატო სიტყვებს და თან თავის პატარა ძმას ჰკოცნიდა.

— თუ შენ წამოხვალ, მეც წავალ!

— არა, შენ წადი, მე აქ დავრჩები!

— ერთად წავიდეთ!

ასე რამდენიმე ხანი ერთმანეთს ეხვეწებოდნენ და-ძმანი. ბოლოს, კატო დასთანხმდა, რომ გიგლაც იმასთან დარჩენილიყო, მხოლოდ უშიშარი ადგილი კი უნდა მოეძებნათ.

— მაშ, სად წავიდეთ?

— აი ე საბძელში შევიდეთ და შიგნიდან კარებს დიდი ქვა მივადოთ. — უთხრა კატომ.

თქმა და საქმის შედგომა ერთი იყო. ისინი მივიდნენ კარებთან, მაგრამ კარი დაკეტილი დაუხვდათ.

— ეხლა რალა ვქნათ! გოგო, წავიდეთ შინ, თორემ, აი, აქაც იქნებიან მგლები! — სთქვა გიგლამ და ხელი იქვე ჭაგაან გვერდისკენ მიიშვირა, რომელიც საბძლის აღმოსავლეთის მხრიდან იწყებოდა და ძირს არაგვის ქალას უერთდებოდა. თვითონ საბძელი ზედ ამ გვერდის თავზე იყო მოწაული.

— აი, საბძლის სანათურიდან გადავძვრეთ და მერე მგლები ველარას გვიზამენ.

გიგლას და კატოს ისე დაჰყინოდათ ხელები, რომ წნულს ძლივს ავლებდნენ პატარა თითებს.

ძლივს, როგორც იყო, აიბლოტნენ სანათურამდე და აგრედვე შიგნით ძლივს ჩაიბლოტნენ.

როცა საბძელში შეძვრნენ და დაინახეს თავიანთი თავი დახურულ, კარებდაკეტილ ჰერ ქვეშ, მაშინ კი თავისუფლად ამოისუნთქეს. იმათ მაშინვე ბზე გამოღრუტნეს, გააკეთეს კარგა განიერი ორმო და გოჭებივით გადახვეულნი შიგ ჩაწვნენ. ზედაც კარგა სქლად წაიყარეს ბზე, მარტო თავები ჰქონდათ ზევით ამოყოფილი.

რაკი ცოტათი დასთბათ, ისინი მომხიარულდნენ და რამოდენსამე ხანს კიდევ იღულუნეს და იჭუკჭუკეს. ბოლოს, დაღლულებს და მოქანცულებს ძილი შეეპარათ და ისე გადახვეულებმა ტკბილი ხვრინვა ამოუშვეს.

— ვაიმე, ვაიმე, დედავ!.. — კარგა ხნის ტკბილი ძილის შემდეგ გიგლამ სიზმარში მორთო ღრიალი და ხელებს ბზეზე აწყვეტებდა.

ამ ხელების წყვეტებაში და ვაივაგლახში მძინარე კატოს რამდენჯერმე წაუთაქა თავში, რომელიც ამ უეცარ თავში დაშენაზე დაფეთიანებული წამოჭდა და გამოურკვევლად იცქირებოდა და იმზირებოდა; რადგანაც ამ ღროს გიგლა დაწყნარდა, ამისათვის იმას ვერ გამოერკვია, თუ რამ დაუშინა თავში და ან ვისი ხმა მოესმა. კატო ასე რამოდენსამე ხანს იჭდა და თანდათან შიში იტანდა. გიგლას რომ ცოტა ხანს კიდევ

მოეცაღნა და ბოდვა არ დაეწყო, უეცრივ ისიც შეჰყვირებდა და გიჟივით გიგლას დააფრინდებოდა, მაგრამ ამ დროს გიგლამ ბოდვა დაიწყო და იმანაც დამშვიდებით წარმოსთქვა: „გიგლა ყოფილაო“!

— გიგლა, გიგლა, რა მოგივიდა? — წყნარად დაუწყო ღვიძება.

— გიგლა, ბიჭო! — უფრო მაღალი ხმით დაუძახა კატომ და ნძრევა დაუწყო.

— ჰა, რა გინდა?

— რა გატირებს, გენაცვა?

— კატო სადღაც წაიყვანეს, უ... უ... უ!! — მოიბუზა გიგლა და ტირილს მოუმატა. თვალებიდან დაბა-ღუპით გადმოსდიოდა ცრემლები და იმის გაბზიანებულ ფუნჩულა ლოყებს ჰსერავდა.

— რამ გაგაგიჟა, ბიჭო, მე აქ არა ვარ? ვინ უნდა წამიყვანოს! — კატო თან ლოყებს სწმენდდა და თან ჰკოცნიდა და ეუბნებოდა.

— კატო, კატოოო!.. — ტიროდა ისევ.

— აი, კატო, აქ არა ვარ, აბა შემომხედე?!

გიგლამ იცნო თავისი და და მერე სიხარულით გადაეხვია და კოცნა დაუწყო.

— აქავე ხარ, გოგო? მე მეგონა, კიდევ მოგკლეს-მეთქი! — თვალცრემლიანი შეღრეჭოდა გიგლა.

— აი რა სულელი რამა ხარ! — უთხრა კატომ და თავში ოღნავ ჩაუფაჩუნა: — მერე ვის უნდა წავეყვანე?

— აბა რა ვიცი. გოგო! ვითომ მე და შენ ერთ ალაგს ვიყავით. გარს იმოდენა ხალხი გვებნია, იმოდენა, რომ ასზე მეტი იქნებოდა. ჰაი და-და-და... ღმერთო!.. რანაირები იყვნენ?! სულ კბილებ-დაღრეჭილები და თვალბ-დაჰყეტილები იყვნენ. მერე, გოგო, ხელებშიაც ცეცხლები ენთოთ. თითქოს ცხვირის ნესტოებიდანაც ცეცხლები სცვივოდათ...

— უი, და-და-და!.. — წამოიძახა კატომ და შიშისაგან ტანში გააჟრჟოლა: — ეგენი ეშმაკები ყოფილან, და არა კაცები.

— აბა რა ვიცი — ეშმაკები იყვნენ, თუ ქაჯები!

— მერე, ბიჭო, რასა შვრებოდნენ? — დაეკითხა ცნობის-

მოყვარეობით გატაცებული კატო, თუმცა კი არ უნდოდა, რომ გიგლას გაეგრძელებინა, რადგანაც ისა ჰგრძნობდა, რომ რალაც საშიშარი ამბავი უნდა ყოფილიყო.

— რასა შერებოდნენ და... და... ყირამალა დგებოდნენ ცეცხლებს ისროდნენ... თან, კი, გოგო, ჩვენ გვეტანებოდნენ... —

— უი!.. — წამოიკვილა თავისდა უნებურად კატომ ოდნავ და ხელები გაასავსავა.

— მერე შენ წაგავლეს ხელი. შენ ძალზე დაიწვილე. მეც ხელი წაგავლე და არ გიშვებდი. ისინი კი გეწეოდნენ, უნდოდათ წაეყვანე. მე რო არ გიშვებდი, გოგო, ერთმა ისეთი სილა გამარტყა, რო მაშინვე ხელი გაგიშვი და ტირილი დავიწყე. მერე კიდევ გამომეღვიძა.

— უი და-და-და!.. მართლა წამიყვანდნენ! — კანკალით წამოიძახა კატომ.

— მე იქ არ ვიყავი?! — დაბღვერით სთქვა გიგლამ: — ვის დაგანებებდი?!

— უი, მეხი კი დაგაყარე მაგ თავში! — გულიანად გადიკისკისა კატომ და ორევი ხელებით ქოქოლა მიაყარა.

— მაშ რაღა გაღრიალებდა, თუ კი არავის დამანებებდი, რად წააყვანიე ჩემი თავი? — დაცინვით ჰკითხა კატომ.

გიგლა დაიბნა ამ კითხვით და ერთბაშად ველარა მოახერხა—რა საპასუხოდ. ცოტა არ იყოს, კიდევაც შერცხვა. მაგრამ ჩქარა მოახერხა პასუხი და ისევ მედიდური სახის გამომეტყველება მიიღო:

— ეს ზომ სიზმარში იყო. აბა ცხადლივ ყოფილიყო, როგორ სეირს ვაჩვენებდი მე იმათ!..

— შენმა მზემი..

— ჩემმა მზემა და...

— მოიცა, გიგლა, ი რა უსტვენს? — გააწყვეტინა კატომ უეცრივ სიცილი გიგლას, რომელსაც ამ დროს არავგიდან სტვენა შემოესმა.

— ეხლა რო დაუსტვინა?

— ჰო!

— სალამურა იქნება*.

* სალამურა თეჯია.

— სალამურა კი არა, მალამურა არ გინდა?! აი, აი კიდეც, გაიგე?

— ჰო გავიგე.

— ვინ უსტვენს?

— სალამურაა-მეთქი! — გაჩავერებით უთხრა გიგლამ.

— გინახამს, გიგლო, სალამურა?

— მინახავს, მაშ!

— სადა?

— არაგეში. როცა ბიჭები ვბანაობთ ხოლმე, მაშინ ბევრს ვიჭერთ.

— მეც მიბანავნია, მაგრამ სალამურა კი არ მინახავს.

— შენ რო არ მოძებნო, ვისი ბრალია!..

ამის შექდეგ ორივენი გაჩუმდნენ...

— მაშ არ გეშინიან? — უეცრივ ჰკითხა კატომ.

— არა! — თავმომწონედ უპასუხა გიგლამ.

ისევ სიჩუმე ჩამოვარდა. ისინი ასე გაჩუმებული დიდხანს იყვნენ და ბუეს ჩასცქეროდნენ. თავთავიანთს ფიქრებში გართულები. გიგლას ამ დროს ისევ ისეთი სახის გამომეტყველება ჰქონდა, როგორც მაშინ, როდესაც კატოს კითხვებს აძლევდა. კატო კი სახეს იკმუხვნიდა. ეტუობოდა, რაღაც უნდა მოეგონა როგორმე. ბოლოს, გწელიმა, მაშინვე დააცქერდა საბძლის კარებს, თვალებდაჭყეტილმა უეცრივ შესწივლა და გიგლას მოეხვია:

— ვაიმე, გიგლა, მიშველე!.. ავერ ვინ მოებლოტება!..

მართლა ამ დროს ქარმა დაჰბერა და კარებზე რაღაცამ გაიჭახუნა.

— ვაიმევე!.. — შეჰღრიალა გიგლამ და უკან გადაეარდა.

— გულადო, გულადო, რა გაღრიალებს? აკი არ გეშინოდა?! — კასკასით უთხრა კატომ.

— მე მოგატყუე და შენ კი მართლა გეგონა! — განაგრძო ისევ კატომ სიცილით.

— დაიკარგე! — დარცხვენით წამოიძახა გიგლამ და ისევ კატოსკენ გადმოგორდა.

— ოჰ, გულადს გაუმარჯოს! — სიცილით უთხრა კატომ: —

ეგ არის შენი კვებნა? როგორ დაქრილი დათვივით შეპლრი-
ალე!!..

— დაიკარგემეთქი! — გაბუტვით უთხრა გიგლამ: მინდა
დავიძინო...

— მაშ დავიძინოთ!

ისინი ისევ ერთმანეთს გადაეხვივნენ და მიწვნენ. თუმცა
ორთავემ ძილის სურვილი გამოაცხადეს, მაგრამ არცერთს არ
ეძინებოდა. გიგლა თავის დამარცხებაზე ფიქრობდა და ლან-
ძღავდა თავის თავს, რომ ასე მალე სიმტყუფნე გამოაჩნდა. კატო
კი მალ-მალ იღიმებოდა, რადგანაც იმას სულ თვალ წინ ედგა,
თუ დაოთხებული გიგლა როგორ მობრუნდა ღრიალით საბძ-
ლის ბოლოსკენ. ასე იყვნენ და-ძმა თავიანთ ფიქრებში გარ-
თულნი, როცა სოფლის მხრიდან ყრუდ შემოესმათ თავიანთი
სახელები: „გიგლო, კატო!“ ორივენი ერთად ხმის ამოუღებ-
ლივ წამოსხდნენ და სულ სმენად გარდაიქცნენ, მაგრამ ძახილი
აღარ ესმოდათ.

— ვინ დაიძახა? — თითქმის ერთად იკითხეს ორთავემ.

— უთუოდ ეშმაკი იქნებოდა! — დამტკიცებით წარმო-
თქვა კატომ. — იმ დღეს ბერუანთ სალომესათვისაც დაეძახნა
სახელი. დედაკაცები ლაპარაკობდნენ: თურმე ხუთჯერ-ექვს-
ჯერ დაუძახნია.

— მერე რა ექნა?

— პირჯვარი რომ არ გადაეწერნაო, გაიტყუებდა სადმეო.
როცა პირჯვარი გადაეწერნა, მერე აღარა გაეგონარა!

— ღმერთო, შენ მიშველე! — გულიანად წარმოსთქვა გიგ-
ლამ და, თითქოს ფანდურზე აფხაკუნებსო, ისე გადიწერა
სამჯერ-ოთხჯერ პირჯვარი.

კატომ კი კოხტად გამოისახა პირჯვარი და, რაც წმიდა-
ნები იცოდა, ყველა ახსენა.

ამ დროს უფრო გარკვევით შემოესმათ ძახილი: „კატო,
გიგლოოო“!

— მამა იძახის!.. — წამოიძახა გიგლამ და პირი დააღო,
რომ დაეყვირნა და ხმა მიეცა; იმან კიდევაც მისცა ხმა, მაგრამ
ამ დროს კატომ პირზე ხელი მიაფარა და ხმა გააწყვეტინა.

— რა გაყვირებს, შე პირგასაშავებელო, მამა კი არა, პაპა არ გინდა!

— მამაა, ღმერთმანი!

— სუ მეთქი! შე სულელო, არ იცი, რომ ეშმაკები მამის ან დედის სახეს და ხმას მიიღებენ ხოლმე! მაშინ უფრო გაიტყუებენ.

— მართლა?! — შიშით და განცვიფრებით წამოიძახა გიგლამ.

— მართლა, მაშ!

— მაშ რაღა გვეშველება? — სასოწარკვეთილებით დაიძახა გიგლამ და ერთი ისეთი ამოიკვნესა, რომ კაცს ეგონებოდა, გული თან ამოაყოლაო.

— რა გვეშველება და, პირჯვარი ვიწეროთ! — სთქვა თუ არა, მძიმედ დაიწყო კატომ პირჯვრის წერა და წმიდა გიორგის და სხვა წმიდანების ხსენება. გიგლაც გამუდმებით „ღმერთო, ღმერთოს!“ იძახდა.

„ახლა სადღა ჯანაბას და დოზანას წავიდე და თავში ქვა ვიციეთ! — თითქმის მტირალ და იმედგადაწყვეტილი კაცისგან წარმოთქმული ეს სიტყვები შემოესმათ ამ დროს ყმაწვილებს. ამასთან ერთად ვიღაც მოაწყდა საბძლის გვერდს და უეცრივ მისწყდა ხმა. მოისმოდა მარტო ისევ ტყის შრიალი, ხის ლაწალუწი და ადამიანური კვნესა; აქა-იქ ადგილებიდან ტურებისა და მგლების ჩხავილ-ყმუილი ისმოდა; ქარის ზუზუნნი თანდათან უფრო მატულობდა, თითქოს თავს ძალა და ღონე სულ ამ საბძლისკენ მოუქცევიაო, რომ როგორმე ძირს დასცეს და ბავშვებს ეს უკანასკნელი თავშესაფარიც მოუხპოსო.

ყმაწვილებს საბძლის გვერდის გაჯახუნებაზე და კაცის ხმაზე ენა მუცელში ჩაუვარდათ და ძლივსღა სუნთქავდნენ.

არც ის იყო უკეთეს მდგომარეობაში, ვინც საბძელს მოაწყდა. ადვილი მისახვედრია, რომ ეს ქიტუა იყო, რომელიც თავის ქალ-ვაჟს დაეძებდა. ის რაკი თავის სახლს გამოსცილდა, ერთი ორჯერ დაიძახა თავის ქალ-ვაჟის სახელები იმ იმედით, რომ თუ აქ იქნებიან, პასუხს მომცემენო. მაგრამ პასუხი არავინ მისცა. ამის შემდეგ ის მოედო მთელ სოფელს და

ერთი კომლი არ გამოუშვია, რომ არ ეციოხნა: „ჩემი ბალები თქვენსა ხო არ არიანო, ან ხო არ გინახავთ?“...

როცა სულ უკანასკნელ ოჯახს ჰკითხა და იქაც უარი უთხრეს, ქიტუა კინაღამ გადიქცა. ელდანაკრავივით დიდხანს იდგა ერთს ადგილას და თავბრუ ესხმოდა. ცდილობდა მოეგონებინა რამ, რამე ღონე ელონა, მაგრამ იმის თავში აზრი აზრს არ ებმოდა; ისა ჰგრძნობდა თავის სიცარიელეს, რომელიც თანდათან უფრო უმძიმდებოდა და ტყვიასავით უხდებოდა...

მართლაც რა უნდა ექნა? სად უნდა წასულიყო ამ ბნელ ღამეში? რამოდენიმე ხნის შემდეგ გამოტრიალდა და ალაღბედზე გაემგზავრა. სად? ეგ თვითონაც არ იცოდა. მიიღოდა კი და სად დადგებოდა—ამას ვერ გეტყვოდათ. ერთი-ორჯერ კიდევ დაუძახა თავის შვილებს, და ეს დაძახება ხომ კატომ ეშმაკის ძახილად მიიღო. მერე კი, ვიდრემდის საბძელს არ მიაწყდა, ხმა არ ამოუღია. საბძელთან კი ისე უცნაურის ხმით დაიძახა: „ახლა სადღა ჯანაბას და...“, რომ ყმაწვილებმა სულ ვერ იცნეს თავისი მამის ხმა და ამის გამო ძალიანაც შეშინდნენ.

— ვაააიიი!.. წამოიღრიალა შესახარის ხმით ქიტუამ—და ორივე ხელით დაეჯაჯგურა საბძლის გვერდს და რამდენსამე წნელს ჰახა-ჰუხი მოადენინა.

ყმაწვილები ამ ჰახუნზე და ღრიალზე გაშრნენ, გაყვიტლდნენ და დამუნჯდნენ. უნდათ შეჰყვირონ, მაგრამ ხმა აღარ მოსდევთ; უნდათ ადგნენ და უკანა ზენაქრივ კუნჭულში მიიმალონ, ბზეში ჩაიფლან, მუხლი აღარ ემორჩილებათ. თითქოს ყოველი სხეულის წილი დაუდამბლავდათ.

„უუუ“! — გააგძელა იქვე ახლოს ჰალაში ერთმა მგელმა; ამას სხვადასხვა ადგილებიდან ბანი მისცეს, და შეუდგათ ერთი ალიაქოთი.

მგლის ყმუილმა ხომ ქიტუას ბოლო მოუღო. იმას ეგონა, ეს ერთი მგელი სხვა მგლებსაც იწვევს, რომ იმის შვილები შესჭამონო.

— შვილებო!... შვილებო!... კატო... გიგლა!... ერთი კიდევ განახოთ მაინცა და მერე... — დაიყვირა ქიტუამ და ჰალისკენ, საიდგანაც მგლების ყმუილი გაიგონა, დაქანებას აპირებდა, მაგრამ ამ ღროს ყმაწვილების ძახილი მოესმა: „მამი, მამი!...“

— ჰა!... სადა... ვინ... — გონება-დაკარგული იძახდა ქიტუა, როდესაც ყმაწვილების ხმა მოესმა.

— მამი, მამა!... აქა ვართ!... — საბძლიდან გამოჰყვირეს ყმაწვილებმა და მაშინვე საყვავესკენ გაექანენ და აებლოტნენ.

ქიტუაც იქით გაიქცა და, რაწამს გიგლამ თავი გარედ გამოჰყო, მაშინვე ხელები მიაშველა და გიჟივით გულში ჩაიკრა. კატოსაც აგრევე უყო.

ქიტუამ, რაკი კოცნითა და ალერსით ჟინი მოიკლა, აქეთ-იქით მოიყენა თავისი შვილები და დამშვდებული ბოსლისაკენ გაემგზავრა, სადაც მათ გარდა ოთხი ძვირფასი არსება კიდევ ეგულებოდა.

III

გარედან ქმრის ხმა რომ შემოესმა, სოფიომ მიხურა კარები და ცოტა ხნის შემდეგ ლოგინიც გაშალა, თბილ საბანში გაეხვია და ჩაწვა. უნდოდა დაეძინა, მაგრამ ფიქრებმა ისე გაიტაცეს, რომ ძილი თვალზე აღარ ეკარებოდა და ისე კარგა ხნობამდინ გორაობდა ლოგინში.

მართალია, სოფიომ გადაწყვეტიტ წამოიძახა: „ან ეს ბალები და ან კიდევ მე ამ სახლშიო“, მაგრამ რაც დრო გადიოდა და ქიტუა ბავშვების შესახებ არავითარ ამბით არ ბრუნდებოდა სახლში, იგი თანდათან სცვლიდა თავის გადაწყვეტილებას. ბოლოს, იქნობამდის მივიდა, რომ თითქმის წინააღმდეგ აზრს დაადგა. „ღმერთო, — მალ-მალ წამოიძახებდა ხოლმე სოფიო, — ამალამ კი ნურაფერი მოუვა ი ბალებსა და შემდეგ კი პირს გავიხმობ და ხმას აღარ გავცემ!“ „შენი ამანათები იყვნენ ამალამ ისინი და შენ დაიფარე!“ — დაუმატებდა ხოლმე ცოტა ხნის შემდეგ.

წამი წამს მისდევდა, საათი — საათს, მაგრამ ქიტუა შინ არა ბრუნდებოდა და სოფიოს იმის ლოდინში სული მისდიოდა. დერეფანში ყოველ რისამე გაფაჩუნებაზე თავისდა უნებურად წამოჭდებოდა ხოლმე ლოგინში და სულ სმენად გარდიქცეოდა, იმ იმედით, რომ აი, საცაა, კარები გაჭრილდება და ქიტუა ბავშვებით შემოვაო. მაგრამ ეს იმედი არ უმართლ-

დებოდა და სასოწარკვეთილი და მოწყვეტილი მიეშვებოდა ხოლმე ბალიშზე.

„ე რა ღმერთი გამიწყრა და იმას გავუგონე?! რაზე ჩაედექი ი ბაღღებისა და კაცის ცოდოში?!“ წამოიძახა სოფიომ, როდესაც ქიტუას დაბრუნების იმედი გაღიწყვიტა. ოო, შე, შე, სულელო ჩემო თავო“, — განაგრძო სოფიომ და თან რამდენჯერმე წაიკრა თავში: „რად უგონებდი იმას და ბაღღებს ისე ცუდად რად ექცეოდი?.. არ იცოდი, რომ ცხვირს სადმე წაგაყოფინებდა?! ეხლა იმათ რო მოუვიდეთ რამე, ხომ სოფელში თავი ვეღარ უნდა გამოვყო, ხომ ქვეყანამ უნდა ჩამქოლოს და თითოთ საჩვენებელი გამხადოს!.. არა, თუ იმათ მოუვიდათ რამე ამაღამ, მეც ავდგები და წყალში გადავეწარდები!.. მე ხალხს ვეღარ ვეჩვენები!.. ჩემი ცოდით დაიწვი და დაიდაგე, რომ ამ დღემდის მიმიყვანე!..“ წამოიძახა უკანასკნელად სოფიომ, თვალები ცრემლით აევსო და ბალიშში ჩაყო თავი.

ასე იწვა სოფიო, და იმის გონებას მთელი წარსული მისი ცხოვრება რიგრიგად დაეხატა. ბევრი კარგი და ავი მოაგონდა სოფიოს, და, ამ მოგონებაში გართულს, ძილი შეეპარა.

მძიმედ დაიწყო სუნთქვა და ხანდისხან ღიმიც გაღურბენდა ხოლმე ტუჩებზე. მაგრამ ამნაირ მდგომარეობას დიდხანს არ გაუტანია. იმან ჩქარა დაიწყო ბოდვა და მწუხარებით ბორგვა.

ბოლოს, უეცრივ შეჰკვივლა: „მიშველეთ, მომკლაო!“ და გიჟივით ლოგინიდან პერანგა წამოვარდა. იმისი გული ამ დროს საშინლად აჩქარებით სცემდა და გაჰქონდა ძაგა-ძუგი. თითქოს იბრძვის, რომ ბუდიდან გაღმოვარდესო. სოფიო გონს ვერ მოსულიყო — ცხადლივ იყო, თუ სიზმარში. ძალას ატანდა თავის თავს, მაგრამ აზრები არ ულაგდებოდა და არ ემორჩილებოდა. ასე გაშტერებული იდგა კარგა ხანს და ერთ ადგილიდან არ იძროდა. ბოლოს, სიცივისა და შიშისგან კანკალმა აიტანა, და ამ გარემოებამ გონს მოიყვანა. „ღმერთო, ე რა საშინელება რამ ვნახე?!“ წამოიძახა და პირჯვარი გადაწერა. უნდოდა კიდევ ეთქვა რამ, მაგრამ ამ დროს კარები გაქრიალ-

და და ქარმა შუილით შემოითამაშა სახლში. კარები, როგორც ჩქარა გაიღო, ისევ ისე ჩქარა მიიხურა...

— ქიტო, შენა? — წამოიძახა სოფიომ და საჩქაროდ დაუმატა: — ბავშვები?

— ქიტუას სადა ჰხედავ? — უპასუხა ვილამაც და გაწუწული ნაბადი დედაბოდის ძირში მიაყუდა.

— ნათლი, შენა ხარ? — წამოიძახა სოფიომ და იმისკენ გაეშურა, მაგრამ უეცრივ შედგა და ნათლიას გამოწვდენილი ხელები მოიშორა.

— შენი ჭირიმე ნათლი, წადი, წადი ჩქარა და ნულარსად მოხვალ ჩემთან, ნუ, ნუ, ნუ!..

— ნუ გეშინიან, ქიტუა ეხლა აქ არ მოვა!

— რა იცი?.. რატომ?.. ხომ არა მოუვიდარა?! — ზედიზედ შიაცარა სიტყვები სოფიომ.

— აი, შე კუდიანო, გაგეხარდება კი, რო მოუვიდეს რამე! — სიცილით უთხრა ნათლიამ და უეცრივ გულზე მიიკრა.

— გამიშვი, გამიშვი!! ნულარ მომეკარები! — შეჰყვირა სოფიომ და თან ხელი ჰკრა ნათლიას.

— წადი, წადი, არ მომეკარო. — განაგრძო ისევ სოფიომ აკანკალებულის ხმით და ლოგინში გაეხვია.

— რა მოგივიდა, ხომ არ გაგიჟდი? — დაეკითხა გაოცებული ნათლია.

— შენ გენაცვალე, წადი!... ეხლავე წადი, თორემ ცუდი საქმე დაგვემართება!..

• — რა ცუდი საქმე უნდა დაგვემართოს? გეშინიან, რომ ქიტუამ არ მოგვასწროს?! — ლაპარაკის დროს ნათლია მივიდა და გვერდით მოუჯდა სოფიოს, რომელმაც იმის მიახლოებაზე ხელები წინ გამოიწვდინა და მთლად აკანკალებულის ხმით ზეეწნა დაუწყო:

— ნათლი, ნუ სდგები ჩემ ცოდოში და ამაზე მეტად თავს ნულარ მომჭრი! გვეყოფა, გვეყოფა ამოდენა ღვთის გმობა! ღმერთი არ შეგვარჩენს ნათელმბრონობის დარღვევას. აი, ეხლაც ისეთი საშინელი სიზმარი ვნახე, რომ... არა, ნათლი, წადი, წადი, შენი ჭირიმე! საცაა, ეხლა ქიტუა მოვა და... ოჰ, ღმერთო, კეთილად ამიხდინე სიზმარი!..

— ქალო...

— წადი, თორემ ორივეს დაგვხოცამს! სიზმარში ხანჯლით დაგვდევედა!..

— ეპ, რა სულელი რამა ყოფილხარ!.. — ღიმილით უთბრა ნათლიამ და გულზე მიიზიდა მთრთოლვარე სოფიო.

— აპა, აპა და ჩქარა წადი, ნულარ იგვიანებ, თორემ, საცაა, მოვა!.. ოპ, ღმერთო, რა უბედური რამა ვარ... — სოფიო მოწყვეტილი და მოქანცული მიესვენა ნათლიას გულს და ქვეთინი მორთო.

— ქალო, რა გატირებს, ნუ გეშინიან...

— შენი გულისთვის ღმერთიც დავივიწყე და კაციც. აი, ეხლაც შენი გულისთვის ბაღლები გავრეკე და, ვინ იცის, ცამ უყო პირი, თუ დედამიწამ! თუ ქიტუამ ვერ იპოვა, ხომ, ის არის, მომკლამს. ნეტავი მომკლას და...

— ნუ გეშინიან...

— ნეტავი მომკლას, ის მირჩევიან. ი ბაღლებს რო მოუვიდეთ რამ, ხომ გარედ ველარ გამოვალ, ხომ წყალში უნდა გადავვარდე, თუ ქიტუამ არ მომკლა.

— ქალო დამაცალე, გითხრა...

— არა, არა, წადი, წადი!.. ღმერთო, ამისთანა ღამეში როგორ გავრეკე მე უბედურმა! აი ეხლა ხორცი სულ მადნება, როცა ისინი მაგონდებიან.

— ქალო, ბავშვებს არა უშავთ რა, რად...

— როგორ თუ არა უშავთრა!.. აბა შენ დარჩი ამაღამ ცის ქვეშ და მაშინ ნახამ, თუ არა უშავთრა?!

— თუ არ მათქმევიანებ, აბა რა ვქნა?.. ბავშვები ბოსელში არიან.

— როგორ?! შენ რა იცი? სადა ნახე? — ზედიზედ წამოიძახა სოფიომ სიტყვები და ნათლიას გულიდან მოშორდა.

— იქიდან ვიცი, რა ქიტუას მოყავდა ისინი ეხლა იქით.

— მართლა?! არ მატყუებ? — სიხარულით დაეკითხა ის და თან ხელებს ხან მხრებზე ავლებდა ნათლიას და ხან გულზე.

— არ მატყუებ? მართალს მეუბნები?

— შენმა მზემ, მართალს გეუბნები.

— მაშ, უპოვია?

— უპოვია.

— მერე, სად ნახე?

— ჩემთან თვითონ მოვიდა და მითხრა. წელან თურმე მთელი სოფელი დაიარა და ყველგან კითხულობდა: „ჩემი ბალები ხომ მანდ არ არიანო“?

— მერე?

— მერე, ჩემთანაც მოვიდა და მიაბო: „შენი ნათლები იმ ბ—ს ოხერს გამოურეკიო და აქ ხომ არ მოსულანო“. მე უარი ვუთხარი და თანაც დავუმატე: „თუ იპოვო, შემატყობინე-მეთქი“ და აი, ეხლახან ბალებით მოვიდა ჩემთან და მერე ბოსელში წაასხა — „ჩემთან ბოსელში დავაძინებო“. ის რო ბოსლისკენ წავიდა, მე შენთან გამოვემგზავრე...

— უჰ, ღმერთმა გიშველოს, რომ შემატყობინე, თორემ გავგიჟდებოდი!

— აი, ყოველთვის რო ესე თავისუფლები ვიყენეთ ხოლმე, მაშინ იქნება კარგი.

— მგონი, ჩემო ნათლი, ჩვენ თავისუფლები აღარც როდის ვიქნებით, მე ბალებს დღეის შემდეგ ხმას აღარ გავცეჰ.

— მაშ, ეგ არის, გადასწყვიტე?

— დიახ, და ჩვენც ერთმანეთს უნდა დავშორდეთ. დღეის შემდეგ ისე მიგულებდე, როგორც წინად — როგორც ნათლი-დელას.

— ისა სჯობია, გეთქვა — ამ წუთსავე უნდა გავშორდეთო. — ამ სიტყვების შემდეგ ნათლია წამოდგა და ნაბადს წამოავლო ხელი.

— სად მიხვალ?! — განცვიფრებით ჰკითხა სოფიომ.

— შინ! — მოკლედ უპასუხა ნათლიამ.

— ამაღამ რისა გეშინიან. ხომ შენვე სთქვი — ქიტუა ბოსელში წავიდაო! ის ეხლა აქ აღარ მოვა.

— ეგ მეც კარგად ვიცი, რომ ის ამაღამ აქ აღარ მოვა და, გინდა ეს ასე არ იყოს, მე თავი დღენი არავისი მშინებია და არც ეხლა შევეუშინდები ვისმე.

— მაშ, რად მიხვალ შინ?

— იმად მივალ, რომ შენ მითხოვ.

— გითხვოვ, მაგრამ ამაღამ კი დარჩი, ნუ წახვალ. ხვალ, ზეგ და მერე კი ნუღარ...

— თუ მერე არა, არც ამაღამ დავრჩები, მშვიდობით! — ნათლიამ მოიგდო ნაბადი და კარებისაკენ გასწია.

— ნათლი, ამაღამ დარჩი, ნურსად მიხვალ! არ გეყურება, ჰა?! — წამოვარდა ლოგინიდან და უჯანიდან დაიჭირა.

— კარგი, გამიშვი!

— არა, ამაღამ იყავ, ჩემო ნათლი ნურსად ნუ მიხვალ. — სოფიო, ჩამოეკიდა კისერზე და კოცნა დაუწყო.

იმანაც მოჰხვია მკლავები და ლოგინთან მიიტანა.

— განა ეგ არის შენი სიყვარული, რომ მაგრე თავს მანებებ; გინდა საშუალოდ თავი დაჰანებო? ღმერთო, რა უბედური რამა ვარ! — სოფიოს ამოუჭდა გული და ფშრტკუნა დაიწყო. — შენის გულისთვის ქვეყანა მოვიძილე და შენ კი გარბიხარ?

— შენ თითონ მითხვოვ და მაშ. რა ექნა. თუ არ წავიდე. აი, ეხლა კი დავრჩები, რადგანაც არ მითხვოვ.

— მაშ, აღარ წახვალ?

— აღარ წავალ, მხოლოდ იმ პირობით კი, სხვა დროსაც...

— ოჰ, ნათლი, რა ეშმაკი რამა ხარ! — უთხრა სოფიომ საყვედურით და თავისი ჩამკვრივებული მკლავები გველივით შემოავლო ნათლიას კისერს და თავისკენ მიიზიდა, რის პასუხადაც ნათლია დაეწაფა იმის გაღვივებულს მკერდს და, თითქოს ზედ დააკვდაო, დიდხნობამდინ თავი მალლა აღარ აუღია...

IV

მკითხველებს ცოტათი მაინც გაეაცნობთ ნათლია ნიკოს ვინაობას. ნიკო გახლდათ სოფლის მწერალი, შთამონავლობით მღვდლის შვილი და აზნაური. იმისმა მამამ. როგორც მღვდელმა და აზნაურმა, ნიკო სასულიერო სემინარიაში მიაბარა (მაშინ სემინარია და სასულიერო სასწავლებელი ერთად იყო), მაგრამ იმის სამწუხაროდ, ნიკოს ექვსის წლის შემდეგ გამოუძახეს სემინარიიდან როგორც უნიჭო მოწაფეს. ამ ექვსის წლის განმავლობაში წერა-კითხვაც ვერ ისწავლა ხეირიანად და,

ცხოვრებისათვის მოუშზადებელი, მამას თექვსმეტ-ჩვიდმეტის წლისა შინ დაუბრუნდა. მამამ თუმცა, მისალმების მაგიერ, შვილი მისვლისთანავე კეტით გარედ იფრინა და მიაქახა: „თვალთ არ დამენახო, შენ შვილობაზე ხელს ვიღებო“, მაგრამ მალე გული მოიბრუნა და შინ შემოიყვანა. „შვილო, — მიპპართა მამამ, როცა ნიკო თავის ღედამ ალერსიანად გადაჰკოცნა და გვერდით მოისვა — მაგითი ბევრი არა დაშავდარა, რომ დაგიტხოვეს. შეიძლება ძალითა ღეთისათა და ჩვენითა მეცადინეობითა საქმეს ვუშველოთ როგორმე. მე სასწავლებელში ჩემ ღლეში არა ვყოფილვარ, მაგრამ აბა, შემომხედე, ანაფორა არ მაცვია თუ?! შენც, შვილო, შინ მოემზადე და, რამდენიმე წლის შემდეგ, ჯერ პრიჩეტნიკად გაგამწესებენ და მერე კიდევ მღვდლადაც გაკურთხებენ“...

მამის ტკბილი სიტყვებით წახალისებულმა ნიკომ მღვდლობაზე უარი გამოაცხადა იმის გამო, რომ სწავლა არ შემოიძლიანო.

— რაო?! — შეჰყვირა მამა გედევანმა და მაშინვე დავითნი მიაჩეჩა ხელში: — „ეს გაიზეპირე, თორემ სულ ტყავს გაგაძრობ!“ დასჰყვივლა მღვდელმა და შემდეგ განაგრძო: — შენისთანა ლაწირაკებმა მღვდლობა უნდა დაიწუნონ? მღვდლისთანა ჟინ არის?! იგი მოადგილეა თვით იესო ქრისტესი, ძისა ღეთისასა, უფლისა ჩვენისა, რომლისა სახელი იდიდებია ქვეყანასა ზედა. მღვდელი ამა სოფელსა პირველი პირია, ჰირშიაცა და ლხინშიაცა პირველი ადგილი უჰქირავს. აბა, ერთი მითხარ, ვინ გაჩენილა ისეთი, ვინ მონათლულა, ავად გამხდარა, დაქორწინებულა და ან მომკვდარა, რომ მღვდელი არ მიეწვიოთ, რომ სუფრის თავს ის არა მჯდარიყოს.

ქარჯა ხანი ილაპარაკა მამა გედევანმა მღვდლის შესახებ და თან შვილს უტევდა, მაგრამ ნიკოს ერთი სიტყვაც არ გაუგონია. იმას დავითნი უკულმა გადაეშალა და ისე თავდაყირა ასოებს დასცქეროდა. „ფოფოლია“ კი მამა გედევანის სიტყვების დასამტკიცებლად წუწუნით და წრიპინით იძახდა:

— ჰო, შვილო, ყური დაუგდე მამაშენს, მართალს იძახის, — და თან ნიკოს ზურგზე ალერსით ხელს უსვამდა.

ასე, ხან ჯავრობით და ხანაც ლოლიაობით, ოთხის წლის გან-

მავლობაში მამა გედევანმა თავის შვილს დავითნი ზეპირად შეასწავლა, მაგრამ იმის „გაპრიჩეტნიკებას“ კი ვეღარ მოესწრო. წყეულმა სიკვდილმა იესოს მოადგილეობაზე ხელი ააღებინა. მამა გედევანის გარდაცვალების შემდეგ არც სხვა ვისმე მოსწრებია ნიკოს „გაპრიჩეტნიკებას“. ზნეობრივ და გონებრივ, ოჯახში და სასწავლებელში ასე დამახინჯებული ნიკო საზოგადოებაში გამოვიდა.

ნიკოს იმოდენა მამული არა ჰქონდა, რომ იმის შემოსავლით „უშრომლად“ ეცხოვრნა, რადგანაც გარჯასა და მუშაობას ვერ ეწყობოდა. ამისთვის სხვა საშუალებას მიჰყო ხელი—თავის სოფლელების ძარცვა-გლეჯას. მაგრამ იმნაირად კი სძარცვავდა და ჰგლეჯდა, რომ გაძარცვულები მადლობლებიც რჩებოდნენ იმისი. მართალია, ნიკო „იესოს მოადგილედ“ ვერ გახდა, მაგრამ ეს გარემოება ხელს არ უშლიდა, რომ სოფელში პირველი ადგილი დაეჭირა და ჰირშიაც და ლწინშიაც, დაბადებაშიაც და სიკვდილშიაც, ქორწილში თუ ქელეხში სუფრის თავს გამოჰიმულიყო...

ნიკომ თავისი მოქმედება ნათლიაობით დაიწყო. ვისაც კი სოფელში ცოტათი მაინც სიპოხე ეტყობოდა, ნიკო ყველას ნათლიად უხდებოდა. ამ გარემოებით იმან ისარგებლა და ერთს ბედნიერ დღეს სოფლის მწერლად გახდა. რაკი მწერლობა ხელთ იგდო, მაშინ ხომ ყველას კარი ღია იყო და ყველანი ხელთ ეჭირა. თვით მამასახლისიც, როგორც ნასწავლკაცს, მღვდლის შვილს და აზნაურს, პატივსა სცემდა და რჩევასაც ჰკითხავდა ხოლმე. უიმისოდ ბუზსაც ვერ ააფრენდა.

აი, სწორედ იმ დროს, როდესაც სუნით დაეძებდა, თუ რომელ შეძლებულ გლეხის ოჯახში დაიხზავლებდა ახლად დაბადებული ბავშვი, მოუნათლა ჭიტუა გიგაურს, როგორც შეძლებული ოჯახის პატრონს, კატო. ამის შემდეგ ნიკო ხშირად დადიოდა ჭიტუასთან და ბევრჯერ, როგორც ნათლიას, მოხრაკული ვარია-ერბო-კვერცხით და წითელი ღვინით ჩაუკოკლოზინავეს ყელი. როცა გიგლაც ამან მოუნათლა, მაშინ ხომ შინაური გახდა და თითქმის ყოველ დღე ჭიტუას ოჯახში იყო. „ერთი კოკა მირონი დააბრუნა ჩვენს ოჯახშიო“, — ხშირად იტყოდა ხოლმე ჭიტუას პირველი ცო-

ლი მეზობლებში, და მეზობლებიც ამასვე გაიძახდნენ, როდესაც ნიკომ ქიტუას მეორე ცოლთანაც მოუხშირა სიარული.

პირველს ხანებში ნიკო ქიტუასთან დადიოდა იმ განზრახვით, რომ ესვა, ექამა და მოეგო იმისი გული; მეორე ხანში კი სულ სხვა საქმე იყო. ეხლა იმას აღარ უჭირდა არავისი თავი, ეხლა თვითონ იმისი თავი უჭირდათ ყველას და სცილილობდნენ იმის გულის მოგებას. ყველა გლეხი ბედნიერად ჩასთვლიდა თავის თავს, თუ კი მის ოჯახს იკადრებდა და ეწვეოდა როდისმე. განა ხუმრობა საქმეა, რომ ნიკო, უკვე მდიდარი, მღვდლის შვილი, აზნაური და მერე კიდევ მწერალი სწვევოდა რომელსამე გლეხს და თავში გაეყადრებინა იმისთვის!

ნიკო, ვიდრემდინ სულს მოიდგამდა, ხშირად დაიარებოდა ქიტუასას, მერე, რაკი ფეხი მოიკიდა, სულ აღარ გაუვლია იმასთან. ამასთანავე ქიტუაც ამ დროს ძალიან ძირს დაეშვა: მოუკვდა მამა, მერე ამას მიჰყვა დედა, ახლა სხვადასხვა ჭირი დაატყდა თავს, რაც გლეხის ოჯახს ანადგურებს, და აბა, ამისთანა გლეხთან რაღად დაიჭერდა კავშირს, რადგანაც იმისი აზრი ის იყო — თავი იქ შეეყო, სადაც მიეცხობოდა რამ და არა იქ, სადაც მიცხობის მაგივრად უნდა გასცლოდა რამე.

როცა ქიტუა დაქვრივდა და ორი პატარა ობოლი დარჩა, მაშინ ხომ აღარც კი ელაპარაკებოდა, რა არის, არა მთხოვოს-რაო.

მაგრამ აგერ სოფელში გაისმა ხმა — ქიტუამ ძალიან ლამაზი ცოლი შეირთოვო, რომ იმისთანა ქალი ჯერ არავის მოუყვანიო. ნიკოს ხშირად ესმოდა თავისი ნათლიდედის ქება, იმისი მომხიბლავი სიტუტრფე და სიკეკლუცე. ამ ხმებს ჯერ ყურადღებას არ აქცევდა, მაგრამ ბოლო დროს გაიფიქრა: „აბა, ერთი ვნახოვო. იქნება, მართლა ძალიან ლამაზიაო“.

ვ

შიოობა დღეს სოფ. ბ—ში დილიდანვე ერბოს ნამცხვრის სუნი დატრიალდა. ვისაც ჰქონდა და არა ჰქონდა შიო მღვიმელისთვის ერბოს ზედაშები, ყველამ დაახურა კეცები და ქადების ცხობას შეუდგა.

ის იყო, სოფიო მორჩა ქალების ცხოვრებას, რომ ბანის ერო-
ლოდან მოესმა მეზობლის ქალის ხმა:

— პატარძალო, რატო მაგრე ჰგვიანობ და გარედ არ მოხვალ?

— გარედ რა გავაკეთო, შენ გენაცვალე? — უპასუხა სოფიომ.

— როგორ თუ რა გააკეთო, ადამიანო?! გადი გარედ, გაიხედ-გამოიხედე, ბედნიერი დღეა. — უთხრა ქიტუამ და ცხელი ქადის ლუქმა პირში გააქანა.

— რას ამბობ, ქალო, ჩქარა ჩაიცივი და დიპლიპიტო-ნაღარაც წამოიღე. ლხინი გაემართოთ. აგერ ზემო-უბანში კიდევ გამართეს. იმათ როგორ უნდა გვაჯობონ! — იმავე დროს წამოსძახა მეზობლის ქალმა.

სოფიომ საჩქაროდ ტანთ ჩაიცვა, დაიხურა თავი და დიპლიპიტო-დაირით ბანზე ავიდა.

თბილი, თებერვლის დღე ხელს უწყობდა ყველიერში მოლხინე ბ—ლებს. რამდენსამე კალოზე ახალგაზრდა ყმა-წვილებს გაემართათ ჩალიჩი. მოჩალიჩენი ოროლ ნაწილად იყვნენ დაყოფილნი. ერთი ნახევარი რომ წრეს შიგნით იდგა, ამ დროს მეორე ნახევარი გარს დასტრიალებდა და დაგრეხილ აბეურებს ცხარედ უქნევდა, მაგრამ შიგმდგომნი მარდად იცდენდნენ და სცდილობდნენ მათს დაქერას. ახალგაზრდები რომ ასე ერთმანეთის ბრძოლაში იყვნენ და ჟრიაშულობდნენ, მოხუცებულები იქვე შორიახლოს ისხდნენ და სტკბებოდნენ ახალგაზრდების სიამოვნებით. მათი სიმარდე იმათაც გულს უთამაშებდა და აგონებდა თავის ახალგაზრდობას.

ახალგაზრდა ვაჟები თუ ჩალიჩით იყვნენ გართულნი, ქალებიც არ იდგნენ გულხელდაკრეფილნი. იმათაც რამდენსამე ადგილს გაემართათ „ლხინი“ და დიპლიპიტო-დაირას გაცხარებულნი უკრავდნენ.

ქიტუას ბანზედაც ჩქარა შეგროვდნენ ქალები და აქაც გაახურეს დიპლიპიტო-დაირა.

ვაჟების ყიყინი, ქალების გულიანი სიცილი და კასკასა, დიპლიპიტო-დაირის ხმა სულ ერთმანეთში ირეოდა და ერთ-ვეარი სასიამოვნო გუგუნე იდგა ჰაერში. თითქოს ბ—ლებს

დავიწყნიათ ყველა თავიანთი ვარამი და მთლად სულით და ხორციით მისცემიან სიხარულსო!

დიაღ, ამათ ეხლა დავიწყებული ჰქონდათ თავიანთი ვარამი; არცერთს არ ჰქონდა ჩვეულებრივ შექმუხენილი შუბლი და არცერთს სახე არ ჩამოტიროდა; ყველას გახსნოდა სახის ნაკვები და ყველას ერთნაირად უცინოდა და უელავდა სიხარულით სახე. იშვიათად ხედება ხოლმე გლახს ამასთანა დღეები და როცა ხედება, მაშინ ის სულითა და ხორციით ეძლევა თავის გრძნობას. მარტო გლახს, თავის შრომით და დიდის გაქირვებით ლუკმა-პურის მომპოებელს, შეუძლია ასე თავდავიწყებით მიეცეს თავის გრძნობას და გამოსცადოს ის ნეტარება სიხარულისა, რომელიც უქმადმყოფთა და მუდამ სიმოვნების მძებართათვის საიდუმლოებას შეადგენს. იქნება ისე ღრმა არ იყოს ამისი გრძნობა, როგორც ზნეობრივ და გონებრივ განვითარებული მშრომელი კაცისა, მაგრამ აქ ხომ ამაზედ არ არის ლაპარაკი. იქნება განვითარებულ მშრომელის გრძნობა უფრო ძლიერია, ვიდრე გლახისა. ეს, იქნება კი არა, ასეც არის, მაგრამ აქ საქმე ისაა, თუ გრძნობა რამდენად იპყრობს კაცის არსებას. გლახს რაც სულის სიღრმე აქვს, იმ სიღრმეში ჩადის გრძნობა და მთლად იპყრობს იმის არსებას. ამას შეხამებული არა აქვსრა: არც სიხარული და არც მწუხარება. ორავე ერთნაირად მოქმედობს ამის არსებაზე...

როდესაც ქიტუას ბანზე შუა „ლხინში“ შევიდნენ, უეცრივ გაისმა ხმა: „ბერიკები მოდიან, ბერიკებიო“!

ქალებმა მაშინვე შესწყვიტეს დიპლიპიტო-დაირის დაკვრა და თვალები მიიპყრეს ერთს თათრულად ჩაცმულ, ახოვან ტანის ახალგაზრდას, რომელმაც მარდად შემოდგა ფეხი ბნის გვირგვინზე და შეჰყვირა: „იიი! ალლაჰ-სალლარ!“ შემდეგ დაეყრდნო გრძელ კომბალს და ერთბაშად შეხტა. რამდენაა მე წამს, კომბალზე დაყრდნობილი, ჰაერში გაშოტილ ფეხებს ათამაშებდა და გაჰკიოდა. ბოლოს კომბლიდან გადაეშო და მოთამაშე ბერიკების დასს წინ მიეგება.

ქალები მაშინვე ბანის გვირგვინს აეკუნწლნენ, მოთამაშეთა პირდაპირ, რომლებმაც იქვე კალოზე დაიწყეს თავიანთი წარმოდგენა; ღორისა, კეკელასი, ბერიკებისა, მღვდლის და

თათრისა --- აი ყველა როლები, რომლებიც უნდა აესრულე-
ბინათ. ღორი იჯდა გაუტუხსავ ღორის ტყავში და მარდად დას-
დევდა თამაშობით საზანდრის ხმაზე თავის სატრფოს, მოარ-
შიყე ბერიკებს; მალი-მალ დაიჩოქებდა, დააკაპუნებდა, რაც
ძალი და ღონე ჰქონდა, ეშვებს და მიწას ამოსთხრიდა, მერე
ისევ მარდად წამოხტებოდა და ბერიკებს ან თათარს გამოედევ-
ნებოდა. ვაი იმათი ბრალი, თუ რომელსამე მოეწეოდა.. დაუქ-
ნევდა ეშვებს და ბერიკების გადმობრუნებულ ტყავს სულ
ბურტყლებს აყრევინებდა. ბერიკები ამ დროს ხმლით იგერიებ-
დნენ და შეცვლილი წვრილის ხმებით გაჰკიოდნენ: „იო, იო“-ს
კეკელა კი, ქალის ტანისამოსით მორთული, ღორს წინ უხტო-
და და ჰრელ ხელსახოცს ალერსიანად მალი-მალ მზარზე
გადაუქნევდა ხოლმე. ამას მარტო თვალთმაქცობით შვრებო-
და. ის მხოლოდ თავის პატრონს, ღორს, რომელიც საშინლად
სძულდა, თვალს უხვევდა ამითი. იმას სხვისთვის უცემდა გუ-
ლი და სხვას ეტრფოდა. როცა კი ღორის თვალს აიცდენდა,
ის მაშინვე თავის სატრფოს გადაეხვეოდა და იმის ალერსით
სტკბებოდა. მაგრამ ეს წუთები დიდხანს არ გრძელდებოდნენ.
ღორი თვალს შეასწრობდა და ჩქარა ჩაუშხამებლათ ხოლმე
სიტკბობებს. ბოლოს, ბერიკამ გადასწყვეტა ღორის მოკვლა.
რაკი ღორმა გაიგო, რომ აღარ მიუტრიან და იმის ეშვების
მოქნევას აღარ ერიდებოდა, თავი შეიმაგრა და თვალები მი-
პყრა თავის მოპირდაპირეს.

სულ ერთს წამს გასტანა ამნაირმა ერთმანეთის ზომიამ.
ბოლოს ღორი შეირხა მთელის ტანით და დამუხლისთავებულ-
მა რამდენჯერმე ისე ღონივრად ამოჰკრა ეშვები დედამარწას,
რომ გორახებმა მაყურებლებს თავზე გადაუთარა. როგორც მარ-
დად დაიმუხლისთავა, ისევე მარდად წამოხტა და ახლა თავის
მოპირდაპირეს მოუქნივა, მაგრამ მოპირდაპირე გაუსხლტა
განზე და უეცრივ ხმალი მხარზე დაჰკრა. დასჰკრა ბერიკამ
ღორი, მაგრამ ჰრილობა სასიკვდილო არ გამოდგა. ჰრილობამ
ღორი სულ გააცეცხლა. ის გაცოფებული მივარდა ბერიკას,
რომილმაც მარდად იძრო ხანჯალი, რადგანაც პირველ დაკვრა-
ზე ხმალი შუაზე გადაუტყდა, და სწორედ იმ დროს მისცა ღორს
გვერდში, როცა იმან თავში დაჰკრა ეშვები. ორივენი ცოტა-

ხანს შეტორტმანდნენ და ორივენი ერთადვე უსულოდ მიწაზე გადიშხლართნენ...

— ეი, ეი! — შეჰყვირა თათარმა და მალლა შეათამაშა ღვინით სავსე ჭრელი ნახევარ-თუნგიანი.

— დედი, ჩვენი ნახევარ-თუნგიანია! — უთხრა სოფიოს ერთმა შვიდ-რვა წლის გოგომ.

— უი, დამიდგეს თვალები, ხომ სახლს სულ ძირს აღმა უზამდა! — წამოიძახა სოფიომ და მებარგულისკენ გაეშურა, რომელსაც თათარმა ნახევართუნგიანი გადასცა.

მებარგულემ ღვინო ტიკში ჩაცალა და ცარიელი ჰურჭელი სოფიოს მისცა.

— აგაშენოთ ღმერთმა! — დაუმატა მებარგულემ.

— ა ის ვინ არის? — მოესმა სოფიოს იქვე ახლო მდგომი ნაბდიანი წამოსადეგის კაცის ხმა.

— ქიტუას ცოლია! — მოესმა პასუხად.

სოფიო ამ ხმაზე საშინლად გაწითლდა და ძლივს წაუღულღულა პატარა გოგოს, რომელიც უკან დასდევნებოდა:

— შენ გენაცვალე, კატო, წაიღე ეს შინ და კარები მოხურე.

კატო მარდად გასრიალდა შინისკენ.

თვითონ კი ისევ ქალებთან მივიდა და იმათ შუა ჩაიშალა. ცოტა ხნის შემდეგ, წამოწითლებულმა, ისევ საჩქაროდ დაუშვა თვალები ძირს, რადგანაც იმისი თვალები ნაბდიან კაცის თვალებს შეხვდა.

— რას დამცქერებია ი ვილაც ოხერია?! — ოდნავ ჩაიბუტბუტა სოფიომ.

— მართლა რა მადიანი რამა ყოფილა!... — თავის მხრივ ბუტბუტებდა ნაბდიანი კაცი და სოფიოს თვალს აღარ აშორებდა.

ამ დროს კეკელა მისჯდომოდა თავის სატრფოს და თმაგაწიწილი მშვენიერ მწყობრ სამგლოვიარო ხმით მოსთქვამდა ლექსებს, რომელსაც საზანდარი ბანს აძლევდა. იმისი ხმა გარშემო მაყურებელთ გულში სწვდებოდა და ტანში ჟრუანტილს ჰგვრიდა. ისინი სულგანაბულნი იდგნენ და ისმენდნენ სამწუხარო მოთქმა-სიმღერას.

სოფიოც ჩქარა გაიტაცა ამ ხმამ და სხვასთან ერთად მიეცა საზოგადო სულის მდგომარეობას. იმას აღარც კი მოჰგონებია, თუ ნაბდინი კაცი აღარც ეხლა აშორებს მას თვალს და ისევ ისე გაშტერებით უცქერის, რომელზედაც ამ საქმუხარო ხმამ არ იმოქმედა...

— თათარო, ჩქარა მღვდელი!... ესენი უნდა მიწას მივაბაროთ! — წასძახა იქვე თავ-ჩამოქინდრულ თათარს ერთმა ბერიკამ.

— ეხლავე! — უპასუხა თათარმა და წრე გაარღვია.

თათარმა ჩქარა შემოიყვანა წრეში ძველ ტომარაში გახვეული გრძელწვერა კაცი, რომელიც მღვდლის მაგივრობას ასრულებდა. ოლარის მაგივრად კისერზე ჩამოკიდებული ჰქონდა ძველი ფარდაგის ნაგლეჯი, თავზე ეხურა განიერკალთიანი მოხვეური ნაბდის ქუდი. ცალ ხელში ეჭირა საცეცხლურის მაგივრად ბაწრებზე ჩამოკიდებული ძველი თუნუქის ნაჭერი. მეორეში კი გაქონილდაჯღაბნილი ქაღალდის ნაგლეჯი.

— მღვდელო! — მიმართა ბერიკამ: — ესენი უნდა დაასაფლაო და შენს წესს აგისრულებთ.

— არა, შეილო! — ეგენი უზიარებლები დახოცილან, ვერ დავსაფლავებ*, — უპასუხა მღვდელმა.

— მღვდელო, ერთ თუმანს მოგცემ!

— ერთ თუმანს, შეილო, ერთი კაცის დასაფლავებაში ვიღებ, ისიც თუ ნაზიარები მომკვდარა, და მანდ ხომ ორი მკვდარია.

— ორი თუმანი იყოს!

— არც ორად, — უზიარებლად არიან დახოცილები.

— არა, მღვდელო, შენს მადლს, ორად დასაფლავე!

— არ შემიძლიან. — სთქვა მღვდელმა და წასვლა დააპირა.

— სად მიხვალ, მღვდელო! — წასძახა თათარმა და ოლარში ხელი წაავლო: — სამი წაიღე, ეხლა ხომ გაძლება შენი გული...

* მღვდლის როლის ამსრულებელი ყოველთვის სცდილობს, რომ თავის სოფლის მღვდლის ხმა მიიღოს და იმის კილოს მიბაძოს.

— ჰო, თუ სამი იქნება, ეგ სხვა არის. სამ თუმნად უზი-
არებლებიც დასაფლავდებიან!

ამათ ლაპარაკზე ხალხი გულიანად იცინოდა, და აქა-იქა
გაისმოდა ძახილი: „აი, მღვდელი, შე სულის მტერო, შენა!“

მღვდელმა ანდერძის აგება დაუწყო, მაგრამ აღარ დას-
ცალდა. ამ დროს მოისმა ერთის მხრიდან სხვა ბერიკების ხმა.
ყველამ იქით მიიხედა და თითქმის ერთად წამოიძახეს:
„ჭ—ლი ბერიკებია, ჭ—ლი!“

გარშემო მაყურებელი ხალხი გაიბო შუაზე იქით მხარეს,
საიდანაც მოთამაშებდნენ ჭ—ლი ბერიკები, და გზა მისცა.

წრე გადიდდა. მაყურებელთა რიცხვი ერთი-ორად იქცა-
დიდი ხანია ბ—ლები მოელოდნენ ამათ შეხვედრას და, აი,
ძლივს ეღირსნენ. თითქმის მთელი სოფლის ქალი და კაცი აქ
მოგროვდა და მოთამაშეთ გულმოდგინეთ თვალს ადევნებდენ.

წარსულ წელს ბ—ლმა ბერიკებმა დაამარცხეს ჭ—ლები;
ამ წელს ჭ—ბმა განგებ განთქმული მოჭიდავე დასვეს ღორად
იმის გამო, რომ სამაგიერო გადაეხადნათ და ბ—ლები დაემარ-
ცხებინათ.

რაკი გაიგო ძირს მწოლიარე ღორმა, რომ ჭ—ლები მოდი-
ანო, ანება თავი მკვდრობას და კოხტად გაითამაშა.

ცოტა ხანიც, და ორთავე ბერიკების დასი შეერთდა.

ღორებმა ერთმანეთს შორიასლო გაუჭროლეს. ამით და-
ნარჩენ მოთამაშეთ ანიშნეს, რომ შებრძოლება გვსურსო. და-
ნარჩენები მაშინვე მაყურებლებს შეუერთდნენ; ხოლო ორი-
ვე დასის თათრები გრძელი კომბლებით წრეს შუა დარბოდ-
ნენ და ხალხს განზე აყენებდნენ.

ღორებმა კიდევ გაუჭროლეს და ოდნავ გაჰკენწლეს ერთ-
მანეთა. ამის შემდეგ ერთმა ერთს მხარეს დაიწყო კოხტად
თამაშობა და მეორემ — მეორესა. თამაშობით მიუახლოვდნენ
ერთმანეთს და ეშვებით გაკვრას აპირობდნენ; თავები კიდევაც
ამართეს მაღლა, მაგრამ ბ—ლების ღორი უეცრივ განზე გა-
სხლტდა და თვალის დახამხამებაზე ჭ—ელს უკანიდან მოექცა.

— მაგრა დადექ!.. — დასჭყივლა უკანიდან და ერთ აღღზე
მეტად მაღლა შეხტა. იმას უნდოდა ჭ—ლისთვის შიგ შუბლში
ჩაეკრა დინგი, მაგრამ ჭ—ელმა უეშმაკა. ის რომ მაღლა შემ-

ხტარი, დაკერას აპირობდა, ჭ—ელმა საჩქაროდ ჩაიჩოქა და-
ოდნავ წინ წაიხარა, რის გამო. ბ—ელმა დინგის მაგივრად
კუჭი დაჰკრა კეფაში და მოსხლეტით წინ თავდაყირა გადა-
გარდა.

— აი, ყოჩაღ!.. — გაისმა ხალხში ხმა.

— ეგრე ეშმაკობით!.. — შეჰყვირა ბ—ელმა ლორმა, რო-
მელიც უკვე ფეხზე წამოდგა და თავის მოპირდაპირეს წინ
ჩაუდგა...

— გადააგდე ტყავი — შესძახა ისევ იმან და ლორის ტყა-
ვი მაშინვე შორსა სტყორცნა.

ჭ—მაც მარდად გადააგდო ტყავი და გაითამაშა.

ძნელი იყო კაცს გამოეცნო, თუ რომელი მხარე გაიმარ-
ჯვებდა ამ ბრძოლაში. ორივე ერთი-მეორესა სჯობდა. იმათი
ერთის განის მხარბეჭი, მკრივი მკლავები და მოძსხო წვივე-
ბი ამტკიცებდნენ, რომ ღონე ორივეს ღომისა უნდა ჰქონო-
დათ და ერთმანეთს მაგრად უნდა დახვდომოდნენ. მბოლოდ
სულის მდგომარეობით განსხვავდებოდნენ. ბ—ელი ძალაან
აღელვებული იყო. იმისი მკერდი აჩქარებით მადლამადლა
ადიოდა და თვალები ცეცხლს აფრქვევდნენ, ჭ—ელს კი სრუ-
ლებით არ ეტყობოდა აღელვება.

— გაიხადეთ, გაიხადეთ! — ყვიროდა ხალხი და თან წინ
იწევდა.

— განი, განი! — დატრიალებდნენ კომბლებით თათრები
წრეში და ხალხს წინ არ უშვებდნენ.

— დედა შეერთოს ცოლად, ვინც გაგვაშველოს! — შესძა-
ხა ბ—ელმა და მოპირდაპირეს ჩოხაში გაჰკრა ხელი, მაგრამ
ჭ—ი გაუსხლტა და ხელმეორედ დაუწყეს მიტანება. ორივე-
ნი ცდილობდნენ, რომ თვითონ ხელი კარგ ადგილას წაეველო
და მოპირდაპირესთვის კი არ მიეცა ამის ნება.

— აბა, თედო! აბა, პაულე!.. — აქა-იქიდან ამხნევებდნენ
მაყურებლები მოჭიდავეებს.

— ამიყვანე, დედი! — უთხრა ამ დროს ბუთხუზა ყმაწვილ-
მა სოფიოს.

— ვერა ჰხედავ, გიგლო? — უთხრა სოფიომ გიგლოს და
ასაყვანად დაეწოდა.

— უჰ, რა მძიმე რამა ხარ!.. — ამოიხვნეშა სოფიომ, როცა გიგლა ხელში აიყვანა.

— მაიტა, მე დავიჭერ ყმაწვილს, თუ გემძიმება — ჩასძახა ვიღამაც გვერდიდან.

სოფიომ მიიხედა იქით და სულ მთლად გაშრა: იმის გვერდით იდგა ნაბღიანი კაცი და შეღიმოდა.

— რას გაფითრდი, მომე ე ყმაწვილი?! — უთხრა ნაბღიანმა კაცმა და ხელები გიგლას წაავლო. ამ უკანასკნელმა ეს ვერ იგრძნო, რადგანაც გატაცებით მოჭიდავეთ თვალს ადევნებდა.

სოფიომ გიგლას ხელი ანება და, გაჩუმებული, საჩქაროდ დაბრუნდა და შინ წასვლას აპირობდა, რომ ამ დროს ქიტუამ შეაყენა და ჰკითხა:

— სად გარბიხარ?

— აის ვინ არის?!... — პასუხის მაგივრად დაეკითხა სოფიო ქიტუას და ნაბღიანზე ანიშნა.

— ვინ უნდა იყოს? ნათლია! გიგლა და კატო მაგან მონათლა.

— ნათლია!.. — შევებით წამოიძახა სოფიომ.

— აგერ, აქეთ მოდის და გიგლაც ხელში უჭირავს.

— მაიცა, მაიცა!.. აგელ, ლოგოლ მაიკიდა! — წაავლო გიგლამ ნაბღში ხელი ნათლიას, როცა ნათლია ქიტუასკენ მიდიოდა, თან მოჭიდავეებს თვალს არ აშორებდა..

მართლა, ამ დროს ჭ—ელმა მოჭიდავემ დაუჩოქა ბ—ს და სარივით გაშოტილი ფეხები მალლა წამოაღებინა...

— უუჰ! — იგრიალა ხალხმა და ერთბაშად მისცვივდა მოჭიდავეებს.

ხალხი რომ ამ ყოფაში იყო, ნათლიამ დასო გიგლა ძირს და ქიტუას მიმართა:

— ეი, ნათლიმამ, ეგრე არ უნდა, თორემ შენ იცი!

— ნათლიას ვახლავარ! — ქუდ-მოხდით უთხრა ქიტუამ.

— ქორწილი უჩემოდ გადიხადე და ეხლა თუნდა მახლდი და თუნდა ნუ! არა გრცხვენიან, კაცო, რომ ქორწილში არ დამპატიე?..

— რა ვიცოდი, თუ მიკადრებდი და მობრძანდებოდი, თორემ, ვინ ღმერთგამწყრალი არ დაგპატიებდა!

— მაგას რატომ ამბობ, ნათლიმამ? — კადრულობა რომ არ მდომიყო, შეიღებხარ არ მოგინათლამდი. ვითომდა წყენით უთხრა ნათლიამ.

— მაშინ სხვა იყო, ნათლი, როცა შეიღები მომინათლე. აი, თუ კი მიკადრებ, წამობძანდი სახლში და განა ეხლა ვერ გადაგიხდი ქორწილის სამაგიეროს! ღვინო და პური, ღვთის წყალობით, სახლში მაქვს და მეტს არც შენ მამთხოვ.

— ეგაც რო არ მაიტანო, განა დაგემღურები?! გული იყოს, თორემ სხვას რას ვაქნევთ.

— აი, შენი ღვთის ჭირიმე, შენი!.. — ლმობიერებით წამოიძახა ქიტუამ და ნათლიას ხელი წაავლო: — მაშ. მეწვევით, ჰა, ნათლი?!

— რატომაც არა, კაცო!

— ოი, შენი ჭირიმე, შენი! რას მოვიფიქრებდი, თუ მიკადრებდი! აბა, წამობძანდი!.. — სიხარულით უთხრა იმან და შინისკენ გასწია ნათლიას..

— მაგრამ მაიცადე პატარა!.. — ცოტა ყოყმანობის შემდეგ უთხრა ნათლიამ და თვალების აქეთიქით ცეცება დაიწყო...

— მარდახო! — დაუძახა იმან ებრაელის ბიჭს, რომელსაც ხალხში თვალი შეასწრო.

— ეგ რაღად გინდა, ნათლი?

— მაშ, როგორ იქნება, ნათლიდედისათვის პირისანახავი მინდა გამოვართო! ჯერ ხომ ის არ მინახავს.

— შენ რომ ჩვენსა შამობძანდები. ის კი არ ეყოფა პირისანახავად! აბა, რადა...

— რას მიბძანებ, ბატონო? — ქიტუას სიტყვა გააწყვეტინა ებრაელის ბიჭმა. რომელმაც საჩქაროდ იმათთან მიიბრუნა.

— ბაღდადეგი ხომ გაქვს?

— ლა ფერისა და ფასისა გნებავს, ბატონო?

— ამოიტანე რამდენიმე და, რა ფერისა და ფასისაც იქნება, გავიგებთ.

— ეხლავე, ბატონო, შინ მოგალთოთ?

— შინ კი არა, აი, ამასთან მოიტანე!

- ამ საათშივე მოგალთმევთ, შენი ჭილიმე.
- არ გინდა, ნათლი, ტყუილად ნუ სწუხდები!
- კარგები კი წამოილე! — მიაძახა გაქცეულ ებრაელის ბიჭს და მერე ჭიტიუს მიუბრუნდა:
 - ეხლა კი წავიდეთ.
 - აბა, რად გინდოდა, შენი ჭირიმე, ნათლი; რო შეუკვეთე. იმას თუ პირისანახავი არ მიეცი, მე ვიცი, წინა ხარებში მოსცდება.
 - არა, ნათლიმამ, ჩვეულებაა, უამასობა არ იქნება!...

VI

ასე გაიწიო ნიკომ სოფიო. დიდმარხვაში ერთი-ორჯელ ეწვია ნიკო, მაგრამ სოფიო მაინც მორცხვობდა, თამამად ვერ ეჭირა იმასთან თავი. ნიკო ცდილობდა, როცა ჭიტიუსთან მივიდოდა ხოლმე, ბევრი ემასხარავნა, გასაციინი რამ ეთქვა, რომ ამითი დაეახლოვებინა სოფიო, მაგრამ სოფიო მაინც მორიდებით და თავჩაღუნვით იცინოდა.

აღდგომის მეორე დღეს სოფ. ბ — ში დღეობა იცის. იქ თითქმის ყველანი მიდიან ხოლმე და ლხინობენ. სხვათა შორის ნიკოც იქ იყო თავის ცოლშვილით და კარგი სადილიც გამართა ახლად გაფოთლილ მუხის ქვეშ. ამ დღეს მიაწვევინა თავის ცოლს მამასახლისი თავის ჯალაბით და ჭიტიუც სოფიოთი. სადილის დროს ნიკომ ქალებს დაატანა ძალა და რამდენიმე ჭიქა ღვინო დააცლევინა. სოფიო უარზე იყო, გემოდაც არ უნდოდა ენახა, მაგრამ, როდესაც შეზარხოშებული ჭიტიუა აუხირდა, იმანაც ორი ჭიქა გამოსცალა, რამაც თვალები აურიო და ენაც კი ამოადგმევინა.

— ენდე, როგორ მომხიარულდი! პატარა ადრე დაგელია, ის არა სჯობდა!... — უთხრა ნიკომ, როცა სოფიომ ორი ჭიქის შემდეგ დაუწყო ლაპარაკი ნიკოს ცოლს და მოილხინა.

— არ ვიცოდი ნათლი, თორემ ადრე დავლევდი, — სიცილით უპასუხა სოფიომ.

— ე დედაკაცმა, რაკი ღვინის გემო გაიღო, ლოთობა კა არ დაიწყოს და არ დაძლუპოს! — იოხუნჯა ჭიტიუამ, რაზედაც ყველამ სიცილი დაიწყო.

რამდენიც დრო გადიოდა, უფრო სიმხიარულე ემატებოდა მოსაღილეებს. სოფიოც უფრო თამაშად იქცეოდა. ეს გარემოება იმას უფრო მიმზიდველობას ჰმატებდა და ნიკოს ჟინს უცხოველებდა. მალიმალ შეხედავდა სოფიოს გაბადრულ სახეს და ტანში გააჟრჟოლებდა. „აფსუსი არ არის, — ყოველ შეხედვის შემდეგ გაიფიქრებდა. ხოლმე ნიკო, — რომ შენ ჭიჭუა გეხვეოდეს და მე კი, აი, ამ ჯადოს!..“ ამ სიტყვების შემდეგ თავის ცოლს გადახედავდა ხოლმე. მართლაც, იმისი ცოლი რაღაც ულაზათო რამ იყო, თუმცა კი სახეზე ცოტათი სანდომიანობა ეხატებოდა და არც ისეთი ულაზათო რამ იყო, რომ კაცს ჯადო დაეძახნა იმისთვის.

ნიკო, რაც უფრო დიდხანს აკვირდებოდა სოფიოს და თავის ცოლს, მით უფრო უცხოველდებოდა ჟინი პირველისადმი და მეორისადმი კი — სიძულვილი...

„თუ ნებით არა, ძალით მაინც დაგიყოლიებ!“ — გაიფიქრა ნიკომ, როცა სახლისკენ დაბრუნდნენ, მაგრამ მაშინვე გადაასხვადერა: „არა, ძალით ცუდი იქნება... ასე ვთქვათ, ერთხელ მომიხდეს ძალით და მერე... ზომ გამომეკლავნდება და სამუდამოდ დაგვარგავ სოფიოს. ისევ სჯობია, იმ გზას მივდიო და ნებით დაგიყოლიო, თუმცა ჩქარა არ იქნება, მაგრამ, როცა იქნება, სამუდამოდ“...

როგორც გადასწყვიტა ნიკომ, კიდევაც ისე იქცეოდა.

ნიკო წამდაუწუმ ჭიჭუასას მიდიოდა, იმ დროსაც კი, როცა ჭიჭუა სახლში არ იყო. ეს თითქმის ყოველ დღე ხდებოდა, რადგანაც ჭიჭუა მარტოხელი იყო და აბა, იმას სახლში რა დააყენებდა. ჯერ მრავალკაციან გლეხის ოჯახშიაც არ დარჩება ამ დროს კაცი სახლში, და ჭიჭუას ზომ ზმირად უხდებოდა მინდვრად, თუ ვენახში ყოფნა, რადგანაც ოჯახი იმის კისერზე იყო დამყარებული. გიგლა და კატო კიდევ დილიდანვე გარედ გაცვიოდნენ ხოლმე და ვინ იპოვიდა იმათს კვალს! ისინი თავის სწორებთან დარბოდნენ ტყესა და მინდორში და ცელქობაში ატარებდნენ დროს: ხან ფრინველის ბუდეებს დაეძებდნენ, ხან პეპელებს იჭერდნენ და ხან კიდევ რით არ ატარებდნენ დროს!.. ყმაწვილები ყოველთვის იპოვიან ვასართობს, ერთ ადგილს თავის დღეში გულხელდაკრეფილები არ დასხდებიან და არ მოიწყენენ...

როდესაც ნიკო მივიდოდა სოფიოსთან, ის შინაურ საქმეს ანებებდა თავს და სიხარულით მიეგებებოდა მას. ესლა აღარ ვრიდებოდა ნიკოს და თამამად ეზაახებოდა ხოლმე სოფიო, როგორც მოსიყვარულე ქალი, ფიანდაზად ეშლებოდა ნათლიას ფეხქვეშ და სცდილობდა რითიმე ესიამოვნებინა. სიტყვას არ ეტყოდა ისე, რომ „შენ გენაცვალე, ნათლი“, არ დაეტანებინა.

ნიკოს დღითიდღე იმედი ეძლეოდა, მაგრამ მაინც ვერ ახერხებდა „საქმის დაწყებას“. ის სულ სახვალიოდ სდებდა „საქმის“ დაწყებას, და ისე გავიდა აპრილი, რომ სიტყვაც არ გადუქრავს. მარტო, თუ კი ამას რამე მნიშვნელობას მივცემთ, ამ ხნის განმავლობაში ნიკო რამდენჯერმე სოფიოს ხელებს თავის ხელებში ჟინმორეული სრესდა.

„ესლა კი დრო არის, — სთქვა ნიკომ მაისის პირველ რიცხვებში და გადაწყვიტა, რომ, რაწამს მივა, „საქმეს“ შეუდგება.

— რად მოგიწყენია, შენ გენაცვალე, ნათლი, ხომ არავინ გაგაჯავრა? — მზრუნველობით ჰკითხა სოფიომ, როცა ნიკო ამ გარდაწყვეტილების შემდეგ მივიდა იმასთან და სახემოქმედილი ტახტზე ჩამოჯდა.

— ფუუფუფუუ!... — პასუხის მაგივრად დაიწყო იმან ულვაშებისა და ტუჩების ბერვა და უფრო ძალიან მოიკმუნუნა სახე.

— მაინც, შენ გენაცვალე, რაზე ხარ გაჯავრებული? — უფრო მზრუნველობით მიიწია ნიკოსკენ და ხელი დაუჭირა.

სოფიოს ახლო მიწევამ და ხელის მიკარებამ ნიკოს ელვასავით ტანში დაუარა და თავბრუ დაახვია.

— ვინ, ვინ უნდა გამაჯავროს, ვინა?!... — წამოიძახა ნიკომ და ორივე ხელი მაგრად დაუჭირა სოფიოს.

— ვინ არის ჩემი გამაჯავრებელი, ვის შეუძლიან მე გამობედოს რამე და ჩემი ნება არ აასრულოს? — ყვიროდა ნიკო და თან სოფიოს თავისკენ იზიდავდა.

სოფიო ვერ მიხვედრილიყო, თუ ნიკოს რა დამართნოდა და ასე რამ ააღელვა. ამას იმის გონება ვერა ხსნიდა, მაგრამ გრძნობდა კი რაღასაც და იმისღა უნებურად შიშის კანკალმა აიტანა...

— შენა ხარ ჩემი მტანჯველი, შენა მკლავი მარტო შენ მიცხადებ უარს და არ გინდა მიმიხვედე ტანჯვას!...

— ნათლი, ნათლი!.. — მარტო ეს-ღა მოახერხა სოფიომ სათქმელად და ისიც აკანკალებული სხმით.

— არ გებრალეები, განა?! არ გინდა შემიყვარო?!. ნათლიდედ, მიყვარხარ, მიყვარხარ... — წამოიძახა ნიკომ მაღალი ხმით უკანასკნელი სიტყვები, და, უეცრივ გულში მიკვრით, გატაცებით დაჰკოცნა სოფიოს მარწყვის ფერი ტუჩები.

არც სტყუოდა ნიკო, რომ უთხრა: „მიყვარხარო“. ის მარტო ახლა მიხვდა, რომ სოფიო გაგიჟებით უყვარდა და მთელ თავის სიცოცხლეს შესწირავდა სოფიოს. ისა სცდილობდა სოფიოსათვის თავი შეეყვარებინა და ის კი არა თვითონ უფრო შეუყვარდა. სოფიოს ცოტა ადრე რომ შეეტივნა, ის მაშინვე ყურმოჭრილ ყმასავით უკან დაიხვედა და ველარას გაჰბედავდა, მაგრამ სოფიომ ეს ვერ მოახერხა. მთელი თავისი სიცოცხლე რომ ეფიქრნა, სოფიო ვერ მოიფიქრებდა, თუ ნიკომ ამ ზომამდინ მივიდოდა და ნათელმირონობას დაჰგმობდა.

— ნათლი, რას შერბები? — შეჰყვირა სოფიომ და ხელიდან გაუსხლტა. — ნათელმირონობას როგორა ჰგმობ, ნათლი? წადი აქედან! — უთხრა სოფიომ, როცა ის დედაბოძს მოეფარა.

— ნათლიდედ, მაშ მადგებ, არ გებრალეები! — შესაბრალისის ხმით წამოიძახა ნიკომ და დედაბოძს წამოუარა.

— ძალით გინდა გამაუპატიურო, არა გრცხვენიაან? — შესძახა სოფიომ და შორს გაუხტა.

— არა, ნათლიდედ არა! თუ შენი ნება არ იქნება, ხმასაც არა გაგცემ. აი, ეხლავე წავალ.

ნიკო გამობრუნდა და დაღრეჯილის სახით უკანასკნელად შეხვდა სოფიოს, რომელიც ფქვილის გოდორს აჰკროდა და მეტისმეტი აღელვებისაგან ძლივსლა სუნთქავდა.

სოფიოს მდგომარეობა და კატის კლანჭებში ჩავარდნილის თავის მდგომარეობა ერთი იყო. ნიკოს შეებრალა და უსიტყვოდ დასწყევლა თავისი თავი, რომ ის ასე შეაშინა.

— დელი — წამოიძახა კატომ, რომელიც უეცრივ შემო-

ქარდა სახლში: — აი რა ლამაზი ბარტყები ამოვსხით გოგობმა...

— აი, აი, რა კარგები არიან!

გოგომ მიიღბინა სოფიოსთან და თან ბელურის ოდნავ დაბუმბული ბარტყებს კოცნა დაუწყო.

ბარტყებმა ჭყიპინი მორთეს.

— სუთ, სუთ, ნუ გეშინიანთ, არ მოგკლამთ! — ყმაწვილურის ალერსით ჩასძახა კატომ და ბრტყელ ტუჩებზე უფრო მიიკრა.

— ხო ცოდონი არიან, ეგეთი ღლაპები რომ ამოგისხამს! წადი, იქვე ჩასხი, თორემ დაიხოცებიან. — უთხრა სოფიომ კატოს, როცა, ნიკო შინ წავიდა.

— გიგლა სადლაა? — დაეკითხა ის, როცა კატო ბუდეში ბარტყების ჩასახმელად გაქვრიალდა.

— ბაღლებში თამაშობს. — უპასუხა კატომ და გარედ გაიღბინა.

VII

გავიდა ამას შემდეგ ერთი კვირა. ამ დროის განმავლობაში ნიკო აღარ მისულა სოფიოსთან. ბევრჯელ დააპირა მისვლა, მაგრამ თითონაც ვერ გამოეცნო — რისთვის ვერა ჰბედავდა. წინად ძალით გაუპატიურებასაც უპირებდა და ეხლა კი მისვლაც, უბრალოდ შორიდან შეხედვაც ვერ გაებედნა. „ვაი თუ ეწყინოსო“, — იტყოდა ხოლმე, როდესაც წასვლას დააპირებდა.

სახლში აღარა ესიამოვნებოდა-რა. მთელი დღე ისე გადიოდა, რომ ერთ წამს ერთ ადგილას დამშვიდებულს და დამდგარს ვერა ნახავდა კაცი. ხან ტახტზე გაგორდებოდა და ოხვრას დაიწყებდა, ხან გარედ გავიდოდა და მთელი სახლის გარშემო კუთხეებს დაივლიდა და გიჟივით ხან რომელს საგანს დააკვირდებოდა და ხან რომელს, თუმცა კი თითქმის ვერც კი ჰხედავდა იმ საგანს.

— ვიცი, ვიცი, რაც გაწუხებს! — უთხრა ტირილით იმისმა ცოლმა ეუფემიამ ნიკოს, როდესაც ის ტახტზე იყო გაგორებული და რაღაცას ბოდავდა.

— იმ უნამუსომ მაგრე როგორ გაგაგიჟა და ცოლ-შვილზე გული როგორ აგაყრევინა!.. — ისევ ტირილით განაგრძო ეფემიამ და გვერდით მოუჭდა.

ნიკოს სულ არ გაუგონია იმისი სიტყვები. ის ისევ თავისთვის გორავდა და ბოდავდა.

— მე მაშინვე მივხვდი, როცა ი უნამუსო დაჰპატიჟე ღღობაში! მაშინვე გავიგე, რა განზრახვაც გქონდა, მაგრამ...

— ვინ უნამუსო! რასა ბოდავ? — გააწყვეტინა სიტყვა ნიკომ, როცა იმას მოესმა ეს სიტყვები, თუმცა კი ვერ გაეგო, თუ რას ეუბნებოდა ცოლი.

— ვინ უნდა იყოს! აი შენი ნათლიდედის ფეხი! — ტირილით უთხრა ეფემიამ.

— როგორ თუ ნათლიდედის ფეხი?! რა დაგიშავა იმან, ჰა! — წამოვარდა ნიკო და ღრიალით დაეკითხა.

— ისა, რო გაგაორგულა და შენი ცოლ-შვილი დაგვანელა.

— რეებს ბოდამ და მიედმოედები!

— არც კი გრცხვენიან, ი გლეხის გომბიოს როგორ უწვევები გვერდით!

— ხმა გაიწყვიტე, თორემ ეხლავე თავს გაგადღებინებ! შენ იმისი ღირსი კი ხარ, რომ მაგრე ურიგოდ იხსენიებ, ჰა?

— ვაიმე უბედურს! მე იმედი მქონდა — ტყუილი გამოდგება-მეთქი და ის კი არა, მართალი ყოფილა! — ეფემიამ მიიფარა ხელები სახეზე და ქვეთინი მორთო...

— შენ, ეი, მისიმარ შენთვის ეგდე და ხმა გაიწყვიტე, თორემ ხომ მიცნობ? — კბილების ღრქიალით უთხრა ცოლს და რამდენჯერმე გაიარგამოიარა.

ეფემია მიყუჩდა. მას კიდევაც უკვირდა, რომ ესეც გაუბედა და ნიკოს ყველაფერი უთხრა, რაც ეს ერთი თვე მეტი იმას აღრჩობდა და სულს უგუბებდა.

— ადე, გაეთრიე აქედან! — შეუყვირა ნიკომ თავის ცოლს.

— რაც გინდა, ჰქენი! — წაიბუზლუნა ეფემიამ და ფეხაკრებით მეორე ოთახში გავიდა.

ეფემია და სხვარიც სახლში ნიკოს მონები იყვნენ. სახლში

ყველანი, როცა კი ნიკო შინ იყო, შიშით კანკალებდნენ და სარკეებად ხდებოდნენ: თუ ნიკო გაიცინებდა, ისინიც გაიცინებდნენ და თუ ის მოიღრუბლებოდა, სხვებიც მაშინვე წარბს შეიკრავდნენ. ერთი სიტყვით, ნიკოს წინააღმდეგი ოჯახში ვერავინ გახდებოდა. ის იყო სასტიკი მფლობელი ამ პატარა სამეფოსი და ვაი იმისი ბრალი, ვინც გაუბედავდა რასმე.

აი, ასეთი სასტიკი და სხვის დამმონებელი, ეხლა ერთ „გლეხის გომბიოს“ და „გლეხის ცოლის“ მონა გამხდარა თითქმის და იმასთან მისვლა ველარ მოუხერხებია.

„რაც მოხდება, მოხდეს! ერთი კიდეც მივალ და მე-რე“... — წამოიძახა იმან ერთის კვირის შემდეგ და კიდევაც გაემგზავრა სოფიოსკენ.

არც სოფიო იყო მოსვენებული ამ ერთი კვირის განმავლობაში, იმას იმ დღეს აქედ ჩხირიც არ გადაუბრუნებია, წამდაუწუმ გაიხსენებდა ნიკოს საქციელს და სულ აინთებოდა ხოლმე და ხმაშალივ წამოიძახებდა: „რა მიყო იმ თათარმა, იმან!.. ნათელ-მირონობისა რატომ არ შეეშინდა იმ ურჯულოს?! რაზე მოინდომა ჩემი გაუპატიურება?“ „ღმერთო შენ დამიფარე!“ — დაუმატებდა ხოლმე ბოლოს. — „ნეტავი ერთი ჩქარა დაბრუნდეს ქიტუა, რო ყველაფერი ვუთხრა და ის სახლში აღარ გაატაროს“. რამდენჯერმე გაიმეორა ეს თავისი გადაწყვეტილება და მოუთმენლად ელოდა დაბინდებას, როდესაც ქიტუა გუთნიდან დაბრუნდებოდა. მაგრამ, თითქოს იმის გამოსაჯავრებლად, დღე ერთი-ორად იქცა და დაბინდება აღარ ეღირსა. არაერთხელ გამოირბინა იმან გარედ და მზეს შეხედა: „აბა თუ ამ მზეს ჩაბძანება ეღირსოსო!“ — იტყოდა ხოლმე, როცა მზეს შეხედავდა.

ძლივს შებინდა, ქიტუაც ჩეკით შემოვიდა სახლში, მაგრამ სოფიომ ხმა ვერ ამოიღო ნიკოზე. რაღაც ძალამ გააჩუმა და „სახვალიოდ“ გადაადებინა.

გათენდა მეორე დღე, მეორეს მესამე მოჰყვა, მაგრამ სოფიო ნიკოზე ქმარს არას ეუბნებოდა.

გადიოდა დრო და სოფიოც თანდათან უფრო გამოუტყვეველ მდგომარეობაში ვარდებოდა... ყოველ ნიკოს წარმოდ-

ვენაზე იმას გული უეცრივ გაღუქანდებოდა, ტანი მოეშლებოდა და მოუძღურდებოდა. სცდილობდა სულ არ მოეგონებინა იმის სახე, მაგრამ, იმისდაუნებურად, ცხადად დაეხატებოდა ხოლმე ნიკოს სახე და მოესმოდა მისი სიტყვები: „არ გებრალეები, განა?!. არ გინდა შემიყვარო?.. მიყვარხარ!.. მიყვარხარ!..“ „ღმერთო, რა მემართება, მე ბედშავსა!“ — წამოიძახებდა ხოლმე ნიკოს სიტყვების მოგონებაზე და ქვითინს მართავდა.

დღითი დღე სოფიო რაღაც გამოურკვეველმა სურვილმა აიტანა. უნდოდა, სწყუროდა რაღაც და არ იცოდა კი — რა. ამ სურვილით გატაცებული დაეძებდა, სჩხრეკდა სახლის კუთხეებს, აქოთებდა ყუთებს, თავის მზითვის სკივრს და ვერ ეპოვნა, ვერ გაეგო, რაც უნდოდა... როცა კი ბავშვები შინ იყვნენ, ის ხან კატოს დაიჭერდა და გატაცებით ჰკოცნიდა და ხან გიგლას. ერთხელ გიგლა კინაღამ დაადრჩო, ისე მიიკრა გულზე და დაუბოლოებლად ლოშნიდა. ჰკოცნიდა ბავშვებს, გულში იკრავდა, მაგრამ ამით წყურვილს ვერ იკლავდა, პირიქით, უფრო უცხოველდებოდა წყურვილი და ეს გონებიდან ჰრევდა.

სოფიოსთვის ეს გრძნობა სულ უცნობი იყო. ის აგერ ოცდაორი წლის დედაკაცი გახდა და ჯერ ამისთანა გრძნობა არ გამოუცდია. ამისთვის იყო, რომ მას ვერ გამოეცნო ეს წყურვილი და ასე გადარეულიყო. „ვაიმე მე ბედშავსა, ვაიმე! ეს რა მემართება!“ — გულჩაწყვეტით წამოიძახებდა ხოლმე მალი-მალ.

თითქმის ექვსი დღე გავიდა მას შემდეგ, რაც ნიკომ გაუპატიურება დაუპირა. ამ დღეს ქიტუა ჩვეულებრივ საღამოთი ჩეკით შემოვიდა სახლში და რამდენიმე ფიცრისგან შეკრულ ტახტზე ქალამნების გახდა დაიწყო. სოფიო იმის პირდაპირ იდგა და გატაცებით უცქეროდა იმის მეტისმეტ ჯაფისაგან ჩამომხმარ სახეს. ქიტუას ცქერაში იმას უეცრივ დაეხატა ნიკოს სიცოცხლით გაღაღღადებული სახეც. „არ გებრალეები განა?!“... მოესმა ეს სიტყვებიც.

— ქიტო, შენ გენაცვალე, შენი ჭირიმე!.. — მივარდა სოფიო უეცრივ ქიტუას და კისერზე მოეხვია.

— ქიტო, მიყვარხარ, მიყვარხარ!... — ეხვეოდა ქალი და გატაცებით ჰკოცნიდა.

ქიტუასაც რომ სამაგიეროდ ხვევნა და კოცნა დაეწყო, იმასაც რომ ალერსით გულში ჩაეკრა, იქნება სოფიოს ყველაფერი ეამბნა, შეხვეწნოდა, რომ ეშველნა რამ, მაგრამ ქიტუა ვერ მიხვდა ამას და, როცა კისრიდან ძალით მოიშორა სოფიო, უთხრა:

— კარგია. მამიშენის ცხონებას, რა დროს ეგეებია! ერთი დროით დამიგე. რომ დავეგდო. დილაზე ადრე მინდა ავდგე, თორემ გუთანზე დამიგვიანდება.

სოფიო რამდენსამე ხანს ერთს ადგილას გატვრინული და გამშრალი იდგა. „აბა ნიკოს მოხვევენოდი, როგორ გულში ჩაგიკრავდა!“ ჩასძახა უცნაურმა ხმამ, როცა ის გაშტერებით ქიტუას უმზერდა. ამ ხმამ სოფიო აათრთოლა და გონზე მოიყვანა. მაშინვე გაბრუნდა, რომ ქიტუასთვის ქვეშსაგები გაეშალა.

იმ ღამეს სოფიოს სულ არ დასძინებია, რაკი ყველამ დაიძინა სოფიო ისევ ადგა და გარედ გავიდა. ყელში სული უგუბდებოდა. სუნთქვა ეხუთებოდა. კარგა ხანს იჯდა დერეფანში. მაგრამ ამანაც არა უშველარა, თუმცა კი მაისის ღამის გამაცოცხლებელი ნიავე დასიბინებდა და იმის განურებულს. გაბადრულს სახეს გარს ეხვეოდა და ეალერსებოდა.

სოფიოს გული ყელში ებჯინებოდა, უნდოდა ტირილი, უნდოდა ისე, რომ თავისი ღღენი ასე არა მოსდომნია-რა, მაგრამ ცრემლი არ მოსდიოდა.

შუალამე გადავიდა. მამლებმა ღიღი ხანია იყივლეს პირველად. საცაა მეორედაც იყივლებენ, მაგრამ სოფიო კი ისევ წვალობდა და ცრემლი არ მოსდიოდა. როგორც მთიდან ჩამონაქანებმა წყალმა, ბოლოს, გადმოჰხეთქა ცრემლმა და ლოყები უხვად მოურწყა. აფრქვევდა ცრემლს და თან, გულამომჯდარი, ბავშვივით სლოკინებდა.

მალამოსავით მოეცხო გულზე ცრემლები. ამათ გამოიტანეს სხეულიდან მთელი ამ ღამის ვაივაგლახი და განწმინდეს სოფიოს გული.

ცოტა ხნის შემდეგ თავი კუნძზე მიდო და მიეცა

გამოუკვეველ ფიქრებს. მთლად დამშვიდებული სტკებობდა და სიამოვნობდა. სახე უღიმოდა, გული ნეტარებით ევსებოდა, თუმცა კი არ იცოდა. რისგან და რისთვის.

აქნობამდინ თუ ღამის ნიაგმა მოქმედება არ იქონია სოფიოზე, ეხლა, როცა ისა სტკებობდა თავის ოცნებით, გარიჟრაჟის ცივმა ნიაგმა მოუჭირა და ააძაგძაგა, მაგრამ მაინც ვერ ეთხოვებოდა თავის ტკბილ ოცნებებს და სახლში არ შედიოდა, სადაც ეძინა იმის ქმარს, რომელმაც უწყალოდ მოიშორა და იმისი ალერსი და გულის ძგერა არ მიიღო.

გათენებას აღარა აკლდარა. რომ სოფიო, ძილმორეული, ბარბაცით სახლში შევიდა და დამთვრალი კაცივით ლოგინზე გადიჩეხა.

სულ რამდენიმე წამს არ გაუელია, რომ ჩაეძინა და მძიმედ სუნთქვა დაიწყო...

VIII

მზე კარგად მალა იყო აწეული, როცა სოფიომ გამოიღვიძა და დამთქნარებით გაიზმორა. იმან შეასწრო თვალი ერდოდან კერაზე ჩამოშვებულს მოციმციმე მზის სხივებს და საჩქაროდ წამოიძახა:

— უი, დამიდგეს თვალეზი, შეადლეს მოუტანებია!

— მუუუ!.. — შემოესმა ბაკიდან ამ დროს ძროხის ბლავილი.

— შეეე!.. — ამას მოჰყვა ჩილი ხბოს ხმაც, რომელიც დერეფანში ბოძზე იყო მიბმული.

— ძროხაც შინ დამრჩენია მე თავმკვდარს! — სთქვა ესა და მარდად წამოდგა ლოგინიდან.

საჩქაროდ გადიცვა კაბა და დერეფანში გავიდა.

— დედი, ღამის აღის, ბლავილით გასქდნენ! — დაბლვერილის სახით და საყვედურის კილოთი მიაძახა გიგლამ, რაწამს სოფიოს თვალი შეასწრო.

გიგლა და კატო გაღვიძების უმალ ხბოს მიუსხდნენ და ყოველ იმის შებლავლებაზე მოეხვეოდნენ და ალერსიანად შესძახოდნენ: „დედა გინდა, ფუჩინო? მოგშვიდა? უი, და-და-

და!..“ ესენი ველარ მოშორებიყვენენ მომტირალ ხბოს და იმის დაბლავლება გულში სწვდებოდათ. კატოს კიდევ უნდოდა აეშვა ხბო, მოეწოებინა და მერე ისევ დაება. „დედამ რო გაგვიგოს!“ — შეაყენა ამ სიტყვებით გიგლამ, როცა იმან ხბოს ყელიდან თოკის ხსნა დაუწყო.

— მერე რატომ არ გამალვიძე? — უპასუხა სოფიომ გიგლას საყვედურზე.

— იმოდენა გლვიძე, ლო, ალ ვიცი, ლამოდენაა... — სთქვა ისევ დაბლევრით გიგლამ.

— მარტო „უ, უუ“-ს იძახდი, როცა გლვიძებდით! — სიცილით უთხრა კატომ.

— აუშვი ჩქარა, თორემ ცოდოა! — წამოიძახა სოფიომ და მივიდა ხბოსთან.

— მოგშივდა, ფუჩინო? — ალერსით ჩასძახა სოფიომ ხბოს, როცა კატო თოკსა ჰხსნიდა.

— საწველელი გამოგიტანო? — ჰკითხა კატომ, როცა აუშვა ხბო, რომელიც თავპირის მტერევეით დერეფნიდან გავარდა და ბაკის კარებს გამალებული დაეჭახა.

— ხბოსაც ვერ გააძლობს, ისე მშიერი იქნება და რაღა მოეწველო!

— აგერ ნახირი აქ ახლოა, მე და გიგლა გავუგდებთ ძროხას! — უთხრა კატომ, როცა ხბო გაიტივნა და ძროხას მოშორდა.

— კარგი, გაიგდეთ, შვილო, და კი არამ შეგაშინოთ!

— რამ უნდა შეგვაშინოს! — უპასუხა კატომ და ძროხა წინ გაიგდო.

— წავიდეთ, გიგლა! — მერე მიუბრუნდა გიგლას და დაუძახა:

კატომ და გიგლამ წაიყვანეს ძროხა. სოფიო კი ისევ შინ შებრუნდა და, ლოგინის ალაგების შემდეგ, სახლის დასაგველად ცოცხს წამოავლო ხელი. ის იყო, გვა უნდა დაეწყო, რომ ამ დროს გარედან ხველა შემოესმა. „ისაა!“ წამოიძახა სოფიომ და ცოცხი ხელიდან გავარდა.

გულმა აჩქარებით დაუწყო ცემა, ფერი შეეცვალა და სუნთქვა შეუდგა. თვალს აღარ ეშორებდა კარებს და უსიტყ-

ვოდ გაიძახოდა: „აი, საცაა, შემოვა!“ მაგრამ კარებში არავინ შემოვიდა. იმის მაგივრად კიდევე შემოესმა ხველა. „რალას ახველებს და აღარ შემოვა!“ წამოიძახა სოფიომ.

ცოტა ხანს კიდევე იდგა ისე და მერე რაცრაცით კარების-კენ წავიდა.

— დილა მშვიდობისა, ნათლიდედ! — მოწიწებით შემოს-ძახა ნიკომ.

სოფიომ სამაგიერო ვერა უთხარა. იმან მარტო შეხედა და ამ შეხედვით ყველაფერი აგრძნობინა ნიკოს. იმან ამოი-კითხა სოფიოს თვალებში, რასაც სულ არ მოელოდა. ამი-სათვის აჩქარებით შემოვიდა სახლში და სოფიოს მივიარდა.

— მაშ არ მიწყრები?.. არ მიწყრები?.. ჰა?.. ჩემო... ჩემო... — მოხვია იმან მკლავები და ლაფანივით მოშვებული და თითქმის გონებაშიხდილი სოფიო ალგზნებით ჩაიკრა გულში...

* *

ასე დაიწყო ამათში კავშირი და მას შემდეგ, თითქმის ორი წლის განმავლობაში, როცა კი ქიტუა შინ არ იყო, რაც ზშირად ხდებოდა ხოლმე, ყოველთვის ერთად იყვნენ: მარ-ტო იმათ ალერსს ხანდისხან ხელს უშლიდნენ ყმაწვილები, რომლებიც უეცრივ თავს წააწყდებოდნენ ხოლმე. ზამთარ-ში ხომ, როცა ამათ მარტო ღამდამობით შეეძლოთ შეხვედ-რიყვნენ ერთმანეთს, რადგანაც ქიტუა დღე შინ იყო და მხოლოდ ღამეობით მიდიოდა ბოსელში დასაწოლად, ყმაწვი-ლები ძალიან აწუხებდნენ. ერთხელ კატომ, ცოტას გასწყდა. კინაღამ არ გასცა.

ამ გარემოებამ იძულებულ ჰყო სოფიო და ნიკოც თვა-ლიდან ამოეღოთ კატო და გიგლა და სახლიდან როგორმე გაეძევიებინათ, რომ უფრო თავისუფლად ეალერსნათ ერთმან-ეთისათვის.

ამ განზრახვით სოფიო შეუჩნდა ქიტუას და ურჩევდა, რომ ყმაწვილები წაეყვანა საღმე და ან მოჭამაგირედ, ან კიდევე შეგირდად დაეყენებინა ვისთვისმე, მაგრამ იმან იმაზე ცივი ჭარი გაუცხადა.

რაკი ამით ვერას გახდა, სოფიომ ნიკოს რჩევით სხვა საშუალებას მიჰმართა, და ეს საშუალება — ყმაწვილების დევნიყო. ბოლოს ხომ სოფიო იქამდინ მივიდა, რომ როგორც ქიტუაშა სთქვა, — „ღვთის რისხვა ღამეში“ ყმაწვილებს გარედ გამოუძახა.

IX

ტყუილად დაიკვებებს ქმარი — ჩემ ცოლს ჩემ ნებაზე გავატარებო. თუ ცოლმა, რამ დაიყინა. ისევ სჯობია. მანიწვე შეუსრულოს და წინააღმდეგობა არ გაუწიოს. თორემ ვერას გახდება. იმდენს იზამს, იმისთანა საშუალებებს მიჰმართავს. რომ კაცს გააკვირვებს და ასე თავისას მაინც გაიყვანს. მიღებულა ის აზრი, თუმცა კი სულ უსაფუძვლოდ, ვითომ ქმარი თავია და ცოლი კი კუდი, მაგრამ ნამდვილად კი სულ სხვასა ვხედავთ: ცოლს ქმრის ცხვირი უჭირავს და საითაც უნდა, იქით აქნევიანებს პარს.

ქიტუასაც ასე მოუვიდა. პირველში ის ძალიან უარზე იყო, მაგრამ ბოლოს კი იძულებული გახდა თავის ცოლის სურვილი დაეკმაყოფილებინა, და აი „ჯოჯოხეთ ღამის“ შემდეგ სულ ერთი კვირა არ გასულა, რომ ქიტუა თავის ქალ-ვაჟით აზილისში სასახლის იქით იდგა და კვირა დღეს სასეირნოდ გამოფენილ ხალხს შესცქეროდა დაღრეჭილის სახით, იმ განზრახვით, რომ ან ერთი შეიბრალებდა და ან მეორე და გიგლას და კატოს შევირდად ან მოსამსახურედ აიყვანდა.

გამუდმებული წვიმიანი ამინდის შემდეგ ნოემბრის უკანასკნელმა მზიანმა კვირა დღემ გამოიწვია თბილისის საზოგადოება უმთავრეს ქუჩაზე სასეირნოდ.

ვის არა ნახავდა კაცი აქ ამ დღეს? ნასწავლთაც და უსწავლელთაც, მოსწავლეთაც და არამოსწავლეთაც, ერთი სიტყვით, — ყველას აქ მოეყარა თავი.

თითქოს ამ კალეიდოსკოპს დავიწყებოდა საზოგადოებრივი და წოდებრივი განსხვავება და განეზრახა ერთ რიგში მოთავსებულყო. კიანჭველასავით იძროდა და ირხეოდა ეს თბილისის აპრელებული საზოგადოება და უკვალოდ, უსაგ-

ნოდ წყნარის ნაბიჯით წინ და უკან მიდიმოდიოდა; დავიწყებოდა თავისი შური, ჯიბრი, ძარცვა-გლეჯა, ბეზლობა, სიმუხთლე და ერთს რაღაც გამოურკვეველ სიხარულს მისცემოდა და თვალის ჩაბეჭუტვით შესცქეროდა ძალაგამოცლილ მზეს, რომელიც მოწყენით დასცქეროდა ზევიდან ჯურღმულს და თითქოს ჩამოსძახოდა: „თქვენ ამ ძალაგამოცლილ სხივების ღირსნიც არა ხართ... გული მეწვის, გული მეთუთქება ხოლმე. როდესაც თვალს გადავაგვლებ თქვენის მოქმედების რუქას, რომელიც ცის სივრცეში ცრემლით და სისხლით არის აღბეჭდილი და ყოველ თვალის გახელაზე წინ გადამეშლება. მინდა სამუდამოდ მოგაშოროთ თვალი, მაგრამ... მაგრამ რა ვქნა, რომ ვერ შემიძლიან ამის ასრულება!.. ჩემები, ჩემით ხართ ნაშობნი ბუნების ველზე და ამისთვის გული არ მითმენს. გირ გამიძლია უთქვენოდ!.. ეჰ, რა ვქნა... რა ვქნა?!“ თითქოს მწარედ წამოიძახა მზემ და მოეთარა ნაგლეჯ ღრუბელს, რომ ცოტახნობით მაინც მოეშორებინა თვალი სიმუხთლის რუქასათვის და დამშვიდებულიყო.

ჯურღმულში მოძრავმა ხალხმა უკმაყოფილოდ შეიქმუხნა. სახე და ყველამ. თავისდა უნებურად, ღრუბლებში შესულს მზეს თვალები მიაპყრო და საყვედურით ეუბნებოდა: „რადან გვემალები“?..

ქიტუამაც შეხედა მზეს და ხმამალა წამოიძახა: „ეჭდმერთო!“ მერე გადახედა თავის ქალ-ვაჟს, რომლებიც იმას გვერდში ამოკროდნენ. შეხედა იმათ დაღვრემილ სახეს და გული ჩაეთუთქა. „რა ვქნა, რა?! მწარედ გაიფიქრა ქიტუამ და თვალეში გადმოსახეთქად მოგუბებული ცრემლები ძლივას დააბრუნა უკან...

„ვის მივმართო?! რა წყალში ჩავვარდე?“ წამდაუწუმ გაიფიქრებდა ხოლმე ქიტუა და მოსეირნე ხალხს შეჰხედავდა, რომ ეგება ჩოხიანი ან ლეჩაქიანი დაენახა ვინმე; მაგრამ ძალიან იშვიათად დაინახავდა ხოლმე. ის, ყოველ იმათ დანახვაზე, წაიწვედა წინ, რომ ეთქვა რამ, მაგრამ, ვიდრემდინ ქიტუა ხმის ამოღებას მოახერხებდა, ისენი უკვე მიიმალებოდნენ...

— და-ძმობას, მოსამსახურე ხომ არ გინდა? — აკანკალე-

ბულის ხმით მიჰმართა ქიტუამ ერთ შუახნის მანდილოსანს, რომელმაც კატოს დაუწყო ცქერა.

— რა ლამაზი რამ არის, რა ლამაზი! — იძახდა თავისთავად მანდილოსანი და კატოს კუმეტ თვალებს გაშტერებით უცქეროდა.

ქიტუამ კიდეც გაუმეორა კითხვა.

— მოსამსახურედ გინდა დააყენო? — უპასუხა კითხვითვე მანდილოსანმა და ახლოს მივიდა.

— ჰო, შენი ჰირიმე, ქალბატონო! — უპასუხა ქიტუამ და გახარებულმა წინ წაიწია.

— ამ ერთი ბეწომ რა უნდა გააკეთოს? — უთხრა მანდილოსანმა.

— რაღა ერთი ბეწოა, შენი ჰირიმე, ათი წლისა ჩქარა გახდება.

— რა ლამაზი გოგონა რამ არის! — მივიდა მანდილოსანი კატოსთან და აკოცა.

— შენი სახელი, ქაჯან? — ჰკითხა კატოს, რომელმაც კოცნაზე თავი ძირს ჩააღუნა და ზემოთ სულ აღარ აუხედნია.

— კატო ჰქვიან, შენი ჰირიმე! — უპასუხა ქიტუამ კატოს მაგივრად.

— მაშ, ათისა ჩქარა გახდებაა? — გაგრძელებით ჰკითხა მანდილოსანმა და მერე თითებზე თავისთვის თვლა დაიწყო.

— ათანამ თერთმეტი, თორმეტი, ცამეტი და თოთხმეტი. ეს... ოთხი წელიწადი. ოპოოო!.. — ჩაფიქრდა და მერე წამოიძახა:

— მე ავიყვან. ისე კარგად მოვუვლი, რომ შენი ქალი ვეღარც კი იცნო, ყველაფერსაც ვასწავლი. ბევრი ამისთანა გამოიზრდია...

— აი, შენ ღმერთს კი ვენაცვალე, ქალბატონო, შენსას! — სიხარულით წამოიძახა ქიტუამ და მერე საჩქაროდ დაუმატა:

— იქნება ესეც აიყვანო და სიკეთე დასთესო! და-ძმა ერთად უფრო ხალისიანად გაგიკეთებენ საქმეს.

— არა, ჩემო ძმობილო, ეგ სხვას მიეცი ვისმე.

— კარგი კი იქნებოდა ერთად-და... ეგ შენი ნებაა...

— აბა, ქაჯან, წავიდეთ, — ჩაავლო კატოს ხელი და გასწია.

— გვარი რაღაა ამისი?

— გიგაურებს გვეძახიან, ქალბატონო, — მოწყენით წამოიძახა ქიტუამ. იმან წარმოიდგინა, რომ ეხლა, საცაა, გაშორდება თავის კატოს და ამან გული მოუტლა.

— წაჰყევი, შვილო, წაჰყევი, — უთხრა კატოს, რომელიც იმის ჩოხას დაეჭიდა და არ მისდევდა მანდილოსანს.

— არ წავეყები, მამილო! — ტირილით უთხრა კატომ.

— სად მიგყავს, ეი! — ტირილითვე უთხრა გიგლამ და კატოს ხელი დაუჭირა.

— ნუ გეშინიან, შვილო, ნუ! ეგ მადლიანი ადამიანია! — ანუგეშებდა ქიტუა კატოს, მაგრამ თვითონაც ტირილი მოსდიოდა და ცრემლებს ძლივს იმაგრებდა.

— რა გატირებს, ქაჯან, ღმერთმანი, ისე შეგინახო, რომ მერე მამის ნახვა აღარც კი მოგინდეს! — უთხრა მანდილოსანმა, როცა ქიტუამ ჩოხის კალთა გააშვებინა და გიგლაც მოაშორა.

— გიგლო!.. — სასოწარკვეთილებით გადმოსძახა ეტლიდან კატომ თავის პატარა ძმას, რაკი მამამ ვერა უშველა რა...

— ნუ მიგყავს, ეი!.. — წამოიყვირა გიგლამ და მამას ხელიდან გაუსხლტა. მივარდა ეტლს და ხელები წინ გაიშვირა, რომ კატოსთვის მოეკიდებინა, მაგრამ ამ დროს დაიძრა ეტლი და გიგლა კინაღამ ქვეშ არ მოიყოლა...

* *

ხალხს მოსწყინდა მოსაწყენი სიამოვნება და ნელ-ნელა შინისკენ დაიწყო წასვლა. სულ ერთი საათი არ გასულა კატოს წაყვანის შემდეგ, რომ უმთავრესს ქუჩაზე მოსეირნეთა რიცხვმა ერთი-ოცად იკლო. ბოლოს, ქუჩებში თითო-ოროლა უგზო-უყვლოდ მოხეტიალეთა ჯურის ხალხიდა დაღანდაღებდა აქა-იქა, რომლებსაც ცუდი და კარგი დარი, დილა და საღამო არ გააჩნიათ.

— ჩვენ რაღას ვუდგევართ, შვილო, წავიდეთ! — უთხრა ქიტუამ გიგლას და კუკიის ხილისკენ გაემგზავრა.

გიგლაც დაედევნა იმასა და ჩქარა ორივენი ერთად ხიდებს გასცდნენ.

ქიტუა მოდიოდა და თავის ბედსა სწყევლიდა, სწყევლიდა თავის გაჩენის დღეს და ემდუროდა ყველას. იმას სოფიოზე მოსდიოდა ჯავრი, რომ იმის წყალობით შვილები ასე არე-არე უნდა ერბენინებინა და თითონაც გზიდან გადავარდნილიყო. „აი, დედაკაცის გაჩენის დღე კი დაიქცეს, აისრე!“ — მალე მალ წამოიძახებდა ხოლმე და მერე ისევ დაუმატებდა: „შე დალოცვილო ღმერთო, დედაკაცი რა გასაჩენი იყო, რო გააჩინე!“...

— შამი, პური მშვიან! — ნამტირალევის ხმით უთხრა გიგლამ, როცა ავჭალის ქუჩაზე ერთი მესაჭმლის დუქნიდან საჭმლის სუნი ეცა იმას და შიმშილი აგრძნობინა.

ქიტუასაც მოშივდა. იმის პირში მთელი დღე ნაწილი არ ჩასულიყო.

— წამო, შეილო, და აი აქ ვჭამოთ. — უთხრა ქიტუამ და შევიდა ვიწროსა და ქუჩკიანს საჭმლის დუქანში.

— გამარჯობა, ძმობილო! — შესვლისთანავე უთხა ქიტუამ და წელზე შემოკრული თეთრი ყაბალახი შემოიხსნა.

— გაგიმარჯოს ღმერთმა! — უპასუხა მთლად შავად გაქონილ და გათხუპნილ ტანისამოსიანმა შუახნის კაცმა.

— ერთი შაურის ლობიო-შაქამანდი მოგვიტანე, თუ ღმერთი გწამს! — უთხრა ქიტუამ და სტოლთან დაჯდა.

— ვაა, რატომ ესე ბატონური დრო ამოვირჩევია სადილისათვის? — გაემასხარავა გათხუპნილი მედუქნე, როცა იმან დიდი ჯამით ლობიო-შეჭამანდი წინ დაუდგა.

— რა ექნა, ჩემო ძმავო, რომ ასეთი დრო ამოვირჩიე! — დაიწყო ქიტუამ და თან ყაბალახიდან ამოდებულ პურს ლუკმა-ლუკმად ანაწილებდა და ჯამში ჰყრიდა. გიგლა კი ამ დროს გამალებული იღებდა ჯამიდან ლობიოში დამბალ პურს და შეექცეოდა.

— უთუოდ გვიან გაგიყიდნია შეშა, რომ აგრე დაგგვიანებია! — გამოელაპარაკა კიდევ ცუდად მჯდომი მედუქნე, რადგანაც მუშტარი ამ დროს ქიტუას მეტი არავინა ჰყავდა.

— შეშა კი არა, ოხრობა გამიყიდნია! — აი ე ბალღები
პყვანდა გაღმა და მინდოდა შევირდად მიმეცა ვისთვისმე.

— სადა გყვანდა?

— სადა და აი გაღმა. ბლომად ხალხი დადიოდა და იქ
მეყენა.

— ვა, გეყენა, განა ცხვარი იყო, რომ მუშტარი თვითონ
მოგვლოდა? არ იცი, რომ ეგრე ვერავის მისცემდი?

— რა ეშმაკი და ქაჯი ვიცი? ი გოგო კი მივაბარე და ეს კი
ისევ დამრჩა და სახლში მინდა წავიყვანო. — უთხრა ქიტუამ
და ერთი ისეთი ამოიოხრა, რომ გული თან ამოაყოლა.

— გოგოცა გყვანდა?

— ჰო.

— მერე ვის მიეცი?

— რა ვიცი, ვის მივეცი... ერთი მადლიანი ადამიანი გა-
პომიჩნდა და იმან აიყვანა.

— ვა, რა ოხერი რამა ყოფილხარ! არ იცნობ და გოგო კი
მიეცი?!

ეს სიტყვები ქიტუას არ ეჭაშნიკა და როგორღაც გულში
ჩასწვდა. იმან ახალადა მოიფიქრა, რომ ამ მანდილოსანის არც
სახლი იცის და არც სახელი. ნახვაც რომ უნდოდეს, სადა ნა-
ხავს? მაგრამ ჩქარა დამშვიდდა, რადგანაც წარმოიდგინა იმ
მანდილოსანის გულკეთილობა, და უსიტყვოდ უთხრა თავის
თავს: „ის თვითონ მომნახავს, როცა კატო დიდი გახდება, და
ჩამაბარებს. იმან ხომ გვარიც იცის ჩემი და სახელიც“. ასე
ინუგეშა იმან თავი და ჩაფაშრულ ლობიოს ჭამა დაუწყო.

— მაშ ე ბიჭი შინ გინდა წაიყვანო? — ჰკითხა მელუქნემ
ჩამოდენივით ხნის სიჩუმის შემდეგ.

— მა რა ვქნა, შენი ჰირიმე, რო შინ არ წაიყვანო. წაიყ-
ვან და იქ დაუყენებ ვისმე მოჯამაგირედ. — უპასუხა ქიტუამ.

— ქალაქში ჩამოგიყვანია და ისევ სოთელში მიგყავს?! —
გაკვირვებით უთხრა მელუქნემ: — რას ამბობ, კაცო! გინდა
შენსავით ხებრე გამოიყვანო?

— თუ კი არავინ აიყვანა, მა სად წაიყვანო?!..

— ჰო, ეგაც კია, აი!..

მამა-შვილი მორჩა ჭამას. ქიტუა წამოდგა და პირჯვარი

გადაიწერა: „ღმერთო, შენ მოწყალეობას მუ მომაკლებს“ პირჯვრის წერასთან ერთად ქუდის მოხდით წამოიძახა და გათხუპნილ კაცს შაურიანი მისცა.

— ახლა კი წავიდეთ, შვილო! — უთხრა გიგლას, რომელიც უკვე წასასვლელად მზად იყო და კარებისკენ გაემგზავრა.

მზე ნახევრად მოჭფარებოდა მთაწმინდას და თავისი ბოლონა სხივები სულ ერთად შეეკრიბნა და მთაწმინდის წვერის ერთ წერტილისთვის მიეშუქებინა, რის გამოც ლაპლაპი და შვიდფრად ბრჭყვიალი გაჰქონდა..

— ძმობილო! — შეაყენა მეღუქნემ ქიტუა კარებში და შემდეგ განაგრძო:

— იცი რა გითხრა!.. მე მაინც ბიჭი მიჭირს და მოდი ე შენი შვლი ჩემთან გაუშვი!.. სუფნარქისის ხატს გეფიცები, ისე მოვუვლი, რომ ჩემ თავზე კარგად. შინ რო წაიყენო, შე დალოცვილო, ხო მეურმე უნდა გამოვიდეს. აქ კი ყველაფერს ისწავლის, გახდება კაცი და მერე თითონ „ხაზეინი“ იქნება.

ქიტუა დაფიქრდა. „ეს სომეხი კაცია და რა ვიცი, იქნება, მართლა ფული მოაგებინოს!“ გაიფიქრა იმან.

— ჰა, რაღას ჩაფიქრებულხარ? — დაეკითხა ის, რაკი პასუხი ვერ მიიღო.

— რამდენიმე წლის შემდეგ ჯამაგირსაც გავუჩენ. — დაუმატა იმან.

• — თუ კი მაგისთანა სიკეთეს მიზამ, რაღა მინდა...

— მაშ ხელი-ხელს რაღა? — წამოიძახა „სომეხმა კაცმა“ და ხელი გაუწოდა, რომელიც ქიტუამ ჩამოართვა.

ქიტუამ გადასწყვიტა, რომ გიგლა ამასთან გაეშვა და შინ წასვლა დააპირა.

— ვა, მამიჯან, — უთხრა „სომეხმა კაცმა“, — საცაა დაღამდება და შენ კი სოფელში წასვლას აპირობ? მართალია. ე ხანჯალი კი დიდი გაქვს, მაგრამ, რა ვიცი, კაცს რა შემთხვევა არ მოელის.. ისა სჯობია, დილაზე ადრე წახვიდე.

— რაღა შეგაწუხო, შენი ჰირიმე, ამაღამ წავალ და ხვალ საღამოს შინ ვიქნები. — უპასუხა ქიტუამ და უტყავო ხანჯლის ქარქაშს ხელი გაუსვა.

— გეუბნები, კაცო, ამაღამ აქ დარჩი-მეთქი ვინ იცის, რა

ნადირი არ შავხედეს... შენი ხანჯლით რას გარეკამ?... არა, მა-
მიჯან, დილის შარი ირჩიე საღამოს ხეირსა. შეწუხებით კიდევ
'შე რა უნდა შემაწუხო, აი ეს სახლი ვერ დაგვიტევს?! თუ გინ-
და, ისე გაიქიმე, რომ თავი ერთ კედელთან გქონდეს და ფე-
ხები კიდევ — მეორესთან.

ქიტუაც აღარ აუხირდა.

X

შუალამე მოტანებული იყო. ნახევრად გაბადრული მთვა-
რე კეკლუცად მიცქრიალებდა ცის სივრცეში და მკრთალად ანა-
თებდა სოფ. ბ — ის არე-მარეს, რომელიც, ამ დღეს პირველად
მოსულ თოვლით, მთლად თეთრად შემოსილიყო და ღამის
დედოფლის მკრთალ ნათელზე ღრმა ძილს მიცემული მკრთა-
ლადვე მოციმციმებდა. იმის ღრმა ძილს არა არღვევდა-რა.
არაგვიც კი, ის არაგვი, რომელიც სხვა დროს მოჰყევს, მოხუის
და მოჰკენეს-მოტირის და ამ ხმით მოუთხრობს ქართველთა
ტანჯვას, რასაც ბანის თქმით მთა, ტყე და ველი ემოწმებიან,
გაჩუმებულყოფი, თითქოს იმასაც მოსწყენოდა ტყუილუბრალთ
კენესა-გოდება, ყეფა და შფოთვა და სხვისი თვალის მიგებით
მისძინებოდა... მარტო სოფ. ბ — ში აქა-იქ უბნებიდან მოისმო-
და ძაღლების გაგრძელებული ყმუილი, რომელიც თოვლით შე-
მოსილ ტყესა და მთებში იჟანტებოდა და შიმშილისაგან იქ
მოწანწალე ნადირს აფრთხოვდა. ეს ყმუილიც თან-და-თან
უფრო იშვიათად მოისმოდა და, ბოლოს, სულ მისწყდა და სა-
მარისებრივი სიჩუმე ჩამოვარდა...

— ჰაი, და-და-და-და, უუუუ, დაა-დაა-დაა!.. — უეცრივ
გაისმა ვიღასიც ხმა ამ სამარისებურ სიჩუმეში და თან თოვის
გრილიც მოჰყვა, რომელმაც მთელის სოფლის ძაღლები
ააჩოჩქოლა.

— არიქაა! — დასძახა კიდევ იმავე ხმამ ძაღლებს, რომ-
ლებიც ყეფით და თავპირის გლეჯით მისდევდნენ ტყისკენ
გაქცეულ მგელს.

— აი, ის ვერანა, ისა!.. — წამოიძახა ქიტუამ, რომელიც
ამ დროს სოფელს დაუახლოვდა და რომლის ახლოსაც გაირ-
ბინეს მგელმა და ძაღლებმა.

— არიქაა!.. — ამანაც დასჭყვილა და ცოტა ხანს შედგა.

— უთუოდ ფარეხში შეიპარებოდა ი ვერანი, აი — წამოი-
დახა ქიტუამ, როცა ძაღლები და მგელი ტყეში შეეცვივდნენ,
და გამოსწია შინისაკენ.

ხმა ისევ ჩქარა მისწყდა. ქიტუა, წელში ორად მოკაკული,
მიადგა თავის სახლის კარებსა და, ის იყო, უნდა საურდულე-
ში ხელი შეეყო და კარი გაეღო, რომ ამ დროს სახლიდან სი-
ცილი გამოესმა. შედგა და ყურები ცქვიტა და თან საურდულე-
დან ჰვრეტა დაუწყო.

— ნათლია ყოფილა! — დამშვიდებით წამოიდახა ქიტუამ
და კარებს უნდა მისწოლოდა, რადგანაც შენიშნა, რომ ურდულე-
ლი არა ჰქონდა წაყრილი.

მპა!.. — ამ დროს მკაფიოდ მოესმა კოცნის ხმა.

— ყურებმა ხომ არ მომატყუეს? — გაიფიქრა ქიტუამ და
ისევ საურდულედან შეიპვრიტა.

— შენ კი გენაცვალე, ნათლი, — მოესმა იმას სოფიოს ხმა
და კიდევაც დაინახა, როგორ გადაეხვია ის ნათლიას და ნათ-
ლიამ კიდევ როგორ ჩაიკრა გულში.

— ეგ თათრები, ეგენი!.. — არევით წამოიდახა ქიტუამ და
საურდულეს თვალს ველარ აშორებდა.

შესცქეროდა და ყველაფერს ჰხედავდა. ამასთანავე, ისინი
კარგა ხნამალა ლაპარაკობდნენ, რადგანაც აღარავისი ერი-
დებოდათ, და ქიტუას ყველაფერი მკაფიოდ ესმოდა.

— თათრები, თათრები!.. ნათელმირონობასაც აღარ ინ-
დობენ!.. — სულ უგონოდ გაიძახოდა ქიტუა და ტანში მთლად
ირყეოდა.

— ასე რად დაიგვიანე, ნათლი, ეხლა ვიდასი გეშინოდა?
— ჰკითხა სოფიომ, როცა ხვევნიტ დასტკბა.

— ვისი უნდა მშინებიყოს!.. — უპასუხა ნიკომ.

— მაშ რად დაიგვიანე? აი, მე დიდი ხანია, ლოგინი გავ-
შალე და შენ ლოდინში სული ამომდიოდა!

— აპაა!... — ძლივს ამოიქმინა ამ სიტყვებით გაცოფე-
ბულმა ქიტუამ.

— ვახშამს არ მიირთმევ?

— რა მევახშმება, ჩემო ნათლიდედ! შენზე კარგს ვახშმად

რას მომიტან, ჰა?!.. — სიყვარულით წამოიძახა ნიკომ და გულში კიდევ ჩაიკრა. — იცი, ჩემო ნათლიდედ, ეს მესამე ღამეა, რაც ძალზე თავისუფლად ვგრძნობ ჩემ თავს ამ სახლში, — სთქვა ნიკომ და ტანისამოსის ხდა დაიწყო.

— რაკი ი ბალები თავიდან მოვიშორეთ, ეხლა სულ თავისუფლები ვიქნებით. — აღერსითვე უთხა სოფიომ.

— ვაიმე, ვაიმე!.. — უხმოდ წამოიძახა ქიტუამ და ცრემლები გადმოსცვივდა.

კედელს მიეყრდნო, თორემ გადაიქცეოდა, ისე იმოქმედა იმაზე სოფიოს სიტყვებმა.

ქიტუამ ველარ გაუძლო ამ სურათსა და თვალი მოაშორა.

— შენც გაიხადე! — მოესმა ქიტუას ნიკოს ხმა.

— დაიცა, დამსვი, სანთელს მოვასვენებ!

— იწყობთ, იწყობთ, ჰა!.. — შეჰყვირა ქიტუამ და გაცოფებული სახლში შევარდა...

ამ უეცარმა შემთხვევამ ნიკო სულ გადარია. იმან გაუშო ხელიდან სოფიო, რომელიც ერთი შეკივლების შემდეგ უგონოდ დაეცა კერასთან; თვითონ ნიკო კი პერანგისამარა კარებისაკენ გაქანდა, მაგრამ ცოტა ტორტმანის შემდეგ გულდაღმა გადავარდა, და მკერდიდან სისხლმა ამოსჩქევა...

— ჰა!.. ჰა!.. ჰა!.. ეგაა!.. ჩემი შვილები!.. კატო,.. გიგლა... კატო... გიგლა!.. — ხითხითებდა გამხეცებული ქიტუა და თან გაშხლართულ ნიკოს გეამს ხანჯლითა ჰკეპავდა..

„მარი კი ამ დროს ზუოდა, კვენსოდა და გინავდა“.

(ფსიქოლოგიური იტიული)

„ზუუ!“ კვენსით შემოპზუზუნა შემოდგომის ცივმა და სასტიკმა ქარმა და თან კარებსა და სარკმელის ჩარჩოებს რაკრაკი დააწყებინა, თითქოს შინ შეშვებას ეხვეწებო. მაგრამ ტიტაკოს ქარის კვენსა და გმინვა არ ესმოდა. ის ტახტის გვერდით ცალ მუხლზე დაჩოქილი და მკლავგადახვეული გაშტერებით დასცქეროდა ბათოს მიმქრალ უსიცოცხლო სახეს.

არა სტირის ტიტაკო, ცრემლს არ აფრქვევს ტიტაკო, თუმცა, აგერ, იმისი საყვარელი ბათო სულ ერთი ყამი არ იქნება, რაც ამ წუთისოფელს გამოესალმა. კარგად იცის ტიტაკომ, რომ ხვალ თუ არა, ზეგ მაინც იმის გამაცოცხლებელის, სულის ჩამდგმელის გვამს მიწას მიაბარებენ, სამუდამოდ განაშორებენ, გააცალკევებენ, რის გამოც ისევ ისე მარტოდ, უთვისტომოდ, როგორც წინად, ვიდრემდის ბათოს შეხვდებოდა, დარჩება...

მაგრამ, არა... ტიტაკო მარტოდ არ დარჩება. მართალია, ხვალ თუ ზეგ ბათოს გვამს მიწას მიაბარებენ, მაგრამ ბათო მაინც მასთან იქნება. ტიტაკო და ბათო ისე შეხორცქვალეზულეები არიან, ისე გაერთსულეზულეები, რომ სიკვდილი ვერ გააშორებს იმათ. სიყვარულმა ისე დააკავშირა ტიტაკო ბათოსთან, რომ ყველგან და ყოველთვის ის ბათოსთან იქნება და ბათო მასთან.

კარგად გრძნობს ამას ტიტაკო და ამისათვის არც სტირის. კმარა, რაც იტირა, რაც ცრემლები აფრქვია ტიტაკომ!.. ბათოს ერთი კვირის ავადმყოფობამ სულ ჩააჩნია ტიტაკო. ბათო ფილტვის ანთებით იყო ავად. მეტად იტანჯებოდა ბათო. იმასთან ერთად არა ნაკლებ ტიტაკოც იტანჯებოდა. ბათოს

ყოველი კენესა, გაძნელებული სუნთქვა ტიტისოს ლახვარით გულს ესობოდა და უწყალოდ სერავდა.

როდესაც ბათომ სული განუტევა და მოისვენა, ტიტისოს დამშვიდდა და ხმა გაკმენდილი, ჩაფიქრებული დასცქეროდა ბათოს გაფითრებულ სახეს.

უცქეროდა ტიტისო ბათოს სახეს და მთელი წარსული ცხოვრება უნებურად თვალწინ ეხატებოდა.

ოხ, რა ბედნიერი იყო ის ამ ორ წელიწადს!.. უკანასკნელმა ორმა წელიწადმა სულ ერთიანად მიავიწყა ყოველივე წარსული, გამოაცოცხლა, პირი სააქაოსკენ აქნევინა! რა იყო წინად, ვიდრემდის ბათოს შეერთავდა, და მერე რანაირად შეიცვალა იმისი ცხოვრება, როდესაც ბათო შეერთო ცოლად?!

წარსულმა თავი შეაძულა, ცხოვრება ტანჯვად მიაჩნევინა, ყველანი მტანჯველებად, ჯალათებად. მართლაც, მთელი წარსული ტანჯვის მორევს წარმოადგენდა, რომელშიაც იმის სანუგეშოდ ჩალაც კი არ დასცურავდა, რომელზედაც შეეძლო ხელი მიეშვირა და ეთქვა, რომ ცხოვრება ისე მწარე, გესლით სავსე არ ყოფილა, როგორიც ეგონა, როგორიც დასახული ჰქონდა.

სიყრმიდან არც ერთხელ არა სმენია გულის გამალხობელი, გამათბობელი სიტყვა და სხვა ამის გარდა რა სიკეთე დაეყრებოდა. მუდამ სხვის ხელში იყო და სხვის ტევას და ბღვერას იტანდა. რის ვაითა და ვაგლახით განთავისუფლდა და შევიდა ერთი დაწესებულების კანცელარიაში მწერლად. ეხლა კი გავთავისუფლდით და მოვრჩი სხვის ხელში შეცქერასაო. მაგრამ გაუმტყუნდა იმედი. იქაც ისევ ის ბღვერა, და... და ამხანაგების დაცივნა... ვერც ამის შემდეგ ჰპოვა ის, რის პონასაც მოელოდა, ვერც ეხლა გაიგონა გულის გამალხობელი სიტყვა.

მიდიოდა ყოველ დღე კანცელარიაში, სადაც თავაუღებელივ სწერდა, სწერდა და სწერდა. ყოველ ოც რიცხვში იღებდა ოცდახუთ მანეთს და ამით იხატებოდა იმისი ცხოვრება. კანცელარიაში დაცივნა და კილვა, შინ კიდევ მარტობა ახრჩობდა. ყოველივე ეს ჭოჯობეთს შეადგენდა ტიტისოსთვის. რისთვის იტანდა ამოდენა სიდუხჭირეს? ნუთუ იმისთვის, რომ

ლუკმა პური მოებოვა და ეცხოვრნა, ეცოცხლნა, რომ ერთს წუთს, ერთს წამსაც იმის გულს სინარულის სვეტი არ ჩაშვებოდა?! ოხ, რა შეცდომაა?!.

ქვეყანაზე არც ერთი არსება არ გამოჩნდა, რომელსაც ამისთვის გულმტკივნეულობა გამოეჩინა.

დადიოდა ასე, გულჩათხრობილი, განზე. ისე უნუგეშოდ ქენჯნიდა მარტოობა, რომ თავის მოკვლაც განიზრახა და აღსრულებაში მოსაყვანად შინიდან მტკვრისაკენ გაემგზავრა. სწორედ ამ დროს მეზობლის მოსამსახურე ქალი დაუხვდა წინ და ისე თანაგრძნობით შეხედა, რომ ტიტყოს ენა ჩაუვარდა, შესდგა და ადგილიდან ველარ იძროდა.

ქალმა ჩაიარა. იმას კიდევაც მოესაქმა და უკანვე მოდიოდა, რომ ტიტყო ისევ ისე გაშტერებული იქვე იდგა.

— ბათო! — წამოიძახა ტიტყომ, როდესაც ქალი დაუახლოვდა და ორივე ხელი გაუწოდა.

— ტიტყო, რა დაგმართნია?! — ალერსით დაეკითხა ბათო და ტიტყოს გაწვდილ ხელებში თავისი ხელი მოათავსა.

ტიტყომ ფიცხლავ გულმხურვალედ ჩამოართვა ხელი და მაგრა მოუჭირა.

— რად გედო, ტიტყო, ისეთი მკვდრის ფერი, რა მოგივიდა?! — უფრო ალერსით გაუშეორა ბათომ კითხვა და ხელის განთავისუფლება მოინდომა.

— ბათო, ნუ მაშვებინებ ხელს, ნუ!.. თვით განგებამ მოგავლინა ჩემ გამოსახსნელად!... — ისეთის ხმით შეევედრა ტიტყო, რომ ბათოს გული აუჩუყდა და სიბრალული აღეძრა.

ბათო ხელს აღარ ათავისუფლებდა, ტიტყო კი უწყალოდ სრესდა იმის ხელს და ტოკავდა იმას ნიშნად, თითქოს უნდოდა რილაცის თქმა და კი ვერ ბედავდა.

— ბათო, — დაიწყო იმან აკანკალეზულის ხმით და ჭარხალივით წამოწითლდა: — შენ... ჰო, შენ ხომ, ვიცი გასათხოვარი ხარ და მაშ, ნუ გამაწბილებ, გამომყევ ცოლად!...

ბათომ ჩაღუნა თავი და ისე კარგა ხანს გაჩუმებული იდგა. ტიტყო კი კანკალმა აიტანა, და ჭირის ოფლს ასხამდა. „ამისთანა მშვენიერი ანგელოზი რად დამთანხმდება მე უმსგავსს...“

ან რა ნება მქონდა, რომ ვუთხარი!“ ფიქრობდა ამ დროს ტიტკო და სახე ეღმიჭებოდა.

— კარგი!.. — წაიჩურჩულა ბათომ და ქუთუთოები მალა ასწია, რომლის ქვეშიდანაც შავი მორვევივით თვალის კაკლები გამოჩნდა და შიგ მარტო საბრალოლი და ალერსი იხატებოდა.

— —კარგი?! კარგი?! ბათო, მაშ, კარგი?! ჩემო ბათო!.. — სიხარულისაგან დარეტიანებული ტიტკო უგონოდ ისროდა: სიტყვებს და ხელებს უსრესდა.

— კარგი, ჩემო ტიტკო, დამიგვიანდება! — დაამშვიდა ბათომ და შინისაკენ გასწია.

ისე ცხადად წარმოუდგა თვალწინ ეს სურათი, რომ ეგონა, ახლა, ამ წამს ხდება ყოველივეო. იმან მაგრად მოჰხვია ხელები უსულო გვამს და გულში ჩაიკრა, მაგრამ სამაგიერო ვერ მიიღო.

ქარი კი ამ დროს ზუოდა, კვნესოდა და გმინავდა. ლამპარაც ლიფლიფებდა და მკრთალად არხევდა ბათოს მიმქრალს სახეს...

ორ კვირას არ გაუვლია ამ შემთხვევის შემდეგ, რომ ტიტკომ და ბათომ ჯვარი დაიწერეს და ქალაქის განაპირას ერთი ოთახი იქირავეს. იქ იწყეს ცხოვრება განდეგილებივით განმარტოვებით. ტკბილად, შეუშფოთებლად. ეს ოთახი იყო მოწამე იმათის ბედნიერებისა, მათის სიყვარულით ცხოვრებისა ამ ორი წლის განმავლობაში.

გადახალისებულ ტიტკოს არად მიაჩნდა ახლა უფროსების დაცინვა, შორიდან სამსახურში სიარული. სიხარულით, სიმღერით და სტვენით მიდიოდა შინ. მოდიოდა სამსახურში იქაც ხალისით სწერდა, სწერდა და სწერდა. სახლში რომ მოვიდოდა, მაშინ ხომ, ნამეტნავად, როდესაც ბათო კარებში მიეგებებოდა და ეტყოდა: გენაცვა, პური ხომ არ მოგშივდაო, აღარ იცოდა, მეშვიდე ცაში იყო თუ დედამიწაზე, ცხადლივ იყო ყოველივე ეს თუ სიზმარში.

ტიტკომ საღამოობითაც იკისრა სამსახურში სიარული და მუშაობა, რისთვისაც ჯამაგირს გარდა კიდევ ერთ თუშმანს იღებდა. ახლა უფრო დიდი ჯაფის ატანა მოუხდა, მაგრამ ტიტკ-

კოს ეს გარემოება არად მიაჩნდა. გრძნობდა, რომ იმისი შრომა უმიზნო არ იყო: შრომობდა ბათოს გულისათვის და ბათოს გულისთვის ხომ ლუკმა-ლუკმად რომ აეკუწათ, მაშინაც ნეტარებას იგრძნობდა.

ახ, რა ბედნიერი იყო ტიტკო ამ ორი წლის განმავლობაში და ეხლა კი რა მოუვიდა!.. შეუბრალებელმა სიკვდილმა სიცოცხლით სავსე ბათო უძრავ გვამად გარდააქცია და გვერდით, მუხლმოდრეკით ტიტკო მოუსვა... მაგრამ ტიტკო მაინც სასოწარკვეთილებას არ ეძლეოდა. ის ფიქრობდა: „მარტოკა არ დავრჩები. ბათოს სახელის თაყვანისცემით ავაგსებ ჩემს ცხოვრებას. იმას ვილოცავ, ვიდრემდის მეც არ გავემგზავრები იმისკენ...“

„ზუუუ!..“ ქარი კი ზუოდა ამ დროს და უნდოდა ტიტკოს ყურადღება მიექცია, მაგრამ ტიტკო ყურს არ უგდებდა.

ამ დროს მოისმა კარის კაკუნიც. ვინ იქნებოდა?! ვინ მოვიდოდა ტიტკოსთან ახლა, ღამის მეცხრე უამს?! ტიტკოსთან არავინ არ დადიოდა და არც ტიტკო მიდიოდა ვისთანმე. მარტო ორნი ისე ბედნიერები იყვნენ, რომ სხვისა მოსვლა არ ესაჭიროვებოდათ, სხვები იმათ ტკბილ ცხოვრებას თუ არას დააკლებდნენ და დროებით მაინც არ შესწყვეტდნენ, არას მოუმატებდნენ. ამისთვის ისინი არავისთან მიდიოდნენ და არც არავის თავისთან ეპატიჟებოდნენ. ბათო ერთ კვირას სულს ებრძოდა. მაშინ არავის გაუვლია და ახლა ვინ მოვიდოდა...

უფრო ძლიერად მოისმა კარის კაკუნი, რამაც ტიტკო ფიქრისაგან გამოიყვანა. იმან შუბლზე ხელი გადაისვა და კარებისაკენ გასწია.

— ვინ უნდა იყოს?!.. სამსახურში თუ მიწვევენ?! — წაიბუტბუტა და კარი გააღო.

დიდი ხნის ხვეწნისა და ვედრების შემდეგ ძლივს ეღირსა ქარს შინ შემოსვლა. სიხარულით შემოითამაშა. საჩქაროდ ოთხსავე კუთხეს შემოუბრინა, ბათოს ჩაეხუტა და შემდეგ ლამპარს შეებრძოლა, რომლის ალიც შეათამაშა, ააწოწოლავა და უეცრად ზევიდან დაქროლვით ბოლო მოუღო.

— ბათო მაყარაძისა აქა სცხოვრობს?! — დაეკითხა ვილაც უცნობი ტიტკოს.

— აქა სცხოვრობს. ვინა ხარ?..

— აი, წერილი გახლავთ იმასთან. — უპასუხა უცნობმა და წერილი გადასცა.

„უთუოდ ამხანაგმა მოსწერა“, გაიფიქრა ტიტეომ და ლამპარი აანთო. ბევრჯელ მოსვლია წერილი ბათოს ამ ამხანაგისაგან და ტიტეოსთვისაც უამბნია შინაარსი, თუმცა თითონ არც ერთხელ არ წაუყითხნია იმისი წერილი და არც ერთხელ არ მოსულა იმათთან, რომ გაეცნო. ან კი რა საჭირო იყო ტიტეოსაც გადაეყითხა წერილი, როდესაც ბათო უამბობდა ხოლმე შინაარსს. იმას კიდევაც უხაროდა, რომ ბათო თითონ უამბობდა შინაარსს და ტიტეოს წასაყითხავად არ აძლევდა. წაყითხვას ბათოს ღულუნი, ტკბილი ღულუნი არ ერჩია?! მერე, რა ტკბილად უამბობდა ხოლმე! ის ბათოს გაღვივებულ ტუჩებს ჩაუკოცნიდა ხოლმე, როდესაც კი გაათავებდა წერილის შინაარსის გადაცემას, რომ უფრო ტკბილად ეამბნა შემდეგში.

— გენაცვალე, ბათო. წერილია შენთან და... — მუხლმოდრეკით ჩაღულულულა ტიტეომ და წერილი სახესთან ახლო მიუტანა.

ბათოს სახეს დააკქერდა, თითქოს უნდოდა ამოეყითხნა, თუ რა უყოს წერილს, მაგრამ ბათოს სახე არას ეუბნებოდა, გაფითრებული, თვალბმილულული ლამპრის მოციმციმე შუქზე ოდნავ ირხეოდა და სააქაოსი აღარა ეყურებოდა რა.

— გენაცვა, ბათო, დაროს წერილია და რატომ... რატომ... წინად ხომ სიხარულით იღებდი ხოლმე და მიამბობდი შინაარსს?! ახლა რატომ... ოხ!..

ტიტეომ თავი დახარა და თვალყური გადაუკოცნა, მაგრამ ბათოს სააქაოსი აღარა ეყურებოდა რა...

— ახლა მე წაგიციტხავ. მე გამბობ შინაარსს დაროს წერილისას!.. შენი საყვარელი დაროს წერილია უთუოდ. — ჩაელაპარაკა ტიტეო და წერილი გახსნა.

„ჩემო ბათო!“

— ჩემო ბათოვო, გწერს. გენაცვა, ყური დაუგდე!.. — ჩასძახა უსიცოცხლო ბათოს და წერილის კითხვა ისევ ხმამალლა დაიწყო:

„მინდა ყოველ დღე შენს გვერდით ვიყო, ყოველ წამს შენ გეხვევოდე და შენს მკერდზე ამომდიოდეს სული და შენ კი კვირაში ორი დღე დამინიშნე და ამ ორ დღესაც აღარ მოსდინებარ“...

— რაო?! — ქვანაკრავივით შესწყვიტა წერილის კითხვა და ბათოს გადახედა, რომლისათვისაც სააქაო აღარას შეადგენდა. იმას არ ეყურებოდა და სააქაოსი არა ესმოდა რა. — ზათო, ვინა გწერს?! — ჩაეკითხა და წერილის ბოლოს დახედა, სადაც „შენი ვახტანგი“ ამოიკითხა. — არა, არა!.. ტყუილია, ტყუილია! — წამოიყრანტალა და კანკალით წერილის კითხვა განაგრძო:

„ხომ იცი, ჩემო კარგო, ამ თვის გასულს სოფელში წავალ, სადაც ორი თვე მეტი მომიგვიანდება და მაშინ მარტო შენი წერილებითლა უნდა დავსტკბე. არა, ჩემო ბათო, სანამ აქა ვარ, დამატკბე შენის ალერსით. წარსულ კვირას რა კარგი დრო გავატარეთ, ხომ გახსოვს?!“

„მართლა, ჩემო გვერდით, ხომ არ გაცევდი? საშინელი ქარიშხალი იყო, როცა შინ დავბრუნდი და იქნება ავად გახდი და ამის მიზეზით დანიშნულ დროს ველარ მოხვედი! ღმერთმა ნუ ქნას!.. მინდოდა, დღეს მევე წამოვსულიყავ შენთან და შემეტყო შენი გარემოება, მაგრამ ველარ გავბედე. იქნება შენი ქმარი შინ იყოს-მეთქი, ვიფიქრე და ამის მიზეზით ისევ წერილის მოწერა ვარჩიე. როგორც შენ მითხარ, წერილებს შენი ქმარი არ კითხულობს და ამ წერილის მიღების დროს, რომ შინ იყვეს შენი ქმარი, მგონი, არა დაშავდება რა...“

ხვალ უსათუოდ მოგელი...

მარად შენი ვახტანგი“.

— ააახ!.. — ფეხზე წამოვარდნით წამოიძახა საშინელის ხმით ტიტაკომ, როდესაც კითხვა გაათავა და გულზე ხელი იტაცა.

კანკალმა და თახთახმა აიტანა. თითები უნებურად ეკვლანქებოდა, ტანისამოსს იგლეჯდა...

— ააახ!.. — უფრო საზარლად წამოიძახა და ორივე ხელი თმაში წაივლო, თითქოს უნდოდა შეეყენებინა თავის არევა, მაგრამ ვერ შესძლო. იმას თავში ტვინი გველივით გაეხლანკა,

გაუჩუჩუნდა და უეცრად თვალთ დაუბნელდა, მაგრამ დიდ-
ხანს არ გაგრძელებულა ტიტის ამგვარი მდგომარეობა.

დაკვირვებული ძარღვები მოუდუნდა, მოეღეშა. ღრმად, ძა-
ლიან ღრმად ჩაისუნთქ-ამოისუნთქა და ჩულივით იქვე ტახ-
ტის ვვერდით ჩაეხვია. თითქოს ამოსუნთქვას ამოაყოლო ყო-
ველივე ის, რაც კი წმინდათაწმინდას შეადგენდა, რაც რწმენა
ჰქონდა და სააქაოსთან აკავშირებდა. ახლა მხოლოდ სიფუ-
ღროვეს, სიცარიელესღა გრძნობდა. აღარც თავში და აღარც
გულში აღარა დარჩენია რა, და სააქაოსი, როგორც ბათოს,
აღარა ეყურებოდა რა, თუმცა კი ქარი ამ დროს ზუოდა, კვნე-
სოდა და გმინავდა...

„ღმერთო, რა ღაბიშავეი!“

ეტიუდი

„...ღმერთო, იესო ტკბილო, შემინდე და შემიწყალე!..“ — ჯვარცმულის ხატის წინ მუხლმოდრეკილი და ხელებაპრობილი ლოცულობდა წვერ-ულვაშ ახლად ამოფეთქილი მწირი, რომელიც აგერ ერთი კვირაა, რაც საბეროს გამოეთხოვა და შიო მღვიმელის ერთ მიუვალ კლდის ტახტივით გადმოკიდებულ პატარა კალთაზე დაესახლა. დღე — მზის ამოსვლიდან ჩასვლამდის — განუწყვეტლივ მუშაობდა, ჰქვაბამდა კლდეს და თავშესაფარს იკეთებდა. მარტო სადილობისას და სამხრობისას შესწყვეტდა ხოლმე მუშაობას და ტყეში მიდიოდა საზრდოსათვის. ღამე კი, როდესაც შესწყდებოდა ფრინველთ ჟრიაპული და ბუნება მიიძინებდა, ლოცულობდა, მკერდს იბეგვდა, წვერსა და თმას იგლეჯდა, მაგრამ გონება ვერ დაემორჩილებინა და ლოცვის შინაარსით ვერ გაემსჭვალა. მარტო ენა ირხეოდა და სიტყვებს გამოსთქვამდა, გონება კი მონაწილეობას არ იღებდა და, ხან წარსულს, ხან აწმყოს და მომავალს, ხან მთასა და ველს ეკონებოდა. მწირს სურდა, რომ მთელი იმისი არსება მოცულიყო ლოცვის შინაარსით; უნდოდა — გონება შეებოჭნა და უფლისადმი მიემართნა, მაგრამ ამაოდ, გონება არ ემორჩილებოდა. ეს იყო მიზეზი, რომ ამ ერთი კვირის წინად დაღონებული მივიდა წინამძღვართან და ფეხებქვეშ ჩაუვარდა.

— წმინდაო მამაო! — ტირილით შესძახა და თავი მალლა ველარ აიღო, თითქოს შეხედვისა ეშინიან, ან რცხენიანო.

— უფალი იყოს შენი მანუგეშებელი, შვილო!.. რა მოგივიდა? — ძამობრივის თანაგრძნობითა და სიყვარულით დაეკითხა წინამძღვარი და თავი მალლა ააღებინა.

წინამძღვრის ამგვარმა კილომ შიში და კრძალვა დაუქარგა მწირს. ლმობიერად შეხედა წინამძღვარს და გულახდით უამბო ყოველივე.

— ილოცე ჩემთვის, წმინდაო მამაო, — დააბოლავა მწირმა: — რათა შემინდოს მე ცოდვილსა და მიხსნას ამ განსაცდელისაგან. განვიზრახე განდგილობა და მოვედ შენთან ლოცვა-კურთხევის მისაღებად. ეგებ განმარტოვებულმა ცხოვრებამ დამიბრუნოს სულის სიმშვიდე და შევძლო ლოცვა გულმოდგინებით.

წინამძღვარი გაჩუმებული ყურს უგდებდა და სახე თანდათან ეკმუხნებოდა. იმსკვალებოდა მწირის მწუხარებითა და უსიტყვოდ ავედრებდა მწირს უფალსა.

— მამაო, ნუ დამიჭერ შენს ლოცვა-კურთხევას და ნუ მეტყვი უარს! არ ძალმიძს წმინდა ადგილსა ამას დაყოვნება. — ტირილით მიმართა მწირმა, რაკი დუმილმა დიდხანს გასტანა, და მუხლებზე მოეხვია.

— სიკვდილის დამთრგუნველო იესო, შენ მიეც ძალი. ყრმასა ამასა, რათა სძლიოს უჩინარი მტერი და აღიდოს სახელი შენი! — აღფრთოვანებულის ღაღადებით წარმოსთქვა წინამძღვარმა და ორივე ხელი დაადო მწირს თავზედა.

მწირი განუსაზღვრელმა სიხარულმა შეიპყრო. აქამდე თუ სულის კვეთების ცრემლი ახრჩობდა და სულს უხუთავდა, ახლა სიხარულის ცრემლმა გადმოსხეთქა. გიჟივით ჯმუჯნიდა წინამძღვრის მუხლებს და უზომოდ ჰკოცნიდა.

— კმარა, შვილო, აღსდევ! — წინამძღვარმა წამოაყენა მწირი და გადაჰკოცნა.

სამი დღე ლოცვა-ვედრებაში გაატარეს წინამძღვარმა და მწირმა. მწირი წმიდა საიდუმლოს მისაღებად ემზადებოდა.

მეოთხე დღეს მწირმა მიიღო წმიდა საიდუმლო. ძმათაც შეიტყვეს მწირის განზრახვა და წირვის შემდეგ მუხლმოდრეკილნი ავედრებდნენ მცირე ძმას. ლოცვის შემდეგ ყველანი გულხელდაკრეფილნი და თავჩაღუნულნი იდგნენ საზოგადო ტრაპეზის გარშემო და ელოდნენ სუფრის კურთხევას.

წინამძღვარმა აკურთხა სუფრა და პური გადატეხა. ყველანი მოწიწებით შეუდგნენ პურის ჰამას.

სკამდნენ გაჩუმებულნი, თავჩალუნულნი და მარტო დრო-გამოშვებით რომელიმე ძმა ღრმად ამოიოხრებდა და წამს ჭამას შესწყვეტდა.

— ძმანო, — კარგა ხნის ჩუმად პურის ჭამის შემდეგ მიმართა წინამძღვარმა ძმათა და ღვინით სავსე თიხის ფიალა ხელში აიღო.

ძმათ-კი ამ ხმის გაგონებაზე შესწყვიტეს პურის ჭამა და გულზე ხელებდაკრეფით თავები ჩალუნეს.

— ძმანო, — განიმეორა კიდევ წინამძღვარმა და თვალი გადაავლო ტრაპეზის გარს მსხდომთა: — ღლეს გეტოვებს ჩვენი უმცროსი ძმა სერაფიონი, ჩვენი საყვარელი სერაფიონი. ყველას გახსოვთ, როგორ მოიყვანეს სულ ბავშვი — ცხრა წლის ყრმა მშობლებმა და დაგვიტოვეს აქ უდაბნოში. მას შემდეგ თერთმეტმა წელიწადმა განვლო და ამ ხნის განმავლობაში შეილსავით ვზრდიდით. ყველა ჩვენგანი შეილსავით უყურებდა და შევიყვარეთ კიდევა მამობრივის სიყვარულითა. ვფიქრობდით, ჩვენი აღზრდილი ჩვენთანვე დარჩებაო, მაგრამ განგებამ სხვაფრივ ინება. სერაფიონმა ამოირჩია მეტად ძნელი და ეკლიანი გზა... — წინამძღვარმა ცოტა ხანს შესწყვიტა სიტყვა და სერაფიონ მწირს შეხედა. სერაფიონი გულხელდაკრეფილი იდგა და ისე ისმენდა წინამძღვრის სიტყვას. — შვილო, ვშიშობ მტერმა არ გძლიოს და ამის გამო მენანები. ჯერ უსუსური ხარ და მეტად ძნელი გზა კი ამოირჩიე... ვაი თუ... — ვედარ შესძლო ლაპარაკი წინამძღვარმა, რადგანაც ტირილი ყელში მოებჯინა და სუნთქვა გაუძნელდა. ფიალა დასდგა. სერაფიონი მწირი გულში ჩაიკრა და ქვითინის შემდეგ განაგრძო:

— უფალმა გაგაძლიეროს და გაგამხნეოს... ნეტარება შენ, შვილო, თუ გზამ არ შეგაშინა და ძლევამოსილი გამოხვედ... რაც ეკლიანია გზა, მით ნაყოფი უტკბესია, მით უფრო დიდ ნეტარება მოგელის...

სადილს შემდეგ შიო მღვიმელის ხატის წინ პარაკლისი გადუხადეს, შეავედრეს უფალს და გზა დაულოცეს.

„...ცხოვრების მომნიჭებელო იესო!..“ ხშირად წარმოუთქვამს ეს სიტყვები სერაფიონს მას შემდეგ, რაც განმარტოვე-

ბული ცხოვრება დაიწყო და ეხლაც ხშირად ამბობს ამასვე ლაღადებით, მაგრამ იმისი გონება მაინც „ცხოვრების მომნიჭებელს“ არ უერთდებოდა.

გონება თითქოს დასცინოდა სერაფიონ მწირის სურვილს. უეცრად დაუბრუნდებოდა მის სხეულს, აგრძნობინებდა, რომ კერპივით უგრძნობლად სდგებარ და უაზროდ გაიძახი სიტყვებსაო, დაღრეჯაედა, მოკუმშაედა და ისევე სწრაფად მიატოვებდა. აგერ, ახლაც ხელები გააწოდებინა ჯვარცმულის ხატისადმი, თვალები ზეცად მიამართვინა, დააწყებინა თქმა ლოცვისა და... განჰქრა, წავიდა, სულ სხვა სახე მიიღო...

სერაფიონ მწირი უშაზედ გაიყო, ორ არსებად გადაიქცა. ერთი სდგას მუხლმოდრეკილი ჯვარცმულის წინაშე, ხელებგაპყრობილი, სახედამეჭილი და ამბობს უაზროდ ლოცვას, ბუტბუტებს გონებადაუტანებლად, ხოლო მეორემ შვიდირვა წლის ყმაწვილის სახე მიიღო და თავის ტოლამხანაგებში დარბის, დახტის და თამაშობს. გრძნობს, რომ ბედნიერია...

კმაყოფილი, ოფლში გაქანებული შინ დაბრუნდა და დედას ეტიტინება, უამბობს, ვისთან და როგორ თამაშობდა.

— შვილო, — ალერსიანად სტუქსავს დედა: — შორს ნურსად მიხვალ, თორემ ლეკები თავს დაგესხმიან და დაგატყვევებენ...

— როგორ დამატყვევებენ, დედი, ხანჯალი აქ არა მაქვს?! ისე დავიფრენ, ისე რომ... — გულდაჯერებით წამოიძახა და ხანჯალს გაივლო ხელი.

— შენ კი გენაცვალოს დედა, შვილო!.. — სიხარულით ჩაიკრა გულში და დაუმატა: — ჯერ პატარა ხარ, შვილო!.. ვერას გახდები!..

— დიად, პატარა... თუკი მამაჩემი და სოლო ომში არიან. მე რაღა ვარ...

— ეჰ! — ამოოხვრით გააწყვეტინა სიტყვა დედამ და სახე მოედრუბლა.

— რა იყო, დედი, რად ამოიხვრე?! — მშობლის ამოოხვრამ საჩქაროდ შეუცვალა სახის მეტყველება პატარა სერაფიონს.

— არაფრად, შვილო, ისე! — ნაღვლიანად უპასუხა და უფრო ძლიერ ჩაიკრა გულში სერაფიონი...

მთელი სოფელი გაიხვეტა იქითკენ, საიდანაც სიმღერის ხმა მოისმის. დედაშვილიც საჩქაროდ გაქანდა იქით. ყველანი სიხარულით გაიძახიან: გაუმარჯვნიათო, და ფეხს უფრო უჩქარებენ. აგერ კიდევაც ვეხვდნენ გამარჯვებულ მეომართ და შეიქნა ხვევნა-კოცნა და ღვთისადმი მადლობის შეწირვა...

შვილი დედითურთ ეხევეა მამას და ძმას. მამამ ხელში აიყვანა და გულში ჩაიკრა. სოლო კი ამ დროს აქეთ-იქით იყურება და ვილსაც დაეძებს. დედის ლაპარაკს ყურს არ უგდებს.

— სოლო, ბევრი მტერი მოჰკალი?!.. — დაეკითხა სერაფიონი თავის ძმა სოლოს, რომელიც თვალებს აცეცებდა აქა-იქ, მაგრამ სოლოს იმისი ხმა არ გაუგონია. — ვის ეძებ? — ჰკითხა კვლავ სერაფიონმა და დაუწყო წევა ჩოხის კალთას.

— რა გინდა?.. — ჰკითხა სოლომ ძმას ისე, რომ არც მოუხედნია მისკენ და მსწრაფლ გაექანა იმისკენ, ვისაც დაეძებდა.. მეზობლის ახლად გაფურჩქვნილი ქალი თამო მოეგება წინ და ათრთოლებული ჩაეკრა სოლოს..

ორად გაყოფილი ისევ ერთ არსებად გარდაიქცა. სერაფიონ მწირს თვალწინ წარმოუდგა ზემოხსენებული სურათი და შეიპყრო მთელი იმისი არსება. თუ აქნობამდე ლოცვის სიტყვებს მაინც ამბობდა, ახლა ამასაც ვეღარ ახერხებდა და იმ სურათსლა ხედავდა. ახლა ცხადად უყურებს თამოს, მშვენიერ თამოს, სოლოს მკერდზე მისვენებულს, რომელიც მეტი-მეტი სიამოვნებით ოდნავლა სუნთქავს. ამ სურათის მხილველს სერაფიონს გული აუტოკდა, სახსრებში მოღუნდა და თახთახმა აიტანა...

მაშინ, როდესაც მოხდა ეს ამბავი, ვერ გაიგო მისი მნიშვნელობა, ვერ მიხვდა, ისე დაბნევით რად მიეგება სოლო დედას და მას, თავის უმცროს ძმასა, და თამოს კი, რომელიც არც და იყო და არც ნათესავი, ისე გატაცებით რად გადაეხვია. მაშინ ვერ მიხვდა და ახლა კი გაიგო ამისი მიზეზი და ამ მიხვედრამ სერაფიონ მწირი ჩაფუფქა, გული აუჩუყა და

აგრძნობინა, რა იყო მიზეზი, რომ გულმოდგინედ ლოცვას ვე-
ღარ ახერხებდა. მიხვდა ახლა, რომ იმისი ბუნება სხვას თხოუ-
ლობდა და ის კი, წინააღმდეგ ამისა, ძალას ატანდა თავის
თავს და ტყუილუბრალოდ სახეს კმაზავდა... იგრძნო სულის
ობლობა, განდევილობა. იგრძნო, რომ იმის გულს არ ათბობს
და არც როდის გაუთბია იმ ზენაარ გრძნობას, რომელიც
ტანჯვით და ვაებით მოცულ წუთიერ ცხოვრებას ნეტარებად
ხდის, აყვარებს თვით ამ წუთიერ ცხოვრების შხამსაც კი და
აფრთოვანებს საკეთილოდ. გრძნობს სერაფიონ მწირი, რაც
აკლია მის გულს, გრძნობს ისეთი ძლიერებით, რომ ცეცხლი
ეკიდება, ხორცი სტკივა და იწვის...

აქნობამდის თუ ეგონა, ცოდვილი ვარო და შეღალადებდა
უფალს: შემინდე და შემიწყალე მე ცოდვილიო, ახლა ტანჯუ-
ლად, წამებულად მიაჩნია თავისი თავი...

— ღმერთო, რა დაგიშავე?! — საყვედურით მიმართა მან
უფალს და პირქვე დამხობილმა დაიწყო ქვითინი.

მთვარემ ამ დროს ღიმილით გადმოხედა უკანასკნელად
მომტირალ მწირს და შორს, ცის კიდესთან ამართული მთის
იქით, ნაზად ჩაესვენა. აქნობამდის გაცრიაკებულმა ვარსკვლა-
ვებმა კაშკაში დაიწყეს და ერთმანეთს გამოელაპარაკნენ. მო-
დუდუნე მტკერის პირიდან ნიაემაც დაიწყო სისინი და ფოთ-
ლები ააშრიალ-ათამაშა; ხის ტოტებზე ჩამწკრივებული ბე-
ღურები გამოაღვიძა. მოასმენინა მწირის ქვითინი და ზევიდან
ჩაწივწივებით ანუგეშებინა. არაგვი ხომ მთის იქიდან დიდი
ხანია გადმოსქყვივის და ამხნეებს მწირს და ეუბნება, მარტო
არა ხარო, მაგრამ მწირს არც ბელურების ნუგეში და არც
არაგვის გამხნეება არ ესმოდა.

მწირი მაინც უფლისადმი საყვედურით აღვისილი ქვითი-
ნებს და ქვითინებს...

„მკ, ჯანდაბას ჩემი თავი და ტანი!..“

(საშობაო ეტიუდი)

„ხელ შობაა!..“—მოწყენით წამოიძახა ალექსა სალახმა *) და ხორცის საეპქრო დუქნის კარებს დარაბები აუგდო, ეს-ეს არის ნავთლუხში ოცამდის დაკლული ცხერის გატყავებას მორჩა, დუქნის კედლებს გარს ჩამოურიგა და მთელი დღის ნაწოწალი და მუშაობით მოქანცული ორად მოკრუნჩხული დუქნის კუთხეში დასაძინებლად მიეგდო. მაგრამ ძილი გაუკრთა...

„ხელ შობაა!..“ — გაიმეორა ალექსა სალახმა და ძველი ფარაჯა აქეთ-იქიდან ამოიკუნჭა, მაგრამ დაცხავებული ფარაჯა არ ათბობდა.

„ჰემ!..“ — მწარედ ჩაიღიმა ალექსამ და გვერდი იცვალა, როდესაც თვალწინ წარმოუდგა ყმაწვილობაში გატარებული შობაღამე...

ოხ, რა ბედნიერი იყო, როდესაც გალადღადებული კერის ზირას იჭდა თავის და-ძმებს შუა და სახოწაო თხილით და კავლით სავსე პარკუქანა კალთაში ედო!.. რა უდარდელად იცინოდა და-ძმებთან ერთად თხილისა და კაკლის მტვრევაში!..

ახლა?..

მწარე ჩალიმებაა ამისი პასუხი.

„წელიწადი — თორმეტი თვეა, — ფიქრობს ალექსა სალახი: — და ამ თორმეტ თვეში არც ერთი დღე მოსვენება არა მაქვს... შობა, ახალწელიწადი, აღდგომა — ესაც არ მათავისუფლებს და ჩემ ცოლ-შვილში ვერ ვატარებ დროს... ეეჰ!..“ —

* სალახს საქონლის დამკვლელს უწოდებენ.

ოხრავს ალექსა და სიცივისაგან შამფურივით ტრიალებს თავის ფარაჯის ქვეშ.

ქარი კი ამ დროს შემოგუგუნებს დარაბებს შუა დარჩენილ ფარალალებიდან და თან ნამქერი შემოაქვს...

„ჩემმა პატარა ანდრომ მინც გაიხაროს... გაიხაროს სანამ პატარაა. ის, ვინ იცის, დედას ჩახუტებია და ტკბილად სძინავს...“ — გადაბრუნებით წაილაპარაკა და ანდროს მომავალზე ფიქრს თავი მისცა...

ჰქრის ქარი. ფიქრობს ალექსა, ფიქრობს და...

— მუუუ! — უნდოდა წამოლაპარაკება ალექსა სალახს, მაგრამ სიტყვების მაგივრად ზმუილი გამოსცა იმისმა პირმა.

„ეს რა ამბავია ჩემ თავს?! თითქოს ლაპარაკი შემეძლო?! ეს არის ახლა ჩემ ანდროზე ვფიქრობდი, მინდოდა ღმერთისთვის შემევედრებინა და სიტყვის თქმა კი აღარ შემიძლიან“, — გაიფიქრა ალექსამ შიშით.

— მუუუ!.. — წამოიზმუვლა „ღმერთოს“ წარმოთქმის მაგივრად.

„ვააა, რა ღმერთი გამიწყრა!..“ გაიფიქრა ალექსამ და მიიხედ-მოიხედა...

ხედავს, ბაჭში მუხლებამდის წუმბეში სხვა საქონელს შუა. დაიხედა ძირს და წყალში თავისი თავის მაგივრად ძროხა დაინახა...

„როგორღაც მეცნობა ეს ძროხა... თითქოს მინახავს სადღაც... ღმერთო, მომაგონე!“ — ძირს ცქერით გაიძახდა უსიტყვოდ და გონს ვერ მოსულიყო... უეცრად შეერთა. უნდოდა წამოეყვირნა: „ნუთუ მე ძროხა ვარო“, როდესაც წუმბიდან ამომჭვრეტ ძროხას ლანდში თავისი ლანდი იცნო. თავი წაღლა ასწია. აღარ უნდოდა ემზირნა...

„ღმერთო, მაპატივე და მიხსენ ამ განსაცდელისაგან!..“ — უსიტყვოდ შეევედრა უფალს და უკან მიიხედა. თავის გვერდით მდგომ ხბოს თვალი მოჰკრა. ჩააკვირდა და — ოხ, ღმერთო! — თავისი ანდრო იცნო...

ამას კი აღარ მოელოდა. გაშმაგებული მოტრიალდა ანდრო ხბოსკენ და უნდოდა გულში ჩაეკრა, მაგრამ ხელების მაგივრად ჩლიქებიანი ფეხები ჰქონდა და ვეღარ მოახერხა.

„ანდრო, ანდრო!.. — შეზმუვლა ანდრო-ხბოს და თან ლოკვა დაუწყო. — რა მოგველის, რისთვის ვართ აქა, ამ წუმპეში?“ — უსიტყვოდ ეკითხებოდა თავის თავს და პასუხს კი ვერსაიდან ლებულობდა.

დაუკვირდა თავის გარემოებას. მიიხედ-მოიხედა. ხედავს ბაკების წინ გრძლად ამართულ რაღაცა ფიცრულს, საიდანაც გამოისმის სხვილფეხა საქონლის საცოდავი ზმუილ-ხრიალი, ცხვრისა და თხის კიკინ-ბლავილი, რახა-რუხი და ხალხის ლანძღვა-გინება და სიცილ-ხარხარი...

„ღმერთო!..“ — წამოიზმუვლა ალექსა სალახმა და შიშის კანკალმა აიტანა.

გრძნობს, რომ რაღაც უბედურება მოელის. ტანში ყრუანტელი უვლის...

— კარები დახურეთ, კარების!.. — ეზოს ბოლოში რამდენმამე ხმამ შეჰყვირა ერთად და იმავე დროს ალაყაფის კარებიც მიჭრიალდა. სასაქლო ოთახების კარებიც დახურეს.

— ფშუუ, ფშუუ!.. — საშინელის ფშუილით და თქარათქურით გამოარღვია ეზოს მორვეი გაშმაგებულმა კამეჩმა და ალაყაფის კარებს რომ მიადგა, ტოკვა და თვალების ბღვრიალი დაიწყო.

სალახები და მებაშეები * შიშისაგან ეზოს ფიცრულს შეეკუთვნებოდნენ და იქიდან დაუწყეს ქამანდის სროლა.

სალახების ამ გვარმა მოქმედებამ უფრო გააცეცხლა და გაალომა კამეჩი...

ალექსა სალახმა თვალი მოჰკრა გაცეცხლებულ კამეჩს და შეძრწუნდა. ვასისხლიანებული სალახების და მებაშეების დანახვამ ხომ სულ გადარია. სისხლის სუნი მოედინა. ივრძნო სიკვდილის მოახლოება. წინაგრძნობამ ამცნო და...

„ოხ, ღმერთო, უნდათ სიცოცხლე მომისპონ!.. წუთი-სოჯელს გამომასალმონ!.. რადა?!“ — გაიფიქრა ალექსამ და ტირილი მოერია.

* მებაშეები შევილიან სალახებს დაკვლასა და ყოველ მუშაობაში, რაც-კი შეეხება საქონლის დახოცვას, და ამ შრომაში ფაშეს იღებენ. შრომის გარდა მებაშეები თითო ფაშეში 10 კაპ. აძლევენ საქონლის პატრონს.

თავი ძირს დახარა და წუმპეს საცოდავად ჩაზმუვლა, თითქოს იქიდან მოელოდა შველას, მაგრამ...

— მევეი.. — მოესმა ანდრო-ხბოს ბლავილიც და ამ ხმამ სულ მოშალა ტანში.

— ჭახ-ჭახი.. — ჭახ-ჭახი და ლაწუნი შეუდგა ეზოს ფიცრებს.

— თოფი ესროლეთო.. ოი, ეგ ვერანაო.. — გაიძახოდნენ სალახები და მეხაშეები.

ალექსამ მიიხედა და მინდვრად გავარდნილ კამეჩს თვალნი მოჰკრა.

„ნეტავი მაგასი.. თავს უშველა და ამ ადგილს მოშორდა!..“ — შენატრა ალექსამ კამეჩს...

— რაფა გაამტვრია ე ფიცარი და გავარდა?! — გაკვირვებით იძახდა მეხაშე და კამეჩს გასცქეროდა.

— გამორეკეთ საქონელი.. — ბრძანების კილოთი დაუყვირა სალახმა მეხაშეებს, რომლებიც მაშინვე შეცვივდნენ ამ ხმის გაგონებაზე და რამდენიმე სული საქონელი კამეჩს უკან გამოუყენეს.

— ოხრად დაგარჩენ, ხელში კიდევ ჩაგიგდებ და, ღვთის წყალობა მაქვს, ურისასავით დაგტანჯავ! — გაბრაზებით დაიდრიალა სალახმა, და ისიც უკან დაედევნა.

მისწყდა ყიჟინა. ჩვეულებრივი მუშაობის ხმა ჩამოვარდა. ალექსა სალახსაც მიავიწყდა ყველაფერი და გამოურკვეველმა ვრძნობამ შეიპყრო. თავის გარშემო აღარას ხედავს...

„რა ამბავია, რას მიშვრებიან?!“ — შიშით გაიფიქრა და ტანის თახთახმა აიტანა, როდესაც სალახმა და მეხაშეებმა შემოაღეს ბაკის კარი, რომელშიაც ის იყო დამწყვდეული, შემოთქვიფეს წუმპე და რქებში თოკი ჩააბეს.

— მუუუ! — წამოიზმუვლა და მიხედა ანდრო-ხბოს, რომელსაც ამ დროს ჯოხი წამოჰკრეს. — მუუუ!.. — წამოიზმუვლა უფრო საცოდავად, როდესაც თოკს გასწიეს და, რადგანაც ადგილიდან არ იძროდა, ფეხებში კეტი დაუშინეს.

ანდრო-ხბო კი ჯოხის პირველ წამოკვრაზედვე გავარდა ბაკიდან ეზოში. ამის დამნახავი ალექსაც გაჰყვა და, ოპ, ეზოში რომ გავიდა, საზარელი ოთახის კარი ღია დაინახა, იქ უნდა

შეეყვანათ. იქ მოელებოდა ბოლო. ამას იმის სხეულის ყოველი წერტილიც კი გრძნობდა და შიშით თრთოდა. ტვინი აერია. ერთადერთი აზრიღა შერჩა თავში და ეს აზრი ძვალსა და ტბილში გაუჯდა... უნდა მომისპონ სიცოცხლე!.. ოჰ, რა საზაბელია წინად ამის გაგება!..

მოდრაობისთვის მოსაზრების ძაფი გაუწყდა. კარებისაკენ ვწეოდნენ; ჩლიქებში კეტსა სცემდნენ, მაგრამ გონს ვერ მოსულიყო, საით და როგორ გადაედგა ფეხი...

— კუდი, კუდი!.. — დაუძახა თოკის გამწევმა უკან მდგომთ და უფრო ძლიერად გასწია თოკს.

უკან მდგომთ მოავლეს კუდში ხელი და შუაზე გადაუტეხეს.

საშინელი ტკივილი იგრძნო ალექსამ.

— მუუუ!.. — გულსაკლავად წაიზმუვლა და თავისდა უნებურად წინ წამოტორტმანდა, მაგრამ ისევ შესდგა.

უნდოდა ამ ამოკენესით ეთქვა: „წავიდლოდი, მაგრამ რა ვქნა, რომ ფეხები არ მემორჩილება, რომ არ ვიცი, საით და როგორ გადავდგა ფეხები“!..

„ოხ, რა ძნელი ყოფილა უენობა“!.. — გაიფიქრა ალექსამ და კიდევ უნდოდა შეეზმუვლა, მაგრამ ამ დროს ისევ იგრძნო საშინელი ტკივილი. კუდი ახლა მეორე ადგილას გადაუტეხეს. კიდევ წატორტმანდა.

ამ ვაივაგლახით შეიყვანეს სასაკლაო ოთახში. შეიყვანეს იქ, სადაც ხორცი და ყოველივე სიბინძურე ერთად იყო არეული.

— მეე!.. — გულსაკლავად დაიბღავლა სასისხლესთან წამოქცეულმა ანდრო-ხბომ.

მშობლის გულმა იგრძნო, რომ მისი ანდრო განსაცდელშია. თვალები მოეწმინდა და დაინახა, რომ სალახმა ყელში დანა გაუგდო იმის საყვარელ შვილს... სისხლმა გადმოსჩქეფა...

— მუუუ!.. — დაიზმუვლა და შვილისაკენ გასწია, მაგრამ ამ დროს მეხაშემ მარცხენა ხელი ქვედა ყბაში ჩაავლო, მარჯვენა კიდევ მარჯვენა რქაში.

— ღრააჰ!.. — უეცრად მოილო ალექსას კისერმა ღრაჰანი და ძირს მოწყვეტით ზღართან მოსძვრა.

ამგვარი ტკივილი არას დროს არ უგრძენია თავის სიცოცხლეში. თავისდა უნებურად წაიზმუვლა უკანასკნელად და გონება დაჰკარგა.

როდესაც გონს მოვიდა, ის უკვე ფეხებგაკრული და ყელგადაწეული სასისხლესთან ეგდო...

— ხა-ხა-ხა!.. ალექსი, მოგზედა?!.. შენც ხომ მაგრე სტანჯავდი საქონელს, უენო საქონელს?!.. შენც ხომ სალახი ხარ!.. — ამ დროს ხარხარით ჩასძახა რაღაც ნაცნობმა ხმამ.

— მე ვტანჯავდი?! ჰო, მე ხომ სალა... — აღარ დასცალდა აზრის დაბოლოვება. სალახმა ყელში დანა გაუგდო და აზრის მიმდინარეობა შეუწყვიტა...

გაფითრებული ალექსა სალახი უეცრად წამოჯდა და ნამქერწაყრილი ფარაჯა იქით სტყორცნა. გული საშინლად უხტოდა...

— შე ოჯახდაქცეულო, მოჰკვდი თუ რა მოგივიდა?! რამდენი ხანია დუქნები დაიღო! — შემოესმა ბრახუნთან ერთად დუქნის პატრონის ხმა.

— ჰო, ეხლავე!.. — უპასუხა ალექსა სალახმა და ხელი პირისახეზე ჩამოისვა...



ყაბალახშემობორბლილმა ალექსამ კახეთის გზიდან გადმოუხვია ნავთლუხისაკენ და...

— ფუი!.. — ბრაზმორეულმა გადააფურთხა და ქალაქი მმართველთ ერთი გემრიელად შეუკურთხა, რადგანაც, კახეთის გზას გადმოუხვია თუ არა, მუხლებამდის ტალახში შესტოპა.

ბურღღუნით და ლანძღვა-გინებით მიერეკებოდა საქონელს სასაკლავოსაკენ და საქონელზე ყრილობდა უდიერის ცემით ქალაქის გამგეობისაგან გამოწვეულ ჯავრს.

ხან ერთ ცხვარს ამოაძრობდა ტალახიდან და წინ ისროდა, ხან კიდევ მეორეს. ხბო თითქმის ზურგით საზიდი გაუხდა...

დაუახლოვდა სასაკლავოს. მეხაშვები მიეგებნენ და უშველეს ჭერ ეზოში შერეკა და შემდეგ ბაკში.

ქალაქი მოიცვა ამ დროს ზარების გუგუნმა. სასიხარულო ხმა გაისმოდა თბილისის ქაერში. ყველა ეკლესიისკენ მიეშურებოდა, ყველას სახე უბრწყინავდა და გაუგებარის სიხარულით იყო მოცული. აქ კი, სასაკლავოში, გაცხარებული მუშაობა იყო. სალახები გაბრაზებულნი, რომ ამისთანა ბედნიერ დღესაც გვამუშავებენო, უღმობელად ექცეოდნენ უენო საქონელს და შეუბრალებლად უსპობდნენ სიცოცხლეს...

— კუდი მოუგრიხეთ მაგ სავერანეს, მაგას!.. — შეტევით დაუყვირა ალექსამ მეხაშეს და უფრო ძლიერად გასწია თოკს.

მეხაშემაც გადუტება კუდი ძროხას, რის შემდეგაც მთრთოლვარე ძროხა სასაკლავო ოთახის კარებში შეტორტმანდა, სადაც ყელგამოღადრული წვრილფეხა და სხვილფეხა საქონელი ჰერეხებივით ეყარა.

რაკი ძროხა ოთახში შეიყვანეს და სასისხლესთან დააყენეს, ალექსა სალახმა თოკს ხელი ანება და იქაკ, ძროხის თვალწინ, ხბოს ყელი გაულადრა...

— მუუუ!.. — შეჰმუვლა ცრემლებმორეულმა ძროხამ...

მთრთოლვარე ტანი მოელეშა, მუხლები ჩაეკეცა, თავის შვილის გვერდით წამოიქცა და ყელის გამოსატყრელად კისერი გადაქიმა.

— აი, შე დალოცვილო, შენა!.. ყველა ემაგრე რო წვებოდეს, კარგი იქნებოდა, თორემ ზოგი რომ გაცოფდება ხოლმე, რასა გავს!.. — ღიმილით ლაპარაკობდა მეხაშე და თან ფეხებს უკრავდა ძროხას.

ალექსა სალახმა კი კისერი უფრო გადუქიმა, რქაზე ფეხი დაადგა და მარცხენა ხელით ყელის ტყავი მაღლა აუწია, მარჯვენით კი სარტყელში ჩარტობილი ქარქაშიდან დანა ამოიღო და...

რა მოუვიდა ალექსა სალახს, რომ ყელთან მიტანილი დანა ხელიდან გავარდა და გაფითრებულ სახეზე ჭირის ოფლი გამოსკდა?!

— ოოჰ, სიზმარი!.. — ღრმად ამოხვნეშით წამოიძახა, მოისვა მაგრა შუბლზე ხელი და ოფლი მოიწმინდა.

— აღარ დაჰკლავ, ალექსი? — დაეკითხა მებაშე, რაკი ალექსა წელში აიმართა და დანა ქარქაშში ჩააგო.

— აღარა... ჰო... ფეხები გაუხსენი... — დაბნევით უპასუხა ალექსამ და რაცრაცით გამოვიდა.

გამოსტოპა ეზოს მორევში და გზას გაუდგა, თუმცა კი არ იცოდა, რისთვის მიდის და ან საით.

პირდაპირი ქარი კი გახურებულ სახეს და გადაღვლილ მკერდს უშხებავს, ნამქერს აყრის და იღუმალად ჩაბზუის: „ხბოოო... ხბოო“!..

— ხბოოო!.. უსუსური ანდრო!.. ვაიმე! — წამოიღრიალა და ტანში ყრუანტელმა დაუარა. — შე თათარო, შენა!.. — შკაცრად მიმართა თავის თავს და ხელი მაგრა შემოირტყა თავში.

— ნაუუუ!.. — მოისმა ამ დროს წმინდა ბარბარეს ეკლესიიდან შუა წირვის ზარის რეკვა.

— ღმერთო!.. — ქუდის მოშვლებით წამოიძახა ზარის ხმის გაგონებაზე და გულში იმედჩანახელი ეკლესიისკენ გაეშურა.

იქ მოელოდა ხსნას, სანუგეშებელ სიტყვის გაგონებას და შევებას. ოხ, რანაირად იტანჯებოდა!.. შობა დღეს სისხლის დაღვრა?!

— ღმერთო, ღმერთო!.. — გაიძახოდა და თვალწინ სისხლის მორევი და იქიდან ყელგამოღადრულ ხბოს ღმობიერად გამომჰქვრელი თვალები ეხატებოდა...

ტალახში ამოსვრილი, გასისხლიანებული შევარდა ეკლესიაში და მაშინვე მუხლი მოიდრიაკა წმინდა ბარბარეს ხატის წინ.

ამის დანახვაზე ხალხს ფრუტუნ-ჩურჩული აუტყდა; მღვდელმთავარ-დიაკვანი კიდევ „პაკი-პაკი, გოსპოდი პომილუი! დნეს ხრისტოს...“-ს გაიძახოდნენ. წმ. ბარბარეს ხატი კი ერთს წერტილს მისჩერებოდა და ალექსა სალახს ყურადღებას არ აქცევდა.

ხალხმა დასცინა. მღვდელ-მთავარ-დიაკვნისა იმას არა ეყურებოდა-რა და იმათი სიტყვები: „დნეს ხრისტოს“... „დნე-ბა ქრისტე“-დ მოესმოდა.

— ღმერთო! — ცრემლით მიმართა უხილავს არსებას, რა-

კი ხილულთ შორის თანაგრძნობა ვერ ნახა და სანუგეშო სიტყვა ვერა გაიგონა-რა.

მაგრამ უხილავმა არსებამ ნუგეშის მაგივრად ეს ჩასძახა ყურში: „სისხლი... ხბო... ანდრო... ხა, ხა, ხა... სად შემოხვედი?.. აქ შენი ადგილი არ არის“!

„ხბო“!.. — გული მოეკუმშა, ყურებმა შეიღი დაუწყეს და ეს სიტყვა ძლივსღა წამოიღულღულა.

მაშინვე წამოდგა და ჩუმად, მობუზული ფეხაკრებით გარეთ გავიდა.

„ხსნა არ არის“! — ცეცხლის მოდებით წამოიძახა და შემჩნევლად დუქანში შევიდა.

— ოხ, ალექსი! ჭაჭაა? — ცბიერად დაეკითხა დახლიდარი.

— ჰო!.. — უპასუხა ალექსამ.

— თხლაშო თუ წრუტო? *

დახლიდარმა საჩქაროდ ჭაჭის არაყით სავსე ჭიქა გადმოაწოდა, ალექსამ ჩამოართვა და სწრაფლ გადაჰკრა.

გული ჩაფხანა, უამა.

— კიდევ! — დაიძახა ალექსამ და ცარიელი ჭიქა დახლზე დაახეთქა.

— ეჰ! ჯანდაბას ჩემი თავი და ტანი!.. — ხელის ჩაქნევით წამოიძახა, როდესაც დახლიდარმა სავსე ჭიქა გამოუწოდა, და ისიც ისე გადაყლაპა, როგორც პირველი.

მეორეს მესამე მოჰყვა, მესამეს — მეოთხე და...

ალექსა სალახი კარგა შეხურებული გამოვიდა დუქნიდან და სასაქლაოსკენ გასწია.

ახლა ალექსასთვის სულ ერთი იყო, თავისი თავი დაღუპულად სცნო: კაცი რომ წამოუქციონ, იმასაც კი ყელს გამოლადრის, თორემ საქონელს ხომ სიკეთეს არ დააყრის და არა.

\\

1895 წ.

* „თხლაშოს“ სალახები ეძახიან შაურთან არყის ჭიქას, „წრუტოს“ — ზამ კაპეიკიანს,

„...ხითხითებს და ხითხითებს“...

(ეპოუღ)

სიცილი, ტირილი, კოცნა, ლაპარაკი, ფეხის ხმა და ხრიალ-ჩხრიალი ერთმანეთში ირეოდა და გამოურკვეველი ხმა გამოისმოდა...

მატარებელმაც დაუსტვინა. დაიძრა... ფეხის ხმა მისწყდა. ხალხი დაიშალა. თითო-ოროლა-და დადიოდა ჩემს ახლო, ისიც რკინის გზის მოსამსახურე...

მე კი იქვე ვიდექი და ნაზად, ჰარმონიულად მეწვეთებოდა ყურთ ანას სიტყვები: „ხომ გაიგონეთ, რასაც ქაიხოსრო გეუბნებათ“?

რას არ გავიგონებდი ქაიხოსროს სიტყვებს? მაშ რაღას გავიგონებდი, თუ არა იმის ქმრის სიტყვებს: „არ დაგვივიწყოთ, გვეწვიეთ ამ ზაფხულს“!.. ქაიხოსრომაც რა ზრდილობით მომმართა ამ სიტყვებით, როდესაც გამომემშვიდობა? ვიდექი და ზევით, იმ მხარისკენ გაშტერებული გავიცქირებოდი, საითაც მატარებელი გაგნულდა, და ანა თვალიდან მომტაცა...

რომ არ მომრიდებიყო, იმ წამსვე ვისარგებლებდი დაპატრეებით და ფეხით გაუღებოდი გზას. შუადღის მატარებელსაც აღარ მოვუცდიდი...

* *

„მგონი დამივიწყე, — მწერდა ერთი თვის შემდეგ ანა: — და აღარც კი გაგონდები“...

— ანავ... ანავ!.. შენ დაგვივიწყებ როდისმე?! — წამოვიძა-

ზე წერილის წაკითხვის შემდეგ და მაშინვე ვაგზლისკენ გავ-
ქანდი.

ჯერ მატარებლის გასვლის დრო არ იყო. ორი ქამი მეტი
სადგურზე ველოდი.

ოხ, რა ძნელია ლოდინი.. მე მივისწრაფებოდი და უნდა
ველოდნა კია. ორი ქამი ორ საუკუნედ გარდამექცა... ვნატ-
რობდი ფრთებს, მაგრამ ფრთებს ვინ გამომასხამდა.

გონების ფრთებმა კი დიდი ხანია მიმაფრინეს ანასთან და
იმის სპეტაკ ხელებს დამაკონეს, მაგრამ ამით გერა ვკმაყოფილ-
დებოდი...

✻ ✻

მიგნულავს მატარებელი. გააქვს დაგა-დუგი, მაგრამ...
ფუი!.. მაგრამ ისა, რომ თითქოს კამეჩები აბიანო, ისე მიიზ-
ლაზნება, მიცურავს... კედლებს ვაწვები, მინდა ავაჩქარო, ცო-
ტათი მაინც წინ წავსწიო...

ახ, რატომ შემანქანე არა ვარ, რომ ელვასავით გავიტაცო
მატარებელი და თვალის დახამხამებაზე ანას მივესალმო, რომ-
ლის ლანდიც თვალწინ მეხატებოდა და მიახლოვებას მანიშ-
ნებდა, მაგრამ, აი გაოხრდეს მატარებელი, წამდაუწუმ შეჰყვი-
რებს, შეყვირებასთან ერთად მძიმედ ქშინვას ჰყვება და —
ღმერთგამწყარალი — დგება...

ეს გარემოება ხომ სულ მწამლავდა და ტანში მშლიდა.
ვლანძღავდი ჩემ თავს, რომ წინაღვე არ ვისარგებლე დაპატი-
ებით და ერთი კვირის შემდეგვე არ ვეწვიე. ვლანძღავდი ჩემს
მოკრძალებას, მორცხვობას, უიმედობას. ამისთანა დროს გა-
ბედულობა, ურცხვობა უნდა და მეკი უმანკო ქალივით ვწითლ-
დებოდი, მერიდებოდა და მარტო ვოცნებობდი...

ხა, ხა, ხა!.. რა სულელი ვიყავი..

ანა საოცნებო ზრსებაა?.. გული მოგტაცა და დაისაკუთრა?
მიდი შენც, რომ იმისი გული დაიმონავო და არა შენს ოთახში
იოცნებო, ინატროდე.

მაგრამ ახალგაზრდა ვიყავე მაშინ, მეპატივება. პირველი
შემთხვევა იყო ჩემ ცხოვრებაში, რომ ისე გავეგვიყებინე ქალს.

ანამ გამიღვია პირველად გული, იმან დამიმონა და აბა პირველ ხატს, პირველად წმინდანად აღსარებულ ქალს როგორ გავუბედავდი რასმე?!.

ვცდილობდი ჩემი გრძნობა დამემალა, რომ ამით შეურაცხყოფა არ მიმეყენებინა. გამომყდავნება, მეგონა, შეურაცხყოფას მიაყენებდა. ამგვარი შეხედულობის პატრონი რას გავუბედავდი?!

შესაძლებელი იყო, სრულებით არ ვწვეოდი, რომ ანას არა მოეწერა.

წერილმა კი თვალები ამიხსნა და დამარწმუნა, რომ ისიც გულგრილად არ მიყურებს, რომ იმასაც უნდა ჩემი ნახვა. უთუოდ იცოდა, რომ მე ქოჩრამდის ვიყავ ჩათლული და მხოლოდ ის იყო ჩემი ჩასაფიქრებელი...



— ძლივს!.. — წამოიძახა ანამ, როდესაც დილა აღრიანდა აველ იმათ აივანზე და წინ შემეფეთა.

— დილა მშვიდობისათ!.. მე მეგონა, ჯერ ისევ გეძინებოდათ და თქვენ კი რა აღრე გაგიღვიძნიათ, — მივესალმე და ხელი მოწიწებით ჩამოვართვი. იმანკი ხელი ხელს მაგრად, მაგრად მომიჭირა და თვალითვალში გამიყარა.

— ტყუილად გიფიქრნიათ, მე ყოველთვის აღრე ადგომა მიყვარს. — მიასუსხა ანამ და უფრო ძლიერ მომიჭირა ხელი.

იმის ხელის შეხებაზე მე ჩემი დამემართა: გული გადამიქანდა, უეცრად სუნთქვა შემიდგა და, მგონია, უგრძნობლად გულზე მივესვენებოდი, რომ ქაიხოსროს აივანზე გამოსვლას გონს არ მოვეყვანე...

— კარგია, ყმაწვილო, გავიბედნიათ! რატომ მაგრე გვიან მოგაგონდით?! — მეტის მეტი ზრდილობით მომმართა ქაიხოსრომ და ხელი გამომიწოდა.

— საქმეები მქონდა, თორემ თქვენ როგორ არ გეწვევოდით. — ვუპასუხე და კარ-მიდამოს გადავხედე, რომ შეკრთომა არ შეემჩნია ჩემს სახეზე...

მგონია, ქაიხოსროს არა დაუხარჯავს—რა ამ საუცხოვო ჭა-
ლა-ტყეზე და ბუნებისათვის ჩაუბარებია იმისი მოვლა-პატრო-
ნობა. იქნება მხოლოდ ამისათვის იყო საუცხოვო, რომ ქაი-
ხოსროს მზრუნველობითი ხელი არ შეხებია!..

— როგორ მოგწონთ აქაურობა?!

— მშვენიერება რამ არის!..

— ეს რა არის! აი, მთის წვერიდან უნდა გადმოხედოთ,
რომ მაშინ შეიტყოთ აქაობის სიმშვენიერე!.. — თითი მიაშ-
ვირა ქაიხოსრომ ტყით შემოსილ მთას, რომელიც იქვე, სახ-
ლის გვერდიდანვე იწყებოდა, და შემდეგ ბიჰს გადასძახა:

— ბიჰო, ამოდი ბატონს პირი დააბანინე და ტანისამოსი
გაუწმინდე!

ახალა მომაგონდა, რომ მთელი ღამე სადგურიდან ცხე-
ნით ვიარე და კარგა მტკვერიც დამედო.

— უკაცრავად, რომ ასე გეახელით! — დარცხვენით ვუ-
თხარი ცოლ-ქმარს და ტანსაცმელს ყურება დაეუწყე.

— რა ბოდიშს იხდით. მგზავრის წესი ეგ არის. თქვენ კი-
დეგ რა გიჭირთ, გუშინ ილიკო, ანდრო, ლევანი, თამარი და
ელენე ისე დაგუნგლულები მოვიდნენ, რომ პირისახე აღარც კი
ემჩნეოდათ. ახლავე გაიღვიძებენ და თუ გინდათ ჰკითხეთ. —
მითხრა ანამ და ოთახისკენ გამიძღვა, სადაც პირი უნდა დამე-
ბანა და ტანისამოსი გამეწმინდა.

• •

მთელი ღამის უძილობამ იმოქმედა. როდესაც ბიჰმა მარ-
ტოდ დამტოვა, მოწყვეტით მივწექი ლოგინზე, რომ ცოტათი
მუხლი მომესვენებინა, და ოცნებობა დავიწყე. საოცნებო საჯ-
ნად, რასაკვირველია, ანა მყვანდა და იმაზე ვფიქრობდი. სო-
ფელი მოხდენოდა. იმისი სიმშვენიერე გაათყეცებულიყო...
ჩემს ოცნებაში ხომ გადილდა იმისი სიმშვენიერე...
გაფართოვდა... ეთერად გარდიქმნა... ოთახი მხოლოდ იმისი
სიმშვენიერით იყო მოცული... ანა ყველგან არის: იქაც...
აქაც...

— უხ!.. — წამოვიძახე, თვალეში მოვიფშვნიტე და საათს
დავხედე.

უკვე მეთორმეტე ჟამი შესრულებულიყო, სრული ექვსი ჟამი მძინებია. საჩქაროდ შევიბანე პირი და გარედ გაველ.

— ოხ, მძინარავ, საით მიემგზავრები! — წამოიძახა ნაც-ნობმა ძვირფასმა ხმამ, როდესაც ბალი გავიარე და მთის ბი-ლიკს შევეუდექი...

— თქვენ აქა?!.. განა სხვებთან ერთად იქ არა ხართ?!..

განცვიფრებით დავეკითხე ანას და ხელი მთის წვერისკენ გავიშვირე.

— მაგრე რად გაიკვირვე?! — ღიმილით მკითხა და ჩემსკენ წამოვიდა.

— ქაიხოსრომ მითხრა, ყველანი ზევით წავიდნენო...

— განა მე „ყველას“ შევადგენ?

— ჩემთვის? — კი...

— სუ!.. — ღიმილით თითი დამიქნია და აღარ განმაგრძობინა. — ახლა პირდაპირ იქ ახვიდლოდით?.. — მკითხა ცოტა ხნის სიჩუმის შემდეგ.

— დიალ!.. მხოლოდ იმ იმედით, რომ იქა გპოვებდით.

— კიდეც, ცბერო?!.. მე ვიცი, ვინც არის შენი „ყველა“ და ვისთვისაც ახვიდლოდი მთის წვერზე, ელენე, თამარი, კატო და... იქ არიან, ხომ მოგწონან და ერთი მათგანი კიდეც გი...

— ანავ!.. — გავაწყვეტინე ხმა.

— რა, განა ტყუილს გეუბნები?!..

— დამცინით თუ რა არის, როდესაც კარგად...

— წავიდეთ იქ. მე ხელს არ შეგიშლი. პირიქით, საშუალებას მოგცემ უფრო დაგაახლოვო იმასთან... — თითქოს ჩემი სიტყვები არც კი შესმენილიყო, ისე ლაპარაკობდა და თან საითკენლაც გაიქვირებოდა.

მე არც კი მიცქეროდა. მე კი შევეცქეროდე და იმისი ამგვარი გულგრილად ლაპარაკი ცეცხლს მიკიდებდა.

— ანავ, მე თქვენს გვერდით მინდა ამომივიდეს სული და თქვენ კი...

— მაშ კარგი!... — უეცრივ კილო შესცვალა და შუბლი შექმუხნა.

— ანავ!... — ეს-ლა წამოვილულულდე და ცივოფლდასხ-
შულმა უკან დავიწიე.

მეგონა ჩემმა თავხედურმა ლაპარაკმა გული მოაყვანინა და
ამის გამო დარცხენილი თავის მალლა აღებას ვერ ვბედავდი.

— ჩემო მიტრო, მაგრე უეცრად სასოწარკვეთილებამ რად
შეგიპყრო?! — ისე ჩუმად, ტკბილად და სიყვარულით მითხრა,
რომ გამომაცოცხლა, ღრუბელი გადამწმინდა და ნეტარებით
დამადნო...

— ანავ!.. ანავ!.. ჩემო ანავ!.. — დაბნევით გავიძახოდი და
თან გარს ხელებს ვხვევდი...

— მიტრო, მიტრო!.. — ჩემ მკერდზე მოსვენებული და
თვალეზმილულვილი ნიავსავით ჩამჩურჩულებდა მისუსტე-
ბულის ხმით, თითქოს თავის განძრევის ძალა აღარ აქვსო...

ამ გარემოებამ ხომ სულ გადამრია, თვალთ დამიბნელ-
და და...

— მხეცო!.. — მრისხანედ წამოიძახა, როდესაც თრთოლ-
ვით შევახე ტუჩები იმის თბილ ტუჩებს, და ერთი ისეთი სილა
გამიშალა, რო თვალთაგან ნაპერწკლები გადმომცვივდა...

არ ვიცი, როგორ და რისთვის! გონება რომ შემრჩენოდა,
იქნება, როდესაც სილა გამარტყა, ბოდიში მომეხადნა და
მოვშორებოდი, მაგრამ ახლა კი მოვხვიე ხელები და მაგრად
მაგრად ჩავიხუტე.

— რაო, ძალასაც ხმარობ?! ვაი, მიშველეთ!.. — დაიწვილა
სასოწარკვეთილებით ანამ და ისტერიული ქვითინი აუვარდა.

გამიკვირდა კიდევაც, ჭაიხოსრო რომ იმ წამსვე იქ გაჩნდა
და შემომიბთია „შემდეგ მოგთხოვთ პასუხს“-ო და მაშინვე ანას
გვერდით მუხლებზე დაეცა: ხელებს უკოცნიდა, ამშვიდებდა,
ეხვეოდა და...

მე?.. მე კი შერცხენილი, დამცირებული ფეხაკრეფით გა-
მოვიპარე...

ვინ იყო დამნაშავე?.. მე თუ ის?.. არ ვიცი. მე კი ორსავე ვლანძღავდი: ჩემ თავს, რადგანაც გრძნობას თავისუფლება მივეცი და ისე ავატაციენე, ანას კი იმის გამო, რომ მითვალთმაქცა, წამაცდინა, რომ დავემცირებინე... ორნივე შემძულდა, შემეზიზნა.

პირველად გადამხდა თავს ეს დამცირება და ამისთვის მეტად მწვავეა, გონების ამხდელია. კიდევ კარგი, რომ თამარი და სხვები მთის წვერზე იყვნენ და ანას კივილი ვერ გაიგეს. თორემ, შენს მტერს, გარედ აღარ გამოემესვლებოდა...

— ხა, ხა, ხა! — ვხარხარებდი გიჟივით: ვესტუმრე და იმავე წუთს შეურაცხყოფა მივაყენე ოჯახს, კარგია, შენმა მზემ. აი!

— აბა რას დადგებოდნენ და არ უამბობდნენ! — თან ამასაც ვფიქრობდი და ტანში ჟრუანტელი მივლიდა.

რაც დრო გადიოდა და ვუკვირდებოდი ჩემ საქციელს, უფრო მეტ სისაძაგლეს ვბოულობდი და უფრო მეტად ვიტანჯებოდი. დრომ მალამო ვერ დამდო.

ოთხი დღე გავიდა. მე კიდევ მაინც ის შემთხვევა თვალისაგან არა მშორდებოდა და ოთახში ტრიალის დროს ვიფურთხებოდი. ოთახიდან გარეთ აღარ გავდიოდი. მეგონა, ყველამ იცის და მასხარად მიგდებს. კედლებსაც კი ველარ შევცქეროდი, თვალს ვერ ვუსწორებდი, რადგანაც ისინიც კი იცინოდნენ, მასხარად მიგდებდნენ... ოთხი დღე შინ დავალამე და მეხუთესაც დავალამე, რომ შუადღისას ორი წერილი არ მომსვლოდა.

ორსავე შტემპელი იქაური ჰქონდა.

— ძლივს!.. — წამოვიძახე და თავისუფლად ამოვისუნთქე... ვიცოდი, ქაიხოსრო მომწერდა. დაკმაყოფილებას მომთხოვდა. გადაწყვეტილი მქონდა გული მიმეშვირა და მე კი ხელი არ გამომელო.

მაგრამ შინაარსმა გამაოცა.

„პატივცემულო დიმიტრი ნიკოლოზის ძე, — სწერდა ქაიხოსრო: — ძლიერ გსწუხვარ, რომ ცოტათი გაწყენინეთ. გთხოვთ, დაივიწყოთ ყველაფერი და ისე ძველებურად იაროთ ჩემს სახლში. ვიცით, თქვენ სიყმაწვილით მოგივიდათ და ამისთვის ყურადღებას არ ვაქცევთ. იმის დასამტკიცებლად, რომ დავიწყებული გაქვთ, ამ კვირია გვეწვევით. დროსაც კარგად გაატარებთ, სტუმრები ბევრი გვყავს. ანაც გწერთ წერილს. იმედია, არ გაგვაცრუებთ...“

თქვენი პატივის მცემელი ქაიხოსრო მახათელი“.

— დამციხის, თუ რა არის?? — ბრაზმორეულმა წამოვიძახე და დაკუმტუნული წერილი ოთახის კუთხისკენ ვისროლე. წაუკითხავი ანას წერილისათვისაც ისევ გზა მინდოდა მეჩვენებინა, მაგრამ ცნობისმოყვარეობამ შემაყენა და გავხსენი.

„ჩემო მიტრო! უთუოდ მიწყრები, რომ ისე კადნიერად მოგეპყარ. ჩემი ბრალი არ იყო. იძულებული ვიყავი, ისე მომექმედნა. ეს კი იცოდე, ყველაფერი შენის გულისთვისვე ჩავიღინე. შენ ვერც კი წარმოიდგენ, რანაირად მიყვარხარ. ნეტავი შენც ისე გიყვარდე, როგორც მე შენ მიყვარხარ. კოცნის გულისთვის მიგაყენე შეურაცხყოფა. კოცნა კი არა, მზადა ვარ მთლად მოგეცე, დღემუდამ შენთან ვიყვე. ჩემი სურვილი ესაა და ესავე იყო კოცნამდისაც. სურვილი რომ სურვილადვე არ დამრჩენოდა და ოდესმე გამხორციელებოდა, შეურაცხყოფა მოგაყენე პირველი კოცნის დროსვე. მიხარიან კიდევაც, რომ პირველი შემთხვევისთანავე გარემოება მაგრე მოეწყო...“

ჩემი ბებრუტუნა საშინლად იჭვნელობდა, თუმცა კი პირდაპირ გამოთქმას ვერ მიბედავდა. ვატყობდი, თვალყურს ადევნებდა ყოველ ჩემ ნაბიჯს და უზომოდ იტანჯებოდა. გეფიცები, შენს მეტი მე არაფერ შემყვარებუა და, ხომ იცი, რანაირად შორს ვიჭერდი თავს. რა ჰკლავდა, რა სტანჯავდა?!“

„შენ რომ შეგხვდი მთისკენ მიმავალ ბილიკთან და ლაპარაკი დაგიწყე, ხომ გახსოვს, უეკრად როგორ სახე შემეცვალა? აი, სწორედ მაშინ შევნიშნე, რომ ქაიხოსრო მოიპარებოდა ჩვენსკენ და ჩუმაღ ხეს ამოეთარა. საშინლად მეწყინა.“

ავირიე. მაგრამ იმავე დროს უეცრად გამიელვა აზრმა, რომ იმისთვის თვალები ამეხვია და იქვენულობა მომეშორებინა. მერწმუნე, იმ დღეს შენ იმდენად ნებას არ მოგცემდა, რომ საკოცნელად მომტანებოდი. ქაიხოსროს უმადლოდე, რომ ისე ჩქარა დავეუახლოვდით ჩვენ ერთმანეთს. განა, მე გაგაბედვინე?!

„საუცხოვოდ დაბოლოვდა ჩემი განზრახვა... ვერ წარმოიდგენ, ხელ-ფეხს რანაირად მიკოცნიდა, როდესაც შენ ფეხაკრეფით გაიპარე და მე კიდეც განგებ ისევა ვქვითი-ნებდი!..

„მაპატივე, ჩემო ანავ!.. ნუ გამიწყურები!.. მე, სულელს, ეჭვი შემომქონდა!.. უსინდისოდ გზვერავდი... ვიქვენულობ-დი, განა არ ვიცოდი, რომ ერთგული ხარ, გიყვარვარ და მე კი... გეფიცები სიყვარულით მომდიოდა... ახლა კი“... — უგონოდ ხან რას გაიძახდა და ხან კიდეც რას...

„ძალიან ეწყინა, როდესაც შეიტყო, რომ წამოსულიყავ. საწყალ ბიჭს, როგორ შერცხვებოდა თავისი მოუფიქრებელი საქციელისაო, — გაიძახოდა და ბიჭის დადევნება უნდოდა, მაგრამ მე არა ვქენი.

„მე განგებ ძალას ვატანდი, უნდა საბრძოლველად გამოიწვიო და სამაგიერო გადაუხადო-მეთქი.

„— ახლა ველარ, ახლა ველარ... ახლა ისე ბედნიერი ვარ, რომ მინდა ყველამ იცოცხლოს, ყველანი მიყვარან, ჩემო სულო, და შენც გთხოვ, აპატიოო... — დაყინებით მეუბნებოდა და ძალად (ეს ჩვენ შორის იყვეს: „ძალად“) წერილი მომაწერინა პატიების ნიშნად...

„ეხლა, ჩემო კარგო, ქაიხოსრო ისეა დარწმუნებული, რომ ერთ საბან ქვეშ რომ გვნახოს, სიამოვნებით გაიცინებს და სრულებით ექვს არ შემოიტანს ჩემზე...

„ასე არა სჯობია?!. საწყალი ქაიხოსრო, რად უნდა იტან-ჯებოდეს?!.

საფლავამდის შენი ანა“.

„წ. კ. სტუმრებს ასე ვუთხარით: მიტრო ტელეგრამით დაიბარეს და იმ კვირია ისევ ამოვაო. ეს ქაიხოსრომ მოახერ-

ხა. შენი აქ ყოფნა ძალიან უნდა და მე ხომ — გეცოდინება...
უჩველად გვეწვევი.

შენი ანა“.

— საზიზლარი თვალთმაქცი!.. — წამოვიძახე და ანას დაფლეთილი წერილი ქაიხოსროს წერილს მივაყარე. გაბრაზებული ოთახში დავრბოდი, ანას ვლანძღავდი, იმის საქციელს ვკიცხავდი და ქაიხოსროს უტყურობას ხომ... მაგრამ მეც რომ მომატყუა და წამაცდინა?.. ხა, ხა, ხა, ხა!.. — უეცრად გიჟივით გადვიხარხარე, როდესაც ჩემი წაცდენა მომაგონდა და განცვიფრებული ოთახის შუა შევდექი.

საჩქაროდ ანას საწინააღმდეგო გრძობა სადღაც განჰქრა და ახლა მხოლოდ განცვიფრებამ შემოიპყრო...

გადაწყვეტილი მქონდა, ანა აღარ მენახა, მაგრამ დავიძლიე, იმისმა ხორცმა წამძლია. მშვენიერი ტანის პატრონია ანა, მშვენიერისა: ახლა ანა კი აღარ მომწონდა, იმისი ხორცი...

* * *

შინაური გავხდი. ანა უჩემოდ ველარა სძლებს, სულ ჩემთან არის და მე კიდევ იმასთან...

ქაიხოსრო?..

ქაიხოსრო კი, როდესაც ანასთან ერთად მნახავს, კმაყოფილებით ხითხითებს და ხითხითებს...

„...მხრები-ლა ავიჩეჩე...“

(ეტიუდი)

„...გადასცემ-გადმოსცემო, — მწერ: — და აბლა-უბლა, გადასკუბდას მომითხრობო“... სამართლიანად მისაყვედურებ, ძმაო ვარლამ. მართლადაც, წინა წერილში მოვდექი და გავიძახოდი: ვიტანჯები... სული მეხუთება... არიქა წყალიო... და სხვას არაფერს. რამ გამოიწვია ის სულისკვეთება?.. რამ მიმიყვანა ამ ზომამდის?.. ამაზე კრინტიც არ დამიძრავს... გაუგებარი იქნებოდა, მაშ რა! არ მიკიჟინო, ძმაო, წინანდელი წერილის გამო, რადგანაც ის შედეგი იყო ღიდის ხნობით შეგუბებულ ტანჯვის გადმონახეთქისა. ხომ კარგად იცი, როცა წყალი გადმოხეთქავს და წინ ვაკე ადგილი უძევს, ათას ტოტად გაიყოფა, განაწილდება და უგზო-უკვლოდ გაიფანტება?! მეც ისე დამემართა. ვაგუბე, ვაგუბე ხმის ამოუღებლად ჩემი ტანჯვა და, როდესაც უკიდურესობამდის მიადწია, ჩემდა უნებურად გადმოხეთქა, აქა-იქ დაიქსაქსა და თავი თავს ველარ მოეუყარე. აი, ამისათვის იყო ისე გაუგებარი. ჯერ ახლაც ვერ შემიკრებია, ვერ დამილაგებია და, აბა, მაშინ რაღა იქნებოდა. არ ვიცი, ყველაფერს დაწვრილებით მოგწერ, თუ არა, მაგრამ ყველაფერს ნათლად დაგანახებ. ჩემი განზრახვა და სურვილი ეს არის. ნამეტნავად მინდა, ყველაფერი ნათლად დაგანახო, რადგანაც მხოლოდ მაშინ მიმიხვდები. გეყურება, მინდა მიმიხვდე-მეთქი და თანამიგრძნო...

„არა! ახლა არ ვეძებ თანაგრძნობას. ამისთვის არ გწერ: თანამიგრძნობ თუ არა — სულ ერთია. მე გამოთქმა მომინდა. შენმა სიტყვებმა: გამომქლავნება ტანჯვას გაგინახევრებსო, ისე ამაკანკალეს, როგორც მშვიერი კაცი ყველისა და

პურის დანახვამ. მე მგონია, მარტო გამომქდავენებაა საკმარი, რომ ტანჯვა შემიმსუბუქდეს და იმას კი აღარ დავსდევ: გამკიცხავ. თუ თანამიგრძნობ.

„ერთი ეს კია, შენი სიტყვები: „მე გამოუსადეგარი წერილების და ბარათების კალათას დამამსგავსეს: ვინც არა მგონია, თავის დარდს და ვარამს მესვრის და მიმატოვებს, თითქოს მოვალე ვიყო ყველას მოვუსმინო და მისი საიდუმლო მე ვატაროვო“, მაგონდება და ცოტა არ იყოს მადუმებს. მით უმეტესად არ მეხერხება გამოთქმა, რომ ჩემი მტანჯველი საგანი ზოგადი არ არის, სხვისთვის სულ უმნიშვნელოა; მხოლოდ მე შემეხება და გრძნობაზე არის აშენებული. აბა, რა სასიამოვნო იქნება შენთვის ამისთანა დროს ამის მოსმენა! ვის რად ესიამოვნება ეხლა ჩემი, ვილაც მოხელის, კერძო ტანჯვა მოისმინოს, როდესაც ყველა, თითქმის მთელი საქართველო გაფაციცებით თვალყურს ადევნებს ბანკის საქმეს, ადევნებს კი არა, მხურვალე მონაწილეობას იღებს ჭავჭავაძისა და მაჩაბლის ერთმანეთის დავაში.

„დარწმუნებული ვარ, შენც მხურვალე მონაწილეობას იღებ და ჩემ „აბდა-უბდა“-ს მოსასმენად, წაკითხვისთვის დრო აღარ გექნება.

„მაგრამ, ვარლამ, გეფიცები ძმობას, გწერ მხოლოდ იმისთვის, რომ შენვე მაბედვინებ, შენვე მეუბნები წერილით: უქვლად მომწერე, რა გტანჯავსო...

„იმედია, რადგანაც შენვე მთხოვე, წაიკითხავ და არ დამცინებ, არ გამკიცხავ, როდესაც ჩაიკითხავ ბოლომდის, რომ ამისთანა დროს რაღაც გრძნობაზე, სიყვარულზე გწერ...

„ეს კი მინდა გითხრა, რომ რანაირი დროც უნდა იყოს, თუ გატაცებული ხარ ერთი საგნით, შენი არსება შეუპყრია ამ საგანს, ლურსმანივით ტვინში ჩაგსმია და ყოველ წუთს თავის არსებობას გაგრძნობინებს, მერწმუნე, მაშინ, ჭავჭავაძისა და მაჩაბლის მჭევრმეტყველება კი არა, ქვეყანაც რომ ინგრევიდეს, თავს არ მოგაფხანინებს...

„ეს ხომ სულ ერთია, რანაირი ხასიათისაც უნდა იყვეს საგანი. ყველაზე უფრო ძნელი ის საგანია, რომელიც გრძნობაზე არის დაფუძნებული. მაშინ ნამდვილ მონად გარდაიქმ-

ნები. კაცი თავიდანვე უნდა ეცადოს, რომ ამ წერტილამდის არ მიაღწევინოს და თუ მიაღწევინა, მაშინ, დამეთანხმე, გასაკიცხი არ არის...

„მიხვდით?.. ახ, რანაირად მინდა მიხვდე... შეიგნო... მხოლოდ მაშინ თანამიგრძნობ და..

„გაგვბი!.. მინდოდა კალმის აღებისთანავე დამეწყო საგანზე ლაპარაკი და მე კი, ვინ იცის, რაებს არ ვჩმახავ!.. მიზეზი ისევ ის არის: გონება ვერ მომიკრეფია და ვერ დამიწყვია...

„პირდაპირ მოგწერ: ამ ორი თვის შემდეგ ჯვარს ვიწერ...

„აი მიზეზი, აი ის გარემოება, რაც მე სულს მიხუთავს, რაც სამსალას მასმევს და მკლავს...

„გიკვირს განა? თვალწინ მეხატება შენი განცვიფრებული სახე და შენი წაბუტბუტება: „გაგიყებულა! სხვა მოუთმენლად მოელის ამ ნეტარ წუთს და ის კი რას გაიძახის“. მკაფიოდ მეყურება...

„დიად, სხვა მოუთმენლად მოელის და მე კი მტანჯავს. რაც ახლოვდება ეს წუთი, მით უფრო ტანჯვა მიცხოველდება.

„რა არის ამისი მიზეზი?

„არ ვიცი. ვიცი, მაგრამ დარწმუნებული არა ვარ. ყველაფერს თავიდან მოგწერ, მოგწერ უტყუარ ამბავს და მერე შენ თითონ დაასკვენ. მაშ ეგრე:

I

„ბედმა თუ უბედობამ ამ ორი წლის წინად, როგორც იცი, ქ. ქ. მარგუნა საცხოვრებლად. ნაცნობი არავინ იყო ჩემი და თვისი ხომ სულ არავინ.

„მატარებელი უახლოვდებოდა. მე სარკმელს არ ვშორდებოდი, ისე გამიტაცა ბუნებამ: ტყე, ველი, ხევი, დელე. გაფურჩქენილი მინდორი მიჰქროდა ჩემ თვალწინ და მხოლოდ ერთს, ნაზის სიმშვენიერის, შთაბეჭდილებას სტოვებდა ჩემში; მინდოდა დავმხობილავიყავ და დავკონებოდი ამ ნაზ სიმშვენიერეს, მაგრამ შეუძლებელი იყო: მატარებელი დაგადუვით მიგნულავდა და სურვილი სურვილად რჩებოდა...

„მატარებლიდან სიგნალი მისცეს. მივუახლოვდით სადგურ რიონს.

— „რალა მრჩებოდა? სულ ერთი ჟამი ან ჟამნახევარი. სადგური სავსე იყო ხალხით. აქ შეხვდებოდი თავადს, აზნაურს და გლეხს. ყველანი კი წარმტაცის ზრდილობით მიხვრამოხვრისანი იყვნენ, ტკბილად, გენაცვალობით მოსაუბრენი...

„ახ, რომ შემექლოს, ყველას გადავხვები და გულში ჩავიკრავ-მეთქი, ვიძახდი უსიტყვოდ და გაფაციცებით ყურს ვუგდებდი და თვალს ვადევნებდი იმერეთის ძეთ.

„ბედნიერად ვრაცხდი ჩემ თავს, რომ ბედმა ამ ხალხის შორის მარგუნა ცხოვრება. მინდოდა ჩქარა მივსულიყავ. დავბინავებულყავ, რომ სულით და ხორკით მივსვენებოდი ამ ზრდილ საზოგადოებას, ჩემ საუკეთესო მოძმეთ...

„მაგრამ... არ ვიცი, მე ვიყავ დამნაშავე თუ საზოგადოება, მალე, სულ მალე მივატოვე და ჩემს ოთახს და ბუნებას დავეშვეობრდი. მგონი, მე ვიყავი დამნაშავე. მე პატარაობიდანვე განმარტოებას ვეძებდი და ეხლაც განვმარტოვდი. ყოველთვის ბუნებას ვიმეგობრებდი, ეხლაც ბუნებას მივესვენე და ხშირად, ძალიან ხშირად რიონის პირას ღამეს ვუთევდი. ვსტდილობდი, შემესწავლა იმისი ენა და გამეგო საიდუმლო მისი მოთხრობა. მაგრამ როდესაც კი ვიტყვოდი: „აი ეხლა კი მივხვდი, ეხლა კი დავიბრუნე გონების თვალთ ყოველ იმის საიდუმლოების ჯურღმულს, ეხლა ყოველივე ცხადი იქნება ჩემთვის“ და გადავხედავდი მჩქეფარე ტალღებს, რომ გულდასმით ყოველივე ამომეკითხნა, მაშინვე უარეს წყვდიადით მოიცვოდა, მოერღვეოდა ძირი და ქვევით, ქვევით სიბნელით მოცულ უფსკრულს მიეჩანებოდა, და უფრო გამოურკვეველ, ჩახვეულ, მიუკარებელ და თვალმიუწდომელ საიდუმლოებად მრჩებოდა...

„— არ გადავარდეთ!.. — შემომესმა ნაზი, გულმტკიცენლობითი ხმა, როდესაც მე წამოწოლილი რიონის მჩქეფარე ტალღებს დავსტკეროდი და თანდათან წინ ვიწეოდი, რომ გაქანებული რიონის ძირისთვის თვალი მიმეყოლებინა.

„ავიხედე ზევით და...

„ახი.. ჩამავალი მზე ზურგიდან მოქცეოდა და მთლად

სხივებში გაეხვია თმაგაშლილი ასული, მეტად მშვენიერი არსება, რომელიც დაღვრემილის სახით შემომცქეროდა და თითქოს საყვედურს მეუბნებოდა...

„— ვინა ხარ, მშვენიერო, მოხვედი სითა. ხარ ამ ქვეყნისა თუ ციური, მოფრინდი ცითა“?.. — ვახტ. ორბელიანის სიტყვებით* ჩემდა უნებურად დავეკითხე და მუხლმოდრეკით ხელეები გავუწოდე. ჩამავალი მზის სხივები კი, ასულის სხეულიდან უუქცეულნი, ისრებივით იფანტებოდნენ და ისე მეჩვენებოდნენ, თითქოს ასულია სხივოსანი და ის არის წყარო ამ სხივებისა...

„განცვიფრებული ვიდექ მუხლმოდრეკით და ხელებგაწვდილი შევცქეროდი უცხო არსებას....“

„— ყმაწვილო, ფეხზე ადექით!.. — ღიმილით მითხრა და ხელი წამავლო.“

„მეც ავეყვი. შევხედე მზეს და მოჩვენება განქრა.“

„ჩემ გვერდით იდგა მეტად მშვენიერი გულჩინა, რომელიც რამდენჯერმე შემხვედრია ქუჩაში და კიდევაც ვიცოდი იმისი ბინა, რადგანაც პირველ შეხვედრაზე ისე წარიტაცა თავის სიმშვენიერით ჩემი სული და გული, რომ ჩემად მივეყვი და დავხსომე იმისი ბინა...“

„გამეხარდა, რომ ეს გულჩინა იყო და არა ციური არსება, რადგანაც ციური ცისკენ გასწევდა და ეს კი ქვეყნად იქნებოდა, და მეც შემთხვევა მექნებოდა, დავმტკბარიყავი ამის სიმშვენიერით.“

ღიად, გამეხარდა, რადგანაც მიუწოდომელ არსებად ვრაცხდი და ეხლა კი თავის ფეხით მოვიდა ჩემთან და ასე თანაგრძნობა გამოიჩინა.

„— გულჩინა, ნუთუ თქვენა ხართ?! — დავეკითხე, როდესაც განცვიფრებიდან გამოვერკვიე.“

„— რა იყო, არ მომელოდით?! მე აქ დავსეირნობდი, უეცრად დაგინახეთ ნახევრად გადაკიდებული. შემეშინდა, გამოვიქეცი, ისე მოვრბოდი, რომ ქუდი ქარმა მომგლიჯა და აი თმაც გამეწეწა... — დარცხვენით, თითქოს ბოდიშის მოხდით ჩაილაპარაკა და თავი დახარა...“

* „იმედი“, პოემა ვახტ. ორბელიანისა.

„ — ვმადლობ შემთხვევას, რომ...

„ — წავიდეთ! აგერ მზეც ჩავიდა. გამაცილეთ... — აღარ დამასრულებინა სიტყვა გულჩინამ და გაბრუნდა ქალაქისაკენ...

„ — განა შეიძლება ამით გათავდეს ჩვენი ნაცნობობა? — დავეკითხე, როდესაც სახლს მივუახლოვდით და უნდა გამოემშვიდებოდით.

— რათა, ხშირად შევხვდებით...

„ ცოტა არ იყოს, უსაზოგადოებამ შემაწუხა. ხშირად. როდესაც განმარტოვებით ვიყავ, ჩემი გარემოებით არ ვიყავ კმაყოფილი, ხშირად კი არა, თითქმის ყოველ წამს ეულობას ვგრძნობდი, და ჩემი არსება თხოულობდა სულით და ხორციით შეერთებას, დაკავშირებას ისე, რომ ორნი ერთ არსებად ვყოფილყავით. წინადაც ეს მემართებოდა, როდესაც ჭერ არ გამეწყვიტა კავშირი საზოგადოებასთან. იმათი სული. გული არ მაკმაყოფილებდა და მეც... იქნება ეს იყო მიზეზი, რომ გავმორდი საზოგადოებას...

„ — მაშ ნებას მაძლევთ, ვიცნობდეთ ერთმანეთს?.. — სიხარულით, სულ მოულოდნელის სიხარულით დავეკითხე გულჩინას.

„ მევე გამიკვირდა ჩემი სიხარულისა და დარცხვენით თავი ჩავლუნე, რომ არ შეენიშნა.

„ — ნებას კი არა, გთხოვთ კიდევაც, დაახლოვებით გავიცნოთ ერთმანეთი. — მითხრა და ხელი გამომიწოდა.

„ მე მინდოდა მეთქვა: „ცოტახანს ბულვარში გავიაროთ-მეთქი“, მაგრამ გავჩუმდი და ხელი გავუწოდე.

ბულვარის მოგონებებზე ტანში ჟრუანტელმა დამიარა და, მეგონა, გულჩინას ბულვარის ხსენებით შეურაცხყოფას მივაყენებ-მეთქი. ამის გამო ჩემდა უნებურად ენა ჩამივარდა და გამოვემშვიდობე.

„ შენი არ ვიცი და მე კი ბულვარი რაღაც უტვინობის ბუდედ, სამაჰანკლო ადგილად მიმაჩნია.

„ ჩემზე ასეთი შთაბეჭდილება მოახდინა და არ ვიცი, რამდენად მართალია: იქნება ვსცდებოდე და არ დავიჟინებ...

„ დაებრუნდი სახლში. მთელ ღამეს გულჩინა სხივებში

გახვეული მედგა თვალწინ, და არა მჯეროდა, თუ ყოველივე ზევით აღწერილი ამბავი ცხადლივ მოხდა...

„ერთი კვირა გავიდა და მე გულჩინა ველარ ვნახე... რამდენჯერმე ავუარ-ჩავუარე იმის სახლს, მაგრამ ტყუილად, გულჩინას თვალიც ვერ მოვკარი...“

„ქვესკნელს ჩავარდა თუ ცაში აფრინდა!“ — გავიძახოდი და გონს ვერ მოვდიოდი...

„მზის ჩასვლისას ხომ ყოველთვის რიონის სტუმარი ვიყავ და იქ გულჩინასაც მოველოდი...“

„რად მემართებოდა ეს?! რა იყო მიზეზი, რომ ასე გაიტაცა ჩემი გონება, რომ რიონის რისხევამინვა აღარ მეყურებოდა და იმის ბაასისთვის ამ ხნის განმავლობაში ერთხელაც ყური არ დამიგდია?!.. არ ვიცი...“

„ყოველ წამს, როდესაც კი ნაცნობ რიონის პირას ვიყავი, გადავეკიდებოდი ხოლმე, რამდენადაც კი შესაძლო იყო, წყლისკენ ვიწვედი, თითქოს გულმოდგინედ თვალს ვადევნებო, მაგრამ ყური და თვალი სხვაგნით მქონდა.“

„ან ეხლა და ან ეხლა გაისმის იმისი ხმა და ისევ ისე სხივებში გახვეული თვალწინ წარმომიდგება“, — ვფიქრობდი, მაგრამ ამოდ გულჩინა თითქოს სამუდამოდ განჰქრა ჩემთვის...

„ხა“!.. — ბავშვური სიხარულით წამოვიძახე და ტოკვა დავიწყე, როდესაც მეორე კვირას რიონისკენ მივდიოდი და შორი-ახლოს გულჩინას თვალი მოვკარი.

„არ მინდოდა, რომ გულჩინას შეემჩნია და ამისათვის თავი შევიმაგრე. ვითომ არც კი ვხედავდი, ისე წავედი იმისკენ.“

„— თავის დასახრჩობად ხომ არ მიდიხართ რიონისკენ? — შემაყენა გულჩინამ, როდესაც თავჩაშვებული დავუპირდაპირდი.“

„— ახ, ვერ შეგამჩნიეთ!.. — ვითომ შეკრთომით წამოვიძახე და შემდეგ ხელის გაწდომით კითხვაზე ვუპასუხე: — იმეღია, თქვენ დამიხსნით.“

„— დიდის სიამოვნებით, მაგრამ თქვენ კი გულცივი ყოფილხართ.“

„— როგორ?!,

„— ერთი კვირა შეტი ავად ვიყავი და თქვენ ერთხელაც არ მიკითხეთ...

„— თქვენ ავად იყავით?!

„— რას გაიკვირვებ?

„— გავიკვირვე კი არა...

„— რატომ არ დაათავებთ?

„— გულჩინავ! — უეცრად კილო ჩემდა უნებურად შემეცვალა და აკანკალებულის ხმით დავიწყე: — რომ მცოდნოდა, ვინ თავმკვდარი არა განახვდით, გინდაც კეტით გამოვეგდე თქვენებს. ხომ თქვენები არ მცნობენ? ამას არ დავერიდებოდი... არ მოვერიდებოდი მხოლოდ ერთის პირობით, თუ კი თქვენ საწყენად არ დაგრჩებოდით.

„— საწყენად რომ დამრჩენოდა, არც გისაყვედურებდით.

„არ მახსოვს, როგორ მოხდა, რომ ამ ლაპარაკში წავედით და ნაცნობ რიონის პირს წავადექით. მაშინლა მივიხედ-პოვიხედე და ძლიერ გამიკვირდა. არა ნაკლებ გულჩინას უკვირდა.

„— თვით განგებამ წამოგვიყვანა აქეთ, რომ ის ნეტარი ჩვენება გამიმეორდეს! — წამოვიძახე და ალერსით შევხედე გულჩინას.

„— თქვენ უნდა კლდეს გადაეკიდოთ, რომ ჩვენებამ თავისი სახე მიიღოს.

„— ამ წუთსავე! — წამოვიძახე და საჩქაროდ კლდის ნაპირს მიველი, რომ გადავკიდებულეყავ.

„— რას სულელობთ!.. — ისე გულმტკიცენეულობით წამოიძახა და საჩქაროდ ხელი დამიჭირა, რომ მე სულ დავიბნიდე. თვალები სიხარულის წყლით ამევსო და...

„მადლობის გადახდის ნიშნად უნებურად ხელი ისე მოუუჭირე, რომ იმისმა თითებმა ჩემს თითებს შუა ღრაჭანი გამოსცა.

„უთუოდ ძალიან ეტკინა თითები, რომ გულჩინა წელში გადიხარა და ოდნავ შეჰკივლა.

— მაპატიეთ, მაპატიეთ! — დაბნევით წამოვიძახე, როდ-

საც შეჰკივლა და თითებს ოდნავ სრესა დაეუწყე, რომ შეყენებული სისხლი მოძრაობაში მომეყვანა.

„— გაპატივებთ მხოლოდ მაშინ, როდესაც ხელს მომიჩინო. — მითხრა გულჩინამ.

„— როგორ?

„— თუ კი ტყენა იცით, მორჩენაც უნდა იცოდეთ...

„— ვიცი, მაგრამ... — არეულად ვუთხარი ცოტა ხნის სიჩუმის შემდეგ.

„— მაგრამ რა?

„— მაგრამ ისა, რომ ამ საშუალებისათვის ვერ მიმიმართავს.

„— რა საშუალებაა? — დამიყინა გულჩინამ.

„— ბავშვი რომ იტყენს რასმეს, მაშინ ნატკენ ადგილს დედა ან ძიძა რას უშვრება?! — დავეკითხე და თან ხელს ზევით ვეწეოდი.

„— ოჰ, ჩემო ძიძავ, მომიჩინე ხელი!.. — სლუკუნით მომმართა იმან.

„— მოგირჩა ეხლა, ჩემო პატარავ. ხომ აღარა გტკივა?.. — ვეკითხებოდი, როგორც ძიძა და თან ნატკენ ხელს ვუკოცნიდი.

„— პო, პო!..

„მეორე ხელსაც დაეუწყე კოცნა, მაგრამ გულჩინამ ჯუკან გასწია და ღიმილით შემომძახა:

„— ძიძავ, ეგ ხელი ხომ არა გტკივა?

„— განა არ შეიძლება გეტკინოთ?!

„— ეჰე!.. — თავი გაიქნ-გამოიქნია და ხელი მხარზე დამიდო, რომ ახლოს არ მივეშვი.

„ასე ვიდექით დიდხანს. ვგრძნობდი იმის ხელის სითბოს მხარზე და ელვასავით ტანში მივლიდა. დამასუსტა, მომქანცა ამ სითბომ, ნეტარმა სითბომ. მგონი, ისევე ემართებოდა იმასაც, რომ ფერი თანდათან ეცვლებოდა, რაც სიმშვენიერეს უათკეცებდა, და პირშემცქერს გონებას მხდიდა...

„ქუხდა და მრისხანებდა რიონი... ესროდა თავის ტალღებს იმ კლდეს, რომელზედაც ჩვენ გადახვეულები და ჩაკონილები ვიდექით...

„არა გვეყურებოდა რა. სააქაოს იმ წამს ჩვენთვის მხოლოდ ერთი დიადი გრძნობა შეადგენდა, რომლითაც ორნივე ვიყავით გამსჭვალულნი, ერთ არსებად ვიყავით გარდაქცეულნი და ამისთვის ნეტარნი.

„ოხ, რა ნეტარებაა, როდესაც გგონია მაინც, რომ შენი არსება მეორეს შეუერთე და ორნი ერთ არსებად ხართ გარდაქმნილნი, რომ „შენ“ „ის“ ხარ და „ის“ კიდევ „შენ“...

I I

„სწორედ ასეც მომივიდა. მეგონა, მხოლოდ მეგონა, რომ გულჩინაც იმასვე ჰგრძნობდა, რასაც მე. ეს იყო პირველი და უკანასკნელი. მხოლოდ მაშინ გამოვცადე ნეტარება და იმისთვის, რომ მწამდა, რომ გულჩინაც იმასვე ჰგრძნობდა, რასაც მე.

„სულ ერთი წუთის შემდეგ გამოვფხიზლდი.

„— გულჩინავ, მიყვარხარ, მიყვარხარ და შენ კიდევ კითხვას არ გაძლევ: „გიყვარვარ თუ არა“, რადგანაც შენი მოქმედება უსიტყვოდ მიმტკიცებს. — ვუთხარი მე, როდესაც ტუჩი-ტუჩს გავაშორეთ და ხელი-ხელს ჩაკიდებულები აღგზნებით ერთმანეთს შევსცქეროდით.

„— გიხარიათ? მე არ მინდოდა გამეგებინა თქვენთვის ჩემი გრძნობა, მაგრამ ეგ არის ჩვენი უბედურება, რომ ვერ დავმალავთ და კაცებიც სარგებლობთ. — დაღონებით მითხრა გულჩინამ და თავი ძირს ჩაჰკიდა.

„— როგორ?!

„— შეურაცხყოფას მიაყენებთ და მერე ეტყვით: უკაცრავად, კი არ მიყვარდით, გამიტაცეითო. ამით გაათავებთ და მიატოვებთ ქალს.

„— მე მაინც ვერ მიგიხვდით!

„— თქვენც სხვებს ჰგვანებხართ და ამისთვის მეუბნებით: მე მაინც ვერ მიგიხვდითო.

„— მაშ რა უნდა მეთქვა, გულჩინავ, გარკვევით მითხარით? — სიტყვა გავაწყვეტინე და ხელი-ხელს უფრო მოვეუქირე.

„— არაფერი, წავიდეთ!.. — მოკლედ მიპასუხა და გზას გაუღდა.

„მეც ამოვუღე გვერდით და გაჩუმებული გავეყვი.

„რა უნდოდა ეთქვა: შენც სხვებს ჰგვანებიხარო... მაგას არ მეტყობო...

„ვფიქრობდი და მაინც ვერ მივხვედრილიყავ... ხომ არა ეწყინა—რა? ვეკითხებოდი ჩემ თავს და მევე ვაძლევდი პასუხს: რა უნდა სწყენოდა... მხოლოდ ნეტარებას იგრძნობდა, როგორც მე, და ისევე ბედნიერად უნდა სთვლიდეს თავს, როგორც მე...

„— გიყვარვარ?! მე დიდი ხანია თვალს გადავხედი, მომწონდი ძალიან, მაგრამ ვერ ვბედავდი შენს გაცნობას, მეშინოდა...

„— გულჩინავ!.. — იმის სიტყვებით სანთელივით დამდნარ-მა წამოვიძახე და ღმობიერად დაუწყე მზერა. — მაშ გიყვარვარ? ჰა, ჰა?!

„— ჩემო გაიოზ, ჯვარს როდის დავიწერთ? — თვალის კაკლების გადატრიალებით დამეკითხა და თავი დახარა...

„გამოვფხიზლდი. თითქოს ცივ წყალში ჩამაყურყუმელავესო, ისე იმოქმედეს იმისმა სიტყვებმა. ეხლა კი მივხვდი, რას ნიშნავდა იმისი სიტყვები: „თქვენც სხვებს ჰგვანებიხართ და“... მეწყინა, საშინლად მეწყინა. გულჩინა მე არ მეკუთვნოდა და იმ წამსაც კი, როცა მეგონა: „ჩემი არსება იმის არსებას შეადგენდა და იმისი კიდევ ჩემსას“, მე არ მკუთნებია, უთვალთმაჭცნია.

„ტყუილია?! ჰა?.. განა გულწრფელი გრძნობა იკითხავს ჯვარისწერას?!

„ჯვარისწერა და ყოველი მაგგვარი ჩვეულება თავის თავად შეუძმჩნევლად მოჰყვება გულწრფელს სიყვარულს.

„უეცრად, როგორც გწერ, გამოვფხიზლდი და დავინახე ჩვეულებრივი ქალი, გასათხოვარი, რომელიც ცდილობს ბადეში გააბას საქმრო. ამ ქალს გულჩინა ერქვა და არაფრით არ განირჩეოდა მარიამებისაგან, კატოებისაგან, ნინო-ელენეებისაგან. იმის კითხვამდის—კი გულჩინა სულ სხვა არსება მეგონა,

მეგონა, გულჩინას შეეძლო სიყვარული, სიყვარული უანგარო, გულწრფელი. მაგრამ... აი, სწორედ ეს „მაგრამ“, რომელიც საცა არა მეგონია გამოინასკვება, გადამეღობა წინ და შემაყენა და მაშინვე არ მოგკურცხლე, რომ გულჩინა შორს, შორს და-მეტოვებინა, რომ იმისი აჩრდილიც კი აღარ დამენახა...

„— გაიოზ, მაგრე რად დაღონდი?!

„— მე?.. არა, დაღონებული არა ვარ!.. — დაბნევით ვუპასუხე და თვალი მოვარიდე.

„— ვიცი, ვიცი... განა ტყუილად გითხარი წელან: შენც სხვებსა გეცხარ-მეთქი...

„— მე?.. არა და არა!.. ნუ გგონია, მე უარს ვამბობდე. ჩემი მოქმედება ცხადად გაჩვენებთ ჩემს განძრახვას და აქ სიტყვებს რალა ადგილი აქეთ.

„— ყველა მაგრე იძახის და ბოლოს კი გეუბნებიან: როდის გითხარი, შეგირთავო!..

„ყველა, ყველა“... გეყურება, ვარლამ, რა მითხრა გულჩინამ, „ყველაო“... ხა, ხა, ხა!.. მეორე საბუთი მომცა, მოვშორებოდი, მაგრამ მე კიდევ, აი, რა ვუპასუხე:

„— გულჩინავ, ყველა მაგას გაიძახის და მე კი არა, მე საქმე მწამს და არა სიტყვა... გამიგონე, შენ მომწონხარ და რომ არ მომწონებოდი, ისე თავდავიწყებით არც მოგექცეოდი...

„— რა ვუყოთ მერე, რომ...

„— ისა, რომ მე შენზე ჯვარს დავიწერ და...

„— გაიოზ, ოჰ, რა მიყვარხარ!.. — აღტაცებით (რა ვიცი: აღტაცებით წამოიძახა თუ არა. გარეგნობით კი ყოველი იმისი კუნთის მოძრაობა აღტაცებასა ნიშნავდა) წამოიძახა და ღიმილით თვალები მომაპყრა.

„— გულჩინავ, არა გკითხავ: გინდივარ თუ არა, რადგანაც შენი მოქმედება შენს სიტყვებზე მჭევრმეტყველად მიმტკიცებს. ჩვენ ერთმანეთისანი ვართ. ამ წუთს მაინც. გთხოვ, ჯერ ჩვენ შორის დარჩეს... იქნება რა მოხდეს. შეიძლება ცუდი მხრით გავიცნოთ ერთმანეთი, შეიძლება საძაგელი კაცი აღმოვჩნდე და მოისურვო თავიდან მოშორება. ეს უფრო ადვილი იქნება მაშინ, როდესაც არავის ეცოდინება. ხომ იცი, ეხლავე

რომ გამოვაცხადოთ დანიშვნა, უფრო ძნელი იქნება. ჩვენი განშორება, საზოგადოებისა მოგვერიდება.

„— რა კარგი რამა ხარ, ჩემო გაიოზ!..

III

„გულჩინა ამის შემდეგ ჩემად ითვლება. ის ყოველთვის მეუბნება: ჩემო გაიოზ, მე ხომ შენი ვარ და შენისო. გეყურება, შენი ვარო! მართლა ჩემია? იმისი სიტყვები ნამდვილია?! აი რა არის მიზეზი, რომ ვიტანჯვი, რომ სული მეხუთვის. არ ვიცი, ჩემია თუ არა.

„კანონიერად კი ჩემია. ეს უტყუარია, რომ მე ცოლად გამომყვება და ჯვარსაც დავიწერთ. დღესაც რომ ვუთხრა: წავიდეთ, ჯვარი დავიწეროთ, ის მაშინვე გამომყვება და ჯვარს გადიწერს...

„თითქმის დამთანხმდა. თითქმის კი არა, მომიწონა კიდევაც, როდესაც მე ვუთხარი: ჯერ ჩვენ შორის იყვეს-მეთქი, მაგრამ, წარმოდგინე ჩემი განცვიფრება, როდესაც შევიტყე, რომ მეორე დღესვე მთელმა ქ—მა იცოდა.

„ვინ შეატყობინა ეს ამბავი?..

„რასაკვირველია, გულჩინამ. იმის მეტი ვინ იტყოდა, როდესაც სხვამ არავინ იცოდა.

„რამ აიძულა გამოქვეყნება?!

„არ ვიცი. იქნება, როგორც ვფიქრობ, გულჩინამ შემატყო გამოცვლა და ისიც კარგად გაიგო, რომ საზოგადოების ხმისა მერიდება და აალაპარაკა ხალხი, რომ განშორების საშუალება მოესპო, შევებორკე...

„გულჩინა მეტისმეტად ლამაზია, კეკლუცია, იმაზე ცუდი არა მსმენია რა, იმას ყველა სიხარულით ცოლად შეირთავს. და რად მოინდომებდა ჩემს შებორკვას?.. რად?..

„იქნება, მართლა გულწრფელად ვუყვარე და სიხარულით სხვებს ახარა თავისი ბედნიერება?!

„ხა, ხა, ხა, ხა, სიხარულით ახარა-მეთქი! რა ნახა ჩემში, რომ შემეყვარა?.. არა, არა და არა, იმას არ ვუყვარვარ!

„ეტყობა, ყოველი იმისი ნაბიჯი იმას მიმტკიცებს, რომ იმას არ ვუყვარვარ, რომ იმას ჩემი პატივისცემაც არა აქვს.

„მე რომ გულჩინა გავიცანი, ქვეყანაზე იმის მეტს ველაპყროვის ვხედავდი. მინდოდა, ყოველ წამს, ყოველ წუთს იმის გვერდით ვმჯდარიყავ და მარტო იმისთვის მემზირნა.

...„თუ კი მე მემართებოდა ეს, რატომ იმას არა, რატომ ის კი არ სცდილობდა და არა სცდილობს, როგორც მე, რომ ჩემთან ერთად ყოფნის შემთხვევა მოიპოვოს?!

„რამდენი დამე მითევია იმის საკმლის ახლო, რამდენჯერ ამივლ-ჩამივლია, რომ თვალი მაინც მომეკრა, მაგრამ ამაოდ. ის ან ავადმყოფობას მოიგონებდა და ან კიდევ მშობლებს მიაწერდა, რომ ისინი უშლიან.

„გეყურება, მშობლები უშლიან! ის კაი მშობლები, რატომ სხვებთან სიარულს არ უშლიან, რომ შუალამემდის ნაცნობ ოჯახში არის ხოლმე და იქიდან ხან ვინ გააცილებს და ხან გინ?!

„არა, მშობლები კი არა, თითონ არ უნდოდა ჩემთან სიარული.

„როდესაც ვკითხავდი, რატომ ხდება ესე, ის, აი, რა პასუხს მაძლევდა: „ჩვენზე ისეც ბევრს ლაპარაკობენ და ხშირად რომ ვიართო, მაშინ ხომ სულ აგვიკლებენ. მშობლებიც ამისთვის მიშლიან... ღმერთმა კი ნუ ქნას და შენ რომ აღარ შემირთო, მაშინ“...

„გეყურება, რას მეუბნებოდა წინაღ?.. განა ნამდვილი სიყვარული, გულწრფელი სიყვარული ასე ილაპარაკებს?!

„ეს კითხვა წინადაც მეზღებოდა, მაგრამ მე გულჩინას მაინც ვამართლებდი.

„იქნება, მართლა ვუყვარვარ და საწყალი ვერ ჰხედავს თავის გრძნობის გამჟღავნებას, გამოქვეყნებას... გავიფიქრებდი ხოლმე, მაგრამ ამავე დროს სხვა წინააღმდეგი აზრი გულს მიშხამავდა: ჰო, თუ სხვებთან ვერ ჰხედავს და ეკრძალება, როდესაც მარტოკანი ვართ, მაშინ რაღა ემართება“?!

„ავუსრულე თხოვნა. დავიცვი წესი და იმის მშობლებს გამოვუცხადე.

„გულჩინას ამის შემდეგ ყოველ დღე ვხედავ და ერთი დღე რომ არ მივიდე, მაშინვე კაცს მახსლებს წერილით და მეკითხება, რა მიზეზით არ მიველ იმასთან.

„არა, ვარლამ, უეცრად რა ძვირფასი გავხდი!.. წინად კვირეები გადიოდა, არ ვაგონდებოდი და ეხლა კი ყოველდღე მკითხულობს...

„ერთხელ ვუთხარი და ძალიან იწყინა. ერთი კვირა აღარ მიველი და წერილიც აღარ მომწერა, აღარ იკითხა ჩემი ამბავი.

„მეწყინა. მიველი და ვუსაყვედურე.

„— მაკვირვებს შენი საქციელი!.. — მოთხრა ჩემ საყვედურზე: — წერილსა გწერ, — გწყინს, არ მოგწერ და იმაზედაც მისაყვედურებ.

„მართლაც სულელობა მომდის. მაგრამ, ვარლამ, შენ გულახდით გწერ და მინდა მიმიხვდე კიდევაც.

„სულელობაა, მაგრამ რომ გაარკვიო, სულელობა არ არის...

„იმის წერილებსა, ბარათების კითხვა მამბრაზებდა და მამბრაზებს იმისთვის, რომ შიგ ვერ ვპოვებ იმას, რასაც ვეძებ. მინდა შევიტყო: გულწრფელად ვუყვარვარ თუ არა და, აი, ამას ვერ ვპოვებ. ყველაფერი სწერია შიგ, ყველაფერი, მაგრამ მე მაინც არა მჯერა, არა და არა. ყველაფერი სწერია, მაგრამ რალაც აკლია და ეს „რალაც“ სტრიქონების შუადგან ამოიჭვრიტება და მამბრაზებს. აი, ერთი ნიმუში იმ მრავალი ბარათისა, რომლებსაც, არ ვიცი, ისე მოკრძალებით ვინახავ და ისევე მოკრძალებით ვკითხულობ:

„...განა შეიძლება, ჩემო გაიოზ, ეგრე გულგრილობა, როქ დღეს არ მოხველ და არა ნახე შენთვის მკვდარი, საფლავამდის შენი გულჩინა? ჩემო თვალის სინათლე, დღეს უეჭველად მოდი, თორემ, თორემ, ხომ იცი, აღარ გაკოცნიებ“...

„ხომ ამოიკითხე, ჩემო ვარლამ?.. მე „თვალის სინათლესაც“ ვარ, მაგრამ ეს ყველაფერი „სიტყვებია, სიტყვები და სიტყვები“...

„ახ, ნეტავი იმის სიტყვებს შინაარსი ჰქონდეს, ვიყვე ამაში დარწმუნებული და მაშინ თუნდაც ლუკმა-ლუკმა ამკუწონ,

სიხარულით, ღიმილით მივეგებები სიკვდილს და თან გულჩინას სახეს ჩავიტან, იმის არსებით შევივსება ჩემი არსება; ჩემი არსება იმის არსებად გარდაიქმნება...

„მაბრაზებს იმის ბარათები, მტანჯავს, მაგრამ ამავე დროს მასიამოვნებს კიდევაც და მინდა, რომ სულ ვიკითხო, ყოველდღე მოდიოდეს იმისაგან ბარათები.

„ამისათვის არის, რომ ისიცა მწყინს, როდესაც იმისაგან წერილები არ მომდის...

„თუ დარწმუნებული ხარ, — იტყვი: — რატომ უარს არ ეუბნები და თავს რად იტანჯავო...

„კიდევაც ეგ არის, რომ დარწმუნებული არა ვარ. დარწმუნებული რომ ვიყო, გეფიცები, უარის თქმა არ დამეთაკილებოდა, სიხარულით უარს ვეტყვოდი და სამუდამოდ განვშორდებოდი. კიდევაც ეგ არის, რომ დარწმუნებული არა ვარ და ამის გამო უარს არ ვეუბნები...

„რად მინდა, რომ მარტო მე მიყვარდეს და იმას კი არა?! ჩემი ცოლ-ქმრობის იდეალი ეგ არ არის, რომ მე მიყვარდეს და იმას კი არა, ან იმას ვუყვარდე და მე არა.

„არა. ცოლ-ქმარნი „ერთ-ხორც და ერთ-სულ“ უნდა იყვნენ, ორსავე ერთმანეთი უნდა უყვარდეთ...

„დღე, მითხრას: არ მიყვარხარო, და მეც თავს არ მოვიკლავ, არ ჩავაცივდები შემეყვაროს.

„განა არ შეიძლება, ისე მიყვარდეს შორით, დაუახლოვებლივ?

„კიდევაც ამისათვის გწერ ყოველისფერს გულახდით, რომ დამეხმარო და შემატყობინო: ვუყვარვარ თუ არა, გულწრფელია იმისი სიყვარული თუ არა? რომ გულწრფელად ვუყვარდე და ჩემ უარის თქმაზე აუტეხოს რამე თავის თავს, ან თუნდაც ცოტაოდნად მაინც იტანჯოს, ხომ ველარ ვიცოცხლებ, სიცოცხლე ჯოჯოხეთად გარდამექმნება?!“

„ბევრჯერ გადავწყვიტე უარის თქმა, წერილები წერილებზე დამიწერია, მაგრამ მიმიფხრეწია და ნათხრეწების მთელი ხროვა დამიყენებია, რადგანაც წერილებით უარის თქმა უხერხულად მიმიჩნევია და ისევ პირადად გამოცხადება მიჩვენია.

მაგრამ... როდესაც მივდივარ მომზადებული, წინაღვე აფორიაქებული და სიტყვა დამზადებული, გულჩინა. კარებში მომეგებება და ტკბილად, ალერსით, თითქოს ცოტათი საყვედურითაც შეხამებული სიტყვებით მომმართავს: „ჩემო ტეტიავ, კიდევ გამჩვერით მოხვედიო“.

„საკმარისია ეს სიტყვები, რომ ჩემი დამზადებული სიტყვა გააქარწყლოს, გააქროს, დაამუწვოს და მომაჯადოვოს.“

„ენა აღარ მემორჩილება ხოლმე და მხოლოდ უსიტყვოდ ვკოცნი და ვკოცნი, თითქოს ამ კოცნით მსურდეს ჩავაქრო ის ცეცხლი, რა ცეცხლიც გულში მიბრიალებს და დავახშო ყოველივე გულჩინას წინააღმდეგი აზრი...“

„რიონი რას შეედრება, რასა?! რიონი კი არა, ზღვაც არ შეედრება გულჩინას თვალებს. გულჩინას გაცნობამდის თუ რიონის ტალღებს ჩავკირკიტებდი და ვცდილობდი იმის საიდუმლოს ამოცნობას, ეხლა გულჩინას თვალებს ვაცეცდები, მაგრამ სადაა... სადა?! წყვილიაღია ჩემთვის იმისი ბუნება! იოტის ოღენაც ვერა შემიტყვია-რა!..“

„ვარლამ, გენაცვა, ვარლამ, დავიბენი, თავბრუ მესხმის, ველარა გამიგია-რა, დამიხსენი!..“

„შენი გაიოზი“.

23 მაისს 96 წ. ქ. ქ...

IV

წავიკითხე ბოლომდის. ერთხელ კი არა, ორჯელაც, მაგრამ ვერა გავიგე-რა და, აბა, რა პასუხს მივწერდი, თუმცა კი მინდოდა მიმეწერა რამ, რადგანაც გაიოზი ჩემი კარგი მეგობარია და იმისი ტანჯვა ჩემ ტანჯვად მიმაჩნდა.

თავი გავიქნ-გამოვიქნიე, მხრები ავიჩეჩე და წერილი გადავდე იმ განზრახვით, რომ ერთი კიდევ წამეკითხა და შემდეგ ისე მიმეწერა პასუხი. მაგრამ რაკი გადავდე წერილი, ხელში აღარ ამიღია. ერთ ორ დღეს კიდევ მახსოვდა და მერე კი სულ გადამაფიწყდა, რადგანაც ისე ვიყავი გართული „ბანკობიანით“, რომ წერილი კი არა, პურის ჭამაც მაგიწყდებოდა..

საზოგადო თუ კერძო კრებაზე დასწრებამ ისე გამაძეძა, რომ ბანკის გარდა ქვეყანაზე არსებობდა კიდევ რამე თუ არა, აღარ ვიცოდი. ორნი ერთმანეთს რომ შევხვედრილვითყავით. მაშინვე ილია და ვანოზე დავიწყებდით ბაასს და ლანძღვა-კრულვით ვიხსენიებდით მოწინააღმდეგეს, თუ ორნივე ერთს მოჰხრენი ვიყავით; წინააღმდეგ შემთხვევაში კი თითქმის ყელში ვსწვდებოდით ერთმანეთს, თითქოს ერთმანეთის მოსისხლე მტრები ვყოფილვითყავით.

აბა, ამისთანა გამწვავებულ ღროს გაიოზი რაღას მომაგონდებოდა, გინდაც გაიოზი ჩემ ბუნებად ყოფილიყოს? იქნება სულაც არ მომგონებოდა და მიმევიწყნა, რომ თითონვე არ მოეგონებინა.

სწორედ იმ დღეს, რა დღესაც უკანასკნელი კრება გათავდა და შინ დავბრუნდი, ცოტა ხნის შემდეგ მოსამსახურემ ვინაობის ბარათი შემომიტანა.

დავხედე და მაშინვე კარბისაკენ გავქანდი.

— არა გრცხვენინან, ბიჭო, ჩემთან რომ ბარათებით მოდიხარ?! — ვეუბნებოდი და თან ვეხვეოდი.

— რა ვქნა, ბიჭო მკითხა: ვინა ხარო, და მეც ბარათი შემოგიგზავნე. — დაღვრებით მიპასუხა გაიოზმა და წინ გამიძლოლა.

ძალიან მეწყინა, რომ პირდაპირ ჩემთან არ მოვიდა და სასტუმროში ჩამომხტარიყო.

გაიოზი და მე ერთად შევიზარდენით, განუშორებლები ვიყავით და ძალიანაც გვიყვარდა ერთმანეთი. ჩვენი ყოველი წინაღ განუყოფელი იყო, ახლა კი, როგორც უცხო, ასე მოვიდა.

სულ ჩამფუტქა ამ გარემოებამ, მაგრამ კი ვერა ვუთხარი-რა სასაყვედუროდ, რადგანაც მომაგონდა იმისი წერილი და ამ დრომდის უპასუხობა...

გაიოზს ცოტათი მორიდება უყვარდა მაშინვე და ახლა მიზეზი ჰქონდა უფრო მომრიდებოდა. ისეთი საიდუმლო მანდო, დსეთ წუთს დამეკითხა და რჩევას მთხოვდა და, რასაკვირველია, ჩემი უყურადღებობა რომ დაინახა, მომერიდებოდა.

— ძმობას გეფიცები, — დავიწყე სულ უადგილოდ თავის მართლება: — განზრახ...

— კმარა, კმარა, ჩემო ვარლამ, ვიცი, რაც გინდა სთქვა, მე სულაც ფიქრად არ მომსვლია გისაყვედურო რამ და გამტყუნო, რომ პასუხი არ მომწერე.

— მაშ რას ნიშნავს, რომ პირდაპირ ჩემთან არ მოხველი და ეს ვინაობის ბარათიც?...

— ვინაობის ბარათზე წელან გიპასუხე და მეორეზე კი ეხლა გეტყვი: პირდაპირ შენთან იმისთვის არ მოვედი, რომ ვფიქრობდი, იქნება შინ არ დამხვდეს და აქა-იქ ხეტიალს კი სასტუმროში ჩამოხტომა ვარჩიე.

— მაშ ეხლა ჩემთან გადმოხვალ, ჰა?.. — გადავეხვიე და ვაკოცე.

— რასაკვირველია.

— რა გადასწყვეტე? — ჩემდა უნებურად შევეკითხე და მაშინვე კი ენას ვიკბინე...

— რაც გადაწყვეტილი მქონდა: ჯვარს დავიწერ მარიამობისთვის გასულს. მეტისმეტი სისულელე მომდიოდა, რომ ვცდილობდი შემეტყო, გულწრფელად ვუყვარვარ თუ არა. ეხლა დავრწმუნდი, მართლაც რომ ვუყვარდე, ეს ჩემთვის გაუგებარი იქნება. უფრო დიდი სისულელე ჩავიდინე, რომ შენ რჩევას გთხოვდი...

— აკი არ გემდურებიო...

— მე მაინც მაგას ვიტყვი, რომ არ გემდურები. როგორ დაგემდურო, როდესაც შენ არ შეგეძლო რაიმე პასუხი მოგეცა. ქალს სრულებით არ იცნობ და, აბა, როგორ მიპასუხებდი ჩემს კითხვაზე!

— დიდი ხნის გაჭიმული ნერვები, — განაგრძო ცოტა ხნის სიჩუმის შემდეგ: — მომიღუნდა, მომიჩლუნგდა. რამდენად მწვავე იყო ეს კითხვა ჩემთვის, იმდენად ეხლა უმნიშვნელოა. ხომ სულ ერთია?! ხელი ჩავიქნიე და ამ ხელის ჩაქნევას ჩემი ნერვებიც ჩავატანე. ეს ერთი კვირაა, სულ მოშვებული ვარ და რაც უნდა შევიტყო გულჩინას შესახებ, მაინც „სულერთი“ იქნება...

ბევრი რამ მინდოდა მეკითხნა, ბევრი რამ გაუგებარი, და-
უმთავრებელი იყო წერილში, მაგრამ ველარ ვბედავდი, რად-
განაც ვატყობდი, რომ მოგონება, გამოკითხვა ძალიან შეაწუ-
ხებდა. თუმცა კი იძახდა: სულერთიაო.

ამისათვის გამოვცვალე ბაასის საგანი და ქუთაისისა, იმე-
რეთის ჭირ-ბოროტზე ჩამოვუვდე ლაპარაკი...

— ...თქვენ თეატრის დარბაზი გქონდათ, როგორც შენ
იძახი და გახეტებშიაც იწერებოდნენ.

— ენის მოსაქავლებელ ადგილად ქუთათურებს უფრო
მუდმივი ადგილი აქვთ. ეს — ბულვარი და იქვე ბულვარის
ახლო — ფრიად შესანიშნავი რესტორანი. ამ რესტორანის არ-
სებობა შენ არ გეცოდინება. ეს სულ მოკლე ხანში გააღეს...

„გადი ბულვარში, უფრო სადილისა და ვახშმის დროს,
რესტორანში შედი და იქ შეიტყობ ქუთაისის ინტელიგენციის
ჭირ-ბოროტს. მოხუცი, ახალგაზრდა იქ იყრის თავს და...“

„ძნელად ასაწერია, რა ცხარე ბაასს მართავენ, რა ადგზნე-
ბით შლიან და იქნევენ ხელებს, თვალებს აკვესებენ და იმათ
ბაგეთაგან გადმოხჩქეფს, გადმოხუის სიტყვები, რა სიძლიე-
რით ესერიან ერთმანეთს დანა-ჩანგალს და ჭურჭელს კი არა,
ბოკლსა, დარვინსა, სპენსერსა, კარლ მარქსსა და სხვ. და ამგ-
ვარად მსოფლიო კითხვებს არჩევენ, სახელმწიფოებს ერთმა-
ნეთს ახლიან და...“

„კმაყოფილნი თავიანთ თავისა ემშვიდობებიან ერთმანეთს
და ისვენებენ იმისთვის, რომ, — ხა-ხა-ხა-ხა! — მეორე დღე-
საც შეიყარნენ და კიდევ დარვინი, ბოკლი, სპენსერი, კარლ
მარქსი უფრო ძლიერად ესროლონ ერთმანეთს!..“

ერთი კვირა გავიდა, რაც გაიოზი მესტუმრა. ყოველ დღე
დიდ ბაასს გავმართავდით ხოლმე. თითქმის სულ გადავებრუ-
ნეთ მთელი ქვეყნიერება, მხოლოდ ერთ საგანს არ შევხები-
ვართ. ეს — რაც გაიოზს აწუხებდა. ვატყობდი, რომ გაიოზი
ერიდებოდა და მე ხომ უფრო მოვერიდებოდი.

ნაწყვეტ-ნაწყვეტად შევიტყე, რომ ის თავის გამოსაცდე-
ლად გამოჰრიდებოდა ქ—ს.

— ახლოს რომ იყო, — მითხრა ისე გაიოზმა: — იქნება

იმისთვის ვირეოდი. — მინდა ერთ თვეს მაინც შორს დავყო, ჩაუუკვირდე ჩემს გრძნობას. წერილიც არ მინდა მივწერო და არც იმისაგან მინდა მივიღო. ამისათვის ადრესიც არ დავუტოვე...

თუმცა ესა სთქვა, მაგრამ შევატყე, რომ მეორე დღესვე წერილი სადღაც გაგზავნა და მოუთმენლად პასუხს ელოდა. დაბრუნდებოდა სახლში თუ არა, მაშინვე მოსამსახურეს მიმართავდა: „წერილი ხომ არა მოსულა—რა... ხომ კარგად იცი ჩემი გვარი და სახელი? უკან არ გააბრუნო, თუ აქ მოიტანეს. წერილების დამტარებელსაც უთხარი: გაიოზ კერაშვილის სახელზე წერილი აქ მოიტანოს“...

გაიოზი შინ არ იყო, როდესაც წერილი მოიტანეს. იმ დღეს გვიანაც დაბრუნდა. წერილი მე გამოვართვი. მინდოდა თვალყური მედევნებინა, რა შთაბეჭდილებას მოახდენდა ამ წერილის მიღება და წაკითხვა.

მოვიდა თუ არა, იკითხა: წერილი ხომ არ მოსულაო...

— როგორ არა, აი! — ვუპასუხე მოსამსახურის მაგივრად და გადავეცი.

ხელების კანკალით თვალეზგაბრწყინებულმა გამომგლიჯა ხელიდან და მაშინვე თავი გადაუხია. შტემპელს, ადრესს არცკი დახედა, თითქოს უკვე იცოდა, საიდანაც და ვისი მოწერილიც იყო...

— აჰ!.. — წამოიძახა უეცრად, წერილი გადაშალა თუ არა და საჩქაროდ წერილის ბოლოს დაჰხედა. პირისახის კუნთები აუთამაშდა, ტანი შეერყა და უეცრად სარკმელთან მდგომ სავარძელში ჩაეშვა.

ნახევრობამდის არც კი ჩაეკითხნა წერილი, რომ ხარხარით წამოვარდა:

— ვარლამ... ვარლამ... ვარლამ!.. — ყვიროდა უთავბოლოდ და თან მეხვეოდა, მკოცნიდა, მატრიალებდა და გიჟივით ხარხარებდა.

— რა იყო, რა მოგივიდა?! — ვეკითხებოდი, მაგრამ პასუხს არ მძლევდა. ის ისევ ხარხარებდა, მკოცნიდა, მჭმუჭ-

ნიდა და გაუგებრად გაიძახდა: „ვარლამ... გულიჩინა... დავრ-
წმუნდი“-ო.

მე კიდეცაღ შემეშინდა. ხომ არ გადაირია-მეთქი, ვფიქ-
რობდი და ვცდილობდი, როგორმე დამემშვიდებინა... ძლივს,
როდის დამშვიდდა და მაშინ-ღა მიპასუხა რიგიანად:

— აი, წაიკითხე და შეიტყობ, რამაც გამახარა ასე. ვერ
წარმოიდგენ, ვარლამ, რა ლოდი მომწყდა გულიდან და რანაი-
რად თავისუფლად სუნთქვა დავიწყე!.. ვმადლობ... ვმადლობ
შეცდომას... კაცის გულმაავიწყობას...

წერილი გამოვართვი და ხმამალლა კითხვა დავიწყე:

„ჩემი გონებიდან განუშორებელი პოლიევკატ, ნეტავი ეხ-
ლა აქ იყო“...

— ვის წერილებს მაკითხებ?! — შემკრთალმა მივმართე
გაიოზს და წერილის კითხვა შეეწყვიტე.

— წაიკითხე, წაიკითხე და შეიტყობ, ვისასაც, ნუ გე-
შინიან.

„...ამ ზაფხულს ხომ შეგეძლო მოსვლა?! — განვაგრძე
კითხვა: — შარშან ზაფხულს რა ცუდად გაგატარებინე დრო,
რომ წლეულ აღარ მოისურვე მოსვლა! წელს უფრო უკეთე-
სად, უკეთესად კი არა, ნეტარებით გავატარებდით დროს...“

„მაგრამ ისწავლე, ისწავლე და ყველაზე უმჯობესი კაცი
გამოდი. ეს ერთი ზამთარი-ღა იქნები მანდ. არა უშავს-რა.
როგორც იქნება უშენოდ გავძლებ, გავიჭირებ თავს, მხო-
ლოდ იმ პირობით, რომ სამუდამოდ ჩემი იყვე, ჩემს გვერდით
დარჩე. მე მაშინ უკვე ქმრიანი ვიქნები. შენ ქუთაისში იშოვი
ადგილს და... ახ, რა ნეტარებაში ვიქნებით!.. ნეტავი ჩქარა
დადგეს ეს ნეტარი წუთი!..“

„ჩემი ტეტია ისევ ისე ბურტყუნებს, იჩმუჩნება საცოდა-
ვად, მაგრამ რას იზამს? ისე მყავს გაბმული, რომ თავს ვერ
დაიხსნის.“

„გუშინ მივიღე წერილი. ის ეხლა თბილისშია. აი რასა
მწერს:

„...ეხლა ხომ ჩვენ ერთმანეთისა ვიქნებით; ხომ კარგად
იცი, ამ მოკლე ხანში ჯვარს დავიწერთ?! მაშ ეხლა მაინც მით-

ხარი შენი წარსული, იქნება იმისი გაგებით მაინც დაერწმუნდე, გულწრფელად გიყვარვარ თუ არა...

„გულჩინავ, შენ ყოველთვის მარწმუნებ, ყოველთვის მეუბნები, რომ გიყვარვარ, მე მიზეზიც არა მაქვს, რომ არ გერწმუნო, მაგრამ, რა ვიცი, რატომ არ ვრწმუნდები?“

„გენაცვა, გულჩინო, ამისრულე ეს მცირედი თხოვნა“... აი, სულ ამას ჩივის, ეს გახდომია სატირლად.

„ბეჩა, რომელი თავხედი ქალწული გადუხსნის თავის საქმროს გულს და ყველაფერს უამბობს? ეს როგორ არ უნდა იცოდნენ ყმაწვილებმა, რომ ამგვარ კითხვებს იძლევიან. მეტიმეტი გულუბრყვილობაა, არა, პოლიევკტ?“

„ისეთ აბლა-უბლას ვწერ იმის კითხვაზე პასუხად, რომ, მგონი, ვერც თავი გაუგოს და ვერც ბოლო...“

„ნეტავი შენ ცოლქმრობის წინააღმდეგი არ იყვე, რომ იმისთვის ხელი მეკრა და თავიდან მომეშორებინა?! სწორე გითხრა, მომწყინდა კიდევაც იმისი ბურტყუნი.“

„ან კიდევ მე გეთანხმებოდე და ეგეთი რწმენა მქონდეს. შენ რომ ქალი იყო, მაშინ დამეთანხმებოდდი, რომ ჩვენ დროში კანონიერი ქმარი ქალისათვის აუცილებელია.“

„ქმარი ქალისთვის ფარია, ფარდაა და მეც ამ ფარდას ვეძებ, რომ იმის იქით მე და შენ უშიშრად, მოურიდებლად ვისიყვარულოთ“...

ველარ დავათავე კითხვა, ისე ავლელდი, და წერილი იქით ვისროლე...

— ეი, ძმობილო, ეგრე ნუ ისვრი ჩემს მხსნელს! — გამეხუმრა გაიოზი და წერილი აიღო.

მე გაიოზზე ჭავრი მომივიდა, რომ ის ასე ხუმრობს ამ დროს...

— კი, მხსნელია, მაგრამ მე ვერ გამიგია, ამ წერილს შენთან რა ადგილი აქვს!..

— ადვილი ასახსნელია. გულჩინას ორი წერილი, ჩემთან და პოლიევკთან, ერთ დროს დაუწერია და კონვერტები შეშლია... და, აი, ამ უბრალო შეცდომას რა შედეგი მოჰყვა.

მგონი, ჩემი სიცოცხლე რომ ამის ამოცნობაში გამეტარებინა, ესე თვალნათლივ ვერ დავრწმუნდებოდი.

გაიოზი ლაპარაკობდა და მე კი აღელვებული ოთახში დადიოდი.

— ხედავ, ვარლამ, აქ ქალწულები რა ცბიერებას იჩენენ?!

— ვხედავ, ვხედავ! იმასაც ვხედავ, რომ როდესაც საქმე როები ტყობულობენ ამ ცბიერებას, ხარხარს იწყებენ!..

— შენ მართალი ხარ, ჩემო ვარლამ! — სიცილით მიპასუხა და ხელი გადამხვია.

— ეხლა რას აპირებ?

— აი, რას ვაპირებ: — მიპასუხა და გულჩინას წერილს ბოლოში მიაწერა:

„ეს წერილი შეცდომით ჩემთან გამოგიგზავნია. მე გავუგზავნიდი პოლიეკტს, მაგრამ სჯობია, შენვე გაუგზავნო... გაიოზი“.

ქალს თავზარი დაეცემოდა, ამას რომ წაიკითხავდა, მინდოდა მეთქვა, მაგრამ გავჩუმდი და მხრებილა ავიჩეჩე.

V

დადუმდა გაიოზი. რაც წერილი ბოლოში მინაწერით გაუგზავნა, ხმა აღარ ამოუღია. რამდენჯერ შევეკითხე, რამდენი ვეცადე საბაასოდ გამომეწვია, მაგრამ ჩემი მეცადინეობა ამაოდ რჩებოდა. ყოველ ჩემ კითხვაზე ან სულ არას მიპასუხებდა და ან კიდევ დაბნევით, უაზროდ თავს ჩამიქნევდა, ხელებს გამისავსავებდა.

აღარც ჭამა-სმა იყო იმისთვის, ჩამოხმა...

საითაც უნდა ხელი გამეშვირა, ხმის ამოუღებლად წამომყევებოდა.

მეც ვისარგებლე ამითი და ერთ ხუთშაბათ საღამოს მუშტაიდისკენ წავიყვანე. ვიცოდი, ამ საღამოს ხალხი მრავლად იქნებოდა და ამისათვის ვიფიქრე, იქნება ხალხის სიმრავლემ გამოაფხიზლოს-მეთქი.

მშვენიერი საღამოც იყო. თუმცა დღის სიცხის ბული ისევ

ტრიალებდა, მაგრამ მაინც თავისუფლად სუნთქვა შეიძლებოდა.

აუარებელი ხალხი მიეშურებოდა ცხენმიბმულათი, თუ ისე ეტლებით, ჩვენც დავიჭირეთ ეტლი და ჩქარა მუშტაიდში მტკვრის პირას ახლო მოედანზე ფანჩატურის გარსშემორტყმული ხალხის მოძრავ რკალში ჩავებით.

მგონი, ამოდენა აუარებელ სხვადასხვა ჯურის ხალხში მარტო მე და გაიოზი ვიყავით გაწამებულები, თორემ სხვა ყველა მხიარულებდა, იცინოდა, ცხარედ ბაასობდა.

არ ვიცი, გაიოზი რაზე ფიქრობდა და მე კი ფიქრით არააზე ვფიქრობდი, მხოლოდ ყურს ვუგდებდი უცნაურ, თითქოს ფუტკრის სკიდან გამონაცემ, ხალხის გუგუნს.

ფანჩატურის ქვეშ კი ამოფარებულიყო გურული ტანისამოსით მორთული პატარა მემუსიკეთა გუნდი, რომელიც დრო გამოშვებით საკრავებს ხმას აღებინებდა.

არ ვიცი, სხვაზე რა შთაბეჭდილებას ახდენდა. საფიქრებელია, კარგს, რადგანაც დიდის ალტაცებით უკრავდნენ ტაშს, როდესაც რომელსამე პიესას დაასრულებდა გუნდი, ჩემზე კი ძალიან ცუდს. პატარა მემუსიკეთა დაკრული პიესა არც სულს და არც გულს არ ეხებოდა. იმათი მოქანცული სახე კი სულსა და გულს მიწამლავდა და ერთს-და ვნატრობდი: ჩქარა წასულიყვნენ და დაეძინათ ამ ბავშვებს.

— ვარლამ, წავიდეთ იქით, აგერ, აი, იმ ბნელი ხეივნისაკენ!.. — მომმართა გაიოზმა და მკლავში ხელი წამავლო.

გამეხარდა. პირველად ამოიღო ხმა ხარხარ-სიცილის შემდეგ. სიხარულით გამოველ მოძრავი რკალიდან, რომელიც უკვე შეთხელებულიყო, და მტკვრის პირა ხეივან-ხეივან მძიძე ნაბჯით წავედით...

— გ...გეხსომება, იქაც, ფერმაშიაც, არის ამგვარი ბნელი ხეივანი. ხშირად მე და გულჩინა დავდიოდით... და ახ!..

სახე საცოდავად დაეჭმუხნა და ტანი შეერყა. შუბლზე ოდნავ ხელი გადაისვა და მტკვრის პირას პატარა ფანჩატურიდან გამომავალი წყვილი ქალ-ვაჟისაკენ მიმიშვირა თითი.

— აგერ ისე, როგორც ეგენი, მკლავებ-გაყრილნი, ერთმა-

ნეთზე მიყრდნობილნი გაჩუმებულები ვისხედით. ხომ იქაც არის მაგეთი ფანჩატური რიონის პირას. აქ მაღალი კლდიანა კიდეა, იქ კი დაბალი, მაგრამ სასიამოვნო. ჩვენც ეგრე, ფეხის ხმას ვუსხლტოდით. გვინდოდა, მარტოკანი ვყოფილიყავით. არა, არა და არა!.. იმას არ სდომებია, მარტო მე მიწოდდა. მე... შეგონა კი... რა კარგი იყო, ვარლამ, რომ ვსცდებოდი, ვსტყუვდებოდი. ნეტავი იმას, ვინც სცდება და ვისაც ჰგონია, რომ ერთ ხორცად და ერთ სულად არიან!.. აგერ ისინიც, რომ მიდიან, ბედნიერები არიან. ბედნიერები არიან, რომ სტყუვდებიან და ჰგონიათ, მარტო ჰგონიათ. იმათ გულში რომ ჩაიხედო, ხომ შეგეშინდება, ხომ დაინახავ იმათ ცბიერებას!.. იქაც, მოედანზედაც ხომ ნახე, როგორ ეჭუქუქებოდნენ ერთმანეთს, როგორ ლმობიერად უმზერდნენ? ხომ სულ ტყუილი თვალების ტრიალია, ხომ ატყუებენ ერთმანეთს?! არა? ჰა?!

მარტო ეთილისმებიან ერთმანეთს, სხვა არაფერი. არც სული და არც ხორცი ერთმანეთს არ უდგება... აბა ჩაუკვირდი, მიხედი?!

ჩვენ ფანჩატურის ქვეშ დავსხედით. მეთორმეტე ჟამი იყო. მემუსიკეთ შესწყვიტეს დაკვრა, ხალხის ხმაც მისწყდა. მტკვარა-ლა ბუტბუტებდა და მოსთქვამდა გაუგებარი ენით თავის მწუხარებას...

— ბევრი არ ღალატობს საქმით, აღსრულებაში არ მოიყვანს თავის განზრახვას, მაგრამ განზრახვით კი, აბა ჩაუკვირდი, ვინ არ განიზრახავს?! თუკი განიზრახა, უკვე უღალატა, მოშორდა, ჩამოეცალა, განმარტოვდა. ორნი ერთ არსებად აღარ არიან. ეს კი ყოველ წუთს, ყოველ წამს ხდება. კაცი თუ ქალი, ორნივე ღალატობენ. საქმით თუ არა, განზრახვით მაინც; განზრახვით ღალატი და საქმით ორივე ერთია, ორივე ღალატია და არაფრით განსხვავდება. „რომელი ხედვიდეს დედაკაცსა გულის თქმასა მას, მუნვე იმრუშა“...^{*} საცა ღალატია, იქ ერთობას ადგილი არა აქვს. ვერა, ვერა! კაცი მარტოდ იბადება და მარტოობა, ეულობა სიკვდილამდის თანა სდევს...

* სახარება სათესი, თავი V, მუხ. 28.

ნეტავი იმას, ვინც ამასა ჰგრძნობს. ის ბედნიერია. რა არის ამისი მიზეზი? რად არის ადამიანი დევნილი? ვინ დასწყევლა? ვინ? ვინ?.. ვინღა ვინ, თითონ... ადამიანი ყოველისფერს მოიძოქმედებს, მაგრამ გულწრფელად კი არაფერს. გულწრფელობა კი ნიდაგია ყოველივე ბედნიერებისა... რა ვიცი, ეხლა თითქოს გულმოდგინედ მისმენ, თითქოს მეთანხმები კიდევ, მაგრამ რა საბუთი მაქვს, რომ გერწმუნო?! იქნება იცინი კიდევ, სულელადაც მსახავ. რა ვიცი, მოქმედებდა როდისმე ადამიანი გულწრფელად?! არ ვიცი. ეხლა კი ჩვენ დროს, არა, არ მოქმედებს, თუმცა კი ყოველთვის ამას ამტკიცებს სიტყვით. „ახ! რა სამწუხაროა ხოლმე, როდესაც ხედავ, რომ კაცი თავსა და პირს იმტვრევს, გულსა და მკერდს იბრაგუნებს და გარწმუნებს, რომ გულწრფელია!..“

მე თუ გაზეთებიდან ვტყობულობდი, შენ პირდაპირ ისმენდი ბანკისტების მებრძოლთა და წამებულთა სიტყვებს. არ გეყურებოდა. როგორ ორსავე მხარეს „სამშობლო“, მისი სარგებლობა პირს ეკერა? რა ვიფიქრო?! გულწრფელები არიან?! ჰა?! მითხარი: მართლა სამშობლოს სარგებლობა ამოქმედებდა მათ თუ სხვა რამ?!“

მეწყინა. მეც შემეხებოდა ეს განკიცხვა, მაგრამ რა მეპასუხნა? პასუხის მაგივრად მხრებილა ავიჩეჩე.

მელოს დღიურიდან

ნეტა ეს რა მეშარტება?! რაც დრო მიდის და ხანი მემატება, მით გული უფრო მიჩქროლავს, გულს რაღაც მაკლდება. ხან, სულ უმიზეზოთ, ისე მომწყინდება, მომინდება ტირილი, რომ გული ყელში მომებჯინება, მაგრამ ცრემლები კი არსად არის; ყოველსავე გაფაჩუნებას, ხმას და დაძახებას ბეზარს მოვყევარ და მაშფოთებს. დილას ჩემმა უმცროსმა დამ ჩემ წინ გულიანად რაღაცაზე ჩაიჭუქუქუა, და მე კი მივედი და სილა ისე გავარტყი, სიცილი ტირილად გადავუქციე. რისთვის? მეც არ ვიცი. მერე ბევრი ვინანე.

გულშავიწყობაც რომ მეპარება! ეს რაღა უბედურობაა! ხან სად მივალ, — ხან სადა, ვეძებ რაღაცასა და კი არ ვიცი — რას. წიგნის აღება რომ მინდოდეს, მაკრატელს ვავლებ ხელს და მაკრატლისა ან საკერავისა კიდევ, — ბალიშს ვიღებ და ხელში მიჭირავს. მგონია, მარომ ამაზედ გაიცინა...

6 ოქტომბერს.

დღეს მეორე დღეა, რაც მე ოცდასამი წლისა შევსრულდი და ოცდამეოთხეში გადავდექი. ოცდასამისა... უპ, ჩამოდენა ხანია!.. ეს რიცხვი როგორღაც ლოდივით გულს დამაწვა და სულს მიხუთავს. თითქოს გულის საყვარელი მომგლიჯეს და წყალში ჩამიგდეს, ისეთ მდგომარეობაში ვიყავ ოთხ ოქტომბერს, ჩემი დაბადების დღეს.

სამ ოქტომბერს მოუსვენრათ ვიყავი. ვნატრობდი, ნეტავი სულ ოქტომბრის სამი იყოს და ოთხი სულ არ გათენდეს-მეთქი... მართლა და, ასე რომ მომხდარიყო! ხა, ხა, ხა, რა სისულელეა?! მერე, რომ გათენდა, რა მომივიდა?! განა ისევ ის მელო არა ვარ?! ასე ვსთქვათ, ოცდასამისა შევსრულდი და

ოცდამეოთხეში გადავდექი!.. ოცდასამი წელიწადი ადამიანის ცხოვრებაში ჯერ ისევ სიჭაბუკის ხანას შეადგენს, და ამისა რათ მეშინოდა?.. მაგრამ არა! მაინც რაღაც...

7 ოქტომბერს.

გული აღარაფერზე მიმიწევს. ჩემი თავისა ველარა გამიგია-რა. რას მოვავლო ხელი, რა გავაკეთო?.. ხელებს ვაფათურებ და გონება კი საღდაც დაფრინავს!.. ის რიცხვი კიდევ ჩემი ფიქრის დასკვნა არის. რაზედაც უნდა დავიწყო ფიქრი, მაინც ოცდასამ რიცხვს მივადგები ბოლოს და გულში რაღაცნაირად მიჩხვლეთს. მთელი საღამო სულ მოუსვენრად ვიყავი. ერთ ოთახიდან მეორეში გავდიოდი! ერთ კუთხიდან მეორეს ვაწუ-ღებოდი. ხან იქ შევდგებოდი, და ხან აქ და ვფიქრობდი. რასა? — არ ვიცი. ეს კი ვიცი, რომ ყველგან „23“ თვალეებში მეჩხ-რებოდა... ძილი რა არის, ძილიც დამეკარგა. წუხელის მთელ ღამეს შამფურივით ვტრიალებდი ლოგინში და თვალეებს ავა-ხელდი, თუ დავხუქავდი, ის წყეული რიცხვი დიდად, დიდად ჰაერში იხატებოდა. რო აღარ და აღარ მომშორდა, პირქვე წავწექი და სახე ბალიშში ღრმად ჩავფალი, აგებ ამით მაინც მოვიშორო-მეთქი, მაგრამ, არა. ჩემ წინ საჩქაროდ დიდი წყვილიადი გაჩნდა, მის სივრცეში ვარსკვლავთ მგზავსი წვრი-ლი წერტილები დატურავდა, იმათ შუა კიდევ ცოტახნის შე-დეგ იმ წყეულმაც ტურვა დაიწყო.

კედლის საათმა ხუთი დაჰკრა, რომ მე დაქანცული და შე-წუხებული, ისევ ისე ვტრიალებდი...

8 ოქტომბერს

ეს რაღა უბედურობაა, რომ შინაურებიც მოსვენებას არ მაძლევენ!.. დღეს სადილზე კინაღამ ყელი გამომაპკრევიენს. რა ვქნა, რომ ასე მომდის?!. ჩემი რა ბრალია?!. განა იმათ ამა-ზე უნდა დამცინონ?!.

როცა დედაჩემმა წვენი გადმომიდგა, მე ნიდაყვებით მაგი- დას დავეყრდნე და გაციებას ლოდნა დავუწყე. ისე გავრთო-ბილიყავ ფიქრში, რომ წვენი სულ დამავიწყდა.

— შეილო, გაგიცივდება!.. — მომესმა დედიჩემის ხმა, —
ახლა მეორე კერძი მინდა გავარიგო.

— ჰააა!.. — გაგრძელებით ვუპასუხე და მდოგვს ხელი წა-
მოვავლე.

როცა მდოგვი პატარა კოვზით პირში ჩავიდე, ჩვენებმა
ამაზე ხარხარი დაიწყეს; მაშინ-ღა მივხვდი, რომ წვენი მაგივ-
რათ მდოგვს დაუწყე ჭამა. პირი სულ გამომთუთქა და ისენი
კი ხარხარებდნენ. მე ჯანჯანა მომივიდა იმათსედ. გაბრაზდი
და მდოგვის ჭურჭელი იატაკზე გადავანთქე. გაბრაზებულმა
მაშინვე ჩემ ოთახში ჩავიკეტე კარი და ტირილით გული და-
ვიოსე.

ბრაზი მხეთქავდა: მე პირი გამოვიფუფქე და იმათ კი, შებ-
რალების მაგივრად, ხარხარი მორთეს.

ამ საღამოზე ჩაიზე ბევრს მეხვეწნენ. გამოდიო, მაგრამ
არ გავედი, ხმაშაც აღარავის გავცემ.

9 ოქტომბერი.

სადილს წინ დედაჩემი შემოვიდა ჩემთან და აღერსიანათ
მომექცა. რაზე არ მელაპარაკა!.. ბოლოს მითხრა: „შეილო,
გატყობ, რაღაც ცვლილება ხდება შენშიო. რა არის, რა მიზე-
ზიაო?“ — რა ვიცნებოქი, და გავჩუმდი.

-- არა, შეილო, რას მიმალავ, შენ როგორ არ იციო? მშო-
ბელ დედას როგორ უმალავ; იქნება, შეგიყვარდა ვინმე და...

დედიჩემის უკანასკნელ სიტყვებზე მწარედ გამელიმა და
გული ეელში მომეხვინა...

— „შეგიყვარდა ვინმეო“... ხა, ხა, ხა... რა დაცინვაა!.. დე-
დი, დედი, შემიყვარდეს ვინმე და ამას დაგიმალავ?! მე მზად
ვარ შეგიყვარო, სულით და ხორციით იმას მივენდო, ჩემი სი-
ცოცხლე შეეწირო... მაგრამ ვინ, ვინ? ვის უნდვიარ ეხლა ოც-
დასამი წლისა, ვინ მითხოვს?! ვინც უნდა იყოს, ოღონდ კა-
ცის სახე კი ჰქონდეს, მე მზად ვარ თავდავიწყებამდის შევიყ-
ვარო, თუ კი ის მომიხნდომებს და... ეჰ, მამაკაცებო, მამაკაცე-
ბო!.. თქვენ ჯავრს ვინ ამომყრის! ნეტავი შემეძლოს, ერთ
დღეს ყველანი ნიორწყალივით დაგნაყოთ და წყალს მიგცეთ,

რომ თქვენი ხსენება აღარ იყოს!.. როცა ქალს შეჰხვდებით, უცინით, ეალერსებით, ეარშიყებით; ქალსაც გონია, ეგ არის, ბედმა გამიღიმა და მეშველაო. და თქვენ კი... ფუი, შეგარცხვინოსთ ღმერთმა! ერთიდან მეორესთან გადადინხართ, რომ ისევ ის კომედია დაიწყეთ. და ამასობაში ქალს გულს უწყლავთ და აბერებთ!.. თქვენში ნატამალი გულწრფელობა არ მოიპოვება!..

დღეაჩემი მიმიხვდა ჩემს ღარღს და ისევ გულმტკივნეულობით მომეხვია და მითხრა:

— ხვალ, შვილო, წარმოდგენა არის, წავიდეთ, გულს გაართობ.

რომ უარი ვეღარ ვუთხარი, დაეპირდი წასვლას, თუმცა არ მინდოდა. ან კი რა მინდა?.. წინაღ რომ დაეღიოდე, იმიტომ მოვეწყიე რასმე, რომ ეხლაც არ წავიდე! არა, არ წავალ...

10 ოქტომბერს.

წუხელის გადაწყვიტე: თეატრში არ წავალმეთქი, მაგრამ გულმა აღარ გამიძლო და წაველი. ნეტავი არ წავსულიყავ; გული უფრო დამეხურა. თითქმის ყველას გვერდით ჰყავდათ, ყველანი ერთმანეთს ეალერსებოდნენ და მეკი დღეაჩემი შეჯდა გვერდით და მუხატბივით ვისებდათ. ეს დაწყველილი, თითქოს შურიანი აო ვიყავი და ეხლა კი სხვისა ბედნიერება შენშურდა.

სულ აქეთ-იქით ვიცქირებოდი, მინდოდა შემოესეღნა ვისმე ჩემთვის, მაგრამ არავის შემოუხვდნია. ნათქვამია: „თვალი სჭამს საჭონელსაო“. იქნება შემოესეღნა ვისმე, მოვწონებოდი და... ხომ მამაკაცებსაც ის უნდა ემართებოდეთ ქალის დანახვაზე, რაც ქალებს? ისინიც ადამიანები არ არიან! მე რომ კაცს შევხვდამ, მაშინვე გული რაღაც ნაირად ამიტოკდება და ელფერი გადამკრავს ხოლმე... მაგრამ არა! არა! კარგად მოხდა, რომ არავინ შემომხვდა, თორემ ხომ შემატყობდნენ, რომ ოცდასამი წლისა ვარ და გაიღიმებდნენ... იპ, რა სისულელეს ვამბობ!.. იმათ რა იციან, რომ ოცდასამისა ვარ, სახეზე ხომ არ მაწერია... ტყუილად არ ვღარდობ?!

12 ოქტომბერს.

წუხელის როცა ჩვენებმა დაიძინეს, მე მაშინ-ლა წამოვა-
ვლე კალამს ხელი და დღიურში მინდოდა ჩამეწერნა, მაგრამ
ამ დროს რაღაც იღუმალმა ხმამ ჩამჩურჩულა: „მიდი სარკე-
სთან და კარგად გაიშინჯე შენი სხეული, იქნება, რაიმე ხინჯი
გაქვს და მაშინ“...

ძლივძლივობით, შიშითა და კანკალით გაველ ზალაში, სა-
ღაც დიდი სარკე გვიკიდია და სარკის წინ სავარძელში მუხლე-
ბის კანკალით ჩავჯექი; მაღლა კი ველარ ვიხედებოდი, რომ ჩე-
მის სიმახინჯისა მევე არ შემშინებოდა...

არა, რა დროს შიში იყო, სინამდვილე უნდა შემეტყო. თავი
შევამაგრე და პირდაპირ შევხედე. მაგრამ სარკეში ვერა გავარ-
ჩიე-რა, რაღაც აჩრდილის მზგავსს გარდა. ბნელოდა.

მაშინვე ასანთი გავკარ და სარკის წინ კართოფილის სან-
თელს მოვუკიდე, რომლის ალმაც ციმციმი მორთო და... ოხ,
რა მშვენიერი გამოვჩნდი!..

სახეზე რომ რაიმე სიმახინჯე მქონიყო, განა წინაღვე არ
შევამჩნევდი, როდესაც დღეში ერთი-ათჯერ მაინც ჩავიხედავ
ხოლმე?!

ჩემ ეუუუნა თვალებს სინათლის შუქზე კამკამი გაჰქონდა
და ლოყებს და ტუჩებს ხომ...

ღმერთსა ვფიცავ, მევე მომინდა ჩემის ტუჩებისა და ლო-
ყების ჩაკოცნა. და ისინი კი... ნუთუ ისეთი გაყინულები არიან,
რომ ჩემ დანახვაზე გული არას ეუბნებათ?!

სახით ნასიამოვნებმა, ახლა სხეულს დავუწყე სინჯვა.

საჩქაროდ გავხლოდუმობილდი და... ღმერთო ჩემო... მა-
შინ შევიტყე, რა მშვენიერებაც ვყოფილვარ!.. სწორედ გამო-
ქანდაკებული ვყოფილვარ...

რომელი დახელოვნებული გამომქანდაკებელი ასე სისწო-
რით და მშვენიერებით გამოიყვანს თავისს ნაწარმოებს, რო-
გორც ჩემი სხეულია!..

სწორე, ლარვიით ხაზები, კუნთების თავის ადგილას ამა-
ღლებ-დადაბლება და... მკერდი?! მკერდმა ხომ აღტაცებაში
მომიყვანა: სპეტაკი, ნაზი ყელიდან დაწყებული გულის-კო-

ვზამდის სისწორით ოდნავ წინწამოწეული და ზედ კიდევ აქეთ-იქით წყვილად ამობურთული და ჩამკვრიული ძუძუები, რომელთაც, თითქოს პატარა თავი აზისო, მარწყვივით წითლად გამომღვივე...

შევსცქეროდი ჩემს სხეულს და ვნანობდი; ახ, რატომ ასე სიარული არ შეიძლება, რომ ყველანი დამეგიჟებინა-მეთქი! მაშინ ხომ...

„ნეტავ ეხლა დამინახოს ვინმე-მეთქი!“ ვინატრე და ფიქრებმა გამიტაცეს!..

თითქოს ნატვრა მისრულდება! ვილაც მოდიოდა ჩემკენ. ვილაც მამაკაცი იყო, მამაკაცი!..

გამეხარდა, ალტაცებაში მოვედი. მაგრამ ასე ხოლოდშობილი რომ ვარ-მეთქი?!. მინდოდა გავქცეულიყავ, მაგრამ უფრო ძალიან მინდოდა, რომ დაენახა ჩემი მშვენიერება და ადგილიდან აღარ დავიძარ.

მომიახლოვდა. ვერ ვიცანი... ან კი რათ მინდოდა მეცნო!

დიღხანს, დიღხანს ჩემ წინ გაჩუმებული იდგა და გულისფანცქალით ველოდი ბოლოს...

— ოჰ, მშვენიერებაე! — მუხლის მოდრეკით წამოიძახა ათრთოლებულის ხმით და ორივე ხელი ისე მაგრა დამიჭირა, რომ ჩემმა თითებმა ტკაცითუცი დაიწყო.

— გთხოვთ, ცრემლითა გთხოვთ, სამუდამოთ ჩემი იყოთ და თქვენის მეუღლეობით გამაბედნიეროთ!..

„მეუღლეობით“!.. ეს სიტყვა ზეციურის ხმით იყო წარმოთქმული.

ამ სიტყვაზე, ალტაცებულმა, პასუხის მაგივრად, ჩემი სახე იმის სახეს დაეუახლოვე და... კმარა!.. ნეტავ იმას, ვისაც ცხადლივ გამოუცდია ის სიტკბოება, რომელსაც გამოიწვევს ხოლმე აგზნებული პირველი კოცნა ვაჟისა! მე მარტო სიზმარში გამოვცადე და, ვგონებ, ცხადლივ სულ სხვა იქნება...

პირველ კოცნას მოჰყვა მეორე, და მესამე და ასე სულ გადამკოცნა, თან კიდევ გვერდს მეხვეოდა.

ძალზე მტკიოდა მკერდი, მაგრამ ტკივილები რა იყო იმ

სიამოვნებასთან. რომელსაც მე იმის ხელის ყოველ შეხებაზე ვგრძნობდი!..

სიამოვნებისაგან ლაფანივით მოვიქენი და აჩქარებით ძლივს-ღა ვსუნთქავდი. უცებ მკერდზე ვიგრძენ იმისი გახურებული ტუჩები და...

— რა მოგივიდა, რა იყო?! — შეკრთომით შევეკითხე, როდესაც ის გველნაკბენივით წამოხტა და შუბლმეკმუხვნისილი დამაცქერდა.

— ეგ რა გაწერია მკერდზე?.. ხა, ხა, ხა!.. ოცდასამი წლისა ხარ და მაგრე თექვსმეტ-ჩვიდმეტი წლის ქალივით იქცევო?! — საშინელის ხმით გაღიხარხარა და განქრა. დავხედე ზედ და მართლა დიდად „23“ მქონდა ამოდაღული.

ამის დანმახველმა სულისკვეთებით შეგკვივლე და თვალები ავახილე.

სიზმრად ყოფილიყო...

სანთელი ჩაქრობას აპირობდა. მე, გულჩაწყვეტილი, ლოგინისკენ წავედი, და მთელ ღამეს სულ ის წყეული რიცხვი გულზე მიღიტინებდა.

ახ, რა ბედნიერი ვიყავ, და „იმან“ როგორ ჩქარა მომიწავლა ბედნიერება...

14 ოქტომბერს.

წუხელის დედაჩემი არ მომეშო და საცეკვაო საღამოზე წამიყვანა. გულით არ მინდოდა წასვლა და მაინც წამძლია. ნეტავ არ წავსულიყავ! რაც გული არ ჩამეთუთქა, იმის მეტი რა ვისიამოვნე?!.

ეს ტიალი დამავიწყდა, რომ დეკოლტეთი არ წავსულიყავ. სანამ არ წავიდოდი, მანამდის არაფერი, და როცა ცეკვა დავიწყე, მაშინ საშინლად დამიწყო გულზე ღიტინი იმ წყეულქა. დავიხედე და, ღმერთო, სწორედ იმ ადგილას, ის ადგილი სულ გამოჩენილი მქონდა, კანი ისე მომკმუჭვნოდა და ისეთი მოყვანილობა მიეღო, როგორისაც „23“ რიცხვია!

ხელს ვაფარებდი მაგრამ თამაშობის დროს იძულებული ვიყავ ხელი ამეღო. ვინც კი ჩემთან ითამაშა, ყველამ იქ ჩამხედა, და ვხედავდი, როგორ დაცივნით იღიმებოდნენ. მე კი

სირცხვილის ოფლს მასხავდა, ვწითლდებოდი, ვყვიტლ-
დებოდი.

ვინც ერთხელ ითამაშა ჩემთან, მეორეთ აღარ გავუწვე-
ვივარ. ან ვინ გამიწვევდა დაღმეპილ გულთანს?!

15 ოქტომბერს.

არა, არა!.. მე მეგონა ჩემის ფანტაზიის ნაყოფია-მეთქი.
გულზე როგორ ამომაჩნდებოდა „23“ რიცხვი? მაგრამ ტყუ-
ილად მეგონა. მართალია, ისე მართალია, როგორც ეხლა მე
დღიურში ვწერავ ამ ამბავს. დღეს დიდხანს ვუცქირე და
ნათლად, სულ ცხადლევ წითლად მატყვია „23“, ღმერთო!..

19 ოქტომბერს.

რა უბედური ვარ? ღმერთო, რა დაგიშავე ისეთი, რომ
ასე უბედურად მაბერებ?!. დიალ, დიალ, მაბერებ!.. შენმა
სარკემ დამიმტკიცა ეს. წინად ეს არ შემომჩნევია.

ცვირის ნესტოებისაგან დაწყებული, ლოყებსა და ზემო-
ტუჩს შუა პირის კუთხებამდის, ხაზი რას ჰნიშნავს, თუ არა
სიბერეს?!.. მერე, რა ნაირი ხაზი?!. ღარივით ღრმა, ისე
ღრმა, როგორც ბებრებს აქვთ...

19 ოქტომბერი

მიშველეთ, მიშველეთ!.. რა წყალში ჩავვარდე, რა ვუ-
წამლო?! ის წყეული ღარი ახლა სახის ღარში ჩამეხლაკნა!..
იმოდენა ვიცქირე სარკეში, ისე გულმოდგინედ ეჩხრიკე, რომ
ისიც ამოვაჩინე. გულზე რაც უნდა მომსვლოდეს, თუნდა
სულ დამსეროდეს „23“-ით, და ამ სახეზე რაღა ჩემი ცოდ-
ვის კითხვაა?!. ახლა ასე ვილას უნდა ვეჩვენო, ვილას, ვილას?!.
ნუთუ სამუდამოდ ასე მარტოდ, გაუხარებლივ სახლში უნდა
დავრჩე!..

ვაიმე!..

1896 წ.

„ბეჩა, რაღა მკლავში“

— არ მომეკარო, არ მომეკარო!.. — ეშმაკურის კისკისით შესძახის თინა ლეოს და ხან ერთ ბუჩქს შემოურბენს გარს და ხან მეორეს.

— ჭივ-ჭავ!.. ჭივ-ჭავ!.. — იქავე ბუჩქებში ბელურება დაჰყვივიან და ერთი შტოდან მეორეზე გადახტიან. ერთი მეორეს უსხლტის, ახლოს არ იკარებს.

ელერსება, გარს დასტრიალებს და ფრთების კანკალით გვერდით უჯდება, მაგრამ საძაგელი ბელურა სტანჯავს თავის მოარშიყეს: კეკლუცად ისიც ფრთებს არხევს, ოღნავ ნისკარტს ახებს და მისრიალებს სხვა შტოსკენ, მეორე ბუჩქისკენ. საწყალი მოარშიყე სატრფოს ამგვარი ქცევით უფრო ცეცხლმოდებული, უკან მისდევს და ცდილობს გული მოუღობოს ცუდლუტს, მაგრამ...

— გენაცვა, თინა, ჩემო კარგო! — ათრთოლებულის ხმით მისძახის და მისდევს უკან ლეო თინას.

დაიღალა ლეო, დაიქანცა და შესდგა. აჩქარებით სუნთქავს, თავ-პირს ღვართქალი ჩამოსდის და უიმედოდ, გაუბედავად უმზერს თინას, რომელიც ცოტა მოშორებით შესდგა და ამისკენ მოტრიალდა. ღიმილით... წარმტაცის თვალით შესცქერის თინა დაღონებულ ლეოს და უსიტყვოდ ეუბნება: „სულელო, რაღას მიცქერი და არ დამიჭერ, ხომ შენ ხელთა ვარ?!“.

თინას ალერსით და იმის მშვენიერის სახით წაქეზებული ლეო გიჟივით გადახტა იმისკენ და მკლავში ხელი გაჰკრა.

— ხა, ხა, ხა!.. — ხარხარით გაუსხლტა თინა იქვე მდგომი ვერხვისკენ.

— თინა!.. — თავბრუდახვეული გაბედვით უკან გამოედევნა ლეო.

— ჭივ-ჭავ!.. ჭივ-ჭავ!.. — ჭივ-ჭავით ბელურებიც გაეშურნენ ვერხვისკენ შტოზე.

ვერხვის ქვეშ თინა მოტრიალდა. ეგონა, ლეო არ დამედევნებო, მაგრამ ის წინ შეეფეთა და მაშინვე მკლავები შემოუტრიალა.

— დაგიჭირე!.. დაგიჭირე!.. — კანკალით ეუბნება ლეო და თან თინას გულზე თავდავიწყებით იკრავს.

— ჰო!.. ჰო!.. გა-მი-შვი!.. — დაბნევით უბასუხებს და მეტი სმეტი აღელვებისაგან თვალები ელულება.

— გენაცვა!.. გენაცვა!..

— ჰმ!.. ჰმ!..

თრთის ლეო, თრთის თინა. ორსავე მუხლები ეკეცებათ, სხეული უღუნდებათ. სულ ერთი წუთიც, და ორნივე ძირს დაეშვნენ.

— ჭრ-ჭრ! წრ!.. — ზევით, ვერხვის შტოზედაც შექმნეს ჭრიჭინ-წრიპინი.

გაზაფხულის მზე კი ჰფენს თავის გამაცოცხლებელ, ნაზ სითბოს არემარეს და ყოველ არსებას საალერსოდ იწვევს, მხოლოდ გრძობად ჰქმნის და სასიყვარულოდ ახმაურებს...

— სსს!.. — აასისინა ვერხვამაც ნაზი ფოთლები და ამანაც შეუერთა სიყვარულის საგალობელს თავისი ხმა.

სისინმა ჩანთქა ყოველი არსების ხმა. ჭრიჭინ-წრიპინი, თრთოლა-თახთახი, ქშენვა და ზუილ-შრიალი სისინად გარდაიქმნა. უკანასკნელი „ს“ მისუსტდა, გაუგებრად სადღაც შესწყდა და ჩამოვარდა სამარისებრივი სიჩუმე, მაგრამ ტკბილი, ნეტარი სიჩუმე...

* *

— ტა-ტა-ტა-ტა—ტა-ტა-ტა-ტა!.. — დაუტატანეს ბელურებმა თინას და ბუჩქებიდან ზევით ამოფრინდნენ.

ბელურები ჟივილ-ტატანიტ დასტრიალებდნენ ბუჩქებს

და ცდილობდნენ, როგორმე შეეფერებინათ იმათკენ მიმავალი თინა. ბუჩქებში კი ბარტყები-ლა დარჩნენ და, მშობლების ალიაქოთი რომ დაინახეს, თვითონაც დაიწყეს საცოდავად წყვილი. ბარტყებს ჭყვილზე მშობლები სულ გაცეცხლდნენ.

იმათ ჭყვილზე მეზობელი ბუდობაც მოცვივდა და მაშინ ხომ აიპართნენ და პირდაპირ იერიშით მიდიოდნენ თინასკენ.

— დაიკარგე, დაიკარგე!.. — ჭყიოდნენ ბელურები, მაგრამ თინას იმათი ტევა არ ეყურებოდა.

ის თავჩაკიდული, დაღვრემილი, ფიქრში გართული აჩრდილივით მიიპარებოდა და თითქმის შიგ ბუჩქებში შევიდა.

აქნობამდის ბელურები თუ ცოტათი ფრთხილად იჭერდნენ თავს და თინას ზედ არ სცვიოდნენ, ახლა კი, როცა თინა ბუდეს წაადგა, მეტი ღონე არ იყო, უნდა გაბედვით ემოქმედათ. ერთი მათგანი გაქანდა და ფრთა ღონივრად ცხვირში გაჰკრა.

— ღმერთო, სად მოვსულვარ?! — ამ შემთხვევით გამორკვეულმა გულამოსკენით წამოიძახა და მიიხედ-მოიხედდა. — აახ!.. — თავისდა უნებურად წამოიკვნესა, ვერხვს რომ თვალი მოჰკრა, და ტანი მთლად შეერყა. თვალებზე ხელი მიიფარა, რომ ვერხვი არ დაენახა, მაგრამ მკლავები ჩქარა მოუდუნდა და მხრებზე მოწყვეტით ჩამოეკიდა...

ნახევრად დაბუმბლული ბარტყები კი ჭყიოდნენ, რაც ძალი და ღონე ჰქონდათ, და უშნოდ აღებდნენ ყვითელ ნისკარტებს.

თინამ დააშტერა სიგამხდრისაგან მორღვეული თვალები ბუდეს, საიდანაც ღლანჭია კისრები ამოეწოწოლავებინათ ბარტყებს, და იმათ დანახვაზე სამარცხვინო აზრმა გაუელვა თავში: დასრისოს, ასო-ასო დაფლითოს, რომ იმათი წრიბინით, მშობლების წივილით დასტკებს და გული გაიგრილოს, იმისი ჭავრი ამათზე ამოიყაროს. ხელებიც კი უნებურად შეუთამამდა და წაატანა, რომ თავისი განზრახვა აღს-

რულებასში მოეყვანა, მაგრამ უეცრად უჩულოთ უკან დაიწია. თავის განზრახვისა შეეშინდა.

თავჩალუნული შერცხვენით გამობრუნდა.

— აი, შე საძაგელო, შენა!.. — დაუტიეს ბელურებმა და ვერხვის ძირამდის ტევით მიაცილეს.

დიდხანს აღარ უწივლ-უკივლიათ ბელურებს. რაკი დაინახეს, რომ თინა ჩათუთქვილ-მოლეშილი ვერხვის ძირს მიესვენა, დამშვიდდნენ, დაწყნარდნენ, გამარჯვება მიულოცეს ერთმანეთს, და მეშველი ბელურები თავიანთ ბინებცკენ გასრიალდნენ. დარჩა მარტო წყვილი ვერხვის ახლო ბუჩქთან. დედალი ბელურა საჩქაროდ ჩაეკრა ბარტყებს, ჩასჩურჩულ-მიუალერსა და იქავ ახლომახლო საზრდოს საქებნელად წავიდა. მამალი კი ადგილიდან არ იძროდა და თინას თვალს არ აშორებდა.

— გეგონა, — ჩაეჭუტუქუჯა შორიახლოდან ბელურა: — ადვილად დაგანებებდით ჩვენს შვილებს?!. შეგშურდა განა?! შენც გინდა ჩვენსავით ხარობდე, მაგრამ ტყუილი სურვილია... სად არის მომავალი შენი შვილის მამა?.. ხომ ერთად ვიქორწინეთ!..

— გაჩუმდი! კმარა, კმარა! სად არის?.. არ ვიცი. წავიდა... წავიდა და ეს მომწერა წასელის დროს: გთხოვ, დამივიწყო.

— ხა, ხა, ხა, ხა!.. — ჩაიჭუტუქუჯა ბელურამ: — შენც კი მიატოვებდი სიყვარულის ნაყოფს, განა, რომ შეგეძლოს?! გეტყობა, საშუალებას ეძებ, უდროვოდ მოიშორო ტვირთი. თუ კიდევ მოუცადე და თავის დროზე დაგებადა, მაშინვე მიადრჩობ და... არა, არა, არა?..

— კმარა!..

— ხა, ხა, ხა!.. არ გესიამოვნება?! აბა მაგრე ნუ მოიქცევი, თუ ყველამ შენ არ ჩაგქოლოს და თითოთ საჩვენებელი არ გაგხადოს!.. საძაგელებს, მოუგონიათ რალაც კანონები და თუ ამ კანონების ასრულების შემდეგ ეყოლათ შვილი, ყველა ულოცავს, თუ არა და ჰქოლავს, თითქოს იგეთივე ბავშ-

ვი არ ებადებოდეთ. კარგია, არა?!. ხა, ხა, ხა!.. — წაიკასკასა ბელურამ და ნისკარტით ფრთები ჩაიკმაწა.

— ღმერთო!..

— ჭრრ! — დედა-ჩიტი უკვე მოფრენილიყო და ჭრიალით საზრდოს აძლევდა ბარტყებს...

მამა-ჩიტმა თავისი ადგილი დაუთმო დედა-ჩიტს, როდესაც ამ უკანასკნელმა ჭიაღუთ გატენილი ნისკარტი გაითავისუფლა და ამას გვერდით ამოუჭდა. ახლა თითონ მამა-ჩიტი წავიდა საზრდოს საშოვრად.

თინა კი ისევ ისე უძრავად იჯდა და შენატროდა ბელურებს: „რა კარგი იქნებოდა, მეც ეგრე ვზარობდე ჩემს ოჯახში, — ფიქრობდა თინა: — ხომ ერთმანეთი გვიყვარდა, და“...

კიდევაც ხარობს თინა. ახლა ამისთვის ვერხვი, ბუჩქები, ბელურები აღარ არსებობს. ვერასა ჰხედავს. ზის თავის ოთახში, სადაც პატარა, მეტად მშვენიერი, ბუნჩულა ბავშვი დაგოგავს, დედას მუხლებზე ეხვევა, მკერდისკენ იწევს. ესეც გატაცებული იკრავს გულში, თვალებს უკოცნის. აგერ, ოთახის კარიც შემოაღო და ლეო, ამისი საყვარელი ლეო შემოვიდა.

— შენ ლოდინში თვალ-გული გადამელია! სადა ხარ აქნობამდის? — ცოტათი საყვედურის კილოთი და გაბუტვით ეუბნება თინა.

— რა ვქნა, გენაცვალე, დამიგვიანდა?!. მაპატივე!.. — სიყვარულით ეუბნება ლეო და თან ნიკაპს უწევს ზევით, რომ თავი მალა აადებინოს და ტუჩები ჩაუკოცნოს.

— მიპატივებია, თუ კიდევ არ გაიმეორებ. — ეუბნება თინა და თან საკოცნელად ტუჩებს უშვებს...

ოხ, რა ნეტარებას გრძნობს!.. ისე მისუსტდა, მიილულა, რომ ტუჩების მოშორების თავი აღარ აქვს. ან კი რად უნდა მოაშოროს?! ნეტარების მეტს ხომ არასა გრძნობს და არა სჯობია, რაც შეიძლება დიდხანს გასტანოს ამგვარმა მდგომარეობამ...

თინა თვალბმბილულული ოდნავ აცმაცუნებს ტუჩებს,

თითქოს სუნთქვა, სიცოცხლე თავის ლეოს უნდა გარდასცენ ამ ნეტარების დროს და ეს გრძნობა გაჰყვეს თან...

— ჭივ-ჭავ!.. — მამა-ჩიტს უკვე გამოეცვალა დედა-ჩიტი და თავისებურად ჩამოუქვესა მჭახედ თინას, თითქოს ყურის დაგდებასა სთხოვსო...

თინას ლახვარივით ეცა გულს. უეცრად ოცნებიდან გამოიყვანა ამ ხმამ და დაუბრუნა სინამდვილეს...

ოხ, რა საშინელი ტანის წვა იგრძნო, რანაირად გული მოუქვდა, ჩაეთუთქა, როდესაც გამოერკვია და იგრძნო, რომ რაც ამ წუთის წინ ნახა, მხოლოდ ოცნება იყო...

გული მოექუმშა, მხრები მოეკრუნჩხა და სუნთქვა გაუძნელდა...

— ბეჩა, რადა მკლავ!.. — გულსაკლავად წაჰკენესა ლეოს ლანდს თინამ და თვალთაგან ნაკადული გადმოსკდა.

„მეუშვარიტად!..“

(სააღდგომო ეტიუდი)

...— მეც... მეც უარი ვსთქვი!.. მეც უარგყავ, მეუფეო!..
— სიმწარით გაიძახოდა პეტრე მოციქული და მიწაზე გართხობილი ცრემლით ნიადაგს ალბობდა.

თვალწინ ნათლად ეხატებოდა მასწავლებლის ნაზი, მისუსტებული, მაგრამ ღვთაებრივის ძალით მოცული სახე. ისინი სცემდნენ, ჰგვემდნენ, თავზე ეკლის გვირგვინს ადგამდნენ, მაგრამ ქრისტე კი ყოველსავე ამას უსიტყვოდ იტანდა, თავს არ იცავდა საყვედურიც კი არ უთქვამს იმათთვის. სამაგიეროდ, ღმერთს ავედრებდა: „მეუხნდე უფალო, რამე თუ არ უწყიან, რასაც მოქმედებენო...“

— საზიზღრები!.. — წამოიძახა პეტრე მოციქულმა და წელში აიპართა, როდესაც თვალწინ წარმოუდგა თვალეზავიანი ქრისტე, რომელსაც „ყურთმალსა“ ცემით ხან ერთი ეკითხება და ხან მეორე: „გვიწინასწარმეტყველებდე ჩუენ, ქრისტე, ვინა გცა შენ“?..

— სულ უკანასკნელს არ მოექცეოდნენ ეგრე, ეგრე მასხარად არ აიგდებდნენ და არ დაამცირებდნენ და იმას კი, თითქოს ბაღლიაო, თვალეზავიანი აუხვიეს და სიცილით, ხარხარით ეკითხებოდნენ: გამოიცან, ვინა გცემსო.

ის საზიზღარი, დამამცირებელი სიცილი ებრაელთა ახლაც ყურებში მოესმა და სხეულში გველივით ჩაეხლაკნა, რამაც საშინელი ჩხვლეტა და წვა მიაყენა და გონება აურიო.

— აახ!.. — სხეულის გრეხა-წრეხით წამოიკვნესა და ჭადრა თხელ თმას ორივე ხელით დაებლაუჭა.

გამოსწია რაც ძალი და ღონე ჰქონდა და საჩქაროდ ორ-სავე ხელში თითო ბლუჯა თმა შერჩა.

— იმ დროს მე იქ ვიდექი, ვუცქეროდი ამ დამცირებას და იმის მაგივრად, რომ მივშველებოდი, თავი იმის გვერდით მომეკლა, იმის მოწაფეობაზე უარს ვამბობდი! ხა, ხა, ხა!...— ტირილზე უარესი მწარე ხარხარი დაიწყო პეტრე მოციქულ-მა, თითებს კი იმტვრევდა, იკნეტდა და თმით იწრებდა.

— ყიყლიყოლო! — იქვე მახლობლად ფრთის შემოკვერით შეჰყივლა მამალმა.

— ჰაა!.. გაჩუმდი, გაჩუმდი!.. შენი მოგონება არა მკი-რია, გაჩუმდი!.. უარს არ ვყოფ, არა, არა და არა! მე იმისი მოწაფე ვარ. გეყურებათ?! — ფეხზე წამოჭრით დაუწყო მამლებს ტევა, მაგრამ მამლები მაინც ყიოდნენ. მთელი ქა-ლაქის მამლები ერთმანეთს ამცნობდნენ განთიადის მოახ-ლოვებას და პეტრე მოციქულის სასტიკ ბრძანებას ყურად-ღებას არ აქცევდნენ.

— სად არიან სხვა მოწაფენი, სადა?! ყველანი მოშორდ-ნენ, ყველამ თავი მიანება. ის ჰკვემეს, ჯვარს აცეეს და მოჰ-კლეს და ჩვენ კი მივიმალენით, გავიფანტენით! სად არიან, სადა?! რითა ვართ იუდაზე მეტი, რითა!.. ჰაა, ჰაა!..

თითქოს სული ეხუთებო, ისე-ლა ხრიალებდა, და თან რაც ძალი და ღონე ჰქონდა, იქ მდგომ ხეს ებლაუჭებოდა და თავისკენ ჰპრიდა...

— ჰაახ!.. — უეცრად მიიღო ხემ ჰახანი და პეტრე მო-ციქული გულადმა გადაიქცა.

მისწყდა ხმაურობა, მამლებმა ყივილი შესწყვიტეს და თავი ისევ ძილს მისცეს. ხის ჰახანზე ახლომანლო დაბუდე-ბულნი ფრინველნი გამოეხმაურნენ ერთმანეთს და, რაკა განსაცდელი არა დაინახეს რა, ისევ ჩაიძვრინეს კისრები და ძილს მიეცნენ.

პეტრე კი ისევ გულადმა იწვა და შესცქეროდა ცის სივრ-ცეს, სადაც ურიცხვნი ვარსკვლავნი დასცქეროდნენ მიძინე-ბულ ქალაქს და ცელქად მიილტვოდნენ ღამის გუშაგისაყენ, რომელიც, თითქოს მოსწყენია მიძინებულ ქალაქისაყენ

ცქერაო, ლიბანის მთებს საძილედ ეფარებოდა და ქალაქში გაფანტულ მკრთალ სხივებს თავისკენ იწვევდა...

— ღმერთო! — უეცრად წამოჯდა პეტრე მოციქული და ხელების აპყრობით მისუსტებულის ხმით წამოიძახა: — ქვეყანა ისევ ისეა, არაფერი ცვლილება არ მოხდა!.. განა შესაძლებელია, ძე შენი ჯვარს აცვეს, მოჰკლეს და შენ კი არ გამოიხსენ, მზე, მთვარე, ვარსკვლავები და დედამიწა ერთმანეთში არ აურიე, არ ალუფხე?! მოკლეს ის, ის!.. ახ!.. — შუბლი შეიკუმხნა, ორივე ხელის გული საფეთქლებს მაგრად მიაჭირა და ისე გაშტერებით ძირს დაიწყო ცქერა.

ლიბანის მთების მწვერვალიდან ამ დროს მოსისინებდა და იღუმალად ეწვეთებოდა ყურს ნიავი. მოჰქონდა ბრბოს ყიჟინა; სიცილი: „ჯვარს აცვიოთ, თვალთმაქცია, თვალთმაქცი!.. ღმერთობას ჩემოზს, მოჰკალით!.. თუ ღმერთია, იხსნას თავი თვისი!..“

მთვარეც მიიმალა, შეისრუტა სხივები და ქალაქი წყვდიადმა მოიცვა.

— ტყუილია, ტყუილი!.. ის ღმერთი იყო, ღმერთი, ღმერთი ჰემმარტი!.. — უპასუხა ამ ბრბოს ყიჟინს და, თათქოს უნდა შეებრძოლოს ბრბოსა და გააჩუმოსო, ადგზნებულის თვალებით ფეხზე წამოიჭრა. — სტყუი!.. ეგ თვალთმაქცი არ არის!.. — მუშტებწინგაშვერილი ტანის რხევით ყვიროდა პეტრე მოციქული, მაგრამ ბრბოს ხმა, სიცილი არა სწყდებოდა...

ქრისტე?

ქრისტეც იქა სდგას, ტანჯული, ნაგვემი, ეკლის გვირგვინით, დაღვრემილ-დაქანცული, უიმედოდ გამომჰკვრეტი, თითქოს პეტრეს შველას ეხვეწებაო.

— რაბზუნი!..* — ცრემლთა ღვართქლის გადმოხეთქით წამოიძახა პეტრე მოციქულმა და ხელებგაწვდილმა მუხლი მოიდრიკა. — შენ თვალთმაქცი არა ხარ, არა!.. მე მთელი სამი წელიწადი შენს გვერდით ვიყავი, ყველა შენი საიდუმლო ვიცოდი და მე სიყალბე არ შემიმჩნევია რა!

* ებრაული სიტყვაა, მოძღვარს ნიშნავს.

— შუუუ... ხა, ხა, ხა, ხა!.. — მოქშუოდა ნიავი, ახმაურებდა ფოთლებს და ბრბოს სიცილს ასმენდა პეტრე მოციქულს.

— თვალთმაქცი იმის თვალთმაქცია, რომ ყველა მოატყუოს, ძალიან მახლობელიც... — მოესმოდა პეტრეს ეს სიტყვები და ლახვარივით გულს უსერავდა.

პეტრე მოციქული სტირის, ცრემლს აფრქვევს და კი არ იცის, რა მიზეზით. ეჭვი შეეპარა და ლამის არის ეს ეჭვი რწმენად გადაექცეს...

— ნუთუ ის გვატყუებდა, გვხიბლავდა თავის ქცევით და ყოველივე ტყუილი იყო? — ეკითხებოდა თავის თავს, მაგრამ პასუხს თითონვე ვერ იძლეოდა.

— ტყუილი იყო, მაშ არა?! თვალთმაქციობდა!.. — სიოს კი გადაჭრილი პასუხი მოჰქონდა.

„ღმერთო ჩემო, ღმერთო ჩემო, რასათვის დამიტევე მე?!“** — შემოესმა ქრისტეს უკანასკნელი სასოწარკვეთალებით სავსე სიტყვები.

— გეყურება, რაგვარ სასოწარკვეთილებით არის წარმოთქმული? განა ღმერთი მაგისტანა სასოწარკვეთილებას მიეცემა?! მერე ყოვლად შემძლებელი!.. — მოესმა პეტრე მოციქულს ხმა.

— არა, არა!.. ის ღმერთია, ღმერთი ჰეშმარიტი!.. — გულის კვნესით წარმოსთქვა პეტრე მოციქულმა და ფეხზე წამოდგა.

— შენ რაც გინდა სთქვი და ის კი თვალთმაქცი იყო, როცა ხელ-ფეხი მიულურსმეს, მაშინ-ღა მოაგონდა ღმერთი, მანამდის-კი ყოყოჩობდა და გაიძახოდა: „მე ძე ღვთისა ვარ“. თუ ღვთის ძე იყო, რად არის ახლა დაკრძალული საფლავში?! ღმერთს საფლავში რა უნდა, უგუნურო!? — ისევ ის ხმა არწმუნებდა პეტრე მოციქულს.

** მათეს სახარება თ. 27, მუხ. 46. ქრისტემ ქალდეურად წარმოსთქვა: „ილი, ილი, ლამა საბაქთანნი?!“ ამისთვის დასცინეს ებრაელთ: ილიას უძახის საშველადო.

— თვალთმაქცი ძმობას, სიყვარულს არ იქადაგებდა...

— თვალთმაქცი ყველაფერს ჩაიდენს და იტყვის, რომ თავისი თვალთმაქცობა გაიყვანოს! — გააწყვეტინა სიტყვა იღუმალმა ხმამ პეტრე მოციქულს.

— ტყუილია, ტყუილი! ის თუ ძე ღვთისა არ იყო, მაშინ ღმერთი არ არსებობს, არა და არა! გაჩუმდი, გაჩუმდი, შენ ეშმაკი ხარ, მაცდური!.. ის ღმერთი არ არის?! მე მრწამს, ის ღმერთია, და თუ ტყუილია, მაშინ... მაშინ... ახ რისთვისღა ვარ ცოცხალი?! რადღა მინდა სიცოცხლე?! ქვეყანაზე რაღა დამრჩება?!

სასოწარკვეთილებით წარმოსთქვა და თვალეებზე ხელები აიფარა.

უკვე ირაყრაყა. ფრინველთ მორთეს ჟივილხივილი და ერთმანეთს ულოცავდნენ განთიადს. ჯერ კი გაფრენა ვერ გაებედნათ, რადგანაც გარკვევით ვერა ხედავდნენ არემარეს...

— პეტრე, ქრისტე აღსდგა!.. — მოესმა ამ ღროს ნაცნობი ხმა.

— ჭეშმარიტად!.. მარიამ... შენ?.. — დაბნევით გაიძახოდა პეტრე მოციქული და მარიამ მაგდალინელს მხურვალედ ჰკოცნიდა.

იმის სიხარულს საზღვარი არა ჰქონდა, მარიამ მაგდალინელის სიტყვებმა უეცრად დაუბრუნეს ის, რაც ამ რამდენიმე წამის წინ ერყეოდა. ერყეოდა კი არა, კიდევაც შეერყა, და სიცოცხლეს ზიზლით შეხედა.

იმას დაუბრუნდა რწმენა და რწმენა ხომ პეტრე მოციქულისთვის სიცოცხლეს შეადგენდა. ჯვარს აცვით, გააპეთ შუაზე, ლუკმა-ლუკმა აკუწეთ, დაჩქლითეთ! ყოველსავე ამას ღიმილით მიეგებება ეხლა. იმას სწამს, რომ არაა მოტყუებულები, რომ ის ღმერთია, ღმერთი ჭეშმარიტი!..

ამისათვის იყო, რომ მარიამ მაგდალინელს არ მოერიდა და ისე მხურვალედ, თითქმის გაგიყებით, შეყვარებულებით, გულს ჩაიკრა და აღგზნებით კოცნა დაუწყო, რამაც მარიამ მაგდალინელი განცვიფრებაში მოიყვანა.

— პეტრე! — ძლივსღა მოახერხა მაგდალინელმა ხმის ამოღება და ხელიდან გაუსხლტა.

— ჰა!.. მარიამ?!.

— განა იცოდი ქრისტეს აღდგომა, რომ „ჭეშმარიტად“ მიპასუხე? — უკან ხევით დაეკითხა მარიამ მაგდალინელი, რომ პეტრე მოციქული გონს მოეყვანა.

— არა! მაგრამ ის ხომ ღმერთია, ღმერთი ჭეშმარიტი და უეჭველად ჰუნდა აღმდგარიყო! — უპასუხა პეტრე მოციქულმა და ქრისტეს საფლავისკენ გაეშურა, რომ დათრგუნვილო საფლავის გვერდით თაყვანი ეცა მაცხოვრისთვის.

„ღმერთო, დაილოცოს შენი სამართალი..“

დილა ადრინად ვენახში რამღაც გააფაჩუნა. მალხაზამ მაშინვე თავი წამოყო და თოფს ხელი წამოავლო. ის იყო მაშინ წასთელიმა და ახლაც არ დააძინეს. მთელ ღამეს სულ გარს უვლიდა და თვალი ერთ წამსაც არ მოუხუტავს. გარშემო მეზობლების ვენახები სულ დაკრეფილი იყო და ადამიანი თუ ნადირი სულ ამის ვენახს ეტანებოდა. იმისმა მეზობლებმა ენკენისთვის ოცამდისვე ჩაკრიფეს და იმას კი, აგერ ღვინობისთვის დაიწყეს, რომ ვენახი ჯერ ისევ ისე მოსაკრეფი აქვს და დღე-ღამეს ასწორებს; მართო ფარაჯის ამარა თოფ-მხარ-ილღივ გადაგდებული და კომბალ-დაბჭენილი ქარვასავით ყვითლად გამომღვინე მტევნებს შესცქერის და ზედ დაკანკალებს...

„ნეტა, რისთვის?! — ბევრჯერ დაკითხებია თავის თავს მალხაზა, მაგრამ პასუხის მიცემა კი გასძნელებია... — განა იმისათვის, რომ ბალომ გაიხაროს თავისი ცოლ-შვილით?! მე შევიმუშაო, ჩემი სისხლი შიგ ჩავღვარო ჩემ მამულში და... იმან წაიღოს... ჰმ... მე კი პერანგის ყიდვის ილაჯიც არა მქონდეს, რომ ძველი გამოვიცვალო!..“ — მწარის ღიმილით წამოიძახებდა ხოლმე მალხაზა, როცა კომბალდაბჭენილი ჩაუფიქრდებოდა თავის თავს და შემდეგ ჩამობლერძილ პერანგის გულის პირზე დაიხედებოდა...

მალხაზა აბობლდა კაკლის ხეზე, რომლის მაღალ ტოტებზე ჭიგოებისაგან ჰქონდა გაკეთებული, ფუჩიჩდაფენილი ტახტივით, და იქიდან თოფის დაბჭენით ირგვლივ თვალი გადაავლო ოთხის დღის ვენახს... მერე გაგრძელებით გაჰკვივლა და, რაკი პასუხად ფაჩუნი არსაიდან მოესმა, გვერდზე წამოწვა.

მზემაც ამოყო თავი ამ დროს მთის წვერიდან და ალაზნის ველს ერთბაშად გადაავლო თვალი, სადაც ყველა სულდგმული, რომელიც კი გარედ იყო, სიხარულით მიეგება და მოძრაობა იწყოს; ზოგმა გაინავარდა, ზოგი საზრდოს საშოვნელად გზას გაუდგა და ზოგი კიდევ მიწაში ჩაძვრა... ღამის მეხრეებმაც ზღაპრით შემოიგროვეს საქონელი და გუთნებისკენ გასწიეს. გუთნისდედები ჩეკით სწმენდავდნენ გუთნის ხმალას და სახნის-საკვეთს იმაგრებდნენ.

მალხაზა კი მზის სხივოს მოხვედრაზე გაიზმორა და თავისი გაზები წინ გადმოაწყო, რომ სითბოთი ესარგებლნა და ნამისაგან ჩაჭანჭახებული ლურჯი მიტკლის შარვლის ტოტები გაეშრო.

„დღეს კი მეღირსა რთველი!.. — კარგა ხნის შემდეგ წამოიძახა მალხაზამ და გზისკენ გაიხედა. — მგონი ისინი არიან,“ — წამოჯდომით წაიბუტბუტა, როცა ხევეალმა მომავალ გოდრებით დატვირთულ ურმებს თვალი შეასწრო.

ურმები თანდათან უახლოვდებოდნენ და მალხაზას კი სახე თანდათან ეღრუბლებოდა. ის ხედავდა, რომ ბალოს ცოლშვილი ურმებს უკან მოსდევს და მუშად წამოყვანილ დედაკაცებთან ერთად მხიარულად მუსაიფობენ... აგერ, იმათი სიცილიც ესმის...

„ნეტავი ის ოჯახქორი ჩემი დედაკაციც ჩამოვიდეს და იბალები წამოასხას, რომ დღეს რთველში მაინც გაიხარონ და ისიამოვნონ რამე!..“ — ნაღვლიანად წაილულულა და ძირს ჩამოვიდა.

ურმები კიდევაც შემოვიდნენ ვენახში და ვენახი აახმაურეს.

— მაკუშჯან, აპა, ჭამე! დილით ყურძნის ჭამა კარგია!.. — ყურძნის ჭამით გაუწოდა მტევანი თავის გასათხოვარ ქალს ბალოს ცოლმა და ურმის თავზე ჩამოჯდა.

— მე თვითონ მოვსწყვეტამ! — უპასუხა მაკუშამ და ვახეზში შევიდა.

— ჰო, შვილო, მოწყვიტე! — უკან მიიძახა დედამ და ახლა თავის სერთუკოსან შვილს მიუბრუნდა, რომელიც ყურძ-

ნის ჰამით ხან დაიკუზებოდა და ისე გახედავდა გლეხის დედაკაცებს და ხან აიწეოდა:

— შენა, შვილო, რატომ უკან არ მიყვები და თვალყური არ გიჭირავს, რომ ყურძენი არა ჰამონ დედაკაცებმა? ხომ მამა-შენმა დაგავალა.

— ჯერ აქედან ვადევნებ, დედი, თვალს, და როცა შორს წავლენ, მაშინ უკან გაყვები.

— ჰო, ეგრე, შვილო! — მოუწონა დედამ, კლერტი შორს სტყორცნა, მეორე მტევანს წამოავლო ხელი და ახლა იმას დაუწყო ჰამა.

ბალოს პატარა ყმაწვილები კი ვაზებში დარბოდნენ და თავს იყვანდნენ თუ ბალოს, ამისი დედას არა ედარდებოდა რა.

— დედი, დედი!.. — კივილით გამოვარდა სიმსუქნისაგან სახეჩარგვალეზული შვიდი-რვა წლის ყმაწვილი, რომელსაც თავის სიგრძე აკიდო ეჭირა ხელში.

— უი, შენ კი გენაცვალოს დედა, შვილო მეღქო, სად იპოვე? — ალერსიანად მიიკრა გულში და გატკბილებული ტუჩებით, გატკბილებული ტუჩები ჩაუტყლოშნა...

— იქა, იქა!.. — სიხარულით ებნებოდა მეღქო და თითს ვაზებისაკენ იშვერდა.

— წადი, კიდევ მონახე და შავინახოთ!..

მაღხაზა ხედავდა ამას, ყველაფერი ესმოდა და, რომ გული გაექარვებინა, საქონელს ხან იქიდან წაუვლიდა და ხან აქედან...

— ჰკრეფენ?.. — რიხიანის ხმით დაეკითხა ბალო, რომელმაც თავისი ლურჯა შემოათქრიალა ვენახში და კინაღამ მაღხაზა არ გაატანინა...

— ჰკრეფენ. — ქუდის მოხდით უპასუხა მაღხაზამ და ცხენს სადავე დაუჭირა, რომ ბალო ჩამომხტარიყო.

ბალო გახლავთ კახეთში სოფლად მოვაჭრე, შუა სოფელში აქვს დიდი დუქანი და, რას მოანდომებ გლეხის სულს და გულს, რომ იმას არა ჰქონდეს გამოკიდული, და იმისმა დახელოვნებულმა დახლიდრებმა, რაც არ გინდოდეს, ისიც არ მოგანდომონ!

„...რალას გავჩუმდი და ენა მუცელში ჩამივარდა, როდესაც ის საზიზღარი ისეთის ბილწი ღიმილით იმის სურათს გვაჩვენებდა და თავის გამარჯვებას შემოგვკვებოდა?! რატომ მაშინვე ყელში არა ვწვდი, ის ბილწი გული არ ამოვგლიჯე და იატაკზე არ დავანარცხე?!“

„ახ, რა ნეტარებას ვიგრძნობდი, როდესაც იმისი გვაში ჩემ ფეხთქონ კრუნჩხვა-გრეხას დაიწყებდა და თბილი სისხლი კი ჩქეფით იქაურობას მორწყავდა და იმისი შხეფები ჩვენ შეგვწინწყლავდა!..“

„...ნეტარებავ, ნეტარებავ!.. თითქოს გრძნობდა იმის სიტყვებს, რომ სურათში შენი თვალები იქ მდგომთ ნაღვლიანად, ლობიერად შემოგვცქეროდა და შველას გეთხოვდა...“

„მე კი, შენი მალმერთებელი, სხვებთან ერთად, ხა! ხა! ხა! უშნოდ ვიღრიჯებოდი და ვცდილობდი, რომ ჩემი მღელვარება არ გამოძედავებულყო...“

„ის კი, საზიზღარი, ხან ერთს გადმოგვცემდა შენს სურათს და ხან მეორეს... ვხედავდი, ყველა სტკბებოდა შენის სიმშვენიერით და...“

„როცა შენი სურათი ხელთ ვიგდე, მინდოდა დამეხია, კბილით დამეფლითა, რომ იმ ბილწს, ბინძურს უბეში არ ჩაედო და შენის სახელისათვის ჩირქი არ მოეცხო...“

„მარამ კიდეც იმის შიშმა, კიდეც იმ მოკრძალებამ შემაყენა...“

„მაპატივე, ჩემო ღვთაებავ, უკანვე გარდავეცი და ისევ ღრეჯა, უშნოდ კრეჭა დაიწყო...“

„...გან, ჩემო წმიდათა-წმიდავ, სტყუოდა, სრულს სიც-
რუვეს ამბობდა... იმის სიტყვებს ნიადაგი არა ჰქონდა?! შენ
გულთმისანი ხარ, შეიტყობდი, რა განზრახვითაც გველება
ის თავს. იმის სიტყვიერე შენთვის ცხადი იქნებოდა და სუ-
რათს კი არ მისცემდი, ახლოსაც არ მიიკარებდი...“

„ხა, ხა, ხა!.. როგორ უსინდისოდ სტყუოდა!.. საზიზღარს,
შენი სურათი სადმე მოუპარავს და დასამტკიცებელ საბუ-
თად დააქვს... უთუოდ შენ განდევნე და ეხლა ის სამაგიეროს
გიხდის... ცილს გწამებს...“

„მაგრამ... ახ... ზედ წარწერა?!“

„შენის ხელით იყო ზედ წარწერილი, შენის... მაშ... მაშ
სუყველაფერი მართალი იყო?! ვერ მიხვდი იმის ცბიერებას
და...“

„რად მიენდე იმ...“

მაგრამ რას ვბოდავ?.. გულო ჩემო, რისთვის უფოთავ?
რა იცი, რომ ყოველივე ეს იმან არ იცის და კიდევ არ ესია-
მოვნა... განა შენ რომ წმინდად, უბიწოდ, ციურ არსებად
გეჩვენება, ეს მართალია?.. იმისი თვალეები რომ უბიწოდ გა-
მოიმზირებთან, განა ცბიერებით არ მოსდის?.. ხომ შეუძლე-
ბელია შენთვის ეს შეიტყო და მაშ რად ბრმავდები? იქნება
იმისი სიმშვენიერე, თვალთმაქცი სიმშვენიერე წუმპის ფსკაა,
და შენ კი ბუდიდან გადმოვარდნას ლამობ, როდესაც ის
წარმოგიდგება თვალწინ...“

„არა, იყუჩე, გულო, იყუჩე... დასცხრი, ი...ყუ...ჩე!..“

„გმადლობ, უფალო, გმადლობი..“

(იტიული)

„— გმადლობ, უფალო, გმადლობ... სიხარულისაგან ლაშის გადავირიო... მადლობის გადახდა ვერც კი მომიხერხებია.“

„ღმერთო, ღმერთო, რითი დავიმსახურე შენი ყურადღება, რომ... რომ ღირსი გამხადე, რჩეულად მყავი და... ახ, გმადლობ, უფალო, გმადლობ... ადამიანის სული, გული, აზრი... ღმერთო, გულთამხილავი ვარ... ადამიანის გული ჩემთვის დაფარული ადარ არის... სულ უღრმესი, მისთვისაც-კი დაფარული და უჩინარი, თვალწინ გადამეშალა, გონების თვალი ელვასავით სწრაფ გაიკლანება ადამიანის გულის უფსკრულ ადგილებში და ყოველსავე საიდუმლოებას, საიდუმლოთა საიდუმლოებას... გმადლობ, უფალო, გმადლობ...“

„აგერ ის მხევალი... ბედშავი, რა დაღონებული შემოვიდა შენს წმინდა ტაძარს... ფეხები უკან რჩებოდა. ვერა ბედავდა შემოსვლასა. თვისი საქციელი ჰქეჯნის, ბავშვს დასრულება არ დააცალა, ძალად დაჰბადა და, უჰ, წყალში გადააგდო... საზიზღარმა მოატყუა, შეაცდინა და... აგერ, როგორ მდუღარეს აფრქვევს: „შემინდე მე, უფალო...“ გეხვეწება უსიტყვოდ.“

„აპატიე, უფალო, აპატიე... გამოუცდელი იყო. საზიზღრის ცრუ სიტყვები სიმართლედ მიიღო და...“

იმ საზიზღრისათვის ლოცულობ?! გინდა ამასაც აპატიოს უფალმა? ახ, რა კეთილი არსება ყოფილხარ...“

„ღმერთო...“

რაა?.. პატივებს კი არა, სამაგიეროს გადახდას ეხვეწე-

ბი?.. სთხოვ უფალსა, დასტანჯოს, არ მოასვენოს?.. შეგაძლებინოს, შენის ხელითვე ჯავრი ამოიყარო?..

„ახ, მეგონა იმასაც ავედრებდი უფალს. ეხლავე სიძულვილი, სამაგიეროს გადახდა... როდის-ღა იქნება შენი გული თავისუფალი მაგ სენისაგან, თუ კი ეხლავე ნიადაგს აძლევ...“

„მაგრამ გეპატივება, ადამიანი ხარ, მოგატყუეს და შენც...“

„ზარსა რეკენ!.. დღეს ბედნიერი დღეა. მრავალი მოაწყდება, ეკლესია ვერც კი დაიტევს. აგერ იქ, გალავნის კუთხეში, დავდგები. იქიდან არავინ გამომეპარება. მე კი ვერავინ დამინახავს. ყველას გული, ოხ, ღმერთო, წინ გადამეშლება!.. გმადლობ, უფალო, გმადლობ!.. მე... სსს!.. მოდიან კიდევ!.. აგერ დედაბერი ყავარჯენის ბჯენით მიუახლოვდა ეკლესიის კარებს, პირჯვარი გადიწერა... ოი, ოი, მოხუცო მანდილოსანო!.. თითქოს ღვთისმოსავი ადამიანის სახელი გვაქვს მოხვეჭილი! პატროსანისა და მართალი ადამიანის ჯილა დიდი ხანია საზოგადოებამ თავს დაგადგა... მაშ გიცრუვია, საზოგადოებისათვის თვალეზი აგიხვევია... ღმერთო, რა გაიძვერად უმოქმედნია!.. აი, ეხლაც წმიდა ადგილას, შენ წინაშე სტრუობს!.. არ გინდა, მოხუცო, სიბერის დროს მაინც გულწრფელი იყო და ქვეყანას არ ატყუებდე?! პირჯვარს იწერ, სიტყვებს გაიძახი და გული კი, ოი, საით გაგირბის?!.. შედექ, შედექ!.. ღირსი არა ხარ მანდ... არ გამიგონე და შეხვედი?!.. შენი სისაძაგლე არ დამავიწყდება, შენ...“

„ოხ, რა დაღონებული, რა სათნოებით სავსე მოდის!.. მშვენიერო არსებავ!.. თითოთ საჩვენებელი ხარ, შენი სიკეთე, ზნეობის სიმტკიცე, სიფაქიზე სამაგალითო გამხდარა. მშვენებავ, რამდენი, შენს მეუღლეზე უკეთესი შენის სიმშვენიერით გადარეული უნუგეშოდ გაგისტუმრებია! რამდენი თაყვანისმცემელი ოხრავს და ვერ გაუბედნია თავისი გრძნობა გამოამყლავნოს?! ახ, რა ბედნიერია შენი მეუღლე!..“

„რანაირად გეძნელებოდა გუშინ მეუღლის გასტუმრება?! გამხნევებდა, „ერთ თვეზე დაებრუნდები“-ო, მაგრამ მაინც გეძნელებოდა განშორება, გული თან გააყოლე. ერთი თვე

საუკუნედ მიგაჩნდა. ნეტარი! რა დამშვიდებული წავიდა. ან კი რად უნდა ედარდნა, როდესაც შენი სიფაქიზე სწამს?!- იცის, შენ სახელს, ოჯახს არ შეუბღალავ.

„აი, ეხლაც მოსულხარ, რომ შეავედრო უფალს იგი. „ნუ სწუხარ, ნუ!.. ის... მაგრამ რას ვხედავ?! ვინ ის?! განა ეხლამეუღლეზე არ ჰფიქრობს?!. განშორება კიდევაც გიხაროდა?!.

„ოი, წყეულო თვალმაქცო!.. შედექ, შედექ! სხვისთვისაც გიცემს გული?!. მოტყუებულო მეუღლე!.. აი, შენი გულწრფელი გრძნობა!..

„არ შეხვიდე, შე მატყუარავ, არა!.. შენი ადგილი...

„ოხ, თქვენ ხომ შეყვარებულები ხართ?!. ბედნიერებო, ერთმანეთისათვის გიცემთ გული, სული და გული გაგიერთებიათ.

„კარგია, თქვენ შემოხვედით იმ წყეულის შემდეგ. დამამშვიდეთ. თუ ეს აქ ატყუებს, არც ის დააკლებს იქ. ორსავე ერთმანეთისა სწამთ, ორნივე კი ერთმანეთს ატყუებენ. ღირსნი არიან ორნივე ერთმანეთისა, თქვენ კი...

— სულ სხვაა თქვენი კავშირი, ძლივს გაბედეთ ერთმანეთისთვის გაგემყდვენებინათ თქვენი გულისცემა. სულ ერთი კვირაა მას აქეთ. გინდათ სამუდამოდ ერთად იყვნეთ?! კიდევ მაგაზე გაქვთ ლაპარაკი. ოხ, რა გრძნობით გამსჭვალულა თქვენი თვალები! თვალებით გინდათ ერთმანეთი ჩანთქათ, რომ ერთ არსებად გარდიქმნეთ... ბედნიერებო, შედით, შედით. უფალი აკურთხებს თქვენს გრძნობას, გულწრფელ გრძნობას... სულ ცოტა ხნის შემდეგ მანდვე ერიც იქნება მოწმე თქვენის შეუღლებისა. შედით, შედით!.. თქვენისთანებისათვის არის ეგ წმინდა ტაძარი და არა იმ...

„მო...ი...ცადეთ, მოიცადეთ!.. თქვე... ნუთუ თქვენც სათავეში დაიწყეთ ცრუობა?!. რად, რად ატყუებთ ერთმანეთს?!. ვინ გატანთ ძალას?!. რატომ გულახდით არ უამბობთ ერთმანეთს გუშინდელს ამბავს?!. ხომ არც ერთს ერთმანეთი არ გახსოვდათ გუშინ, როდესაც სხვადასხვებთან იყავით?! შედექით, არ შეხვიდეთ, ვიდრე ერთმანეთს გულახდით არ უამბობთ გუშინდელს ამბავს... ეხლავე ნუ დასდგომიხართ სიც-

რუვესა, ნუ, ნუ!.. ახ, არ გინდათ, მოისმინოთ?!. მაინც სცრუ-
ობთ და... ახ, ერთმანეთისა რაღად გჯერათ... ნუთუ ვერა ხე-
დავთ ერთმანეთის სიტყვების უშინაარსობას?!. შედექით!..
შე...დე...ქით!“

„კეთილო მწყემსო!.. შედი და შენის მჭერმეტყველებით,
შენის გულწრფელის სიტყვით გამოსდევნე ყველა. მანდ
ყოფნის არც ერთი ღირსი არ არის. არც ერთი არ მოსულა
სალოცავად. ყველა გამოსდევნე, შედი, შედი, ნუ ყოყმანობ!
ხომ კეთილი ხარ? ხომ შენი სიკეთე, გულწრფელი მოქმედე-
ბა ქვეყანამ იცის?! ხომ გწამს კიდევ, გულწრფელად ემსა-
ხურები შენს ერს? როგორ გეხვევა ხალხი?!. ყველა მოწი-
წებით შემოგცქერის... მაშ...“

„მოიცა, მოიცა!.. შენ... ღმერთო!.. ნუ თუ ესეც... შევიდა
კიდევ. თან ბრბო შეჰყვია... მისდევს... ქალი, კაცი, დიდი, პა-
ტარა, ერთმანეთს მოება. აგერ, აგერ მოეშურება ყველა
მანდ!.. თან მოაქვს გულწრფელობის გარდა, ყველაფერი. რა
გვარი სისაძაგლე არ არსებულა ადამიანის გულში!.. ღმერ-
თო, შენ ხომ ხედავ. ყველაფერს, შენ ხომ ხედავ ყველაფერს,
შენ ხომ...“

„ოხ, პატიოსანო არსებავ, მოხვედი? გულწრფელო, მა-
მულიშვილო... უკანასკნელად შენ მოხვედი.“

ნუ შეხვალ მანდ. ყოველმა სისაძაგლემ მანდ მოიყარა
თავი. უმწიკვლო ხარ. მაგათთან ერთად არ უნდა იდგე, არა.
შენი მოღვაწეობა, შენი გულწრფელი, თავდადებული მოქმე-
დება გამოისყიდის მთელი ერის უნდობლობას, იყავ კელაპ-
ტრად. კეთილო მამულისშვილო, შორს დადექ. ნუ შეუერთ-
დები მაგ სისაძაგლის მორევს, ნუ. შედექ, შედექ!..

„უანგარო მოღვაწევ, შედექ! მინდა გიმზირო, მინდა შე-
ნის მხერით დავტკბე და თავი ვინუგეშო. იქნება აგერ იქ
მოთავსებული სისაძაგლე დამავიწყდეს და დავმშვიდდე...
შე... შედი, შედი... არა, შესდექ, შე საზიზღარო, თვალთმაქ-
ცო, ბილწო! ყველაზე საზიზღარი შენ ყოფილხარ, ყველაზე...“

„ახ, ღმერთო, სადღა, სად მოვძებნო წმინდა გრძნობა,

წრფელი და უანგარო, როდესაც უწმინდესის საგნის სახელითაც ასე სარგებლობენ, როგორც ეს უმსგავსი?!

„ახ, რა ღიღის ამბით, რა გრძნობით ახსენებ ხოლმე წმინდა სამშობლოს... ღმერთო, ნუთუ შესაძლებელი ყოფილა მაგრე ხელოვნურად თვალები აუხვიოს საზოგადოებას და დაჰფაროს ადამიანმა ნამდვილი მოძრაობა გულისა?!

„რალას ყოყმანობ და არ შეხვალ, შე საზიზღარო?! შედი, შედი და ყველაზე წინ წარსდექი! შეუერთდი იმათ და ატყუე, ატყუე, ვიდრე... ღმერთო, რად აბოგინებ ამათანას?! რატომ...

„ოხ, თქვენ მაინც იყავით მაგრე. მუდმივ ეგ წრფელი გრძნობა გაკავშირებდეთ... აი, ვერა მხედავთ, რა სიხარულით ვეგებები. თქვენს წმინდა, წრფელ გრძნობას იმ საზიზღარის შემდეგ? ერთმანეთისათვის თქვენ თავს გასწირავთ: გიყვართ ერთმანეთი მეგობრულად. მეგობრები ხართ!.. შემომხედეთ, მეც თქვენთან ერთად ვხარობ. ღმერთო, გმადლობ!.. აი, ესენი... შედექით კია!.. ნუ მიხვალთ იქ. შე...

„შედი, შედი... თქვენც, თქვენც, ორგულებო, ერთმანეთს ატყუებთ... მოიგონეთ გუწმინდელი ამბავი, როგორ კილავდით ერთმანეთს, რომ თქვენი პიროვნება ამით აგემადლებინათ?.. ახ, საზიზღრებო, აღარც კი გრცხვენიათ, ერთმანეთს ეგრე ღიმილით ეგებებით და შეყვარებულებით მაღაპარაკობთ... ფუი, ფუი, თქვე... შედი, შედი...

„ღმერთო!.. ვინდა დარჩენილა?! უფალო, შეარყიე ტაძარი, შემუსრე მისი მკვიდრი კედლები, როგორც შიგ მყოფთ შემუსრავს ყოველი ადამიანური გრძნობა და...

• „უფალო, უფალო... ნუთუ აღარავინ დარჩა?!. ერთი, ერთი ადამიანი მაინც ვნახო, რომელიც გულწრფელად მოქმედებდეს... ღმერთო...

„რა გინდა აქ?! წადი, წადი!.. დედი, დედი ერთ ნაბიჯსაც ნულარ წარმოსდგამ!.. წადი დაიმალე!.. ახ, არ გეყურება, წადი!.. ღმერთო, ღმერთო, ნინოც თან მოჰყავს, ჰა, ჰა, ჰა!..

„დედი, შეიბრალე წამებული შენი შვილი!.. დაიმალე. ნუ მოხვალ!.. წაიყვანე ეგეც, ნინოც! ნურც მაგას შემოიყვან,

წადი, წადი!.. ნინო, ნინო, ნინო, დედი, წადით, წადით!.. და მუხლმოდრეკით, გევედრებით! ვერა ხედავთ, რა მდულარებას ვაფრქვევ! წადით, წადით!..

„ახ, არ გეყურებათ?!. მოდიხართ!.. ღმერთო!.. დაბრმავდი, გონების თვალო, დაჩლუნგდი, გონებავ!..

„გული მაინც დამალეთ!.. არ მინდა თქვენ გულს შევხედო... თქვენი საიდუმლო გავიგო...

„მინდა, ეგ ორი გული მაინც არ ვიცოდე!.. ეგ ორი გული მაინც მაკავშირებდეს ადამიანთან... მინდა ადამიანის გულწრფელობა მწამდეს!.. მაგრამ...

„აახ, ხა, ხა, ხა!.. თქვენი გულიც მეშლება თვალწინ!..

„არ მინდა, არა, არა და არა!.. დაჩლუნგდი, გეუბნები, გონებავ!.. თვალო, დაბრმავდი!.. ადამიანის გულწრფელობა მინდა მწამდეს, მინდა!.. მინდა!.. არ ჩლუნგდები! ეპოტინები მაგ ორ გულსაც? ძალად დაგაჩლუნგებ, დაგაბრმავებ! ნებას არ მოგცემ, შეეხო მაგ ორ გულს, ჩემ წმინდათაწმინდას...

„აი, ეს დამბაჩა მოგიღებს ბოლოს!..

„ჰაა!.. დედი... ნინო... მშვიდობით!..

— შეილო, რა დაგემართა!..

— ჰა?!.

— საშინლად ბორგავდი, სტიროდი.

— დედი, შენ?!. ნინო?!.

— ჰო მე, ვილა ნინო?

— გენაცვა, დედი, დედი!.. სიზმარი ყოფილა!..

— ჰო, ძილში სტიროდი...

— გმადლობ, უფალო, გმადლობ... — სიხარულის ცრემლის ფრქვევით წამოიჩიოქა ლოგინში და მხურვალედ უფალს მადლობა შესწირა, რომ სიზმარში ყოფილა გულთამხილავი და არა ცხადად.

— ეს პირველი! — წამოიძახა ქალწულმა და გვერდზე კისრის მიგრებით სარკეში ჩაიხედა... ოდნავ შეპარებული საწითლე იმის ნაზს, სპეტაკ სახის ფერს ამშვენებდა და ცისფერი თვალები და ოქროსფერი თმა ხომ უთკეცებდნენ სიმშვენეირეს. ნეტოს თითონვე მოეწონა თავისი მინაზებული სახე და სარკისკენ მთლად მიტრიალდა. სარკემ უტყუერად გამოაჩინა იმისი მოხდენილი ტანი და...

— მოდის!.. ღიმილით წამოიძახა, კიბიდან ფეხის ხმა რომ შემოესმა, და მოწყვეტით სავარძელში ჩაესვენა.

— ლეგაა!.. — შემოვიდა დედაკაცი და მოახსენა ნეტოს.

— სთხოვე!.. — უპასუხა ნეტომ და წამოდგა.

ლეგამ კარიბჭეში გვაბანაკი გაიძრო, თმა გაისწორა და... — მოგილოცავთ ახალ წელს!.. — უთხრა, შემოვიდა თუ არა დარბაზში და ნეტოს მხურვალედ ჩამოართვა ხელი.

— პირველად თქვენსკენ წამოვედი...

— გმადლობთ! თითქმის მეკვლეც თქვენა ხართ! — უპასუხა ნეტომ და სთხოვა, დამჯდარიყო.

— ახ, რა ბედნიერი ვარ, რომ თქვენი მეკვლე მე ვარ!... — შეუხამებელი სიხარულით წამოიძახა ლეგამ და ნეტოს გვერდით მიუჯდა...

— განა ჩვენი მეკვლეობა მაგრე საინტერესოა, რომ ბედნიერებად სთვლით?! — ღიმილით დაეკითხა ნეტო და ცოტათი ლეგასკენ გადმოიხარა.

— ნეტო! — ხმის კანკალით წამოიძახა და ხელი დაუჭირა: — ეს დღე ჩემთვის სანეტარო იყო და მოუთმენლად მოველოდი, რომ... რომ... ახ!.. ნეტო მიყვარხართ!..

— ხა, ხა, ხა!.. — გაღიხარხარა ნეტომ და ხელი გამო-
ჰგლიჯა...

მდულარე გადაესხა ლეგას, ნეტოს დაცინვითი ხარხარი
რომ შემოესმა და წამს მოსაზრება დაეკარგა...

ვერც ხელი, ვერც თავი ვერ გაენძრია და გაშტერებით ნე-
ტოს მისჩერებოდა.

რად?.. არ იცოდა.

ხარხარი კიდეც შემოესმა, თუმცა კი ნეტოს მეორედ არ
გადაუხარხარია, და მაშინლა გამოფხიზლდა.

უეცრად მოუდუნდა ტანი, ძლივს წამოდგა და თვალცრე-
მლიანმა წაილულლულა:

— მშვიდობით ბრძანდებოდეთ!...

— როგორ, მიღიხარტ?.. — წამოდგა ნეტოც და თვალთ
ჩააცქერდა.

— საცაა, დედაჩემიც გამოვა, ძალიან ეწყინება, იმის უნა-
ხავად რომ მიღიხარტ!...

— ბოდიშს ვიხდი..: არ შემძლია!..

* *

ლეგა გაეთრია. დიად, გაეთრია, რადგან თავის თავს ძალად
მიათრევდა. ფეხები აღარ ემორჩილებოდნენ.

რა სიხარულით, რა სიამით მოეშურებოდა ნეტოსკენ?!.
რა ღიმი უკრთოდა ტუჩებზე, როდესაც აქეთ მოესწრაფებო-
და, და რას არ ოცნებობდა!... მაგრამ რა სასტიკად დასაჯეს,
დასცინეს და წმიდათა-წმიდა შეულახეს!...

მე ვინ?..

ნეტომ... ნეტომ... იმ ნეტომ, რომელიც ანგელოზად მიაჩნ-
და და რომლისაგანაც სრულებით არ მოელოდა ამგვარ შეუ-
რაცყოფას...

ნეტო ხორცშესხმულ ციურ არსებად მიაჩნდა ლეგას და
როგორ წარმოიდგენდა, რომ ის... ის... ისე ხარხარით მიიღე-
ბდა იმის წმინდა გრძნობას და...

— ახ!... შესდექ!.. — მეეტლეს ყავარჯენი ზურგში წაჰკრა
და შეჰყვირა:

— გადახადე!...

— როგორ, ბატონო, სთოვს!..

— გეუბნები, გადახადე! — მოკლედ უპასუხა და გვაბანაკი გადიდელა...

ცხელოდა. საკირეში ეგონა თავისი თავი. იმის შუბლს, სახეს უხვად ეფერფლებოდა თოვლი, მაგრამ ამით არაფერს გრძნობდა და ქუდმოხდილი გადახდილი ეტლით მისრიალებდა უმთავრეს ქუჩაზე. რამდენმა შეხედა და გაიფიქრა: „მთვრალია“. სხვა ღროს თითონვე ითაკილებდა ამას, მაგრამ ახლა... ახლა, როდესაც ნეტოს დაცინვით ხარხარის მეტი არა ეყურებოდა რა, ველარაფერს ამჩნევდა...

— გეყურება, არავინ მიიღო, ვინც უნდა იყვეს... შინ არ არის-თქო, ასე უთხარ! — სასტიკი ბრძანება მისცა მოსამსახურეს და ლოგინზე გულდაღმა მიეგდო...

* *

— ვინ იყო, შვილო?.. — დავეითხა დედა, როდესაც ლეგა წავიდა. და დარბაზში გამოვიდა.

— ლეგა.

— როგორ?! მერე ჩემ უნახავად წავიდა?.. რატომ სანამდის მე არ გამოვიდოდი, ტკბილეულობაზე არ მოიწვიე?!..

— მიეჩქარებოდა... — უპასუხა ნეტომ დედას, მაგრამ ტანში გააყრუოლა.

იგრძნო, რომ იმტყუვნა. რომ იმისმა ხარხარმა აიძულა ლეგა ჩქარა წასულიყო და ასე რომ არ მოჰქცეოდა, იქნება ის მთელი დღე ამათთან დარჩენილიყო. თვალცრემლიანი ლეგა უეცრად წინ წარმოუდგა და...

— გენაცვა. დედი: ცუდადა ვარ, მე ველარავის ვეჩვენები...

გული ამოუჯდა და ქვითინი მორთო.

— რა დაგემართა, რა იყო?!.

— არ ვიცი... მაპატივე!.. — წამოიძახა და თავის ოთახში შეეპარდა...

— რა უზრდელი, საზიზღარი რამა ვარ!.. ასე როგორ მოვიქეცი და...

ახლად იგრძნო თავის ხარხარის მნიშვნელობა.

ლეგას ცრემლმორეული თვალები კი ჩაქინებული შეჰყურებდნენ და; თითქოს მომაკვდავი, უკანასკნელად საყვედურს ეუბნებოდნენ...

— ღმერთო, ღმერთო, ხომ მოვკალი!... — წამოიძახა თვალებზე ხელის მიფარებით, რომ ლეგას თვალები მოეშორებინა და ლოგინზე პიჩქვე მიწვა.

ლეგა კუბოშია. შავით შემოსილი მღვდელი წინ მიუძღვის და საუკუნო სამყოფელისკენ მიაქვთ. მგალობელთა გუნდი კი სამგლოვიარო „წმიდაო ღმერთოს“ გალობს...

დედა?!.

ლეგას დედაც უკან მისდევს და იმას... ნეტოს... საყვედურით უმზერს...

— ახ!.. — მწარეთ ამოიკენესა ნეტომ და თავი ბალიშში უფრო ღრმად ჩაფლა, რომ ეს სამწუხარო სურათი თავიდან მოეშორებინა...

* *

„საზიზღარი!.. — შებღავლა ლეგამ და ლოგინიდან წამოვარდა: — არ მეგონა, რომ ის... ის ასე უზრდელად მომექცეოდა და პირში დაცინვით მომახარხარებდა... ოხ, რა თვალების ამხვევი ყოფილა გარეგნობა!..

„წავიდა... გაჩქრა ჩემი ოცნება... რა ნაზად, სათუთად გკვებავდი და ის კი რა სასტიკად მომექცა?!.

„ახ!.. რომ ქალწული არ ყოფილიყო, რომ სხვას მოეყენებინა მაგეთი შეურაცხყოფა, დავგლეჯდი, დავფლეთდი და მიწასთან გავასწორებდი...

„როგორ, როგორ?!. თუ უარის თქმა უნდოდა, განა ზრდილობიანად ვერ მეტყოდა? განა არ შეეძლო, სხვანაირად უარი ეთქვა და მაგრე მასხარად არ აეგდო ჩემი გრძნობა?!.

„საზიზღარი!..“

— ბატონო, ვილაც ქალწულს უნდა თქვენი ნახვა. — მოა-
ხსენა მოსამსახურემ და წინ გამოეჭიმა.

— მე აკი გიფხარ, ნურავის მიიღებ-მეთქი! — წყრომით
შეუტია ლეგამ და ისევ ლოგინზე მიწვა...

— მისთანა მშვენიერია, რომ უარი ვეღარ ვუთხარი, რო-
დესაც მკითხა: „ბატონი შინ არისო...“

— გასწი, გაეთრიე!.. უთხარ, სძინავს-თქო...

— ლეგა, მე ვარ!... — უეცრად კარი შემოიღო და იქიდან
მოესმა ხმა.

— შენ?! — სიჩქარით წამოიჭრა და ნეტოს პირდაპირ და-
უდგა. — ხა, ხა, ხა, ხა!.. შეგეცოდეთ და იმისთვის მოხვე-
დით?.. — მწარედ დაეკითხა და თვალი თვალს გაუყარა.

— ლეგა... მომიტევე! — წამოიძახა ნეტომ და ლეგასკენ
აჩქარებით წამოვიდა.

— შორს!.. მძულხართ!..

წერილის ნაბლეჯი

(ეტიუდი)

„...ვუკვირდები, ჩემო კარგო, ჩემ გრძნობას და თმა ყალბზე მიდგება. ნუთუ ყოველივე, რაც გითხარი ჩემ გრძნობაზე, ტყუილი უნდა გამოდგეს?!. რა მემართება? არ ვიცი. წინადაც ესევე მემართებოდა, მაგრამ არა მჯერა, თუ ეს მემართებოდა. ჩემ გრძნობას არ ვენდობოდი... აგერ ერთი წელიწადია, რაც სიყვარული გამოგიცხადე და ქმრობის პირობა მოგეცი. მგონი ერთი წლის დაკვირვება საკმარისია, რომ ასე თუ ისე შენი გრძნობა ასწონდასწონო და რაიმე დასკვნა გამოიყვანო. რასაც იმ წამს ვგრძნობდი, როდესაც პირველად გითხარი: „მიყვარხარ“, ახლაც იმასვე ვგრძნობ. მართლდაც მიყვარხარ, მიყვარხარ, თავდავიწყებამდის მიყვარხარ...“

„მინდა ახლა გულში ჩაგიკრა, სულში ჩაგიძვრინო, რომ განუშორებელნი ვიყვნეთ და საფლავშიაც ასე, ერთ არსებად გარდაქმნილნი, ჩავიდეთ... ახ, რა ნეტარება იქნებოდა, რომ ამ გრძნობით ჩავესვენო საუკუნო სამყოფელს!..“

„ხომ შორსა ხარ, ხომ მარტო წერილით გესაუბრები ამ წამს, მაგრამ შენ ცხადლივ თვალწინ მიდგეხარ და გეამბორები, გეხვევი და უკიდურეს ნეტარებას ვგრძნობ, იმაზე მეტს, როგორსაც, ხომ გახსოვს, შენი მშობლები რომ დასაძინებლად წავიდოდნენ და ჩვენ მარტოებს ოთახში დაგვტოვებდნენ... ჩაკონებულნი, რა ნეტარებით ვიყავით მოცულნი!.. მაშინ აღარ გვესმოდა შენი მშობლების მძიმე ქშინვა, აღარც კედლის საათის შეუწყვეტელი კაკა-კუკი და...“

„ახ, რა სანეტარო გრძნობით ვიყავით შეპყრობილნი!...“

„იმაზე მეტ ნეტარებას ვგრძნობ ამ წამს, როდესაც გონე-

ბის თვალთ გეხვევი. შენს მეტი ამ ქვეყნად არავინ არის ჩემთვის, შენა ხარ ჩემი ყველაი; მაგრამ... წყეულომც იყვეს ეს „მაგრამ“, რომ დაუბატიყებელი სტუმარია...

„მაგრამ“ მხოლოდ მაშინ ხარ ჩემი ყველაი, როდესაც გხვდავ ან მაგონდები. როდესაც კი შენს მაგივრად სხვასა ვხვდავ ან მაგონდება სხვა ქალი, რომლის წინააღმდეგ არა მაქვს რა. მაშინ... მაპატივე, ჩემო კარგო, შენდამი სიყვარული აღარ არსებობს, შენ აღარ ხარ ჩემი ყველაი. ჩემი ყველაი ის... ის არის, რომელ მშვენიერსაც ვხვდავ და რომელი მშვენიერიც ჩემ წინ დგას იმ ქამად.

„ის მიყვარს იმ ქამად, მხოლოდ ის მიყვარს, გაგიყებით მიყვარს ის, და ეს გრძნობა ისეთივე გულწრფელია, როგორც შენდამი, იმაზედაც ისევ იმას ვფიქრობ იმ ქამად, იმასვე ვნატრობ და გავიძახი: „ახ, ნეტარება იქნება, რომ ერთად ვიყვნეთ დღემუდამ, ერთ არსებად გარდვიქმნეთ, რომ სიკვდილსაც ვერ შეეძლოს ჩვენი განშორება, რომ საფლავშიაც ასე, ერთ არსებად გარდაქმნილნი, ჩავესვენოთ“. იმ ქამად „ის“ „შენ“ არის და ახლა კი, როდესაც შენ გესაუბრები, „შენ“ „ის“ ზარ... შენ იმასთან არ მახსოვხარ და მივიწყებული მყევხარ. როგორც შარშანდელი თოვლი, და შენთან კიდევ ის, „ის“: ვინც უნდა იყვეს, მხოლოდ მშვენიერი კი. „შენ გეამბორებოდი, გეხვევოდი, როდესაც შენთან ვიყავ, და, გეფიცები ყოველსავე წმიდას, თუკი რაიმე წმიდაა, ჩემი მოქმედება გულწრფელი იყო. მხოლოდ გრძნობა მოქმედებდა და სხვა არაფერი. მოქმედება სრულებით მთლად ვერა ჰხატავდა ჩემს გრძნობას. გრძნობა უფრო დიდი იყო, ვიდრე მოქმედება, და ახლაც, არ ვიცი, ისეთი რა უნდა ჩამედინა, რომ ჩემი გრძნობა ამ მოქმედებას გამოეხატნა... სააღერსო სიტყვა მეთქვა? — არა. არც ერთი სააღერსო სიტყვა არ არსებობს ჩვენს ლექსიკონში, რომ მთლად ჩემი გრძნობის დამახასიათებელი იყვეს... ხვევნა, კონცნა... ვერც ეს გამოხატავს ჩემ გრძნობას...

„გეყურება, რასა ვგრძნობ და ვგრძნობდი შენდამი?.. ყოველივე ეს მემართება და მემართებოდა, როდესაც შენა გხვდავ და გხვდავდი.

„მოგშორდებოდი თუ არა და ახლა სხვა მშვენიერს შეცხვდებოდი, მაშინ ისევ იმ გულწრფელ, წმიდა გრძნობას, გამოიწვევდა და გამოიწვევს ის ჩემში, რომელსაც ვერც საალერსო სიტყვა და ვერც რომელიმე მოქმედება ვერ დაახანიათებს.

„რად მემართება ეს? — არ ვიცი. პირველში ვფიქრობდი, ვითომ ჯერ გამოურკვეველია ჩემი გრძნობა და ამისთვის მემართება ეს. იმის გამო გაგშორდი, რომ გამომერკვია და ჩაკვირვებოდი, მაგრამ, რაც ბევრს ვცდილობ გამორკვევას, უფრო გამოურკვევლად მრჩება და ჩემთვის გაუგებრად რჩება ის იდეალური სიყვარული, რომელსაც პოეტები გვიხატავენ. მე მგონია, იმათი ოცნების ნაყოფია ის სიყვარული და ცხოვრებასთან არავითარი კავშირი არა აქვს. ან იქნება მე ვარ ამ გვარი ბუნებისა და სხვები კი არა. ნეტავ მაგრე იყვეს, მაგრამ... ფუი, კიდევ „მაგრამ“ წამოიჩხირა!.. ყველამ რომ ასე გულწრფელად ილაპარაკოს, როგორც მე შენ გელაპარაკები, მაშინ, მგონია, ყველა ამას იტყოდა...

„ახ, ნეტავი ვცდებოდე!.. მაშინ მეც შემეძლება შევიყვარო ვინმე ისე, რომ... რომ მარტო ის იყვეს საუკუნოდ ჩემი სული და გული...

„ხომ ჰხედავ, ჩემო კარგო, როგორ გულახდით გებაასე-ბი?! იმედია, შენც მომწერ, თუ ჩემსავით გემართება... აბა ჩაუკვირდი შენს თავს, გულს და ისე მომწერე... ნუ იმტყუნებ, გეთაყვა, ნუ იმტყუნებ და...

• 1897 წ.

* წერილის ნაგლეჯი ქუჩაში ვიპოვე, რადგანაც ავტორი არა სჩანს ამისთვის გამოვამეღაუნე.

„ღირსი ვარ ამისა, ღირსი...“

(ეტიუდი)

საშინლად მინდოდა ზღვაზე მზის ამოსვლა მენახა და, მომეცა თუ არა ზღვით მოგზაურობის შემთხვევა, სიხარულთ წამოვიძახე: ახლა კი ვნახავ!..

მთელ ღამეს კურდღელსავით მეძინა. წამდაუწუმ საათს დავეყურებდი და ისევე ბალიშზე მივდებდი თავს...

„ღროა!“ გავიფიქრე, მეოთხე საათი რომ დაიწყო და წყნარად წამოვდექი, რომ მეზობელი არ შემეწუხებინა, რომელიც გულიანად ხვრინავდა, და ფეხაკრეფით გემის ბანისკენ გავეშურე.

ჯერ ისევ ბინდბუნდი იყო. ნაწყვეტნაწყვეტი ღრუბლები აქა-იქ უძრავად მიჰკროდნენ ცას და გაცრიაგებული ვარსკვლავები-კი ოდნავდა ბეუტავდნენ.

ცოტა არ იყოს, კიდევაც ციოდა და ამის გამო პალტო შემოვიჭუჭყე, ხელები სახელოებში დავმალე და პირდაპირ გემის ცხვირისკენ გავწიე, რადგანაც პირი აღმოსავლეთისაკენ ჰქონდა.

„ოჰო, ჩემს მეტს, სხვასაც სდომნია მზის ამოსვლის ნახვა“, უსიტყვოდ წამოვიძახე, როდესაც თვალი მოვკარ გემის ცხვირთან ყმაწვილს.

გაიგო თუ არა ჩემი მისვლა, არ ვიცი. გაშტერებით სივრცეს გასცქეროდა. ჩემს მისვლაზე არც კი განძრეულა. კიდევაც გამიკვირდა, რომ ამ სიცივეში პალტო-გადაღედილი იყო და შუბლიც ცივი რკინის ბოძისთვის მიეხვინა. იმის ახლო დახვეულ თოკზე ჩამოვჯექი. ერთი კიდევ შევხედე უცნობს და მეც ფიქრებმა გამიტაცეს.

‘ „რა არსებაა ადამიანი, — ვეკითხებოდი ჩემ თავს: — რომ ამისთანა უფსკრულს ებრძვის, უშიშრად ენდობა თავისგან მოგონილ მანქანას, რომელიც ასე გულადად, უღარდელად მიაჩვენებს ზღვის ტალღებს და უღარდელადვე ქვითქვითვიშვიშებს?!..“

მაკვირვებდა ადამიანის გონება, გამჭირახობა, მაგრამ...

„ოხ, რა შესაბრალისია იგივე მედიდური გონება ადამიანისა ბუნების სიღიაღესთან შედარებით!.. რა სიმცირეს, არარაობას და მასხარაობას წარმოადგენს ეს მედიდურება, ამაყობა, ადამიანისა!.. ხომ საკმარისია სულ ერთი წამი, რომ მიფშენიტოს, მილეწოს ეს ამაყად მიმცურავი და ზღვის ტალღების მიმარღვეველი გემი და...“

„განქრა ადამიანის ოცნება, ამაყობა და მედიდურება!..“

„რალაც მდილი, რალაც საცოდავი მატლი, რომელსაც ადამიანი ეწოდება... ეწოდება... ეწოდება... ე...“

უცნაური ამბავი დამემართა: აზრთა მიმდინარეობა შემეწყდა, მხოლოდ სიტყვა „ეწოდება“-ლა დაცურავდა ჩემს გონებაში და ისიც კვალს ვერა სტოვებდა. გული, აქნობამდის ბოლმით ავისილი, უნებურად შეზავდა სიამოვნებით და, ბოლოს, სულ სარკესავით გადამეწმინდა, ტუჩები კი ღიმად, ვარდივით, გადამეშალნენ...

განქრნენ, მიიფანტნენ მწარე ფიქრები და...

ახ, მეც განვიბნიე, დავკნინდი, ჩემი არსება დანაწილდა, გაეთეროვანდა, შეუერთდა იმ ბურთს, რომელსაც ცა და ზღვა, კიდევებით ერთმანეთს მიწებებულნი, წარმოადგენდნენ... გავფართოვდი. ჩემი პიროვნება აღარ არსებობდა. მე ბუნებამ ჩამნთქა და მე კიდევ — ბუნება, რომელსაც სიმხიარულე შეპარვოდა და სულ უნებურად ჩემი არსებაც აეყოლია.

ცა და ზღვა ერთმანეთს ეცილებოდნენ. ზევით და ქვევით ნაწყვეტ-ნაწყვეტად მოფანტულ ღრუბლებს და მათს გარსს ცელქად ეცვლებოდათ ფერი და ეს ფერი, თითქო საპნის ბურთიაო, ისე გამოკრთოდა. აგერ, პირველი ნაპერწკალიც ამოვარდა ზღვიდან! პირველს მეორე მოჰყვა, მეორეს — მესამე და სულ შეუმჩნეველად ის ადგილი, საიდანაც ნაპერწკალი ამოვარდა, ცეცხლად აინთო. ბურთს ფერი უფრო გაუსპე-

ტაკდა, გაუნაზდა. ცეცხლი კი უფრო და უფრო დიდ ადგილს იჭერდა, ცეცხლის გარსი თავის ფერსა კარგავდა, ცისფერს უერთდებოდა. და ამ დროს მზემაც ზღვიდან თავი ამოჰყო, ამოიჭყუმპალავა, წინწკლები ისევ ზღვას უბრუნდებოდნენ და...

ფერადიანი ბურთიც გასკდა. ცამა და ზღვამ თავისი ფერი მიიღო და მეც...

— ააახ! — შემომესმა შესაზარი ხმა ამ დროს და ტანი შემითამაშლა.

მივიხედე იქით, საიდანაც ხმა შემომესმა, და...

— თვალებს აკვესებდა, თითებს იკენეტდა და ფეხს აბრაგუნებდა ის ახალგაზრდა ყმაწვილი, რომელიც მზის ამოსვლამდის ვნახე.

შემეშინდა. ისე შესაზარი სახე ჰქონდა, რომ ტანში ყრუანტელმა გამირბინა.

— მაფურთხონ, მაფურთხონ, მაა-ფურთხონ!.. — წამოიხრანტალა საცოდავად და ქვითინი მორთო...

— ყმაწვილო, ყმაწვილო! — ტანის თრთოლვით ვანძრევდი, რომ გამომერკვია. მაგრამ ის მაინც ქვითინებდა და უაზროდ გაიძახდა:

— მაფურთხონ! მაფურთხონ, ღირსი ვარ!..

— გამოერკვიეთ, გეყურებათ?! — დავუყვირე და ხელები ძირს მაგრა ჩამოკვრით ჩამოვგლიჯე.

— ჰაა!.. ვინა ხართ, რა გინდათ?! — დაბნევით მიპასუხა და მოელვარე თვალები წელში გამართულმა მომაპყრო.

მე ვერ გავუძელ იმის თვალების მზერას და შეეკრთი. ცოტა არ იყოს, დავიბენ.

— რა უნდა მინდოდეს? — ცოტა ხნის შემდეგ ვუპასუხე, როდესაც გონება მოვიკრიბე: — თქვენი სასოწარკვეთილებითი ხმა შემომესმა და მე ჩემი თავი მოვალედ ვცან, თუკი რითიმე შემეძლება, სამსახური გაგიწიოთ.

— თქვენ?!. ხა, ხა, ხა!.. თქვენ გინდათ სამსახური გამიწიოთ?!. ხა, ხა, ხა!.. თქვენც გინდათ მაფურთხოთ?!. გამშორდით!..

— ყმაწვილო, ვინც თქვენი ამ უკანასკნელი წამების მოწამე იყო, არა მგონია, იმას მოფურთხება შეეძლოს...

— რის მოწამე?!.

— თქვენის სულისკვეთებისა. ზნეობრივად ტანჯვისა...

— მე ვიტანჯები?!.

— მგონი...

— მართალს ამბობ, უცნობო, მართალს ამბობ. — ცოტა ხნის სიჩუმის შემდეგ მიპასუხა: — მართალს ამბობ, მე ვიტანჯები და მინდოდა კიდევაც გავქცეოდი ამ ტანჯვას. სულ რამდენისამე წამის წინ მინდოდა გამოვსალმებოდი ტანჯვას, სამუდამოდ მომეშორებინა თავიდან, მაგრამ... ყმაწვილო, ხომ სიმხდალგა თავის მოკვლა?! არა?..

— თავის მოკვლას სხვადასხვა მიზეზი იწვევს. ზოგი მიზეზი შესაწყნარებელია და ზოგი...

— ეეს!.. რა მიზეზიც უნდა იყოს?! აბა გააჩიეთ: მე განვიზრახე თავის მოკვლა იმისთვის, რომ საზოგადოებამ მიცნო, რა კაციც ვიყავი, და ამისთვის შევზიზღდი, ფურთხება დამიწყო...

— თქვენ მაგითი მაინც ვერა გამაგებინეთ რა.

— აახ!.. რად არის ადამიანი ისეთი, რომ უთუოდ ყველაფერი უნდა გაიგოს?

— თუ ყველაფერი არ შეიტყო, თავის მსჯავრს ვერ იქონიებს. — ვუპასუხე მე და იმის მთრთოლვარე სახეს დავაცქერდი.

— მსჯავრი, მსჯავრი... ხა, ხა, ხა!.. — გაღიხარხარა ხელის ჩაქნევით და საჩქაროდ გამშორდა.

თვალი გავაყოლე. მთვრალივით მირაცრაცებდა და თან ხელებს აქნევდა. ცოტა ხნობით გემის ბანის მოაჯირს მიეყრდნო და ზღვას დააშტერდა.

შემეშინდა. მართლა თავი არ დაიხრჩოს-მეთქი, გავიფიქრე და განვიზრახე მიპარვა, რომ შემძლებოდა დაქერა, თუ ვინიცობაა, ზღვაში ჩავარდნას მოისურვებდა. მაგრამ ყმაწვილი მოტრიალდა და ისევ აჩქარებული ნაბიჯით ჩემკენ წამოვიდა.

— ყმაწვილო! — მომმართა მწუხარე სახით, როდესაც მოვიდა ჩემთან და მკლავში ხელი წამავლო: — ნუ მკითხავთ, ვინა ვარ. ეს ხომ სულერთია თქვენთვის!..

— მართალს ამბობთ და არცა მსურს გავიგო თქვენი ვინაობა.

— მაშ ყური დამიგდეთ. რა მხეციც გინდა აიღოთ, რა ცხოველიც უნდა იყოს, რა სულდგმულიც უნდა დაასახელოთ, ყველა თავის თავს ემსგავსება ყოველთვის. მგელი კრავობას ვერ გასწევს, დათვი ძაღლობას და ღორი კიდევ მტრედობას. ადამიანი კი წარმომადგენელია ყოველგვარის ცხოველისა. მასში ყოველგვარი მხეცია მოთავსებული და შეუძლიან ყოველგვარი მხეცობა, სისაძაგლე ჩაიდინოს. რა მხეცს დამისახელებთ, რომ ადამიანი, თუკი გარემოება ნებას აძლევს, არ დაემსგავსოს?! არა?! ჰა!.. — აღგზნებული თვალები თვალებში გამიყარა და მკლავზე ისე მომიჭირა ხელი, რომ მინდოდა ხელი გამეშვებინებინა, მაგრამ თავი შევიმაგრე და პასუხად თავი დავუქნიე. — ჰოდა მაშ რა არის ადამიანი?.. მხეცთა მხეცი... მაგრამ ამ მხეცთა მხეცობას, თავის სისაძაგლეს მალავს, ჰმუჭნის და უფრთხილდება ამის გამომჟღავნებას, როგორც თვალის სინათლეს, თვალის ჩინს... თვალის ჩინს კი არა... რა გითხრათ?.. რას დავადარო?.. თითქო წმიდათა-წმიდას შეადგენდესო, ისე უფრთხილდება ამ საიდუმლოთა საიდუმლოებას... ბევრ სისაძაგლეს, ბევრ საზიზღრობას ჩაიდენს, მოიმოქმედებს კაცი, რომლის მოწამეც მხოლოდ თითონ არის და სხვა არავინ... შეიძლება, თავის ცხოვრებაში არავითარი სისაძაგლე ჩაედინოს, მაგრამ განზრახვით კი, მერწმუნე, ბევრი სისაძაგლე განუზრახავს, და ეს ხომ სულ ერთია! აბა ერთ წამს ჩახედეთ თქვენს გულს და... მგონი, შეგეშინდეთ კიდევაც!..

— ყმაწვილო, შეურაცხყოფის ნება არა გაქვთ! — წყრომით მივმართე და ხელი გავაშვებინე.

— ააახ!.. განა თქვენზე ვამბობ?.. მე სრულებით თქვენ არა მყავდით სახეში... მაგრამ თქვენი წყრომა კი იმას მიმტკიცებს, რომ ადამიანი საშინლად უფრთხის იმის გამომჟღავნებას, რის მოწამეც მხოლოდ თითონ არის...

მინდოდა კიდევ მეპასუხნა, მაგრამ თავი შევიმაგრე, რომ არ გამეჩავრებინა და თავისი ლაპარაკი არ შეეწყვიტნა.

— ნუკი იფიქრებთ, — განაგრძო, ვითომ კარგი რისა-შე მოწამე იყოს?!. არა. კარგს ისე არას მოიმოქმედებს, რომ სხვა მოწმად არ დაისწროს, ან კიდევ არას განიზრახავს, რომ ქვეყანა არ შეჰყაროს. არა. მხოლოდ სისაძაგლეს უფრთხილდება, მხოლოდ თავის მხეცობის გამომჟღავნებას უფრთხის და არა სხვა რასმე... აბა ახლა თქვენ აიღეთ და რომელიმე ადამიანი გადმოაბრუნეთ, ფქვილის ტომარასავით გამობერტყეთ, ყოველი მისი საიდუმლოთ საიდუმლო გამოამჟღავნეთ და მაშინ, მერწმუნეთ, არასასიამოვნო სურათს დაინახავთ... არასასიამოვნოს, არა, საზიზღარს, შესაზარს!..

„მე საზოგადოება პატიოსან კაცად მიცნობდა. მეც ვაფასებდი ამას და ვცდილობდი, რომ ეს სახელი შემრჩენოდა. თუკი რაიმე მხეცობა ჩემში არსებობდა, ვმაღავდი; მეშინოდა, რომ არ გამომჟღავნებულყო და პატიოსანი ადამიანის სახელი არ შემებღალა, მაგრამ ფეხი გადამიბრუნდა; სულ უბრალო შემთხვევამ გადმომაბრუნა, და ყოველივე ჩემი დაფარული გამომჟღავნდა. რაცკი მხოლოდ მე უნდა მცოდნოდა, ყველამ შეიტყო და, რასაკვირველია, ზიზღით დამიწყო ცქერა; თითოთ საჩვენებელი გაეხდი... ხა, ხა, ხა!.. აღარც ერთი ხელს არ მაწვდიდა და იმანაც კი, გეყურებათ, იმანაც კი, რომელსაც თავყანს ვსცემდი, ვაღმერთებდი, რომელიც მარწმუნებდა, მიყვარხარო, აღარ მიმილო! ხა, ხა, ხა, გეყურებათ, აღარ მიმილო!.. სულ უმნიშვნელო ჩემი მოქმედება და განზრახვაც კი გადიდდა, მთად გარდიქმნა, და საზოგადოებამ ყიჟინა დამცა... იყიჟინე!.. მაფურთხე!.. ჩამქოლე!.. მაგრამ ერთ წამს შენი ზიზღი შეაჩერე და ოდნავ თვალი გადაავლე შენს ჭურღმულს! შენც, უმანკოების ღვთაებავ, აგრე მოიქეცი და მხოლოდ მაშინ, თუ უცოდველი ხარ, ჩამქოლე... ხა, ხა, ხა!.. განა მაგას გაჰბედავ?!. არა მგონია!..

„მაგრამ რაებსა ვბოდავ?!. არ გეგონოთ, ყმაწვილო, ვითომც მე ამითი თავის გამართლება მინდოდეს. არა. საზოგადოება მართალია. ღირსეულად მაფურთხებს, მიყიჟინებს და ზიზღით მექცევა. სხვას რომ ჩემი საქმე დამართოდა, პირვე-

ლად მე ვესროდი ქვას და ყიჟინას დავცემდი, თუმცა კი, შეიძლება, იმაზე უარესი ვყოფილიყავი. ყველასაც უნდა უყიჟინონ, თუკი შეატყეს ვისმე. ყველა ღირსი იქნება ამ სასჯელისა. ამ სასჯელს არავენ უნდა გაექცეს. მე კი გაქცევას ვაპირებდი. აი, ხომ მხედავ, ახლა ზღვით ვმოგზაურობ, იმ საზოგადოებას მოვშორდი, რომელმაც გამკიცხა სამართლიანად. თავის მოკვლაც განვიზრახე. მინდოდა სამუდამოთ მოვშორებოდი, გაექცეოდი ტანჯვას, მაგრამ ამ მშვენიერმა დილამ გონს მომიყვანა და დამანახვა ჩემი სიმხდალე. დამნაშავე ვარ და ამისთვის, რა სასტიკი სასჯელიც უნდა იყოს, მოვალე ვარ ავითანო და არა ვცდილობდე. იმის თავიდან აცილებას. განა გამამართლებს თავის მოკვლა?! არა. ეგ უფრო გამამტყუნებს, ჩემს სიმხდალეს დაამტკიცებს. დამნაშავედ ვცნობ ჩემს თავს და ამისთვის სასჯელის ატანაც უნდა შევსძლო... მე საზოგადოებაში ვცხოვრობდი, იმის აზრს ვაფასებდი, მინდოდა იმ საზოგადოებაში პატიოსანი კაცის სახელი მეტარებინა და ამავე დროს კი, გეყურებათ, უპატიოსნოდ ვმოქმედებდი, სიკეთეს სათვალსაჩინოდ ვაკეთებდი და იმას, რაც პატიოსანი კაცის სახელს შებღალავს, ვმაღავდი. ეს ხომ უპატიოსნობაა, არა?! სულითა და გულით უნდა პატიოსანი ვყოფილიყავი, დაფარული არა უნდა მქონოდა რა, ჩემი ყოველივე უნდა ცხადი ყოფილიყო ყველასთვის და მაშინ ეს აღარ დამემართებოდა. ამისთვის, ღირსი ვარ სასჯელისა, დეე, მაფურთხოს საზოგადოებამ, მიყიჟინოს საზოგადოებამ!.. ღირსი ვარ!.. მე უკანვე დავბრუნდები!.. უკანვე დავუბრუნდები იმავე საზოგადოებას, აი, ამ ნავთსადგურში მოვუცდი მეორე გემს და უკანვე დავბრუნდები, რომ ყოველ ნაბიჯზე მაფურთხოს, მიყიჟინოს ამ საზოგადოებამ. ღირსი ვარ ამისა, ღირსი!..

„...სულ ერთია!..“

(მტიული)

— თეკლე!... — დაბნევით შესძახა კიკომ და თეკლეს ორივე ხელი თავისკენ მიიზიდა.

— კიკო!.. — თეკლემაც იმავე კილოთი უპასუხა და კიკოს გულს მიესვენა.

წისქვილის ბორბალი კი სჩქედდა, წყალს არღვევდა, ანაწილებდა, აქაფებდა და საამურად უმღერდა შეყვარებულებს...

— მაშ გიყვარვარ, გიყვარვარ, ჩემო, ჩემო?! ჩვენ სამუდამოდ ერთმანეთისა ვიქნებით!.. — ხმის კანკალით ჩასძახოდა კიკო და თან თეკლეს გულზე იკრავდა.

— მე... შენ... ჰო... — კვნესით, მეტისმეტი აღელვებისაგან მისუსტებული ხმით გაიძახოდა უაზროდ თეკლე, და თვალები ელულებოდა.

„უყვარხარ!.. უ... ყვარ...ხარ!..“ ემოწმებოდა წისქვილის ქვა ბორბლის შხუილთან ერთად.

— ოხ, რა ბედნიერი ვარ!.. — გულამოსკვნით წამოიძახა კიკომ და თავდავიწყებით შეუერთა თავისი ტუჩები თეკლეს მხურვალე, ფუნჩულა მარწყვისფერ ტუჩებს.

თეკლემ ტუჩები თავის უნებურად სიამოვნებით შეაჩუჩუნა, და თითქოს ვაჟის მთლად სულში ჩაძვრენა უნდაო.

„ახ, რა კარგია!.. ახ... რა... კარგია!.. ახ-რა-კარ-გია!..“ — წისქვილის ქვა და ბორბალი გაიძახოდნენ ერთად და ამცნობდნენ არეს ამ ნეტარ წამს. მთვარეც, მუდმივი მოწაშე შეყვარებულთა, ალერსით დასცქეროდა თეკლეს და კიკოს ზევიდან და თითქოს ცოტათი კიდევაც შურდა იმათი ბედნიერება...

წისქვილის ახლოს ორი არსება ერთ არსებად გარდაქცეულიყო და ეს კი ზევიდან, ეულად, ყოველთვის მარტოდ, — ოხ, რა ძნელია, რა მწარეა! — მოცურავი დასცქეროდა... რა ვუყოთ, რომ მნათობია?! ოხ, რა დიდის სიამოვნებით სამულამოდ დაუთმობდა თავის მნათობობას, თუკი ვინმე ერთ წამს დაავიწყებდა თავის მარტობას და მეორე არსებას შეუერთებდა!.. მაშ თეკლესი და კიკოს ეს წამი არ შემურდებოდა?!.

— ჩემო თეკლე!.. ჩემო კარგო, ხომ სამულამოდ ასე ბედნიერები ვიქნებით!..

— ჰა?!. კიკო, შენ?!. — თეკლე შეკრთა კიკოს ხმის გაგონებაზე და ხელიდან გაუსხლტა.

— თეკლე, გონს მოდი!.. რა დაგემაართა?!. განა არ გიყვარვარ?! — განცვიფრებით დაეკითხა კიკო და მიუახლოვდა.

— მე შენი?!. არა... წავიდეთ შინ!.. მერე... მერე!.. — არეულად უპასუხა თეკლემ და სახლისკენ პირი იბრუნა.

კიკოც დაუმხარდამხარდა და გაჩუმებული, დაღვრემილი გაჰყვა...

II

„...წავიდა! დაღონებული წავიდა!.. ოხ, რა გულნატკენი გამომემშვიდობა!“ — გაიძახოდა თეკლე და აზრი აზრისათვის ვერ დაეკავშირებინა.

რამდენი ხანია, რაც თეკლემ თავის საწოლი ოთახის კარი შეიხურა... თითქმის მაშინვე, კიკო რომ სახლის კარებთან გამომშვიდობებისას დაეკითხა, რას მიპასუხებო. აგერ, შუაღამე თითქმის გადავიდა, სულ ამ პასუხს ეძებს და ახლაც ვერა შოუგვარებია რა...

„ღმერთო!..“ — ღმერთსლა შეევედრა, რომ იმას მაინც ჩაეგონებინა პასუხი, რაკი თავის გონებით ვერა მოეხერხებინა რა და გარედ გავიდა.

გაიარა ერთი ხეივანი, მეორე, მესამე. აჩრდილივით მიაბიჯებდა და თავის საყვარელ ადგილს მიადგა. რამდენჯერ უოცნებებია ამ ხევის პირას, დიდ ქვასთან და ახლაც უნებურად იქ მივიდა...

ახ, რა ტკბილად მოსთქვამდა ხევი... რა სასიამოვნოდ უღვიძებდა გრძნობებს წყლის ჩანჩქარის.. ახლა?..

ოხ, ის მთვარეც დასცქერის!.. წყალიც ისევ ისე მიჩანჩქარებს და, ღმერთო, წისქვილის ხმაც მოისმის!..

— კიკო, კიკო, მიყვარხარ!.. — ლმობიერად წამოიძახა თეკლემ და თავი მოგონებას მისცა...

წყალი კი მოჩანჩქარებს, ტკბილს სასიამოვნო ხმებს ასმენს; მთვარე ხომ აფრთოვანებს, და თეკლეც...

კიკოს ეხვევა, ფიანდაზად ეგება...

— ღმერთო, ხომ მიყვარს და მაშ რატომ მაშინვე არ ვუბასუხებ: „შენი ვარ... სამუდამოთ ასე ვიქნებით“, როდესაც ის ჩამჩურჩულებდა: რომ სამუდამოთ ბედნიერები ვიქნებითო... რამ დამიშალა მაშინვე „პო“ შეთქვა? ან ახლა რატომ არ მინდა გადავწყვიტო, რომ მე იმისი ვიყვე, რატომ, რატომ?!. ხომ მიყვარს და მაშ რალა მიშლის ხელს?!. მამაჩემი მეწინააღმდეგება?!. ახ, რა სისულელეა!.. დეე, იყოს წინააღმდეგი!.. მე...

აგერ თეკლე თავის გრძნობას თავდავიწყებით მიეცა. მამას და ყველასაც ეწინააღმდეგა და კიკოს გაჰყვა.

ის კიკოსია და კიკო ამისა... ცხოვრობენ... კიკო ისევ ის კიკოა. დრო არა სცვლის. უყვარს თეკლე, გაგიჟებით უყვარს, უფრო ძლიერად, ვიდრე პირველში. ბევრი ისეთი კარგი თვისება გამოიჩინა შემდეგში, რაც პირველად თეკლეს ვერ შეემჩნია. თეკლესაც უყვარს კიკო. თითქმის თაყვანსა სცემს, მაგრამ, — ოხ, ღმერთო, — მაინც კმაყოფილი არ არის!.. რა ემართება?!. რატომ კმაყოფილი არ არის, როდესაც კიკო ხეველის მეუღლეა?!. იმ კაცის მეუღლეა, რომელიც უყვარს, რომელსაც თითქმის თაყვანსა სცემს?!. კიკო ხეველის მეუღლე?!. ოხ, რა უცნაური გვარია!.. ხეველი... ხეველი... ახ, რატომ ეს გვარიც ისე ბრწყინვალეებით არ არის შემოსილი, როგორც მისი მამისა!.. რანაირი პატივით ექცეოდნენ, როდესაც თეკლე ხეველის მეუღლე არ იყო!.. ახლა?!. ეხლა კი, ღმერთო, ზედაც არავინ უცქერის. ყველა ტუჩის აშვერით ყურში აგონებს: თავადიშვილის ქალი ვიღაც ხეველს, უბრალო მასწავლებელს, გაჰყვა ცოლადაო! ესეც იმალება, აღარავის უნდა

ეჩვენოს. რცხვენიან თავის გვარისა. მდიდარი მაინც იყვეს, რომ თავის სიმდიდრით ჩააჩუმოს, ყველანი ალაგმოს... მაგრამ, ოხ, სიმდიდრეც არა აქვს!..

— კიკო, კიკო დამახსენს! — გულის საკლავად შეევედრა კიკოს და ცრემლების ფრქვევით ყელზე ჩამოეკიდა...

— თეკლე, ჩემო, ჩემო, მითხარ, რა გაწუხებს, რომ თავს შემოგველო და გიშველო რამ, რომ ცრემლები შეგიშრო... იქნება ჩემ სიყვარულში დარწმუნებული არა ხარ, ეჭვი გაქვს რამე... ოხ, თეკლე, მითხარ, მითხარ, რაც გინდა დამისახელე. რითი გინდა დაგიმტკიცო ჩემი სიყვარული?!

— კიკო, კიკო! — გაიძახოდა თეკლე და ქვითინებდა.

— ჩემო კარგო, მითხარი, მითხარი რითი დაგიმტკიცო ჩემი სიყვარული და...

— სიყვარული!.. სიყვარული!.. მარტო სიყვ...

— იპოვნე?! — ამ დროს მკაფიოდ ჩამოსძახა ჭოტმა და სიტყვა შეაწყვეტინა თეკლეს.

— ვერა!.. — შემოესმა შორიდან მეორე ჭოტის ხმაც.

— ჰა?! — ტანის ყრყოლით აქეთ-იქით მიიხედა და... ისევ იმ წყლის ტკბილი ჩანჩქარი, წისქვილის საამური ხმა შემოესმა...

— ღმერთო!.. — სამადლობელი კილოთი წამოიძახა და თვალის ქუთუთოები ღმობიერად ზევით ასწია. თითქოს ის დიდი ქვა, რომელზედაც თითონ იყო მისვენებული, გულზე დასწოლოდა და სუნთქვას უხუთავდა, მოსწყდაო. ისეთი შვება იგრძნო, როდესაც გამოერკვია, და ამისათვის ღმერთს მადლობა შესწირა, რომ ყოველივე ოცნების ნაყოფი იყო და არა სინამდვილე.

ხედავს თეკლე, რომ ისევ ის წყალი მოჩანჩქარებს, ისევ ის წისქვილის ხმა მოისმის; ისევ თავის მამის ბაღშია და არა კიკოს პატარა, სულის შემხუთავ ოთახში... ისევ თავის მამის გვარი აქვს და არა კიკო ხეველისა, უხარიათ თეკლეს!.. თავისუფლად სუნთქავს, რომ ყველაფერი ისევ ისეა. როგორც ან რამდენისამე წუთის წინად... მხოლოდ ერთი რამე აღონებს. ეს ის, რომ მთვარე, თითქოს თვალს არიდებს თეკლეს და მთის იქით დასამალავად მიეჩქარება.

— „...ღმერთო!..“ — შედგა ოთახის შუა კიკო და შუბლი ისე ძლიერად შეიკმუხნა, რომ თმა და წარბები ერთმანეთთან მიიტანა, მხრები კი ყურებამდის აიწურა. უნდოდა ამ მოკმედებით თავიდან ყოველივე აზრი გამოედევნა, რომ ერთ წამს მაინც სულ არაფერი ეფიქრნა, ერთ წამს მაინც თეკლეს სახე მოეშორებინა, მაგრამ...

„ღმერთო, ღმერთო?!“ — თითქმის ტირილით გაიძახოდა ასე შუბლშეკმუხნილი და მხრებაწურული თითებს იმტვრევდა...

„რამ გაგაკადნიერა ისე, შე სულელო ჩემო თავო, რომ... ხა, ხა, ხა!.. რომ სიყვარული გამოუცხადე!...“ — მწარედ გადიხარხარა და აწურული მხრები ჩამოეშალა, თმა და წარბები ერთმანეთს დაშორდნენ, და კიკო ისე გაიშალა ტანში, ისეთი სისუსტე იგრძნო, რომ ძლივსლა მიბარბაცდა სავარძლამდის და მოწყვეტით დაეშო...

„რად მოვაწერიხე ეს, რად?..“ — შესძახა გულამოძვარაჲ კარგა ხნის შემდეგ და ტანში საშინელი ჩხვლეტა იგრძნო...

„...ისე გავკადნიერდი, რომ ხვეენა-კოცნაც დავუწყე... ხა, ხა ხა!.. ცოლადაც მინდოდა... ცოლობის პირობასაც ვსახოვდი, მინდოდა სიტყვა დამეტყუენა... სადამდის მივიდა ჩემი თავხედობა!.. — დარცხვენით იძახნდა და თავის თავს მჩვარში ხვევდა.

„...ოხ, თეკლე, თეკლე, ასეთი სათნოიანი სიტყვების ხმარებას ის არა სჯობდა; გაგელანძლე, თავზე ლაფი დაგესხა ჩემთვის!.. მაგრამ ისე კარგი, ზრდილობიანი ხარ, რომ...“

„ჩემო კიკო, — დაიწყო თითქმის ეს მეათედ თეკლეს წერილის კითხვა: — მე ჩაუუკვირდი ჩემს თავს, ჩემს გრძნობას და, ვფიცავ ზეცას“...

— რად ჰფიცავ, რად, წმინდა თეკლევ!.. განა დაუუციებლად კი არ დაგიჭერებდი?! — შეწყვიტა წერილის კითხვა და ხელი თვალებზე მიიფარა.

„...ვფიცავ ზეცას. — განავრძო ცოტა ხნის სიჩუპის შეძლეგ კითხვა: — მთელ ღამეს არა მძინებია. სულ ჩემ გულს ვუკვირ-

დებოდი. მინდოდა წასწერი გულისთქმა ძლიერ გრძნობად გარდამეკმნა, რომ შენ უკანასკნელ კითხვაზე „ჰო, შენი ვარ სამუდამოდ“ მეტყვა, მაგრამ...

„დაივიწყე, ჩემო კიკო, ყველაფერი, რაც ჩვენს შორის მოხდა და ჩვენ ისევ ისე კარგი მეგობრები ვიყვნეთ...“

„ჩვენ ისევ ისე კარგი მეგობრები ვიყვნეთ...“ განიმეორა უკანასკნელი სიტყვები და თავის ქნევით მწარედ ჩაილინა...

„მე ღირსი არა ვარ შენი მეგობრობისა, წმიდათა წმიდავ, უმანკო თეკლევ... სად მე და სად კიდევ შენი!.. მე...“ — შეწყვიტა უეცრად სიტყვა და წერილის კუდად მონაწერი სიტყვები ამოიკითხა: „ეს წერილი, გთხოვ, უკანვე გამომიგზავნო, თუ შესაძლებელი იყვეს შენთვის... კი არა იფქრო რა...“

„ფუი, ამდენი ხანია, ხელში მიჭირავს და ეს მცირედი თხოვნაც ვერ ავუხრულე. კარგი თვალით რად უნდა მიყურებდეს!..“ — გადააფურთხა და მაშინვე კონვერტი აიღო ხელში...

„მშვიდობით, მშვიდობით!.. შენს მაგივრად წერილს ვემშვიდობები...“ მაგრად, მაგრად აკოცა წერილს, კოცნის დროს რამდენიმე ცრემლი ზედ დააგდო და შემდეგ, თითქოს საყვარელ არსებას მარხავდესო, ცრემლის ფრქვევით ჩაღვა კონვერტში...

IV

— დღეს მოვა და ჯერ თეკლესთვის კი არა მითქვამს რა, — ჩაილაპარაკა ვახტანგმა და თეკლეს ოთახისკენ გასწია.

— სად არის თეკლე? — დაეკითხა ვახტანგი გოგოს, რომელიც წინ შეეფეთა, როდესაც თეკლეს ოთახისკენ მიდიოდა.

— ჯერ ისევ სძინავს...

— აქნობამდის?.. საცაა სადილად დავსხდებით და...

— მგონი, წუხელის არა სძინებია... დილას განთიადისას გამაღვიძა, წერილი გადმომცა და მითხრა: „კარგად რომ მომზევდეს, ეს წერილი კიკოს წაუღე. მე კი დავიძინებ ეხლა და სანამ არ გამოვიღვიძო, ნუ გამაღვიძებთო...“

— მერე წაუღე წერილი?..

— დიახ, ბატონო.

- არა გითხრა რა?..
- ვინა?
- ვინა და კიკომ.
- არა. ისევ ეძინა, რომ მივეუტანე.
- მაშ ვის მიეცი?

„რას მისწერდა? — უსიტყვოდ დაეკითხა თავის თავს და ოთახისკენ წავიდა. — კი არა იყოს რა?!. იქნება დაგვიანდა და საქმე კიდევაც გაათავეს!.. ეს შეუძლებელია!.. მე თეკლეს ნებას არ მივცემ, რომ იმ ვილაც მასწავლებელს, კიკო ჰქვიან თუ მიკო, მისთხოვდეს. ეხ...“ — უეცრად აზრები შეუწყდა. სულ ერთიანად განებნივნენ, როდესაც კარი შეაღო და მძინარე თეკლე დაინახა.

კარგა ხანს იდგა კარებში. ღმობიერად გულზე ხელი დაიკრიფა თითქოს წმინდანის წინ სდგასო სალოცველად, და მხერა დაუწყუო თავის ქალს, თავის ერთადერთ ასულს, თავის შვენებას, რომელიც გულადმა იწვა ოდნავ წაფარებული ფარჩის საბნის ქვეშ. საბანი არ ფარავდა მის გამოქანდაგებულ მკერდს, ყელს, მკლავებს. ვინ იტყოდა, რომ ამ ოთახში, ამ საბნის ქვეშ მოთავსებულია ამ ქვეყნის ასული და არა ციური?!

ვახტანგი იდგა კარებში და ეშინოდა განძრეულიყო, რომ მძინარის ნაზი სუნთქვა არ აეშფოთებინა...

„ღმერთო! — გაიძახოდა უსიტყვოდ ვახტანგი: — სად ვიყავი აქნობამდის, რომ არ ვიცოდი, თუ ამიხთანა მშვენიერი იყო თეკლე?!. ჩემი თეკლე, ჩემი სისხლხორცი!..“ — სიამაყით აევსო გული, რომ მისი სისხლხორცი ასეთი მშვენიერი იყო, და ველარ მოითმინა: ფეხაკრეფით მივიდა საწოლთან და გვერდით მიუჯდა.

„თეკლე, ჩემო თეკლე!.. შენი ადგილი დედოფლის ტახტია... შენ უნდა სკიპტრა გეჭიროს ხელთ და განაგებდე სამეფოს... და არა ვილაც უგვარტომო კიკო ხეველის ცოლობა... ყოველ ღონეს ვიხმარ, რომ ეგ არ მოხდეს, არა და არა... ჯერ შენ გამოუტდელი ხარ, ჩემო კარგო, და მე უნდა საფრთხეს აგაცდინო...“ — გადაწყვეტით წარმოსთქვა ვახტანგმა უკანასკნელი სიტყვები ხმამაღლა და სასოებით ტუჩები თეკლეს ლოყისაკენ საკოცნელად წაიღო...

— ჰა?! — უეცრად შეფორთხილდა თეკლე, როდესაც ვახტანგი იმის ლოყას ტუჩებით შეეხო, და იმისი ლაწვების ნაზ სპეტაკ ფერს მორცხვობის აღმულმა გაჰკრა...

— ნუ გეშინიან, მე ვარ შვილო!..

V

— მართალს ამბობ, მამი, კარგი ცხოვრება აქვს, კარგი გვარიც აქვს, თავადიშვილობით, ჩამომავლობით საქართველოს თავადებში თითქმის პირველი ადგილი უჭირავს, მაგრამ, რა ვქნა, თითონ არჩილი სულელია, უშნო, ულამაზო... — ღიმილით ეუბნებოდა თეკლე სადილ შემდეგ მამას და თვალს არ აშორებდა ვახტანგის სახის მოძრაობას...

— შვილო, — დაიწყო ვახტანგმა ცოტა ხნის სიჩუმის შემდეგ: — გონიერი ხარ, შენ თითონ მიხვდები ჩემი რჩევის სიკეთეს. თორემ შენი ნებაა, მე ძალას არ დაგატან. იქნება, შენ კიდევაც ამორჩეული გყავს ვინმე... უკანასკნელი სიტყვები გაგრძელებით წარმოსთქვა და თეკლეს თვალი თვალში გაუყარა.

— მამი, არა გრცხვენიან, რომ მაგას მეუბნები!.. ამორჩეული რომ მყვანდეს ვინმე, განა შენ არ გეტყობდი?! — საყვედურით უპასუხა და თავი ძირს დახარა.

— რა ვიცი შვილო, ეხლანდელ დროში...

— კიკოს გამოუგზავნია ეს წერილი!.. — ამ დროს შემოვიდა გოგო წერილით და ვახტანგს ლაპარაკი შეაწყვეტინა.

— შენთან იქნება! — შუბლშეკმუხვნით მიმართა ვახტანგმა თეკლეს.

— ჰო, ჩემთანაა! — უპასუხა თეკლემ და მაშინვე კონვერტს თავი გაუხია, საიდანაც წერილი ამოიღო.

საჩქაროდ გადაატრიალ-გადმოატრიალა, ხან თავს დახედა და ხან კიდევ ბოლოს, მაგრამ...

— ერთი სიტყვა მაინც დაეწერა ზედ!.. — ამოიძახა სასოწარკვეთილებით და მკლავები ჩამოსცივიდა.

— რა მოგივიდა, შვილო? — თანაგრძნობით დაეკითხა ვახტანგი და ხელი მოჰკიდა...

— არაფერი, არაფერი!.. — შუბლზე ხელი გადისო და ისევ ისე გონება მოიკრება.

— რა იყო?! თუ არა ყოფილიყოს რა, ფერი მაგრე რად წაგივიდოდა?!

— აი, თუ გინდა, წაიკითხე!.. — წამოდგა და წერილი მიაწოდა...

ვახტანგმა წერილის კითხვა დაიწყო. თეკლე კი ოთახში დადიოდა ამ დროს.

— მამა არ წამიწყდება, ვერა გამიგია რა!.. ეს წერილი შენია.

— ეგრეა, მამა-ჩემო! ეგ წერილი ჩემია და, როგორც ბოლოში ამოიკითხავდი, მე ვთხოვ უკანვე დაბრუნებას, იმასაც ჩემი თხოვნა შეუსრულებია და, აი, უკანვე მომივიდა.

— ეგ ყველაფერი კარგი, მაგრამ მე მაინც ვერა გამიგია რა...

— ეხ, მამაჩემო, მაგას რა დიდი გაგება უნდა. აი, საქმე რაშია. — მიუჯდა გვერდით და წინა დღის ამბავი ყოველივე უტყუვრად უამბო.

— როგორც გატყობ, კიკო გიყვარს და ძალიანაც, — უთხრა ვახტანგმა, როდესაც თეკლემ თავისი საუბარი დააბოლოვა.

— მიყვარს და მაგრე!? არ ვიცი, ესე შეეძლება ვისმე კაცი შეიყვაროს, როგორც მე კიკო მიყვარს!..

— მაშ რას ნიშნავს შენი წერილი? ან უარი რად უთხარი, ან კიდევ რად ატყუებ, არ მიყვარხარო?

— როგორც გატყობ, მამა-ჩემო, შენ ბავშვი ყოფილხარ, ჩემზე გამოუცდელი. „არ მიყვარხარ“ იმისთვის მიმწერე, რომ უარის თქმა მინდოდა. რომ მიმეწერა: „მიყვარხარ, მაგრამ მაინც ცოლად ვერ გამოგყვები“, მაშინ კიკო ხომ შემიზიზღებდა. შემიძულებდა?.. რას იფიქრებდა?.. ის კი არ მინდოდა, რომ კიკოს შევეძლებოდი და ჩემზე ცუდი აზრი შეეყენებინა. ცოლად კი, თუმცა მიყვარს კიკო, რატომ არ მინდა გაეყვე, ამაზე, არ ვიცი, რა გიპასუხო. იქნება იმიტომ, რომ შენი ქალი ვარ და... მამაჩემო, რა დაგემართა?! — უეცრად შესწყვიტა ლაპარაკი და მამას მოეხვია, როდესაც თვალი შეასწრო, რომ

მისი ლაპარაკის დროს ვახტანგი მთლად გაფითრებულიყო ღა
გამოშტერებული თავის ქალს შესცქეროდა...

— ჰო არაფერი... განაგრძე... ცოტა წყალი კი დამალე-
ვიყ!.. — შეუბღბე ხელი გადისო და გრძლად ჩაისუნთქ-აწო-
ისუნთქა. თეკლე კი წყლისთვის გაიქცა.

სულ რამდენისამე საათის წინად ამაყობდა თეკლეთი. თავი
მოჰქონდა, რომ თეკლე მისი სისხლ-ხორცი იყო. ახლა კი რო-
ცა თეკლე უამბობდა თავის სიყვარულზე, თითქმის გულიდ-
ნ მოიგლიჯა. ძნელი იყო იმისთვის დარწმუნებულიყო, რომ თე-
კლე უმწიკვლო არ არის, რომ ვისაც შეიყვარებს, თავდავი-
წყებით არ მიეცემა მაგრამ, დახე, თურმე თეკლე რანაირად
მოქმედებს!

„კიკო შეუყვარდა, — ფიქრობდა ვახტანგი და თან მწარედ
იღიმებოდა: — არ ვიცი, ესე შეეძლება ვისმე კაცი შეიყვაროს,
როგორც მე კიკო მიყვარსო, იძახის და თან უარსაც ეუბნება!..
არ მოველოდი ამას, არა!.. არ მეგონა, თუ თეკლე ასე მოი-
ქცეოდა და თავისს გრძნობას შებღბავდა! — წამოიძახა ვახ-
ტანგმა და წამოდგა. — მართალია, მე ვეწინააღმდეგებოდი,
ძალას დავატანდი, რომ კიკოს არ შეუღლებოდა, მაგრამ, ოხ,
რა ბედნიერი მამა ვიქნებოდი, რომ მე... ჩამეფუშა ეგ ქორ-
წინება და არა თითონ თეკლეს. მაშინ თეკლე... ღმერთო, რა
დღე დაგვიდგა, რომ აღარც გულწრფელობა არსებობს!..“ —
მწარედ წამოიძახა და ცრემლებიც კი ჩამოუგორდა ჰალარა
წვერზე...

— მამი, რა მოგდის?! სტირი კიდევაც?! აჰა წყალი!.. —
გაოცებით დაეკითხა თეკლე, რომელმაც ამ დროს ჰქიით წყა-
ლი შემოიტანა და ძალად დააღვეინა.

— ხომ მხედავ, მამი, მე შენი წინააღმდეგი არა ვარ?! ხომ
არ გაწყენინე რა? რაღა ხარ მაგრე დაღონებული, ეგ ცრემლე-
ბი რას ნიშნავს?! — ალერსით უთხრა თეკლემ და ხვეენა დაუ-
წყო მამას.

ვახტანგმაც ვერ გაუძლო ქალის ალერსს, თითონაც მა-
გრად, მაგრად ჩაიკრა თეკლე გულში და ჰქვითინით მზურვა-
ლედ ეხვეოდა. ცრემლები კი ღაპალუპით ჩამოსდიოდა და თე-
კლეს ლოყებს ეწვეთებოდა...

უნდოდა ვახტანგს დილანდელი თეკლე დაებრუნებინა, უკანასკნელი დავიწყებოდა, მაგრამ თეკლეს წყეული სიტყვები. „მიყვარს, მაგრამ უარს ვეუბნები“ საქრეთელივით ტვინს უხვრეტავდა და ერთ წამსაც არ შორდებოდა...

— ეს სიხარულის ცრემლია, შვილო, რომ შენ მაგისთანა ჭკვიანი, გონიერი ქალი მყევხარ, — უთხრა ვახტანგმა ცოვად, როდესაც გონს მოვიდა და დარწმუნდა, წინანდელი თეკლე სამუდამოდ დაკარგა.

ახლა ერთილა აწუხებდა: რაც შეიძლება, მალე მოეშორებინა თავიდან...

— მგონი, სამგზავრო მატარებელი ჩქარა მოვა. წადი, ეტლი შეაბმევინე და გაგზავნე, რომ არჩილს იქ ცდა არ მოუხდეს.

— ახლავე...

— თქმა აღარ გინდა, როგორც უნდა მოექცე არჩილს...

— ნახავ, მამა, შენს არჩილს ი სულელ თავს როგორ გამოვუსულელებ!.. მგონი, ამალამვე ნიშნობა მოვახდინო... — ღიმილით უპასუხა თეკლემ.

— კიკოსაც დაუძახე!.. — ეშმაკურად უთხრა ვახტანგმა თეკლეს, რომ წმინდა გრძნობა მოეგონებინა, რომ ამ მოგონებით არჩილის ცოლობაზე ცოტა ყოყმანობა მაინც გამოეწვია და შეესყიდა თეკლეს თავისი საქციელი, მაგრამ...

— კიკო ქალაქს უკვე წასულა! გოგომ მითხრა, კიკო წელან ცხენით სადგურისკენ მიდიოდაო...

VI

— რაო, რაო?! აღარ გაბედოთ მაგის გამეორება, თორემ!.. — გული ყელში მოებჯინა, სიბრაზით ნერწყვი შეუშრა და ვეღარ განაგრძო ლაპარაკი ალექსიმ.

— გავბედავ კი არა დაგიმტკიცებთ ყოველსავე ჩემ სიტყვას და ცხადად დაგანახვებთ, რა ზნეობის ადამიანია იგი! — უფრო ბეჯითად წამოიძახა ნიკომ და თვალები სულ აენთო.

— უი, უი!.. თქვენ ილიაზე ამბობთ. ბატონო ნიკო, მაგას?!. ვანოს მომხრეებს კი ხმა არ ამოელებათ ზნეობაზე!.. — გადაწყვეტით მიუგო ქ-მა ქეთევანმა ნიკოს.

— დადიან და ავრცელებენ ტყუილ ხმებს, ხან რას იგონებენ და ხან რას?!

— ვინ, ვინ?! — თითქო დასაკრავად მიდისო, ისე წაეტანა ალექსის გაბრო და გონებადაბნეული გაიძახოდა: — ვინ, ვინ?.

— ეს რა კაცობაა, რომ ჯერ უარი განაცხადა, ისე მედიდურად გამოგორდა და დაიძახა: აღარ მინდა, აღარ შემიძლიან ბანკში სამსახურიო, და მეორე დღესვე კი შესკუპდა და ისევ ისე განაგებდა! — ზიზლით წარმოსთქვა მიშომ.

— გაგიხარდებოდათ კია, რომ მართლა გასულიყო და ეანო დედაბუდიანად ბანკში დასახლებულიყო!.. ხა, ხა, ხა!.. თავმჯდომარემ როგორ მაშინვე დაურიგა ადგილები!.. „შენ, როგორც მოადგილე, დირექტორების თავმჯდომარედ იქნები, შენ კიდეც მეორე დირექტორად და შენ კიდეც“... ხა, ხა, ხა!.. სასაცილო არ არის ამისთანა საქმე! — ისე ცოცხლად გააჯავრა თავმჯდომარეს ანდრომ, რომ თ. ილიას მომხრეებმა სიცილი ასტეხეს, თ. ვანოს მომხრეებს კი ბრაზი მოერიათ და...

კაცი ვერც თავს ვაუგებდა და ვერც ბოლოს. სიტყვებს აღარ ზოგავდნენ, აღარაფერს და აღარავის ერიდებოდნენ, ლანძღავდნენ ერთმანეთს უშვერი სიტყვებით. ქალი და კაცი ერთმანეთს აჭარბებდა...

კიკომ საათს დახედა და თავი გაიქნია. შუალამე გამხდარიყო. „საქველმოქმედო განზრახვით შეიყარნენ აქ. უნდოდათ რაღაც საქმე გამოერკვიათ და ესენი კი რას გაეზნენ!“ — გაიფიქრა კიკომ და წასვლა დააპირა.

პირველად იყო კიკო ამ სახლში. მთელ საღამოს ხმა არ ამოუღია და თავსა და ბედს იწყევლიდა, რომ ამ დღეს აქ მოვიდა. აგერ ორი წელიწადი გავიდა, რაც თეკლეს წერილი მიიღო და მას შემდეგ სულ იმის მეცადინეობაში იყო, რომ თეკლეს პირდაპირ არსად შეხვედრიყო. ბანკის კრებაზედაც კი არ დადიოდა, რადგანაც ფიქრობდა: „თეკლე უთუოდ ესწრება და წინ რომ შევეფეთო, მაშინ...“ „ვერიდებოდი ლოლოსა, დამხვდა ორღობის ბოლოსაო“, სწორედ ეს დაემართა კიკოს, სადაც არ მოელოდა, იქ შეხვდა. ამ საღამოს ლევანი შეხვდა და უთხრა: „უუპველად უნდა წამოხვიდე. მეც იქ მივდივარ.“

ლარიბ სტუდენტების ფონდზე იქნება ლაპარაკი. ამაღამ უეჭველად უნდა დავაბოლოვოთ, თორემ მეტისმეტად გაჭიანურდაო“.

კიკოს არ უნდოდა, მაგრამ უარი ვეღარ უთხრა. დანიშნულ ადგილს მივიდნენ. ჭერ რამდენიმე კაცი მოსულიყო. დიასახლისმა კიკოს გააცნო, ვინც არ იცნობდა, და შემდეგ ისევ სხვებთან ბაასი განაგრძო.

არ გასულა ნახევარი საათი, რომ თითქმის ყველანი მოვიდნენ და ყველაზე ბოლოს თეკლემ შემოაღო კარი. დიასახლისი მიეგება და სათითაოდ ყველანი გააცნო, ვისაც კი არ იცნობდა...

— ღმერთო! — უსიტყვოდ შესძახა კიკომ და ჭირის ოფლმა დაასხა.

უნდოდა დამალულიყო, მაგრამ როგორ, როდესაც თეკლე დიასახლისმა იმასთან უკვე მიიყვანა.

— კიკო ხეველი! — უთხრა დიასახლისმა თეკლეს...

— ძლიერ სასიამოვნოა ჩემთვის თქვენი გაცნობა. ბევრი კარგი გამიგონია თქვენზე!.. — უთხრა თეკლემ და ხელი გაუწოდა.

კიკომ თავი დახარა, რომ მღელვარება არავის შეემჩნია და თეკლეს გამოწვდილ ხელს ხელი მიაგება...

ხელი დაეწო. ტანში ჟრუანტელმა დაურბინა და მუხლები მოეკეცა.

თეკლეს გაბრუნებას ვეღარც კი მოუცადა, რომ მოდუნებული სავარძელზე დაეშვა...

— რატომ მაგრე ჩაფიქრებულხართ და ამ გაცხარებულ ბაასში მონაწილეობას არ იღებთ?! — დაეკითხა დიასახლისი კიკოს და გვერდით მიუჯდა.

— მე?.. არ ვიცი! — დაბნევით უპასუხა და იმისკენ მიბრუნდა.

— თეკლეს სიმშვენიერემ ხომ არ გაგიტაცათ, რომ სულ იმას უცქეროდით?

— მე?..

— მე შეგამჩნიეთ, უარს ნუ ამბობთ!.. საშინელი მღელვარებაც შეგეტყვოთ, ხელი რომ ჩამოგართოთ...

— ვის არ ააღელვებს მაგისი სიმშვენიერე!.. — ძალდატანებულის ღიმილით უპასუხა მხოლოდ იმისთვის, რომ ეპასუხნა რამ.

— თქვენ არ იცნობთ მაგას, რანაირი კეთილი და, ამასთან, ხომ ხედავთ, რა მშვენიერიც არის! მაგრამ, საწყალს, ქმარი მეტისმეტი უზნეო და სულელი გამოადგა. — უკანასკნელი სიტყვები წუწუნით წარმოსთქვა დიასახლისმა.

— მგონი, მაგისი ქმარი, ვიდრე მაგის ქმრად გახდებოდა, მაშინაც სულელი და უზნეო იყო. ამისთვის აქ „გამოადგას“ ადგილი არა აქვს. უთუოდ იცოდა, როგორიც იყო არჩილი და ამისთვის ახლა აღარ უნდა ინანოს.

— რა ვიცი, იცოდა თუ არა, და გინდაც სცოდნოდა, რას იზამდა, როდესაც მამამ მოისურვა! ერთადერთი ღირსება მაგის ქმარს ისა აქვს, რომ ძალიან მდიდარია და, ამასთან, გამოჩენილი თავადიშვილის გვარისაა. ხომ კარგად იცით, ჩვენი მამები რანაირ ყურადღებას აქცევენ ამ ღირსებას?!. თეკლემაც რაკი დედისერთა იყო, აღარ აწყენინა და მამას თავისი თავი მსხვერპლად შესწირა...

— გმირობა ჩაუდენია!..

— თქვენ იცინით და მე კი მაგას სწორედ გმირობას ვუწოდებ...

— გეფიცებით, სიცილის გუნებაზე სრულებით არა ვარი!..

— მაინც რაღაცნაირი კილოთი სთქვით.

— მე, აკი მოგახსენეთ...

— ქალბატონო, პატარა ხანს აქ მობრძანდით! — მიმართა დიასახლისს მოსამსახურე გოგომ, რომელიც, ის ის იყო, შემოვიდა და კიკოს სიტყვა გააწყვეტინა.

— ოხ! — სიამოვნებით ამოისუნთქა, დიასახლისი რომ წავიდა, და კუთხე დაიჭირა, სადაც სხვა ველარავინ მოთავსდებოდა. დიდხანს ელოდა: ან ახლა დაიწყებენ „ღარიბი სტუდენტების ფონდზე“ მსჯელობას, ან ახლაო, მაგრამ სტუდენტები ვილას მოაგონდებოდა ამისთანა გამწვავებული ბაასის დროს. როდესაც ბაასმა უკიდურესობამდის მიაღწია და საათმა, შუალამე უკვე შესრულდაო, უთხრა, კიკო წამოდგა. დია-

სახლის თვალი მოჰკრა, მივიდა და ხმადაბლა გამოემშვიდობა.

— გაპარვა გინდათ, ბატონო კიკო, აკი დამპირდით, გააცილებთო?!

— მე?!

— დიახ, თქვენ!.. ოხ, რანაირი გულმაღვიწყი ყოფილხართ!.. — ღიმილით უთხრა კიკოს თეკლემ და დიასახლისს გამოსამშვიდობებლად ხელი გაუწოდა.

— თუ დაგპირდით, დიდის სიამოვნებით!... — წამოიძახა და მთლად გაწითლდა.

— აა, თეკლე. დიდი ეშმაკი ხარ!.. შენ წასვლა გინდოდა და, კიკო რომ მიდის, გინდა ისარგებლო...

— რას მეუბნები, გენაცვა! ჩემთვის სასიამოვნოა შენთან ყოფნა, მაგრამ ცოტა უგუნებოდ ვარ. — თითონაც გაუკვირდა თავის სიტყვებისა. არ იცოდა, რისთვისა სთქვა ეს.

— დღეს ხომ ვერ მოვასწარით ფონდზე ლაპარაკი და მაშროდისლა შევიკრიბნეთ? — დაეკითხა დიასახლისი თეკლეს და კიკოს.

— მგონი, ამ ორიოდ-სამ დღეში ვინც აქ არის, ყველა სოფელში წავა და, არ ვიცი, ენკენისთვემდის კრების დანიშვნა მოსახერხებელია თუ არა. — უპასუხა კიკომ და კარიბჭეში გავიდა.

— ეს რა უბედურებაა, ამ საქმეს ბოლო ვერ მოვუღებთ?! ახლა რომ გავვეთავებინა, ამ ზაფხულს სოფლებში ბევრ ფულს შეაგროვებდა ყველა ჩვენგანი, — დაღონებულის კილოთი წარმოსთქვა დიასახლისმა და თეკლეს საგამომშვიდობისოდ აკოცა.

— განა არ შეიძლება, ფული ამ ზაფხულს მაინც შეიკრიფოს. — უპასუხა კიკომ და მაშინვე დაუმატა: — ღამე მშვიდობისათ!..

— რასაკვირველია!.. არ დაგვივიწყოთ. მოდით ხოლმე, სოფლიდან რომ დაბრუნდეთ.

— ვეცდები!..

— კიკო, ნუთუ არ გინდა დავიწყო ჩემი ამბავი?! — ხმის კანკალით შეევედრა თეკლე და ახლოს მიუჯდა.

— წმინდათ შევასრულე თქვენი თხოვნა: დავივიწყე ყველაფერი, რაც ჩვენს შორის მოხდა.

— კიკო, გენაცვა, დაანებე თავი მაგ კილოთი ლაპარაკს!.. მოიგონე ის ღამე!... ღმერთო, ერთხელ მაინც კიდეე გამაგონე ის ნაზი გრძნობით საცხე ხმა და მითხარ: „სამუდამოდ“...

— კმარა, თეკლე... რაც იყო, ის აღარ დაბრუნდება... შენი წერილი რომ მივიღე, კინალამ გავგიჟდი... ისე შემძულდა ჩემი თავი, რომ კინალამ თავი მოვიკალ. გიჟივით ვიძახდი: ისე როგორ გავკადნიერდი, რომ თეკლეს, ციურ არსებას, ჩემის ჭუჭყიანი ხელით შევეხე. რამდენადაც ჩემს თავს ვამცირებდი, იმდენად შენ გამაღლებდი, მაგრამ, ოხ, ღმერთო, რად მოხდა ეს?! ნეტავი, სულ ისე ყოფილიყო: ჩემი თავი საძაგლად მეცნო და შენ კი... ისევ ის თეკლე ყოფილიყავი ჩემს წარმოდგენაში!.. მაგრამ, იმას ვამბობდი, სურათი შეიცვალა, როდესაც შევიტყე, რომ შენ არჩილის, იმ სულელისა და, უკაცრავად ბრიყვის მეუღლე გახდი... ჩემს წარმოდგენაში შენ ჩემი ადვილი დაიჭირე და მე კიდეე — შენი. შენ დაეცი ჩემ თვალში და მე კი ავმადლდი... ოხ, ნეტავი სხვა, ჭკვიანი, შენი ღირსი შეგერთო ვინმე! მაშინ მე ისევ შენი თაყვანისმცემელი ვიქნებოდი... ეხლა კი...

— კიკო, მაკმარე!... გეფიცები, ძალა იხმარ...

— გაჩუმდი, გაჩუმდი!... სხვა რომ მოატყუო, მე ვერ მომატყუებ... შენ სრულის შენი ნებით და. ამასთან, სიხარულითაც მისთხოვდი! შენ შელახე შენი წმინდა გრძნობა, შენი ადამიანობა და სიმდიდრეს და გვარიშვილობას მიჰყიდე.

— კიკო, გვედრები, მაპატივე! მე თითონ ვიტანჯები. ვგრძნობ. რა საზიზლარი ნაბიჯი გადავდგი, როდესაც შენ წერილი მოგწერე. ის არ მოგწერე, რასაც გული მეუბნებოდა. გონებას დავემორჩილე... წმინდა გრძნობა სიმდიდრეზე, პატივის-ცემაზე გავცვალე. ამას მართალს ამბობ. მაშინ მართო გრძნობა არ მაკმაყოფილებდა. მეგონა, გრძნობა შორს ვერ

წამიყვანსმეთქი. მაგრამ ახლა კი ვხედავ, ჩემო კიკო, რა შეცდომა, რა დანაშაულობა ჩავიდინე. რაც ჭვარი დავიწერე, ერთი წამიც არა მქონია ტკბილი ცხოვრება. გებრალეზოდე, კიკო, ხომ ერთხელ მაინც გიყვარდი! ეხლა სიმღ-დრე, პატივისცემა, დიდი გვარის რძლობა მაქვს, რასაც ჩემი გრძნობა ვანაცვალე, მაგრამ, ოხ, ღმერთო, თანაგრძნობა აღარა მაქვს! სიმდიდრესთან გულის სიღატაკე, სიცალიერე, მარტობა შევიძინე... კიკო, ვერ წარმოიდგენ, რა მტანჯველი, მქენჯნავი ყოფილა მარტობა, გულის სიცალიერე! — გულამოსკვნით წამოიძახა და ქვითინი მორთო.

— სააქაოსვე ჯოჯოხეთი, — განაგრძო თეკლემ ქვითინით, — გავიჩინე მე უბედურმა!.. და შენც... კიკო, კიკო, ნიშნს მიგებ!.. არ მეგონე... აჰა, დასტკბი ჩემი ტანჯვით!..

— თეკლე, გენაცვა, დაჩუმდი! — ცრემლებმა მოუღობო გული და ხვევნა დაუწყო... — თეკლე, ჩემო კარგო, დაჩუმდი!... — თითქმის ტირილით უთხრა და გულში ჩაიხუტა...

— კიკო, კიკო, კიდევ გამაგონე ეგ ხმა!.. ახ, რა ბედნიერი ვარ!.. რა ტკბილია ეს წამი... თბილა, ნეტარი!.. — აღტაცებით გაიძახდა თეკლე და თან კიკოს ახლა თითონ იკრავდა გულში, თავზე, შუბლზე ჰკოცნიდა... — ჩემო კიკო, ჩემო, ჩემო. ხომ სამუდამოდ ასე ვიქნებით?! ბედნიერები... კიკო, კიკო!.. — ჩასჩურჩულებდა ნიავსავით კოცნის ღროს თეკლე. კიკო კი მოღუნდა, მოიქანცა და პასუხის მიცემის თავი აღარა ჰქონდა...

— ჰო!.. თეკლე!... ჩემო... — აკვნესდა კიკო ძალაგამოცლილი...

— კიკო, კიკო!... ჩემი ხარ, განა?! ჩემი, ჩემი, ჩემი!..

— ჰა?! შენი?! ჰო!.. არა!.. მერე!.. — უეცრად მოიკრიფა ძალა და ზეზე წამოდგა.

— წავიდეთ!..

— მოიცა, კიკო, რატომ მაგრე შეიცვალე? ხომ ჩემი ხარ?!.

— მერე!... მერე!.. წავიდეთ ახლა!.. — უპასუხა გადაწყვეტილი და კარებთან ელექტრონის, ზარის ღილს თითი დააჭირა. — ორ საათზე კეტავენ „პურ-ღვინოს“. ახლა კი, აი, მესამეც, ჩქარა შესრულდება, — უთხრა კიკომ და საათი აჩვენა.

— მოხუცო, რა გერგება!? — დაეკითხა კიკო მოსამსახურეს, რომელიც ზარის დარეკაზე საჩქაროდ კაბინეტში გაჩნდა.

— ორი მანეთი.

— აი, აქეთ მობრძანდით, იქით კარი დაკეტილია! — მოახსენა მოსამსახურემ და ეზოსკენ გასავალი კარი მარდად გაუღო.

VIII

— ეეებს!... — გაახილა თვალები თუ არა, თეკლეს გულის სიღრმიდან აღმოხდა ეს ხმა.

რად?... თითონაც არ იცის. გრძნობს, რო ძალიან იქენჯნება, გული დახურული, დაბეჭდილი აქვს; ტანი მოშლილი, გონება დაბუნდოვებული და სული ხომ...

— ეებს!.. — კადევ ამოხდა გულიდან თეკლეს და თვალე-ბი წყლით აევსო.

განძრევა უნდოდა: თუმცა ერთი წყვილი ცრემლიც გადმოვარდა, პირველ წყვილს მეორეც მოჰყვა, მაგრამ ჩუჩუნიც არ მოიღო; ხელის ალებაც ეზარება, რომ თვალები მოიწმინდოს, თათქოს მთელი ტანი დადამლავებული ჰქონდესო, ისეა ლოგინში მოღეშილი...

რადა?..

არ იცის. ახლა თეკლე ისეთ მდგომარეობაშია, რომ არავითარი აზრი თავში არ ებადება: არც წარსული, არც აწმყო იმისთვის არ არსებობს და არც რამ ახსოვს...

რად?..

არ იცის. პასუხის მოცემა არ შეუძლიან. ან კი როგორ მოგცემს პასუხს, როდესაც გონება დაჩლუნგებული, დადუნებული აქვს?! გრძნობს მხოლოდ ერთს: სხეული, გონება, გული, სული მოდამლავებული აქვს და...

— ღმერთო, ღმერთო!.. ერთი წვეთი მაინც!.. ერთადერთი წვეთი! — მთელი სხეულის მოკუმშვით წამოიძახა თეკლემ და მღელარება გადმოხეთქა.

გონება გადაეწმინდა და სხეულიც მოძრაობაში მოუვიდა.

ახლა კი შეუძლიან პასუხის მოცემა. „ერთი წვეთი მაინც!“ —
აი, პასუხი.

„ერთი წვეთი მაინც“ თანაგრძნობისა რომ იყოს, მაშინ
თეკლეს სული და სხეული გადიშლებოდა, აღფრთოვანდებოდა და...

— კიკო, კიკო, ნუთუ ჩემს შეცდომას არ მაპატივებ?! —
ლოგინში წამოჯდა და, თითქოს წინ უღდას ვინმეო, ისე შე-
ევედრა.

მოაგონდა წინანდელი ღამე. მოაგონდა, როგორ ივანშმა
კიკოსთან ერთად „პურ-ღვინოში“ და იგრძნო კიდეცაც, რომ
ის, თუმცა ბოლოს დროს ეხვევოდა, ეალერსებოდა, გულ-
წრფელი არ იყო!

— იქნება მართლა კიკომ მაპატივა და ისევ დაუბრუნდა
ჩემი სიყვარული?! — წამოიძახა და ზარი დაურეკა მოსამსა-
ხურე გოგოს.

— რა გნებავს, ქალბატონო?!

რისთვის დაურეკა ზარი, რისთვის დაუძახა გოგოს?! არ
იცოდა. დაიბნა მოსამსახურის კითხვაზე.

— რა მნებავს?! რა ვიცი, რა მნებავს?! ჰო, მართლა, არ-
ჩილი შინ არის?!

— არა. წუხელის არ მოსულა.

— წუხელის არ მოსულა... ჰო... მართლა, რა დროა?

— ათი საათი გახლავს.

— ახლა კი მომაგონდა, რისთვის დაგიძახე. წერილი ხომ
არავის მოუტანია?! — დაეკითხა თეკლე და ლოგინიდან ია-
ტაკზე ჩამოვიდა.

— როგორ არა, ქალბატონო, ვილაც ბიჭმა მოიტანა და
სთქვა, ქალბატონ კნეინას გარდაეციო...

— მოიტა ჩქარა, ჩქარა!.. — დაბნევით უთხრა და თითქმის
კისრის კერით გააბრუნა მოსამსახურე გოგო...

— კიკოსაგან იქნება, კიკოსაგან!.. წუხელის მითხრა: მერე,
მერეო. ღმერთო, რას მომწერდა?!. იქნება დაუბრუნდა უწინ-
დებური სიყვარული და... ღმერთო, ღმერთო!.. ვუყვარვარ ისევ
კიკოს, მე იმისი ვიქნები და ის კიდე ჩემი!... — ნაწყვეტად გა-

იძახოდა: ოთახში და პერანგა, ფეხშიშველა დარბოდა... — ოხ, რა ბედნიერი ვიქნები!..

— აი!.. — შემოიტანა ამ დროს მოსამსახურე გოგომ წერილი და გაუწოდა...

— კარგი, წადი!.. — კონვერტი გამოგლიჯა ხელიდან და გოგო დაითხოვა.

„ჩემო თეკლე, — დაიწყო წერილის კითხვა ტანის კანკალით: — შე ჩავუკვირდი ჩემ თავს, ჩემ გრძნობას და, ვფიცავ ზეცას, მთელ ღამეს არა მძინებია. სულ ჩემ გულს ვუკვირდებოდი. მინდოდა, წამიერი გულისტქმა ძლიერ გრძნობად გარდამექმნა, რომ შენს უკანასკნელ კითხვაზე „ჰო, შენი ვარ სამუდამოდ“ მეტქვა, მაგრამ...

„დაივიწყე: ჩემო თეკლე, ყველაფერი; რაც ჩვენ შორის...“ თვალთ აუჭრელდა, თითები მოუდუნდა, და წერილი ხელიდან გავარდა.

— ჩემი წერილი... რაც მე მივწერე... კიკო, კიკო! — კვნისით წამოიძახა და ორსავე მხარეს ჩამოშლილ გიშრისფერ ხშირხუჭუჭა თმას, რაც ძალი და ღონე ჰქონდა, დაეჯახურა.

— დუღუკის ხმა!.. ეტლი ჩვენ კარებთან შედგა!.. ვინ... ზარის ხმა! — ნაწყვეტად გაიძახდა თეკლე, როდესაც დუღუკის ხმა შემოესმა და რამდენიმე ეტლი იმათ კარებთან შედგა.

სარკმლიდან უნდოდა გადაეხედნა, მაგრამ ამ დროს შემოესმა კიბეებიდან ფეხის ხმა და „ჩაჰბერე, კიკლი, ჩაჰბერე“-ს ძახილი და...

— არჩილი, არჩილი! — წამოიძახა და სასოწარკვეთილი იქვე ჩაეხვია.

— ლეკური, ლეკური! — დაიღრიალა არჩილმა, როდესაც ბრახაბრუხით, კარების შემოჯახუნებით შემოვიდა ზალაში, და თითონ კი თეკლეს ოთახისკენ წამოვიდა.

მედუღუკეთ ლეკური გააჩაღეს. არჩილმა კი ორივე ხელი თეკლეს ოთახის კარებს ზედმიწევნით მაგრა ჰკრა.

კარის ორივე ნახევარი უეცრად შეიღო და...

— არჩილ! — შეჰყვირა ზიზლით, ფეხზე წამოქრით თეკ-

ლემ, როდესაც კარებში გაღეშილი არჩილი გამოეცხადა, და გაქცევა დააპირა.

— ოხ, ჩემო თეკლე, ჯერ არ ჩაგიცვამს?! ჰა?! ოხ, რა მშვენიერი ფეხები გქონია! — ნერწყვმორეულმა წამოიძახა და ხელი წაატანა თეკლეს ფეხს. დაკუზვის დროს პირქვე დაეცა, მაგრამ ფეხში მაინც სწვდა და მაგრა დაიჭირა.

— არჩილ, რას შერები! — შეუტია და მაგრა გამოსწია ფეხს, მაგრამ ვერას გახდა.

მღულარე გადაესხა, დაიფუფქა. უნდოდა, იატაკი ჩანგრეულიყო და შიგ ჩავარდნილიყო, რომ სხვას მაინც არ დაენახა ეს სურათი, მაგრამ იმისი სურვილი არ ასრულდა: იატაკი არ გასქდა, არ ჩაინგრა და არჩილის ამქრებიც ღრეკით შემოიციქირებოდნენ. არჩილი კი ენადაბნევით გაიძახდა: რა ფეხებია, რა ფეხებია და ლოშნიდა თეკლეს ფეხს.

კიდევ შეეცადა ფეხის წართმევას, გამოსწია ფეხს, მაგრამ ღონემიხდილი იქვე სავარძელს მიესვენა...

— სულ ერთია!... — ამოკვნესით წამოიძახა და ჰირისოფლი შუბლიდან ხელის გადასმით გადაიწმინდა.

ახლა სულერთი იყო იმისთვის. ესე პერანგაც რომ გამოეტანათ შუა ზალაში და ეთრიათ, ამასაც გულგრილად უგრძობლად გადაიტანდა.

ი უ ლ ა

(სააღდგომო ეტიუდი)

I

— ...მომგვარეთ კაცი ესე, ვითარცა გარდამაქცეველი ერისა. მეც განვიკითხე, მაგრამ, როგორც თქვენ თითონ ნახეთ, ბრალი ვერა ვპოვე რა. ეს არას დროს არა ყოფილა გარდამაქცეველი ერისა. სრულებით უბრალოა. იროდმაც, რომელააც ვაახელ, ვერა ჰპოვა რა. ამისათვის ვაკმარებ, რაც სასჯელი მივაყენეთ და განვათავისუფლებ. — მაღალის ხმით ეუბნებოდა პილატე ბრბოს და დროგამოშვებით გადაჰხედავდა ხოლმე იესოს, რომელიც მის წინ ღრმად ჩაფიქრებული, ფერმიხდილი ეკლის გვირგვინით იდგა და, თითქოს მის სიკვდილ-სიცოცხლეზე არ იყოს ცილაობაო, არავითარ მონაწილეობას არ იღებდა. იგი დაღვრემილის თვალებით ძირს ჩაიკვირებოდა და ევედრებოდა უფალს, რომ ბრბოსთვის მიეტევებინა ეს საქციელი.

ბრბო კი მღვდელმთავრებისაგან წაქეზებული ჰყვიროდა პილატეს საპასუხოდ:

— ეგ მაცდურია!.. ხალხსა რყვნის!.. კეისრის წინააღმდეგია!..

— გაიგონეთ, ეს უბრალოა და ყოველივე თქვენი ნაამბობი ცილის წამებაა!..

— როგორც ვხედავთ, შენც კეისრის წინააღმდეგი ყოფილხარ, რომ მაგ მეამბოხის, ტახტის მაძიებელის განთავისუფლება მოგისურვებია!.. — წამოიძახეს აქაიქ ბრბოდან მღვდელთა და მღვდელმთავართა, რაც ბრბომ აიტაცა და ერთ ჯმად იგრიალა:

— პაა, შენც კეისრის წინააღმდეგი ყოფილხარ!..

პილატე შეკრთა, არ მოელოდა, რომ ამგვარ ცილს თვით მასაც შესწამებდნენ. „ეს ბრბო, — გაიფიქრა შეშინებულმა უნებურად: — არავითარ საშუალებას არ დაერიდება, რომ ნიშანში ამრღებული კაცი დაამხოს და, შესაძლებელია, მეც თან მიმაყოლოს“. ამისათვის სასოწარკვეთილმა თავი ძირს დახარა და იესოს განთავისუფლების იმედი დაჰკარგა.

— ხალხნო! — უეცრად თავი მალა აილო ცოტახნის წუხილის შემდეგ პილატემ და გაბრწყინებულის სახით ხალხს მიჰპართა: — დღესასწაული მოახლოვებულია. მამა-პაპათა ჩვეულება თხოულობს სადღესასწაულოდ ერთერთი პყრობილის განთავისუფლებას. ხომ იცით, ამჟამად შეპყრობილია ბარაბა, ავაზაკი, კაციკალია. იმის სახელს სულ რამდენიმე დღის წინად შიშით და ძრწოლით ახსენებდით. ის არ ინდობდა არც კაცს, არც ქალს და უსუსურ ბავშვსაც კი. რომელი გნებავთ განვათავისუფლო: ბარაბა თუ ეს უბრალო კაცი?

— ბარაბა, ბარაბა მოგვიტევე ჩვენ!.. — იღრიალა ბრბომ და ეს ხმა შორს, შორს გაისმა...

— ვინ?.. ბარაბა?.. ჩაფიქრდით, ვის განთავისუფლებას თხოულობთ?.. — თავზარდაცემული პილატე ეკითხებოდა ბრბოს. მაგრამ დაბრმავებული ბრბო მაინც თავისას გაიძახოდა:

— ბარაბა, ბარაბა მოგვიტევე ჩვენ!..

— მაშ რა ვუყო ამ კაცს, რომელსაც „მეფე ურიათა“-ს უწოდებთ? — განრისხებული პილატე დაეკითხა ბრბოს.

— ჭვარს აცვი, ჭვარს აცვი ეგე!..

პილატე მოიშალა, მოდუნდა და წყალი მოითხოვა.

— მე უბრალო ვარ და ამ კაცის სისხლი მე ნუ მომეთხოვების!.. — გადიბანა ხელები და შემდეგ იესოს შოლტი გადაჰკრა იმის ნიშნად, რომ უკვე ყოველივე გათავებული იყო და იესო შეეძლოთ წაეყვანათ ჭვარსაცმელად*.

— ჩვენ თავს და ჩვენ შთამომავლობას მოეთხოვოს მაგი-

* მთლად ეს ამბავი თითქმის სიტყვა-სიტყვით მოყვანილია სახარებო ბიდან: იხილე სახარება მათ. XXVII; მარკ. XV; ლუკ. XXIII; იოან. XIX.

სი სისხლი!.. — ალტაცებით შესძახა ბრბომ და იესოს გარს შემოეხვია, რომ კაიაფასთან ** ცემატყეპით წაეყვანა.

— ხა, ხა, ხა, ხა!.. — გვერდიდან მოესმა იესოს გულის სიღრმიდან ამონახეთქი შხამით და გესლით გაჟღენთილი ყრუ ხარხარი, როდესაც პილატემ ბრბოს თხოვნისამებრ ჯვარცმა მიუსაჯა.

იესომ იცნო ეს ხმა, და ცემაგვემას, დამცირებას ისე არ უმოქმედნია, როგორც ამ ხარხარმა იმოქმედა...

გული დაეკოდა და ლმობიერად გაიხედა იქით, საიდანაც ხარხარი შემოესმა.

წყვილი მოელვარე - თვალი, რომელშიაც გამარჯვებული გულის სიღრძო იხატებოდა, დახვდა იესოს თვალებს...

— მაცდურო, ეხლალა იხსენ თავი შენი!.. — ისარივით სტყორცნა იესოს ეს სიტყვები მოელვარე თვალების პატრონ-მა და, თითქოს ემალემა ვისმეო, გვერდით მდგომთ ეფარებოდა და ძირიდან გამოაკვესებდა თვალებს...

იესომ არ მოარიდა თვალი. თვალი თვალში გაუყარა და უნდოდა ეთქვა რამ, მაგრამ სიტყვის მაგივრად თავი ოდნავ ჩაიქნია და წყვილი ცრემლი ქუთუთოებზე გადმოეკიდა და ფერმიხდილ ღაწვებზე ჩამოსაგორებლად კრთომა დაიწყო.

— ხაა! — მოპირდაპირე კი უფრო მოიხარა, გველივით თვალები შეაკვესა და უნდოდა გამარჯვების ხარხარი მიეხალა იესოს ცრემლებისათვის, პირიც დაალო და მხოლოდ ყრუდ „ხაა“-ლა ამოხდა, რადგანაც ვერ გაუძლო იესოს თვალებს. და ხარხარი შუაზე გაუწყდა. საჩქაროდ რიდე ჩამოიფარა და გატრიალდა.

II

— ფუი, საზიზლარი, როგორ შემომამტერდა?! როგორ მეც შეეკრთი?! ხა, ხა, ხა!.. ბავშვივით კი გამაჩუმა და გამო-მაბრუნა. სწორედ მომჯადოვებელია, მომჯადოვებელი... პილატეც როგორ მოუჯადოვებია... რანაირად სცდილობდა იმის განთავისუფლებას... ისიც, ისიც ეგრე მოაჯადოვა... ისიც...

** კაიაფა უფროსი მღვდელ-მთავარი იყო ავტორი.

ოხ, მარიამ, მარიამ!.. ისე როგორ მოგაჯადოვა მაგ მაცდურმა, რომ... რომ... მაგრამ, ზოგი ახლა მოაჯადოვოს, როდესაც ჯვარს აცვამენ... მარიამ, მაშინ ხომ დარწმუნდები, რომ ეგ საზიზღარი მატყუარა იყო, რომ... ოხ, რანაირად მეშინოდა, როცა პილატე განთავისუფლებას სცდილობდა... რო გაეთავისუფლებინა?! არა, ეგ შეუძლებელი იყო!.. თვით ძალს, ცისანიც რომ ჩამოსულიყვნენ მაგის დასახსნელად, კაიაფას ბრწყალებიდან ვერ გამოჰგლეჯდნენ... შენ უნდა მოკვდე და მოკვდები კიდევ! — ასე მიბუტბუტებდა რიდეჩამოფარებული და თან ბრბოს მიარღვევდა, რომ ნაპირას გასულიყო.

ბრბო კი ყვიროდა, მის სიხარულს საზღვარი არა ჰქონდა. ყველა სცდილობდა, ეკლის გვირგვინით შემოსილ იესოს მიახლოებოდა, რომ რაიმე შეურაცხყოფა მიეყენებინა და შეურაცხყოფის დროს, რაც შეიძლება ჭკუამახვილობა გამოეჩინა, რომ ბრბო გაეცინებინა. იესო კი ძალმიხდილი, ხმის ამოუღებლად მისდევდა შეიარაღებულ ლეგიონთ, რომელთაც გზა ტაძრისკენ ეჭირათ, სადაც კაიაფა და სხვა მღვდელმთავრები შემოსილები ელოდნენ იესოს...

ბრბომ რამდენჯერმე შეაყენა ლეგიონები. ქუჩა, ამ ქუჩისპირა სახლების ბინები, სარკმლები ნათლად მოკირწყლული იყო დიდით და პატარით, ქალით და კაცით. ლეგიონები იძულებულნი შეიქმნენ წათებისათვის მიემართნათ და იმათ საშუალებით გაეპოთ ბრბო, რომ ცოტათი მაინც ფეხი აეჩქარებინათ...

— ვის ვემალები? რა მაქვს მოსარიდებელი, რომ რიდეჩამოფარებული ვსდგევარ?! — ამაყად წარმოსთქვა რიდეჩამოფარებულმა, როდესაც ბრბოს განაპირას გავიდა და თავისუფალი ადგილიდან მზერა დაუწყო ამ საოცარ ბრბოს მსვლელობას. ამ სიტყვებთან ერთად რიდე მოიგლიჯა და შორს გადასტყორცნა...

— ეს იუდაა, იესოს მოწაფე, რომელმაც მასწავლებელი გაყიდა და ახლა, ვერა ხედავ, როგორ ურცხვად სტკბება იმის ტანჯვით! — ანიშნა ერთმა ჭაბუკმა მეორეს და ხალხში შეერია.

მეორე ჭაბუკი კი შეფერხდა და დააშტერდა. იუდამ ვერ გაუძლო ამ ჭაბუკის მზერას. სახე დაეღრიჯა და პირი უკულმა წაიღო. ჭაბუკმა კი ზიზლით მიაფურთხა და გვერდით ჩაუარა.

გულს ლახვარი მოხვდა, როდესაც პირველმა ჭაბუკმა ანიშნა ამაზე მეორეს, და მეორეს მიფურთხებამ ხომ გული სულ გაუპო.

— ამან ოცდაათ ვერცხლად გაყიდა თავისი მასწავლებელი. — ახლა სხვებმა წამოილაპარაკეს და ცხვირწინ ჩაუარეს...

— ოცდაათ ვერცხლად!.. ვინ გამოამყლავნა ეს?! — წაილულულა და საჩქაროდ განშორდა ამ ქუჩას.

რაკი რიდე ველარ იპოვა, თავი ღართით მოიბურა და თითქმის სირბილით გასწია მისახვევ-მოსახვევი ქუჩებით...

„...მღვდელმთავარნი უმადურნი არ იქმნებიან. ისინი გამიწევენ მთარველობას და ხმას გააწყვეტინებენ ბრბოს.. უმადურნი! იესოს სიკვდილი უხარიანთ და თან კიდევ მე მიკეთებენ, მკიცხავენ. მე მივანიჭე ეგ სიხარული და მევე კი მათურთხებენ!... — მილაპარაკობდა იუდა გზადაგზა და ღართით თავს უფრო და უფრო იბურავდა.

ჩქარა გაირბინა ქუჩები. თითქმის არც კი ვინმე შეხვედრია გზაში. ტაძართან მივიდა თუ არა, მაშინვე დიდ დარბაზში შევიდა.

ლურჯად შეღებილი და ოქროს ვარსკვლავებით მოჭედული ცა — დაქნილი, რომელიც სამოცდაათ წმინდა პორფირის ოქროთივე მოვარაყებულ სვეტებს ენაბრებოდა, ოქროსივე ლამპრები, კანდელები და ჭალები, ოქროს ქსოვილებით შემოსილ მღვდელმთავარნი და მღვდლები პირველ შესვლაზე ადამიანს თვალებს უბლატებდა. იუდასაც ეს დაემართა, ის ცოტახანს შედგა კარებში და, თვალი რომ შეაჩვია, წარსდგა კაიაფას წინაშე.

— ამბავი, იუდავ? — დაეკითხა კაიაფა იუდას, რომელსაც სირბილისაგან გულამომჭდარს სუნთქვა თავის ღონეზე არ დასდგომოდა.

— მშვიდობა!.. პილატემ იესოს ჭვარცმა მიუსაჯა და ახლა აქეთ მოჰყავთ.

— ეგ ჩვენც ვიცით... ხომ გახარებს, იუდავ, ეს ამბავი?

— მახარებს, მაგრამ...

— მაგრამ რა?..

— მე... ხალხი გამცემს მეძახის...

— ხომ არა სტყუის?..

— ოცდაათ ვერცხლად გაჰყიდა თავისი მასწავლებელიო, მიყვირის...

— ეგაც ხომ მართალია?

— ზიზღით მაფურთხებენ... ურიდოდ ვერ გავსულვარ გარედ...

— მერე „ჩვენ და რა?“ * ნუ ჩაიდენდი მაგ სამარცხვინო საქმეს და არავინ გიკიჟინებდა... ო

— რაო?! — დაიყვირა იუდამ და თვალები გააკვესა: — თქვენ მოვალენი ხართ...

— ჩვენ ჩვენი მოვალეობა შევასრულეთ. ოცდაათი ვერცხლი ხომ სრულად მიიღე?.. — სიტყვა გააწყვეტინა კაიაფამ და ზეზე წამოღდა.

— აი, თქვენი ვერცხლი!.. — ზიზღით მიაყარა იუდამ ოცდაათი ვერცხლი მღვდელმთავართ და კაიაფას თითქოს საბრძოლველად იწვევსო, ისე დაუწყო ცქერა.

— იუდავ!... წადი...

— მე ახლავ წავალ პილატესთან და ვეტყვი, რომ თქვენ ჭართალი კაცის სისხლის დაღვრა გინდათ!

— გვიანლაა.

— მაგრე მიხდით, ბილწებო, მადლობას?! თქვენ მაწანწალა მატყუარა ხელთ მოგეცით და თქვენ კი... იმაზე უარესი მაწანწალა-მასხარები თქვენა ყოფილხართ!.. — შეჰყვირა იუდამ და გამოტრიალდა...

— საზიზღარო, შენთვისაც მოვიცლით!.. — მიაძახა კაიაფამ და მძიმედ ქშენვა დაიწყო. სხვა მღვდლები კი ამ დროს უკმაყოფილოდ თავებს იქნევდნენ.

* სახარება მათ, XXVII, 4 — 5.

უკანასკნელ წუთებამდის კიდევ იმედი ჰქონდათ მოწაფეებს. ეგონათ, იესო მიეცა მტრებს ხელთ, თავიც მიაღურსმინა იმისთვის, რომ უეცარ, თავის დახსნით ამ უკიდურესს ტანჯვისაგან შთაბეჭდილება ძლიერი იქნება და ამ განცვიფრების დროს მეფედ გამოცხადება ადვილად შესაძლებელიო. მაგრამ იესომ სული განუტევა. დაკრძალეს კიდევაც და ახლა...

გათავდა ყოველისფერი. მოწაფეებს იმედი გაუცრუვდათ. დაიქსაქსნენ ყველანი. აღარა სწამთ რა ადამიანისა. როგორ წარმოიდგენდნენ, რომ ის, რომელიც სამ წელიწადს მათთან სცხოვრობდა და ამ სამი წლის განმავლობაში თითის გაქნევა-შიაც კი სიცრუე არ შეუმჩნევიათ, მთელი თავისი ძლიერებით მოატყუებდათ?! რწმენა შეერყათ და პირველ ხანებში მკვდრებივით დადიოდნენ... ამ სასოწარკვეთილებს ის უბედურებაც თავს დაატყდათ, რომ მღვდელმთავართ მათი შეპყრობის ბრძანება გასცეს. ისიც აღარ შეეძლოთ ახლა, რომ ერთად მოეყარათ თავი და აეხსნათ ერთმანეთისთვის ეს მოვლენა, თავიანთი აზრი ერთმანეთისთვის გაეზიარებინათ. ესენი იძულებულნი შეიქნენ, სათითაოდ სამალავები მოენახათ. ზოგი, ვითა ნადირი. ქალაქ გარეთ უდაბნოში იმალებოდა და ზოგი კიდევ ქალაქში, ნაცნობებთან.

იოანე მოციქულიც ქალაქში მოჰყვა და იმალებოდა ვინმე მარიამთან, მეტად მშვენიერ და იესოს დიდად თაყვანისმცემელ ქალთან. ორნივე ერთად სტიროდნენ თავიანთ დაობლებას და ემდუროდნენ ცას. მარიამის მამა კი ამშვიდებდა ორსავე და ანუგეშებდა...

შულამისას მოვიდა ვინმე ჭაბუკი და უთხრა იქ მყოფთ, რომ კაიათას იოანეს აქ ყოფნა გაუგია და შეიძლება ამის შესაპყრობად ამადამვე თავს დაგესხათო. ამისათვის საჭიროა, დასძინა ჭაბუკმა, ახლავე თავს უშველოსო.

ჭაბუკმა და მარიამის მამამ მაშინვე გაიყვანეს იოანე გარეთ და დასამალავად სხვაგან წაიყვანეს. მარიამმა კი კარი ჩაიკეტა და მამას ლოდინი დაუწყო.

— ახლა კი დროა! — სიხარულით წამოიძახა ლართით მო-
ბურულმა და კარი დააკაკუნა.

— ვინა ხარ? — დაეკითხა მარიამი შიგნიდან.

— მე ვარ, კარი გამიღე!..

— როგორ?! შენ?! აქ რამ მოგიყვანა, შე წყეულო?!

— მარიამ, მარიამ!.. ნუ მწყევლი, კარი გამიღე!.. მეც
ხომ...

— წადი, წადი, შე გამცემო, შე მოღალატე!..

— მარიამ, განა ვის ვუღალატე?! შენ ხომ არა! ის მაცდუ-
რი იყო. ხომ ნახე ახლა, რომ მატყუარა იყო და შენი სიყვა-
რულის ღირსი არ იყო. მარიამ... გამიღე კარი და დაწვრილე-
ბით გიამბობ. ყველამ მაფურთხოს, გამკიცხოს, ოღონდ შენ
ნუ!..

— ოხ, საზიზღარო არსებავ!.. დაიღუპე, სახლს ნუ მიბილ-
წავ!..

— მარიამ, ჩემს გრძნობას მაინც ნუ შეურაცხყოფ!

— წყეულიმც იყოს შენი გრძნობა და შენც მასთან!

— გააღე კარი, თორემ შემოვალ და შენთვის უფრო ცუ-
დი იქნება! — მრისხანედ შესძახა და კარებს ნჯღრევა დაუწყო.

— არ გაბედო, თორემ ფეხს შემოსდგამ თუ არა, მაშინვე
მახვილით გულს გაგიბობ!..

— ვნახოთ! — წამოიყვირა და უფრო გამხეცებით დაუ-
წყო კარებს ნჯღრევა.

— საზიზღარო!.. წყეულიმც იყოს შენი სახელი და ზიზ-
ღით იხსენიებდეს მას ყოველი ერი უკუნითა უკუნისამდე!...

— ააა!.. — დაიღრიალა იუდამ გარეთ და შორს გადახტა.—
რა გინდა ახლა შენ აქ, რა?! ღრიალებდა იუდა და თან გარ-
ბოდა, მარიამი კი განცვიფრდა და არ იცოდა, რითი აეხსნა
იუდას გაქცევა და ღრიალი.

VI

— ...მაცდურო, მატყუარავ!.. შენ ხომ მოგკლეს, მოგკლეს,
ჯვარს გაცვეს და ლოდით დაგკრძალეს?! — შეუტია იესოს,
როდესაც ის ნატანჯის სახით, ოღნავ თავის რხევით, თვალის

ქუთუთოებზე წყვილი ცრემლით შებინდებისას წინ გამოეცხადა...

მთელი დღე უღაბნოში წოწიალობდა. გაუფრთხოდა ყველას. ერთი ადგილიდან მეორე ადგილას მშველის სისწრაფით გადადიოდა. შებინდებისას კი აპირებდა მარიამის სახლისკენ წასვლას, რომ იმის ახლოს მოესვენებინა თავისი ტანჯული სული. სწორედ ამ დროს გამოეცხადა იესო.

— ...სანამ ცოცხალი იყავ, შენი სახე ყველაფერში ხელს წიშლიდა, მიცარავდა და მოკვდი და ახლა სიკვდილის შემდგომაც არ გინდა მომასვენო?! ჰა?.. ხომ გუშინ დაგკრძალეს?.. ჰა?.. მომშორდი, მომშორდი, შე წყეულო! — დაიღრიალა იუდამ და მახვილი იძრო...

— მომშორდი, თორემ მკვდარს ხელმეორედ მოგისპობ ამ მახვილით სიცოცხლეს! — შეუტია და რამდენიმე ნაბიჯი იესოსკენ წასდგა. იესო კი ისევ ისე შესტკეეროდა, ისევ ისე თავის რხევით, და წყვილი ცრემლი ისევ ისე ლაწვებზე ჩამოსაგორებლად უკრთოდა თვალის ქუთუთოებზე.

— ააახ, წყეულო!.. — თვალეზი მაგრა მოხუჭა შეყვირებასთან ერთად და მახვილი პირდაპირ იესოსკენ სტყორცნა...

სალამოს მკრთალი ნათელი კი მთლად სიბნელით შეიცვალა და არემარე დაჰბურა...

„იუდავ, ამბორის ყოფითა მისცემა ძესა კაცისასა?!“ * — ყურში ჩაეწვეთა იუდას ნაღვლით და ლმობიერებით საესე ხმა იესოსი.

— ჰა?! ხა, ხა, ხა, ხა! — თვალეზ დაჰყეტილმა მიიხედ-მოიხედა და, რაკი ვერავეინ დაინახა, სიხარულით ხარხარი მორთო.

„იუდავ, ამბორის ყოფითა მისცემა ძესა კაცისასა?!“ — შემოესმა ახლა მეორე მხრიდან ისევ ის ლმობიერი, ნაღვლით სავსე ხმა.

— ააა, მშიშარავ მშიშარავ!.. ჩემმა მახვილმა შეგაშინა და ახლა იღუმალად მებაისები! — ხარხარით წამოიძახა და მახვილის ასაღებად წავიდა, რომ მახვილის ტყორცნითვე მოესპო იღუმალი ხმაც ისე, როგორც იესოს სახე გააქრო...

* სახარება ლუკ. XXII, 48.

— რა გინდა?! — დაიღრიალა საცოდავად იუდამ და უკან ისე გადმოტრიალდა, რომ კინალამ წაიქცა.

ერთი ფეხი წინწამოდგმული დარჩა, მეორე სახსარში საშინლად მოეხარა, ტანი კი უკან გადმოეზნიქა და ასე მუშტებწინწაწვდილი მოელვარე თვალებით ხმის ამოუღებლად შესცქეროდა იესოს, რომელიც ისევ ისე ლმობიერებით, ღრმა ნაღველით აღსავსე სახით უეცრად იმისა და მახვილის შუა გაჩნდა.

დიდხანს არ უმზერია იუდას. ჩქარა პირი უკუიბრუნა და, რაც ძალი და ღონე ჰქონდა, მოკურცხლა.

სად გარბოდა იუდა?... თითონაც არ იცოდა. ის ანგარიშმიუხედავად გარბოდა და უკან მოხედვისა ეშინოდა. თუნდ სულ ასე ერბინა, ოღონდ ის კი ნულარ სჩვენებოდა.

სამი დღელამის უკმელ უსმელობით და უძილობით ჩამომხმარი იუდა აჩრდილივით მიჰქროდა და ვიდრე თავისდა უნებურად გეთსიმანის ბაღში არ შეეარდა, არ შემდგარა. აქ ის მოეხვია ერთ ხეს. ხელები გარს შემოუტრკალა და მაგრა, მაგრა ეკვროდა ზედ. უნდოდა სახე, სახე კი არა, მთელი სხეულით შეერთებოდა ამ ხეს, რომ უკან მოხედვა აღარ შესძლებოდა, რადგანაც ის წყეული, ის მაცდური ეგონა უკან ედგა...

მაგრამ... ოხ! ხეს ეკვრის და ეგერ ხიდანაც გამოიჭვრიტება ის... ის...

— ახ!.. — სასოწარკვეთილებით ხმა აღმოხდა იუდას.

მუხლები მოუდუნდა, მოეკეცა და უგრძნობლად პირქვე დაემხო...

„იუდა, რომელი გეგულების საქმედ, ჰყავ ადრე“* — გამოარკვია იუდა უგრძნობლობისაგან ამ სიტყვებმა და აწმყოს დაუბრუნა.

— ვყავ ადრე და ისე ადრე, რომ ისე ადრე არც კი მოელოდი... შენ გინდოდა კიდევ... დედამიწიდანაც ამოიჭვრიტები?! ააა?!. აქეი ქვეშ მიდევხარ!.. დაგგლეჯ, დაგგფლეთი.. თუმცა მახვილი იქ დამრჩა, მაგრამ კბილით, ხელებით დაგხო-

* იოან. XIII, 27,

კავ!... — მართლადაც იუდამ დედამიწას დაუწყო კბილებით და ხელებით ხოკვა და დიდხანს, დიდხანს ჩაპბლუოდა.

— ჰეეე, ჩაგნთქე თუ არა?!

განშორდა მოჩვენება. იესო ჩანთქა. იუდა წამოდგა და წელში გაიმართა.

შავად ჩამომხმარი სახე, დასისხლიანებული პირი და ცეცხლის მფრქვეველი თვალები შესაზარ შეხედულებისას ხდიდნენ იუდას...

იუდა იდგა წელში ამართული და ჩაყინებით სივრცეს გასცქეროდა...

— დედი, დედი, რად მიცქერი მაგრე სასტიკად?!. განა შენცა მკიცხავ?! აჰ! აჰ! აჰ!.. — ლართის კალთა უეცრად აიფარა თვალებზე და მუხლმოდრეკილმა მწარედ, მწარედ ქვითინი მორთო...

— შვილო, იწამე... ის ძე ღვთისაა! — გამოეხმაურა აჩრდილი.

— როგორ?!. შენც მაგას იძახი?!. მაშ არა ყოფილხარ დედაჩემი! თუ მაგისტვის შეარყიე საფლავი, ისა სჯობია, წახვიდე და მოასვენო შენი ძვლები. წადი, წადი!.. — ფეხზე წამოჭრით მიიძახა აჩრდილს და რამდენიმე ნაბიჯი წინ წარსდგა.

განქრა აჩრდილი. იუდამაც თავისუფლად ამოისუნთქა. ეგონა, ახლა კი სულ გავიმარჯვეო, მაგრამ ამ დროს ხმა გაისმა:

— აგერ, იუდა სად იმალება! მასწავლებელი გასცა და ახლა კი იმალება.

— მე ვიმალები!... არა... არა! მე არ ვიმალები!... მე სხვა მოწაფეებს არა ვგეგვარ, რომ დავიმალო. მე აქ ვარ!... — შეღრიალა და წინ წარსდგა.

— სხვა მოწაფეებს სდევნიან და შენ კი, როგორც გამცემს, არ გეშინიან!..

— მეე?..

— მაგრამ...

— რა, „მაგრამ?!“

— შენც ჯვარს გაცვამენ!..

— ხა, ხა, ხა!.. მე ჯვარს მაცვამენ?! არა, არა და არა!..

ამ დროს უეცრად შემოესმა ფეხის ხმა, რის გამოც ფოთოლივით შეირყა და იქით გაიხედა, საიდანაც შრიალი მოესმა.

— იუდა, იუდა, ეხლა კი ვედარსად დაიმალები!.. ხა, ხა, ხა!.. გეშინიან, განა?!

უცნაური ყიჟინი გაისმა იქიდანვე, და იუდამ იმ მხარესვე შორს, შორს, ხეებს შუა მომკრთალო ჩირაღდნების სინათლე შენიშნა.

— აღსდექით ახლა ჩემზე?! ჰააა, უმადურნო!.. მაცდური მოგეცით ხელში, მოგაკვლევინეთ თქვენი მტერი და მადლობის მაგივრად მეც გინდათ ჯვარს მაცვათ?!

ყიჟინი კი თანდათან ახლოვდებოდა, სინათლე უფრო ჩაღდებოდა...

— ოქვენ, თქვენ!.. ბრბოვ, ბრბოვ, საზიზღარო ბრბოვ, ვერ სცნობ მტერსა და მოყვარეს, ვერ გაგიგია, ვინ გმოკეთებობს!.. საკმარისია იმ საზიზღრებმა მღვდელმთავრებმა და ფარისევლებმა თითი მიგიშვირონ ვიზედმე, რომ შენც ცხვარივით ბლავილს მოჰყევი!.. მაგრამ, მაგრამ, ხა, ხა, ხა, ხა!.. იმ მხდალივით არ დაგნებდები!.. — იუდამ მახვილისთვის გაივლო ქარქაშს ხელი, მაგრამ მახვილი აღარ დახვდა. ამისთვის კეტს წამოავლო ხელი და საბრძოლველად გაემართა...

— ხა, ხა, ხა!.. ვერ ხედავ იუდას, ოცდაათ ვერცხლად გამყიდველს, როგორ მამაცობას იჩენს?! ჯვარს ვაცოთ ეგა! — ხარხარით დაახალა ყიჟინა ბრბომ და თანდათან უფრო უახლოვდებოდა...

— მე... მე... ოცდაათ ვერცხლად?! არა, არა!.. ჯვარს არ გეცმევიინებით, არა?! მე საზიზღარი სიკვდილით არ მოგკვდები, არა!.. — ხრიალით მიაძახა ბრბოს და საჩქაროდ ხეზე აიჭრა. კეტი კი ბრბოსკენ სტყორცნა.

იმავე სისწრაფით მოიხსნა სარტყელი, ხის ტოტს მოაბა, გამომარყუშა და...

— უშრატ!.. — ხე მთლად შეირყა და ფოთლებმა შრიალი მორთეს.

ხეზე ფრინველთ გამოელვით ამ უეცარ შრიალზე და დაფეთიანებული უგზოუკვლოდ გეთსიმანის ბაღს მოედვნენ.

ხე კი კარგა ხანს შრიალებდა, ტოტს ჭაჭაჭუჭი გაჰქონდა, და ოდნავი დროგამოშვებით ხრიალი გამოისმოდა.

ამ დროს იესოს საფლავისკენ მიმავალთ მარიამ მაგდალინელმა, მარიამ იაკობისამ და სხვა მანდილოსანთა წყნარის ბაასით ნელსაცხებელით ხელში ჩაუარეს ამ ხეს გვერდით, მაგრამ ხეზე ჩამოკიდული იუდა კი ვერ შენიშნეს...

ყარა-თაფა, 1897 წ.

ორი მკურნალი

დღეს თხუთმეტია აპრილისა. თხუთმეტი დღე-ღა დარჩა, თხუთმეტი! მერე მაისია... ოხ, რა ცოტა დრო-ღა დარჩა!.. თხუთმეტი დღე-ღა უძევს წინ. მერე კი... „თუ ნიცაში არ წახვედი, მაისს ველარ დაესწრები“. ხომ ასე უთხრა შალვას მკურნალმა?! და, აი, ეს წყეული სიტყვები მოსვენებას აღარ აძლევენ. მაგრად, მაგრად ჩასმიან თავში შალვას და ნელა, ნელნელა ტვინს უღრღნიან. გულის სიღრმემდისაც სწვდება ეს ღრღნა. იქაც სიმწვავეთ უღიზიანებენ, საშინელის სიმწვავეთ! ახ, რა ძნელია!.. დღემუდამ ეს ერთი წინადადება უჩუჩუნებს თავში. თითქოს ამის მეტს ადგილი აღარასა აქვსო. ეს მესამე თვეა, რაც მკურნალმა უთხრა და მას შემდეგ, ჯერ მესამე დღე კი არა, მესამე წამი არ გასულა, რომ ამ სიტყვების ადგილი სხვა სიტყვებს დაეჭიროს...

„თუ ნიცაში არ წახვედა, მაისს ველარ დაესწრები“. ცოცხლად ხედავს მკურნალს, და ეს წყეული სიტყვები ყურში ნელა ეწვეთება. მაშინვე ელდა ეცა. არსება მოუშხამა და მოშხამული არსებით ნიცას მაგივრად თავის სოფლისკენ, თავის დედისკენ, მოხუცებული დედისკენ გამოეშურა. ხმის ამოუღებლად მოსვლის უმაღლეს სარკმლის გვერდით ლოგინი გაიშალა და...

„თუ ნიცაში არ წახვედი, მაისს ველარ დაესწრები“. ეწვეთეთ, ეწვეთეთ!.. მშვენივრად მოქმედებს თქვენი ძალა: ყოველ დღე სიცოცხლე აკლდება. რა იყო წინათ ამ სამი თვის წინათ, ვიდრე წვეთობლივ დაიწყებდა თქვენი შხამის მიღებას.?!.

მაშინ კიდევაც დადიოდა, ფერიც კარგი ჰქონდა, მხიარულებდა კიდეც...

ახლა?..

ჩამომხმარი, ტანში ჩარჩეულიდა საბანში გახვეული. მორღვეული, მულამ ნაღველით სავსე თვალები და ოდნავი სუნთქვა-ლა ამხელენ, რომ კიდევ ცოცხალია, თორემ სხვა არაფერი. ხომ მოძრაობა, სიმხიარულე მაშინვე მოესპო?! ხომ ლაპარაკის თავიც აღარა აქვს და მოხუცებული დედის კითხვებსა და ქვითინზე ხომ მარტო თვალის ძობუქვით უპასუხებს ხოლმე?! აგერ, ახლაც დედა ოდნავ ქვითინებს, ცდილობს ქვითინი შეიმაგროს და თავის შალვას, ერთადერთ ნუგეშს, არ გააგონოს, მაგრამ რა დედის გულმა მოითმინოს და არ იქვითინოს, როდესაც ერთადერთი შვილი იმის თვალისწინ სანთელივით დნებოდეს და მთლად დადნობას ყოველ დღე მოელოდეს?!

ეყურება შალვას დედის ქვითინი. გულს უკლავს ისეც მომაკვდავს. უნდა უთხრას: „დედი, ნუ სტირი, მე არ მოვკვდები!“ მაგრამ როგორ უთხრას, როდესაც ის წყვეული სიტყვები ტვინს უღრღნიან, როდესაც სწამს, რომ მაისს ვერ დაესწრება, და მაისამდის ხომ სულ თხუთმეტი დღეა?! ჩვეულებისამებრ ყურებზე მოიხვია საბანი. არ უნდა დედის ქვითინი გაიგონოს. თვალებს კი სარკმელს არ აშორებს. დღემულამ ასე იყურება და გარეთ განთიადიდან დაღამებამდის. რაც კი მის სარკმლის ახლო ცვლილება ხდება ბუნებაში, ყოველსავე თვალყურს ადევნებს. არა გამოპარვიარა. ბუზიც კი არ გაფრენილა მის სარკმელთან, რომ შეუძმჩნეველი დარჩენოდეს...

გაშტერებული უმზერს ახლაც შალვა სარკმლის ახლო მცენარეობას, ადგილს. ახ, დღითიდღე რა ცვლილება ეტყობა არემარეს!.. რასაც კი აქნობამდის სიცოცხლის ნიშანწყალი არ ეტყობოდა, ეხლა მოძრაობაში მოსულა...

— შვილო, თბილა! გარეთ გადი, გაიარე. — მორიდებით ჩასჩურჩულებს თვალცრემლიანი დედა, მაგრამ შალვას არ ეყურება.

ის თითონაც გრძნობს სითბოს. ხედავს, როგორ ეალერსებიან მზის სხივები ახლად გადაშლილ ხეებს, ველებს, როგორ ჭყუმპალაობენ იქავე ახლოს მოჩუხჩუხე წყალში. ხედავს, ამ ნახ სხივებს როგორ გამოუწვევიათ ყველა სულდგმული გა-

რეთ: სანავარდოდ, საალერსოდ. აგერ, ბელურებს რა ყოფა აქვთ ხეებზე, როგორ ნაზად არხევენ ფრთებს. შროშანიც სარკმლის ახლო დამჯდარა, აუღია თავი მალლა და გატაცებით, დაუსვენებლად ჯილჯილებს ნისკარტის კაპუნით, თანაც ფრთების რხევას-აყოლებს და დროგამოშვებით ბუქნავს. აგერ, მერცხლებიც წყვილწყვილად როგორ ელვასავით სარკმლის ახლო გასრიალდებიან, „ჰყავ!“ დასწყვილებენ ერთმანეთს და შორს, შორს, სადღაც იკარგებიან. ჭიალუა?.. მუშლი?.. ამათ ვილა ადევნებს თვალყურს!.. უხარია, ყველას უხარია სიცოცხლე, ყველას! ყველას...

„შენ?.. — ეჩურჩულება იღუმალი ხმა: — შენ კი სქენები... შენ ხომ მაისს...“

— ეეხ!.. — ამოსკდა გულის სიღრმიდან და გულჩათუთქულმა თვალები მოხუჭა. „ბზუუ“, მოესმა შალვას ბზუილი და ამასთან ერთად სარკმლის მინაზე ფრატუნი. გაახილა თვალები და დაინახა, როგორ ბზუილით დიდი, ბანჯღვლიანი ბუზი, რომელიც გუშინ, გუშინწინ, ამის წინადაც სარკმლის კუთხეში ეგდო გაცივებული, უსულოდ, იბრძვის გარედ გასასვლელად...

„შენ კი გარეთ გასვლას ველარ ეღირსები!...“ — წასჩურჩულა კიდევ იმავე იღუმალმა ხმამ.

პასუხად შალვა სიმწარით გაიკლაკნა ტანში და გვერდი იცვალა. იმის მორღვეულ, მოელვარე თვალებს დედის ცრემლიანი თვალები შეხვდა. ბუზი კი ბზუოდა, ბზუოდა და ხან სარკმლის ერთ მინას დაარტყამდა თავს და ხან კიდევ მეორეს.

— დედი!.. — მიმქრალის ხმით მიმართა დედას.

— რა გინდა, გენაცვალოს დედა, შვილო?! — ნიავსავით წამოდგა და მიუახლოვდა.

— ეს ბუზი...

— ჰო, შვილო!..

— გუშინ მკვდარი იყო და დღეს კი, ვერა ხედავ, როგორ...

— სითბომ გამოაცოცხლა და ეხლა გარეთ მიიბრძვის.

— ვიცი, ვიცი!.. რატომ მე კი...

— შენც კარგად გახდები...

— ეეჰ!.. — სახე მოედმიჭა და თვალები მოეხუჭა.

— მე მაისს ველარ დავესწრები!..

— რად ამბობ მაგას, გენაცვალოს დედა, და... — ველარ დაათვა, გული ყელში მოებჯინა და ქვითინი მორთო.

ბუზი კი ისევ ბზუოდა და სარკმლის მინებს ეფრატუნებოდა...

— დედი!..

— აქა ვარ, შეილო!

— ეგ ბუზი...

— რა გაგიხდა ეგ ბუზი?! აი!.. — გაჯავრებულმა წამოიძახა და გადაეწოდა მოსაკლავად.

— არ მოჰკლა, არა, არა!.. — წამოიწია ლოგინიდან და ხელი დაუჭირა. — არ მოჰკლა, დედი!.. — შეევედრა შალვა დედას, რომელსაც უკვე ხელში უფართხალებდა ბუზი.

— არ მოვკლავ, შეილო, არა!.. დამშვიდდი!..

— გაათავისუფლე, გარეთ გაუშვი! — ძლივს წარმოსთქვა აღელვებულმა და მოქანცული ბალიშზე მიესვენა... — წაიყვა!.. — განუმეორა თხოვნა და თვალები მოხუჭა...

— სსს!.. — ხელი აიღო და გარედან შემობრუნებული დედა ოთახის შუა შეაყენა.

— შეილო...

— მოიცა, მოიცა, დედი!.. არ გეყურება სამცხენას ზარების წკარუნი?!

— არა!.. უთუოდ ყურები გიბეუის.

— აგერ, აგერ!.. თანდათან ახლოვდება...

— მართლა. ახლა კი შენომესმა... უთუოდ მკურნალი იქნება. ყვავილი საშინლად მძვინვარებს. მამასახლისმა ამას წინად აცნობა და აბა სამცხენით მეტი ვინ მოვა?!

— მკურნალი!.. — გაგრძელებით წამოიძახა შალვამ და სახე მთლად დაელმიჭა.

— შეილო, ვთხოვ, რომ გნახოს!..

ამ სიტყვებზე უარესად მოელმიჭა სახე და პირისახე საბნით წაიჩულა, რომ დედის სიტყვები აღარ გაეგონა.

დედა მიხვდა, რის ნიშანიც იყო საბნის წახურვა და ამისთვის ხმის ამოუღებლად გულხელ დაკრეფილმა მზერა დაუწყო. საწყალს თან ცრემლები დაპალუპით ჩამოსდიოდა.

ზარების წკარაწყური თანდათან ახლოვდებოდა, და უკც-
რად ეზოდან შემოესმა მეეტლის ხმა „ტპუუ“-ო.

შალვას დედა მაშინვე გარეთ გავიდა.

— ღმერთო, ნუთუ ის მოვიდა?... — ლმობიერად წამოი-
ძახა, როდესაც ეტლიდან ჩამომხდარ ქალს თვალი შეასწრო
და მაშინვე მისაგებებლად გაქანდა... — თქვენ...

— გატყობთ, შალვას დედა ბრძანდებით!.. — სიტყვა აღარ
დაათავებინა ახლად მოსულმა და მაშინვე გადაეხვია.

— მე მეგონა ჩემ წერილს არ მიიღებდი, შვილო, რას
მოვიფიქრებდი, რომ წამოხვიდოდი.

— დედი, შალვა როგორ არის?

— შენი მტერი და ღუშმანი იყოს, შვილო, ისე, როგორც
შალვა არის... — ტირილით უპასუხა და გულში ჩაიკრა.

— პირზე საბანი რად წაუხურავს?... — დაეკითხა ახლად-
მოსული, როდესაც ოთახში შევიდნენ და საბანწახურული
შალვა დაინახა.

— ეგრე იცის, შვილო!.. წაიხურავს საბანს და ქვეყანაც
რომ დაინგრეს, მაშინაც ვერას გაიგებს, ისე გაერთობა ხოლ-
მე ფიქრებში.

— ხომ არა სძინავს?

— არა!..

— მაშ შეიძლება საბანი გადავხადო?

— სწყინს, როდესაც მე გადავხდი ხოლმე და შენგან კი,
არ ვიცი, იწყენს თუ არა.

— საბანს ნუ მხდი, რა გინდა? — წყრომით წამოიძახა და
თვალეზმობიერი სარკმლისკენ გადაბრუნდა.

— შალვა!..

— ჰა შენ?! ელიკო!.. ელიკო! — ნაწყვეტ-ნაწყვეტად გაი-
ძახოდა შალვა და თან გულში იკრავდა ელიკოს. — ოხ, ჩემო
კარგო, მაპატივე, მაპატივე!.. მე... მე... ვსცდე...ბოდი!.. —
ძლივს დაათვა შალვამ სიტყვა და ღონემიხდილი ბალიშზე
მიესვენა.

— გენაცვა, შალვა, რა დროს პატივების თხოვნაა?! განა
ჩემი აქ მოსვლა იმის თავდები არ არის, რომ არ გემდურები?!

— ახ, შენთან რა დამნაშავე ვარ!.. ელიკო, სირცხვილით

შემოხედვასაც ველარა ვბედავ!.. — გულამოსკვნით წაშოიძიხა და ცრემლები მისდა უნებურად გადმოსცვივდა.

— მაგისტვის რადა სწუხარ, შალვა?! ბედნიერად ჩავთვლი ჩემ თავს, თუ ახლა მაინც დარწმუნებული ხარ, რომ შენ, მხოლოდ შენ მიყვარხარ. ხომ ეს იყო მიზეზი შენი უკანასკნელი წერილისა, რომლითაც უარი გამომიცხადე?!

— ელიკო!.. ელიკო!.. ნეტავ არ მოსულიყავ! — ტანმა ჩხვლეტა დაუწყო, გველივით გაიხლაკნა და მაგრად, მაგრად უვალეებზე ხელი მიიფარა.

— როგორ, შენი ავადმყოფობა შემეტყო და არ მოვსულიყავ?!

— ვინ შეგატყობინა?!

— ვისაც უნდა შეეტყობინებინა, ეგ ხომ სულ ერთია!.. ელიკოს პასუხზე შალვას დედა გატრიალდა და ფეხაკრეფით გარეთ გავიდა.

— დედამ ხომ არ მოგწერა?

— დედამ ხომ არა იცოდარა და, აბა, როგორ მომწერდა?! ამას თავი დავანებოთ და ის მითხარი: ეჭვი ხომ აღარა შემოკაქვსრა? — ჰკითხა ელიკომ და შუბლზე აკოცა.

— ელიკო, ნუ მეკარები!..

— ვითომ რატომო?

— მე ჭლექითა ვარ ავად და შენც არ გადაგედოს.

— ხა, ხა, ხა, ხა!.. ეგ მე კარგად ვიცი, გადამედება თუ არა! — გულიანის კასკასით უთხრა და უფრო მოეხეია.

— ელიკო, მე არ გეხუმრები!.. მე...

— გაჩუმდი, გაჩუმდი, თორემ, აი!.. აი!.. აი!.. — „აი, აი“-ს გაიძახდა ელიკო და თან შალვას ტუჩებს ეკონებოდა.

შალვაც ველარ ეწინააღმდეგა. ელიკო გაშმაგებით ჰკოცნიდა და ის კი ამ დროს უსიტყვოდ ჰკიცხავდა თავს, რომ ელიკოს, ამ ანგელოზს ხელი ჰკრა და შეურაცხყოფა მიაყენა.

— ჰა!.. ჰა!.. ჰა!.. ვაიმე, ჭლექი გადამედო!.. — დაღონებული საძვერ ოდნავ ძალად ჩაახველა და გულზე ხელი დაიდო.

— ელიკო, ნუ მასხარაობ!.. -- ღიმილით უთხრა და ხელი ზელზე მაგრა მოუჭირა.

— მაგრა, მაგრა მომიჭირე ხელი!..

— მეტი ღონე აღარა მაქვს!

— „მეტი ღონე აღარა მაქვს!..“ — გააჯავრა ელიკომ დხელი თვითონ მოუჭირა.

„ელიკოს ღირსი არ ვიყავ და ღმერთმაც არ მომცა!“ — მწარედ გაურბინეს თავში ამ სიტყვებმა და ცრემლით სავსე თვალებით ელიკოს ღმობიერად შეხედა.

— შალვა, რა მოგივიდა?!

— არაფერი! — უპასუხა, და ცრემლები ლოყებზე გადმოუგორდნენ.

— ჩემო შალვა!..

— დღეს აპრილის თხუთმეტია!..

— მერე? — განცვიფრებით დაეკითხა ელიკო და ცრემლები მოსწმინდა.

— მაისს ველარ მოვესწრები.

— ვინ გიწინასწარმეტყველა?

— მკურნალმა!..

— ხა-ხა-ხა!.. — გადაიკისკისა და შემდეგ უეცრად მოიღრუბლა და ისევ დაიწყო: — მაისის პირველისათვის შავების ჩაცმა მომინდება. ტირილით და თავში ცემით საფლავამდის მიგაცილებ და...

— ელიკო, მასხარად მიგდებ თუ რა არის?!

— მასხარად კი არა და, შალვა, იცი რა გითხრა, მე ჰური მომშივდა და ცოტა რამე შეეჭამოთ, შენც ხომ მოგშივდა?..

— მე კი არა მინდარა და შენ კი ახლავე ჭამე რამ. აი, დედა შემოვა და მოგიტანს.

— მინდა შენთან, შენს ლოგინთან ვჭამო რამ და შენც, რასაკვირველია, ერთ ლუკმას მაინც აიღებ.

შალვას დედამ საჩქაროდ მიუტანა ელიკოს და შალვას რაც კი რამ ებადა და სიხარულით შესცქეროდა იმათ. უხაროდა, რომ ელიკო, როგორც მტრედი თავის ხუნდს, ისე აღლევდა შალვას საჭმელს.

— ნეტავ ეს თხუთმეტი დღე თხუთმეტ წელიწადად მაინც გადაიქცეს!.. — წამოიძახა შალვამ, როდესაც ჭამა გაათავეს და ელიკოს ხელი დაუჭირა.

— შალვა რა მშვენიერი სოფელი ყოფილა ეს სოფელი! ხომ აქაურ მცხოვრებელ ითვლები?

— ჰო, აქაური ვარ!

— ჩემთვის არას დროს არ გითქვამს ეგ. — ალერსით უთხრა, თავისი თითები შალვას თმაში გახვია და ოდნავ, ოდნავ თითებს არხევდა და თავის კანს ეხებოდა.

შალვას ესიამოვნა, ესიამოვნა ძლიერ და განძრევისა ეშინოდა, რომ ელიკოს თითების ცაცუნი არ შეეყენებინა.

ელიკო მიუხვდა სიამოვნებას და დიდხანს. დიდხანს არხევდა თითებს, ვიდრე შალვას ამ სიამოვნებაში არ ჩაეჭინა.

— შენ-კი გენაცვალოს დედა, შვილო!.. — დაბალის ხმით წამოიძახა და ელიკო გულში ჩაიკრა, როდესაც ის მძინარე შალვას მოშორდა. — რამდენი ხანია ძილი არ მიჰკარებია მაგის თვალს!.. — განაგრძო შალვას დედამ ისევ დაბალის ხმით: — და ეხლა შენის წყალობით, აგერ, როგორ სძინავს!..

— არა უშავსრა, დედი, შალვა ჩქარა ლოგინიდანაც ადგება.

— შენს პირს შაქარი, შვილო! დღე და ღამ სულ ბორჯავდა, უაზროდ მაისს გაიძახის და...

— დედი, ჩვენ ეგ მაისი როგორმე უნდა დავავიწყოთ.

— შენა, შვილო, შენ თუ დაავიწყებ, თორემ მე ვერა მომიხერხებიარა! — თვალცრემლიანმა წამოიძახა და აღგზნებულად ელიკო ისევ გულში ჩაიკრა...

• •

გათბა, გათბა დედამიწა. საღამოს სიომ წამოჰბერა და გაღებულ სარკმლიდან შემოუთამაშა იქავე სარკმელთან მწოლარე შალვას, რომლისთვისაც ელიკოს ხელი თავზე დაედო და ისიც შალვასავით გარედ გაიციქირებოდა. ელიკოს თვალებში უბრწყინავდნენ, ტუჩები სიამოვნებით ელიმებოდნენ. შალვა კი უეცრად მოიღრუბლა. ის წყუეული სიტყვები კიდევ ჩაეწვეთნენ ყურში „მაისს ვერ მოესწრები“... შემოესმა და ტანო შეერყა...

„ნაუუ!..“ — გაისმა დიდი ზარის ხმა სამრეკლოდან და შორს, შორს ჰაერში გაიფანტა. შალვა გამოათხიზლა ზარის ხმამ და ელიკოს დაეკითხა:

— ხვალ რაობაა, რომ ზარი დარეკეს?!

— ხვალ?.. ხვალ?.. — გახარებული წამოხტა ელიკო და პირდაპირ დაუდგა...

— ელიკო, რატომ მაგრე მიცქერი?..

— შალვა, გენაცვა, იცი, ხვალ რა დღე არის?! — ტაშის შემოკვრით წამოიძახა და შემოეხვია...

— ელიკო, ვერა გამიგიარა?!.

— ხვალ შიო მღვიმელის მიცვალების დღეა!.. — შედიდურად წამოიძახა და თავის გაქნევით თმები შეარხია.

— როგორ?.. სტყუი, ელიკო!.. ხვალ მაისის ცხრაა?!

დიახ, ბატონო, ხვალ მაისის ცხრაა.

ზარის დარეკას კი უფრო მოუხშირეს და მოუხშირეს.

— ტყუილია, ტყუილი! — წამოიძახა შალვამ და ლოგინიდან ჩამოვიდა.

— თუ არ გჯერა, ეკლესიაში წავიდეთ.

— წავიდეთ!

— „ღირსო მამაო, შიო...“ — შემოეწმა ეს სიტყვები მეფსალმუნისა, როდესაც ეკლესიაში შევიდნენ, და შალვა ყურს არ უჯერებდა. კარებში შეჩერდა და დიდხანს გაშტერებული იდგა და ადგილიდან აღარ იძვროდა.

— „ღირსო მამაო, შიო...“ — შემოესმა კვლავ მეფსალმუნის ხმა...

— ღმერთო!.. მაშ მე მაისშიაც ცოცხალი ვარ? — თვალებზე ხელი მიიფარა და ქვეთინი მორთო. ელიკო კი სიამოვნებით შესცქეროდა მრქვეთინე შალვას და ღმერთს მადლობას სწირავდა. რომ შეცდომითი რწმენის მსხვერპლი არ შეიქმნა შალვა.

— მე აღარ მოგვცდები, ჩემო მკურნალო! — მოურიდებლად გადაეხვია ელიკოს კარიბჭეში და იმისი მკერდი ცრემლით დააღბო.

„ბაბლო-კი...“

(სააღდგომო ეტიუდი)

სტირის მათა, სტირის, ცრემლები ველარ შეუყენებია, ან კი როგორ არ უნდა იტიროს, როდესაც თავის საყვარელ ბაბლოს, თერთმეტი წლის უმანკოს, ბალიშზე უგრძნობლად გადასვენებულს, დასცქერის!..

— ბიჭებო, მაგათ ძარს* თავი დაანებეთ. შინ მწუხარე ჰყავთ. — შემოესმა გარედან ხმა.

— ვინა ჰყავთ მწუხარედ? — დაეკითხა მეორე ხმა.

— ვინა და საწყალი ბაბლუა!..

— საწყალი!..

ამ ლაპარაკზე მათას გული უფრო აუღულდა და ცრემლებმა თვალთაგან ნიაღვარსავით დენა დაუწყო.

— მაშ ვისი ძარი წავიღოთ?..—ალაპარაკდნენ ისევ გარეთ.

— ვისი და ბურუქაანთ ძველი ძარი უღვიათ გარეთ და ის წავიღოთ.

— ჩემი ძარი წაიღეთ, ჩემი!.. თუ ჩემი ბაბლო არ მეყოლება, გინდ ე ქოხიც დაწვით!.. — წამოიძახა. თვალცრემლიანმა მათამ, მაგრამ გარეთ ხმაურობა შესწყდა.

დარჩა მათა ისევ ყრუდ თავის ოთახში. ხმის გამცემიც აღარავენ არ არის. ან კი ვინ მოიცილიდა აღდგომა ღამეს მათასთან მისასვლელად, ხმის გასაცემად? ყველა აღდგომისთვის ვმზადება, ყველა...

— ო-ო-ო-ო!... — ყრუდ შემოესმა მათას ეკლესიის გაღვნიდან ყიჟინი.

* დიდი გოდორი, რომელსაც დაუფჰვნელ სიმინდის შესანახავად ხმარობენ.

— შვილო, შვილო, რატომ შენ კი იმათთან არ ხარობ? — ჩასძახა მიაიმ ბაბდოს და მუხლებზე ხელები დაირტყა.

ჩქარა ეკლესიის გალავანი მთლად განათდა. ცეცხლის ალი ეკლესიის წვერს სწვდებოდა[•]; ცოტაოდენი შუქი მაიას ოთახის სარკმელსაც მოხვდა და იქ ხატის წინ მბჟუტავ კანდლის შუქს შეუერთდა. ამ გარემოებამ მიაი გამოარკვია და სარკმლისაკენ მიახედა.

— და, და, და, რასა ვხედავ შვილო, რასა?!. შენც ხომ გიყვარს, შვილო აღდგომა ღამეს ცეცხლის გარშემო სირბილი, შენს ტოლამხანაგებთან ცელქობა, მაშ ეხლა სახლში რას აკეთებ?! — სიმწვავეთ ჩასძახა მიაიმ ბაბდოს და გულში ჩაეხუტა.

— ჭოონაა... — შემოსძახა პირველმა ხმამ შიგ კარებში, მეორემ და ბანმა ხმა შეუწყეს პირველ ხმას და მწყობრად, დიადი ჰარმონიით განაგრძეს ერთად:

„ალათასა, ბალათასა
ჩამოვიდებ კალათასა;
ქალო, ერთი კვერცხი ჩადე
ღმერთი, მოგცემს ბარაქასა...“

— ჩემო ბაბდო, ადე, კვერცხები გაუტა შენ გენაცვალოს დედა, შვილო! — სიყვარულით ჩასჩურჩულა მიაიმ ბაბდოს და იმის გაელვარებულ ტუჩებს თავისი შეახო.

მომღერალთ უეცრად შესწყვიტეს სიმღერა. ცოტა ჩურჩულის შემდეგ ფეხაკრეფით წავიდნენ.

— სად მიხვალთ, სადა? — მიაიმ თავი კარებისკენ მიიღო და მიაძახა, მაგრამ მომღერლებმა ვერ გაიგეს. — ყველა თავს გვანებებს... — მწარის ღიმილით წარმოთქვა და თავისი მორღვეული თვალები ბაბდოს მიაპყრო, რომელიც ამ დროს ტუჩებს აცმატუნებდა და დროგამოშვებით გაუგებარ სიტყვებს გაიძახოდა.

მიაი არა შორდებოდა გვერდიდან. მალიმალ შუბლზე.

[•] ბევრ სოფელში ქრისტეს აღდგომა ღამეს ეკლესიის გალავანში ლიტონიისათვის ზარების დარეკამდის დიდი ცეცხლი უნთიათ, გარს თითქმის მთელი სოფლის ახლგაზრდობა — ქალი და ვაჟი — ეხვევა; მღერაინ და ლხინობენ, როგორც დღეობაში.

გულზე, ხელებზე წყალსა და ძმარს უსვამდა. ბაბლო კი მაინც ბორგავდა, სიცხე არ ნელდებოდა.

პირველად მამლებმა რომ იყიველეს, ბაბლო დამშვიდდა. სიცხემ დაუშო. მაიას გაუხარდა. ბაბლოს სუნთქვას თვალყურს ადევნებდა. თვალყურის გდებაში თავი ჩამოეკიდა, თავის უნებურად იქავე, ბაბლოს გვერდით, მიწვა და უნებურადაც ჩაეძინა...

— დედი, დედი!... — შემოესმა მაიას ხმა და დაფეთიანებული წამოვარდა.

— შეილო, რას შვრები? — წამოვარდნის უმაღლ მოძვნიან ხელები წამოჩოქილ ბაბლოს და გულში ჩაიკრა.

— გამიშვი, გამიშვი, მინდა წავიდე!.

— სადა?...

ჩამოჰკრეს ამ დროს დიდ ზარსა*. ააყოლეს წვრილი ზარებიც.

— აგერ იქ!.. მეძახის, ვერა ხედავ?..

— ვისა, შეილო? აქ არავინ არის... აღდგომაა, ზარებს რეკენ.

— აღდგომაა... — თვალეები მაგრად ჩახუჭა და შუბლი შეიკმუხნა, თავის დედის მკერდს მიაყრდნო.

დიდხანს იყო ასე. ზარების რეკა შესწყდა. გალავანში მღვდლის წინამძღოლობით ხალხი სიხარულით ეკლესიას გარს უვლის. მრავალი სანთლის შუქი აჩირადნებს ეკლესიას და მის არემარეს. მღვდელი და მეფსალმუნე „ქრისტე აღსდგას“ გალობენ. ხალხი ხარობს, „ქრისტე აღდგას“ გაიძახის...

— დედა, ვერა ხედავ იმას?

— არავინ არის, შეილო.

— შენ გენაცვალე!.. — თითქოს გული თან ამოიტანაო. ისე წარმოსთქვა ბაბლომ.

— მე უნდა გენაცვალო, შეილო, შენ კი არა...

— დედი, გამიშვი...

— სადა?..

* სოფელში ღამის 12 საათზე კი არა რეკენ ზარებს აღდგომა ღამეს. განთიადისას.

— გერა ხედავ, მეძახის? აგერ, როგორ ბრწყინავს, აგერ... აგერი.. — ქრისტე აღსდგა!... ბრწყინავს... ის მეძახის... აგერი.. — წამოიწია და თითი მაცხოვრის ხატისკენ გაიშვირა. რომელიც მარჯვნივ აღმოსავლეთის კუთხეში ესვენა.

— რას მომცემს ის ქრისტე, რომელიც მე ჩემს ნუგეშს შართმევეს...

— სსს... — მწარედ წაისისინა და დედას ტუჩებზე ხელი მიიფარა.

— აბა სად არის?.. მე იმას...

— სსს. — კიდევ წაისისინა და უფრო მაგრად დააფარა ხელი. — შეევედრე... შეევედრე... ის... ის... განუ... გე... შებს... უკანასკნელი ასოები სულ მკრთალად წარმოსთქვა და მოლევით დედას მიესვენა...

• •

გათენდა. ფრინველთ შესწყვიტეს დიდებული ჰიმნის გალობა, კერძოდ თვითეული სიმხიარულებს მიეცა. მზემ ნაზი სხივები უხვად უძღვნა ადამის შთამომავალთ, რომელნიც მხიარულებით ერთმანეთს ქრისტეს აღდგომას ულოცავდნენ. მღვდელიც ფსალმუნით შევიდა: „ქრისტე აღსდგა მკვდრეთით...“ და ბაბდოს რომ თვალი შეასწრო, გალობა შესწყვიტა...

„ქრისტე აღსდგაო...“ — ყველა მეტყველი ამას გაიძახის... ქრისტე აღსდგა, მაგრამ ბაბდო კი...

„ბულცივობაში..“

(ეტიუდი)

კოდა-ხევის შესართავთან პატარა კლდეზე მოთავსებულმა გაბრომ ყურებამდის მხრები აიწურა, შუბლი დაინაოკა და მწარის ღიმილით, ჩაყინებით მზერა დაუწყა იქავე, ფეხთქვევით, განრისხებულ არაგვს.

სჩქევს, ღრიალებს არაგვი... მთლად ზვირთებად ქცეული, იერიშით მოდის პატარა კლდის შესამუსრადად, რომელიც თითქოს დარაჯად ჩასდგომიან უპატრონოდ მიტოვებულ „ბებრის ციხეს“, რომ გაცოფებული არაგვი აუცეროს იმ ფშვხიერ გორაკს, რომელზედაც ჩვენ წინაპართ არსებობის დასაცველად აუშენებიათ ეს ციხე.

მაგრამ პატარა კლდე მწუხარებით უმზერს და თავის მკერდს უშვერს მედგარ ტალღებს, რომლებიც შუილ-ხუილით ეკვეთებიან და იმავე წამს დანაწილებულნი, შხეპებად ქცეულნი კენესით უკუ გარბიან.

გაწბილებული არაგვი ნაზად ჩაუღის „ბებრის ციხეს“. მაგრამ პირქაფ მოსულობა კი ამხელს, რა ძალდატანებითი სინაზეც არის, რანაირი შხამითაც არის აღვსილი მისი სინაზე.

„ბებრის ციხეს“ ჩაცილებული არაგვი ძალას იკრებს და მხიარულის ღრიალით მუქარას უთვლის პატარა კლდეს. ემუქრება და მიეშურება...

საით?!.

„არაგვო, არაგვო!.. — გულის ტკენით ჩასჩურჩულებს პატარა კლდე: — რას ამოგიღივარ თვალში, რისთვის მოგინდომებია ჩემი შემუსვრა?! ნუთუ უპატრონოს დარაჯობისთვის?! ეკ, ჩემო კარგო, რადა ხარ მაგეთი ხარბი?.. აბა მიიხედ-მოი-

ზედე: რა დიდია შენი კალაპოტი. რო გაიფანტო, ვერც კი დაპ-
ფარავ. კარგი, მეც შემემუსრე, გაათართოვე შენი კალაპოტი.
მერე? ჰმ... ვისთვის გინდა? მაგრე სისწრაფით რომ გარბინარ
და თან მუქარას მითვლი, თუ გგონია გიძმობს? ნუ სტყუე-
დები, ჩემო კარგო არავგო, ნუ... იმისი ტკბილი ხმა ნანად ნუ
შემოგესმის. ის პირველში ძმურად გიხუტავს გულში; დინჯი,
პეტისმეტად დინჯი შენს ფეხს იდგამს და მკლავ გადახვეული
პოგინტის გვერდით და იმას კი ველარა ჰხედავ, თუ თანდათან
პურუსში როგორა გხვევს და...

სადღაა შენი ხსენება?..

„დიდებული მტკვარი მოდისო, გაიძახიან ქვევით და შენი
სახელი კი...“

— ეებს!.. — გულამოსკვნით წამოიძახა გაბრომ და შუბლ-
ზე ხელი გადისვა.

მწუხარებამ ისე მიასუსტა, დაუჩლუნგა გონება, რომ
დიდხანს, დიდხანს შუბლშეკრული და მხრებაწურვილი გაქვა-
ვებული იჯდა. ამ დროს განმავლობაში არავითარ აზრს არ
გაუვლია მის თავში.

გზადბნეულ ცხვარსავით მოვიდა და კლდეზე მოღეშით
ჩამოჯდა. არ შეუღმინევია გაბროს არც არავის ბრძოლა კლდე-
თან, არც ეტლების ტრიალი იქავე გზატკეცილზე და არც ის,
თუ თანდათან როგორ მისწყდა ფეხის ხმა და მხოლოდ
არაგვილა ქუხდა. ვერც მთვარის ამოსვლა შენიშნა გაბრომ,
და ახლა, როდესაც თავისდა უნებურად გულის სიღრმიდან
კენესა აღმოხდა და ცივი ოფლი შუბლიდან მოიწმინდა, მთვა-
რეს შეხედა, რომლის დანახვაზედაც გული მოეკუმშა, ყელში
მოებჯინა. თვალი საჩქაროდ მოაშორა და არემარეს გადაავლო,
მაგრამ იქაც, იქაც იგივე შენიშნა: მთა, ღრე, მდინარე მთვარე-
სავით გულცივად შესცქეროდა გაბროს.

აგერ, გაღმით ჭალიდანაც ბულბულის აგზნებული ყეფა
..ტია-ტია“ ოდნავ გამოისმა და არაგვის მოთქმას შეუერთდა.

„ეგ... ეგ მაშინაც ჰყეფდა, მაგრევე გატაცებით, როდესაც
ზე აქვე...ოხ!..“

საფეთქლებზე ხელი მიიფარა და მწარედ ქვითინი მორთო.

სწრაფად გადაეფურცლა მისი ცხოვრების მატრიანე და სანუგეშო ვერა ჰპოვარა, მხოლოდ ერთ გარემოებას მოჰკრა თვალი, რომლის იმედიც ლამობდა შელახული ძალის აღდგენას და ისიც ხომ...

„ღმერთო, ღმერთო!.. — წამოიკვნესა გაბრომ და უფრო მაგრა მოუჭირა თავს ხელები. — წყვილიადში ხეტიალი, ხელების ფათური, — ქვეითინებდა გაბრო: — როდემდის უნდა გარძელდეს?... ან კი რად უნდა ხელი აფათურო, რას ელტვი, რისთვის ან ვისთვის სცხოვრობ?...“

— რას სულელობ, რას?.. სადაური კითხვა: „ვისთვის ან რისთვის?“ — ეკითხება იღუმალი ხმა.

— რომ მაგრე მკიცხავ, გეცოდინება რისთვისაც. — გაბრომ შესწყვიტა უეცრად ქვეითინი და თვალეხი მოიწმინდა.

— ვიცი და ამისათვის გეუბნები.

— ოხ, მითხარ, მითხარ!.. ოღონდ ეგ გამაგებინე და... ეფიცავ ჯოჯოხეთს, რომელსაც ჩემ გულში დაუბუნდია, გაკაღმერთებ, გეთაყვანები! — გაბრწყინებული თვალეხით შეეკითხა ზეცას.

— ვისთვის და საზოგადოებისთვის.

— ჰმ!.. მეც არა ვსთქვი, მართლა იცი! — გულნატკენად წამოიძახა გაბრომ და თვალეხი მჩქეფარე არაგვს მიაპყრო.

— რატომ მაგრე მწარედ იღიმები?... შენ გეკითხები! მაშ არ უნდა ემსახურო იმას, ვინც დაგბადა, აღგზარდა?!.. ვალს გადახდა არ უნდა?

— შეგნებულად მეუბნები მაგას?

— შეგნებულად რომ არა მქონდეს, არც გეტყობი.

— მაშ კარგი, ყური დამიგდე: საზოგადოებამ დაგბადაო, მეუბნები, ეგ ტყუილია. მე, არ ვიცი კია რა განზრახვით, ბუნებამ გამზარდა, ხოლო საზოგადოებამ წამართვა ის, რაც ბუნებამ მომანიჭა, ან კიდევ, თუ არ წამართვა, დამიმახინჯა, გამირყვნა და შემილახა. აგერ, არ გეყურება, როგორ გატაცებით გალობს ბულბული?! ეგალობება და გალობს, როდესაც გეტირება უნდა იცინო, და იტირო, როდესაც გეცინება! საზოგადოებას რომ ის მიუღწყო, რაც მე იმან, მაშინ ის, აი, წინ უნდა გავიმძღვარო და ჯერ ის მივანდო არაგვს და მერე მე მა-

ვეცა. გულქვა, გულცივი, თავის წევრის ფეხის დამჭირებელი საზოგადოება მოდის და მეუბნება: „შენ ჩვენი მოძმე ხარ, ესა და ეს ჩვენთვის უნდა გააკეთო... გვანაცვალე ჩვენ, ვინცკი გყავს, ან გაქვს რამე. შენ მოვალე ხარ...“ კარგი, პატიოსანი. თუ მე ვარ მოვალე, პატივცემულო საზოგადოებავ, შენც მოვალე ხარ; თუ მე შენ გეკუთნი, შენ კიდევ მე უნდა მეკუთნოდე. საზოგადოება მსხვერპლს გთხოვს, ძალას გატანს. შენ კი დანა ყელთან რომ გქონდეს მიტანილი, ხელს გამოგიწვდის საშველად?... როდის გაუწვდია თავის წევრისთვის ძმურად ხელი, გაუმხნევებია სასოწარკვეთილი, აღუდგენია სულით დაცემული? გეყურება? შენ გეკითხები, შენა, რომ საზოგადოების ვალს თავს მახვევ!

— სტყუი, საზოგადოება ყოველთვის გლოვობს, როდესაც მის წევრს უბედურება რამ ეწევა.

— ხა, ხა, ხა, „გლოვობსო!..“ დიად, გლოვობს, სწუხს, სტირის, მაგრამ, აბა ჩაუკვირდი, რას წარმოადგენს ეს გლოვა. ტირილი, მისი ცრემლი? დაკარგულ წევრს გლოვობს თუ თავის თავს, დაკარგული წევრისთვის აფრქვევს ცრემლს თუ თავის თავისთვის? აბა, შენ იყავ მხოლოდ ადამიანი, უჩინარი, თუ შენ გიგლოვოს, ცრემლი აფრქვიოს. იმას გონია, რომ შენის დაკარგვით არა დააკლდება რა. შენს უბედურებას ვერც კი შეიტყობს. თუ მასხარა ხარ, საზოგადოება გიგლოვს; ცრემლს დააფრქვევს, რადგანაც მოაკლდება შენი მასხარაობა, ვეღარ იმხიარულებს შენის მასხარაობით. შენ გიგლოვს, როგორც მასხარას და არა როგორც წევრს — ადამიანს. მწერალი ხარ ან სხვა რაიმე ხარ, რითაც შენ საზოგადოებას ამხიარულებ, ასარგებლებ, გიგლოვს, რადგანაც შენის უბედურებით აკლდება მას სიამოვნება, სარგებლობა. შეიგნე, რომ თავისი სიამოვნების შემცირებას გლოვობს და არა დაკარგულ წევრს! მაშ...

„ეჰჰე, რაებს მალაპარაკებ?! რაც ცხადია, რაც ნათელია, იმას ახსნა, განმარტება უნდა?“

„თვით მონა, ყურმოჭრილი მონა ძლიერისა ცდილობს დაგიმონავოს, გაგანადგუროს, სისხლი გაგიშროს, და ამ საზოგადოებისთვის მირჩევ კიდევ ვიცოცხლო, ვალი გადაეუხადო?“

„ახ, რომ შემეძლოს მისი ვალის გადახდა?! მაგრამ არა!.. არა!... არ მინდა მეც ის საძაგლობა ჩავიდინო, მრალატობა, სუსტის განადგურება, ძალმომრეობა და ფეხქვეშ დაგება მე არ შემეძლიან. და თუ ასე არ მოიწოქმედე, მაშინ ადგილი არა გაქვს საზოგადოებაში. იმისთვის მეც...

— კარგი, მაგას თავი დავანებოთ, ვსთქვათ, შენ მართალი ხარ..

— როგორ თუ ვსთქვათ?! მაშ დარწმუნებული არა ხარ?

— როგორ არა... დარწმუნებული ვარ დავანებოთ თანამედროვე საზოგადოებას თავი. სიძულვილის ღირსია. აბა, ახლა გაიხედ-გამოიხედე: ხედავ, აგერ იქ, ზედაზნის საბეროს მთის წვერზე, ქვევით კიდეც, ჯვარპატიოსნისას, მცხეთის ტაძრებს, ნანგრევებს და, აი, შენს გვერდით „ბებრის ციხეს“! ვერ ხედავ, როგორ გამოკრთიან მთვარის შუქზე? ნუთუ შენს სულს და გულს შენი დიდების მოწმენი არას ეუბნებიან?! განა ყოველივე ეს შენ წინაპართ არ გაგონებს, როდესაც მათი სიცოცხლე დულდა და გადმოდიოდა ამ მხარეს?! განა...

— კმარა!.. ვხედავ, კარგად ვხედავ ჩვენ წინაპართ დიდებას და იმასაც კარგად ვხედავ, რომ ამ დიდებას ჩვენი გათახსირება, არარაობა მოჰყვა. რას წარმოადგენს ის დიდება, რომელსაც შედეგი ასეთი ექმნება? ჩვენი არარაობა იმ დიდების შემდეგ უფრო მწვაავია, უფრო...

— აი სწორედ ამ გათახსირების დროს უნდა ბრძოლა.

— ოხ, მომეც რწმენა მომავლისა და, აი, ამ მთას მეორე ნაპირას გადავდგამ, თავს შევაკლავ...

— მშვენიერ არსებას შეუძლიან მოგანიჭოს რწმენა, გამოგარკვიოს და...

— სსს!.. — მწარედ წაისისინა გაბრომ ამ სიტყვებზე და დაღრეჯით თავი გაიქნ-გამოიქნია.

— რა იყო?

— ნულარას მკითხავ, მომშორდი!

— კარგი. ყოველისფერში მართალი ხარ. მაგრამ ერთ კითხვაზედაც მიპასუხე: მაგრე რამ გამოგაშტერა?..

— საზიზღარო, მომშორდი, არ გეყურება? ადამიანი უკიდურეს მდგომარეობამდის მისულა და შენ გულგრილად მას-

ხარად იგდები!.. აი მაგ გულცივობამ გამიტეხა გული, გულ-
ცივობამ!..

— ნუთუ გულშემატკივარი არავინა გყავს, რომ თავს იმე-
ტებ?!. განა შენის სიკვდილით არავის აატირებ, გულწრფე-
ლად ცრემლი არავის არ წამოსცივია?!.

— წყვილი ცრემლიც რომ გადმოაგდოს ვინმემ გულ-
წრფელად, ვფიცავ თუნდ ამ ნანგრევებს, ამ „დიდების მოწა-
მეთ“, — როგორც შენ მონათლე, — ავიტანდი ყოველგვარ
ტანჯვას, ოღონდ თბილი, გამაცოცხლებელი ცრემლი მოხვდეს
ჩემს მკერდს და მე მკვდარიც გავცოცხლდები. მაგრამ სადაა,
სად?!. ვეძებდი, მაგრამ...

„მხოლოდ არაგვი ვიპოვე. აი, ვერ ხედავ, თავისკენ მიმი-
წვევს, მეაღერსება... ცრემლები მზად აქვს... ყველას მკერდს
აპკურებს, დაალობს თბილი, გამაცოცხლებელი ცრემლებით
კი არა, ცივი მომაკვდინებელით. აი ესე. როგორც ჩემ
მკერდს...“

„აახ!..“

არაგვი ოდნავ შეჩქაფუნდა, შეშოშმინდა და სწრაფ ისევ
ისე ჩვეულებრივი დენა დაიწყო; მთა, ღრე, „დიდების მოწა-
მენი“ ისევ ისე გულგრილად, ცივად გადმოსცქეროდნენ პატა-
რა კლდეს, რომელიც უკვე განთავისუფლებულიყო ზედ მო-
თავსებულ გაბროსაგან, და მთვარე ხომ...

ბულბულიც ისევ აღზნებით ჰყეფდა ტიატიასა.“

„რა ზიზლით მიცქერის!“

(იტიული)

I

ცხელა, საშინლად ცხელა. ჯერ თორმეტი საათიც არ არის და კაცს გარეთ აღარ გამოესვლება. ამისდა მიუხედავად მაინც თბილისის მტკრიან ქუჩებში მოძრაობა არ შეწყვეტილა. აგერ, გაქაფებული ცხენები ეტლს მიაგრიანებენ და შიგ მჯდომი კი ქოლგას ეფარება. მეჯაგვე ცხენს გვერდით მოსდგომია და რაც ძალი და ღონე აქვს უყაპუნებს, მაგრამ ცხენი ადგილიდან არ იძვრის. ველარას ხედავს. ცხენსაც და პატრონსაც ღვართქლი ჩამოსდით.

— კულზე უკბინე, კულზე! — გაეხუმრა კინტო და ხმამაღლა ყვირილი მორთო: — კიტრი, კიტრი, შუშა კიტრი... პა, პა, პა... რა გრილი კიტრია... ღმერთმანი კობტა ვირის მოტანილია... აბა, აქეთ, კიტრი, კიტრი...

— აი, შენი... — აღარ დაათვა მეჯაგვემ სიტყვა, შოლტის ტარი მოაბრუნა და ბრაზმორეულმა ისე მაგრა დაარტყა ცხენს, რომ შოლტის ტარი შუაზე გადატყდა.

ცხენმა უეცრივ გაიწია, მაგრამ ჯაგვა მხოლოდ ააჭრიკინა და ადგილიდან კი ვერ დასძრა. ცხენს დაჭიმული კუნთები მოუდუნდა, თრთოლამ აიტანა და უეცრად მუხლები მოეკეცა.

— წკრრრ. — ააწკრიალეს ტრამვაის ზარი და მხართეპოზე წამოწოლილ ცხენს ვაგონი გვერდით აუსლიკინდა...

— აი, შე... — ყვირილით გადმოვარდა ვაგონიდან ერთი ჩასუქებული კაცი და მეჯაგვეს ყელში სწვდა. — გოროდო-

ვოი... — ყვიროდა ჩასუქებული კაცი და თან მეჭაგვეს ან-
ჯღრევდა.

იმის ყვირილზე ასასიც მოვიდა და წინ გამოეჭიმა.

— ოქმი, ოქმი!.. ეხლავე ოქმი უნდა შევადგინოთ ამ სა-
ზიზღარზე, რომ ასე სტანჯავს ცხოველს! იმოდენა ტვირთს
უღებს, რომ...

— შევადგინოთ, თქვენო კეთილშობილებავ, შევადგი-
ნოთ!.. — გულწრფელად ეუბნება ასასი.

— შენ იცი, მე ვინა ვარ?..

— ვიცი, თქვენო კეთილშობილებავ... თქვენ ცხოველთა-
მფარველი საზოგადოების წევრი ბრძანდებით...

— ჰო და... ოქმი!..

მეჭაგვეს გამოაშვებინეს ცხენი, ტვირთი გაუნახევრეს და
შემდეგ გამგზავრების ნება მისცეს.

— რა კეთილი კაცი ყოფილა!.. — გულის სიღრმიდან ამოს-
კდა გიგლას, რომელიც აგერ კედელს აყულებია და ამ სურათს
თავიდანვე თვალყურს ადევნებს.

ეს სამი დღეა თბილისში ჩამოვიდა გიგლა სამუშაოდ, მაგ-
რამ ჯერაც ცის ქვეშ ათენებს და აღამებს. რამდენიმე პური
ჩამოჰყვა თან, ის გუშინ დილითვე შემოეღია. მას შემდეგ
გემოდ არა უნახავსრა. ნაცნობი არავინაა ვის მიმართოს?..
არ იცის. სადაც სამუშაო იკითხა, ყველგან უარი უთხრეს.
შინ დაბრუნდეს?... მერე რა გააკეთოს? ხომ იმისთვის წამო-
ვიდა, რომ სახლში საქმე არა ჰქონდა?!. ყანები მოუცდა, იქ
ახლომახლო სოფლებშიაც მოსცდა მოსავალი. ორმო ცარიე-
ლი და ფქვილის გოდორი ხომ დიდი ხანია გამოებერტყა. რამ
უნდა დაიოკოს ამოდენა ჯალაბობაო, — იფიქრა შინ და ქა-
ლაქში ჩამოსვლა არჩია ერთი ორი გროშის საშოვრად. „ესეც
ქალაქი!..“ — წამოიძახა გიგლამ ორი დღის სიარულის შემ-
დეგ, თბილისს რომ მოადგა და უეცრად მძიმე სუნმა სუნთქვა
შეუხუთა. „ესაც ქალაქი!..“ — იმეორებს ამ სიტყვებს ეს სამი
დღეა, და კუჭი უკაკანებს. ეს ოხერი, მჭვალი რაღას გადაე-
კიდა?!: რიგიანად ვეღარ უსუნთქავს, გვერდში ისე მაგრად
სჩხვლეტავს. თითქოს სიცხეც თანდათან უმატებს, მაგრამ რა-
სიცხე, „მზე მახურებსო“, — ინუგეშებს თავს გიგლა. წყალი

კი უხვად აქვს. იქავე ახლოს მილის წყალს იღებენ კოდებში. ისიც ყოველ ხუთი წუთის განმავლობაში წყალს ეწაფება...

— შენი ჭირიმე, ბატონო!.. — ნაბდის ქული მოიხადა და ძალდატანებით მიმართა ჩასუქებულ „ცხოველთა მფარველი საზოგადოების“ წევრს, როდესაც ის გიგლასკენ მოტრიალდა.

— რა გინდა?... — მკვახედ დაეკითხა ჩასუქებული წევრი და ცოტა ხანს შესდგა გიგლას წინ.

გიგლას ენა დაება. რა უნდოდა?... ახლა გიგლამ აღარ იცოდა. აგერ მეორე დღეა ესე წვალობს, უნდა ითხოვოს, მოწყალება მაინც სთხოვოს ვისმე, მაგრამ ყოველ ხელის გაწვდაზე უცბად ედუნება მკლავები, ენა უდამბლავდება და მისი განზრახვა ისევ განზრახვად რჩება. ვერა ბედავს. „სირცხვილიაო“, ამბობს და ადამიანისადმი მისამართ თხოვნას ზეცისკენ გზავნის. იმისი არა რცხვენია.

ახლაც მხოლოდ ჩასუქებულს მიმართა იმისთვის, რომ მისმა საქციელმა ალტაცებაში მოიყვანა, მაგრამ ჩასუქებულის მკვახე კითხვამ დაამუნჯა.

— რა გინდა?... — გაუმეორა ჩასუქებულმა იმავე კილოთი კითხვა და თავითფეხებამდის აათვალიერ-ჩაათვალიერა.

მიწა რომ გახეთქილიყო, ის ერჩივნა გიგლას, ვიდრე ამ კაცის წინ ქულმონდილი დგომა.

— მე... სამუშაოდ ჩამოვედი. ვერა ვიშოვე რა... არაფერი მაქვს... მკვალცი...

— ჰოოო!... ჩაიარე!.. — ზიზღით უთხრა ჩასუქებულმა და ბურტყუნით მხარი აუქცია.

— ჰმ!.. — ჩაიცინა და მწარე ღიმი ტუჩებზე აუთამაშდა. ტყვიასავით მოჰხვდა ჩასუქებულის სიტყვა გიგლას და მუხლები დაუდამბლავდა, მუხლების თახთანით იქვე ჩაჯდა და შუბლზე ჭირის ოფლი მოიწმინდა...

— რადა ვთხოვე, რადა?! — თავის ქნევით და მწარის ღიმილით ეკითხებოდა თავის თავს და ჰკიცხავდა თავის საქციელს...

— ვა, რა გზაში ჩაგდებულხარ?!.. — ფეხის წამოკვრით ზედ გადაალაჯა ერთმა კინტომ და დაიყვირა: — მწვანილი, მწვანილი!..

ხმის ამოუღებლად წამოდგა გიგლა. ქალაქის იმედი გადა-
უწყდა. არჩია ისევ სოფლად წასვლა. იქნება აქეთ სოფლებში
ვიშოვო რაიმე სამუშაო, გაიფიქრა და ვერის გზას ლასლასით
გაუღდა.

მზე კი უხვად უგზავნიდა სხივებს, თავს დასტრიალებდა
ქალაქს და სულდგმულთ ტვინს უღუღებდა.

II

— ღმერთო, ან მომკალი და ან კიდევ ერთი ცვარი წყალი
ჩამაყლაპე!.. — პირგამომშრალმა წამოიძახა და ანთებული
თვალები ზეცას მიაპყრო.

გიგლას უნდა წამოდგომა, მაგრამ სხეული აღარ ემორ-
ჩილებდა. იცის, რომ სულ ორი ვერსი არ იქნება მტკვრამდის;
იცის, კარგად იცის და აგერ პირდაპირ მტკვარსაც ხედავს,
ბუნდად ხედავს და წყურვილიც უათკეცდება. სწყევლის თავის
თავს, რომ მტკვარს დაშორდა და ხელმარცხნივ სოფელს თვალი
მოჰკრა და იქით გაეშურა. იქნება იქ მაინც ჩქარა მივიდე და
ცოტათი სული მოვიბრუნოვო, გაიფიქრა, მაგრამ იქამდის ვე-
ლარ მიაღწია და ამ ხესთანაც ძლივს მოვიდა. მზის სხივებს
ველარ გაუძლო და აქ ჩრდილოში წამოწვა...

მქვალი?!

მქვალს ვინდა ნადვლობს, თუმცა სუნთქვას უხუთავს,
რომ წყალი, ერთი ცვარი წყალი ჰქონდეს!..

— ღმერთო!... — წამოიძახა სასოწარკვეთილებით და უნ-
დოდა თავისი თხოვნა გაემეორებინა, მაგრამ მოაგონდა, რომ
რამდენჯერმე მიმართა და მისი სიტყვები უპასუხოდ რჩებო-
დნენ. ლმობიერებით აღვისილი თვალები მოუკრიალდნენ და
სწრაფ უნუგემობით აღივსნენ. გიგლამ არემარესლა გადაავლო
თვალი და, დახე მის განცვიფრებას, მზის სხივები ველარ დაი-
ნახა. საჩქაროდ ცას შეხედა. ნუთუ შეიძებინა იმისი ვედრება?!
ცა წაფერფლილა მის სიხარულს არა აქვს საზღვარი. „ღმერ-
თო, ღმერთო!..“ იძახის სიხარულით გიგლა და პატიებას შეს-
თხოვს ახლა ღმერთს, თავის უნუგემობით თუ აწყენინა.

ცა იქუშება, ცა ინაბდება. ჩამობნელდა. სუნთქვა გაძნელდა.
განრისხებული ცა ბრძოლის სამზადისშია და თითქოს ფიქრობს

ისეთი რაშე ჩაიდინოს, რომ უეცარის თავის მოქმედებით ქვეყანას თავზარი დასცეს.

თუმცა ძნელი იყო გიგლასთვის წამოწევა, მაგრამ მაინც წამოიჩოქა, გვერდით ხის ძირს მიეყრდნო. ტკბილმა, ტკბილმა უფლისადმი სასოებამ შეიპყრო და, მთლად სასრებად გარდაქმნილი, მადლობის ჰიმნის წარმოსატქმელად მოემზადა მისი არსება...

ერთი კიდიდან მეორემდის ცაზე ცეცხლის ხაზი გადიკლაკნა და ამ გარემოებამ გონება მისი თან გაიყოლა. ველარ მოასწრო სიტყვის წარმოთქმა.

ელვას თან მოჰყვა საშინელი ცის ხმაურობა. ყველა შეძრწუნდა, ვისაც კი ოდნავ შეუძლიან შეძრწუნება, და თვით დედამიწაც შეფიქრიანდა...

III

— გული გამისივდა!... — წამოილაპარაკა თავისთვის თბილისისკენ მიმავალმა ბაყალმა და ჩოხის კალთები შემოინაოქა, შეათამაშა და მარცხენა მხარზე ვადაიფინა. — მეგონა, — განაგრძო, — წარღვნა იქნება მეტეი და თურმე კი... ამ ცასაც როგორი მასხარაობა სცოდნია, „პუსტოი ტრევოგა“ ჰქონია!.. დედამიწა არც კი დაასველა. ერთი ბეწო წამონამა. აბა ერთი ე ცას შეხედე, რა უეცრივ მოკრიალდა... ჰმ! — ჩაიცინა ბაყალმა და, თითქოს ვერა გაუგიარო და თან კიდეც არ უნდა ამაში გამოტყდესო, ისე გადააქნივგადმოაქნია თავი. ამავე დროს შესდგა და მიიხედმოიხედდა... — ვაა!.. დიდება შენტვის ღმერთო! — განცვიფრებით ხუთი თითით პირჯვარი გადაიწერა და ქრუკოლით განაგრძო: — რაზე მე დამეცემოდააა!.. ამოდენა ხე შუაზე გაუხეთქია და მე რაღას მიზამდა?! მგონი... ჰო, მართლა, მეხის ნატეხი კარგიაო, ამბობენ. მოდი ვნახავ, იქნება, ვიპოვო... — სთქვა ბაყალმა და ხესთან მივიდა.

— ე, შე ცინგლიანო, შენ კიდეცაც ვიპოვია მეხის ნატეხი, — წამოიძახა, როდესაც ხის ქვეშ მიმჯდარ გლეხს თვალა მოჰკრა.

— ძმობილო! — წამოუარა წინ და დაუძახა, მაგრამ უეცრად ბაყალს ფერი ეცვალა.

ნის ძირში შიმქდარი გლები ქანდაკებასავით გაშეშებულ-
ლიყო.

ბაყალმა ერთი კიდევ შეხედა, შიშმა აიტანა და გლების
სახის გამომეტყველებას ვეღარ გაუძლო.

მხოლოდ ზიზღი, ზიზღი და ზიზღი შეგეძლოთ ამოგეკით-
ხათ გლების ოდნავ გახელილ თვალებში და მოღიმარ ტუ-
ჩებში...

— ვა, რა ზიზღით მიცქერის?! — წამოიძახა ბაყალმა
კანკალით და რაც ძალი და ღონე ჰქონდა თბილისისკენ გაჰ-
კურცხლა.

„ვესტროპოლი..“

I

— ჩხირი კედელს, ჩხირი კედელს! — წამოიძახა გულწრფელის სიმხიარულით ერთმა ჩემმა კარგმა ნაცნობმა, როდესაც მე და ვანო ცხენებით კარს მივადექით, და საჩქაროთ აივნიდან კიბის საფეხურები ჩამოთვალა.

— ძლივას არ იკადრე ჩემი ქოხი და მოხვედი! — ამ სიტყვებით მარცხენა ხელი ცხენს სადავეში წაავლო და მარჯვენა კი გამომიწოდა.

— ჩამოხტი, რაღას უყურებ?! — შემომძახა.

— მეჩქარება, ფეხად მინდა გავბრუნდე, — გავეხუმრე და ცხენის გაბრუნება დავაპირე.

— შენ არ მოუკვდე შაქროს, რომ იმან დღეს აქედან არ გაგიშვას! — ბიჭო, ბიჭო, სად ჯანაბას დაიკარგე?! — მიტრიალდა და ბიჭს ძახილი დაუწყო. ამავე დროს ცხენის სადავეს კი ხელს არ უშვებდა.

— გაგეხუმრე, თორემ ჯოხითაც რომ გაგდება დამიპირო, მაინც აქედან არსად წავალ, — ვუპასუხე სიცილით და საჩქაროდ ცხენიდან ჩამოვხტი.

ვანოსაც უკვე გაეთავისუფლებია ცხენი, მათრახის ტარს ნალის ყელს უბარტყუნებდა და ძირს ჩაიციქირებოდა.

— მართლა, შაქრო, ე კაცს კი ვერ იცნობ, რო ყურადღებას არ აქცევ?! — მივეუთითე ვანოზე, თვალი რომ მოვკარი.

— შენზე ადრე ვანო გავიცანი, — მკვახედ უპასუხა და ბოდიშის მოხდით ვანოს ხელი ჩამოართვა.

შაქროს ყვირილზე ბიჭი ჯოხის ძველით გამოვიდა ძირის სახლიდან შმუშნით და ცხენები ჩამოგვართვა. ჩვენ კი შაქროს

წინამძღოლობით კიბეს შეეუდექით და საფეხურების ჭრიჭინით და წრიპინით ჩქარა აივანზე მოვექეცით. აივანმაც აგრეთვე ჭრიჭინ-წრიპინით მიგვიღო. შაქრო თავისებური ხმაურობით ოთახში შევიდა, ჩვენ კი აივნის მოაჯირს მივეყრდენით და, ჩვენდაუნებურად, აივნის პირდაპირ ამართულმა კლდემ თვალი მოგვტაცა.

— რა კაი სანახავი რამ არის! — აღტაცებით წამოიძახა ვანომ და გაჩუმდა.

მეც ვგვე უნდა მეთქვა, მაგრამ იმან დამასწრო.

მართლაც კედელივით ჩამოლესილი კლდე, უზარმაზარი კლდე, რომლის წვერიც ტყითა და მოლით იყო შემოსილი, საუცხოვო სანახავს წარმოადგენდა. შიგ ძირში არაგვი ქუხდა.

— პოეტნი ყოფილან ჩვენი წინაპარნი, რომ ამისთანა მშვენიერ ადგილას ეკლესია აუშენებიათ! აგერ, ხედავ, აი, იმ ხნს იქით, კლდის კალთაზე ეკლესიას? აგერ გამოქვაბულებიც! უთუოდ საბერო იქნებოდა. — ჩაილაპარაკა ვანომ ცოტახნის შემდეგ.

— არც ეხლანდელი ჩვენი გლეხები ყოფილან, ნაკლებივერ ხედავ, იქავე ახლოს, ველზე, როგორ მოთავსებულა პატარა სოფელი? — ვუპასუხე მე და ხელით ტყეში გამონასკულ გლეხის სახლებზე მივუთითე.

— ღმერთმანი, შალვა! — მომიბრუნდა ვანო და თვალეში შემომაჩერდა: — აღტაცებაში მოვდივარ, როდესაც ამისთანა სურათის ვხედავ და მთლად მადლობად გარდვიქმნები ხოლმე ჩვენი წინაპრებისადმი. მინდა მუხლის თავებზე დავეცე და თაყვანი ვცე იმათ რომ ეს მშვენიერება, ეს ღიღება ჩვენვე გადმოგვცეს.

— უკაცრავად, — უკაცრავად! — გამოვიდა ამ დროს შაქრო და ლაპარაკი შეგვაწყვეტინა: — თავი მიგანებეთ, მაპატივეთ! ჩემი კნენა ცოტა შეუძლოთ არის და მე ვლიასახლისობ. უთუოდ გეშიებათ?

— არც უმაგისობაა, — ვუპასუხე მე: — ამ მშვენიერმა ბუნებამ მშვენიერი მადა მომგვარა.

— ვაი, გამიწყრა ღმერთი!.. მაშ რითლა დაგაძლოთ?

— მე ჩემი მხრით, — მიუბრუნდა ვანო შაქროს: — პირობას გაძლევ, ერთი გოჭისა და ნახევარი ინდოურის მეტს არ შევკამ.

— სვავი ხარ, შე ოჯახქორო, თუ რა?

— დალევით კი თუნგ ნახევარზე მეტს ვერ დავლევ.

— ღმერთი გამიწყრეს, ვანო, თუ თუნგ ნახევარზე მეტი ღვინო მქონდეს!

— მაშ, ჩემო შაქრო, სხვა მასპინძლის მოძებნა დამჭირდება! — ვუთხარი მე და ხელი გავუწოდე: — რაც ვანომა სთქვა, ორი მაგდენი მე დამჭირდება.

— ოი, ჩაგექცეთ მუცლები!.. თქვენ ოჯახქორებო, წინაღ მანინც შემატყობინებდით, რომ მომეშაადებინა რამ. აბა, ახლა რა თავში ქვა ვიცე?!

— არა უშავს რა, შენ ვანო დაიტოვე, მე კი ჩემ თავს მოვუვლი.

— ჰაი, დედასა!.. მაშ შაქრო მოგიკვდეს, თუ ღვინოში არ ჩაგახრჩოთ!

— დახრჩობა რომ მინდოდეს, აგერ არაგვი აქ არ არის!.. ჩვენ მხოლოდ ღვინის დალევა გვინდა, — ვუპასუხე მე და ისევ ჩვენ პირდაპირ კლდეს მივუბრუნდი.

— მოგწონს, შალვა, ეგ ადგილი?! ამას წინათ ერთი ფრანგი მეწვია და კინალამ გაღირია, ისე მოეწონა.

— მე ფრანგი არა ვარ, მაგრამ მეც ლამის არის გაღამირიოს.

— საქართველოს ყველა კუთხეები რომ დაიარო, ამისთანა სიმშვენიერეს ვერსად ნახავ!..

— მაგას ნუ იტყვი, ჩემო შაქრო! მე დამივლია ქართლი, კახეთი, იმერეთი და ამ არაგვის ხეობას ხომ ჩემ ხუთ თითსავით ვიცნობ და, სწორედ გითხრა, დაბეჯითებით ვერ გიპასუხებ, რომელი უფრო მშვენიერია. ყველგან არის საუცხოვო ბუნების სიდიადენი, ყველას თავისებური სიმშვენიერე აქვს და არ იცი, უპირატესობა რომელს მისცე. ის გზიბლავს, გომონავებს, რომლის წინაც სდგებარ და შესსქერი და გავიწყებს დანარჩენებს.

— ეგ ტყუილია. ამისთანა მშვენიერება არსად არის! ეს თითონ ფრანგმა აღიარა...

— ფრანგმა ეგ აღიარა, მე კიდეც რაც გითხარ, იმას ალვი-არებ. ახლა შენ იცი, რომელსაც ამოირჩევ, — ცოტა დაცივნის კილოთი ვუთხარი და აივნიდან გადავაველე თვალი კარმი-დამოს.

სათონე, ბოსელი, ბაკი, ბოსტანი, ურემი, შეშა სულ ერთ-მანეთში იყო არეული. ჩვეულებრივი, ქართველური უწესრი-გობა ეტყობოდა ყოველსავე ამას.

შაქრომ და ვანომ მგონი საქართველოს ბუნების სიმშვენი-ერეზე განაგრძეს ბაასი. არა გამიგიარა. მე კი შაქროს კარმიდა-მოს დათვალიერების დროს, ჩემდა უნებურად, წარმომიდგა თვალწინ ჩემი, ჩემს მოგონებასთან შესისხლხორცებული, კარ-მიდამო, ცხადად ვხედავდი ასეთსავე კარმიდამოს, ასეთსავე ალუფხულს, როგორც შაქროსი იყო, და შიგ კიდეც მოთამაშე, მოხითხითე და-ძმათ. ახ, რა ნეტარი, გულწრფელი სიცილი მომესმა! არავითარი ზადი მას არ ეტყობოდა. პატარა შალვა ემასხრებოდა თავის დას.

სურათი სურათით იცვლებოდა. მომქმედ პირებად და-ძმა-ნი იყვნენ. ვხედავდი იმათ, ხან ცეცხლის მფრქვეველთ, ხან მთლად სიყვარულად გარდაქმნილთ, ხან კიდეც რწმენით აღ-ჭურვილთ და კიდეც სასოწარკვეთილთ.

მთლად წინ გადამეშალა პატარა შალვას წარსული და ვხე-დავდი, როგორ თანდათან იმედი იმედზე უტრუვდებოდა, რო-გორ, თანდათან ექვი ეპარებოდა, სახე ეღარვოდა და ბოლოს მომიახლოვდა, შაქროს კარ-მიდამო შემოლახა, აივანი ააჭრია-ლა და მთლად განადგურებული უეცრივ შემომიერთდა.

— ფუუ! — გველსავით დავიკლაცენე ამის შემდეგ და უეც-რივ მოვტრიალდი, თითქოს მინდოდა ის შალვა განმედევნა, რომ იმედი, ძალა ჩემთან შემოერთებით ცოტად კიდეც მბეუ-ტავი სულ არ ჩაჰქრობოდა.

— გეყოფა ამ სიმშვენიერის ჰერეტა! ეხლა დროა ჩვენი მოვალეობის აღსრულებას შევუდგეთ! — მიტრიალების უმაღ-მკლავში ჩამავლო ხელი შაქრომ და ოთახისკენ გამწია.

— ჰა!.. რა მოვალეობისა? — დაბნევით შევეკითხე.

გრძნობით ვიყო გამსჭვალული, მაინც ჩემი ხმა შესაფერად არ მოეწყობა. თუ ხმა ამოვიღე, მაშინვე მსმენელმა, თუ პირდაპირ არ წამოიძახა: „რას ყროყინებსო“, გაიფიქრებს მაინც. ამას გაიფიქრებს და, აბა, ყროყინით კი შენი გრძნობის სინაზეს როგორ გამოსთქვამ?!.

სუფრული, მრავალჯამიერ და მრავალი სხვა არაგვისპირული სიმღერები საუცხოვოდ შეასრულა „ხორველის ანგელოზმა“ თავის ნაზი ტკბილის ხმით. შაქრო და ვანოც კარგად უწყობდნენ ხელს. ბოლოს ჩაახველა, ხმა ამოიწმინდა „ხორველის ანგელოზმა“ და „მთაო, გადმიშვი, გადმიშვი...“ ტკბილად, გრძნობით აღსაყვ ხმით ნიავევით შემოგვეპარა და უეცრივ, მთლად შემბოჭა, შემბჰყრო. ვანო და შაქრო დაბალ, სულ დაბალ, უჩინარ ბანს ეუბნებოდნენ და უერთებდნენ „ხორველის ანგელოზის“ ხმას. ახ, რა ტკბილი და ამასთან შწვაფი, ჯოჯოხეთის ცეცხლი ამენტო გულში?!

ის მღეროდა გულამოსკვნით, გულამოსკვნით ევედრებოდა მთას, რომ გადაყარა ნისლი, გზა გადაეწმინდა, რომ მთის იქით გადასულიყო და დაენახა თავისი სატრჯო, რომელიც სხვის მკერდს დაჰკროდა. მეც ამავე დროს ვევედრებოდი ზეცას, განგებას, ბუნებას, ვევედრებოდი გულამოსკვნით, რომ მთლად გრძნობად, სიყვარულად გარდავქმნილიყავ და შევეერთებულიყავ ჰაერს, რომ გადამელახა მთა, ღრე, ტყე და ველი; ყველა გამეთბო, მკვდრეთით აღმედგინა და მის გულსაც შევხებოდი. იქნება გაციებული, გაყინული გული მაშინ მაინც გალხვოდა და...

მაგრამ ვხედავდი: ზეცა, განგება, ბუნება დამუნჯებულიყო, გული გაყინვოდათ ისე, როგორც იმას და ჩემ მხურვალე ვედრებას, სასოწარკვეთილებას ყურადღებას არ აქცევდნენ. ვხედავდი ჩემს უძღურებას, სიმჩატეს და ჩემი თავი მევე შემეზიზნა... ნიავევით მისუსტდა, მისწყდა, „ხორველის ანგელოზის“ ხმა და მასთან მობანეებისაც.

— ჰოო, გიშველა ღმერთმა, ჩემო „ხორველის ანგელოზო“! — წამოიძახა შაქრომ და ჰიქები შეავსო.

შაქროს სიტყვებმა გამომარკვეის. მეწყინა, რომ შაქრო

ამისთანა მომდერაღს და მშვენიერი სახის ადამიანს „ხორველის ანგელოზს“ ეძახდა.

— თუ ძმა ხარ, შაქრო, — მივუბრუნდი იმას და ნაღვლიანი ხმით მივმართე: — აბა, რა საკადრისია, ამისთანა ადამიანს „ხორველის ანგელოზს“ უწოდებ?!

— ხა, ხა, ხა!.. — პასუხად გულწრფელი ხარხარი მომახალა პირში და განაგრძო: — ჩემი რა ბრალია, კაცო, როცა თავის თავს თითონვე „ხორველის ანგელოზს“ უწოდებს?!

დაგვიანებულმა სადილმა დიდხანს გასტანა. ბიჭმა რომ სანთლები შემოიტანა, მაშინღა მივაქციე ყურადღება, რომ შებინდებულიყო და სუფრას ძლივასღა ვარჩევდი.

— დროა სადილი გავათავოთ! — წამოვიძახე და ადგომა დავაპირე.

— მოიცა, თუ ღმერთი გწამს, რა დროს ადგომაა! ჯერ, აი, სიმონას ვაამბობინოთ, როგორ დაერქვა „ხორველის ანგელოზი!.. სიმონა! მიუბრუნდა ახლა სიმონას: — ერთი ამათ უამბე შენი თავგადასავალი!..

— შენ თითონ უამბე, ხომ იცი, — უპასუხა სიმონამ და თამბაქოთი ჩიბუხს ტენა დაუწყო.

— არა, სიმონ, შენ კარგად მოჰყევი ხოლმე.

მე ძალიან მინდოდა გამეგო, თუ რად დაერქვა „ხორველის ანგელოზი“ ამ სიმპათიურ ადამიანს და ამისათვის მეც ჩემის შხრით ვთხოვე.

II

სიმონამაც აღარ გაგვამეორებინა თხოვნა. ჩიბუხი სანთლით გააჩაღა, რამდენჯერმე ტუჩები შეაწკაპუნა, ბლომად კომლი გამოუშვა და ჩახველების შემდეგ გულიანად ჩაიციანა.

იმის გულიან ჩაყინებაზე ჩვენ ყველას გაგვეღიმა, ისე გადამდები იყო იმისი ჩაყინება, და მთლად სმენად გარდვიქმენით, როდესაც სიმონამ ჩაყინების შემდეგ დაიწყო:

— ხორველობა ხომ გახსოვთ?.. აი, სულ ოთხი-ხუთი წლის წინად. ჰო და... მაშინ ჩვენ სოფელშიაც გახდა ერთი ავაღ. ისეთი ზარი ჰქონდა იმ ოხერს, ხორველითაც რომ არ ყოფი-

ლიყვნენ ავად, მაინც იკრუნჩხებოდნენ. ჰო და... ისიც დაიკრუნჩხა. „ხორველა, ხორველა!“ — გამვლელი და გამომვლელი ყველა იმასდა გაიძახოდა. როგორც ახლა, მაშინაც ნაცვლად ვიყავი. „აბა, ლეპორტო!“ მომძახეს და მეც მაშინვე შაქროსკენ გამოვსწიე. „წრიბ-წრიბ-წრიბ!“ ააწრიბინა იმანაც კალამი და თან მეკითხება: — რამდენი ავადმყოფი დაენიშნოვო, „ერთია ჯერ ავად და მაშ ხუთი დასწერე, იქნება დოხტური უფრო ჩქარა მოგვაშველონ მეტქი.“ — ვუპასუხე მე. ამაინაც კიდევ ცოტახანს აწრიბინა და ხელში აჭრელელებული „ლეპორტი“ მომაჩეჩა. მეც ავაჭრელე, ვთხლიშე ბეჭედი და...

— „აბა, სიმონა, შენ იცი როგორც მალე გაგზავნი ამ ლეპორტსაო,“ — მეხვეწებოდა ფერმიხდილი შაქრო.

— ხა, ხა, ხა... მაგოდენა კაცს მაგრე როგორ შეგეშინდა? — ხარხარით სიტყვა გააწყვეტინა ვანომ სიმონას და შაქროს შეეკითხა.

— რას ამბობ, კაცო, ხორველის გაგონებაზე დავთრებთ სულ დამეფანტა?! — ღრეჭით უპასუხა შაქრომ.

— მერე, სიმონი? — დავეკითხე სიმონას.

— მერე და... — განაგრძო სიმონამ: — იმ დღეს არაფერი. იმ ღამეს კი... ხი... ხი... ხი!.. ვხედავ ამ ხალხს, როგორ ფეხაკრეფით საითკენაც მიეშურება. ჩუჩრულით ფეხშიშველადედაკაცები, ამათ კიდევ ხევისურის ჯორებივით დატვირთული კაცები მისდევენ. თუ ვინმე ხმამაღლივ დაიწყებდა ლაპარაკს გზადაგზა „სუუუ!“ — მაშინვე პირზე ხელს მიაფარებდნენ, ფითქოს ეშინოდათ, ხორველამ არ გაგვიგოს და უკან არ დაგვედევნოსო.

„მეორე დღეს, ვხედავ, ჩემს მეტი ძე ხორციელი სოფელში არ მოიპოვება. ის ხორველიანიც კი გაპარულა. დავიარე მთელი სოფელი და ვერავინ ვიპოვე: ძაღლებისა, კატებისა, ქათმებისა და სხვა ცხოველების მეტი. „რა ვქნა მეტქი?“ დავეკითხე ჩემს თავს და მეც გაპარვა დავაპირე...

— ვის უნდა გაპარიყავ, კაცო? — სიცილით დაეკითხა ვანო.

— ხი, ხი, ხი!... რა ვიცი ვის? ძაღლებს თუ? — გულიანის ხარხარით უპასუხა სიმონამ.

„მაგრამ ვთქვი: მოხელე ვარ, ლეპორტი გავგზავნე და მეც რო გავიქცე, მაშინ, რო მოვიდეს ვინმე, ვინდა დაუზღვდება? ავიღე და დარჩენა ვარჩიე. იმისთვის უფრო ვარჩიე, რომ ხორველიანიც გაქცეულიყო და მაშ რისღა უნდა მშინებოდა.

„დავრჩი მარტოდ მე სოფელში და კიდევ ოთხფეხნი და შინაური ფრინველნი. პირველ დღეს არაფერი. მეორე დღეს კი შევეუდექი საქმეს. ამოდენა ქათამი, ბატი, ინდოური სულ აქ გაეშოთ. ვიფიქრე: მაინც ტურა და მელა დასჭამს და ისევ მე შეეჭვამო, ის არა სჯობია მეთქი?! გავიფიქრე და კიდევაც ავასრულე. სადილად, სამხრად და ვახშმად ბატი, ქათამი და ინდოური არ მომიკლია. განა თითო, ოროლი და სამსამი!! აბა, ამისთანა სადილ-ვახშამი უღვინოდ რად ევარგებოდა?! მეც დავშინაჩე ქაშნიკები მარნებში და სულ თავი და თავი ღვინოები ვსვი.

„სოფლას მოხელეს ხომ ძაღლები ემტერებიან. წინად სოფელში ისე არ გავივლიდი, რომ ჩემთვის არ გამოეტიათ. ახლა კი, შენ ნუ მომიკვდე. ისე დამიბეგობრდნენ, რო სულ უკან დამდევდნენ განა მარტო ძაღლები, კატებიც. მთელი ხროვა ძაღლებისა და კატებისა უკან დამდევდა, და უნდა გენახათ, როცა პურსა ვჭამდი, რა სიამით გარს მეხვეოდნენ. მეც, აბა, ამათ მეტი ვილა მყვანდა, ჯერზე თითო ქათამს ან ინდოურს ვაჭმევდი.

„გავიდა ორი კვირა. ყოველ დღე და დამ ამ ყოფაში ვიყავი... კარგი ღვინო შემომაკლდა. ერთ ადგილს მეგულებოდნენ კარგი ღვინო, მაგრამ მარანი დაკეტილი დამხვდა. ვიფიქრე: გავტეხო. ვაი თუ შერე სათაბალაში გამხვიონ მეთქი, და ისევ ხერხს მივმართე. ავიდგი ფეხი და ბევრი ვიარე თუ ცოტა, ერთ უვალ ადგილს მივადექ, „ბიჭო. ბიჭო!..“ — მოვრთე ყვირილი, და ჩემ ყვირილზე ფერდობზე კნეინა გადმოდგა.

„— უი, სიმონ. აქ რამ მოგიყვანა, ჩვენი დალუპვა რად გინდა?.. — გადმომივიღა კნეინამ და მაშინვე გატრიალდა.

„ეჰე. საქმე კარგად არის მეთქი! — წამოვიძახე და წელში გავიმართე.

ჯერ კიდევ ჩემ ფიქრს არ მოვშორებულყავ, რომ კნენინას მაგიერად ფერდობზე თითონ კნიაზი გადმოდგა და გადმოძახა:

„— სოფლიდან მოდიხარ, ნათელაშვილო?

„— ჰო შენი ჭირიმე.

„— ხორველა ძალიან არის?

„— ძალიან, ძალიან, შენი ჭირიმე, ისე ძალიან, რომ ჩემს მეტი კაცი სოფელში აღარ დარჩენილა.

„ტყუილი ხომ არ მითქვამს? ჩემს მეტი კაცი სოფელში არ იყო.

„— მერე, შე ოჯახდაქცეულო, აქ რა მოგარბენ-ნებდა, რო მორბოდი? — გაჯავრებით გადმომძახა და ერთი მწარედაც გადააფურთხა.

„— თუ აქეთ წამოველი, ბატონო, მარტო შენ დასახსნელად წამოველი.

„— რას მიედ-მოედები, შე კომლობა ამოწყვეტილო?.. ხორველიანი ადგილიდან ჩემ დასახსნელად მოსდიხარ? — მკვახედ გადმომჰყვილა იქიდან.

„— შენმა მზემ, კნიაზო, გუშინ შენი მარნის გვერდით გავიარე და რალაც ბლუილი შემომესმა. შევხედე და, შენ ბტერსა და ღუშმანსა, რაც მე დავინახე. „შენ, ეი,“ შემომჰყვილა იქიდან და ისეც დატყეტილი თვალები უფრო დააჭყიტა. მე ენა მუცელში ჩამივარდა და ხესავით გავხდი. „ნუ კი გახევდი და გაქვავდი... — მითხრა იმან: — წადი და უთხარი შენ კნიაზსა, რო, თუ ეს ქოცო არ დამიცალე და ახლავე არ გადილე სხვა ქოცოში, იცოდე, ცოლშვილიანად სულ ამოგწყვეტავ-თქო? განა რო გაიქეცი, ვეღარ გიპოვითქო? ეს ქოცო ჩემია, ჩემი...“ დაიჭქეა და საწნახლის და ზევით კედლის კუთხეში რო ქოცოა, იმას უბრაგუნებდა ფეხს: „დილაზე ადრე ადიქ და, რო ნახო, ასე უთხარ: ხორველის ანგელოზმა გამომგზავნათქო. გზაც კი იმან მასწავლა, თორემ, აბა, საით გაპოვიდი, ნიშანდობლივ მომასწავლათქო“.

ვატყობ, კნიაზს ფერი როგორ მისდიოდა და გულში მეცი-ნებოდა. რო გავათავე, კნიაზმა პირჯვარი გადიწერა და ქუდი მოიხადა.

„— შენი ჭირიშე, ნათელაშვილო... — შემომეხვეწა: — მე ვერ წამოვალ იქ. შენ... შენ, ისევ შენ როგორმე დაძინებ და ის ქოცო დაცალე. აი, გასაღებიც.“

„ხი, ხი, ხი...“ გულიანად ჩაიხითხითა სიმონამ. ჩვენც სიცილი აგვიტყდა, ისე მშვენივრად დაგვიხატა ტყუილი შიში.

„მეც ეგ მინდოდა მეთქი, — განაგრძო სიმონამ: — გავიფიქრე და გასაღებს რო დავხედე, სიცილი ველარ შევიმაგრე. არ გამიგოს მეთქი, თავი მაღლა აღარ ავიღე, ვითომ გასაღებს ვეძებდი, დავბობლავდი, სანამ სიცილი არ შევიმაგრე. როგორც იყო, სიცილი ხველად გადავაქციე და გული რომ მომეფხანა, მაშინდა ავიხედე მაღლა.“

„—რა ვქნა, კნიაზო, ძალიან საშინელი იყო ი ხორველის ანგელოზი და ახლაც რო ვნახო, მარნიდან ცოცხალი ველარც კი გამოვალ.“

„— შენი ჭირიშე, ნათელაშვილო, როგორმე მოახერხე... ერთხელ ხომ ნახე და გადურჩი, მეორედაც არას გიზამს. მე კი, იქნება, არ დამინდოს.“

„— შენი გულისთვის, კნიაზო, ცეცხლში ჩავვარდები და ი ხორველის ანგელოზია თუ ოხრობა დაღრჩობის მეტს ხომ არას მიზამს. სიკვდილისა არ მეშინიან. ღვთისმშობელს გეფიცები, შიგ ერთ ცვარ ღვინოს აღარ გავუშვებ. — ვუთხარი და გამოვტრიალდი.“

სიხარულით მივადექი მარნის კარებს და კლიტეს ჩხრეკა რომ დავეწყე, შიშმა წამილო, გასაღები კლატეში ველარ გადავატრიალე, ხელები ისე დამიდამლავდა. იმან ისე ჩქარა დაიჯერა, მეც გამეფიქრა: იქნება მართლა ხორველის ანგელოზი იყოსმეთქი და აქეთ-იქით მივიხედე, თუ ვინიცობაა შიგნიდან ხორველის ანგელოზი გამომეხმაურა, გზა ხსნილი მექნება-მეთქი, რო გავქუსლო. მივიხედე თუ არა და ჩემ უკან ათიოდე ოდელი რო დავინახე, გული გამიმავრდა და გასაღებს ჩხაკანო შოვადებინე...

„ოხ, რა მშვენიერი სუნია შეცა, როცა ქვევრს თავი მოვაძრე, ღმერთმანი, ჩემ დღეში არ დამავიწყდება! ცოტა პრკე ჰქონდა. მოვხადე და... ერიჰა, ქუდი ჰერს ვახალე.“

„აი, სწორედ კნიაზის წითელი ღვინით ვიყავი გამობრუვე-
ბული, როდესაც ზარის რეკა შემომესმა. რა ამბავიამეთქი? —
გავიფიქრე და საყდრისკენ გავიხედე. დავინახე, ჩაფარი ზარსა
რეკავდა, ორი ჩინოვნიკი კი იქით-აქეთ იცქირებოდნენ. ეს
უთუოდ დობტური იქნებამეთქი, ვთქვი და მაშინვე ბანზე გავ-
გორდი. ახლა ამითრევდნენ ისინი და უნდა ტყე და მინდორი
მეტარებინა!.. ისევ თავი მოვიმკვდარუნე. „ამდენი აწკარუნეთ
ზარი. სანამ მოგწყინდებოდეთ,“ — ვიძახდი გუნებაში: მე იქ
არ მივდიოდი და ჩემ მეტი კი სოფელში არავინ იყო.

„რეკეს, რეკეს. რეკეს და რეკეს. მერე დააყენეს. ვიფიქრე:
უთუოდ წავიდნენ, რო ზარს აღარ რეკენ მეთქი. და ადგომას
ვაპირებდი, რო ამ დროს ლაპარაკი შემომესმა. ცერად გავიხე-
დე იქით და ისინი დავინახე. ჩემკენ მოდიოდნენ: „ქსს, ქსს...“
ოდნავ მივუსიე ძაღლები. ამ წასევაზე თორმეტიოდე ძაღლმა
ყურები დაცქვიტა, აღმასივით კბილები გამოყარა და... ღვთის
წყალობა გქონდეთ, იმათ გაქქუსლეს. კატები, კაცო, რო გენა-
ხათ, სიცილით დაიხოცებოდით: შაიჯგუფნენ ერთად. კუდები
მალლა აფშიკეს, წელში ორად მოიხარნენ და თვალების შრია-
ლით ისეთი ფრუტუნნი მორთეს, გეგონებოდათ. მიღეთის ჯარს
გაუმკლავდებიანო. აი, თქვენი ჭირიმეთ, თქვენი... ვიძახდი სი-
ცილით: დობტურს კი არა, ეშმაკსაც არ მოუშვებთმეთქი
ჩემთანა...

„მეორე ქოცოც კი დავეუცალე კნიაზსა. ქათამს, ბატს ინ-
დოურს ხომ სულ მუსრი გავავლე. ხალხის დაბრუნების
დროც მოვიდა. ხორველა განელდა. რო არ ყოფილა, რა გა-
ნელდებოდა! ხალხს კი ეგონა. ვიფიქრე: ე ამოდენა შინაური
ფრინველი რო გავწყვიტე და ახლა ხალხმა სულ შამომაკეცოს,
რითლა გადაუხზი მეთქი. აქაც ხერხი ვიხმარე. ავდექი და ნა-
ჩალნიკთან წავედი. დამინახა თუ არა ნაჩალნიკმა. ისეთი და-
მიყვირა, რომ, სხვა რომ ყოფილიყო, გული გაუსქდებოდა.
შე ასეთ ისეთო, ხორველიანი ადგილიდან აქ რა მოგარბევინებ-
და, რო აქაც შამოიტანოვო... ყვიროდა ნაჩალნიკი და თანდა-
თან უკან იწევდა, თითქოს ეშინოდა ჩემი. წადი, წადი ახლავე,
თორემ ჩაფრებს დავეუძახებ და სულ ტყავს გაგაძრობინებო...
დამწყვილა და ფერწასული კუთხეში მიიჭუჭკა.

„— რა ვქნა, შენი ჭირიმე... — საცოდავად მოვეყვი კნავილს: — სოფელი გაიქცა, იმოდენა ბატი და ქათამი სოფელში დასტოვა და მარტოკა რა ყარაულობას გავუწევდი ან ვუპატრონებდი?... ზოგი გაგარეულდა, ზოგი კიდევ მგელმა და ტურამ დაქამა.

„— ვერ უყურებ ამ მ...ს ოხერს?... მერე შენ რა? გასწი, გაეთრიე...

„— მერე სოფელი რო დაბრუნდება, — უფრო უარესად დავიწყე კნავილი: — ჩემ მეტი კაცი სოფელში არ იყო და ახლა პატრონები მე რომ წამომედავენენ?..

„— წადი, წადი ჩქარაო... — მამაძახა: — მაგისი ნუ გეფიქრება, აქ არ მოვლენ საჩივლელად...

„მეც მეტი რა მინდოდა, ავდექი და გულდამშვიდებული წამოველი.

„თუ სოფელში დამრჩა რამ, სანამ სახლ-კარს დაუბრუნდებოდნენ პატრონები, შაუჭმელი და დაუღეველი აღარა დამრჩენია რა.“

— ენდე, ჩემო შალვა, მაშ „ხორველის ანგელოზი“ არ არის! — აღარ დაათავებინა ლაპარაკი შაქრომ და მე მხარზე ხელი დამკრა.

— ახლა კი გავიგე, რადაც ეძახით „ხორველის ანგელოზს.“ — ნალელიანის ღიმილით ვუპასუხე და გუნებაში კი იმას გავიძახდი: ნეტავი არ გამეგომეთქი.

სიმონას, ცოტა არ იყოს, ჩემ თვალში მიმზიდველობა მოაკლდა. ახლა სიმონა ის აღარ იყო, რაც ამ ერთი საათის წინ, როდესაც ის „მთაო, გადმიშვი, გადმიშვი“-ს მღეროდა.

III

კიდევ ღვინო, კიდევ საჭმელი და კიდევ სიმღერები. სადილს ვახშამი ზედ მოება და ღვინით კარგად გაყლენთილებმა შუალამისას სუფრას თავი დავანებეთ.

— ღმერთმანი, შაქრო, — ეხვევოდა ვანო შაქროს და ღმობიერად ეუბნებოდა: — პატიოსანი კაცი ხარ, პატიოსანი... ნამდვილ კაცს რომ იტყვიან, ისა ხარ!

— ვანო, ღმერთმანი, ისე მიყვარხარ, რომ ღვიძლ ძმაში არ გამოგარჩევ!.. — თავის მხრით ეფიცებოდა შ.ქრო ვანოს და თან ჰკოცნიდა. სიმონამ კი ჩიბუხი გააჩაღა, ჯოხი ილღიაში ამოიღო და ბარბაცით აივანი ააჭრიალა.

— ეი, „ხორველის ანგელოზო!“ სად ჯანაბას წახვედა?! — დაუწყვილა შაქრომ და გარეთ გამოვიდა.

ჩვენც გამოვედით აივანზე. გამაცოცხლებელმა სიომ დაგვბერა არაგვის მხრით. არაგვიც მხიარულად მოგიეგება და გულშოდგინედ გვეპატიებოდა თავისკენ. მინდოდა მეთქვა: წაჰიდეთ, შუბლი გავიგრილოთმეთქი, მაგრამ შაქროს და ვანოს რო შევხედე, გავჩუმდი. ვიცოდი ესენი იმ ზომამდის იყვნენ მისულნი, რომ შუბლის გაგრილებასთან ერთად ტნის გაგრილებასაც მოინდომებდნენ და ეს კი სასიამოვნო არ იქნებოდა.

— არ გეყურება, ნათელაშვილო?! — გადასწყვილა შაქრომ სიმონას, რომელიც უკვე ეზოს გარეთ გავიდა.

— ღამე მშვიდობისათ!.. ძილის დროა!.. — ეზოს გარედან დაიძახა სიმონამ და შინაბაკენ გასწია.

— აი, შეე... — სიტყვა აღარ დაათვა შაქრომ და მაშინვე ვანოს მიმართა: — ვანო, მაშ შაქრო მოგიკვდეს, თუ ეს არ დაგიმტკიცოს!..

— მჯერა... ვიცი... უხ, შაქრო, რა კარგ გუნებაზე ვარ!.. — შესჰყვილა ვანომ და შაქრო გულში ჩაიკრა. — შენა, შალვა შენ როგორღა გუნებაზე ხარ?! — მომიბრუნდა მერე მე და აღვზნებულის სახით დამეკითხა.

— მე, ჩემო კარგო, ძილის გუნებაზე ვარ! — ვუპასუხე განგებ, თუმცა კი სრულებით არ მეძინებოდა.

— სტყუი, სტყუი!.. შენ... გიცნობ, ღამურა ხარ!.. ამისთანა ღამეში შენ რა დაგაძინებს!

— ღამურა შენ თითონა ხარ! — ვითომ წყენით ვუპასუხე.

მართალს ამბობდა ვანო, როცა კი ღამე მომეწონება, ნამეტნავად მთვარიანი, ამისთანა შემკული ბუნებით, ძილი არ მეკარება, და მთა-ღრეს ხეტიალით ვათენებ. ხშირად დამთენებია მთის წვერზე ან კიდევ მდინარის პირზე...

— გეწყინა, შალვა?! — დაღონებული ვანო მომიახლოვდა და გადამეხვია.

— ტყუილად რად აცდენ მა კოცნას?! — ღიმილით ვუთხარი, როდესაც გადახვევნის დროს ლოშნა დამიწყო.

დიღხანს ვლაპარაკობდით: ხან უაზროდ, ხან კიდევ აზრიანად. ჩვენი ბაასის დროს მთვარე, თითქოს დაეძებს ვისმეო, კანკალით დაჰკრთოდა დედამიწას, და ჰპოვა თუ არა, არ ვიცო. ეს კი დავინახე, რომ მთის წვერზე ობლად მდგომ ხეს ჩაეკონა, ზედ დაენტქა და ჩქარა მთლად ჩაღნა...

ღვინომ და ცხენით მოგზაურობამ თავისი მოქმედება იქონია ჩვენზე. ვანოს თავი გულზე ჩამოეკიდა...

— აბა, ახლა კი არაგვის ნომრებში მოისვენეთ!.. — წამოიძახა შაქრომ და ვანოს ხელი ჩაავლო.

იმისი წინამძღოლობით კიბე ჩავიარეთ და ზედ არაგვის ნაპირას დაბალ ფიცრულ ოთახში შევედით. ეს ოთახი კიდევ რამდენსამე უჭრად იყო დაყოფილი, გაჩითული ფიცრულით, თითოეულ უჭრაში ტახტი თავის ლოგინით იდგა.

— ხა, ხა, ხა!.. — უეცრად გაღიხარხარა ვანომ, თვალი რო მიავლ-მოავლო, და ხარხართვე განაგრძო: — შაქრო, ეს პაწაწა გაჩითული ოთახები რაღაცას მაგონებს!..

— ჰა, ჰა, ჰა, კაცო, გაჩუმდი!.. ეს არაგვის ნომრებია!.. — სიცილით უპასუხა შაქრომ და მერე მე მომიბრუნდა: — აი, შალვა, შენ აქ მოისვენე, ვანო კი აგერ მეორე ნომერში დაიძინებს.

შაქრო გამოგვემშვიდობა. ვანო ჩემ ნომერში იდგა გულხელ დაკრეფილი, თავი დაეხარა და ტუჩებზე კიდევ ღიმი უკრთოდა.

შეგცქეროდი ვანოს. კარგად ვხედავდი, რომ იმისი ღიმი სიამოვნების ღიმი იყო და შევნატროდი...

— ვცხოვრობთ, შალვა, ვცხოვრობთ!.. — აღტაცებით წამოიძახა და ტაშის შემოკვრით თავის ნომერში შევიდა. შესვლის უმალ მოწყვეტით ტახტზე მიეშო და...

ჩქარა გულიანი ხვრინვა შემომესმა.

— გცხოვრობთ!.. — გავიმეორე მეც აღტაცებით კი არა, გულჩაწყვეტით და მივწიქი.

ჩემდა უნებურად ამ დღეს ნახული და გაგონილი მომაგონდა. დაღალული გონება მკაფიოდ აღარ ასურათებდა მოქმედ პირებს. თანდათან ფერი, პიროვნება ეკარგებოდათ. ვანო, შაქრო, სიმონა, მთა, მთვარე, არაგვი — ერთმანეთში აირივნენ. ბოლოს შუილ-ხარხარიდა მეყუთებოდა, მეტი აღარაფერი და...

მეც გაუგებრად ძილმა მომიპარა...“

• •

„აი, ჩემო ერასტი, ასე ვატარებ დროს! წერილით მეკითხებოდით: რატომ არას მწერ, როგორ ატარებ დროსო. მეც, აი, ერთი დღე აგიწერე. ერთი დღე მეორეს ძალიან წააგავს. მეორე კიდევ მესამეს და ასე მისდევს. ვანო, სიმონა, შაქრო თუ არ იქნებიან, იმათ მაგიერ ნოკო, ალექსი. არჩილი და სხვები შეგხვდებიან, იმათთანაც ეგრეთვე გაატარებ დროს. თუ ხორველის ამბავს არ მოგიყვნიან, სხვაზე მაგვარსავე ამბავს გეტყვიან. ღვინო, მთა, მთვარე, მზე კი ყველგან შეგხვდება ჩვენს საქართველოში.

ვცხობვრობთ. არა, ჩემო ერასტი?!

ეს კია, დღე დღეს ჰგავს, მაგრამ რატომ მე ესლანდელი შალვა, პატარა შალვას არ გვგვარ? რატომ იმისავით შეუხამებელი, უბიწო არა ვარ?! ეს...

მაგრამ კმარა საამდღოდ, თორემ მოგეწყინება ჩემი წერილის კითხვა. ბევრი მაქვს მოსაწერი, სხვა დროისთვის გადავდოთ...

მარად უენი შალვა.“*

1898 წ.

* ეს წერილი ერასტომ გადმომცა და მეც იმის ნებართვით ვასტანბინებ.

„ხა, ხა, ხა, რა სულელი ხარ!..“

(ფსიქოლოგიური ეტიუდი)

— პატივცემულო მკურნალო, ყველაფერი, რასაც მიკრძალავთ. რომ შევასრულო, ხომ სამუდამოდ განვთავისუფლდები, ხომ მოვრჩები? — ეკითხებოდა მკურნალს თვალებგაბრწყინებული, გამხდარი ახალგაზრდა და თან რამდენჯერმე ყრუდ ჩაახველა.

— გამოგიტყდებით, როგორც ინტელიგენტს, — ცოტა ხნის ჩაფიქრების შემდეგ უპასუხა მკურნალმა, — საექვოა. იქნება ერთს ან ორ წელიწადს იცოცხლოთ. თქვენი ფილტვების გასინჯვის შემდეგ, მეტი არაა, მეთქმის რა. მაგრამ ქვეყნიერებაზე ზოგჯერ ისეთი სასწაულთმოქმედება ხდება, რომ თქვენისთანანი კი არაა, სიკვდილის პირას მისულნიც კი განკურნებულან.

— მგონი, პატივცემულო მკურნალო, ჩემ დასამშვიდებლად დაუმატეთ ეგ „მაგრამ“ და სხვა... — მწარის ღიმილით დაეკითხა ახალგაზრდა.

— თითქმის! — შუბლის შექმუხვებით უპასუხა მკურნალმა.

— მაშ ერთისა ან ორი წლის სიცოცხლეა მაქვს, არა?!

— აკი გითხარით!.. ისიც იმ პირობით თუ მყუდროდ, ძალიან მყუდროდ იცხოვრებთ.

— ახ, რა ბედნიერი ვიქნები!.. — დაცინვით წამოიძახა და კიდევ ყრუდ ჩაახველა.

— რაო?! ვერ გავიგე თქვენი „ახ!“

— არა, ისე!.. მაშ მყუდროდ, ძალიან მყუდროდ რომ ვიცხოვრო, ორ წელიწადს ვიცოცხლებ?

— ღიად!

— ეს მყუდროება რაში მდგომარეობს?..

— ხომ გითხარი: სასმელს ერიდეთ, ნურაგვარ გრძნობათა ღელვას ნუ მიიკარებთ, თუნდ სიყვარულსაც; ნამეტნავად ამ უკანასკნელს ერიდეთ. — ცოტა წყენით უპასუხა მკურნალმა და სახის მოძრაობით ანიშნა, რომ დროა მოშორებიყო.

— უკაცრავად, მკურნალო, ახლავე წავალ. — უთხრა ზიზლით და განაგრძო: — იმ ორ წელიწადს ჩემი სიცოცხლე რას ემსგავსება?

— ვერ გამიგია თქვენი კითხვა.

— რისთვის უნდა ვიცოცხლო, თუ კი ცოცხალი მკვდარს დავემსგავსები?..

— როგორ თუ მკვდარს?.. განა თქვენ არ იცით, რომ თითო წამშიაც კი მთლად თავის საცხოვრებელს მისცემენ, თუ კი მომაკვდავთ სიცოცხლეს განუგრძელებენ!..

— მხოლოდ იმ პირობით, თუ იმ წუთს სიამოვნებაში, მოქმედებაში გაატარებს და არა ჩემსავით ცოცხალი უკანასკნელ წუთებამდის მკვდარს დაემსგავსოს.

— განა თვით სიცოცხლე სიამოვნება არ არის?

— რომ უმზიროს, სხვები როგორ სიამოვნებენ და ის კი... მშვიდობით!.. გმადლობთ!..



— მო, მარო, ხელი მომეცი, ჰო, ეგრე. ახლავე რომ სული ამომძვრეს, ბედნიერი ვიქნები! ეს გრძნობა წამყვება თან, ეს!.. — იძახდა ახალგაზრდა და თან მაგრად, მაგრად ეკონებოდა მაროს ხელს, რომელიც ჩუმად ცრემლს აფრქვევდა.

— ეფრემ, გენაცვა, რატომ... — ველარ დაათავა სიტყვები, გული ყელში მოებჯინა და, რომ თავისი ქვითინი დაემალა, ეფრემის შუბლს დააკვდა.

— ოხ, ნეტარებავ!.. ათი წლის სიცოცხლეც რომ მქონდეს, ამ ერთ წუთში მივეცემდი! ჰა, ჰა!.. შედექ, გულო, ჯერ ადრეა! ჯერ... ოხ!.. გინდა ბუდიდან გადმოვარდე?.. ჰაახ.. — ხელი გულზე იტაცა და საშინლად გაფითრდა.

— წყალი!.. — წამოიძახა მარომ და იქ მსხდომ ევრემის მეგობრებს თვალები მიაპყრო, რომლებიც ნერწყვევამშრალნი შესცქეროდნენ ევრემს და მაროს.

მაროს სიტყვებზე ერთი მათგანი წამოვარდა და საჩქაროდ წყალით ხელში თავს დაადგა.

— მარო, მომეცა, მე მოვუვლი, შენ მოერიდე. — ჩემად წასჩურჩულა ევრემის ამხანაგმა და წინ წადგა.

— არასდროს, თუნდაც ახლავე სული ამომხდეს! უკანასკნელ წამებს ვერ გავუმწარებ. — უპასუხა მარომ და თან შუბლი უბკურა.

ცივი წყლის ზეგავლენით გონება მოუბრუნდა ევრემს. გაცრიაგებული თვალები გადაატრიალ-გადმოატრიალა და სიამოვნების ცრემლები გადმოსკდა.

— ბედნიერი ვარ!.. ჩემ საყვარელთ ვხედავ!.. მარო, თითქოს გიტირნია?! რა იყო? მე ხომ კარგად ვარ? მაშ რა გიტირებს?! — დაეკითხა ევრემი და მაროს ხელი ტუჩებთან მიიტანა.

— ბუნებავ, გინდოდა ცოცხალი მკედარს დაგემსგავსებინე, მაგრამ ვერ მოახერხე!.. მე... ჰა, კიდევ?! ბარემ გადმოვარდი ბუდიდან და... ღვიწო შემასვით!..

— ევრემ, ხომ თავს იწამლავ მაგ საქციელით და სიცოცხლეს ისწრაფებ?! — უთხრა ერთმა ამხანაგთაგანმა მზრუნველობით და წითელი ღვინით სავსე ჭიქა მიაწოდა.

— მწარე შხამს ტკბილით ვათავებ. მინდა... კიდევ დამისხი! — ოჰო!.. ჩემი გული ფერხულში კიდევ ებმის, ხტუნაობა მოსურვებია, ჰა, დაიწყე!.. ჩემო მარო, ნუ შესწუხდები!... მე... მომეცი ღვინო!

— ევრემ, გეყოფა!.. — ჩასძახა მარომ და ხელი შუბლზე გადაუსვა.

— ეგრე... ეგრე!.. მსურს ამაღამ გრძნობით დავითრო, ჯერ არ მეყოფა... მომეცი ღვინო!.. ჯერ ხომ აღრეა?.. იქნება გეძი-

ნებათ კიდევაც? აი კილს მოესწრებით, ვისიამოვნოთ!.. ახ, რა გრძელდება ეს ღამე?

— რა დაემართა, რომ მაგრე ლაპარაკობს? — წასჩურჩულა ამხანაგმა მეორეს და წითელი ღვინით სავსე ჭიქა მიაწოდა.

— რა მეჯავრება წყვლიადი ღამე!.. ნეტავი ჩქარა მაინც გათენდეს!.. არა თენდება?! მაშ გაუმარჯოს დღის სინათლეს!.. აჰა, ჩამომართვი! კარგი ღვინოა... რატომ თქვენ კი არა სვამთ?.. მარო, ნუ მომშორდები!..

— არ მოგშორდები, გენაცვა, არა!

— გეყურებათ?! მამალი ყვიის... ოხ, ნეტარებავ!.. დღის სინათლეს კიდევ ვიხილავ... მაგრამ... — უეცრად აჩქარებული სუნთქვა დაიწყო. საშინელი დაბალი ღმუილი მორთო და ტანმა მთლად თრთოლა დაუწყო.

— ეფრემ, ეფრემ!.. — ჩასძახოდნენ მაროსთან ერთად ეფრემის ამხანაგები, მაგრამ ეფრემს არა ეყურებოდა რა.

— გენაცვა, ეფრემ, შენს მაროს აღარ გინდა შეხედო?! ეფრემ!.. ვაი, მე ბედშავს!..

— უუ!.. უუ!.. უუ!.. — ღმუოდა ეფრემი და თან კანკალეზდა.

— რამ შეგაშინა?! ნუ გეშინიან, ჩემო ეფრემ, ჩვენ აქა არა ვართ?! — ტირილით ეუბნებოდა მარო და აღარ იცოდა, როგორ მოევლო...

— მარო... მარო... ნუ მომშორდები!.. — ღიმილით წამოიძახა ეფრემმა და უეცრად ხველა აუვარდა.

— არ მოგშორდები გენაცვალე, არა და არა! აი, შენი ამხანაგებიც აქ არიან!.. რათა კანკალებ? შემომხედე, გენაცვალე, შენს მაროს ვედარა სცნობ?!:

ეფრემი უაზროდ ატრიალებდა ბინდგადაკრულ თვალის კაკლებს და მაროს ხვეწნას ყურადღებას არ აქცევდა.

— ნუ კანკალებ, ეფრემ!.. — ჩასძახა ერთმა ამხანაგმა და ხელი დაუჭირა.

— უუუ!.. უუ!.. — ეფრემმა ისევ წაიღმუვლა და ტანის-
თრთოლამ მოუმატა.

— ოხ, რა საშინელი წამებია!.. — წამოიძახა ისევ იმ ამხა-
ნაგმა და გარეთ გავარდა.

უმთვარო ცაზე ვარსკვლავები ცელქობდნენ და მიძინე-
ბულ დედამიწას თითქოს დასცინოდნენ, რომ სიცოცხლით
არ სარგებლობსო.

ეფრემის ამხანაგმა გამოსვლის უმალ ცას გადაავლო თვა-
ლი და, თავისდა უნებურად, წამოიძახა:

— ცავ, შენზე ადამიანის მწუხარება არ მოქმედებს?!

— ხა, ხა, ხა, რა სულელი ხარ!.. — ჩამოჰკისკისეს ზეცით
ვარსკვლავებმა.

ბედნიერი დედა

— ღმერთო ჩემო! — წამოიძახა მზექალამ და ტანში ჟრუანტელმა დაურბინა. — ნუთუ... — სიტყვა ვედარ დაათავა შიშით, თავი გაიბერტყა და ორივე ხელით შუბლი მოიწურა, რომ არასასიამოვნო აზრები გამოედევნა იქიდან. მართლაც, თითქო დამშვიდდა, საშიშო აზრები მოშორდა და, ცოტა არ იყოს, სასიამოვნო გრძნობამ შეიპყრო მისი არსება: ხედავს თავის პირმშოს, ერთადერთ ბიჭუკას, პატარა ოთარს და სიხარულით გულში იკრავს. — რას შვრები, რას? — მწარის ღიმილით წამოიძახა მზექალამ და ისევ იმავე კილოთი განაგრძო: ვინ მადირსებს იმ ბედნიერებას, რომ ჩემ ოთარს, ჩემ ბიჭუკას, გამარჯვებულს ვნახავდე!

მზექალა გადაესვენა სავარძელში და თვალები დახუჭა.

ერთადერთი ძე, ათი წლის ოთარი, გაისტუმრა სასწავლებელში. დღეს უნდა გადაწყდეს მისი ბედი. დღეს უკანასკნელად გამოსთქვამენ მის ოთარზე უკანასკნელ სიტყვას, მის უვარგისობაზე, და, აი, მზექალამ ვერცკი გაბედა თავის ოთარის გვერდით ყოფნა. რატომ არ გაჰყვა თავის ოთარს სასწავლებელში, როდესაც იგი უნდა გამოსცადონ?.. მზექალა ამტყუნებს თავის თავს, ჰკიცხავს და თან ამასაც ფიქრობს: „ვაი თუ ოთარმა ვერ გაიმარჯვოს და იქ მას ყველას წინ სისუსტე დაემართოს, ვერ აიტანოს თავისი საყვარელი ოთარის დამცირება და ისედაც დამცირებული ოთარი თავის სისუსტის გამომჟღავნებით უფრო დაამციროს? ეს ხომ...“

— ეჰ! — ტანის შერხევით ამოიკვნესა მზექალამ და სხელი უფრო მოუდუნდა, მოელეშა... „ოთარი!.. ოთარი!“ გაუხტა მზექალას მისი ძის სახელი გონებაში და მთლად მისი წარსული თვალწინ გადაეფურცლა... „ოთარი, ოთარი!“ უეცრად მოაგონდა მზექალას მისი დაბადების დღე. რა იყო მაშინ ოთარი? ღმერთო, ღმერთო! კარგად ახსოვს მზექალას, გული რანაირად გაუხეთქეს. შეუბრალებლად პირში მიახალა მშობელ დედას მოწვეულმა მკურნალმა, რომ ოთარი დღენაკლულია, მალეც სულს განუტევებს, მალე აღიგვება მისი ხსენებაო...

ამის თქმა ადვილია, მაგრამ დედის გული განა ადვილად აიტანდა ამას? როგორ დაიჭერებდა ამას მზექალა?! მან გაათქეცა შვილის მოვლა... დღენაკლული ფეხზე წამოაყენა, თუმცა ეს დღენაკლულობა კიდევაც ეტყობოდა. მზექალას უნდოდა, თუმცა მკურნალობის არა სჯეროდა, გასამხნეებებელი რამ გაეგონა. ამისათვის კიდევ მოიწვია იგინი. კიდევ ჩააბარა თავისი პირმშო და რამდენისამე ხნის შემდეგ, აი, რა გაიგონა: ტყუილად უვლი ოთარს... მისი სიცოცხლის წუთები დათვლილიაო... კიდევ იგივე არა სანუგეშო სიტყვები... კიდევ... ოხ, ღმერთო, ღმერთო!.. მთლად ცრემლად დაიდვარა მზექალა, მაგრამ ოთარის მოვლას უფრო გულმოდგინედ შეუდგა. რაც გამოცდილთ, დახელოვნებულთ თავიანთი წამლებით ვერ შესძლეს, ის დედის მხურვალედ მოსიყვარულე გულმა გამოაცოცხლა. დათვლილი წუთები უთვალავად გახადა და აი, უკვე ათი წლისა გახდა ოთარი და საშუალო სასწავლებლისთვისაც მოემზადა...

გულგატეხილმა მზექალამ შვილის გამოცდაზე დასწრება ვეღარ გაბედა და ამისათვის არის, რომ ეგრე მოუთმენლად მოელის ოთარის სასწავლებლიდან დაბრუნებას.

ჩუ!.. ვისილაც ფეხის ხმა მოისმის! მზექალა სმენად გარ-

დაიქცა. უნებურად ზეზე წამოიჭრა... „ფეხის ხმაა, ფეხისა!“
ბუტბუტებს მზექალა.

მართლაც, ფეხის ხმა უფრო მკაფიოდ ისმის...

არა ჰგავს დაღონებულის, დამარცხებულის ფეხის ხმას...
ოთახის კარიც გაჭრიალდა და კარებში მოცინარი, სახეგაბრ-
წყინებული ფუნჩულა ბავშვი გამოჩნდა.

— ოთარ!..

— დედი!..

თითქმის ერთად წამოიძახა დედა-შვილმა და უსიტყვოდ
გაიგო ერთი-მეორის პასუხი... სწრაფ გამარჯვებულთ გული
გულს შეუერთეს და...

მომლოცველნი რომ არ მოსულიყვნენ, იქნებ დედა-შვილი
ერთმანეთს არ გასცლოდა...

„სისულელეა!“

(ეტიუდი)

...გუგუნებს ბუხარი, გუგუნებს და მალხაზას მოუთხრობს წარსულს — ბავშვობის ამბავს:

„გახსოვს მალხაზ“? — ეკითხება ბუხარი:—რა ალტაცებით მოელოდი ამ ღამეს, რა მოუსვენრად, უდარდელად კისკისებდი, როდესაც დედაშენი გოზინაყს კეთებას დაუწყებდა?... შენც შველოდი, გინდოდა, ჩქარა გაეკეთებინა, საკლეო ხონჩა დაემზადებინა, რომ დილით, ძალიან დილით, საესე ხონჩით შემოსულიყავ და მოგელოცნა შენი ჭერისათვის, მშობლები-სათვის. ცოტათი რაკი მოიზარდე, მეკვლეობას აღარავის ანუბებდი. მეკვლეობა დიდ ბედნიერებად მიგაჩნდა...

„...ხა, ხა, ხა!.. ისიც ხომ გახსოვს, ხონჩიდან ერთხელ მოხარშული დედალი გადაგივარდა და ძაღლმა მოგტაცა?!... დაგავიწყდა მეკვლეობა, ხონჩა ძირს დასდგი და ღრიალით ძაღლს გამოეკიდე. ხა, ხა, ხა!.. გეგონა დიდი უბედურება რამ დაგატყდა თავზე...“

ამ მოგონებაზე პირზე ღიმილი მოუვიდა, სიამოვნებით შეიმშუშნა და კვლავ ბუხრის გუგუნს ყური დაუგდო!

„ოო... მაშინ, ჩემო კარგო, — გუგუნებს ისევ ბუხარი: — გწამდა ყველაფერი: გეგონა, ახალი წელიწადი მართლა ახალი იყო; შენც ყოველ ახალწელიწადის დღეს თავს გაახლებულად ჰგრძნობდი; გეგონა, სულ ხალისდებოდი და ამისთვის შენს სიხარულს საზღვარი არა ჰქონდა... ახლა?!

„წწ... ფუუუ!“ უეცრად ერთი ღერო წინ წამოვარდა, ჭერ მოუწყვავი თავიდან წამოცრემლა და შიშინი დაიწყო...

— ახლა?!. ახლა?! — წინ წამოვარდნილ ღეროს ფეხი გა-

ჯავრებით წაჰკრა და აჩქარებით ოთახში გაიარგამოიარა. — შენ თუ არ ჩამეკითხე, მე კი არ ვიცი! — ლაპარაკობს სიარულის დროს მალხაზა: — რანაირად გულს მიწამლავს ყოველგვარი სიმხიარულე...

„ჰო!.. ჰოი ჰოი“ — ამშვიდებს ბუხარი და ისევ მხიარულად გუგუნებს.

— რანაირად მქენჯნის, გულს მისერავს ჩემი არსებობა, ურწმუნოება და...

„ჰო!.. ჰო!.. ჰო!..“ — ძალაუნებურად იზიდავს ბუხარი თავისკენ, ეალერსება მალხაზას და აშლილ ფიქრებს უქარწყლებს.

ისიც აჩქარებულ სიარულს თანდათან უკლებს, თავის და უნებურად ბუხარს უახლოვდება და ჩქარა ისევ სავარძელში გადაწოლილი სიამოვნებით ყურს უგდებს ბუხარის გუგუნს.



— ღმერთო, ეს სადა ვარ?! სიზმარია თუ ცხადია?! არა მჯერა, გენაცვა, არა!.. ნუთუ ჩემი ნატვრა, ჩემი ოცნება გამართლდა?! ხშირად მითქვამს, ჩემო კარგო: „ოღონდ დამარწმუნე, რომ გულწრფელად გიყვარვარ და მაშინ... მაშინ სააქაოს ტანჯვას, თუნდ საიქიოს, თუკი არსებობს, ჯოჯოხეთის ტანჯვაც ზედ დაურთეთ, მაშინ მე მაინც ბედნიერი ვიქნები; მაშინ თუნდ ყოველგვარ საზიზღრობას, ცას, ხმელეთს, ზღვას შეგებრძოლები; მაშინ ჭირი და ლხინი გაერთიანებული მექნება, სიკვდილიცკი ლხინად მიმაჩნდებამეთქი.“ და, აი, თითქო მართლდება ჩემი ოცნება!.. მე მჯერა, გულწრფელია შენი სიყვარული... არ ვიციკი და მჯერა...

— ტყუილად გჯერა, ტყუილად!.. მე არ მიყვარხარ!.. — პასუხს აძლევს ჯერ ისევ შეუბღალავი, უმანკო არსება და თან თავის პასუხისავე რცხვენიან, მის მკრთალ სახეს აღმურა ასდის.

— ჩაუკვირდი შენს გულს, ჩაუკვირდი და ისე მიპასუხე! აბა, რადა სტყუი, რადა? ხომ ეგ არ უნდა გეთქვა?!

— მართალს გეუბნები, მალხაზ, მართალს!

— რად ცბიერობ, ჩემო ელეონორა, რად?! მე მჯერა, შენ გიყვარვარ, გიყვარვარ გულწრფელად და ამას შენ ვერ უარ-პყობ!.. ელეონორა, სარკე მაინც გედგას წინ, ის დაგარწმუნებდა შენი სიტყვების უშინაარსობას!..

— რა გქნა, არ მიყვარხარ!..

— შეუძლებელია!.. შენ ხომ ქალი ხარ, ადამიანის შთამომავალი!.. მაშ ნუთუ შენზე გრძნობა, გულწრფელობა არ მოქმედებს?! კლდეს ააცრემლებს, ლითონს დაადნობს და... არა, სტყუი, გიყვარვარ!.. გიყვარვარ, ჩემო ელეონორა!..

— შენ არ მიყვარხარ, სხვა მიყვარს!.. — წაილულლულა ელეონორამ და თავი ძირს ჩაჰკიდა.

— ვინ სხვა?!.

— მასაც ვუყვარვარ!..

— სიცრუეა!.. მე გეუბნები, შენ მე გიყვარვარ... გიყვარვარ მისთვის, მე რომ გულწრფელად მიყვარხარ. საკმარისია, მგონი, ამის თქმა, რომ ყოველი ექვი გავაქარწყლოთ.

— მისი სიყვარულიც გულწრფელია!..

— მაშ უპირატესობას მის სიყვარულს რად აძლევ?

— მე ეგ არ ვიცი!

მალხაზა ჩაფიქრდა. სახე მოეღრუბლა, ძნელი იყო იმისთვის, დაეთმო ვისთვისმე ეს განხორციელებული სინაზე, მაგრამ...

— ელეონორა!.. — სასოწარკვეთილებით წამოიძახა: — მე არა მჯეროდა, ვითომ შენ სხვა გიყვარდა. ახლაც მრწამს: ჩემი გულწრფელი სიყვარული შენში თანაგრძნობას იწვევს... მაგრამ... რა მეტქმის, როდესაც შენ პირდაპირ ამბობ... იქნება, გგონია, მე ის გავკიცხო?! ის!.. ჩემი მეტოქე! არა და არა!.. მე შემეძლო მეტქვა: მას მოვკლავ, შევმუსრავ, მაგრამ არ ვამბობ, რადგანაც გულწრფელად მიყვარხარ, ვამბობ კი არა, არც მართლა მოვკლავ... იცოცხლოს... ნუ კი იფიქრებ, ვითომ მე არ შემეძლოს იმასთან ბრძოლა?! შენი გულისთვის ჩემ ძარღვებში ერთი წვეთი სისხლის მეტიც რომ არ ნაკადულობდეს,

იმასაც გავწირავ; მაგრამ მხოლოდ შენის სიყვარულით უკუ-
ვსდგები, მე არ მინდა პირუტყვთ დაგადარო...

— რას მეუბნები?!

— ყური დამიგდე: ხომ გინახავს ყოჩთა ბრძოლა დედალი
ცხვრისათვის? მე ყოველთვის ყოჩთა ბრძოლას მაგონებს მა-
მაკაცთა სიტყვით თუ საქმით შებრძოლება ქალის წინაშე.
ორი მებრძოლი მამაკაცი სცდილობს ერთიმეორის გამასხა-
რავებას, რომ ქალის ყურადღება დაიმსახუროს. ყოჩთა შეხედვე-
მაგასვე არ სცდილობენ?! თავპირს იმტვრევენ, ილახვენ, რომ
ერთმა მეორე შორს გააძევოს და თითონ ხელთ იგდოს დე-
დალი. დედალი ცხვარიც გულის ფანცქალით, ტუჩთა ცმატუნ-
ით და ენის საგსავით გამარჯვებულ ყოჩს ქვეშ ეფინება. ქა-
ლი?! განა ქალიც მაგავე გრძნობით არ ეგებება მამაკაცსა?!

— გაჩუმდი, მალხაზ!..

— მე არ მინდა ცხოველს შეგადარო და ამისათვის ჩემს
მეტოქეს არ ვებრძვი... მშვიდობით იყავ და გისურვებ ყოველ-
გვარ ბედნიერებას... — ამ სიტყვის წარმოთქმის შემდეგ მალ-
ხაზა გატრიალდა და გული კი ელენონორასთან რჩებოდა.

— მალხაზ, მიყვარხარ!..

— ელენონორა, შენ ამბობ მაგას?! ჩემო, ჩემო, გამაგონე
კიდევ ეგ სიტყვა!..

— მიყვარხარ, მალხაზ!..

— ელენონორა, მრწამდა შენ ადამიანი იყავ და...

— არ გეყურება, რამდენი ხანია ვაბრაგუნებ, მალხაზ!.. —
შემოესმა ხმაურობა და კედლის ბრაგუნი მეორე ოთახიდან...

— ჰა!.. — დაბნევით წამოიძახა, აქეთ-იქით მიიხედა და...

სინათლის მკრთალი ნათელი, თავის ოთახის კედლები
თვალთ წაეჩხირა, ბუხარიც კი აღარ გუგუნებდა, ჩანელებუ-
ლიყო. ელენონორა?!.

ელეონორას სიტყვები ისევ ყურში ესმოდა...

ამის მნახველს გული მოელაფნა და მწარე ღიმილით წამოიძახა „სისულელეა! წრფელ გრძნობას მხოლოდ ოცნება აჭილდოვებს!..“

— არ გეყურება, მალხაზ?!

— ახლავე!.. განა დრო არის?!

— საცაა ახალი წელი ჩემსავით კარებს შეგვიძრევს... შენს მეტი ყველა აქ არის.

— მეც ეხლავე მოვალ და ვიყოჩაოთ!... — უკანასკნელი სიტყვა თვითონაც არ იცოდა, რად წარმოსთქვა, თუმცა კი თავისდა უნებურად საყოჩაოდ მზადებას შეუდგა...

1899 წ.

შემუსვრილი სამი მცნება

(ლეგენდარული ამბავი)

I

...მონადირენი არა სცხრებიან. მრავალი ირემი, ტახი და ქურციკი დასჭრეს და მოჰკლეს; დამფრთხალი ნადირი უგზო-უკვლოდ გარბის: ლომი, ვეფხვი, ირემი, ქურციკი ერთმანეთში აირივნენ და ყველა ერთსა სცდილობს, მოარიდოს თავი მონადირეთ.

ხმაურობს ტყე... საითაც კი სპილონი ხორთუმს გაიქნევენ, ლაწალუწით გზას უთმობენ ხეები. ნადირთა ამ უცნაურ მოძრაობაზე ფრინველთაც ხმაურობა ასტეხეს.

დიდებული დიდებულის ხმაურობით შიილო ტყემ. სეფისწული თავისის მხლებლებით ნადირობს. ველი მოიფინა ტყიდან გამოცვივულ ნადირით. მხლებლები მოკლულ ნადირის შეგროვებას ვეღარც კი ასდიან. ნადირობამ გაიტაცა. იმას აღარა ახსოვს რა ამის მეტი. თანდათან ნადირობის სურვილი უფრო უცხოველდება.

აგერ, ტყიდან გამოხტა ვეფხვი. თან ირემთა და ტახთა ფარა გამოჰყვა. ყურადღება აღარც კი მიაქცია ირემთა და ტახთა, რადგანაც უკვე მრავალი დახოცა. მოისურვა თავის ტაიჭის გამოცდა. ვეფხვს ცხენდაცხენ გამოეკიდა და სურდა, ლაბტით მოესპო მისთვის სიცოცხლე. იგრძნო ტაიჭმა მხედრის სურვილი და ვითა ფრინველი, ისე გამოეკიდა, უგზო-უკვლოდ განვლეს მინდორი, ველი, ყანები. შემკრთალი ყანებში მომუშავენი თაყვანსა სცემენ და მუშაობა ავიწყლებათ. მთლად

მხედველობათ გარდაქმნილნი უმზერენ სეფისწულს. მათ თვალს უკეთესი არა უნახავს რა.

სეფისწულმა შორს ტყეს თვალი მოჰკრა. ხედავს, ნადირი ტყეში შეასწრობს. და ამისათვის, რაკი თავისი სურვილი ვერ შეისრულა, მშვილდისაარს მიმართა...

ტიპი გაშეშდა. აჩქარებული სუნთქვა, ცხვირის ნესტოების საბერველივით ბერვა ამხელდნენ მის დაქანცვას...

მხედარი თვალის დახამხამების უმაღ ძირს გადმოხტა და ჯერ ისევ მფორთხიალე ვეფხვს ხელი წაავლო, რომელსაც ისარი მარცხენა მხარის უკან დასმოდა და ზედ მილურსმოდა.

— კაკ-კუქ!.. კაკ-კუქ!.. — შემოესმა სეფისწულს ამდროს ყანიდან კაკუნნი.

მიიხედა იქით, საიდანაც კაკუნნი მოისმოდა და დაინახა: ვიღაც თმაგაწეწილი, ხნულში მჯდომი კაცი, გულმოდგინედ და დინჯად ორივე ხელით ქვას ხეზე ურტყამდა და თან ოდნავ კაკუნს თავსაც აყოლებდა.

სეფისწულს უცნობი კაცის ამგვარი უკმეხი საქციელი ეოცა. ყველა თაყვანს სცემს, ყველა მოწიწებით ეპყრობა და ეს კი, თითქოს მის ახლო არავინ არისო, თავისთვის ქვებს აკაკუნებს...

ვეფხვს ხელი უშო და უცხო კაცს უყვილა:

— ჰოი, კაციო, ვინა ხარ, ან რა სულიერი?!

უცნობი არცკი შეინძრა სეფისწულის ხმაზე. ის ისევ ისე ქვებს აკაკუნებს და თავის ქნევასაც ისევ ისე აყოლებს...

უარესად განრისხდა სეფისწული და სწრაფლ უცნობს მიეჭრა.

— თუ ენის მოძრაობაც მაგრევე შეგიძლიან, როგორც ხელებს და თავს ამოძრავებ, მიპასუხე, თორემ, ვფიცავ ჩემ წინაპართ, მოძრაობას მთლად შეგიყენებ! — ოდნავ ხელის შეხებით შესძახა სეფისწულმა.

უცნობმა შეაყენა კაკუნნი. ცერად შეხედა სეფისწულს და ცალი თვალის მოხუტვით ჩაყინებით მზერა დაუწყო.

— გამიგონე!.. — დაეკითხა სეფისწული, თუმცა კი სახის გამომეტყველებაზე შეატყო უცნობ კაცს შეშლილობა: — ვინა ხარ?

— ადამიანი!.. — იყო პასუხი შეშლილისა, და მისი თვალი მაინც არ შორდება სეფისწულს.

— სულელო, ადამიანისა რა გაქვს? — ღიმილით შეეკითხა სეფისწული.

— ხიპ!.. სისულელე!.. — ღრეკით უპასუხა შეშლილმა და სწრაფლ თავის გულმოდგინე მოქმედებას მიმართა: ისევ ქვების კაკუნი, ისევ თავის აყოლება, თითქოს ის ანით სეფისწულს ეუბნებოდეს: მომშორდი თავიდან, შენ შენი საქმე გაქვს მე კიდევ ჩემიო...

სეფისწულს, თითონაც არ იცის რად, მოლიმარი სახე თანდათან ეღრუბლება და სულ რამდენისამე წამის შემდეგ მთლად მოექუშა.

„ადამიანი!.. სისულელე!..“ აი, ახლა რამ შეიპყრო სეფისწული. ამას გარდა სხვა აღარა ახსოვს რა. დაავიწყდა ტაიჭი, მოკლული ვეფხვი, ნადირობა, რასაც ამ რამდენისამე წუთის წინად მთლად შეპყრობილი ჰყავდა...

— უმსგავსო, სეფისწული თავს გადგას, და შენ კი თავი ვანს არა სცემ!.. — უეცრად სეფისწულის გვერდით გაჩნდა ერთი მხლებელთაგანი, ძლიერის ხმით შეუყვირა და თვალის დახამხამების უმალ შეშლილს ლახტი თავში დასცა.

სეფისწულმა ხმის ამოღება ვერცკი მოასწრო, ისე სწრაფად მოხდა ეს ამბავი.

თავჩაჩეჩკვილი შეშლილი გადაგორდა, რამდენჯერმე გაიკლაკნა და მოძრაობა მთლად შეუდგა...

— ჯავალი?!

— სეფისწულო...

თუ კი მდომოდა, მეც შემეძლო იამას საშინელი სახლისაკენ მაგისი გასტუმრება.

— მე...

სეფისწული გატრიალდა, ტაიჭს მოახტა და აუჩქარებლივ, ხმისამოუღებლივ სასახლისკენ გაემგზავრა...

...ორასამდის ბუმბერაზს უღრანი ტყის პირს უღარდელად სძინავს. მათი მკერდი მძიმედ ადის და დადის კაშკაშ მთვარას შუქზე. ეს პირველი ღამეა, რაც სეფისწული მამის ბრძანებით სახლიდან გამოვიდა. დღისა ათისა სავალი კიდევა აქვთ და აგრედვე უღარდელად დაიძინებენ ათ ღამესაც ცის ქვეშ. ორასი რჩეული ბუმბერაზი არას შეუშინდება, თუნდაც მთელი ქვეყანა მათზე ამხედრდეს. ხშირად, ძალიან ხშირად უღრან ტყეში თვითეულ მათგანს თვეობით გაუტარებია და ახლა შეერთებულთ რა გაუკრთობთ ძილს?!

მათი ტაიქნიკ განაპირას ხასხას, უმწიკვლო ბალახს მადინად სძოვენ. პატრონებივით უშიშრად შეექცევიან და დროგამოშვებით ოდნავ ფრუტუნით აცხადებენ თავიანთ არსებობას.

წყნარად მოსისინე ნიავე თავს ევლება ტყეს; ყოველ ხეს ერთად ეკონება და საიდუმლოდ ეჩურჩულება, ესიყვარულება; ალერსით აფრთოვანებული ტყე გუგუნებს, ბუტბუტებს და ბანაკის განაპირს ხის ძირზე ზურგით მიყრდნობილ სეფისწულის გონებას სააზროვნოდ, საფიქროდ გამზადებულს ხელს უწყობს...

ერთი თვეა მის გონებას თავს არ ანებებს ერთი და იგივე კითხვა. არც დღე და არც ღამე მოსვენებას არ აძლევს. განმარტება სურს ამ კითხვისა. უნდა შეიგნოს. თითქოს კიდევაც სწვდება გონება მისი, შორს, შორს ეხატება მისი ახსნა, განმარტება; შორით უღიმის. აგერ, კიდევაც ფრთოვანდება სიხარულით მისი არსება, უნდა დაიძახოს: ახლაკი გამოვარკვიევო... მაგრამ, იმის სამწუხაროდ, სწორედ იმ დროს ან მამა მიიხმობს, ან რომელიმე დიდებული შევა იმასთან და გადასცემს მამის ბრძანებას, და ასე ახლოს მოტანებული ახსნაგანმარტება უეცრად უფსკრულში იკარგება, წყვდიადით იმოსება. ხოლო ამის მაგივრად მისი გონების თვალი ხედავს თავჩაჩეჩქვილ, მკლაკნავ შეშლილის გვამს და მოესმის მისი პასუხი: „აღამიანი!.. სისულელე!..“

ისევ ისე ხელმეორედ იწყება მისი ტანჯვა, ისევ ისე ტვინს უღრღნის კითხვა. სურვილი განმარტებისა უფრო უცხოველდება, ხოლო ხელის შემშლელნი სძულდება. მშობლებთან ყოფნა, დიდებულთა ხილვა მისთვის აუტანელი ხდება.

სასახლეში ყველა ხედავს სეფისწულის გუნების შეცვლას და თავისებურად ხსნის ამგვარ გამოცელებს. მეფემ დიდებულთათანა თათბირის შემდეგ მოიხმო თავისი ძე და ამ სიტყვებით მიმართა: „ძეო ჩემო! ახლა კი დაუძლურდა ხორცი ჩემი, აღარ ძალუძს გვამსა ჩემსა ურვება ქვეყნის სიკეთისათვის. აწ შენ უნდა იზრუნო ქვეშევრდომთათვის. ხოლო ვიდრემდის გარდმოგცემ ტახტსა ჩემსა, გაემგზავრე მეფე ლაქშმანთან, თან წაიყოლე რჩეული ბუმბერაზნი და მეომარნი. მეფე ლაქშმანს ჰყავს ასული, რომელიც ემსგავსების მზესა მას უბინდოსა. მიდი, დაამარცხე მისი ბუმბერაზნი და წამოიყვანე ასული იგი ცოლად. მე კი, ვიდრემდის შენ დაბრუნდებოდე, შეგიმზადებ ერს შენდა მოსაგებებლად...“

სეფისწულმა დაბლად თაყვანი სცა მეფეს და, აი, შედეგი ამ ბრძანებისა: ორასამდის ბუმბერაზი თან წამოიყვანა მეორე დღესვე ხმის ამოუღებლად და პირველ ღამეს ამ ტყის პირას დაბანაკდა...

ღრმა ძილში არიან ბუმბერაზნი. მხოლოდ სეფისწულს არ სძინავს და ახლაც, როდესაც იგი მზისა დარისა მოსაყვანად მიდის, მწუხარების მეტი სახეზე არა ეხატება რა. იქნება იმისთვის სწუხდეს, ვითომ ეფიქრებოდეს, ვაი თუ გაწბილებული გამომაბრუნონო, როგორც მრავალი სხვა გამოუბრუნებიათ. არა, ამისი ფიქრი სრულებით არა აქვს. მისი მსგავსი ჭაბუჯი ჭერ დედამიწას არ უნახავს. ამას თითონაც კარგად გრძნობს. მარტოდაც გაემკლავება თუნდ ყველა ერთად შეკრებილთ ქალის ბუმბერაზთ და იმედიც აქვს გამარჯვებული გამოვიდე. ანკი რად უნდოდა ეს ორასამდის ბუმბერაზი, როდესაც მარტოკასაც შეეძლო ქალის ბუმბერაზებზე გამარჯვება. მაგრამ მამის სიტყვას ველარ გადავიდა და ამისათვის იახლა თან...

ახლა კიდევაც რომ მივიდეს, როდესაც გული არ მისწევს, გაიმარჯვებსლა?! თუნდაც გაიმარჯვოს, ესიამოვნებალა ეს?!

სეფისწულისთვის ამეამად მხოლოდ ერთია სასიამოვნო, ეს განმარტება თავის არსებისა. კარგად იცის, მას ადამიანი ეწოდება, როგორც მის მსგავსს სხვებსაც და იმანაც კი, ვისაც ამ ერთი თვის წინად იმისმა მხლებელმა თავი ჩაუჩქჩქვა, თავის თავს ადამიანი უწოდა. მაშ...

— უააა! — ამ დროს მოისმა შორიახლოდან თავზარდამცემი ღრიალი.

ტაიჭთ ყურები სტკვიტეს, ძოვნა შეაჩერეს და მოუსვენრად ფეხების ბარტყუნი დაიწყეს...

სეფისწულმა იცნო მხეცთა მეფის ღრიალი და ყურადღება სრულებითაც არ მიაქცია. ის ისევ თავის ფიქრებს მიეცა: „ისიც, მეც და სხვა მრავალი, — ფიქრობდა სეფისწული, — ადამიანები ვართ. აგერ გადაშხლართულებს სძინავთ. ეგენიც ადამიანები არიან. მსგავსი მზისა უბინდოისაც ადამიანია?! ადამიანია. მეც და სხვანიც დავდივართ, ვსვამთ, ვიბრძვით, ვქორწილდებით და ბოლოს ერთი წამი და...“

შეშლილის გვამი ცხადად ეკლაცნება თვალწინ. მკაფიოდ მოისმის მისი პასუხი... „ეს ხომ, აგერ, ტაიჭთ, სხვა ცხოველთაც ემართებათ?! თვით იმ მხეცთა მეფესაც იგივე მოელის, რომელმაც ასე მედიდურად დაიღრიალა... მაშ...“

თითქოს მისმა სხეულმა იგრძნო საფრთხე, რომ სულ უნებურად მიიხედა ტყისკენ. ფეხზე წამოხტომა ვერც კი მოასწრო სეფისწულმა, რომ მხეცთა მეფემ ტყის ნაპირიდან შეჰკრა კამარა და... საშინელი ჭექა მოისმა. სეფისწულმა ჯდომელამ სწორედ დროზე მოუქნია ლახტი და ლომს თავი შუაზე გაუპო. მხეცთა მეფე მის წინ უსულოდ დაეცა და მხოლოდ რამდენჯერმე გაიკლაცნა...

არაჩვეულებრივ ჭექაზე ტაიჭნი ყალყზე შესდგნენ, ბუმბერაზნიც წამოიშალნენ, მაგრამ გამოუფხიზლებელი თვლები უაზროდ აქეთ-იქით მიატრიალეს, შეიშმუშნენ, ისევ მიწვნენ და ღრმად ქშინვა დაიწყეს...

თუმცა ყოველივე ეს სწრაფად მოხდა, სეფისწულმა მაინც მკაფიოდ შენიშნა და ტუჩებზე მწუხარების ღიმმა გაუელვა: „აჰა, ისაც და ესაც უხმოდ, — წარმოსთქვა სეფისწულმა, —

თავჩაჩეჩვილნი უსულოდ ჩემ თვალწინ გაიკლავნენ. ორსავე ზვედრი ერთი და იგივეა... მაშ, რაღაა ადამიანი?!

„ადამიანი... ადამიანი... ეჰ!“ — სახის დაქმახვნივით მხრები აიჩეჩა და ზიზლით გადახედა ბუმბერაზთ, თითქოს ისინი ყოფილიყვნენ დამნაშავენი, რომ კითხვა ვერ განმარტა. „შეუძლებელია, ადამიანი ცხოვრობდეს და კი არ იცოდეს, რას წარმოადგენს, რა ადგილი უჭირავს სხვა ცხოველთა, მცენარეთა და სხვათა შორის!.. ჯერ ეს უნდა შევიგნო და შემდეგ მზისა დარიც იქნება და მეფობაც... მანამდის კი — არც ერთი...“

„ჯერ... მაგრამ როგორ, როგორ გამოვარკვიო, როდესაც ყოველ ჟამს ხელს გიშლიან და მოსაფიქრებლად ერთ წუთსაც თავისუფლად არა გტოვებენ?!

„არა! ასე შეუძლებელია!.. უნდა განვმარტოვდე, წავიდე, გადავიკარგო. არავინ არ უნდა იცოდეს ჩემი სამყოფო. მხოლოდ მაშინ შემეძლება ახსნა-განმარტება!..“ — გარდაწყვეტივით წარმოსთქვა და ზეზე წამოდგა...

III

..— ოხ, მშვენიერებაჲ!.. — ხმის კანკალით წარმოსთქვა მოხუცმა, პალაზას* ქვეშ რომ, ვითა ბრინჯაოსაგან გამოქანდაკებულს, ქალს თვალი მოჰკრა, და ნაბიჯი წინ ველარ გადადგა, თითქოს ეშინოდა, ქალის მყუდროება თავის მოძრაობით არ შეერყია.

დიდხანს, დიდხანს იდგა დამუნჯებული მოხუცი, რომელსაც გულზე ქვის ფიცარი ჰქონდა მიფარებული და სუნთქვაც კი შეუდგა. უმზერდა მოხუცი ღრმად ჩაფიქრებულს ახალგაზრდა ქალს, მის დახუჭუჭებულ თმას, რომელსაც გვირგვინად პალაზას მშვენიერი ყვავილები დასდგომოდნენ, მის აღზნებულ თვალებს, რომლებიც ერთ წერტილს მისჩერებოდნენ; მის ოდნავ მოძრავ მკერდს, მკლავებს; მის ერთადერთ სამკაულს, რომელიც ბუმბულისაგან შესდგებოდა და

* „პალაზა“ ხეა. მშვენიერ წითელ ყვავილებს და უვარგის ნაყოფს იხსამს.

ქალის ხოლოდშობილებას წელს ქვევით მუხლებამდის ჰფარავდა; მის წვივებს, მთლად მის სხეულს, რომელსაც არავითარი ხინჯი, უსწორმასწორობა არა მოეპოვებოდა რა, და მთლად ვნებამ შეიპყრო.

თვალთ აუჭრელდა მოხუცს. პალაზა თავის მშვენიერი ყვავილებით თანდათან დიდდება, ფართოვდება; ჩქარა სივრცედ გარდაიქმნა, რომელშიც მხოლოდ მშვენიერი ყვავილები დატურავენ და მათ შორის უმშვენიერესი ასული...

„ფფუუ!... — მწარედ წაიფშულია მოხუცმა და შიშისაგან ტანში ყრუანტელმა დაურბინა.

ეგონა, ქალი ეგ ეგ არის სივრცეში გაიბნევა, ყვავილებში აირევა და სამუდამოდ დამეკარგებაო. თვალები მაგრად დაისრისა და როდესაც გაახილა, ისევ ის ხე, ისევ ის ქალი ხის ძირზე მხრით მიყრდნობილი დაინახა. სხეულის თახთახმა აიტანა მოხუცი: მკლავები, მუხლები, მთლად მისი სხეული, ყოველი წერტილი მისი სხეულისა თრთის, კანკალებს... უხარიან მოხუცს, რომ ასული ისევ მის ახლოს არის, მაგრამ ვერ გაუბედნია მივიდეს, მიუახლოვდეს. ისიც ველარ მოუხერხებია, აღარ იცის, საით გადაადგას ნაბიჯი, რომ მიუახლოვდეს.

ჭაბუკურ ვნებათაღელვას ველარ შეუძლო მოხუცის სხეულმა. თახთახი შეუდგა, ძარღვები მოუუძლურდა და ლაფანივით ჩაეხვია. თითქოს თვალთაც დაუბნელდა, მის გონებას რაღაც გაეკრა, შეჭბოჭა მისი თავი და აზროვნება შეუყენა...

კარგა დრომ განვლო, ვიდრე გონს მოვიდოდა მოხუცი...

—ოხ!... — მისუსტებულის ხმით წამოიძახა მოხუცმა და გამოუტყვეველი, სხეულის სასიამოვნო სისუსტე იგრძნო, როდესაც მისმა თავმა აზროვნება დაიწყო.

აღარა ახსოვდა რა. მხოლოდ ერთს სასიამოვნო გრძნობას შეეპყრო, რომელიც მთლად მის სხეულში გაბნეულიყო და ასე მძლავრად მიესუსტებინა. სხეულის ყოველი წერტილი სტეხავდა, მაგრამ სასიამოვნო ნეტარი ტეხა იყო, და უნდოდა, სწყუროდა დიდხანს გაგრძელებულიყო ეს სიამოვნება...

— ვიჰ!.. — უნებლიედ წამოიძახა, როდესაც უეცრად თვალი მოჰკრა თავის დამბნედავს, და სწრაფლ ზეზე წამოიჭრა.

ტეხვა, ნეტარი ტეხვა დაეკარგა. ძალა მოიკრიფა და ფეხ-აკრეფით ქალს მიუახლოვდა...

— ვინა ხარ, მშვენიერო, ქვეყნად ვინ მოგავლინა?! — ჩუმად ნიავივით ჩუმად ეჩურჩულება მუხლმოდრეკილი მოხუცი: — იქნება განრისხებულმა კუვერამ ჩემ სანუგეშოდ ქვეყნად გადმოგავდო?!* მაგრამ რას ვამბობ?! ნუთუ შენი სიშვენიერე კუვერას, წინ, რაც უნდა დიდი დანაშაული გქონოდა, არ დაჰფარავდა?! არა!.. იქნება, როგორც ეს ხე, მშვენიერი ხარ და ამისავეთ უსარგებლო? შენც...

ქალი ისევ ისე გაშტერებით მისჩერებოდა სივრცის ერთ წერტილს და მას მოხუცის ბაასი არ ეყურებოდა.

მოხუცმა ველარ მოითმინა, ხელი წაავლო ქალის ერთადერთ სამკაულს და ოდნავ დასწია. ქალმა იგრძნო. ის ვერხვის ფოთოლივით ათრთოლდა და მშველივით განზე გახტა, სამკაული კი მოხუცს ხელში შერჩა...

— ჰაა, ჰაა!.. — ერთიორჯერ დაბნევით და ტანის კანკალით წამოიძახა მოხუცმა, შემკრთალ ქალს რომ თვალი მოჰკრა, და მერე...

მერე იგი გონებაშიმხდილი იქვე გაგორდა...

— უეჭველად ბრამინთაგანი იქმნები?! — როდესაც, როგორც იყო, ქალმა მოასულიერა მოხუცი და თავისი სამკაული ისევ გაიკეთა, ამ კითხვით მიჰმართა.

— არა, მშვენიერო. მე... მე... — ხმის კანკალით ეუბნება მოხუცი: — მე სეფისწული ვარ...

— შენ? — განცვიფრებით დაეკითხა ქალი და, თითქოს რაიმეს იგონებსო, შუბლი შეიკმუნხა და ღრმად ჩაფიქრდა.

— ჰო... ჰო, მე სეფისწული ვარ...

— ძალნო ცისანო! — ხელების მალლა აპყრობით ცოტა ხნის სიჩუმის შემდეგ წამოიძახა ქალმა და გაკვირვებით მიმართა მოხუცს: — ნუთუ შენ ის სეფისწული ხარ, რომელზედაც ზღაპრად მოგვითხრობენ?!

* კუვერა ღმერთია. ინდოელთა რწმენით მას ახვევია მშვენიერ მხევალთა გუნდი და რომელიც მათგანი გაარისხებს, დასასჯელად ქვეყნად კაცთა შორის ისტუმრებს („რამას განდევნა“, ს-ლის თარგმანი).

— როგორ თუ ზღაპრად?! — განცვიფრებითვე დაეკითხა სეფისწული...

— ამ ოცდაათის წლის წინად... — დაიწყო ქალმა...

— როგორ თუ ოცდაათის წლის წინად?!

— ჰო, რას გაიკვირვე?.. გუშინაც მაგრე მიაშობო დედაჩემმა... იყო გმირი; იმისთანა, — ამბობდა დედაჩემი: — დედამიწის ზურგზე არ დაბადებულიყოვო... მამას უნდოდა მეფობა გარდაეცა, მაგრამ მეფობის გარდაცემამდის ჯერ ცოლის მოსაყვანად გაგზავნა და თან რჩეულნი ბუმბერაზნი გააყოლაო...

— ჰო... ჰო, მართალს ამბობ, მართალს. მერე?

— მერე, თურმე იმ ღამეს მინდორში ღომი მოეკლა და თითონაც სადღაც გადავარდნილიყო... ამის შემდეგ მისი გზა და კვალი დაიკარგა...

— ღმერთო, ღმერთო!.. ნუთუ ოცდაათი წელიწადია მას შემდეგ?!

— მაშ, შენ ხარ ის სეფისწული?

— რომელიც შენ ასწერე, ისა ვარ, მაგრამ ოცდაათი წელიწადი...

— ოჰ, სეფისწულო! — სიტყვა აღარ დაათავებინა ქალმა, იგი ფეხქვეშ ჩაუვარდა და მის ფეხებს კოცნა დაუწყო...

სეფისწული დაიბნა... მის სიამოვნებას საზღვარი აღარა ჰქონდა... თვითონაც ჩაიკეცა და ქალი გულში ჩაიკრა. სრულებით მოულოდნელი იყო იმისთვის ამისთანა შედეგი...

— სეფისწულო!..

— მშვენიერებაე!..

ერთიერთმანეთს აღარ აცდიდნენ სიტყვას. ორივე თრთოდა, ორივე ვნებად იყვნენ გარდაქმნილნი.

— გუშინ დედაჩემს ვუთხარი...

— მშვენიერებაე, რას მოვიფიქრებდი...

— ის ცოცხალი იქნება და მოვამეთქი... გმირთაგმირი...

— ჰაა?!. შენ... მშვენი...

— გმირთაგმი...

— ყიიიპ!.. — უეცრად დასჭყვივლა შორიახლოს ფარშევანგმა და ტყეს აუწყა გმირთაგმირის დაბრუნება...

...მთლად მოკუმშულა სეფისწული. პალაზას ქვეშ მოკე-
ცილა, ზის და ჭირის ოფლს ახხამს. ეწვის ტანი. სხეულის
ჩხვლეტა, — ტეხვა აქვს... განძრახვისა ეშინიან... ეშინიან უკან
მიხედვისა. ჰგრძნობს მის სიახლოვეს. თვალით არ უმზერს,
მაგრამ ჰხედავს კი, რომ იგი, რომელსაც ამ რამდენისამე წამის
წინ გულში სიყვარულით იკრავდა, რომელსაც უერთდებოდა,
გულხელდაკრეფილი მის უკან სდგას და ზიზლით უცქერის...
ოო, რა ცეცხლის მფრქველი თვალეზია!.. თვით ყოველი
არსების შემმუსვრელ აგნისაც არ ექმნება მაგეთი მრისხანე
თვალეზი!.. შუბლზე ხელი მოისვა, ჩაიჭყლიტა თვალეზი სე-
ფისწულმა და მწარის ღიმილით თავი გაიქნ-გამოიქნია. ამ
დროს თვალი მოჰკრა მის წინ მგდებ ქვის ფიცარს და, თითქოს
პირველად ხედავდესო, გულმოდგინედ კითხვა დაუწყო ჯვარე-
დინად ზედ აღწერილს:

ჰოი კაცო!

„ნურას დროს ნუ დაეკითხები შენს თავს! რა არის ადამიანი!“
„ყოველგვარ მოვლენას შენ ცხოვრებაში გულგროლად შეხვდი!“
„ეცადე, შენი ცხოვრება მხოლოდ სიამოვნებით გაატარო!“

გულგრილად შეხვდი!.. მხოლოდ სიამოვნებით გაატარო!..
ხა, ხა, ხა, ხა!... ხა, ხა, ხა!... — დაიწყო გაბრაზებულმა საში-
ნელი ხარხარი და ამავე ხარხარით განაგრძნო: — ოცდაათი
წელიწადი, ჰოი, ადამიანო, იტანჯე, იწვალე; რამდენი მწარე
ცრემლი აფრქვიე, რომ ეს სისულელე დაგეწერა?! მთელა
შენი ძალა შეალიე და ახლა... ახლა რატომ ვერ მისწვდი სიამოვნ-
ებას, როდესაც შემთხვევა გქონდა, ან რატომ გულგრილად არ
შეხვდი ამ შენს უძლურებას?! ააა!... ხა, ხა, ხა, ხა!.. ადამიანო,
ადამიანო?! — ზეზე წამოიჭრა და ქვის ფიცარი ზედ აღწერი-
ლი სამი მცნებით მალლა ამართა... — რა ხარ, რა, ადამია-

ნო?! — დაიღრიალა სეფისწულმა და ისე მაგრა მოუჭირა ქვის ფიცარს ხელები, რომ თითქოს მის დაქუცმაცებას ლამობდესო.

„ხა, ხა, ხა, სისულელე!..“ მკაფიოდ მოესმა ნაცნობი ხმა შეშლილისა და მისი ქვის კაკუნნი...

სეფისწული გამოერკვა. ქვის ფიცარი — ოცდაათი წლის ნაშრომი — ძლიერად მიაწარცხა პალაზას ძირს და ლუკმა-ლუკმა შემუსრა. მასთან ერთად თითქოს თავისი ძალაც მიაცოლო, თვითონაც შეიმუსრა და იქვე ჩაეხვია.

ქალის მრისხანება კი განცვიფრებლად შეიცვალა ამ სურათის შემდეგ...

1899 წ.

პატარა პეპელა

(იტიული)

— მოიწი ჩემკენ, მოიწი!.. შენ კი არა გცივა?.. მე კი, აი, სიცვიისაგან მთლად დავიბუხე, ლამის არის გავშეშდე, სიცოცხლე შემიდგეს... — ეხვეწება პატარა, ფუნჩულა თეთრი პეპელა, რომელიც ყვითელფოთლიან ჯაგს ამოჰფარებია, იქავე მჯდომ ჭრელ პეპელას და იმოდენა არაქათი აღარა აქვს, რომ თითონ მიიწიოს იმისკენ...

წვრილი ფეტვის-მარცვალი წვიმა კი დაჟინებით თავს დასდის, და თან სუსხიანი ქარი უსისინებს...

— ლამის არის მთლად ზედ შეგდგე, სადღა მოვიწიო?!

— არ გებრალეები?! — კვნესით შესძახა ფუნჩულა პეპელამ და ოდნავ პატარა ფრთები შეაჩხია...

— მებრალეები, მაგრამ რა ვქნა, როდესაც მეც შენი დღე მადგას?! — გულმხურვალეებით უპასუხა ჭრელმა პეპელამ და ცალი ფრთა ზედ გადააფარა.

— ჰოო, ეგრე, ეგრე... ოხ, რა მადლობელი ვარ!

— ეეეხ, მართლა და, რა სულელი გამოვდექი, იმათ რომ დაეუჯრე!.. — გულამოსკენით წამოიძახა ისევ ფუნჩულა პეპელამ რამდენისამე წუთის სიჩუმის შემდეგ.

— რა იყო?.. როგორ? — ეკითხება ჭრელი პეპელა და გადაფარებულ ფრთას უფრო უჭუჭკავს.

— ახლა რომ მაგონდება, — კანკალით ამბობს ფუნჩულა პეპელა: — სირცხვილით ვიწვი...

— არ მეტყვი, რა იყო?

— ჯერ ახლად თვალი რომ გავახილე, — დაიწყო ფუნჩულამ: — და არემარეს გადავაეღე, დავითვერი, სიამოვნების

ერუანტელმა დამირბინა ტანში. ჩემ თვალწინ გადაშლილა-
ყო... ბედშავს, ველარც კი გამომითქვამს იმისი სიმშვენიერე!..
ათასფრად აყვავებული მდელი, რომელსაც შიგ შუაში მიუ-
ჩხრიანებდა ანკარა კამკამა წყალი და ნაპირებს აკურებდა
თავის გამაცოცხლებელი წინწყლებით, გადაჭიმულიყო ჩემ
თვალწინ. ყოველ საგანს სინაზე, სიახლე ეტყობოდა. უთუოდ
ისინიც ახლად იყვნენ გამოწვეულნი, გამოცოცხლებულნი,
რომ პირველ მზის სხივზე მათ ცრემლვა დაიწყეს. მათი ცრემ-
ლი მზის სხივზე კრთოდა, ელვარებდა, და ის ანკარა წყალიც
უთუოდ იმისთვის მოსთქვამდა ისე ნაზად და სასიამოვნოდ...
არემარე ჩემსავით დამთვრალი იყო სიცოცხლის პირველი
სხივით და სტიროდა სინარულით!..

„...ახ, რა კარგია!.. გამოვერკვიე თუ არა, უნებურად წა-
მოვიძახე და არ ვიცი, როგორ და რად დავიწყე ნავარდობა...
მართლდაც, რა კარგი იყო!! ხან ერთს ყვავილს დავაკვდებო-
დი ზედ გულზე და ხან კიდევ მეორეს. მინდოდა, ყველას
მივეალერსებოდი, ყველას გულში ჩავკროდი და ამისათვის
არც ერთ ყვავილთან, არც ერთ მცენარესთან დიდხანს არ
გავჩერებულვარ.

„ასე ვნავარდობდი, ვიდრემდის ბინდმა არ შემაყენა. ვიძახ-
დი, რად დაბნელდა, რომ კიდევ მენავარდნა...

„გათენდა. ისევ ის ნავარდობა, ისევ ის სიამოვნება. ყო-
ველ დღე ვსიამოვნებდი და სამწუხაროდ მხოლოდ ის მქონდა,
რომ ღამეც არ შემეძლო სიამოვნება.

„ერთ ღამეს... ცოტა კიდევ ამომიჭუჭკე ფრთა... ეგრე,
ეგრე... რანაირი სუსხიანი ღამეა!.. ჰო!.. ერთ ღამეს, მეტი, ის
იყო ბალახებში ჩავძვერი და ძილს ვაპირებდი, რომ უეცრად
რალაც სინათლე თვალს მომადგა. გავიხედე იქით, საიდანაც
შუქი მოდიოდა და, აღარცკი მიფიქრია, მაშინვე იქითკენ გა-
ვეშურე. რას ვხედავ?! ირგვლივ ისინდნენ... უთუოდ გენა-
ხვება სადმე: ისინი ხშირად დადიან მინდვრად და მათი მსგავ-
სი პატარები ჩვენს ძმებს კიდევაც დასაჭერად დასდევდნენ...
რა ვქნა, რამ დამავეიწყა მათი სახელი?!

— ადამიანები?

— ჰო, ადამიანები!.. არგასაშვებმა მათმა პატარებმა ერთხელ კინალამ დამიჭირეს... შემოსხდომოდნენ მაგიდას და ვახშობდნენ... მაგიდას შუა იღვა რაღაც პატარა თეთრა, რომელსაც თავს დასობოდა მოელვარე, მოციმციმე ენა. მისი შავი ძარღვი ცოტათი წამოხრილიყო და გღვივებული წვერი გამოენაპირებინა... ახ, რა მშვენიერება რამ იყო!! ის, ის ჰფენდა არემარეს მკრთალ ნათელს... ის ატკობდა იმ საზიზღრებს!.. პირველი შეკრთომის შემდეგ გავსრიალდი და თავს შემოვევლე... მისი სიახლოვე ვიგრძენ... ფრთა შევახე და.. ოხ, რა ნეტარების ყრუანტელმა დამიარა ტანში!.. სიმწვავე ვიგრძენ, მაგრამ ნეტარი სიმწვავე!.. ტანი მომეშალა და, დარეტიანებულმა, მსწრაფლ ძირს ფორთხიალი დავიწყე...

„...რა სულელები არიან ეს მწერები: სიცოცხლეს თითონვე ისპობენო,“ — წამოიძახა ერთმა მაგიდის გარს მსხდომ ადამიანთაგანმა და იატაკზე გადამანარცხა...

„ძალიან მეწყინა... სატრფო მთლად დამავიწყდა... „სულელები... მწერები!“... ეს სიტყვებილა მიტრიალებდნენ თავში... მოვიკრიბე ძალღონე და მედიდურად ავუფრინდი მათ ცხვირწინ... მე დაგიმტკიცებთ, რომ მწერები სრულებითაც არ არიან სულელები მეტქი, თან ეს მივაძახე, და ის იყო და ის, მას შემდეგ ყოველგვარ სიამოვნებას მოვშორდი. ვერიდებოდი... „იგინი ჰკვიანები არიან, სულდგმულთა მეფედ ითვლებიან, მაშასადამე, უთუოდ სიცოცხლე სიცოცხლისათვის რაიმეს წარმოადგენს მეტქი“, ვფიქრობდი და ყოველთვის, როდესაც კი შევნიშნავდი რაიმე სიმშვენიერეს, რომელიც მაფრთოვანებდა, მიზიდავდა და გულს მიტოკავდა, ღღე იქნებოდა ეს თუ ღამე, ვერიდებოდი, ვუფრთხოდი და, აი, სიცოცხლე დავიცევი ამ სუსხიანი ღამისთვის. სიცოცხლე შევიინახე, რომ იგი ტანჯვით მომსპობოდა!.. ოოჰ, თუ გადავრჩი ამ სუსხიან ღამეს...

მაშინ... მცოვა... მცოვა... მაშინ... — შესწყვიტა ფუნჩულამ ამბავი, ჭრელი სმენად იყო გადაქცეული. დიდხანს ელოდა. ფუნჩულა რას იზამდა, თუ იმ ღამეს გადარჩებოდა, მაგრამ იგი მხოლოდ გაუგებრად წრიპინებდა. ჩქარა წრიპინიც შესწყდა...

— მაშინ რას იზამდი?! — ჩაეკითხა მოთმინებიდან გამოსული ჭრელი პეპელა, მაგრამ ფუნჩულა სდუმდა.

ჭრელმა პეპელამ შეარხია ფუნჩულა. ფუნჩულა ძირს ჩაგორდა.

— ველარ გადარჩა ამ ღამეს!.. — მწარედ წარმოსთქვა ჭრელმა პეპელამ და ღრმა ფიქრებს მისცა თავი.

გ ი უ ლ ი *

I

მარტის ნახევარი იქმნებოდა, როცა ოჰანეზამ დატვირთული ურემი ალიას ბინის წინ დააყენა. ურემი ალიასივე იყო და იმისივე შვილი მოუძღოდა წინ. ამისთვის — არ ამოიღეს ხმა ქოფაკებმა. ოდნავ კი მოიხედა რამდენიმე წყვილმა ქოფაკმა ხმაურობაზე და ისევ ისე განცხრომას თავი მისცეს.

— ოო, მოხვედ მშვიდობით, ჩემო ოჰანეზ!.. — მიეგება ალია, რომელმაც, ის-ის იყო, ფარეხის დაბალ კარებიდან შაქრის თავივით ტყავის ქუდი გამოყო და შემდეგ ტკბილად მოდიმარი გრძელი, ჭადარა, თითქმის გათეთრებული წვერულვაშით შემოსილი სახე გამოაჩინა.

— დამხვდი მშვიდობით, ალი!... როგორი დოლია?!. ცოლ-შვილით ხომ კარგადა ხარ, ჩემო ალი!... — ღიმილითვე ჰკითხა ოჰანეზამ ალიას და მოდუნებულად გამოწვდილს ხელს მოდუნებულადვე გაუქლასუნა.

— ალლაჰის წყალობით კარგადა ვარ! შენი მწყალობელიც იყოს, — უპასუხა ალიამ და დურა ტყავი, რომელიც ქოშების ქუსლებამდის ჰსწვდებოდა, მოიბურა.

— ცოტა არაა, ჰსუსხავს, შევიდეთ ფარეხში? — მიიპატიჟა ალიამ და წინ გაუძღვა.

— შენ დურა-ტყავს მკათათვეშიაც არ იშორებ. რა დროს სუსხვავა? მე კიდევაც მცხელა! — უპასუხა ალიას ოჰანეზამ

* გიული პირდაპირ ვარდს ნიშნავს. თათრები ქალსაც უწოდებენ ამას სახელად, როგორც ჩვენ „ვარდოს“. თათრებში მომეტებულ ნაწილად სახელად ყვავილების სახელებს არქმევენ.

და შემდეგ თავის მოჯამაგირეს მიმართა: — მიტრო, ხურჯინი ფარეხში შემოიტანე!...

ოპანეზა, წელში ორად მოხრილი, შევიდა თუ არა, შედგა, წელში აიშარტა და აქეთ-იქით ცქერა დაიწყო: მაგრამ პირველ წუთს ვერა გააჩნია რა. თუმცა ნაცნობი იყო ეს ფარეხი, მაგრამ მაინც წინ ფეხის გადადგმა ვერ გაბედა, რადგანაც ეშინოდა, არას მიჰხეტქებოდა: რამდენჯერმე თვალები მოიფშენიბა, კიდევ მიიხედ-მოიხედა და შემდეგ, როდესაც კერის პირას ბოძზე მიყუდებულ, კბილებგამოყრილ და სახედაღმენჭილ დედაკაცს თვალი მოჰკრა, თვითონაც კბილები გამოყარა და მიუახლოვდა:

— აა, იეთარ, როგორა ბრძანდები?!

— კარგადა, ჩემო ოპანეზ. შენ როგორლა ხარ, შენის შეილებით?! — თავის მხრით მოიკითხა იეთარმა და ხელი ჩამოართვა.

— აქა მშვიდობა! — შემოჰყო თავი თუ არა კარებში, დაიძახა მიტრუამა, და ისიც ოპანეზასავით კარებში შედგა.

— აი, კერისაკენ მოიტა ხურჯინი! — დაუძახა ოპანეზამ.

— დამაცა, თვალი გავიტეხო, ვერასა ვხედავ! — უპასუხა მიტრუამ თვალების ფშენებით.

თვალების მოფშენების შემდეგ კარგად გატენილი პატარა ხურჯინი კერის პირას დასდო მიტრუამ.

— აბა, შენ იცი, მიტრო, როგორც ყველაფერს რიგიანად გააკეთებ. ხომ გახსოვს, შარშან სადაც გვედგა კარავი, იქავე დადგი, — უთხრა ოპანეზამ მიტროს და ხურჯინს მიუჭდა.

თხუთმეტამდის დიდი თუ პატარა ოპანეზას გარს შემოეხვია. ყველას თვალები ისე უბრწყინავდა, თითქოს, აგერ, ეს ეს არის, უნდა ხელი სტაცონ და დაითრიონ ხურჯინიო. აღია კი გვერდით მოუჭდა ოპანეზას და ჩაყვითლებულს კბილებს არ მალავდა.

ცეცხლი ოღნავ ბეუტავდა კერაზე და ღრჩოლავდა, რის გამოც ისეც ბნელი ფარეხი კვამლით იბურებოდა.

— აი, იეთარ, ეს შენთვის წამოვიღე! — დაიძახა ოპანეზამ, როდესაც ხურჯინიდან ქალაღში შეხვეული ნივთი ამოიღო.

— ოო, ჩემო ოპანეზ! — მეტი არა უთქვამს რა. იქავე ჩა-

ცუცქდა და მაშინათვე გაშალა, წითელნიადაგიანი და თეთრ-ფოთლიანი ჩითი რომ დაინახა, პირი სიამოვნებით ყურებამდის გაეპო, და ისეც წვრილი, ჩაცვინული თვალები ბუდეში სულ დაემალა.

— ეს კიდევ ლეილას! — მეორე ნაჭერი მეორე დედაკაცს, იეთარზე უფრო უმცროსს, გაუწოდა.

ლეილაც იეთარს მიუჯდა და კალთაში წითელი მითელი გადიშალა. იეთარმა და ლეილამ ერთმანეთის საჩუქრებს გაფაციცებით სინჯვა დაუწყეს. ამ დროს რვამდის წვრილფეხობა მოუსვენრად ადგილობრივ ტიტველა ფეხებს ათამაშებდა და ოპანეზას თითქმის კალთაში უვარდებოდა. მაგრამ ოპანეზა ხურჯინის ამოლაგებას არა სჩქარობდა. ის, თითქოს მღვდელმოქმედობდაო, მძიმედ ალაგებდა ხურჯინიდან.

— შენი რძლები სადღა არიან, ალი!.. აი, ეს ქოშები იმათ მოეუტანე!...

— რა კაცი ხარ, ოპანეზ, რა კაცი!.. რომ არავინ დაგვიწყებია! — მხარზე ხელის დარტყმით ჩამოართვა ქოშები და თავის ცოლებს გადააწოდა.

— სად არიან ქალები?! — თავის მხრივ დაეკითხა ცოლებს, როდესაც ქოშები მიაწოდა.

— წყალზე! — მოკლედ უპასუხა იმათ და ქოშებს ქექვა დაუწყეს.

— ეს კიდევ შენს ფარის. ის სადღაა?! — ისევ მძიმედ წამოიძახა ოპანეზამ და მძიმედვე გაუწოდა რაღაც ქალაღში გახვეული.

— ოპანეზ! — მეტი ვეღარა თქვარა ალიამ. მთლად დადნა სიამოვნებით, რომ მისი უმცროსი, მისი საყვარელი ქალი, ათი წლის ფარი, არ დაგიწყებია ოპანეზას...

— ლეილა, ფარი სად არის?! — ჩაეკითხა ფარის დედას ალი და საჩუქარი გადააწოდა.

— ძალუებს გაპყვა წყალზე!.. — ალიაზე არა ნაკლებ ნა-სიამოვნებმა ლეილამ უპასუხა და საჩქაროდ შემოაფცქვნა საჩუქარს ქალაღდი.

წვრილფეხობას უკვე იმედი გადაუწყდა. „ყველასათვის ამოიღო საჩუქრები“, — ფიქრობდა წვრილფეხობა. — „და ჩვენთვის კი არაო, ჩვენ არა მოგვიტანა რაო“. მოცმუკუნე შიშველა ფეხები შეუდგათ და მობრწყინვალე თვალები მოვლრუბლათ.

— აბა, ეხლა თქვენ მომიახლოვდით!.. — უეცრივ სწორედ დროზე მიჰმართა ოჰანეზამ წვრილფეხობას, თორემ წვრილფეხობა სასოწარკვეთილებას მიეცემოდა, და ერთი ქალაღლის პარკი ხურჯინიდან ამოაძვრინა.

მორღუბლული თვალები წვრილფეხობას ისევ მოეწმინდათ ოჰანეზას ხმაზე და ფეხები ისევ აუთამაშდათ.

ოთხმოცამდის თითი მიეგება ოჰანეზას. იმას თითქმის კიდევაც შეეშინდა; თავი უკან გადიღო და ისე დაიწყო ფოჩიან კონფეტების დარიგება.

— ოოო, ოოო! — ყვიროდნენ ბავშვები, და ოჰანეზა კიდევ კონფეტებს უწყობდა ხელში მათ.

როდესაც ქალაღლის პარკი დაცარიელდა, ბავშვებმა საჩქაროდ პირი იბრუნეს, ხტუნაობით ფარების ხშირ და დაბალ ბოძებში აირივნენ და სიბნელის გამო აღარ მოჩანდნენ; მხოლოდ მათი ყიყინალა მოისმოდა, და აქა-იქ ბოძების შუადან მათი თვალები გამოასინათებდნენ.

— ოოო! — გაძსმა ერთხმად ყველას ხმა და ფუნდრუკაობით ერთი-ერთმანეთს აღარ აცდიდნენ გარეთ გავარდნას.

— ალლაჰიმე გიშველის, რომ ე ბაღლები გაახარე!.. — ალიამ ხელის გადახვევნით მიმართა ოჰანეზას, როდესაც ბავშვები კისრის მტვრევით გარეთ გაცვივდნენ.

— ახლა შენც გაგახარო და, ალი!.. აი, ეს კიდევ შენ! მოხუცებული ხარ, ჩაი, შაქარი გეყვარება, — უპასუხა ოჰანეზამ და ხურჯინიდან ერთი პატარა შაქრის თავი ამოიღო და გირვანქის მეოთხედი მცირეფასიანი ჩაის პარკუჭანა.

— რანაირად გადაგიხადო მადლობა, ოჰანეზ!.. — აღტაცებით წამოიძახა ალიამ და ლმობიერად მზერა დაუწყო.

იეთარი და ლეილა ქეთლის ადუღებას შეუდგნენ. ჩქარა კერაზედ ცეცხლი გააჩაღეს. ამ დროს ოპანეზა და ალია გარედ გამოვიდნენ, რომ ენახათ, მიტრუა და ალიას შვილი ქერბალაი როგორ საქმიანობდნენ.

ალიას ბინა ცოტა ბექობზე იყო მოთავსებული. თითქმის მთლად ყარაის მინდორი მოჩანდა; თუ კი ვისმე თვალი კარგად უჭრიდა, ალიას ბინიდან ყველაფერს დაინახავდა. ოპანეზა გამოვიდა თუ არა, თავის უნებურად გაშტერდა, და არემარემ თვალი მოსტაცა. მთლად ეს ტრიალ მინდორი, ქვევით კიდევ მტკვრის პირას ტყით შემოსილი ადგილი მწვანე ხავერდის სუფრად ქცეულიყო, რომელსაც უთვალავი ცხვარი შესეოდა, აქა იქ, თითქმის ყველგან, თითქოს თეთრი ძაფით ამოუქარგავთ მწვანე სუფრაზედო, ისე მოჰვენოდა ცხვარი. შორს, შორს სულ ქვევით გადახრილ მზის სხივებზე მოელვარებდა და მობრწყინავდა ჯაანგირი.*

— ეხლა რა ლამაზია ყარაია, ალი! — სულ უნებურად წამოიძახა ოპანეზამ.

— კარგია ყარაია, აპრილის თხუთმეტამდის, ან გასულამდის. მერე კი წყეულია, — უპასუხა ალიამ და მიტრუასთან და ქერბალაისთან მივიდა, რომლებმაც კარავი უკვე დადგეს და ახლა ურმიდან კოდებს და ქვაბებს გადმოღება დაუწყეს.

— ქერბალაი, შენ წადი წყალზე. ქალებმა რაღაც დაიგვიანეს. ხომ არა შეემთხვათ რა. ამის გადმოლაგებას მეც ვუშველი. — ცოტა არეულის სახით უთხრა შვილს და კოდი კარავთან მიატრია.

— გიულიც იქაა? — შუბლშეჭმუხვნით დაეკითხა ქერბალაი მამას.

— იქაა!..

— მაშ შენ წადი!..

ალია ამ პასუხით გამშრალი გამოტრიალდა ოპანეზასკენ, რომელიც ამ დროს მთებისკენ, საიდანაც ოდნავ ჯვარი მოჩანდა, მიბრუნებულიყო და პირჯვარს იწერდა.

* ჯანგირი — ტბაა ყარაიაზში.

— ოჰანეზ, — მხარზე ხელის დადებით ნაღვლიანად მიჰმართა ალიამ, — ხომ არ გამოვილი იქით?! მიტრო და ქერბალაი თითონ მოაწყობენ. შენი აქ ყოფნა მეტია.

— ვა, ალი, რატომ არ გამოვივლი! მაგრამ ჩქარა მოსალამოვდება. აგერ მზე რამდენად გადახრილია!... სანამ იქ მივალთ, თუმცა ძალიან მინდა იმის დათვალიერება და თაყვანისცემა, მაგრამ ვერც მოვასწრობთ!

— ეეჰ, რა დროს თაყვანისცემაა?!.. მე ხომ თქვენ სალოცავისაკენ არ გიწვევ, — წარბების აწევით წამოიძახა ალიამ და წვერზე ხელი ჩამოისვა.

— ეს რამდენი წელიწადია, აქ მოვდივარ და ჯერ ერთხელაც არ მილოცნია და არ მინახავს ნათლიმცემლის საბერო! ვენაცვალე იმის მადლს, სულ ერთბაშად გადაუხდინდა... დავით გარეჯის საბეროც არის, აგერ, ჯაანგარის ტბის პირდაპირ... ოჰ, როდის მოვილოცავ იმას!

— როცა გინდა, მაშინ მოილოცე. ეხლა მე იმათ მოსალოცავად არ გიწვევ!

— იცი, ალი, ეგ ხომ ქართველების საბეროა, იმათი წმინდანების აშენებულია, მაგრამ მე მაინც...

— ქრისტიანები ყველა ერთი სისხლისა მგონიხართ! ეგ მე არ ვიცი. როცა გინდა, ილოცე და როცა გინდა, ილანძლე, ეხლა კი, ამ წყაროსაკენ გავიაროთ!

— წყაროსაკენ?!

— ჰო!...

— წავიდეთ!.. მეგონა, საბეროსკენ მეუბნებოდით. ვენაცვალე იმათ მადლს, როდისმე შეჰქველად მოვილოცავ!..

III

ქოფაკი! — წამოიძახა ქერბალაიმ, როდესაც მამა, ალია მკვახე სიტყვით გააბრუნა და კოდს სწორება დაუწყო.

— ქერბალაი, — რატომ აგრე ურიგოდ იხსენიებ მამაშენს?! — დაეკითხა მიტრო ქერბალაის და ურმის ჰველს მოჰკიდა ხელი.

— ურიგოდ მოხსენება კი არა, დახრჩობაც ცოტაა! —

უპასუხა ქერბალაიმ და კოდზე მისვენებით მიტრუას თვალებში მზერა დაუწყო.

— რა ვიცი, ქერბალაი, მე რომ მამა მყვანდეს, ყველაფერს ვაპატიებდი! ეს ოხერი, არც დედა და არც მამა არ მახსოვს, და ისე კი მგონია, რომ მშობლებს ყველაფერს მივუტევებდი და მაგრე ურიგოდ არ მოვიხსენიებდი.

— მშობლები რომ არ გახსოვს, მაგრე იმისთვის ამბობ. მამაშენს ის რომ ჩაედინა, რაც მამაჩემმა, მაშინ, განა არ გიცნობ, შვილოსა, ცოცხალს შესჭამდი.

— ისეთი რა ჩაიდინა რომ მაგრე ამბობ?!

— ჰო და... ჯერ გაიგე და მერე ისე გამამტყუნე!..

— მაინც ისეთი რა ჩაიდინა?!

— რაღა რა ჩაიდინა, დაიწყო ქერბალაიმ და აქეთიქით მიიხედა, გასაკეთებელი ხომ აღარ დაგვრჩია რაო და ყველაფერი რომ რიგზე დაინახა, განაგრძო: — ხომ გახსოვს. შარშან ზამთარს ჩვენ გვერდით, აგერ იქ, რომ ბინა ეჭირა, ველი-ბაი-რამ-ქუჩუკ-ოღლის? ჰო, და შარშან ეშმაკად აქ ჩამოვიდა ჯალაბობით. წინად ერთხელაც არა ყოფილა აქ. იქნება აღარც კი მოვიდეს როდისმე აქა, არ ვიცი, შარშან რამ მოათესლა აქ?! ნეტავი, ფეხი გახმობოდა და შარშანაც არ მოსულიყო!..

— უი, უი, ბედშავო, რად ამბობ მაგას?! ნეტავი, წლეულაც მოსულიყო!.. ისეთი ლამაზი...

— მიტრო, — უეცრივ შეაწყვეტონა სიტყვა ქერბალაიმ, — იმისი ქალი შენ ძალიან მოგწონდა, განა?! ეხლა მაგონდება, რამდენჯერ გითქვამს ჩემთვის: „ახ რა კარგი რამ არისო!...“ რამდენს ემასხარავებოდი ჩემთან და ეუბნებოდი: „მოგიტაცებ და ცხრა მთას იქით წაგიყვანო!..“

— მართალს ამბობ!.. — უპასუხა მიტრუამ, და ქერბალაის აღელვებამ იგი ძალიან შეაშფოთა.

— შენ კიდევაც მითნარი, განა, დამეხმარე, იქმნება, როგორმე მოვიტაცოვო?!

— მართალია, მართალი!..

— მართალია და... იცოდე, ეხლა ის ქალი ჩემი დედინაცვალია!.. — შუბლშეკმუხვნით და მკაფიოდ წამოიძახა ქერბალაიმ.

— როგორ?!. — მეტი ვერა მოახერხა რა მიტრუამ და სწრაფად ქერბალაის ერთის გადახტომით ხელი დაუჭირა.

— როგორ და ისე, რომ დედაჩემი მოკვდა. ერთი თვის შემდეგ მამაჩემმა ის ქალი მოიყვანა...

— უი, საწყალი!.. რა დაემართა?!. დედასავით მიყვარდა დედაშენი. ნეტავი არ გეთქვა! რა კარგი ადამიანი იყო!.. — გულწრფელი მწუხარება გამოიხატა იმის სახეზე.

ქერბალაის გული აუჩუყდა მიტრუას მწუხარებაზე და თვალებზე ცრემლი მოადგა.

— საწყალი ხაჯა!.. თვალწინ მიდგა იმისი კეთილი სახე; იმისი ტკბილი ხმა მეყურება: „შვილო მიტრო“, თითქოს ისევე ტკბილად მეძახოდეს, „მოდი, პური მოგშიოდა, ჭამეო!“

ქერბალაიმ თვალები მოიწმინდა, თავი შეარხია და დაიწყა:

— ჰო, დედაჩემს ძალიან ვუყვარდი. კეთილი ადამიანი იყო. ხშირად უთქვამს: „ნეტავ მიტრო ქართველი არ იყოსო. ან მუსულმანი იყოსო, რომ ჩემი სალბი ჩემი ხელითვე მივუყვანო და ცოლად დავუსვაო. მიტროს მე სასყიდელს არ გამოვართმევდიო... დედაჩემი ძალიან მიყვარდა... ისე არავინ მყვარებია ჯერ. ჩემი სონაც არ მიყვარს ისე. ხომ სონას მეტი ჯერ აღარა მომცემია რა და მომეცემა თუ არა, ეგ ალლაჰმა უწყის. ის სონა რომ მომკვდომოდა, ის მერჩინა, ოღონდ დედაჩემს ეცოცხლნა.

— საწყალი ხაჯა, საწყალი! — მწუხარებით გაიძახოდა მიტრო და, თითქოს გიული სულ გადაავიწყდაო, აღარ უხსენებია...

— მიტრო, — რამოდენიმე წუთის სიჩუმის შემდეგ ლობიერად მიუბრუნდა ქერბალაი: — დედაჩემს ძალიან ვუყვარდი. აი, ეს მესამე წელიწადია, აქ მოდინხარ და მეც შენი ცული არა გამიგონია რა. მხოლოდ შენი სიკეთე და სივაჟკაცე მოუხმენია ჩემს ყურებს. წინად, როცა დედაჩემი ცოცხალი იყო, შენი სივაჟკაცე და სიკეთის გაგონება მწყინდა, მშურდა და... ეჰ, ჩემო მიტრო, რა დაგიმალო, კიდევაც ვცდილობდი შენს დაღუპვას. მინდობდა შენი აქედან გაძევება და ოჰანეზასათვის, საც რამდენჯერმე შენზე ცული მითქვამს...

— ქერბალაი, — სიტყვა გააწყვეტინა მიტრუამ და პირდაპირ თვალებში ცქერა დაუწყო: — მე კი ძმასავით მიყვარდი და ისე გენდობოდი, როგორც ჩემს თავს...

— მე კარგად ვიცი, მიტრო, კარგად და ეხლა იმისათვის უწუხვარ, რომ რად მომდიოდა ეგ! დედიჩემის უბედურების გაგონებაზე შენმა წუხილმა თვალები ამიხილა. მამაჩემს, მამიჩემის პირველ და მესამე ცოლებს, ისმაილს და ალავერდის — ჩემ ძმებს — ისე არ უწუხნიათ, როგორც ეხლა შენ შესწუხდი... შენმა შეწუხებამ გამაშავა და, მეგობარო, უარესად ნულარ გამაშავებ!.. დამნაშავე ვარ შენთან!..

— ქერბალაი, რად მეუბნები მაგეებს?!. მარტო იმისთვის გითხარი, რომ შენზე იჭვიც არ შემიტანია, გეჯავრებოდი თუ არა და ეხლაც არ მჯერა.

— ვიცი, ვიცი, მიტრო, და დღეის შემდეგ შენ თავს ისე ნუ ენდობი, როგორც მე მენდო...

— დღეის შემდეგ კი არა, გიმეორებ, ყოველთვის მაგრე ვიყავი.

— მაშ მოიტა ხელი და დედიჩემის სული იყოს ჩვენი მოწმე ჩვენი ძმადგაფიცვისა! — აღვზნებით წამოიძახა ქერბალაიმ და მაგრად მოხვია ხელი მიტრუას...

— მამაშენი საით წასულა? ოჰანეზა სადღაა?! — დაუძახა იეთარმა ქერბალაის, რომელიც ამ დროს ფარეხიდან გარეთ გამოვიდა ჩაიზე მისაწვევად.

— გიულის მოსაყვანად წავიდა!.. — მკვახედ მიიძახა ქერბალაიმ.

გიულის ხსენებაზე მიტროს გული აუტოკდა, ფერი ეცვალა და სხეული შეუთრთდა. იეთარს კი ტუჩები გაეპო და მსხვილი კბილები გარეთ გადმოუცივიდა.

— უი, არ იყოს იმისი თავი, არა!.. სამოცდათექვსმეტის წლის კაცია და ჩვიდმეტი წლის გოგოს ცოლად ირთავს!.. ნეტავი თავი ჰქონდეს მაინც რისამე! — ზიზლით წამოიძახა იეთარმა და წყაროსკენ მიიხედა...

— მგონი, ჩვენზე კბილებს ილესავს, რომ გიული წყალზე ეჯავგზავნეთ!.. — ცოტა სიჩუმის შემდეგ იეთარი მიუბრუნდა ქერბალაის და მიტროს.

— გიული ქალბატონად გაგიხადათ მამაჩემმა.

— ქალბატონად კი არა, დედოფლად უნდა მამაშენს.

ქერბალაი ამ სიტყვებზე მოიჭმუნხნა, თავი ძირს დახარა და მარჯვენა ფეხის ქალამნის ჭვინტით მიწას თხრა დაუწყო.

მიტრუა ხომ გიულის ხსენებაზე ტანის თახთანით, თითქოს იმათ ლაპარაკს ყურადღებას არ აქცევსო, გულაღმა გადაწვა კონკილა გამოცლილ ურემში.

— იცი, იეთარ, მიტრუას არა სცოდნია დედაჩემის სიკვდილი და საღბის გათხოვება!..

— საწყალი ხაჯი, ოცი დღის შემდეგ გარდაიცვალა საღბის გათხოვების შემდეგ!.. — დაიწყო წუწუნი იეთარმა და იქვე ფარეხის დერეფნის ბოძთან ჩაჯდა!..

მიტრუაც ურმის ზეწარს გადმოეყრდნო და იეთარის წუწუნს ყური დაუგდო.

— განა ოჰანეზას არ უთქვამს შენთვის, მიტრო, ხაჯის უბედურება?!.

— არა!..

— ოჰანეზაც აქ იყო ხაჯის უბედურებაზე. ოჰ, რა ადამიანი იყო!.. ეხლა ხაჯის მაგივრად, მამაჩემმა ვერ უყურებ, რა დედა მომიყვანა!..

მიტრუას გული ისევ აუტოკდა, გაფითრდა და ტანი შეუუნესტდა. ფეხზე რომ მდგარიყო, დაეცემოდა, ისე მოუღუნდა სხეული.

IV

აღია და ოჰანეზა ერთმანეთს მხარდამხარ ამოუდგნენ და ზმის ამოუღებლივ წყაროსაკენ გაემგზავრნენ. ორივე თავთავიანთ ფიქრებში იყვნენ გართულნი. ოჰანეზა ფიქრობდა: „ეს ცხვარი რომ სულ ჩემი იყოს, მაშინ ნახავდა ქალაქი თავის დღეს! ოჰ, ამ სააღდგომოდ ბატკანს და ყველს რამდენს ამოვალეზინებდი!.. მაგრამ, აგერ, ჩემი ერთი კარავი მოსჩანს და სხვისი კიდეც ათასი. ყველანი მოსულან ყველის საკეთებლად. სხვებმა კიდეცაც დამასწრეს!.. ეჰ, ჩემ ძმას რა უთხრა, რომ ამდენ ხანს დამაგვიანა. ვინ იცის, აქნობამდის რამდენს ყველს

გავაკეთებდი“... — ფიქრობდა ოპანეზა და ალიას არც კი ამჩნევდა, რომელიც აგრეთვე ფიქრებში იყო გართული, მაგრამ სულ სხვაგვარ ფიქრებში: იმას თვალწინ ეხატებოდა გიული და თავბრუ ესხმოდა. ძალღვივით უკანა სდევდა ალია გიულის. უნდოდა დღე და ღამე სახლში ჩაეკეტნა, სახლიდან გარეთ არ გაეშვა, კლიტე დაედო, როდესაც თვითონ სხვაგან წავიდოდა სადმე. ასეც აპირობდა, მაგრამ სახლში ყველანი ეწინააღმდეგებოდნენ; ყველამ მგლის თვალით დაუწყყო ცქერა და ისეთ-ისეთ სიტყვებს აგონებდნენ, რომ გულსა და მუცელს უმღვრევდნენ. რა ექმნა ალიას, ისე როგორ მოეხერხებინა, რომ მუდამ თვალყური ედევნებინა გიულისათვის, რომ ის მარტოკა არსად გაეშოთ?!. ფიქრობდა დღე და ღამე იმაზე ალია, მაგრამ ვერა მოეგვარებინა რა. თითქმის ყოველთვის ამის წინააღმდეგი მოსდიოდა. იმის წინ, თუ უკან, მისი ჯალაბობა ყოველთვის გზავნიდა ხან სადა, და ხან სად არა. რამდენჯერ წინააღმდეგობა გამოუცხადა ალიამ, რამდენჯერ დაუტია იეთარს და ლეილას: „ნურსადა გზავნიო“!.. მაგრამ დატევაზე უარესი მოახდინეს. „ჩვენ ქალბატონი არავინ გვინდაო!“ ყოველთვის მკვახედ მიახლიდნენ ხოლმე პირში. ორსავე ცოლს დაადრჩობდა, მაგრამ... ოხ, იეთარს პირველად დაადრჩობდა... „ის, ის მეღობება ყოველთვის წინ!..“ — გაიფიქრა მწარედ ალიამ: — იმან გადამირია შვილები!..“

„ლამის არის, შვილებმა წამახჩონ. ოხ, იეთარ, იეთარ!.. — კბილებს კრაქუნით უსიტყვოდ წამოიძახა ალიამ და შუბლი მაგრად მოიპყლიტა: „რაღა მაშინ მოგაგონდება ხოლმე, შე ქოფაკო, ოცდაათი ძროხა და ხუთასი ცხვარი, როდესაც ჩემი შვილები ერთად დგანან: „ეხ, ჩვენი ოცდა ათი ძროხა და ხუთასი ცხვარი, რომელიც ემ გომბიოში მისცა მამათქვენმა, ეხლა რომ გვეყვანდეს, ჩვენს ბედს ძალლი არ დაწყეფდაო“!.. იეთარის ამ სიტყვებმა ახლაც გაუელვეს თავში, მკაფიოდ მოესმა მისი ღვარძლიანი ხმა და გული ბრაზით აეგსო. ამ წუთას იეთარი რომ წინ შეფეთებოდა, ხელი არც კი აუქანკალდებოდა, ისე წაადრჩობდა. კიდევაც თვალეზგაბრწყინებულმა მიიხედმოიხედა, ეგონა, იეთარი აქ მოგვედევსო და იმისთვის მომესმა ასე მკაფიოდ მისი ხმაო, მაგრამ თავის

გვერდით ოპანეზას მეტი ვერავინ დაინახა, რომელიც რაღაცას თავისთვის ბუტბუტებდა და გამოერკვა...

„მართლა, — ჩაილაპარაკა თავისთვის ალიამ: — ძვირად დამიჯდა გიული!.. ოცდაათი ძროხა და ხუთასი ცხვარი, მგონი, ბეგებსაც არ მიუციათ ქალში. მე კი... ოო, ქუჩუკ-ოღლი ეშმაკი კაცია!.. შემატყო, რომ გიულის იქით გზა არსით მქონდა და ამისთვის ფეხი დამაჭირა. ძალიან ბევრი მივეცი. შვილები გავღვარცლე, მაგრამ“...

რამდენიმე წუთით მოსაზრება შეუწყდა. საზრის მაგივრად თვალწინ გამოეჭიმა გიული თავისი ცეცხლის მფრქვეველი თვლებით, რომლებიც დროგამოშვებით იბინდებოდნენ მეტიმეტი ვნებით, თავისი საროს ტანით ჯერ შემოსილი, მერე კი შიშველი, მისი მთრთოლვარე კუნთები, მკერდი, რომელზედაც ოდნავ, საშინლად ნაზად ხელს უსვამდა!.. ოხ, რა ნეტარება, სიამოვნება იგრძნო ალიამ!.. მის გვერდით წევს გიული, ვერხვის ფოთოლივით თრთის ყოველს მის ხელის მიკარებაზე. ალია?!. ალია მხოლოდ ამით სიამოვნებს, მთლად დნება!.. მეტი არა უნდა რა და მოდუნებულს მეტიც არა შეუძლიანარა!.. ძალა აღარ შესწევს!.. რა ბედნიერია ამ დროს ალია!.. ამ ბედნიერებისთვის...

— მთლად ჩემს სიცოცხლეს შევსწირავ!.. — ხმამაღლივ წამოიძახა ალიამ და ხელი მაგრად გაიჭნია, რომელიც ოპანეზას შიგ ცხვირში მოხვდა...

— ვააი! — ერთი ისეთი დაიღრიალა ოპანეზამ და იქავე ჩაიკეცა, რომ ალიას გული გაუსკდა.

— ოპანეზ, ოპანეზ!.. — გულგახეთქილი ალია დასტრიალებდა ოპანეზას...

— ნუ მომკლავ, შენი ჭირიმე!.. — გონებამიხდილი ოპანეზა ევედრებოდა ალიას, და თან ცხვირიდან ორტოტად სისხლი თქრიალით ჩამოსდიოდა.

— ოპანეზ, დამშვიდდი, შენი მოკვლა არავის უნდა. უცაბედად მომიხვდა ხელი!

— ოპ, ალი!.. — ცოტათი გონსმოსულმა ოპანეზამ წამოიძახა: — რა საძაგელი ხელი გქონია!.. ტყვიასავით მომიხვდა.

— მეც არ ვიცი, როგორ მომიხვდა ხელი! ადე, წყაროსთან მოიბანე. ექავე, ბექობს იქიდან არის!

— ჩემთვის ჩაფიქრებული მოვდიოდი. უეცრივ ისე მწვავედ მომხვდა, რომ გონება დამეკარგა!.. — თავწინ წახრილი, ჩაცუცქული იჯდა ოპანეზა და წყაროზე წასვლას სრულებით აღარ ფიქრობდა.

შემოესმათ ამ ღროს ხმაურობა. ალიამ მიიხედა და ქალები დაინახა, რომელთაც ბეჭობის იქითა მხარედან თავები ამოჰყვეს და ზურგზე თოკებით დაშარტული სპილენძის თულუხების* თავებიც ამოაჩინეს.

— აი, ჩქარა წამოდით! — ხელის ქნევით დაუწყო ყვირილი ალიამ.

მამის ხმის გაგონებაზე ფარი სრიალით გამოქანდა და თან თიხის ლიტრას, წყლით სავსეს, მოარბენიებდა. სხვა ქალებმაც ფეხი ააჩქარეს.

ოპანეზას შესწყდა სისხლი. ერთი ლიტრა წყალი მოახმარა ალიამ. ქალებიც მოვიდნენ თულუხებით და მათ ოპანეზა ახალუხის კალთებიდან გამოგლეჯილ ბამბით ცხვირის ნესტოებ გამოტენილი, რაც ისეც უშნო ცხვირს უფრო აუშნოებდა, ელაპარაკება, ღრეჭით ელაზღანდარავება.

— ყველანი მოიკითხა, ფარის მადლობა გადაუხადა და გიული, რომელიც ყველაზე განაპირებით იდგა, დაღონებული რომ დაინახა ალიას რძლებს დაეკითხა: „ეს ვილაო“?...

— ეგ ჩვენი დედამთილია!.. — ცოტა არ იყოს, შხამიანი ღიმილით უპასუხეს ოპანეზას.

— როგორ?! — გაკვირვებით დაეკითხა ოპანეზა.

— როგორ და ჩვენი მამამთილის ცოლია!.. — იმავე ღიმილით უპასუხეს ქალებმა.

ოპანეზა გაკვირვებით ხან ალიას შეხედავდა და ხან კიდევ გიულის. ფერმიხდილი გიული რძლების დაცინვაზე მიწაში ჩავარდნას ნატრობდა. ალიამ კი თვალები გაღუბრიალა ქალებს და უსიტყვო კითხვის პასუხი მისცა ოპანეზას: „გიული ჩემი ცოლიაო“!..

ოპანეზამ თავი გაასავსავა, ხუთი თითით პირვეარი გადიწერა და, თითქოს არავის უცქერისო, წამოიძახა: დაილოცოს

* კოკის მსგავსი სპილენძის ჭურჭელია. მთიულეთშიაც ხმარობენ ამ ჭურჭელს.

აღლახი, რომ შენისთანა მოხუცს ემაგისთანა მარხვარს-
კვლავზე ულამაზესს ნორჩს ქალს აკუთნებს ხოლმე!“.

ოჰანეზას მოძრაობა და კილო ისე ოხუნჯური იყო, რომ
ქალებს ძალაუნებურად ფრუტუნი აუტყდათ. გიულისაც კი,
თუმცა ის, რაც ალიას ცოლად მისცეს, გულჩათხრობილი იყო,
მკვრივი ტუჩები გაეპო და ნაღვლიანი ღიმი გაუთამაშდა.

ალია კი მოიღრუბლა ოჰანეზას სიტყვებზე.

ოჰანეზას კილო გულს ლახვრად მოხვდა და ქალებს სას-
ტიკად უბრძანა: „მგონი, დროა სახლში წასვლისა; გეყოფათ
ლაზღანდარობა!“

ოჰანეზა მიჰხვდა თავის შეცთომას. ოჰანეზამ ქალების
სასიამოვნოდ იოხუნჯა და უმთავრესი კი დაავიწყდა.

ქალები მაშინვე ტუსტუსით წავიდნენ ბინისკენ. ოჰანეზა
და ალიაც მათ უკან დაედევნენ. ოჰანეზამ მოასწრო ბინაში
მისვლამდის ალიას გულის მოგება და ისევ ისე მეგობრები მი-
ვიდნენ ბინაში, როგორი მეგობრებიც იქიდან წამოვიდნენ...

V

იეთარმა ჩამოურიგა კერის გარს შემომსხდართ ჩაით სავსე
ჭიქები და კვნიწებად დამტვრეული შაქარი. ზოგმა მათგანმა
რამდენიმე კვნიწი შიგ ჩაყარა. ზოგმა კიდევ თითო კვნიწი
პირში ჩაიგდო, ცხელი ჭიქა თითის წვერებზე დაიყენეს და
ოდნავ წახრილებმა ხვრება დაუწყეს. ვინც დაიშაქრა, რამო-
დენისამე წამის შემდეგ იმათ ეგრევე შეიყენეს ჭიქები და ისევ
ისე ხვრება დაიწყეს. დამშაქრავებთ ცოტათი დაუგვიანდათ,
რადგანაც ერთი კალის კოვზი იყო და ამისათვის ელოდნენ
რიგს. ჯერ ოჰანეზამ მოურია, მერე ალიამ, ამის შემდეგ იეთარ-
მა, ლეილამ, და ბოლოს ალიას უფროსმა რძალმა — ქუქაზ-
ბანმა. ყველანი, რაკი ჩაი ცხელი იყო, ჭიქებს ტუჩებს არც
კი აკარებდნენ და შორიდან სრუტავდნენ, რის გამოც მათი
სრუტვის ხმაურობა გარედაც გაისმოდა...

დასცალეს თითო ჭიქა. მეორეც ჩქარა მოჰყვა. მეორეც
კიდევ მესამე და ზოგმა მეოთხეც ზედ მიაყოლა, მაგალითად,
ალიამ და ოჰანეზამ.

მიტრუამ კი ერთი ჭიქის შემდეგ უარი განაცხადა. იგი ქერბალაის გვერდით იჯდა და დროგამოშვებით გიულის შეუმჩნევლად თვალს აპარებდა. გიული და ფარი ერთად ისხდნენ; პირველ ჩამორიგებაზე მათ ჭიქები არ შეხვდათ და მეორე ჩამორიგებაზე კი, რადგანაც მიტრუამ უარი განაცხადა, მისი ჭიქა გიულის გადაუდგა იეთარმა.

ოპ, რა სიამოვნება იგრძნო მიტრუამ, როდესაც გიულის ტუჩები შეეხნენ იმ ჭიქას, რომლითაც იმან ჩაი დალია! ყველანი ჩაის სმაში იყვნენ გართულნი, მხოლოდ მიტრუა ვერ ისვენებდა, არ ეჯდომილებოდა აქ. უნდოდა გასულიყო გარეთ, მაგრამ გიულის სახე იჭერდა, ვერ დაეთმო; თუმცა ოდნავ, დროგამოშვებით, შეჰხედავდა ხოლმე. ეხლა უფრო დამშვენებულიყო გიული. წინად მხიარული, უდარდელი გიული, დადინჯებულყო. სახე ცოტათი მოპლრუბლოდა, და ეს უფრო ამშვენებდა გიულს*. გიულის შეხედავდა თუ არა მიტრო, მაშინვე ალიაზე გადიტანდა თავის თვალებს, და ყოველთვის, მისდაუნებურად, ქერბალაის სიტყვა — „ქოფაკი“ — გაურბენდა ხოლმე თავში...

„ეხვევა, ჰკოცნის“ — უეცრივ თვალწინ წარმოუდგა მიტრუას ალია და გიული ერთ ლოგინში, და ტანი შეუქრთა: „იქმნება კიდევაც... — გაეფიქრა უეცრივ მიტრუას და ტანის წვა აუვარდა, მაგრამ ამავე დროს იეთარის სიტყვები მოაგონდა: „ნეტავი თავი ჰქონდეს მაინც რისამე“-ო — და, თითქოს უებარი წამალი იყოსო, ისე იმოქმედა ამ სიტყვებმა. წვა შეუდგა და გულსაც ეფონა.

მიტრუამ კიდევ შეხედა გიულს. გიულის გაეთავებინა ჩაის სმა, ბოძს მიჰყრდნობოდა და ნაღვლიანი თვალები მისთვის მიეჩერებინა. ერთმანეთს შეხვდნენ მათი თვალები, და ორთავემ, ჭარხალივით წამოწითლებულებმა, თავები ძირს დაჰხარეს...

ჩაის სმა გაათავეს თუ არა, მაშინვე ფლავით თავშედგმუ-

* თბილისის ახლო-მახლო თათრის ქალები სრულებით აღარ ერიდებიან მამაკაცებს, ნამეტნავად გლეხობაში. თავიანთ წრის კაცს, თუ კი რამდენჯერმე ყოფილა ოჯახში, ისე ექცევიან ქალი და კაცი ერთმანეთს, როგორც ქართველ გლეხობის ოჯახის ქალები, უფრო თავისუფლადაც.

ლი ორი ლანგარი* მოიტანეს იეთარმა და ლეილამ. ერთი ალიას, ოჰანეზას, მიტრუას და ქერბალაის დაუდგეს, მეორე კი თითონ დანარჩენ ქალებთან ერთად დაიდგეს. თან მოაყოლეს აგრეთვე თეფშით წვრილად დათლილი ყველი და ხის ჯამით გათქვეფილი, ცოტათი ნივრით შენელებული მაწონი. ჩაის სმისაგან გაოფლიანებულები ახლა ფლავის ჭამას შეუდგნენ და ისე აკუმშებდნენ ლუკმებად თითებით რომ, თუმცა ლანგრები გავსებული იყო, ფლავის ერთი მარცვალი ძირს არ გადმოვარდნილა. მაგრამ ხელები და ტუჩები კი ყველას უბრწყინავდათ, და ერბოს წვეთები თითებიდან უყონავდათ. ტუჩებიდან მამაკაცებს წვერებზე უცვიოდათ, ხოლო ქალებს მთლად ნიკაპი, ტუჩებიდან დაწყებული, ჩამოეგლისათ.

მიტრუამ რამდენიმე ლუკმა აიღო, ხელები საცვეთებზე** წაისვწამოისვა და საჩქაროდ ფეხზე წამოდგა...

— აღარ მინდა! საცაა, ცხვარი მოვა; მე კი წყალი არ მომიტანია. — უპასუხა მიტრუამ, როდესაც დაეკითხნენ: „სად მიხვალა“ და საჩქაროდ გარეთ გავიდა.

ნამდვილი მიზეზი კი სხვა იყო. მიტრუამ მესამე ლუკმა როდესაც აიღო, ჩუმად შეხედა გიულის, რომელიც დაღონებული და გაწამებული იჯდა. იგი ძირს დაიკეჩრებოდა და მისი მკერდი ოდნავ მოძრაობდა. წამს მიტრუამ გონების თვალთჳრელი გულისპირის ქვეშ მოძრავი მკერდის მოყვანილობა გაითვალისწინა, და მაშინათვე თავიდან ფეხებამდის ყრუანტელის ისარმა ელვასავით გაურბინა. აღარ შეეძლო ისე ჯდომა. ან უნდა გიულის მკერდს დაჰკდომოდა, ან კიდევ გასცლოდა, სრულებით აღარ ემზირნა მისთვის. მიტრუამ უკანასკნელი ირჩია, რადგანაც პირველი შეუძლებელი იყო.

გიულიმ თვალი გააყოლა მიტრუას მოსხეპილს ტანს და უეცრივ, მისდაუნებურად, გულის სიღრმიდან ისეთი ოხვრა ამოსკდა, რომ ყველას ყურადღება მიიქცია...

მხოლოდ ახლა შენიშნეს, რომ გიული ფლავს არ დაჰკარებია..

* ლანგარი ტაბაკზე ცოტათი პატარა სპილენძის თეფშია (საინი) რომელსაც ფლავისათვის ხმარობენ თათრები.

** ტყავის პაპიკები.

იეტარმა მისი დაღვრემილი სახე რომ დაინახა, გულმტკივნეულობით ჰკითხა გიულს:

— ფლავს რატომ არა სკამ, გენაცვა?..

გიული ჩვეული არ იყო აღის უფროსი ცოლისაგან ამგვარის კილოსი, და ამისთვის მისთვის მეტად საგრძობიერო იყო. მისი უმანკო გული ატოკდა და ცრემლებმა ღრჩობა დაუწყო, ისე იმოქმედა იმაზე. ალი ხომ სულ გადაირია იეტარის გულმტკივნეულობით...

— არ მინდა!.. — ოდნავ წამოიძახა გიულიმ.

— ხომ არა გტკივარა, ჩემო კარგო?.. — იმავე გულმტკივნეულობით დაეკითხა იეტარი.

ალი სულ გადაირია იეტარის საქციელით: „იეტარს შეჰყვარებია გიული!.. — გაიფიქრა ალიმ: — „მაშ შეიღებსაც აღარ ამიღლეებსო...“ და მოწირპლული თვალები სულ ჩაებუტა მეტისმეტის სიამოვნებით...

— არა მტკივარა! — უპასუხა ხმის კანკალით გიულიმ და ცრემლები ძლივს შეიმაგრა.

— მაშ, ჩემო სულო, გაიარე!.. იქნება წყაროზე წახვიდე?! — ცოტა სიჩუმის შემდეგ დაუმატა იეტარმა.

გიული მაშინვე წამოდგა. ალიას ბრწყინვალე სახე ოდნავ მოედრებლა, მაგრამ, როდესაც ფარიმ წამოიძახა: „მეც წავალო“, ალიას სახე ისევ მოეწმინდა.

ფარის საშინლად უყვარდა გიული და თითქმის ფინიასავით ყოველთვის უკან დასდევდა, გიულიც სამაგიეროს უხდიდა ფარის. ერთადერთს არსებას ჰხედავდა გიული, რომელსაც გულწრფელად უყვარდა იგი, რომელსაც მისი მწუხარება და სიამოვნება თავის მწუხარებად და სიამოვნებად მიაჩნდა. თუცა ფარი გიულიზე რამდენიმე წლით უმცროსი იყო, მაგრამ გიულიმ რაკი ასეთი თანაგრძნობა ჰპოვა ფარიში, მეგობრულად ექცეოდა. დანარჩენები კი ალიას ოჯახში, გარდა წვრილფეხობისა, რომელთაც ამ ქვეყნისა არა გაეგებოდათ რა, მგლის თვალთ უცქეროდნენ. რასაკვირველია, გიულიც უნდობლად უცქეროდა ყველას, გარდა ფარისა.

მართალია, ფარის გარდა ერთსაც უყვარდა გიული ამ ოჯახში. ეს ალია იყო, მაგრამ მისი სიყვარული...

გიულმ მამინვე თულუხნი ქვაბში ჩასცალა, რაწამს იეთარმა წყალზე წასვლა უთხრა და საჩქაროდ გარეთ გავიდა. მას ფენდაფენ ცალიერა ლიტრით ფარი გაჰყვა...

მთლად მოატიტვლეს ლანგრები. ერთი მარცვალცი აღარ დაუტოვებიათ ზედ. შემდეგ პურის ლუკმები მაწონში ამოწეს და მაწონში ამოვლებული ლუკმები შესჭამეს. ხის ჯამებიც დაცალიერდა. ახლა ყველს დაუწყეს ჭამა...

ფლავისაგან მეტისმეტად ასუყებული გული მაწონმა და ყველმა ჩაწმინდა და ყველანი კარგ გუნებაზე დადგნენ...

— იპ!.. — თითქმის ყველამ ერთად წამოიძახა, როდესაც უკანასკნელი ყველის ნაჭრები პირში ჩაიდეს, და მამაკაცებმა ერბოიანი ხელები წვერულვაშზე ჩამოიწმინდეს; მერე წვერს ბერტყვა დაუწყეს და ლიტრით ცივი წყალი ჩამოირიგეს. ქალებმაც გაპოხილი ხელები და ტუჩ-ნიკაპი ფესტამლებით გაიწმინდ-გაიჭრიშეს და, შემდეგ მამაკაცებისა, ლიტრით წყალი მოირიგეს.

ოჰანეზაც ისე იქცეოდა, როგორც ალია და ქერბალაი. ვინ იცის, რამდენი წელიწადია, ოჰანეზა ყოველს გაზაფხულს, როდესაც კი დოლი დაიძვრება, და ცხვარს წველას დაუწყებენ, მამინვე თავის კარავით აქა ჩნდება, რომ სულ მუქთად ყველი დაისვას. კარგად ჰქონდა თათრების ზნეჩვეულება შესწავლილი, და ამისათვის პირველს ნახვაზე ყარაიში, ტანისამოსით რომ არ გამორჩეულიყო, ვერ შეატყობდი, თუ ეს სხვა ტომისა იყო... ოჰანეზამ ჩიბუხნი ამოიძრო ჩუსტის ყელიდან, შემდეგ პრტყელ ქამარს ხელი გააყოლა და ქამარში უკან თავით გაკეთებული თამბაქოს ქისა ამოიღო...

— თუ ღმერთმა ქმნა და ამისთანა პირი დაიჭირა ცაბ, ჩქარა მოგიხდებათ მთაში წასვლა, — დაიწყო ტყეპნით ოჰანეზამ, და თან ქისაში ჩაყუდებულს ჩიბუხს დაჭრილი წენკოთი სტენავდა.

ამ დროს ბალარი — ქერბალაის ცოლი — წამოდგა და ჭურჭელს ალაგება დაუწყო...

— მაისის ნახევრობამდის სულ დაცალიერდება ყარაი,

თუ ალლაჰის წყალობით ასეთი დარები დაიჭირა. — პასუხად სთქვა ალიმ და თითონაც ჩიბუხი მოამზადა, რომ ოჰანეზას შემდეგ მის ქისაში თავის ჩიბუხი ჩაემალა...

... ჩამოვარდა ამინდზე ლაპარაკი. ქალებმაც თავიანთვის ხმამაღლივ ლაპარაკი დაიწყეს. ამ დროს, სად იყო და სად არა, უეცრივ ევიღ-ხივილით შემოცვივდნენ ბავშვები და ფარეხს თავსა და ბოლოს მოექცნენ. ახლა ქალაღდებსლა და-არბევიანებდნენ კონფეტების მაგივრად.

VI

მიტრუა ფარეხიდან გამოვიდა თუ არა, მაშინვე კარავში შევიდა და რამდენსამე წუთს გაშეშებული დარჩა. არ იცოდა, რისთვის წამოვიდა ფარეხიდან, ან ეხლა რად იდგა კარავში. ის ვერასა ჰხედავდა. მერე მოიკრიბა გონება, მოაგონდა, რომ ფარეხიდან გამოსვლის მიზეზად წყალის მოტანა მოიგონა და აქეთ-იქით მიიხედ-მოიხედა. იქავე ცარიელი კოკა, რომელც ქალაქიდან მოიტანეს, მიწაზე გაგორებული დაინახა, საჩქაროდ მხარზე მოიგდო და წყაროსკენ ჩაფიქრებული წავიდა. გიული და ფარი გამოვიდნენ თუარა ფარეხიდან და წყაროსკენ პირი ქმნეს, შორი-ახლოს მიმავალ მიტრუას თვალი მოჰკრეს.

— აგერა, მიტრუაც, წყალზე მიდის!.. — წამოიძახა ფარიმ და შემდეგ გიულის მიმართა: „წავიდეთ ჩქარა, იქნება დავეწიოთო“...

— რად გინდა, ჩემო ფარი, რომ მიტრუას დავეწიოთ?! — გულჩათხრობით დაეკითხა გიული ფარის.

— ჰოო, შენ არ იცნობ მიტრუას! იმოდენას მაყინებს ხოლმე, რომ... — ფარიმ აღარ იცოდა, როგორ დაეთავებინა თავისი სიტყვა და ამისათვის გიულის ხელი წაავლო და წინ გასწია:

... — აბა, ჩქარა წამოდი, შენ თითონ ნახავ, როგორ გვაყინებს...

გიულმ ფეხი ააჩქარა. თითონაც არ იცოდა, რად ესიამოვნა ფარის სიტყვები: „აბა, ჩქარა წამოდი, შენ თითონ ნახავ, როგორ გვაცინებსო“. უეცრივ მოაგონდა წინა ზამთარი. მოაგონდა მიტრუა; რომელიც ისე ემსახურებოდა და მართლაც ბევრს აცინებდა. გიული ძალიან შეეჩვია მიტრუას. მისი ნახვა, მასთან ხუმრობა ყოველთვის სასიამოვნოდ ჰქონდა, მაგრამ მის თავში არც ერთხელ არ გაუვლია იმ აზრს, რომ მიტრუას შეყვარება შეიძლებოდა. პატარაობიდანვე ძვალსა და რბილში გამჭდარი ჰქონდა, რომ გათხოვება მხოლოდ მაჰმადიანზე შეიძლებოდა, და მიტრუა კი ქართველი იყო. ჯერ არც ვინმე მაჰმადიანზე უფიქრია გათხოვება, თუმცა იგი თექვსმეტის წლის ქალი იქნებოდა. სახლში ძალიან გათამამებული იყო. იმის მამას შვიდ ვაჟიშვილში ის ერთი ქალი ჰყავდა და ამისათვის თითქმის ყველანი იმის ყოველ სურვილს ასრულებდნენ. თავისნება იყო გიული. იმას ძალას არავინ ატანდა, გაეკეთებინა რამ. თუ მოისურვებდა რისამეც გაეკეთებას, აკეთებდა. ხმის გამცემი არავინ იყო. ხშირად მოიქეიფიანებდა და რამდენსამე ასს სულ ცხვარს ცალკე გაირეკდა და ეტყოდა თავის მშობლებს: „ამეებს მე ვაძოებო“. მშობლებიც სიამოვნებით ეტყოდნენ: „აძოვე, ყაჩაღანაო“. და ისიც დაირეკავდა ცხვარს. როდესაც საღამოთი მოჰრეკდა ცხვარს, წამოეჩხუბებოდა ხოლმე ძმებს და მწყემსებს: „თქვენ ცხვარს სულ არ უვლით, არ აძოვებთ!.. აი, მე რანაირად დამაძღრები მოვლალეო!..“ ისინიც ღრეჭით აძლევდნენ პასუხს: „შენი ცხვრები ერთი-ორად მეტს იწველიან, ვიდრე ჩვენებო!“

— მაშ არა და?! — ამაყად პასუხს აძლევდა გიული და ამაყადვე წამოწვებოდა ხოლმე მხართემოზე მამის გვერდით. ყოველივე ეს მკაფიოდ მოაგონდა გიულის და გულს მოეშო: სახე გაუბრწყინდა, ტუჩები ღიმილად გაეპო და... მაგრამ ამავე დროს თვალწინ წარმოუდგა ალიას ფარეხი, და ღიმილად გაპობილი ტუჩები დაეღრიჯა...

— ფარი, მიტრუას დაუძახე, დაუძახე!.. — თითონაც არ იცოდა გიულმ, რად მიმართა ამ სიტყვებით ფარის.

— აი! აი! აი!.. — ხმამაღლივ დაიწყო ყვირილი ფარიმ...

მიტრუა კი უკან მოუხედავად გაჩქარებით მიდიოდა. ის ავიდა პატარა ბექობზე, დაეშვა კიდეც. გიული მიტრუას ფეხებს ველარც კი ხედავს, რადგანაც ბექობის წვერს მუხლზე. ბამდის მოეფარა. მიტრუა მუხლებზე ვივითაც ეფარება ბექობის წვერს...

— დაუძახე, დაუძახე!.. — ხმის კანკალით და ტანის თრთოლით ხელი მაგრა მოუჭირა ფარის.

— მიტრო, მიტრო! — ფარიმ უფრო ხმამაღლივ მორთო ყივილი, მაგრამ თავის ოცნებებში გართული მიტრუა ჩაეფარა ბექობს. გიულიმ ნაბდის ქუდსა და მოჰკრა თვალი...

მოღუნდა გიული, როდესაც ნაბდის ქუდიც მის თვალს გამოეცალა. მუხლები მოსწყდა და ძლივს მიატრევედა.

— წყარო ჯერ შორს არის. ორი ბექობი კიდეც აქვს გადასავალი. მოვეწევიტ!.. — წამოიძახა ფარიმ და გიულის უფრო ძლიერად გასწია წინ, ვიდრე პირველად, როდესაც გიული მუხლებმოკვეთილი თითქმის შესდგა.

— მოვეწევიტ?! — ნაღვლიანად დაეკითხა გიული და შესდგა.

— თუ არ მოვეწევიტ, იქიდან ხომ წინ შეგვხვდება?! ვუთხრათ, მოგვიცდის!..

გიული უეცრივ გონს მოიყვანა ფარის სიტყვებმა.

— წავიდეთ! — წამოიძახა გიული და ფარი თითქმის დაითრია.

რად უნდოდა გიულის მიტრუასთან ლაპარაკი?! თვითონაც არ იცოდა. რომ გეკითხნათ, ვერას გიპასუხებდათ. იქნება, თავისთავისთვისაც ვერ ეპასუხნა. უყვარდა მიტრუა?!.. არა!..

მიეჩქარება გიული. ფეხდაფეხ ფარი მისდევს. თვალწინ წამოუდგა ცხვარი, რომელსაც ის მწყემსავდა და ამ დროს წყაროდან მომავალი მიტრუა...

მკაფიოდ მოესმა თავისი სიტყვები: „ეი, წყალი დამალე-ვინე, ძალიან მწყურია...“ ჰხედავს ნათლად, მიტრუა როგორ მაშინვე მივიდა იმასთან და საჩქაროდ კოკა ილღიაში

ამოიგდო; ჰხედავს აგრეთვე, თვითონ როგორ შეახო პირი და კოკიდან ცალმუხლზე დაჩოქილმა წყალი დალია.

ეს პირველი შეხვედრა იყო მიტრუასთან. მერე?.. მერე თითქმის ყოველდღე ხვდებოდა, რადგანაც გიულის მამის ბინა ალიას ბინის მახლობლად იყო...

ბექობს შეუდგნენ გიული და ფარი. გიული თითქმის მირბის. მხარდამხარ ფარიც მისდევს. მისი უდარდელი ცხოვრების მოწამე მიტრო იყო და იმასთან ლაპარაკით თითქოს დაუბრუნდებოდა წარსული, რომელსაც ასე უწყალოდ მოიშორა და ალიას ოჯახში ჩააგდო — ალიას მკერდს მიაკრო.

— ჰხედავ, გიული, მიტრუა როგორ დაგდებულა!.. — წამოიძახა ფარიმ, როდესაც ბექობის წვერიდან გადაიხედეს..

მიტრუა მართლაც პირქვე დაგდებულიყო. კოკა კი იმის იქით გაგორებულიყო.

გიული უეცრივ შესდგა. მუხლები ისე მოუსავდა, კინაღამ იქვე ჩაიყეცა უეცრივ.

— უი, ხომ არა მოუვიდა რა!.. — წამოიძახა საშინლად შეწუხებულმა.

ფარის შეეშინდა გიულის სიტყვებისა და ფერმიხდილმა მზერა დაუწყაო შემკრთალს გიულის.

— გიული, რა მოუვიდოდა?! — ხმის კანკალით დაეკითხა ფარი.

გიული გონს მოვიდა, როდესაც ფარის გაფითრებულს: სახეს თვალი მოჰკრა.

— წავიდეთ ჩქარა და ვნახოთ!.. — უპასუხა გიულიმ და თავი მოარადა, რომ ფარის იმისი სახის ცვლილება არ შთაბეჭდიყო...

ორივე ქალი სრიალით ჩავიდნენ დაბლა და მიტრუას უეცრივ თავს წაადგნენ. იმათი ფეხის მოძრაობა მწვანე ბალახზე ისე უხმო იყო, რომ მიტრუამ ვერ გაიგო ქალების მისვლა. რაკი მიტრუა არ გაინძრა მათ მისვლაზე, ფარიმ უეცრივ ხელი დასტაცა და დასჭყვილა:

— მიტრო!..

შემკრთალმა მიტრუამ, ამ მოულოდნელს ხელის ტაცება-

ზე და დაკვივლებაზე უეცრივ წამოიჩოქა და, რა გიული თავის წინ დაინახა, მოდამბლავდა, წელი მოსწყდა და ფერმიხდილი გულაღმა გადაიქცა.

— რა მოგივიდა, მიტრო?! — თითქმის ერთხმად დაეკითხნენ შეშინებული ქალები...

— გული მიწუხდება!.. — წამოილულულა მიტრუამ.

— წყალი!.. — წამოიძახა გიულიმ.

ფარიმ არც კი აცადა სიტყვის გათავება. მაშინვე ლიტრით წყაროსკენ გაჰქანდა და უკან აღარც კი იხედებოდა. გიულიმ კი საჩქაროდ ზურგზე მიკრული თულუხი მოიხსნა და დააგორა, რომელიც მიტრუას კოკის გვერდით შედგა.

— გიული!.. — გულის სიღრმიდან ამოიკვნესა მიტრუამ, როდესაც გიული იმის გვერდით ჩაჭდა და შუბლზე ხელი გადაუსვა, და წამოჭდა.

— ალიას როგორ მისთხოვდი!.. — განაგრძო მიტრუამ და ნაზად ხელი შემოხვია გიულის. მაგრამ გიულიმ უნებურად მიტრუას ხელი მოიშორა და თავი ჩალუნა.

— ნუთუ ალია გიყვარს, გიული?! — ეკითხება თითქმის ჩურჩულით მიტრუა და ხელს მაინც არ აყენებს, ისევ ხვევს.

გიული კი იშორებს მიტრუას ხელს; მაგრამ არ ემორჩილებიან იმას თავისი ხელები. ოდნავ უფაცუნებს მიტრუას ხელებს, რომელიც ალერსს უფრო ემსგავსებოდა, ვიდრე წინააღმდეგობას. მიტრუამ შემოურკალა ხელები, თითქმის კალთაში ჩაისვა გიული და მთლად გულში ჩაიკრა...

— გიული, როგორ არ გებრალებოდა შენი სილამაზე, შენი სიყმაწვილე, რომ ალიას კუთვნილებად გახადე შენი თავი?! — თან ეუბნება მიტრუა გიულის.

პირველს მიაღერებდაზედვე გიულის უნდოდა ეპასუხნა მიტრუასათვის, რომ ის დამნაშავე არაა ამაში, რომ ის მამამ მიათხოვა, მაგრამ ხმის ამოღებას ვეღარ ახერხებდა. ამისათვის თავი ჩალუნა და უნდოდა როგორმე გული მოებრუნებინა, მაგრამ მიტრუას ტკბილი ხმა, იმის ალერსი ცეცხლში ნავთს ასხამდა. უფრო მოებჯინა ტირილი და, როდესაც მიტრუამ გულში ჩაიკრა, ქვითინი წამოსკდა...

— გიული, გიული!.. — მეტს ველარას ახერხებდა და გაშმაგებით ეკონებოდა მიტრუა გიულის თვალებს, ტუჩებს, თითქოს ეს უებარი წამალი ყოფილიყოს გიულის დასამშვიდებლად. გიულიც აღარ ეწინააღმდეგებოდა. თავის მხრივ ეკვროდა, იმანაც ხელები შემოხვია მიტრუას და, თითქოს წვიმის შემდეგ მზემ დაფლეთილ ღრუბლებიდან გამოიჭვრიტაო, მოლიმარი და ცრემლისაგან მთლად დასველებული ტუჩები საკოცნელად გაუწოდა. გონებადაბნეული მიტრუა დაეკონა იმის ტუჩებს. აქნობამდის მიტრუას ეგონა, ძალდატანებით ვკოცნიო, ვსარგებლობ ქალის სისუსტიტა და მწუხარებითაო და ამისთვის, ცოტა არ იყო, გული ეჩრჩილებოდა. ეხლა კი, როდესაც გიულის გაწვდილი ტუჩები დაინახა, სიხარულით აინთო და მთლად შეუერთა თავისი ტუჩები გიულის მთრთოლვარე ტუჩებს...

ფარი კი გარბოდა, გარბოდა... აგერ, გორაკს კიდევაც გადაეფარა. იმის სურვილი იყო — დროით მოეტანა წყალი, რომ მიტრუა განსაცდელისაგან დაეხსნა...

VII

ფარების წინ ძეძვით შემობაკილი იყო კარგა დიდი ადგილი, რომელსაც რამდენიმე ლასტის კარები ჰქონდა შებმული. ყოველს კარებში ორ-ორი ადამიანი იყო ჩამომჯდარი დიდრონის ქვაბებით და ამ საღამოს გულმოდგინეთ სწველიდნენ ცხვარს. პატარა ბავშვები ფარებში გამოიწყვდეთულ ათას სულ მეწველ ცხვარში დარბოდნენ, და ხან ერთ კარებთან მიათრევდნენ დედა-ცხვარს, და ხან კიდევ მეორე და მესამე კარებთან, სადაც ქვაბებზე უკანა ფეხით ალაჯებინებდნენ, ცურზე ორივე ხელებს მაგრად უჭერდნენ და სწრაფის ნაკადულით რძეს ადენდნენ, რომელიც ქვაბებში ჩხრიალით ჩადიოდა და ქაფდებოდა. ყველანი საქმეში იყვნენ გართულნი. ოპანეზა კარავის გვერდით დადგმულ კოდთან*, რომელსაც პირზე რვაკეცი ჯალაშა** ჰქონდა გადაფარებული, დამკ-

* კოდი — ბოჩკა.

** ჯალაშა — სქელი ლეჩაქი, რომელსაც რძის გასაწურავად ხმარობენ.

ლავებული იდგა და ელოდა რძით სავსე ქვაბებს, რომლებ-
მაც მიტრუა მოეზიდებოდა. ქვაბები აივსებოდა თუ არა, მა-
შინვე მშველელნი გამოიტანდნენ ცოტა აქეთ და მიტრუას
გარდასცემდნენ; რომელიც საჩქაროდ მიარბენინებდა კოდ-
თან და, ოპანეზას მიშველებით, კოდში ასხამდა.

იეთარის და ლეილას გარდა, რომლებიც ძროხებს სწვე-
ლიდნენ და რძე ფარეხში შეჰქონდათ, რომ შემდეგ არაყანა
მოეხადნათ და შეედღვიბნათ, ყველანი ცხვარს სწველიდნენ.
ალია იჯდა მარტო უსაქმოდ. ის კარავის ახლოს დამჯდარი-
ყო და მოწიწებით თვალყურს ადევნებდა გიულის, რომე-
ლიც კარავის ახლოს ბაჟის კარებთან იჯდა და სწრაფად ან-
თაეისუფლებდა ცხვრებს... ჩამოწველილი ცხვრები, ხელი-
დან გაუშვებდნენ თუ არა, ფუნდრუკაობით მირბოდნენ და
ფარეხზე ცოტათი მოშორებით, სადაც რამდონიმე ბოთვე-
რა — ყელჩანგლიანი ძალღი უდარდელად წამოწოლილიყო
და გულიანად ხვრინავდა, გროვდებოდნენ...

გიულემ გაავსო ქვაბი. სწრაფად წამოდგა და წელში მონ-
რილი სავსე ქვაბით ოპანეზასკენ მიძღუებებდა. მიტრუა მა-
შინვე მიეგება და ქვაბის ჩამორთმევის დროს წასჩურჩულა:
„არ დაგავიწყდეს, ამაღამ ფარეხს უკან გელიო!“ გიული თავ-
ჩალუნული შუა გზაში გაჩერდა. მიტრუამ სავსე ქვაბი ოპა-
ნეზას მიშველებით კოდში ჩასცალა და ცალიერა ქვაბი უკან
წამოუღო გიულის.

— გიული, შეჰქველად გელი!.. — კიდევ წასჩურჩულა და
ქვაბის მიწვდის დროს ხელზე ხელი მაგრად მოუჭირა.

გიული კანკალით მივიდა ბაჟის კარებთან და არეულად
ცხვარს წველა დაუწყო. ალია კი მაინც გიულის თვალს არ
აშორებდა და ჩაყვითლებულს კბილებს გარეთ ჰყრიდა...

გაათავეს წველა, და ოპანეზამ უკანასკნელი ქვაბი კოდში
ჩასწურა თუ არა, მაშინვე ათკეცი ჯალაშა მოხსნა კოდს
ჯერ ისევ თბილ რძეს დედა მისცა და სუფთა კეტით გაურია.
შემდეგ ოპანეზამ ნაბადი გადააფარა კოდს და სხვადასხვა
სიდიდის ხის ჯამები გადმოალაგა და ჩაამწყრივა: მიტრუამ

კი ჯალაში გარეცხა და კარავზე გაფინა; ჩის შემდეგაც კარვის წინ ოპანეზას გვერდით ჩამოჯდა, და ორივემ იქაურობას თვალყურის დევნება დაუწყეს.

ლეილას და იეთარს მოეწველათ ძროხები. იმათი ადგილი ეხლა ხბორებს დაეჭირათ, რომლებიც შესჯდომოდნენ ქვეშ და დროგამოშვებით თავებით დედებს მუცელში უბრაგუნებდნენ, რომ მათთვის მეტი რძე მოეცათ. ძროხები კი ზოგი ალერსიანათ ლოკავდნენ თავიანთ ხბორებს, და ზოგი კიდევ წარბშეუხრელათ ხბორების ბრაგუნზე იდგნენ და თავიანთთვის იცოხნებოდნენ...

— ეგაა, აი, დედის ჯიგარი!.. — დაიწყო ოპანეზამ და ჩიბუხის ტარი ტუჩებით გამოიტკაპუნა: „ხბოები ძალაზე უჭლაგუნებდნენ თავებს, ისინი კიდევაც ჰლოკავდნენ“...

— ჩვენში ამბობენ, ალა: „ხელის გულზე შვილმა დედის გულისთვის ერბო-კვერცხიც რომ მოიწოსო, მაინც დედის ამაგს ვერ გადიხდის“, — უპასუხა მიტრუამ.

— ერბო-კვერცხს კი არა და, ეხლანდელი შვილები დედის გულისათვის გახურებულ ზაფხულშიაც კი პირს არ შაიბანენ ცივი წყლით, თუმცა ეს ცივი წყალი მათვე გააგრილებს...

ოპანეზა და მიტრუა რომ ამ ბაასში იყვნენ, შორი-ახლოდან მოისმა ბლავილი. ამ ბლავილზე ათასს სულამდის დაწველილი ცხვარი წამოიშალა და შექმნა თავის მხრივაც ბლავილი. გარშემო ბლავილის მეტი აღარა ისმოდა რა. დედაცხვარი და ბატკანი სირბილით მიეგებნენ ერთმანეთს. მაინც ბლავილი კარგა ხნობამდის არ შეწყვეტილა. დედაცხვარი ბლავილით თავის ბატკანს დაეძებდა, ბატკანი კიდევ — თავის დედას...

— აბა, მიტრო, ჩაიხედე კოდში, ხომ არ შეყველებულა? — ამ ბლავილში მიჰმართა ოპანეზამ მიტრუას.

— შეყველებულა!.. — უპასუხა მიტრუამ, როდესაც კოდს ნაბადი გადაჰხადა და შიგ ჩაიხედა.

— მაშ მოვაკვერეულოთ!.. — მძიმედ წამოიძახა ოპანეზამ და დიდ ხის ჯამს ხელი წამოავლო...

დაწყნარდა არემარე. ახლა აღარც ცხვრისა და ბატკნის ზღაველი მოისმოდა. ეს ორი კვირა მეტია, ცხვარს მიწურ ფარეხში აღარ ერეკებიან, რადგანაც ფარეხში მეტად სცხელოდათ ცხვარი მთლად გარეთ იყო, გარდა სამოცამდე დავარდნილი ცხვრისა. დანარჩენი ცხვარი კი: ჭედლია, თოხლი, დედაცხვარი და მოსაგები სულ ცალ-ცალკე ჯგუფებად დაყოფილნი ცალკე ეყარნენ და ყველას გარს აქა-იქა მწყემსები შემოსწოლიყვნენ. მათთან ერთად ალიას შვილებიც თავიანთ ცოლ-შვილით გარეთ იწვნენ და ტკბილი ძილისთვის მიეცათ თავი. იეთარი, ლეილა და ფარი ფარეხის წინ იწვნენ ბაკში, სადაც ორმოცამდის ძროხა და ცხენი იყო გამომწყვდეული. იმათთან ახლოს ერთი მწყემსთაგანიც იწვა. ალია კი ჯერ გარეთ არა წვებოდა, რადგანაც სიცივეს იმიზეზებდა და, რასაკვირველია, გიულისაც თავისთან ფარეხში იწვენდა. გიული ბევრჯერ გამოექცა კიდევაც გარეთ და ფარის ჩაუგორდა, მაგრამ ალია მაინც არ ეშვებოდა. უეჭველად უნდა თავის გვერდით დაეწვინა. გიულის გული უწუხდებოდა ფარეხის სუნით; ზამთარში ისე შესამჩნევი არ იყო სუნი, როგორც გაზაფხულით, როდესაც მთლად მინდორი მწვანის სურნელით იყო გაუღენთილი და გულს ატკობდა, ფარეხი კი მწვირის სუნით, ამ ღამესაც გიულიმ გარეთ მოინდომა დაწოლა, მაგრამ ალიამ ხელი წაავლო და გიული თრთოლით ფარეხში შეიყვანა.

— არ გააციო, გიული, შენი ქმარი — ჩვეულებრივად მიაძახა იეთარმა გიულის ზიზლით ამ ღამესაც და ზიზლით თვალი გააყოლა ფარეხში შემსვლელთ.

ალიას ბრაზი ყელში მოაწვა, როგორც ყოველთვის. ერთს წამს გაიფიქრა კიდევაც: „მივალ და წავადრჩობ იმ საზიზლარსაო“, მაგრამ ვერ გაბედა თავის აზრის განხორციელება და ისევ ყური მოიყრუა. ვითომ არც კი გაუგონიაო, ისე შევიდა ფარეხში, სადაც თითონ უკვე დაემზადებინა ლოგინი და მხრჩოლავი ლამპარი. შესვლის უმალ კარები მიჯარა და გულში ჩაიკრა გიული...

გიული შეურაცხყოფილად სთვლიდა თავის თავს, და დღე მუდამ მასში მატულობდა ზიზლი ალიასადმი. ამ ღამეს ხომ გიულის მეტი დაემართა. როდესაც ალიამ ჩაიკრა გულში და თრთოლა აუარდა, ხელები ალიას ყელთან მიიტანა და შემოურკალა კიდევაც, რაც ალიას ესიამოვნა, უნდოდა მოეჭირა, ბრჭყალები შიგ გაეყარა და წაეხრჩო, მაგრამ უეცრივ მოაგონდა, რომ ამის გამო იმას ჯვარს აცვამენ, და ხელები აუკანკალდა, მოუდუნდა...

ჩაწვენენ ორივენი ლოგინში. გიული ზღარბივით იკუნტეზოდა, ბორგავდა ალიას ხელის შეხებასა და ალერსზე და ნატრობდა მის მალე დაძინებას. მაგრამ ალია არა სცხრებოდა. შეუძლებელიდა იყო გიულის მხრივ მეტის მოთმენა. ის გამოუსხლტა ალიას და გარეთ გავარდნას აპირობდა, მაგრამ საუბედუროდ ფეხი საბანში გაეხლართა და იქავე პირქვე დაეცა.

— აი, ჩემო ჯეირანავ, გაქცევა გინდოდა?.. — დაიძახა ალიამ და ისევ ლოგინში ჩაითრია... გიულიმ ახლა სხვა საშუალებას მიჰმართა. ჩქარა თავი მოიმძინარა და ალიას კითხვებზე ხმას არ იღებდა. რაკი ალიას გიული დაძინებული ეგონა, ის უფრო მორიდებით უსვამდა სხეულზე ხელს, ხანდისხან კიდევაც შეაჩერებდა ხოლმე ხელს და ოდნავდა უცუუნებდა თითებს.

ამდენმა მღელვარებამ ალია მოთენთა; მერე იმ აზრმა, რომ გიულიმ დაიძინაო, დაამშვიდა და ძილი წამოებურა.

ალია, რაც გიული ცოლად მოიყვანა, არ იძინებდა, ვიდრემდის გიულის არ დაეძინებოდა. მხოლოდ როდესაც გიული ჩაიძინებდა. მაშინ გულდამშვიდებით იძინებდა. ამ ღამესაც ასე დაემართა...

ალიამ ხვრინვა ამოუშვა. გიულის კი ტანი უთრთის. ალია ჯერ კიდევ მღვიძარე ჰგონია, ალიამ ხვრინვას უფრო მოუმატა. გულის ფანცქალით გიულიმ ალიას ხელს, რომელიც მისს თეძოზე იყო დაბჯენილი, მძიმედ ასწია და, რომ ალიას ხელის ძირს დაშვება არ ევარდნო, თავის თეძოს მაგივრად მუთაქის თავი შეუდგა ხელს.

გიული უმოძრაოდ იდგა რამდენსამე წუთს და ყურს ალიას ხერინვას უგდებდა. არ იცოდა, როგორ გასულიყო გარეთ. კარებიდან გასულიყო, — კარი ჭრიალს მორთავდა, და ალიას უეჭველად გამოეღვიძებოდა. მაშ... გონება აღარ ემორჩილებოდა გიულის...

— გიულიჰჰ... — თითქოს შემთხვევით ჰაერის რხევა არისო ისე შემოესმა გიულის ფარეხის ბოლოდან, სადაც სანათური იყო. გიული ერთს წამს შეკრთა, თავი შეარხია და სწრაფ ფეხაკრეფით იქით გაექანა.

სხვას რომ ყური მოეკრა, გიულის გარდა, ამ დაძახებისთვის ყურადღებას არ მიაქცევდა, მაგრამ გიული მაშინვე მიხვდა.

გზაში კინალამ ცხვრებს არ შესდგა ზედ. ცხვრებმა ფრუტუნი მორთეს. გიულის ფერი ეცვალა. წამს შესდგა, ყური დაუგდო, და, რაკი ალიას წყნარი ხერინვა ისევ შემოესმა, სიფრთხილით სანათურისკენ წავიდა.

— გიულიჰჰ!.. — იმავე კილოთი ჩამოისმა სანათურიდან ზმა.

— მიტრო! — წყნარადვე, იმავე სიფრთხილით გასცა პასუხი ქვევიდან გიულიმ და ხელეები სანათურში აჰყო...

IX

მიტრუაც დიდხანს წვალობდა კარავში. ის ჩქარობდა, კვერეულს კვერეულზე სწრაფად სწურავდა: მაგრამ ოჰანეზა, რომელიც მძიმედ, აუჩქარებლივ ჩვილი ყველით თავშედგმულ ხის ჯამებს აბრუნებდა და თან მალი-მალ წაუბზუკუნებდა: „კარგად მოწურე დაძინებას მოესწრებო“ და ისევ ხელმეორედ უბრუნებდა კვერეულებს. მიტრუა შიშობდა: „ვაი, თუ გიული გამოვიდეს. მე რაკი ვერ მიპოვის ფარეხის უკან, უკანვე შებრუნდება და შემდეგ როგორღა გამოვიყვანოვო“. მიტრუას ცალი ყური გარეთ ჰქონდა. გააფრხუნებდა თუ არა რამე, მაშინვე თაბახს, რომელშიაც ხის ჯამებს სდგამდა ყველის მოწურვის დროს, დაავლებდა ხელს

და გარეთ მიარბენინებდა, რომ დაეთვალე რებიანა, გიული ხომ გარეთ არ გამოვიდაო...

— ვა, რა მალიმალ გაარბენინებ ე თაბახს?! — შეუტია ოპანეზამ და შუბლი შეუქრა.

— მაშ, შრატს ნუ გავიტან?! — წყრომითვე უპასუხა მიტრუამ.

— მამაცხონებულო, ყოველ წვეთს ცალ-ცალკე ხომ არ გაიტან?!.

— თაბახი ივსება და შენ თითო წვეთს ეძახი?!.

— რატომ მე არ მევსება?!.

— შენ რა!.. ჯერ ერთი კვერეულიც არ მოგიწურავს და მე აგერ მეხუთეს ვწურამ!..

ოპანეზამ გადახედა კვერეულებს და შუბლშეკრულმა მიმართა მიტრუას:

— კარგადაც მოგიწურავს, შენმა მზემი ვერა ჰხედავ. შენი თითები ზედვე ეტყობა?! კვერეული ისე უნდა მოსწურო, რომ გამოჩარხულს ჰგვანდეს!..

— ენდე და, შენ გამოჩარხე!.. — წყრომით უპასუხა მიტრუამ და თაბახი მიაგდო.

მიტრუას თითო წამი სიცოცხლეს ერჩინა. ჩქარობდა, როგორმე დროებით მოეშორებინა თავიდან ეს საქმე და აქ კი „გამოჩარხვას“ ეუბნებოდნენ...

— რასა სწყრები, შე კაი მამას შევილო, შენთვის გეუბნები?! — დაყვავებით შეეხმაურა ოპანეზა, რაკი შეატყო, რომ მიტრუას გული ყელში მოებჯინა.

— მიტრო, შრატს რას უშვრები?!. — ცოტა სიჩუმის შემდეგ შეეკითხა ოპანეზა.

— ძაღლების გეჯაში ვცლი. — ცოტა მომბალად უპასუხა მიტრუამ.

მიტრუამ თავის მოწურულ კვერეულებს გადაჰხედა და თითონვე დაირცხვინა. მართლაც ძალიან აჭიჭყნილი იყო კვერეულები. რამოდენიმე წუთის შემდეგ ისევ ხელმეორედ გულმოდგინედ დაუწყო მოწურვა და მართლაც „გამოჩარხა“.

ოპანეზა კი ამ დროს ცალი თვალით უცქეროდა და ტუ-

ჩებზე სიამოვნების ღიმი უკრთოდა, რომ მიტრუას რიგიანად მუშაობა დააწყებინა...

— აჰა, ეხლა კი დაეძინოთ!! — წამოიძახა ოჰანეზამ, როდესაც კვერეულები მეორე კოდში ჩააწყეს და იქაურობაც მიაღაგ-მოაღაგეს.

— ოჰანეზამ იქვე კარავში გაიშალა ლოგინი; მიტრუამ კი გარეთ გაიტანა თავისი...

— მიტრო, რატომ აქ არ წევები?

— გარეთ დავწვები!

— შენი ნებაა!.. დილაზე წყალი კი არ დაგავიწყდეს!..

— არ დამავიწყდება.

ოჰანეზას მაშინვე ჩაეძინა. მიტრუამ კი ლოგინი კარავის მოშორებით გაიტანა, გაშალა და მაშინვე გულადმა მოსხეპით დაეცა.

წამს ყველაფერი დაავიწყდა, ისე გაიტაცა ცის კამარამ, რომელზედაც თითქოს მაღლიან მფარცხავს უხვად მოუფანტნია თესლი ხნულშიო. მთლად ძირისძირობამდის მოჭედნილი იყო ცა მოციმციმე ვარსკვლავებით. მიტრუა შესცქეროდა ცას და თვალები აქაიქ დაუბრუნდა. ვერც ერთს ვარსკვლავზე ვერ გაეჩერებინა თავისი თვალები. დაეძებდა უმჯობესს, უფრო უპრჭყვიალესს, მეტმშუქოვანს, რომელსაც მიეზიდნა მისი არსება, შეებოჭნა იგი. მაგრამ უეცრივ სხეული აუთრთოლდა, სწრაფად წამოდგა ფეხზე და გაშტერებით ფარეხს მზერა დაუწყო. უეცრივ მოსხლტა ადგილიდან და ნიავსავით, უჩუმრად მივიდა ფარეხის სანათურთან და წაპირქვაედა. მთლად სმენად გარდიქმნა...

წყნარად გულიანი ხვრინვა შემოესმა ფარეხიდან. მიტრუა დაიბნინდა. ეგონა, — გიული ხვრინავსო. უცბად გაუელვა თავში მიტრუას: „გიული გამოვიდა გარეთ, მე ვერ მნახა და ისევე დასაძინებლად შევიდა ფარეხში“.

— გიულიჰჰჰ! — უეცრივ ამოსკდა გულიდან მიტრუას, და ტანის თახთახით მოელოდა ფარეხიდან ფაჩუნსაც კი.

მის პასუხად ცხვრებმა ფრუტუნის შექქმნეს. მათ ფრუტუნში ხვრინვაც მოესმა.

გულჩაწყვეტილმა კიდეე ჩაიკვნესა. კიდეე ახსენა გიულის სახელი, თითქმის თვალცრემლიანმა და ტანი ახარა ასადგომად, რომ ამ დროს სანათურიდან წყვილი მკლავი ამოცურდა...

მაშინვე იცნო მიტრუამ მკლავები და მაგრად ჩაჰკიდა ხელები, რომ უკანვე არ ჩაბრუნებულყვნენ.

თვალის დახამხამებაზე ამოიტაცა გიული და გაშმაგებული კოცნით ლოგინისკენ გააქანა...

დაბნელდა ცა. დამუნჯდა ბუნება. ყოველივე საგანმა მათვის არსებობა დაჰკარგა. ქვეშ ლოგინის არსებობასაც კი ვეღარა ჰგრძნობენ... ტუჩებს გააშორებდნენ მხოლოდ იმისთვის, რომ იმავე წამს ამოსუნთქვის შემდეგ ისევ შეეერთებინათ...

ასე გადახვეულები ისხდნენ და, დიდხანს იყვნენ, თუ ცოტახანს, არა გაუგიათ რა. გიული მისუსტდა და, როდესაც ტუჩები გააშორეს, მუთაქაზე თვალეზმობილული გადაესვენა. მიტრუას ამაზე უმშვენიერესი არა ენახა რა. პერანგის ამარა, გიული მოდუნებული, იყო მისვენებული ნეტარი გრძნობისაგან მითენთილი, მისი მკერდი ოდნავ ადიოდ დადიოდა და ოდნავ არხევდა პერანგს, რომელიც ისე გადაჰფარებოდა, რომ სხეულის მოყვანილობა და მისი აღმართდალმართი მკაფიოდ იხატებოდა.

აღტაცებაში მოდიოდა მიტრუა მისი მკერდის მოძრაობით. მაგრამ ერთი რამ აჩრდილებდა მის აღტაცებას: ეს პერანგი, რომელიც ფარავდა გიულის მკერდს... ვეღარ მოითმინა. პერანგის ბოლოს მოჰკიდა ორივე ხელი და სწრაფად გაჰხია ბოლოდან თავამდის და, თითქოს თვალთ შეჰქმა უნდაო, ისე დააშტერდა, როდესაც გიულის ჩამკვრივებული მკერდი პერანგისგან განთავისუფლდა.

გიული კი ისევ ისე უნძრევლად იყო და თვალეზმობილული ოდნავ სუნთქავდა. თითქოს მისძინებიაო, ისე უმოძრავად იყო მისვენებული. მაგრამ გიულის არ ეძინა. მხოლოდ მოითენთა, განძრევა აღარ უნდოდა, რომ ოცნება, თუ სიამოვნება არ მოჰშორებოდა. მთელი ექვსი თვე იტანჯებოდა

ალიას ხელში, ზიზლით ითმენდა მის ხელის შეხებას, მისი ცოლების, შვილების და რძლების დაცინვას, კიცხვას და ხშირად ლანძღვასაც, და ახლა, ექვსი თვის შემდეგ, წილად ხვდა იმისთანა კაცთან ყოფნა, რომლის ნახვაც, სიახლოვეცა და ხელის ხლებაც ესამოვნებოდა. ბევრი ტანჯვის შემდეგ ცოტაოდენმა სიამოვნებამაც დაბნიდა და იმას ეშინოდა, არ მოესპო ეს ცოტაოდენი სიამოვნებაც...

თავს მეხი დაეცა მიტრუას...

— ოოო!.. მიტრო!.. — გიულიმ მწვავედ წამოიკვნესა და თავის ბრჭყალები მაგრა ჩასჭიდა მიტრუას მკერდს.

გიულის ხმაზე იქვე ახლოს მძინარე ძალღიწველი წამოყუნცდა წინა ფეხებზე. ყურები სცქვიტა და რამდენჯერმე წამოიყეფა...

— არიქააა! — მეორე მხრიდან დაიძახა ძალღიწველი ყეფაზე გამოღვიძებულმა მწყემსმა და გვერდი იცვალა.

თხუთმეტამდე ძალღიწველი ამ დაქსევაზე ყეფა ასტეხა და თვალების ბრიალი დაიწყეს, რადგანაც არ იცოდნენ, საით გაქანებულიყვნენ.

თითქმის ყველას გამოღვიძა ძალღიწველის ყეფაზე, მაგრამ რაკი ძალღიწველი ყეფა ჩქარა შესწყვიტეს, ისევ მიწვნენ და ხვრინვა დაიწყეს.

ძალღიწველის ალიაქოთი არც კი გაუგიათ. მიტრუა და გიული შეხორცებულები ერთად იწვნენ და განძრევაც აღარ უნდოდათ, სხეული ისე მოეღვწათ. მათი სურვილი იყო — ბოლო არ ჰქონოდა ამ ნეტარ მდგომარეობას...

მაგრამ დრო არ იცდიდა. იქვე ფარეხის ახლოს მამალმაც იყვილა. სულ ერთის წუთის შემდეგ ფარეხის კარი გაჭრილდა და მკაფიოდ შემოისმა ალიას სიტყვები.

— იეთარ, იეთარ, გიული რა იქნა?!

— ალლაჰმა თუ იცის შენი თავი! — შეუტია იეთარმა და გაჯავრებულმა რიდასიც ბუტბუტი დაიწყო.

— შეძრწუნდნენ ორივენი და სწრაფად, თითქმის ბოძლით, მივიდნენ ფარეხის სანათურამდის.

— გიული, ერთი-ორი კვირის შემდეგ, ჩვენ ველარავინ

დაგვაშორებს! — აღგზნებით წამოიჩურჩულა მიტრუამ და გულში ჩაიკრა.

— შენ იცი! — თვალცრემლიანმა გიულიმ გულნაკლულად წაუჩურჩულა და სანათურში ფეხები ჩაჰყო.

მიტრუამ ხელები დაუჭირა და მძიმედ ჩაუშვა ფარეხში ძვირფასი განძი. იმის გული თან ჩაჰყვა...

ასტყდა ბატკნისა და დედა-ცხვარის ბღავილი. მეცხვარეებმა დაარჩიეს ცხვარი ბატკნისაგან და საძოვრად გაირეკეს, რომ დილით სადილობის დროს ისევ მოერეკათ და დაეწველათ.

აღია თითქმის ცხვრებშიც კი დაეძებდა გიულის. გაბრაზებული შევიდა ფარეხში, რომ ძირის-ძირობამდის დაეველო. ანთო ლამპარი და აღია განცვიფრდა, როდესაც გიული ლოგინში დაინახა.

— გიული?..

— რა გინდა?

— სად იყავი?..

— სად უნდა ვყოფილიყავი?!

— მე გეძებდი, გეძახდი...

— მერე რა?! შენ რომ გახვედი, ფარეხის ბოლოს ვიყავი.

— რატომ ხმა არ გამეცი, როდესაც გეძახდი?

— „რატომ ხმა არ გამეცი, როდესაც გეძახდი“, — გააჯავრა გიულიმ აღიას და შემდეგ განაგრძო: — იმისათვის არ გაგეცი, რომ შენი წვალება მინდოდა.

— აი, შე ეშმაკო, შენა!.. — ღიმილით უთხრა აღიამ და ლოგინში ჩაჯდა.

— დაწეჭი, რაღა ჩემო აღი!..

აღია განცვიფრდა, ისე ალერსიანად უთხრა გიულიმ. მთლად გადარეული აღია მაშინვე ჩაწვა ლოგინში.

— ჩემო აღი!.. — ღმობიერად ამოიძახა გიულიმ და მის წვერზე კოცნით განაგრძო უფრო მომხიბლავის კილოთი: — მეიხნება, გენაცვა, ნუ გამაღვიძებ...

აღია დაიბნინდა გიულის ალერსით. პირველად მიეალერ-

სა გიული იმ ღამეს ალიას, და იგი მზად იყო იმ ალერსის გულისთვის თავი შეეწირნა...

გიულიმ ხელისგული ყურ ქვეშ ამოიღო და ჩქარა ტკბალად ქშინვა დაიწყო. ღრმად, ღრმად ჩაეძინა მოქანცულს გიულის. მხოლოდ ტუჩებზე სიამოვნების ღიმი უკრთოდა...

ალია კი განძრევასაც ერიდებოდა, რომ გიული არ გაედვიძებინა და მხოლოდ მის ქშენვით, მის სიახლოვით სტკბებოდა....

X

ის იყო, მიტრუა მორჩა ყველაფერს: დარეცხა, დაასუფთავა იქაურობა და კარავის ცოტა დაშორებით მყუდრო ადგილას მწვანეზე გადაგორდა. მაშინვე თავის მომავალზე დაიწყო ფიქრი, თავის გაჭირვებულს გარემოებაზე. თუმცა პირველში ძალიან ადვილად შეადგინა გეგმა, რომლის განხორციელებასაც კიდევაც შეუდგა და სწორედ ახლა შეეპარა ექვეები და აღარ იცოდა, რანაირად მოეგვარებინა. ნატრობდა, რომ ღროით შეღამებულიყო, რომ გიულისთან მოელაპარაკნა და იმის რჩევით და დახმარებით ესარგებლნა. მთელი ღღეა, მუშაობის დროსაც კი, სულ ერთსა და იმავე საგანზე ფიქრობდა; და რაც მეტს უკვირდებოდა საგანს, მით უფრო იბნეოდა, იკარგებოდა...

— ოჰ, ღმერთო, ღმერთო... — წამოიძახა მიტრუამ და თვალები მაგრად მოისრისა.

— მიტრო!.. — შემოესმა უეცრივ ვილაცის ხმა.

მიტრუა შეყრყოლდა ამ ხმაზე და სწრაფად წამოჯდა.

— ქერბალაი, შენაა!.. — უცნაურის ხმით შეეკითხა მიტრუა ქერბალაის, რომელიც თავს წამოსდგომოდა.

— მიტრო, ისე რა გაგიჭირდა, რომ ეგრე გულნატკენად ღმერთს შეჰბღავლე?! — ღრეჭით დაეკითხა ქერბალაი და თვალები კი ისარივით გაუყარა.

მიტრუამ ვერ გაუძლო ქერბალაის თვალებს, გაწითლდა, თავი ძირს დახარა და ძლივს იმტყუნა:

— ისე!.. შინაურობა მომაგონდა, დღეს ჩვენი დიდი ოთხ-
შაბათია. ამ ღამეს ჭიაკოკონას ვანთებთ და ზედა ვხტებიან.
მეც ბევრჯერ მიხტუნავია პატარაობაში. ის მომაგონდა. მა-
შინ უღარდელი. ვიყავი, მხიარული, დედამა თავს დამტრი-
ლებდა. ახლა კი... ხომ ხედავ, მოჯამაგირე ვარ და სხვის
წარბის მოძრაობას შეევცქერი...

ქერბალაი თითქმის რწმუნდებოდა მიტრუას სიტყვებით,
ბოლოს და ბოლოს ისე გულწრფელად ისროდა სიტყვებს.
ქერბალაის ეგონა, მიტრუა მართლა მოგონებით იყო შეწუ-
ხებული. მაინც გადასწყვიტა ქერბალაიმ პირდაპირ ლაპარა-
კი, რომ სამუდამოდ დარწმუნებულიყო მის უდანაშაულო-
ბაში.

— მიტრო, ხომ იცი, გიული, ეს ორი დღეა, დაიკარგა?..

მიტრუა დაიბნა. სრულებით არ მოელოდა ამას იმის შემ-
დეგ, რაც ზევით იმტყუნა და ისე ხელოვნურად...

— ვიცი, ვიცი!.. მერე?! — დაბნევით უპასუხა ქერ-
ბალაის.

— მერე ისა, რომ გიული სადაც არის, შენ იცი!.. — მოა-
ხებით უთხრა ქერბალაიმ და უფრო დაჟინებით ცქერა
დაუწყო.

ციემა ოფლმა დაასველა მიტრუა. „დავიღუპე“. — უსიტყ-
ვოდ წამოიძახა და მაინც სიცრუეს მიმართა:

— ნეტავი ვიცოდე გიულის ბინა?!. მაშინ... — ველარ
მოახერხა რა და თავი უფრო დაბლა დახარა მიტრუამ, რომ
მისი სახის კრთომა ქერბალაის არ შეემჩნია.

ქერბალაი თითქმის დარწმუნდა, რომ გიული მიტრუასა-
გან იყო გატაცებული, და ამისთვის, რომ მისთვის ნათელი
ყოფილიყო, უფრო მისახვედრად უთხრა:

— ეს არის, ახლა მამაჩემმა ყველა შვილები შეგვეკრიბა.
„საოჯახო შერცხვენაო“, — დაიწყო მამაჩემმა. — მართლაც
საოჯახო შერცხვენაა. ჩემო მიტრო! ჩვენ ვერ მოვითმენთ
ოჯახის შერცხვენას!.. ოჯახიდან ქალი მოგვეტაცონ?!. ამაზე
მეტი თავზე ლაფის დასხმადა გინდა?.. თუმცა ყველა ჩვენის
ოჯახის წევრნი მოხარულნი არიან, რომ მამაჩემს ასეთი

მარცხი დაემართა, მაინც საწყენად აქვთ ყველას. შეურაცხყოფაა ოჯახისა...

— მართალს ამბობ, ჩემო ქერბალაი, ოჯახის გალანძღვარის. — გააწყვეტინა ლაპარაკი ქერბალაის მიტრუამ.

— ჩვენს ახლოს ბინა არა არის რა, — განაგრძო ქერბალაიმ: — ჯერ გიულის დაკარგვა არავის გაუგია. ჩვენ გვინდა გიული ისე მოვიყვანოთ, რომ არავინ იცოდეს...

— მერე, საიდან მოიყვანთ?! — განცვიფრებით დაეკითხა მიტრუა.

— შენის საშუალებით. — გადაჭრით უთხრა ქერბალაიმ: და განაგრძო: — ამაღამ შენ გიულისთან წახვალ; ჩვენ მოგყვებით უკან, და, სადაც არის, ვაპოვით. თუ ძალას იხმარ, ჩვენც რამდენიმე ძალას ვიხმართ და ძალით გაგანადგურებთ...

— საწყალი გიული!.. — უნებურად წამოიძახა მიტრუამ. ახლა კი ექვის შეტანაც აღარ შეიძლებოდა. ქერბალაიმ დარწმუნდა: მიტრუას რაც უნდა ეთქვა, ვეღარ გადაარწმუნებდა ქერბალაის. მიტრუაც დარწმუნდა, რომ ყველაფერი შეუტყვიათ. საგონებელს მიეცა მიტრუა. ამაღამ რომ არ წასულიყო, გიული გაგიჟდებოდა; თუნდაც არ გადარეულიყო მშიერმწყურვალის რას იზამდა?! — გარეთ ის ვერ გამოვიდოდა, და თუ გამოვიდოდა, მაშინ ძნელია იყო იმისი დამალვამაშ რა ექმნა?!

მიტრუა ჩავარდა ამ წვალებაში და აღარ იცოდა, რა ექმნა. გულში იბრუნებდა ამ მწვავე აზრებს და უფრო ჰქენჯნიდა. ქერბალაი მაინც აქ არ იჯდეს, რომ ჰაერისათვის მაინც შეეჩვილა თავისი გარემოება. იქნება, ცოტათი შემცირებულიყო მისი ტანჯვა, ჰაერის სიოს შთაეგონებინა რამ. მაგრამ ქერბალაი აქ იასაულივით იჯდა და პირში შესცქეროდა. ტუჩების განძრევასაც ვერ ახერხებდა. მიტრუა არ უცქეროდა ქერბალაის, მაგრამ გრძნობდა კია, რომ იგი თვალს ადევნებდა.

მართლაც, ქერბალაი გაშტერებით ადევნებდა მიტრუას სახის მოძრაობას თვალს და ტუჩებზე ღიმი უკრთოდა.

მიტრუას სუნთქვა შეუდგა. საჩქაროდ წამოდგა და წასვლა დააპირა, რომ ცალკე თავის თავს გამოლაპარაკებოდა.

— მიტრო, მოიცა! — წამოიძახა ქერბალაიმ და ჩოხის კალთა დაუჭირა.

— თავი დამანებე! — წყრომით უთხრა მიტრუამ და ჩოხის კალთა ხელის დაქნევით გააშვევინა.

— მიტრო!.. — წამოდგა ფეხზე ქერბალაი და მიუახლოვდა.

— სულთამხუთავი ხომ არა ხარ, რა გინდა?! — შეუტია მიტრუამ და თვალეზანთებულმა ისე დაუწყო მზერა, თითქოს ხელად ქერბალაის წალჩობა უნდაო, რომ ერთი მტრით ნაკლები ყოფილიყო.

— ნუ მიწყრები, ჩემო მიტრო! — ტკბილად უთხრა ქერბალაიმ და მხარზე ხელი დაადო.

— მე არ გიწყრები!.. გასაწყრომი რა მაქვს?! — უპასუხა ლუღლუღით მიტრუამ და იმავე სახის გამომეტყველებით ელოდა, რითი გათავდებოდა ქერბალაის საქციელი.

— ყველაფერი გითხარი. ახლა რას აპირობ?!.

— რას მიედებ-მოედები, რა მითხარი?!. ან რას უნდა ვაპირობდე?!. გიული გაგექცათ, მე რა საქმე მაქვს?! — ისე დაიწყო, ვითომც იმას სრულებით არ ეკითხება გიულის საქმე და არც რამე იცის გიულის შესახებო.

— მიტრო, მოიგონე შენი სიტყვები: „ჩემს თავს ისე არ ვენდობი, როგორც შენაო“.

— მახსოვს! მერე რა?!

— მერე ისა, რომ რატომ გულახდით არ მეტყვი?..

— რა უნდა გითხრა, როდესაც არა ვიცი რა?!

— მაშ კარგი, მე გეტყვი: გახსოვს, პირველს დღეს ფლავი რომ არ სჭამე და წყალზე წახველი. მერე წყალზედგე იეთარმა გიული გამოჰგზავნა. გიულის ფარიც გამოყვა...

— მერე, მერე?! — უნებურად წამოიძახა მიტრუამ, და სიწითლე ყურებიდან შეეპარა.

უეცრივ თვალწინ წარმოუდგა პირველი ხვეენა და...

— მერე, მოითმინე და ყური დამიგდე: თქვენ რომ წახველით, ჩვენ მხიარულად ლანგრები დავლოკეთ. მხიარულად-

ვე გარეთ გამოველით და დამძღვრები ვმასლაათობდით. მე მამაჩემს თვალყურს ვადევნებდი. ცა თანდათან იღრუბლებოდა და წყაროსაკენ მალიმალ კისერს იღრეცდა... „ბაღარ, — დაუძახა ჩემს ცოლს მამაჩემმა: — შენც რომ წყალი მოიტანო, არ მოგვეჭარბებაო“. — უთხრა მამაჩემმა და ისე გადუბრიალა თვალები, რომ უარს ვერ ეტყოდა ჩემი ცოლი. იეთარმა ღრეჭა დაიწყო, რამაც მამაჩემს გულმუცელი აუშლვრია. ბაღარმა კი თულუხი გამოიტანა ფარეხიდან. მაშინვე მივუხვდი მამაჩემს, წყალი რისთვისაც უნდოდა. მაშინვე წამოვდექი და ჩემს ცოლს ხელიდან თულუხი გამოვგლიჯე. „მე წავალ წყალზე, გავლა მინდამეთქი!, — წამოვიძახე და წამოვედი. ჩემი ცოლი ხეპრეა. ვიცოდი, გიული შეგხვდებოდა. დიდი ხნის უნახავს გული აგიტოკდებოდა და ჩემი ცოლი კი თავის უგუნურობით ხელს შეგიშლიდა. ამისთვის მე წამოველი. არც მოვტყუვდი. გადმოვდექე თუ არა პირველს ბექობს, შენ და გიული გადახვეულები იყავით. ფარი კი თავგადაგლეჯილი გარბოდა. ჩემი ცოლი რომ წამოსულიყო, თავს წამოგადგებოდათ თავის უგუნურობით და ხელს შეგიშლიდათ. მე კი მაშინვე გზა აგიქციეთ...“

მიტრუა მთლად გაწითლდა და თვალები აენტო.

— მე ცოტა თქვენზე ადრე დავბრუნდი და მამაჩემი დავამშვიდე. იმას აღარავითარი ექვი აღარ ჰქონდა, როცა თქვენ წყალი მოიტანეთ. იმ ღამეს შენ და გიული ერთად იყავით. ხომ გახსოვს?.. მე თქვენი მეთვალყურე ვიყავი... შემდეგ აღარა ვიცი რა. თავი მიგანებეთ.

— მაშ, სულ შენ გამოგიქვეყნებია და ხელში მიგიცივარ! — დაიღრიალა მიტრუამ და მკლავი მაგრად დაუჭირა.

— გამოქვეყნება რომ მდომნოდა, მაშინვე გამოვაქვეყნებდი და არც მოგატაცებინებდი გიულის. მე თუ თვალყურს ვადევნებდი მხოლოდ იმისთვის, რომ, თუ ვინიცობაა, სხვაც დაგინახავდათ, მათთვის თვალი ამეხვია... შენი დალუპვა რომ მდომნოდა, არც ასე გელაპარაკებოდი. შენთან არ მოვიდოდი და არ გეტყოდი, თვალყურს ვადევნებთმეთქი...

— ქერბალაი! ქერბალაი!.. — უეცრივ გონს მოვიდა მიტრუა და ქერბალაის მხურვალედ გადაეხვია...

— ახლა მაინც მითხარი, რას აპირობ?! — დაეკითხა ქერბალაი, როდესაც მიტრუას მკლავებისაგან განთავისუფლდა.

— ქერბალაი, არ ვიცი, რას ვაპირობ, ტვინი ისე მაქვს არეული, რომ არ ვიცი, რას ჩავიდენ და რას არა. ამას კი გეტყვი, თუ ამაღამ გიული არ ვნახე, ის გადაირევა. მშიერ-მწყურვალ მსოფლებსა.

— თუ ამაღამ წახვალ გიულისთან, დაიღუპებით ორივენი. დღეს მამაჩემმა ყველას ერთად თავი მოგვიყარა და გვითხრა: „ჩვენი ოჯახი, მგონი, მიტრუმ შეურაცხყოფო. მოჰკალით, დაადრჩეთ, თუ მართლა ეგ არის ჩვენი ოჯახის შემარცხვენელიო. თუ მე ცოლი მომტაცა, თქვენ დედა გაგიუპატიურათო. გიული თქვენი დედა არისო...“ ყველანი შეგინებულად სთვლიან ჩვენს ოჯახს იეთარს გარდა. იეთარს კიდევაც უხაროან. მეც ისე ვაჩვენე მამაჩემს თავი ვითომც გაბრაზებული ვარ.

— ვის გავუცივარ, ვის?! — წამოიძახა მიტრუმ და კბილები გააკრაჭუნა.

— მგონი არავის: „მამაჩემს ეჭვი ჰქონდა შენზე, როგორც დღეს ჩვენ გვითხრა; ეშმაკურად გამოეკითხნა ოჰანეზასთვის. იმას ეთქვა: „წუხელს გარეთ გაველ და მიტრუა სადღაც დაკარგულიყოფო“. ოჰანეზამ, მგონი, გიულის დაკარგვა არც კი იცის. თუ გკითხოს რამე, არა უთხრა რა...

— მიტრო! — შეაწყვეტინა ლაპარაკი ოჰანეზას ხმამ.

— შვილო მიტრო, — დაიწყო ოჰანეზამ, როდესაც მიტრუა მივიდა იმასთან და ცალკე გავიდნენ... ქერბალაი კი გორაკს მოეფარა.

— შვილო მიტრო, — ისევ ამ სიტყვებით მიჰმართა მიტრუას: — ეს არის, ეხლა იეთარმა მიაშბო გიულის დაკარგვა...

— მერე, მე რა?! — მკვახედ გააწყვეტინა სიტყვა მიტრუმ.

— კიდევ ეგ არის, რომ შენ რა, მაგრამ შენზე მოუტანიათ ეჭვი.

— ჩემზე?! — გაიკვირვა მიტრუმ.

— ჰო, შენზე და ამაღამვე ქალაქში უნდა წახვიდე. მაინც, ყველები უნდა გამეგზავნა ხვალ საღამოთი და...

— ჰო და ხვალ საღამოთი წავიღებ!

— მოშორდი, თუ ღმერთი გწამს, შარსა და შამათსა, თათრების ამბავი ხომ იცი, რჯულამდის ჩაგყვებიან და მგონი სისხლიც გაგიშრონ. შენს მაგივრად ლექსუა გამოგზავნენ. შენ იქ დარჩი.

— ამაღამ არ წავალ!.. — გადაკრით უპასუხა მიტრუამ და განაგრძო: — რა ვუყო, რომ მაგათ ექვი შემოიტანეს?!. თუ კი მე უბრალო ვარ, მაგათ რაც უნდა, იფიქრონ.

— გირჩევ...

— ხვალ წავიღებ ყველებს.

— შენი ნებაა, მაგრამ...

XI

— ქერბალაი დაიღუპება, თუ ამაღამ არ წავედი! — შუბლის მოკმუხვნით წამოიძახა მიტრუამ და სახრით ქექვა დაუწყო ბალახებს.

— იცი მეგობარო, რას გირჩევ, — ცოტა სიჩუმის შემდეგ იმიჰმართა ქერბალაიმ მიტრუას: — ჩვენ დღესვე, როგორც შენთვის ოჰანეზას ურჩევია, ქალაქისკენ წავიდეთ. ახლავე ყველები დააბარგე. ნულარ დაახანებ.

— რას ამბობ, ქერბალაი?! აკი გეუბნები: „ამაღამ თუ გიული უნახავი დარჩა, გადირევა მეთქი“!

— მეც ამისთვის გეუბნები და ქალაქში წასვლას გირჩევ, რომ უნახავი არ დარჩეს გიულ!

— ვერ გამიგია...

— ამას რა გაგება უნდა! ჩვენ ახლავე წავალთ. შეღამდება თუ არა, შენ გიულისაკენ წახვალ, მე კი მოგიცდი სადმე. შეთვალყურედ ვეცდები მე წამოგყვი, მეც დეკეულებს წამოვლალავ ქალაქში გასასყიდად.

— კარგი, თუ შენ გამომყევით მაგრამ სხვა რომ გამომაცოლონ, მაშინ? — ცოტა ჩაფიქრების შემდეგ დაეკითხა მიტრუა.

— აკი გეუბნები: ვეცდები მე გამოგყვე და, თუ ისე მოხდა, როგორც შენ ფიქრობ, მაშინ, ჩემო მიტრო, ერთი-ღა

დაგრჩენია, — მასწავლო, სადაც არის გიული და, ძმობას გეფიცები, დილაზე შენზე ადრე გიულის ქალაქში მივიყვან და, როდესაც შენ მოხვალ ქალაქში, ჩაგაბარებ.

მიტრუამ, ცოტა არ იყოს, ეჭვის თვალთ შეხედა და დიდხანს ასე გაშტერებით თვალი თვალში გაუყარა ქერბალაის.

— რატომ აგრე ეჭვის თვალთ მიყურებ, მიტრო?!

— რა ვიცი!

— შენი ნებაა...

მიტრუას მეტი გზა არ ჰქონდა. გულის მოკუმშვით დაეთანხმა ქერბალაის და ასე გამოეხმაურა:

— მართალს ამბობ, ქერბალაი!.. მეტი ხსნა არა მაქვს. გასწავლი, სადაც გიული არის, მაგრამ... — შუბლი უნებურად შეეკუმუხნა, და სიტყვა შეუწყდა.

მიტრუას გული უფრო მოეკუმშა და ცივი ოფლი გადმოსკდა...

— ჰე! — გულის სიღრმიდან ამოსკდა კენესა, და მთლად ღმერთს მიანდო შედეგი.

— მიტრო, — დაუწყო ქერბალაიმ, როდესაც მიტრუას ყოყმანი შეამჩნია: — თუ გული გეთანაღრება, ნურას მეტყვი და ისე მოიქეცი, როგორც შენმა ჰკუამ გასჭრას.

— გეტყვი, თუ არ გეტყვი, ახლა სულ ერთია, ჩემო ქერბალაი! ახლა შენ ხელთა ვარ.

— მაშინ დროით, თორემ შეგვნიშნავენ.

— ხომ იცი იოანე ნათლიმცემლის საბერო? ჰო და, იქ კლდეებში ბევრი გამოქვაბული სენაკებია. საყრდის ხელმარჯენივ — აქედან რომ მიდიხარ — ერთ ამ სენაკათაგანშია. აღმოსავლეთით მესამეა. შელამდება თუ არა, გიული კარებში დადგება. მიაგნობ. მისვლისას ერთი-ორჯერ დაუსტვინე და გიულიც სტვენითვე გაგცემს პასუხს...

— კარგი. მაშ დაეჩქარე! — სიტყვა შეაწყვეტინა ქერბალაიმ და უეცრივ გატრიალდა.

დაღონებული მიტრუა დიდხანს უმზერდა ბინისკენ მიმავალს ქერბალაის და ადგილიდან არ იძროდა. თანდათან გული ბრაზით ევსებოდა და ეჭვი ეპარებოდა, რომ ქერბალაიმ, ვაი თუ, მიმტყუნოსო. რაც დრო გადიოდა, და ქერბალაი

გორაკს ეფარებოდა, მიტრუა მოსაზრებას ჰკარგავდა, და მის გონებას მხოლოდ ერთი, ერთი ფიქრი — ვაი თუ მილალატოსო — იპყრობდა...

— დავადრჩობ, ძალივით დავადრჩობ, თუ... — ვედარა დაათავა. თითები ერთმანეთში გადახლართა და, თითქოს აღრჩობს ვისმეო, მაგრად დაუწყო სრესა.

— ქერბალაი!.. — წამოიყვირა ერთბაშად, როდესაც ქერბალაი გორაკს მოეფარა და მისკენ მოჰკურცხლა.

— დავადრჩობ, დავადრჩობ, თუ მილალატი! — ბუტბუტებდა მიტრუა, მაგრამ ქერბალაის იმის სიტყვები არ ეყურებოდა.

მირბოდა მიტრუა და ქერბალაის მოწევნას, ვიდრემდის ის ბინაში მივიდოდა, ჰლამობდა, რომ ჩაეგონებინა იმისთვის: „თუ მილალატი, დავადრჩობო“...

— მიტრო?! — გორაკის მეორე მხარეს გადაჰხედა, თუ არა, ოჰანეზა წინ დაუხვდა.

— დავადრჩობ, დავადრჩობ!..

— მიტრო?! — ხელმეორედ დაუძახა გაოცებულმა ოჰანეზამ და გზა გადაუჭრა.

მიტრუა შესდგა ოჰანეზას დანახვაზე და დაეკითხა:

— ქერბალაი ხომ არ შეგხვედრია?!

— როგორ არა, აგერ ფარეხში არ მივიდა? — ტკბილად უპასუხა ოჰანეზამ და ხელით ანიშნა ქერბალაი.

— ჰო!.. აგერ, ფარეხში არაა!.. — წამოიძახა მიტრუამ და აღზნებულ თვალებს ზევით ქუთუთოები ოდნავ წამოაფარა..

ხაფანგში მომწყვდეულ თავივით ფართხალობდა მიტრუა; ყველგან შეღობილი დაუხვდა გზა, და მოქანცული და; მორჩილდა თავის ხვედრს...

— რაც მოსახდენია, დეე, მოხდეს! — გულის ტკენით წამოიძახა კარგა ხნის სიჩუმის შემდეგ და ოჰანეზას შეხედა.

— მიტრო, იმისთვის დაგეძებდი, რომ კიდევ მერჩია ამადამ ქალაქში წასვლა. — უთხრა ოჰანეზამ, როდესაც მიტრუამ ლმობიერად შეჰხედა, და სრულებით არ აგრძნობინა, რომ იმისმა უკანასკნელმა სიტყვებმა ყველაფერი გამოამყლავნა.

-- მართალს ამბობ, ოჰანეზ! წავიდეთ, ყველები დავაბარ-
გოთ და გზას გავუდგები.

— ჰოო, გიშველა ღმერთმა!..

მეტი აღარა უთქვამს რა. მაშინვე კარავისკენ მხარდამხარ
ამომდგრები ჩქარის ნაბიჯით წავიდნენ, ურემზე ყველის და-
ბარგებას გულმოდგინედ შეუდგნენ.

იმათ მუშაობას გაფაციცებით თვალყურს ადევნებდა
ალია, რომელიც ფარეხის წინ იჯდა. ველარ მოითმინა და
დაეკითხა:

— ოჰანეზ, ქალაქში ხომ არ გზავნი ყველს?

— ჰო!.. — მოკლედ უპასუხა ოჰანეზამ.

— ვის მიაქვს?!

— მიტრუას.

— როდის?!

— ამაღამ.

ხმა გაკმინდა ალიამ. თვალები შეცრივ აენტო და ფეხაკ-
რებით ფარეხში შევედა.

— მომეცით თოფი! — ფარეხში შესვლის უმაღლეს წამოიძა-
ხა ალიამ და იქავე ბოდს ხელი მაგრად მოჰხვია.

— თოფი რად გინდა?! — შეეკითხრა ისმაილა, რომელიც,
ეს ორი დღეა, თავგადაგლეჯით გიულის დაეძებს და ცხვარში
აღარ დადის.

დაღალული აქეთ-იქით ხეტიალით მხარეთქოზე წამოწო-
ლილიყო და ალიას ხმა რომ გაიგონა, შეცრივ ფეხზე წა-
მოვარდა...

— მინდა მოვკლა, მოვკლა! — დაიძახა და ბოდს ხელი
უფრო მაგრად შემოურკალა.

— ვინ?...

— ვინ და ჩემი დამღუპველი!.. ჩემი... მიტრუა, მიტრუა!..
— უკანასკნელი სიტყვები ჩურჩულითღა წამოიძახა, რადგა-
ნაც სიბრაზით გული ყელში მოებჯინა.

— მამი, ჯერ მოიცადე. აჩქარება არ ვარგა ამ საქმეში.
ხომ გადავწყვიტეთ თვალყურის დევნება. ვადევნოთ, და თუ
მართლა მაგისგან ვართ შერცხვენინონი, გეფიცები, პირვე-
ლად მე გავუყრი ყელში ამ ხანჯალს!..

— ეგაა, ეგაა ჩემი დამღუპველი! გული მეუბნება და არც მატყუებს ხოლმე. ყული ტყუილად გავგაზვნეთ გიულის მამასთან. გიული არ გაიქცეოდა... ის განგებ არის წაყვანილი, მოტაცებული, თორემ თითონ არ წავიდოდა. ალაჰსა ვფიცავ, ეს ასეა. ამ ბოლოს ძალიან შევეყვარდი. სულ ქირსა მჭამდა. თითონ არსად წავიდოდა, არა!..

— იქმნება, სხვა მოიტაცა და მიტრუას სულ ტყუილად აბრალებ.

— გიული!.. ჩემო გიული!.. პატარა ჯეირანო, სადა ხარ?! — ლმობიერად წამოიძახა და თვალები ცრემლებით ავესო.

ისმაილას შეებრალა მამა, თუმცა კი წინად იმისი ასეთი გატაცება სიცილსა გვრიდა, და თანაგრძნობით მიჰმართა:

— მამი, მე მოგიკვდე, თუ გიული არ გიპოვოთ!

— შვილო, ისმაილ, შენ იცი!.. — სლუკუნით წამოიძახა და ისმაილას მხარი ცრემლებით დაუღბო.

— ალუ!.. — თავისთვის წამოიღუღლულა აქნობამდის გაჩუმებულმა იეთარმა და მუჯღუგუნნი წაჰკრა თავის რძალს ქუქაზბანს, რომელიც იეთარივით გაჩუმებული ისმენდა მამათილისა და თავის ქმრის ბაასს.

ორთავე მანდილოსანთ ჩუმი, თავდაჭერილი ფრუტუნნი აუტყდა.

— გაიგეთ? — ამ დროს დაინახა ქერბალაიმ კარებიდან: — მიტრუა ქალაქში მიდის.

ქერბალაის ხმაზე მამა-შვილნი გაშორდნენ ერთმანეთს. ალიამ თვალები მოიწმინდა და მოაგონდა, რომ ამ ამბის სათქმელად შემოვიდა ესაღ.

— ჰო, გავიგე!...

— გაიგე და რას აპირობთ?!

— მე არა გამიგია რა! — სთქვა ისმაილამ და თვალი გადაავლო მამას და ძმას.

— აგერ, ყველას აბარებენ.

— მე ამ ამბის სათქმელად შემოვედი წელან და ბრაზმა სულ გადამავიწყა.

— იმის მაგივრად, რომ ეთქვა რამ, მაგან ტირილი დაიწყო და ისმაილაც ააღელვა, — წამოილაპარაკა იეთარმა.

- იეთარ, გულს ნულარ მიკლავ მაინც!..
- ჰო, ემაებს თავი დაანებე! ისა სჯობია, მოვიფიქროთ რამე.
- მართალს ამბობ, ჩემო ქერბალაი!..

XII

დილაადრიანათვე სემინარიის გვერდით ქუჩა ახმაურდა. კაცს რომ უჭრი დაეგდო, ერთ გარკვეულ ხმას ვერ გაიგონებდა. ადამიანთა და პირუტყვთა ხმა ერთმანეთში ირეოდა და უცნაური, გაუგებარი ვრგვინვა გამოისმოდა. ვაჭრებს გამოეტანათ სანოვაგე: ყველი, ლორი, მწვანელი, სააღდგომო ნამცხვარი, დაკლული ინდოური, გოჭი და, რაც ძალი და ღონე ჰქონდათ, აქა-იქა ადგილებიდან გაჰკიოდნენ. ზოგნი დაკლულ გოჭებს და ინდოურებს ხელით დაარბეინებდნენ და არა ნაკლებ მაგიდებთან მოვაჭრეებზე გაჰკიოდნენ და ხან ერთს მსყიდველს გაუშვერდნენ გაყვლეფილს გოჭს, და ხან მეორეს. უფრო მომეტებულად ცოცხალი გოჭები უკან ფეხებით ეჭირათ, რომლებიც საშინლად ჭყვიტინებდნენ რითაც ჭვეყანას ამცნობდნენ უურადლებას არავინ აქცევდა.

მსყიდველნი, გაბრუებულნი ამ გრგვინვით, დადიოდნენ და აღარ იცოდნენ, დაავიწყდათ კიდევაც, რის სასყიდლად გამოვიდნენ. აქეთაც ეწევიან და იქითაც ჩარჩები, — წინაც და უკანაც ყიდულობს ყველაფერს, რასაც აწვდიან. სანოვაგის სიკეთის გასინჯვასაც კი ველარ ახერხებს. ერთადერთი სურვილი იმისი — ისაა, რომ ღროით განშორდეს ყრიამულს, თავის გამაბრუებელს ხმაურობას. აგერ სამარხვო ზარის რეკაც გაისმის, მაგრამ არავის ეყურება. ისევ ყიჟინი, ჭყვილი, ჭყვიტინი და ბღავილი. ხალხის მოძრაობას არა რა აყენებს. არც სასტიკი ქარი, რომელიც განთიადისას ამოვარდა და აქაურობას ანგრევს, ჰსუსხავს და სულდგმულთ სისხლის მოძრაობას უყენებს. მიტრუაც გაფაციცებით დარბის აუარებელს ხალხში და ხან ერთი ჩოხიანთან გაჩერდება, და ხან მეორესთან. ყველები ჩააბარა თუ არა ბაყალ გეუას, აღარც კი დააცადა გამოეკითხნა რამ, მაშინვე ხალხში გაერია და

თავგადაგლეჯით დაეძებდა ქერბალაის. იმას არც ღრიანცე-
ლი ესმის და ვერც სუსხიან ქარსა ჰგრძნობს...

მთელს ღამეს თვალი არ მოუხუჭუნია. გამალებით მოერე-
კებოდა ურემს. ისმაილი, რომელსაც დეკეულობა მოუდიო-
და გასასყიდათ, ბევრჯერ შეემუდარა: დავისვენოთ, რას მი-
ვეჩქარებით! დილაზე მაინც ადრიანად შევალთ ქალაქშიო“. მაგრამ მიტრუას თითქოს არც კი ეყურებოდა ისმაილის სიტყ-
ვები. მხოლოდ ერთხელ უპასუხა: „თუ გინდა, შენ დავისვენ-
ე, მე კი არ შემიძლიანო“. ისმაილი დიდის სიამოვნებით ჩა-
ძორჩებოდა და მწყემსურ ძილს გამოაცხობდა; მაგრამ ოჯა-
ხური თათბირ-დადგენილობით ისმაილი მეთვალყურედ იყო
გამოგზავნილი, და ამის გამო ვერ შორდებოდა. მიტრუამ მოკ-
ლე გზებით ატარა ურემი და ჯერ არც კი ერაქრაჟნა, რომ
წმ. ბარბარეს საყდარს დაუახლოვდა. აქ კი შეაყენა ურემი,
ბარბარე გამოუშვა და იქეთ-აქეთ ხეტიალი დაიწყო. ისმაილამ
აწყემსები გაიხმო და ჩუმად დაარიგა ერთი მათგანი, რომ
შორიანლოს ადევნებოდა და თვალი არ მოეშორებინა. თითონ
კი ურემის ქვეშ წაეგდო და აქედან უპირობდა თვალყურის
დაჭერას, მაგრამ სწრაფად ხვრინვა ამოუშვა...

„ამ გზას ვერ ასცდება“, — ფიქრობდა მიტრუა ხეტია-
ლის დროს: „აქეთ გამოივლის და თვალს მაინც მოგკრავ, თუ
ეს ოხრები მითვალყურებენ და გამოლაპარაკებას ვერ მო-
ვახერხებ...“

— ოხ, რა ძნელია ეს ოხერი ლოდინი!.. — დაიძახა კარგა
ლოდინის შემდეგ და დედამიწას დაემხო.

დიდხანს, დიდხანს ასე დამხობილი დედამიწის პირას გა-
აქტირებოდა ყარაისაკენ, მაგრამ ვერავინ დაინახა. უეცრივ
ზეზე წამოვარდა. ურემთან მიიბრინა და დაიძახა:

— წავიდეთ, ჩქარა წავიდეთ, თორემ დაგვაგვიანდება.

ხმაურობაზე ისმაილას გამოეღვიძა, ფშმუილით ურემის
ქვეშეიდან გამოძვრა და წაიბუტბუტა:

— შენც რა დაგემართა?! ბავშვივით ერთს წამს გუნე-
ბას აცვლი.

— ჩემო ისმაილა, ვერა ჰგრძნობ ამ ქარის სუსხს, და არ

გეყურება სისინი?! მე ვიცი, მოუმატებს და მაშინ ამ ღია ადგილას ამოგვაშეშებს ჩვენცა და საქონელსაც!

— მაგას კი მართალს ამბობ!

თუმცა ისმაილას ქარი მოუმიზეზა, ნამდვილად კი სხვა იყო მიზეზი ასე უეცრივ ურმის შებმისა. აქნობამდის მიტრუას ეგონა, ქერბალაი ამ გზით წამოიყვანდა გიულის. მაგრამ აქ უეცრივ მოაგონდა, რომ უფრო მარჯვე გზა იოანე ნათლიმცემლის საბეროდან კახეთის გზატყეცილისაკენ იყო. „იმ გზით უფრო წავიდოდა ქერბალაი, — გაიფიქრა მიტრუამ, — რომ გზაში ბინები ნაკლებად შეხვდებოა“.

ქარმა მართლა უმატა, ჩქარა სასტიკად დაჰბერა და კორიანტელი ააყენა. მგზავრები თვალის ახელას ველარ ახერხებდნენ, რადგანაც პირდაპირი ქარი იყო და თვალეში მტვერს აყრიდა...

— უჰ, რა არამი ქარია!.. — წამოიფშმუვლა ისმაილამ და ზურგი შეუქცია ქარს.

— ჰო, ველარასა ვხედავ!.. — უპასუხა მიტრუამ და იმაც ზურგი შეუქცია.

ასე ზურგშექცეული მიერეკებოდა ხარებს, ვიდრემდის ნავთლულის თავს კახეთის გზაზე არ გადმოვიდა, აქ შეაყენა ურემი. აქეთ-იქით მიმოიხედა, მერე თვალეში კახეთის გზას გააკრა...

უკვე გაფითრებულყო ცა. სინათლეს კუმეტი გაეპო და არემარე გამოეჩანდაკებინა. საგნები კარგად ირჩეოდა.

— ჰააამო... — ტანის ჟრჟოლით დასწყვილა ხარებს და ერთი ისეთი გადუჭირა სახრე ხარს, რომ ხარი ხელნას მიეკრა და ასე გვერდ-გვერდ ხელნაზე მიკრული რამდენიმე წამს მიდიოდა.

მიტრუას იმედი ჰქონდა, გზაში უეჭველად პნახავდა გიულის. ეს იმედი ისე ძლიერი იყო, რომ ერთს წამსაც ეჭვი არ შეპარვია. და, აი, როგორ გაუმართლდა ეს იმედი: თითქმის ქალაქში შემოვიდა, და ის კი არსად იყო, თვალი ვერ დაჰკრა. მწვავე იყო ამისთვის იმედის გაცუდება, იმდენად მწვავე, რომ გონება აერია და ისე ძლიერად გადუჭირა სულ უნებურად ისევ სახრე ხარს, თითქოს ძლიერის დარტყმით

იმედს დაიბრუნებდა. მართლაც სიმწვავე სახრეს გაატანა. გაბრუნვდა მიტრუა და გაშტერებული იჯდა ურმის თავზე...

ჰქროდალა ქარი?..

აღარ ეყურებოდა რა. გონს მხოლოდ, სირაჯხანის თავ-
დაღმართში რომ ჩადიოდა ურემი ისმაილას წინამძღოლო-
ბით, მაშინ მოვიდა, შუბლზე ხელი მოისვა, და მოაგონდა,
რომ ქერბალაი გზაში არ შეხვდა, უნდა ენახა კია. ნავთლუ-
ლის თავში აქეთ-იქით იცქირებოდა და მერე რა მოხდა?..
აღარ ახსოვდა რა. საშინლად გაიკვირვა, რომ ურემი სირაჯ-
ხანის თავდაღმართში ნახა. ასე უეცრივ ურემი აქ როგორ
გაჩნდა?!

— ისმაილ, მეიდნისკენ წავიდეს, მეიდნისკენ... — დაუძახა
მიტრუამ ისმაილას, როდესაც იმან ხარები რიყის ქუჩისაკენ
მოირეკა...

— ოჰ, გამოიღვიძე?! რა დაგემართა, კაცო. ისე რამ გაგა-
შეშა?! რამდენჯერმე დაგიძახე, ურემი კინაღამ გზის თხრი-
ლებში არ გადაბრუნდა. მაგრამ შენ გახევეებული იჯექი. მეღა
გამოვრეკე. — ჩაეკითხა ისმაილა და ხარებს ჩამოეცალა.

— რა ვიცი! — მოკლედ უპასუხა მიტრუამ.

— მე საქონელს რიყეში შევრეკამ გასასყიდად. ურემზე,
აი, მამედა წამოგყვება.

— კარგი!

მიტრუა მთლად გამოერკვა. ხარებს შეეხმაურა და ურემი
თათრის მოედნისაკენ წაიყვანა. „იქნება, ქერბალაი დუქან-
შიაც მელისო“, — გაიფიქრა იმან: „და მე კი ტყუილუბრა-
ლოდ თავბრუ დამეხვა“...

მომხიარულდა მიტრუა. ხარებს ალერსით ხელი გავაზე
გადასდო, თითქოს თავისი სასტიკობა ამით უნდოდა გაექარ-
წყლებინა და ალერსითვე წასძახა:

— აბა, თქვენი პირიმე, ააჩქარეთ ფეხი, თორემ...

ზუზუნებს, ზუზუნებს ქარი. სასტიკად უსტვენს... ამ
გმინვას ქარისას ბანს აძლევს აღიდებული მჩქეფარე მტკვა-
რი. რიყის პირას, თითქოს საბრძოლველად ემზადებოდ,
ტრიალებს, გმინავს, ძალას იკრეფს და იერიში მიაქვს ზღუ-
დეზე, რომ ერთბაშად ჩანთქას, შემუსროს და კალაპოტი გაა-

განიეროს, სამფლობელო გაითფართოვოს. მაგრამ ამოდ, კიდენი სალის კლდისანი გულგრილად უხვდებიან განრისხებულ ტალღებს, რაც უფრო აშფოთებს მტკვარს. აქაფებული, აღშფოთებული ამგვარ მედიდურობით, ღრიალით მიქანაობს. მაგრამ იქაც ისევ ის გულგრილი წინააღმდეგობა და ისეთივე გამარჯვება გულქვასი. მთლად განადგურებული მტკვარი მეორე ხიდს ქვევით გატვრენილი მიდის, რომ თავის სირცხვილი დამალოს, გააქარწყლოს...

მიტრუამ ხარებს ხელი ანება, როდესაც ხიდზე შეაყენა ურემი, მარჯვენა მხარი ფარად აიფარა და ქუდი მოიხადა.

— ოპოპოპო, რა ქარია! — წაიბზმუილა მიტრუამ და მარცხენა ხელით ხარს სახრე გადაჰკრა.

მოეფარა მიტრუა სახლებს. სიონისკენ ჩაუხვია. ველარ ხედავს სტიქიონის სასტიკ ბრძოლას. თითქოს ქარმა იყუჩა. მიტრუას გონება უფხიზლდება, სახე უცინის. ახლა მიეჩქარება დუქნისაკენ, სადაც ქერბალაის ნახავს და გიულის ამბავს შეიტყობს; იქნება გიულიც ნახოს!..

— ჰაამო, ჰაამო!.. — ალერსით აჩქარებს ხარებს, ნატრობს, ნატრობს ფრთების გამოსხმას. მაგრამ ხარები, ჩვეულებრივად, თავისებურად კუდის ქნევით მიიზღაზნებიან სიონის აღმართზე...

— ცოტადაა, ცოტადაა!.. — უსიტყვოდ გაიძახის მიტრუა და ხარებს უფრო ჰკმუჭნის, ეხვევა...

მაგრამ კიდევ იმედის გაცრუება... ქერბალაი იქ ვერ ნახა. ხმის ამოუღებელივ ყველები დუქანში შეზიდა, ხმის ამოუღებელივ გამოეშურა ბაზრისაკენ და აგრეთვე ხმის ამოუღებელივ დაეძებს ქერბალაის აუარებელს ხალხში.

მოიქანცა მიტრუა ამ ღრიანცელით. თითქმის ათჯერ შემოირბინა მთელი სავაჭრო მოედანი. მაგრამ ქერბალაის მზგავსი ვერავინ ნახა!..

— მაშ მომატყუილა, მომატყუილა იმ???. — სიტყვა ველარ გაათავა და სასოწარკვეთილმა პუშკინის ბალის ღობეს ზურგით მიეყრდნო.

რა აზრმა არ გაურბინა თავში?!. ყველა აზრი კი ერთიმეორეზე ძლიერად სტანჯავდა და სხეულს უდაგავდა...

— არა!.. არა! ეგ შეუძლებელია! — წამოიღრიალა მიტ-

რუამ, როდესაც მისდაუნებურად გაურბინა თავში იმ აზრმა, ვითომ ქერბალაიმ გიული ისევ ბინაზე წაიყვანაო.

— მერე მზის ცქერა აღარ უნდა?! — განაგრძო აღმფოთებით მიტრუამ და ისევ ძებნა დაუწყუო...

XIII

ზაკი თბილისში საქონელიც მოუდიოდათ გასასყიდად, თათბირის დროს ისმაილას მიანდეს მიტრუასთან ერთად წასვლა, რადგანაც მხოლოდ ისმაილას დაუდიოდა გასასყიდად საქონელი. იმ თავითვე ისმაილა განაგებდა ამ საქმეს. ქერბალაის კი ჯერ ერთი ხბოც არ გაეყიდნა და ამისათვის ის არ გააყოლა მიტრუას, თუმცა კი ყველას სურვილი იყო ეს...

— მე ვერ მოვდივარ შენთან, მიტრო, მაგრამ არა უშავს რა — თათბირს შემდეგ ქერბალაიმ მოახერხა ჩუმად წალაპარაკება: — ძმობას გეფიცები, რომ გზაშივე დაგახვედრებ გიულის.

მიტრუას არ ესიამოვნა ეს ამბავი. ამაღამ ქერბალაი რომ წაპყოლოდა, თვითონ წავიდოდა გიულისთან. მაგრამ რა გაეწყობოდა... დამორჩილდა ხვედრს. ქერბალაის სიტყვებით დაიმედებული ისმაილასთან ერთად თბილისის გზას გაუდგა.

ქერბალაი კი, რა წამს ყველამ მიიძინა, წამოდგა. მიიხედ-მოიხედა და, ის იყო, გამგზავრებას აპირობდა, რომ ფარეხის მეორე მხარეს აჩრდილივით ვილაც დაიარებოდა. თვალები დააშტერა და აღია იცნო. „საწყალს ველარ მოუსვენია!“ — უნებურად წამოიძახა ქერბალაიმ.

აღია კარავის კარებთან მივიდა და ჩურჩული დაიწყუო:

— ოჰანეზ, ოჰანეზ!..

— ჰმ, ჰმ!.. — მოისმა ოჰანეზას ძილისაგან გამოურკვეველი ბზმული.

— ოჰანეზ, ოჰანეზ, მე ვარ!..

— აღი, შენა?!.

— ჰო... — მოკლედ უპასუხა და კარავში შევიდა.

— ამ დროს რად გარჯილხარ?.. — გაკვირვებით ჰკითხა ოჰანეზამ და მხრჩოლავი თუნუქის ლამპარი აანთო.

— რა ვიცი, არ მეძინება!.. აღამიანთან ლაპარაკი მომინდა!..

— დაბრძანდი, დაბრძანდი!..

— ჩემს ცოლ-შვილს ხმას ვერ გასცემ, მგლებივით მიცქერიან; ამისთვის შენ მოგნახე. — დაიწყო ალიამ და ოპანეზას ლოგინზე მოიკალათა.

ქერბალაის ერთი სიტყვაც არ გამოჰპარვია. ის გაუნძრევლად იდგა და სახე თანდათან ეღრუბლებოდა. ალიას ყოველი სიტყვა, იმისი მოძრაობა გულს უფხაჭნიდა და სიბრალულს უღვიძებდა. ის ზიზღი, რომელიც ქერბალაის გულში ჰბუდობდა მამისადმი, თანდათან ქარწყლდებოდა. წინად როდესაც ალია მიეალერსებოდა გიულის, ქერბალაის ზიზღსა გვრიდა, მწარედ კბილებს გააკრაჭუნებინებდა ალიას ამგვარი საქციელი; ესლა კი იმისი ხმა, მოძრაობა, ჩამომხმარი სახე გულს სიბრალულით უფსებს...

„საწყალი, ამ ორ-სამ დღეში რანაირად ჩამოხმა, განადგურდა!.. — ფიქრობდა უნებურად ქერბალაი. — ან კი რა დააშავა ისეთი?“.. — უეცრივ ეღვასავით გაუბრინა თავში ამ კითხვამ: „განა სხვები კი ასე არ იქცევიან?“.. ცალი ფეხი...“

— ცალი ფეხი სამარეში მიდგას. ერთადერთი სიამოვნება ჩემი — გიულისთან ახლოსყოფნა იყო და ესაც შეშურდათ!.. ესაც... — შემოესმა ქერბალაის მამის თითქმის ქვითინი.

ამას კი ველარ გაუძლო. იპასაც თვალეზზე ცრემლი მოადგა. ერთი ნაბიჯი წინ გადადგა და მამისაკენ გაქანება დააპირა, რომ ენუგეშებინა, ეთქვა: „ესლავე აქ გავაჩენ გიულისო“. მაგრამ ამავე დროს მიტრუა წინ აემართა...

— ააა!.. — მწვავედ წამოიშმუვლა ქერბალაიმ და თავის მკლავს მაგრად, მაგრად ღრღნა დაუწყო...

— შინაურებმა დამლუპეს, ჩემო ოპანეზ, თორემ გარეშე რას მიზამდა...

— აა!.. — უფრო მწვავედ დაიღმუვლა და იოანე ნათლისმცემლის საბეროსკენ რაც ძალი და ღონე ჰქონდა მოკურცხლა...

XIV

შებინდდა თუ არა, გიული სენაკის პირას გამოდგა და აღგზნებული თვალებით მზერა დაიწყო იქით, საიდანაც მიტრუა უნდა მოსულიყო. კარგად იცოდა, ჯერ ადრე იყო, ჯერ

მიტრუა აგრე მალე ვერ გაათავებდა საქმეს; მერე, ვიდრეჰ-
დის სხვები არ დაიძინებდნენ, ის ვერ გაჰხედავდა წამოსვ-
ლას, მაგრამ გული არ უთმენს. ჯერ დღეც, თუმცა დარწმუნ-
ებული იყო, რომ ის დღე ვერ მოვიდოდა, მალიმალ ქურდულ-
ლად გამოიხედავდა ხოლმე და ახლა ხომ, როდესაც დარწმუნ-
ებული იყო, იმას ვერავინ დაინახავდა, რა დაუშლიდა
გარეთ ყოფნას!..

ეს მესამე დღეა, სენაკში იმყოფება, და ჯერაც არ მოს-
წყენია მარტოდ ყოფნა. მარტო ლამამობით ჰხედავს თავის
მიტრუას, რომელსაც მიანდო თავისი სული და გული და,
ისაც ცოტა დროთი, სულ რამდენიმე საათით, და ამათიც
კმაყოფილია, მხიარული. წელიწადიც რომ გაგრძელდეს ასე-
თი მდგომარეობა, მაინც კმაყოფილი იქნება, მაინც ღმერთს
მადლობას შეწირავს. მარტო ერთი რამ აჩრდილებს იმის გო-
ნებას: ალიაზე მოგონება. ჩაფიქრდება თუ არა, — ეს კი ხში-
რად ემართება, — რადგანაც აქ მეტი არა დარჩენიარა, მაშინვე
ალია წარმოუდგება თვალწინ, ის ეხვევა, გულში იკრავს და
„გიული, გიული“-ს ჩაჩურჩულებს. ყოველ მოგონებაზე
უნებურად სხეული უხტის, კრთება და, რომ განდევნოს არა-
სასიამოვნო მოგონებანი, ქურდულად გარეთ გამოიხედავს.
ალიას ოჯახის მოგონებაც უწყლავს გულს. ერთადერთი არ-
სებაა ალიას ოჯახში, რომლის დაკარგვაც ეძნელება: ეს — ფა-
რია. წარმოუდგებოდა თუ არა ფარი, ღრმად ეწაფებოდა იმა-
ზე მოგონებას და გამორკვევა ენანებოდა. უნდოდა სულ
იმაზე ეფიქრნა. „ახ“, — ხშირად წამოიძახებდა ხოლმე, —
„ფარიც რომ ჩემთან იყოს, მაშინ“... აღარ ათავებდა სიტყ-
ვას. თვლებზე მომდგარ ცრემლებს გამოიჟურავდა და ძალ-
მიხდილი ზურგს კედელს მიაყუდებდა. მამის ოჯახში, როდეს-
აც ეთხოვებოდა, ისე არავინ დაჰნანებია, როგორც ახლა
ფარის ცრემლები; რამდენჯერ ფარის ალერსს გამოუყვანია
სასოწარკვეთილებიდან, გული გაუმხიარულებია?! ის იყო
ალიას ოჯახში ამის მფარველ ანგელოზად. „საწყალი ფარა“,
— ყურებში უდგია მიტრუას სიტყვები, რომლებითაც იმან
უპასუხა მოტაცების შემდეგ პირველ შეხვედრაზე, როდესაც
გიულიმ ფარი იკითხა, „მთელ დღეს ცრემლი არ შეჰპრობია!“

უქველად ფარისაც წამოვაცვანინებ მიტრუას!“ — წამოიძახებდა ხოლმე ამის შემდეგ გიული და ამ იმედით გამხიარულებული ახლა მიტრუას გონებით ეალერსებოდა...

— ახლა დაიძინებდნენ! — წამოილაპარაკა გიულიმ, როდესაც კარგა შეღამდა, და კუმეტი თვალები არემარეს გადაავლო.

ბნელი ღამე იყო. ბნელიც რომ არა ყოფილიყო, მაინც გიული დიდ სივრცეს ვერ გადაავლებდა თვალს, რადგანაც წინ მთები ქონდა აფარებული, და ამასკენ გზა მხოლოდ მიკლაკნილ ხევით მოდიოდა. გიულიმ ამ ხევს გააყოლა თვალი, როდესაც თვალის გადავლების დროს მხოლოდ შავად ამართული კლდეები დაინახა. თვალის დაუხამხამებლივ კარგა ხანს უტყეროდა ხევს, მერე რამდენიმე ნაბიჯი ძირს ჩამოდგა სიფრთხილით, რადგანაც ვიწრო ბილიკი მიდიოდა ძირს, ხევისკენ, და ჩამოჯდა. ძირს ჩაიხედა და შეერყოლდა. ძირს წყვილი, შესაზარი სიბნელე სუფევდა. გიული შეუჩვევარი იყო ამგვარ სიბნელეს, ამგვარ ადგილებს. მართალია, ბევრჯერ უნახავს ამგვარი ადგილები, უფრო უარესიც და უარეს ღამესაც, მაგრამ სხვებთან ერთად. მარტოკას კი არასდროს...

— ახლა მოდის!.. — გასამხნეველად წამოიძახა, თავი მალლა აიღო და კლდეს მიეყუდა.

ერთს წამს უაზროდ ატარებდა ცის ნაგლეჯზე მხედველობას. არა მოჩანდა რა ყომრალი ნაბდის მეტი, რომელიც ცას გადაჰკროდა. უეცრივ თვალი მოკრა ცის ნაგლეჯის ნაპირას ოდნავ მბუტუთავ ვარსკვლავს. ესიამოვნა, თვალები ოდნავ მიულულა ცოტა მზერის შემდეგ, და ტუჩები ღიმიად გადაექცნენ. გონება კი მიტრუას გვერდში ამოუდგა. მოდიან ორივენი. გამოიარეს ნაცნობი ადგილები. წყაროსკენ ბექობი ჩაიარეს და ძირს, მეორე ბექობის დასაწყისში, შედგა იმისი გონება. აქ, ამ ადგილას, იგრძნო პირველად, თუ რა იყო თავდავიწყებული კოცნა სიყვარულმოდებული ადამიანისა; აქ, ამ ადგილას, პირველად იგრძნო, თუ სიცოცხლე რა ტკბილი ყოფილა, როდესაც ორი სიყვარულით მთრთოლარე გული შეერთდებოდა... საუკუნოდ ამ ადგილს დარჩენა. ემუდარება მიტრუას „მოიცა, მიტრო, ჩემო კარგო, აქ... აქ, მინდა დავრჩე შენთან

ერთად! შენთან ერთად აქ მინდა დავიპარხო!..“ მაგრამ მიტრუა არ ეთანხმება, ამას ყურს არც კი უგდებს და ჰშორდება ამ ადგილს.

— მიტრო, მიტრო!.. — მისძახის გიული და სასოწარკვეთილებას ეძლევა.

— ღმერთო, საით გაუხვია?! მე დავავიწყდი კიდევაც!.. მიტროოო!..

— ნაუუუ!.. — მოისმა სამგლოვიარო შუალამის ზარის რეკა შორი-ახლოდან.

— ჰა?! — წამოიძახა დაფეთიანებულმა გიულიმ და თვალები დააქყიტა.

ზარის უკანასკნელი გუგუნის ისევ გაისმოდა მიდამოში.

— რააა?.. — დაეკითხა თავისთავს და თვალების ცეცება დაიწყო.

მისუსტდა ზარის ხმა. ოდნავ ხმალა მოისმის. სწორედ ამ დროს განმეორდა „ნაუუ“ ძლიერად. გიული დამშვიდდა. იცნო ზარის ხმა. ძალიან ხშირად გაუგონია ეს ხმა აქ ყოფნის დროს. გაეხარდა კიდევაც, რომ ამის გარდა სხვებსაც არ სძინავთ. თავი ისევ კლდეს მიჰყუდა და თვალები მილულა. გონება ისევ მიტროსკენ გაქანდა. სულ ახლო შეეფეთა მიტრუას. რამდენიმე წუთიც და გონებასთან ერთად თითონ გიულიც მოეხვევა, გულში ჩაეკვრის თავის საყვარელს მიტრუას...

ზარი კი ისევ ისე გუგუნებს. ხან მისწყდება მისი გუგუნის და ხან კი უეცრივ ძლიერად გამოეხმაურება მიდამოს...

— ჩემო მიტრო, ჩემო... მოხვედი?! — აცმაცუნებს ტუჩებს გიული.

ამ დროს ფეხაკრებით ხევში შემოვიდა ქერბალაი და პირდაპირ წამოვიდა. მივიდა ბილიკთან, რომელსაც კლდეზე სენაკთან აჰყვა და წაუსტვინა.

— მიტრუა, მიტრო!.. — ოდნავ ჩურჩულებდა გიული და ეხვევა მიტრუას...

ზარს მაინც რეკენ. ისევ ისე გუგუნის გაისმის მიდამოში...

ქერბალაი კი შედგა. ყური დაუგდო, მაგრამ პასუხი ვერ მიიღო.

„ავალ ზევით. იქნება ჩაეძინა, ზევით დავუსტვენ და იქნება მაშინ მომცეს პასუხიო“.

ქერბალაი ნავალი იყო. კარგად იცოდა აქაური სენაკები. ხშირად დაურბენია და ამისთვის თამამად შეუდგა კლდის ბილიკას. უნიშნოდაც აივლიდა, მაგრამ არ იცოდა, რომელ სენაკში შესულიყო, რადგანაც ამ ბილიკს ბევრ სენაკისკენ მიჰყვანდა.

კარგა ზევით რომ ავიდა, შესდგა. აქ ბილიკი იყოფოდა. აღარ იცოდა, საით წასულიყო. ისევ წაუსტვინა ძლიერად.

— მიტროო!.. — გაახილა თუ არა თვალები დასტვენაზე, დაინახა იქვე ახლოს და სწრაფად გულში ჩაეკრა.

— მიტრო, მიტრო!.. — ჩურჩულებდა გიული და თან მხურვალედ კოცნიდა ქერბალაის.

ქერბალაი პირველად შეკრთა. უნდოდა მოეშორებინა და აეხსნა, რომ ის მიტრუა არ იყო. მაგრამ სწორედ იმ დროს, როდესაც მკლავში ხელი წაავლო და მოშორება დააპირა, გიული მხურვალედ დაეკრა ქერბალაის ტუჩებს. რა დაემართა ქერბალაის?! მოშორების მაგივრად ხელები მაგრად მოხვია და გონებამიხდლილმა მაგრად ჩაიკრა გიული გულში. ქერბალაის ცოლშვილი ჰყავს. თითქოს უყვარს კიდევაც. ცოლსაც უყვარს. მაგრამ ცოლის კოცნით ასე არასდროს არ აღელვებულა; ასეთი სითბო, ნეტარი სითბო, სხეულის მომშლელი სითბო არასდროს არ უგრძენია. განა ცოლს არ უკოცნია ამისთვის?! თითონაც უკოცნია.. მაგრამ რა?! ცოლის კოცნა ოღნავ, ცივად ტუჩების შეხებაა; ლოყაც კი ძლივს გრძნობს. ახლა კი ისეთი ძლიერებით, ისეთი სითბოთი იყო კოცნა, რომ ყოველმა მისმა სხეულის წერტილმაც კი იგრძნო; ყოველი წერტილი მონაწილეობას იღებს ამ კოცნაში. ქერბალაი მხოლოდ ერთსდა გრძნობს, რომ გიულის მთელი ძალა იმაზე გადმოდის და იმისი კიდევ — გიულისაზე. ძალების ასეთი მოგზაურობას კი ნეტარებას ჰბადავს და ყველაფერს ავიწყებს. აღარ ახსოვს არც ცოლი და არც შვილი, არც მამა და არც დედა, არც მიტრუა და აღარც ის, თუ რისთვის მოვიდა აქ. ერთადერთი ენატრებოდა ქერბალაის: ეს — დიდხანს გაგრძელებულიყო ასეთი მდგომარეობა. ხმის ამოუღებლივ მხურვალედ ჯმუჯნიდა გიულის და სამაგიერო პასუხსაც იღებდა...

— ჩემო კარგო, რად დაიგვიანე?! ჰო, ვიცი, რადაც!.. —

ხელი მხარზე დაადო, როდესაც მოიქანცა ხვევნით, თვალეზში ალერსით ჩააცქერდა და ალერსითვე მიეხმაურა. ქერბალაის დაავიწყდა, რომ გიულის ეს სიტყვები მიტრუასადმი იყო მიმართული. დაავიწყდა ისიც, რომ გიულის ხვევნა, ის ნეტარება, რომელიც ამ წამს გამოსცადა და სცდის, ნაქურდალია. აღვზნებულმა ამ ალერსით ქერბალიმ ნაზად წაავლო მკლავში ხელი და ტკბილად, ტკბილად მომხიბლავის ხმით დაიწყო:

— გიული, დავიგვიანე?! გეფიცები ალლაჰს, საუკუნოდ შენთან დავრჩები, შენი...

— ქერბალაი

— გიული, რად შექკრთი?!. ხომ ხედავ, სამტროდ...

— გამიშვი, გამიშვი!..

— მოიცადე, გენაცვა, ყური დამიგდე...

— ღმერთო!..

— გეფიცები ალლაჰს, შენ არ მოგშორდები. წავიდეთ, შორს გადავიკარგნეთ! მე...

— გონს მოდი. ქერბალაი!.. რეებს ლაპარაკობ?! ნუ გავიწყდება, მე დედიშენის ფეხი ვარ, მამიშენის ცოლი!..

— რას დავეძებ მაგას?! მიყვარხარ...

— ხომ არ გაგიუდი?! ხელი გამიშვი!.. — ბრაზმორეული გიული შეებრძოლა ქერბალაის, მაგრამ ვერას გახდა რა.

— მიტრუა, საცაა აქ მოვა!

— ხა, ხა, ხა,—გადიხარხარა ქერბალიმ წინააღმდეგობით გახელებულმა და ამავე კილოთი განაგრძო:

— მიტრუას ნახვას ველარ ეღირსები!

— ის გაგცემს ჰასუხს, შე... შე შეჩვენებულო!..

— აკი გეუბნები, გიული, მიტრუას ველარ ნახავ!..

— რატომ, შე წყეულო, განა მოკვდა?!

— მოკვდა, მოკვდა, გიული, აი, ამ ხანჯალმა გაუპო გული! — ქერბალიმ ხელი გაუშვა გიულის და ხანჯალზე გაივლო.

გიულიმ ისარგებლა ამ წამით. რაც ძალა ჰქონდა, ორივე ხელები გულის ფიცარში კრა და სწრაფად ზევით გატრიალდა დასამალავად. მაგრამ მიბრუნების დროს ძლიერად თავი კრა

კლდის ქიმს, გვერდზე წატორტმანდა და თავი ველარ შეი-
მაგრა.

— ვაი!.. — გიულის გამგმირავი ხმა გაისმა ჰაერში და
ჩქარა ისევ მიწყნარდა. ქერბალაიმ თვალი ვერც კი მოჰკრა,
ყოველივე ეს ისე სწრაფად მოხდა.

— გიული!.. — მწარედ წამოიკვნესა და ყურები სცქვიტა.
ხევის ძირიდან კლდიდან ჩაცვივნილი ქვების რახუნილა
მოესმა; სწრაფად გაჩნდა იქ და გულალმა დაწოლილ გიულის
დაემხო.

— გიული, გიული!.. — ეხვევა ქერბალაი, ჩასძახის ტი-
რილით და ხან ხელში აიყვანს, მაგრამ გიული პასუხს აღარ
აძლევს. ჭერ ისევ თბილი გვამი მის ხელებში ლაფანსავით
იკეცება.

— გიული!.. — სასოწარკვეთილებით დაიძახა ქერბალაიმ,
დაიჩოქა და გვამი ძირს დაუშვა.

დიდხანს, დიდხანს დასცქეროდა გაშტერებით უძრავ გვამს
ხმის ამოუღებლივ.

რაზე ფიქრობდა ამ დროს ქერბალაი?!. თითქმის არაფერ-
ზე. ასე გახევებული დასცქეროდა დაჩოქილი ქერბალაი გიუ-
ლის გვამს, რომელსაც თანდათან სითბო აკლდებოდა.

— შვილო, მამაშენივით დედაშენს რად უღალატე?!. —
უეცრივ მკაფიოდ მოესმა დედის სიტყვები.

უშიშარი ქერბალაი შიშის ზარმა აიტანა. ქუდი მალლა
წაუვიდა. სწრაფად ხანჯალი გაიძრო ხელების თახთანით და
ფეხზე წამოდგა. მიიხედმოიხედა. ისევ ის წყვილიადა სუფევდა,
ისევ ის სიჩუმე იყო და არა არღვევდა რა. უფრო შეეშინდა
ამ წყვილიადისა. ქუდი გადმოუვარდა. თვალის კაკლები კი და-
უღდიდნენ და ბუდიდან გადმოვარდნას უპირებდნენ.

— მიტრო, აქა რა გინდა; ჰა?!. აკი ქალაქში წახვედი?! მა-
ჩაჩემიც მოგყავს?!. ნუ, ნუ მორბიხარ, თორემ, აი, ხანჯალი!..
არ იშლი?!. შედექი!.. აი!..

წითელ პარასკევსაც არ დაწყნარებულა ქარი. მარტყოფის მინდვრებზე თავისუფლად დათარეშობდა. საშინელ კორიანტელს აყენებდა და აბნელებდა მიდამოს. კახეთის გზაზე თითქმის მოძრაობა შესწყდა. თავზე ხელაღებული თუ გაკბედავდა ამ ღროს მგზავრობას. მართლაც თავზე ხელაღებული არავინ გამოჩნდა, მიტრუას გარდა, რომელიც შემოკალთაგებულ ჩოხით დილაადრიაანად ორად მოხრილი გარბოდა კახეთის გზაზე. თითქოს ამ გაბედულობით განრისხებული ქარი უფრო უმატებდა კვილს, უფრო სასტიკობას იჩენდა და მიტრუას მთლად მტვერში ახვევდა. მაგრამ მიტრუა არც კი ამჩნევდა ქარის სასტიკობას. მარტო გიულის და ქერბალაის შეეპყრო მისი გონება. ამათ მეტზე ფიქრს ველარ ახერხებდა, და ველარც არას ამჩნევდა. დიდ ხუთშაბათი ქალაქში ძებნას მოანდომა. სანთლების ანთებისას ღუქანში მივიდა მთლად განადგურებული. გეომ შეხედა თუ არა, გაიკვირვა მიტრუას მდგომარეობა.

— კაცო, რა დაგმართნია?! — დაეკითხა თანაგრძნობით გეო.

— ავადა ვარ!..

— ავადა ხარ და სადღა დაიკარგე?!

— ხომ არავის უკითხივარ? — თითქოს გეოს კითხვა არც კი გაუგონიაო, დაეკითხა თავის მხრივ მიტრუა.

— არა.

— ალა, უნდა შინ დამითხოვო, ავადა ვარ!

— ამისთანა ღროს, შვილო, მტერი მტერს არ დაანებებს თავს და შენ ხომ...

— რა ვქნა, არ შემოძლიან, — სიტყვა გააწყვეტინა მიტრუამ და კედელს მიეყრდნო.

გეო ცოტა ყოყმანის შემდეგ დასთანხმდა; აშკარად ატყობდა, გეო, რომ მიტრუა არა სტყუოდა, რომ იგი თავის ქერქში არ იყო.

მიტრუა მაშინვე გამოტრიალდა და წელმოწყვეტილი ავ-

ლაბრისკენ წამოვიდა. იმ ღამეს ბაკებში იბორგა და დილით, ჯერ ისევ გაუთენებლივ, გზა მონახა.

გაიარა თუ არა ორხვევი, მარჯვნივ გადაუხვია და უგზო-უკვლოდ მიდიოდა იონანე ნათლისმცემლისაკენ. ხევი, ღრე და კლდე ისე გაიარა, რომ დაღლილობა არ უგრძენია. მხოლოდ მაშინ მოეკვთა მუხლები, როდესაც იმ ხევთან მივიდა, რომელიც სენაკის გზას შეადგენდა. აქ კი შედგა, მუხლები აუთრთოლდა და ჩაიკეცა. გულმაც მედგრად დაუწყო ძგერა, უნებურად თვალები მიელულა, ტანი მოუდუნდა და კლდის ძირს მიესვენა.

ქარი კი გმინავდა, სტვენდა, სტიროდა. ის ერთი სენაკიდან წივილკივილით და გმინვით გამოჰქროდა და მეორეში გრიალი შეჰქონდა; კლდის ერთი კალთიდან მეორეზე გადაბოდა და ბოლოს ვაივაგლახით ხევში ჩამოჰქროდა.

მიტრუა შეძრწუნდა ამ გმინვით. სწრაფად წამოხტა და ბილიკისკენ გაემართა. წამს გაიფიქრა: „იქნება ქერბალაიმ ვერ იპოვა გიული, ისევ აქ არის და ეს ვაივაგლახი ჰკუდიან მეშლისო“.

შეუხვია თუ არა კლდის ფრთას, მიტრუა გაშეშდა. იმის წინ ჩასისხლიანებული გიული გულადმა ეგდო, რომლის კაბას და თმას ქარი უწყალოდ აფრიალებდა, და იმის გვერდით კი თვალებგადმოკარკლული, სახე ალექწილი ქერბალაის გვაში ეგდო, რომელსაც შიგ გულში ხანჯალი ჰქონდა გატარებული.

— გიული, გიული!.. — დაიკვილა მიტრუამ და მაგრად მოხვია ხელები გაცივებულ გიულის გვამს.

— ხაახახახახა!.. — დაჰხარხარა მიტრუას პასუხად ზევით, შთის წვერებიდან, ქარმა და შემდეგ გასწივლა, რაც შორს, შორს კენესად შეიცვალა...

„ესაა ჩვენი ცხოვრება!...“	3
მოგონება	11
ახალწლის ღამეს	18
სოფლად	26
აბრეშუმის ცხვირსახოცი	37
„მომილოცნია ახალი წელი!..“	58
„ჩემო შვინდავ!“	62
პარამ-ხანის სურათი	74
„ადამიანი!..“	82
„არ გეინდა, არა!“	102
„მამას მიწა მიეაყალეთ!..“	114
„ყველაი დაეკარგე!..“	118
„ჩემი ბრალი არ არის, ღმერთო!..“	129
„ვთუ ჩვენი ბრალიც!..“	155
„ადე, ჩამოვიდა!..“	162
„ის“	168
„მერე, რილათი იცხოვროს?!“	175
ღა-ძმა	193
„ქარი-კი ამ ღროს ზუოდა, კენესოდა და გმინადა.“	244
„ღმერთო, რა დაგიშავე?“	252
„ეჰ, ჭანდაბას ჩემი თავი და ტანი!..“	258
„...ხითხითებს და ხითხითებს“...	267
„...მხრები-ლა ავიჩეჩე...“	277
მელოს დღიურიდან	304
„ბეჩა, რადა მკლავე?!“	312
„კეშმარტადი!..“	318
„ღმერთო, დაილოცოს შენი სამართალი!..“	324
„ი... ყუ... ჩე!..“	327
„გმაღლობ, უფალო გმაღლობ!..“	329
„...მძულხართ...“	335
წერილის ნაგლეჯი	340
„ღირსი ვარ ამისა, ღირსი...“	343

„...სულ ერთია!..“	350
იუდა	371
ორი მკურნალი	384
„ბაბლო-კი“...	393
„გულცივობამ!..“	397
„რა ზიზლით მიცქერის!“	403
„ვეცხოვრობთ!..“	409
„ხა, ხა, ხა, რა სულელი ხარ!..“ .	425
ბენიერი დედა	430
„სიუულელეა!“	433
შემუსერილი სამი მცნება	438
პატარა პეპელა	450
გიული	454

Шно Арагвнспирели

Рассказы

(На грузинском языке)

Государственное издательство

„Сабчота Сакартвело“

Тбилиси

1962

რედაქტორი კ. ბობოხიძე
მხატვარი ა. სოხაშვილი
მხატვრული რედაქტორი გ. გორდელაძე
ტექნიკური ბ. სიხარულიძე

ხელმოწერილია დასაბეჭდად 6/XII-61 წ.
ქალაქის ზომა 84×108¹/₃₂. სააღრ. საგ. თაბახი 22,54.
ნაბეჭდი თაბახი 26,45. საავტორო თაბახი 22,07.
ტირაჟი 20 000. შეკვ. № 928.
ფასი I მან. 50 კპ.

საქ. სსრ კულტურის სამინისტროს
მთავარპოლიგრაფგამომცემლობის სტამბა № 1-ლი,
თბილისი, ორჯონიკიძის ქ. № 50.

1-я типография Главполиграфиздата
Министерства культуры Грузинской ССР.
Тбилиси, ул. Орджоникидзе, 50.